

Mushuj Testamento

El Nuevo Testamento
de nuestro Señor Jesucristo
en el idioma Quechua de Pano
Huánuco, Perú



La Liga Bíblica
Las Sagradas Escrituras para Todos


Wycliffe®

Las ilustraciones de las páginas 53, 305, 479 y el mapa del Templo son de Horace Knowles, © The British & Foreign Bible Society, 1954, 1967, 1972.

Las ilustraciones de las páginas 372 y 535 son de Horace Knowles revisada por Louise Bass, © The British & Foreign Bible Society, 1994.

Las ilustraciones de las páginas 40, 59, 107, 184, 229, 273 y 279 son de Louise Bass, © The British & Foreign Bible Society, 1994.

Las ilustraciones de las páginas 9, 10, 15, 25, 28, 43, 57, 81, 86, 93, 103, 118, 122, 123, 131, 141, 161, 191, 196, 198, 201, 208, 212, 214, 217, 226, 232, 235, 239, 250, 255, 259, 263, 277, 281, 292, 301, 321, 359, 427, 432, 449 y 472 se usan por cortesía de © David C. Cook Publishing Co., 1978.

Las ilustraciones de las páginas 92, 119, 142, 175 y 485 son de Graham Wade, © The United Bible Societies, 1989.

Las ilustraciones de las páginas 37, 51, 78, 83, 106, 110, 134, 148, 160 y 206 son de Darwin Dunham, © The United Bible Societies, 1989, Nairobi, Kenya.

El Nuevo Testamento
de nuestro Señor Jesucristo
en el idioma
Quechua de Panao

Primera edición,

© 2009, Liga Bíblica Internacional

www.ScriptureEarth.com

Creative Commons

Atribución - No Comercial- No Derivadas 3.0



Eres libre de:

copiar, distribuir y comunicar públicamente la obra

Bajo las condiciones siguientes

- **Atribución** — Debes reconocer la autoría de la obra en los términos especificados por el propio autor o licenciente.
- **No comercial** — No puedes utilizar esta obra para fines comerciales.
- **No Derivadas** — No está permitido que alteres, transformes o generes una obra derivada a partir de esta obra.

Con la comprensión eso:

- **Renuncia** — Un de los sobre condiciones puede ser renunciado si consigue el permiso del sostenedor de las derechos.
- **Otras derechos** — Están de ninguna manera los siguientes derechos afectadas por la licencia:
 - Las derechos del uso justo;
 - Las derechos morales del autor;
 - Las derechos que otras personas pueden tener en el trabajo mismo o en cómo se utiliza el trabajo, por ejemplo las derechos de publicidad o las derechos privadas.
- **Aviso** — Para obras reutilizadas o redistribuidos, tiene que avisar claramente estos términos de la licencia.

<http://creativecommons.org/licenses/by-nc-nd/3.0>

Tarinanchipaj

San Mateo	7
San Marcos	82
San Lucas	127
San Juan	202
Hechos	257
Romanos	324
1 Corintios	358
2 Corintios	387
Gálatas	405
Efesios	415
Filipenses	426
Colosenses	433
1 Tesalonicenses	440
2 Tesalonicenses	447
1 Timoteo	451
2 Timoteo	460
Tito	467
Filemón	471
Hebreos	473
Santiago	497
1 San Pedro	505
2 San Pedro	514
1 San Juan	519
2 San Juan	527
3 San Juan	529
San Judas	531
Apocalipsis	534
Tantiyacunanchipaj	567

Jesús pa willapanta San Mateo willacushan

Tantiyacunanchipaj:

Mateo cay libruta isquirbiran. Paypa juc-caj jutin caran Leví. Israel runa carpis, Roma marcapaj jillayta shuntaj. Chaypita Israel-masincuna chiquij. Chaypis purishinanpaj Jesús acracuran. Jesúsllawanna puriran. Cañan cashpan jipataraj Jesús pa alli willapanta isquirbiran Israel-masincunata tantiyachinanpaj. Mateupita musuyta munar, liguinqui: San Mateo 9.9–13; San Marcos 2.13–17; San Lucas 5.27–32.

Unaypita-pacha Israel runacuna ñacaychu juyar, juc Washäcujta shuyarpaycaran. Tayta Diosninchi aunish caran Washäcujta cáchamunanpaj. Chaymi Jesús Washäcuj cashanta Mateo musyachicuran.

Mateo isquirbiran:

- Jesús pa auquilluncunapita, yurishanpita: **San Mateo 1.1–2.23.**
- Jesús ushyacushanpita, Supay maquichacuyta camashanpita: **San Mateo 3.1–4.11.**
- Jesús willapäcushanpita, Tayta Diosninchi camacächiyinpa imatapis rurashanpita: **San Mateo 4.12–18.35.**
- Judea quinranächu Jesús willapäcushanpita: **San Mateo 19.1–20.16.**
- Jerusalén marcapa aywar Jesús willapäcushanpita, Tayta Diosninchi camacächiyinpa imatapis rurashanpita: **San Mateo 20.17–21.11.**
- Jerusalén marcachu Jesús caycashanpita: **San Mateo 21.12–25.46.**
- Jesús ta wañuchishanpita, cawarachimushanpita, purishijnincunawan tincushanpita, paycunata cáchacushanpita: **San Mateo 26.1–28.20.**

Jesús pa unay auquilluncunapita musyachicushan

San Lucas 3.23–38

1 ¹ Jesucristu caran mandaj David pa willcan, Abrahampa willcan. Canan Jesús pa auquilluncunata ricsicushun. Cay libruächu jutuncuna isquirbiraycan:

² Abraham churiyäcuran Isaacta. Isaacna churiyäcuran Jacobta. Jacobna churiyäcuran Judáta, waquin wauguincunatapis.

³ Judána churiyäcuran Faréstawan Zérata. Paycunapa maman caran Tamar. Farésna churiyäcuran Esrónta.

Esrónta churiyäcuran Aramta.
⁴ Aramna churiyäcuran Aminadabta. Aminadabna churiyäcuran Naasónta. Naasónna churiyäcuran Salmónta.
⁵ Salmónna warmin Rahabächu churiyäcuran Boozta. Boozna warmin Rutächu churiyäcuran Obedta. Obedna churiyäcuran Jeséta.
⁶ Jeséna churiyäcuran mandaj Davidta. Mandaj Davidna churiyäcuran Salomónta. Salomónna maman caran Urías pa warmin.

- ⁷ Salomónna churiyácuran
Roboamta.
Roboamna churiyácuran Abíasta.
Abíasna churiyácuran Asáta.
- ⁸ Asána churiyácuran Josafatta.
Josafatna churiyácuran Joramta.
Joramna churiyácuran Ocíasta.
- ⁹ Ocíasna churiyácuran Yotamta.
Yotamna churiyácuran Ajazta.
Ajazna churiyácuran Ezequíasta.
- ¹⁰ Ezequíasna churiyácuran
Manasésta.
Manasésna churiyácuran
Amóna.
Amónna churiyácuran Josíasta.
- ¹¹ Josíasna churiyácuran
Jeconíasta.
Jeconíaspa wauguincunapis
caran.
Jeconías cawashan wíchan
Babilonia runacuna Israel
runacunata marcanman apacáriran.
- ¹² Chay marcachu Jeconíaspa
wamran Salatiel yuriran.
Salatielna churiyácuran
Zorobabelta.
- ¹³ Zorobabelna churiyácuran
Abiudta.
Abiudna churiyácuran Eliacimta.
Eliacimna churiyácuran Azorta.
- ¹⁴ Azorna churiyácuran Sadocna.
Sadocna churiyácuran Aquimta.
Aquimna churiyácuran Eliudta.
- ¹⁵ Eliudna churiyácuran Eleazarta.
Eleazarna churiyácuran Matánta.
Matánna churiyácuran Jacobta.
- ¹⁶ Jacobna churiyácuran Joséta.
Joséga Maríapa majan caran.
Maríapita Jesús yuriran.

Jesústa ricsinchi: «Tayta
Diosninchi caçhamushan
Washäcuj» nir. *

¹⁷ Abrahampita mandaj David-
caman éhunca éhuscuwan (14) willca-
caman runacuna miraran. Mandaj
Davidpita Israelcunata Babilonia
marcaman apashancaman yapay
éhunca éhuscuwan (14) willcacaman
miraran. Chaypita Tayta Diosninchi
caçhamushan Washäcuj yurishan-
caman yapay éhunca éhuscuwan (14)
willcacaman miraran.

Jesús yurishan

San Lucas 2.1–7

¹⁸ Canan Jesucristupita tanti-
yacushun. Maríawan José
majachacänapaj parlanacush
caycaran. Ichanga manasi
yataptillan Espíritu Santu
camacächiptinmi, María jishyaj
ricacuran. ¹⁹ Mana yataycaptin María
jishyaj ricacuptin, José jaguircuyta
munaran. Payga Tayta Diosninchita
sumaj manchapacuran. Chaymi runa
washanta rimananta mana munar,
pacayllapa jaguircuyta munaran.

²⁰ Jaguiriya munaptin,
suyñuyllanchu Tayta Diosninchi
caçhamushan anjil niran: «José,
mandaj Davidpa willcan canqui.
Maríawan majachacayta ama
pingacuychu. Payga Espíritu Santu
camacächiptin, jishyaj ricacusha.
²¹ Wamranpis ullgu yuringa. Marca-
masincunata jucha aparicuytita
washanga. Chaymi: «Jesús» nir
jutinta échurapanqui.» *

* **1.16** Washäcuj ninanta griego rimaychu: «Cristu» nin. Hebreo rimaychüna: «Mesías» nin. «Mesías» nirsi, «Cristu» nirsi, Tayta Diosninchi caçhamushan washäcujpaj tantiyachinanchi. Israel runacuna shuyararan jäpa runacunapa maquinpita washänanta. * **1.21** Griego rimaychu: «Jesús» ninanta: «Yeshúa» nin. «Yeshúa» niptin, tantiyan: «Tayta Diosninchi washan» nir.



San Mateo 2.1–9

²²Llapanpis camacaran Tayta Dios-
ninchipa shimin çharcucānanpaj.
Paypa willacujnin unayna
musyachicuran:

²³ «Runa yatāni jipash jishyaj
ricacunga.

Ullguta jishyacunga.
Jutintana çhurapanga:
«Emmanuel» nir.

«Emmanuel» ninanga: «Tayta
Diosninchipa nuwanchiwan
iwal juyan» ninan.»*

²⁴José puñushanpita ricchapacurir
anjilpa shiminta wiyacur, Mariawan
majachacaran. ²⁵Wamran manaraj
yurishancaman Mariata mana
yataparanchu. Wamran yuriptin:
«Jesús» nir jutichaparan.

Tantiyaj runacuna mallwa Jesústa alliman çhurashan

2 ¹Judea quinran Belén marcachu
Jesús yuriran. Judea marcacuna
mandaj Herodespa maquinchu
caycaran. Chay wichan inti jigamu-
nanpita Jerusalén marcacaman
tantiyaj runacuna çhayaran. Paycuna
ima-imapaj istrilla cashantapis sumaj
tantiyaran. ²Jerusalén marcachüna
tapucuran: «Israel runacunapa
mandajnin, ¿maychütaj yurisha?
Marcäpita-pacha musyachicuj istrillata
ricamushcä. Chaymi ricsichimashan
mallwata alliman çhuraj shamushcä» nir

³«Israel runacunapa mandajnin,
¿maychütaj yurisha?» niptin,

* 1.23 Isaías 7.14.



San Mateo 2.11

mandaj Herodespis, Jerusalén marca runacunapis mancharicäcuran.

⁴Chaymi mandaj Herodes mayur cüracunata, Moiséspa shiminta yaçhajcunata jayachiran: «Tayta Diosninchi caçhamushan Washäcuj, ¿mayçhütaj yurinan casha?» nir.

⁵Tapuptin, niran: «Judá quinran Belén marcaçhüshi. Chayçu yurinanpäshi unay willacuj musyachicur isquirbiran:

⁶«Judá quinran Belén runacuna, waquin marca runacuna jatun-tucuptinsi, alli ricash canquipaj.

Marcayquiçu juc mandaj yuringa.

Paypa maquinçu llapan Israel runa cawanga.

Uysa michij ricashan-jina llapanta ricanga» nir.*

⁷Chaura yaçhajcunata pacay-llapa jayarcachir, mandaj Herodes tapuran: «¿Imaypitanataj istrüllata ricashcanqui?» nir. ⁸Imaypita

ricarishantapis willaycuptin, Belén marcaman caçharan: «Mallwa ashij mä, ayway. Tarirga, nuwatapis willa-manqui mallwata alliman çhuraj aywanäpaj» nir.

⁹Chaura chaynuy niptin, Belén marcapa aywacuran. Maypa aywananpäpis ricarij istrülla ñaupaparan. Ichanga mallwa yurishan marca ricänançu ichicuycuran. ¹⁰Istrülla ichicuy-cuptin, yaçhajcuna jatunpa cushicuran. ¹¹Wasiman yaycur, Mariata mallwantinta tariran. Mallwanpa ñaupanman jungurpacuycur, alliman çhuran. Jipinta pascarir, cuyachicuynin jurita, insinsuta, pirjümita juycuran.* ¹²Chaypita suyñuynillançu Tayta Diosninchi willaran mandaj Herodesman mana cutinanpaj. Suyñuyninçu willaycuptin jucläpa tumarcur, yaçhaj runacuna marcanman cuticärian. Mandaj Herodesman mana cutirannachu.

*2.6 Miqueas 5.2. *2.11 Mandaj cashanta yarpar, échaninyuj cuyachicuynincunata jararan.

**Egipto marcaman Mariáwan
José jishpicushan**

¹³Istrilla tantiyaj runacuna aywacuriptin, suyñuynillanču Tayta Diosninchí cáchamushan anjil Joséta niran: «Jatariy. Warmiquitawan mallwata Egipto marcaman jishpichicuy. Willaptiraj, cutimunqui. Mandaj Herodes wamrayquita wañuchinanpaj ashinga» nir.

¹⁴Chaynuy niptin, José jataricurcuran. Chay chacaylla warmin-tawan mallwanta pushacurcur, Egipto marcaman aywacuran.

¹⁵Egipto marcallaču mandaj Herodes wañushancaman tiyacuran. Chaynuy čharcunanpaj unay willacujninwan Tayta Diosninchí musyachicuran: «Egipto marcapita Wawäta jayamushcă» nir.

¹⁶Chaura istrilla tantiyajcuna mana čhayaptin, mandaj Herodes juyupa ullgucăcuran: «Istrilla tantiyajcuna llullapămasha» nir. Chaymi willashanta tantiyacurir, Belén marca quinranču iti wamracunata murucuncunawan wañuchiran. Ishcay watayujpita uraman llapan ullgu wamrata wañuchiran.

¹⁷Chaymi willacuj Jeremíasga shimin čharcucaran. Jeremíasga unayna niran:

¹⁸ «Ramá marcaču tiyaj runacuna ataran.

Atashanta llapan wiyan.
Raquelpa wawancunata
wañuchishanpita juyupa
wagaran.

Wawancuna ushyacashanpita
wagar amachaptinsi, mana
čhawaranchu.»*

**Egipto marcapita Mariáwan
José cutishan**

¹⁹Mandaj Herodes wañucuptinna Egipto marcaču José caycaptillanraj, suyñuynillanču Tayta Diosninchí cáchamushan anjil niran: ²⁰«José, jatariy. Warmiquita mallwantinta pushacurcur, Israel marcaman cuticariy. Wamrata wañuchiya munajcuna wañucushana.»

²¹Chaynuy niptin, José jataricurcuran. Warminta mallwantinta pushacurcur, Israel marcaman cuticuran. ²²Chay wichan Judea quinranta mandaj Herodespa wamran Arquelao mandaycaran. Chaymi Judea quinranman čhayayta José mana munaranchu. Tayta Diosninchí anjilninpis suyñuynillanču willaran Galilea quinranpana aywacunanpaj.

²³Willaptin, Nazaret marcaman juyaj aywacuran. Llapanpis camacaran willacujcunapa shimin čharcucănanpaj. Willacujcuna unayna niran: «Washăcujta ricsin-gapaj: «Nazaret runa» nir.»

**Jesúspita Ushyachicuj Juan
willacushan**

San Marcos 1.1–8;

San Lucas 3.1–9, 15–17;

San Juan 1.19–28

3 ¹Chaypita unayllata Judea quinran chunyaj pachaču Ushyachicuj Juan ricariran.

²Llapanta willapar niran:

«Juchayquipita wanacariy.
Tayta Diosninchí
jananchíčhünam.

Maquinčhünam purichimăshun.»

*2.18 Jeremías 31.15.

³Juan willacuran willacuj Isafaspa shimin charcucänanpaj. Isafasga unayna niran:

«Chunyajéñhümi juc runa
jayacuypa willacuycan:
«Taytanchi shamunanpaj
camaricuy.
Caminuta pichay.
Wicsu caminucunatapis
allchay.»»*

⁴Juanpa müdanan camillupa ajchanpita caran. Sinturunninpis jarachapita caran. Chaynuypis chunyajéchu tarishan chucluscunallatawan munti abijapa mishquillanta micuj. ⁵Jerusalén marcapita, Judea marcacunapita, Jordán mayu rajra quinranpita runacuna Juanpa shiminta wiyaj aywaran. ⁶Jucha aparicushanta mana pacaptin, Jordán mayúchu Juan ushyachiran.

⁷Fariseu runacunapis, saduceu runacunapis ushyacuyta munar chayaran. Chaypis Juan niran: «Supaypa wawancuna, ushyacurpis juchallaçu aruptiquiga, Tayta Diosninchí ñacachishunquipämi. Mana jishpinquipächu. ⁸Wanacushayqui musyacänanpaj Tayta Diosninchita manchapacur allillata rural caway. ⁹Ama chapacunquichu: «Abrahampa willcan caycanchi. Paypita Tayta Diosninchí alli ricaycämanchi» nir. Abrahampa willcan cananpäga Tayta Diosninchí rumitapis ticrarachinman wiyacuj cananpaj. ¹⁰Ushyacurpis juchapita mana wanacuptiqui, Tayta Diosninchipis jargurishunquipaj. Yüratapis mana sumaj wayuptin, jächawan muturij-muturijllana shuyaranchi. Muturir, ninaman

jaycurinchi. ¹¹Juchapita wanacushayqui musyacänanpaj yacullawan ushyachiycaj. Jucmi ichanga Espiritu Santuwanpis, ninawanpis ushyachishunquipaj. Payga munayniyujmi. Chaymi llanguinta apäshiyllatapis manchapacü.

¹²Juchapita wanacujcunata alli ñawinwan Tayta Diosninchí ricanga. Juchaçu arujcunatam ichanga mana upij ninaman jaycuringa. Sumaj tantiyacärinquiman. Ríguta wapyarpis, punshanta ruparachin. Muruntam ichanga wasinman shuntan.»

Jesústa Juan ushyachishan

San Marcos 1.9–11; San Lucas 3.21–22

¹³Chay wichan Jesús aywaran Galilea quinranpita Jordán mayuman Ushyachicuj Juan ushyachinanpaj. ¹⁴Ushyachiyta mana munar, Juan niran: «Tayta Jesús, mana ushyachijmanchu. Manchäga ushyachimanquiman.»

¹⁵Jesúsna niran: «Ushyachimay. Chayraj Tayta Diosninchipa shungun munashanta charcushun.» Chaymi Jesústa Juan ushyachiran.

¹⁶Ushyacuriycur yacupita Jesús llucshiriptin, janaj pachapa puncun quichacäcamuran. Espiritu Santuna paluma-jina Jesúsman chayaran.

¹⁷Janaj pachapitana nimuran: «Jesúsga cuyay Wawämi. Shungüman tincun.»

Jesústa Supay maquichacuyta camashan

San Marcos 1.12–13; San Lucas 4.1–13

4 ¹Chaypita chunyaj pachaman Espiritu Santu Jesústa aparan Supay maquichacuyta camananpaj.

* 3.3 Isaías 40.3.

²Jesúsqa chuscu chunca (40) pagas, chuscu chunca (40) junaj micuyta mana mallir, yargaranna. ³Chaypita juchacachicuj Supay chayarcur, niran: «Tayta Diosninchipa Wawan car, cay rumita tantaman mä, ticiarachiy.»

⁴Jesúsna niran: «Tayta Diosninchipa shimin nin:

«Runa mana tantallawanchu cawan.

Manchäga Tayta Diosninchipa shiminta wiyacurpis cawan.»»*

⁵Chaypita Jerusalén marcamanna Jesústa Supay aparán. Tayta Diosninchipa wasinpa siswanman ichichiran. Jinarcu niran: ⁶«Tayta Diosninchipa Wawan car, pachaman mä, jigacurpuy. Tayta Diosninchipa shimin nin:

«Anjilnincunata Tayta Diosninchica chamunga washashunayquipaj. Chaquiqui rumiman mana tacacunanpäpis maquinwan charishunquipaj.»»*

⁷Jesúsna niran: «Tayta Diosninchipa shimin nin:

«Tayta Diosninchita maquichacuyta amacamanquiman.»»*

⁸Chaypita jatunnin puntamanna Jesústa Supay aparán. Jatun marcacunata ima-aycancunatawanpis ricachiran. ⁹Jinarcu niran: «Ñaupäman jungurpaycur alliman churamaptiqui, llapan marcäcunata juycushayqui. Maquiquichu purichinquipaj.» ¹⁰Jesúsna niran: «Washata

ayway, Supay. Tayta Diosninchipa shimin nin:

«Tayta Diosnillanchita manchapacunquiman. Paypa maquillanchu cawanquiman.»»*

¹¹Jarguriptin, supay aywacuran. Anjilcunana Jesúsman chayarcu, pishishanta tarichiran.

Jesús willapäcuyta jallaycushan

San Marcos 1.14–15; San Lucas 4.14–15

¹²Ushyachicuj Juanta carsilchu wichgachishanta mayar, Galilea quinranmanna Jesús cuticuran.

¹³Ichanga Nazaret wasinman mana chayarancho. Manchäga Cafarnaún marcaman tiyaj aywacuran.*

Cafarnaún marca Galilea püsu cantunchu caran. Chay quinranchu Zabulónpa yawar-masincuna, Neftalípa yawar-masincuna tiyaran.

¹⁴Cafarnaún marcachüna Jesús tiyaran willacuj Isaíaspa shimin charcucänanpaj. Isaíasga unayna niran:

¹⁵«Galilea runacuna, sumaj wiyacunquiman.

Wiyacunquiman Zabulónpa yawar-masin carpis, Neftalípa yawar-masin carpis, Jordán mayu wajtancho tiyarpis, Galilea quinran jäpa runacunapa marcancho tiyarpis.

¹⁶ Shunguyqui yanayash caycan juchacho cawashayquipita. Chaypis Washäcuj chayamuptin, shunguyqui achicyacunga.

*4.4 Deuteronomio 8.3. *4.6 Salmo 91.11–12. *4.7 Deuteronomio 6.16.

*4.10 Deuteronomio 6.13. *4.13 Cafarnaún marcata waquin Bibliächo nin: «Capernaúm.» Waquinchüna: «Cafarnaúm» nin.

Juchata aparicushayquipita
wañuy janayquichu caycasha.
Chaypis achquipäshunayquipaj
Washäcuj éhayamushana.»*

¹⁷Isaíaspa shiminta éharcur
Tayta Diosninchipa shiminta
willapäcur, Jesús niran: «Juchay-
quipita wanacäriy. Tayta Diosninchi
shuyaraycämanchina. Maquincháuna
purichimäshun.»

**Purishinanpaj éhucuj piscädu
charijcunata Jesús jayashan**

San Marcos 1.16–20; San Lucas 5.1–11

¹⁸Galilea püsu cantunpa ayway-
cashanchu Jesús ricaran «Pedro»
nishan Simónta, wauguin Andrésta-
ima. Piscädu charij car, ridinta
yacuman jitarcaycaran. ¹⁹Jesúsna
niran: «Purishimay. Piscäduta
charishayqui-jina runacunata
shuntanquipaj Tayta Diosninchipa
maquinchu cawanapaj. Chaytaga
quiquimi camacächishaj.» ²⁰Chaura
ridinta jaguiriycur, Jesúswan
aywacuran.

²¹Washlänijta aywaycashanchu
Santiagutawan Juanta bütillachu
ridinta allcharcaycajta tariran.
Paycunapa taytan caran Zebedeo.
Ridinta allchaycajta Jesús jayaran.
²²Jayaptin papänin Zebedeuta
büti chu jaguiycur, Jesúswan
aywacäriran.

²³Galilea quinranchu marcan-
marcan Jesús puriran. Shuntacäna
wasicunachüpis Tayta Diosninchipa
alli willacuyninta willapäcuran.
Jishyaächucunatapis allchacächiran.
Nanapäcujcunatapis allchacächiran.

²⁴Jesús ima-imata rurashanta
llapan Siria runacunapis mayaran.

Chaymi apamuran nanächicuj-
cunata, jishyaächucunata, supay
puellacushan runacunata,
wañupayyujcunata, cumllucash-
cunata. Ima jishyawan jishyaptinsi,
llapallanta Jesús allchacächiran.
²⁵Chaymi chay-tucuy pita éhayar,
achcaj runa Jesústa jatirpararan.
Jatirpararan: Galilea runacunapis,
Decápolis runacunapis, Jerusalén
runacunapis, Judea runacunapis,
Jordán mayu chimpanchu tiyaj
runacunapis.

Jesús willapäcushan

San Lucas 6.20–23

5 ¹Chay-chicaj runata ricar
pataman jigarcu, Jesús
jamacuycuran. Purishijnincuna
jutupaycuptin, ²tantiyachicur Jesús
niran:

³ «Pishipacujcuna,
cushicärinquiman. Llapan
shunguyquiwan yupachi-
cuptiqui, Tayta Diosninchi
yanapaycäshunqui.
Maquinchümi
cawaycächishunqui.

⁴ Ñacajcuna, cushicärinquiman.
Llaquicur wagapti-
quisi, Tayta Diosninchi
yanapaycäshunqui.
Shacyaycächishunqui.

⁵ Éhacraynaj, wasiynaj runacuna,
cushicärinquiman.
Pampa runa capti-
quisi, Tayta Diosninchi
yanapaycäshunqui. Maqui-
quimanmi cay pachatapis
éhuranga.

⁶ Wañuy-caway Tayta Dios-
ninchipa shungun

* 4.15–16 Isaías 9.1–2.



San Mateo 5.1–7.28

munashannuy cawayta
ashijcuna, cushicärinquiman.
Tayta Diosninchi
yanapaycäshunqui.
Shunguyqui munashantapis
tarichishunqui.

⁷ Llaquipäcujcuna,
cushicärinquiman.
Tayta Diosninchi
yanapaycäshunqui. Sumaj
llaquipaycäshunquim.

⁸ Shungunchu juchata
mana pacajcuna,
cushicärinquiman.
Tayta Diosninchi
yanapaycäshunqui. Quiquin-
wanmi tincunquipaj.

⁹ Pï-maytapis amachajcuna,
cushicärinquiman.

Tayta Diosninchi
yanapaycäshunqui. Payga
wamrachacushunquim.

¹⁰ Tayta Diosninchipa shungun
munashanta rurajcuna,
cushicärinquiman.
Runacuna ñacachishup-
tiquisi, Tayta Diosninchi
yanapaycäshunqui.
Maquinchümi
puriycächishunqui.

¹¹ «Wiyacamashayqui-janan
ashllishuptiquisi, chiquir ushya-
shuptiquisi, imapita tumpa-
shuptiquisi, cushicärinquiman.

¹² Ñacachishushayqui-jina chiqui
runacuna Tayta Diosninchipa unay-
unay willacujnincunatapis ñacachir
ushyaran. Janaj pacha chümi ichanga

Tayta Diosninchichi alli cawayta shuyaraycächishunqui. Chaymi sumaj cushicärinquiman. Shunguy-quicunapis achicyacärinman.

**Caçhiwan, achquiwan
tincuchiypa willapäcushan**

San Marcos 9.50; San Lucas 14.34–35

¹³«Jamcuna caçhi-jina carcay-canqui. Caçhipa puchguynin illariptin, ¿yapay puchguyninman cutichinquimanchuraj? Mana. Puchguynin illariptin, wicaparin. Runacuna lluchear ushyan.

¹⁴«Tayta Diosninchipa shiminta wiyacushayquipita achquita alli ricashan-jina jamcunatapis llapan runa alli ricashunquiman. Juc patachu marca captinshi, llapan runa rican. ¹⁵Achquita ratarcachir, pipis manash manca rurinman çhuranmanchu. Manchäga wasichu llapanta achicyänapaj patacmanshi çhuran. ¹⁶Achqui allipaj cashan-jina jamcunapis alli shungu canquiman. Alli shungu cashayquita ricar, janaj pachaçu tiyaj Tayta Diosninchitapis llapan runa alliman çhura.

**Moiséspa shiminpita
Jesús willapäcushan**

¹⁷«Sumaj tantiyacunquiman. Mana Moiséspa shiminta, unay willacuj-cunapa shiminta ushyacächijchu shamushcä; manchäga llapanta alliman camacächijmi. ¹⁸Cay pachawan janaj pacha mana ushyacaptillan, Moiséspa shimin çharcucanga Tayta Diosninchipa shimin cashpan. Mana ichicllapis jungacangachu. ¹⁹Chaymi pipis Tayta Diosninchipa shiminta llapanta

çharcupis juc-ishcayllatasi pantaptin, Tayta Diosninchipis manaricaj-tucungachu. Juc-ishcayllata mana wiyacunanpaj shimiyajcunatapis Tayta Diosninchichi manaricaj-tucungachu. Shiminta wiyacuj-cunatawan sumaj yaçhachicujcunatam ichanga alli ricar, maquinchu cawachinga. ²⁰Fariseucunapis, Moiséspa shiminta yaçhaju-napis janan-janallan Tayta Diosninchipa shiminta wiyacun. Tayta Diosninchipa ñaupanman çhayanayquipämi ichanga llapan shunguyquiwanraj wiyacunquiman.

Chiquinacuypita willapashan

San Lucas 12.57–59

²¹«Mä, wiyamay. Unay auquillunchicunata Moisés niran: «Ama wañuchicunquichu. Wañuchicujpa juchan jurgapash canga.»*

²²Canan nuwana willashayqui. Shungullanchu warmijcunapa, ullgijcunapa juchantapis Tayta Diosninchichi jurgapanga. Runa-masinta ashllicujcunata mayur Israel runacunapa ñaupanman çhayachinga. Pipis runa-masinta ashllir: «Upa. Tacra» nir pampaman çhuraptin, chacaj pachaman çhayanga. Ninachu Tayta Diosninchichi ñacachinga.

^{23–24}Chaymi: «Tayta Diosninchichi cuyachicuyñita jarashaj» nir runa-masiquiwan jagayächinacush caycar, ama çhuranquirächu. Manchä juella ushyacächinquiman. Jinarcurraj cuyachicuyñiquita Tayta Diosninchichi jaranquiman.

²⁵«Pipis dimandashuptiqui jatunman mana çhayallar, juella ushyacächinquiman. Manchäga

* 5.21 Éxodo 20.13; Deuteronomio 5.17.

juiswan charichishunquipaj. Juisga murucucunawan carsilman apachishunquipaj. ²⁶Carsilpita llap-llapanta pëgarraj llucshimunquipaj. Chayta sumaj tantiyacunquiman.

Jananpachicuyпита willapashan

²⁷«Moiséspa shiminta musyanqui. Shimin'chu nin: «Majayquita ama jananpachinquichu.» ^{*} ²⁸Canan nuwana willashayqui. Pipis juc warmiwan cacuyta yarpar, mayna shungullan'chu juchata aparicusha. Majanta jananpachishana. ²⁹Chaymi ñawiqui juchata aparicachishuptiqui ujtirir wicapariptiqui, alli canman. ^{*} Ñawiyuj caycar chacaj pachaman aywanayquipita ñawiquita wicapariptiqui, alli canman. Manchäga chacaj pacha'chu ñacanquipaj. ^{**} ³⁰Maquiquipis juchata aparicachishuptiqui muturir wicapariptiqui, alli canman. Maquiyuj caycar ñacayman aywanayquipita maquiquita muturir wicapariptiqui, alli canman. Manchäga chacaj pacha'chu ñacanquipaj.

Raquicayпита willapashan

San Mateo 19.9; San Marcos 10.11–12;

San Lucas 16.18

³¹«Moiséspa shiminta ya'chacushcanqui. Shimin'chu nin: «Pipis warminta jaguirir, actaman jamachinman.» ^{*} ³²Canan nuwana willashayqui. Juc runa majanta jaguiriycur jucwan jananpachiptillanraj, jaguirinman. Manchäga mana camacanchu. Jaguirirga, jucha aparicuyman warminta chayachin.

Juc runatana éhasquir, juchaman échayan. Runan jaguirish warmiwan majachacaj runapis juchata aparicun.

Ishcay-quimsata rimashanпита willapashan

³³«Unay auquillunchicunata Moisés niran: «Ama llullacunquichu. Manchäga shimiquita éharcunquiman. Tayta Diosninchipa ñaupañchu aunishcanqui.» ³⁴Canan nuwana willashayqui. Imatapis aunir, janaj pachaman ama ricarinquichu. Janaj pachaga Tayta Diosninchipa wasin. ³⁵Éhacrayquitapis ama auninquichu. Éhacracunapis Tayta Diosninchipa maquin'chümi. Jerusalén marcamanpis ama ricarinquichu. Jerusalén marcapis munayniyuj Tayta Diosninchipa maquin'chümi. Paypa marcanmi. ³⁶«Mana éharcupti, wañurachimanqui» ama ninquichu. Cawayniquipis Tayta Diosninchipa maquin'chümi. Ajhayqui yana cananpäpis, yuraj cananpäpis quiquin camasha. Jucnayllatasi rucayta mana junquimanchu. ³⁷Rimacuytiquiga juc shimilla cachun. Aunir, ama cutiricunquichu. «Mana» aunirpis, ama auninquinachu. Ishcay-quimsata rimar, supay yarpashanta rimaycanqui.

Chiquicuyпита willapashan

San Lucas 6.29–30

³⁸«Moiséspa shiminta musyanqui. Shimin'chu nin: «Maganacur, iwal cutichinacunqui. Ñawiyquichu

^{*} **5.27** Éxodo 20.14; Deuteronomio 5.18. ^{*} **5.29** Israelcuna yarpaj dir'cha maquin, dir'cha ñawin bälj cashanta. ^{**} **5.29** Chacaj pachata griego rimay'chu nin: «Gehenna.» Waquin Biblia castillänu'chu nin: «infierno.» ^{*} **5.31** Deuteronomio 24.1–4.

chayachishuptiqui, ñawillanchu cutichinqui. Quiruyquichu chayachishuptiqui, quirullanchu cutichinqui.* Canan nuwana willashayqui. ³⁹Pipis magashuptiqui, ayninta ama cutichinquichu. Juc-caj jajllayquichu lajyashuptiqui, juc-cajlätana camapunqui. ⁴⁰Camsayquita jíchushunayquicashan dimandashuptiqui, punchuyquitapis jaguipaycunquiman. ⁴¹Juc murucu juc liwacaman jipinta apachishuptiqui, ishcaj liwacaman aparcunquiman. ⁴²Mañacushuptiqui, tarichinquiman. <Challimay> nishuptiqui, ama upa-tucunquimanchu.

Chiquicujcunata alli ricananpaj willapashan

San Lucas 6.27-28, 32-36

⁴³«Moisésa shiminta musyanqui. Shimínchu nin: <Yáchänacushayquita alli ricanqui. Juyucunatam ichanga chiquinqui.>* ⁴⁴Canan nuwana willashayqui. Pipis chiquishuptiqui, llaquipanquiman. Juyu ñawinpa ricashuptiquisi, alli ñawiquipa ricanqui. Paycunapaj Tayta Diosninchita mañacunqui alli cawayta tarichinanpaj. ⁴⁵Chayrämi Tayta Diosninchipa wawan cashayqui musyacanga. Payga alli runacunapäpis, juyu runacunapäpis intita achicyächimun. Chaynuypis shiminta wiyacujcunapäpis, mana wiyacujcunapäpis tamyachimun.

⁴⁶«Yáchänacushallayquiwan llaquipänacur, ¿rasunpachuraj llaquipayta yáchanqui? Mana. Aynillanta cutiyächinqui. Chiqui runacunapis yáchänacusha-

llanwan alli ricanacun.*

⁴⁷Ricsinacushallayquiwan wamayänacur, ¿allitachuraj ruraycanqui? Mana. Aynillanta cutiyächinqui. Tayta Diosninchita mana manchapacujcunapis ricsinacushallanwan wamayänacur. ⁴⁸Chaymi Tayta Diosninchil laquipäcuj cashan-jina, allillata ruraj cashan-jina, jamcunapis llapan runa-masiquita llaquipanquiman. Alli ricanquiman.

Pishipacujcunata tarichiypita willapashan

6 ¹«Runa ricanallanpaj ama allitucuychu. Runa ricanallanpaj ruraptiqui, janaj pachachu tiyaj Tayta Diosninchita mana imatapis tarichishunquipächu. ²Chaymi pishipacujta jarar, willacuräcur ama purinquichu. Janan shungu runacuna nalla cällicunaächüpis, shuntacäna wasicunaächüpis willacuräcur purin. Chay-niraj cashanpita runamasin alli ricaptin, ashishanta mayna tarisha. Chaymi Tayta Diosninchita imatapis mana tarichinganachu. Chayta sumaj tantiyacunquiman. ³Chaura wacchata jarar, pitapis ama musyachinquichu. ⁴Llaquipäcuj cashayquita mana willacuptiquiraj Tayta Diosninchishunguyquita musyapar, imatapis tarichishunquipaj.

Tayta Diosninchita mañacuypita tantiyachishan

San Lucas 11.2-4

⁵«Tayta Diosninchita mañacur, janashungu runacuna-jina ama

* 5.38 Éxodo 21.24; Levítico 24.20; Deuteronomio 19.21. * 5.43 Levítico 19.18.

* 5.46 «Chiqui runa» niptin, waquin Bibliachu nin: «publicano, cobrador de impuestos.»

ruranquichu. Paycunaga runa ricana-llanpaj shuntacäna wasicunačhüpis, cällicunačhüpis içhicaycärir Tayta Diosninchita mañacun. Chay-niraj cashanpita runa-masin alli ricaptin, ashishanta mayna tarisha. Chaymi Tayta Diosninchichi imatapis mana tarichinganachu. Chayta sumaj tantiyacunquiman. ⁶Tayta Diosninchita mañacushayquita shungullayqui musyaranman. Wasi puncuyquita wičhgacurcur, mañacunqui. Pacayllapa mañacushayquita ricar, Tayta Diosninchichi imatapis tarichishunquipaj.

⁷«Juc rimashallayquita cutiparir-cutiparir Tayta Diosninchita ama mañacunquichu. Jäpa runacuna Tayta Diosninchichi pĩ cashantapis mana musyar, yarpan: «Cutiparir-cutiparir mañacuptiräshi, Tayta Diosninchichi wiyamanga» nir. ⁸Chay-niraj runacuna yarpashanta ama jatinquichu. Ima-imata mañacunanchipaj cashantapis mayna Tayta Diosninchichi musyaycan. Shiminchichi mana pashtapacuptillanraj, musyaycanna. ⁹Chaymi Tayta Diosninchita mañacur ninqui:

«Papäninchi,
Janaj pachaču tiyajmi canqui.
Llanpapis
manchapacucüllashunqui.

¹⁰Maquiquiču cawaycachillamay.
Janaj pachaču
wiyacushushayqui-jina
cay pachačhüpis llapanmi
wiyacüllashunqui.

¹¹Waran-waran cawanäpäpapis tariy-
cachillamay, ari.

¹²Juchäcunatapis ama
yarparaynachu.
Manchäga chiquimajcunata
alli ricashä-jina alli
ricaycallamay.

¹³Juchaman échayanätapis ama
camacaycachillaychu.
Manchäga Supaypa maquinpita
washaycallamay.»

¹⁴«Runa-masiquiwan imatapis alli
shimillayquipa ushyacächiptiqui,
Tayta Diosninchipis llapan juchay-
quita junganga. ¹⁵Quiquiqui-pura
mana ushyacächiptiquim ichanga,
Tayta Diosninchipis juchayquita
mana jungangachu.

Ayünupita tantiyachishan

¹⁶«Ayünar, llaquish-niraj ama
canquichu. Janan shungu runacuna-
jina ama canquichu. Paycunaga
ayünashanta runacuna musyananpaj
llaquish-tucur purin. Chay-niraj
cashanpita runa-masin alli ricay-
captin, ashishanta mayna tarisha.
Chaymi Tayta Diosninchipita
mana imatapis éhasquinganachu.
Chayta sumaj tantiyacunquiman.

¹⁷Jamcunam ichanga ayünar,
umayquita pajpacurir ñajchacunqui.
Jajllayquitapis mayllacunqui.

¹⁸Chaura ayünashayquita pipis mana
tantiyangachu. Tayta Diosninchim
ichanga pacayllapa mañacushay-
quita ricar, imatapis tarichishun-
quipaj. Payga llapan runapa
shungunta musyapan.

Ricashanchiman mana

yupachicunanpaj

San Lucas 12.33-34

¹⁹«Cay pachallaču ricuyaytapis,
ima-aycatapis ama ashinquichu.
Caychüga imanchicuna mupallin.
Puyun. Suwapis apacun. ²⁰Chaymi
cay pachaču imatapis ama échuracun-
quichu. Manchäga janaj pachaman
échuracunqui. Runa-masiquita
llaquipar yanapashayquita Tayta

Diosninchí ricanga. Ricaptínga, mana mupallínchu. Mana puyunchu. Suwapis mana apanchu. ²¹Sumaj tantiyacunquiman. Runaga shungun imata munashallanta yarparácun.

²²«Achquiga shimiwan tincun. Ñawinchiwan llapantapis ricanchi. Ñawinchi achquita ricaptin, shungunchipis achicyacácun. Shunguyquiman shimi éhayaptin, Tayta Diosninchipa shungun munashanta tantiyacunquipaj. Shunguyquiman mana éhayaptinmi ichanga, jucha aruyllaóchu cawanquipaj. ²³Ñawinchi chacash captin, rama-ramalla ricashanchi-jina juyu shungu cashanchipis ricacan Tayta Diosninchipa shungun munashanta mana ruraptinchi. Ñawinchi japra captin, allita, mana allitapis mana tantiyacushunpáchu.

²⁴«Juc runa ishcaj patrunpa maquinóchu mana cawanmanchu. Ishcanwan shungun mana tincunmanchu. Ishcajpa maquinóchu cawar, juc-cajpita carupayllapa purir, juc-cajllamanna jillicurcunga. Juc-cajta pampaman échurar, juc-cajllatana alli ñawinwan ricanga. Jamcunapis jillayllaman yarparar, Tayta Diosninchita jungaycäinquipaj.

²⁵«Canan sumaj willapáshayqui. Ama llaquicunquichu: «¿Imawanraj cawashaj? ¿Imataraj micushaj? ¿Imataraj ushtucushaj?» nir. Cawaycar páchayquipaj pishiptinpis, janayquipaj pishiptinpis, ama llaquicunquichu. ²⁶Pichuysacunata mä, ricacushun. Paycuna mana murupacunchu. Mana pallapacunchu. Murutapis mana échuracunchu. Imatapis mana ruracuycaptinsi, Tayta Diosninchí micunanta camapan. Pichuysacunata camapay-

carga, ¿pishíchishunquimananchuraj? Mana. Tarichishunquipämi.

²⁷«May-jina llaquicurpis wañuy éhayamuptin, mana jishpinquipáchu: «Cawapärishäraj» nir. ²⁸Müdanayquipaj ama yarpaóhacunquichu. Waytacunata mä, ricacushun. Waytacunaga mana arucuycarsi, mana puchcacuycarsi cuyayllapaj waytan. ²⁹Wayta cuyayllapaj cashanman unay mandaj Salomónpis mana tincurancho achic-achicyaycaj müdanash caycarsi. ³⁰Waytacuna juc-ishcaj junajllapämi. Juc junaj cuyayllapaj waytan. Waraninna capllupäna chaquicácun. Nircur tullpallaóchu ushyacácun. Chaypis Tayta Diosninchí cuyayllapaj waytachin. Chaynuy caycaptin, ¿jamcunata Tayta Diosninchí pishíchishunquimananchuraj? Mana. Chaymi sumaj yupachicäinquiman. ³¹Ama llaquicunquichu: «¿Imataraj micushaj? ¿Imataraj upushaj? ¿Imataraj ushtucushaj?» nir. ³²Tayta Diosninchiman mana yupachicuj-cunallam chaycunapaj llaquicun. Jamcunam ichanga Tayta Diosninchiman yupachicunqui. Payga imalla pishíshushayquitapis mayna musyaycan. ³³Chaymi maquillanóchu cawanquiman. Shungun munashallanta rurar cawanquiman. Maquinóchu purichishushpayqui pishijcunatapis tarichishunquipaj. ³⁴Chaymi: «Wara-warantin, ¿imanuyraj cawashaj?» nir ama llaquicunquichu. Wara-warantinpis cawashayquinuylla cawanquipaj.»

Jamurpaypita tantiyachicushan

San Lucas 6.37–38, 41–42

7 ¹«Runa-masiquita pampaman mana échuraptiqui, Tayta Diosninchipis pampaman

mana éhurashunquipächu.
²Runa-masiquita pampaman éhurashayquiman-tupu Tayta Diosninchipis pampaman éhurashunquipaj. Runa-masiquita juyu ñawiquiwan ricashayquiman-tupu Tayta Diosninchipis juyu ñawinwan ricashunquipaj. ³Mä, tincuchiypa tantiyacushun. Quiquiquipa ñawiquichu cullu jatiraycaptin, ¿jucpa ñawinpita pujrita jurgapunquimanchuraj? Mana. ⁴Quiquiquipa ñawiquichu cullu caycaptin, ¿imanuyparaj runa-masiquita ninquiman: «Ñawiquipita pujrita jurgapushayqui?» ⁵Chaynuy nir, juchaynaj-tucurcaycanqui. Ñawiquipitaraj culluta jurgunquiman runa-masiquipa ñawinpita pujrita jurgapunayquipaj. Chay-jina juchaçu cawaycarga, jucpa juchanta ama jurgapanquichu.

⁶«Tayta Diosninchipa shiminta mana wiyacujcunata ama willapanquimanchu. Quishatapis allguta mana jaranchichu. Jaraptinchi, caniramäshuwan. Achic-achicyaycaj rumipita piñitapis cuchicunata mana wallgapanchichu. Wallgapap-tinchi, achicyaycaj rumi piñitapis lluchear ushyarinman. Chay-jina mana wiyacujcunapis Tayta Diosninchipa shiminta pampaman éhuranga. Allita willapaptiqui, ticrapushunquiman.

**Mana yamacällar
mañacunanpaj cashan**

San Lucas 11.9–13; 6.31

⁷«Mañacuptiqui, Tayta Diosninchijushunquipaj. Ashiptiqui, tarichishunquipaj. Jayacuptiqui, puncuta quiéchapushunquipaj.
⁸Mañacujcunaga échasquinmi.

Ashijcunaga tarinmi. Jayacujcunataga puncuta quiéchapunmi. ⁹Mä, tapushayqui. Wawayquicuna tantata mañacushuptiqui, ¿rumitachuraj aptaparcunquiman? ¹⁰Piscäduta mañacushuptiqui, ¿wañuchicuj curutachuraj aptaparcunquiman? ¹¹Jamcuna jucha-sapa carcaycarsi, wamrayquicunata allita jaranqui. Tayta Diosninchipis llaquipäcujmi. Mañacuptiquiga, quiquinmi janaj pachaçu caycashpan alli-allillata tarichishunquipaj.

¹²«Alli ricashunayquita munashayqui-jina runa-masiquitapis alli ricanquiman. Alli ricanacunanchipämi Moiséspa shiminpis, unay willacujcunapa shiminpis willapämanchi.

**Quiéchqui puncuwan
tincuchishan**

San Lucas 13.24

^{13–14}«Quiéchqui puncupa yaycuy sasa cashan-jina Tayta Diosninchipa maquinchu puriyga sasa. Paypa shungun munashannuy cawar, ñacanquipaj. Chaymi wallcajlla quiéchqui puncupa yaycun. Paycunalla imaycamanpis Tayta Diosninchipa maquinchu cawanga. Jatun puncupa yaycuyga mana sasachu. Ichanga ushyacayman éhayan. Chaypis achcaj runa jatun puncupa yaycushan-jina quiquinpa shungun munashallanta rural cawan. Chaymi ushyacayman mana éhayanayquipaj quiéchqui puncupa yaycuy.

Wayuyninpita ricsichicushan

San Lucas 6.43–44

¹⁵«Pipis pantachishurunquiman: «Tayta Diosninchipa shiminta willapäcuycä» nir. Paycunaga micucuj

liyun-jina caycarsi, shuti uysha-jina
 chayapushunquipaj: <Tayta Dios-
 ninchipa shungun munashallanta
 rurashun> nillar. ¹⁶Ichanga ruracuy-
 ninpa, cawacuyninpa ricsican.
 ¿Mishqui übasta wangurpitachuraj
 pallanchi? ¿Durashnutapis wirca-
 cashapitachuraj pallanchi? ¹⁷Rüta
 yüra mishquijta wayun. Casha
 jáchapis asgajta wayun. ¹⁸Rüta
 yüra asgajta mana wayunmanchu.
 Casha jáchapis mishquijta mana
 wayunmanchu. ¹⁹Cashayuj jáchata
 cuchurin. Ninaman jaycurin. ²⁰Casha
 jáchacunata wayuyninpa ricsishayqui-
 jina pantachicujcunatapis ruracuy-
 ninpa, cawacuyninpa ricsinquipaj.

**Tayta Diosninchipa ñaupanman
 chayananpita willapashan**

San Lucas 13.25–27

²¹«<Taytallau Tayta> nimaj runacuna
 mana llapanchu Tayta Diosninchipa
 ñaupanman chayanga imaycamanpis
 maquinchu cawananjaj. Papänipa
 maquinchu shungun munashanta
 rurajcunalla cawanga. ²²Cay pacha
 ushyacaptin, llapan runapa juchanta
 jurgapashä junaj achcajmi nimanga:
 <Taytallau Tayta, nimashayquinuylla
 shimiquita willapäcushcä. Yächachi-
 mashayquinuylla supaycunata jargur,
 pucllacushancunata allchacächishcä.
 Camacächishayquinuylla runa mana
 rurashancunata rurashcä.> ²³Nuwam
 ichanga nishaj: <Juchaçu arujcuna,
 ¿piraj cacullanquipis? Ricaytapis
 mana munallajchu. Washata ayway.>

**Wasi rurajcunawan
 tincuchishan**

San Marcos 1.22; San Lucas 6.47–49

²⁴«Shimïta wiyacujcunata alli
 wasita rurajwan tincuchi. Wasita

alli rural, rumiwan simintuta
 jallarachin. ²⁵Rumi jananchu wasi
 tapyarar, mana juçhunchu. Chigaypa
 tamyar llujlla chayaptinsi, mayu
 chayaptinsi, chicchinpa pücaptinsi,
 wasi mana juçhunchu. Llapantapis
 ichipun rumiwan simintuta jallarish
 captin. ²⁶Shimïta mana wiyacujcu-
 natam ichanga upa rinri runawan
 tincuchi. Upa runaga ñushya allpa-
 lllaman wasinta jatarachin. ²⁷Chaymi
 tamyar llujlla chayaptin, mayu
 chayaptin, chicchinpa pücaptin,
 wasin juçhucäcun. Llapallan
 ushyacäcun.»

²⁸Rimayta ushyarauptin,
 llapan runa cushicurán:
²⁹«Moisésa shiminta yachajcuna
 willapäcushanta mana tantiyan-
 chichu. Jesús willapäcushanmi
 ichanga shungunchiman sumaj
 chayán» nir.

**Jaraçu jishyay runata Jesús
 allchacächishan**

San Marcos 1.40–45; San Lucas 5.12–16

8 ¹Sumaj willapäcurir puntapita
 yarpuptin, achcaj runa
 Jesúsapa jipanpa aywaran. ²Jaraçu
 jishyay runapis Jesúsata taripar
 ñaupanman jungurpacuycur, niran:
 «Llaquipämashpayqui allchacayca-
 chillämay. Tayta Diosninchipa ricay
 ñawinchüpis alli cayta munä.»

³Jesúsna llaquipashpan
 maquinwan yataycur, niran: «Llaqui-
 pajmi. Allchacayna.» Niptin, jaraçu
 jishya illaricäcuran. Allchacäcuran.
⁴Jinarcu Jesús niran: «Ama pitapis
 willapanquichu. Manchäga cüraman
 ayway. Moisésa shiminta charcur
 cuyachicuyniquitapis Tayta Diosnin-
 chita jaray. Chayraj llapanpa ricay
 ñawinchu alli canquipaj.»

**Capitanpa uywayninta Jesús
allchacächishan**

San Lucas 7.1–10; San Juan 4.43–54

⁵Cafarnaún marcaman Jesús éhayaycaptin, Roma murucucunapa capitannin éhayapuran. Éhayarcu mañacuran: ⁶«Tayta, uywayni jishyaycan. Chaquinta, maquinta mana cuyuchinchu. Juyupa nanächicun» nir.

⁷Jesúsna niran: «Wasiquiman aywashun. Allchacächishaj.»

⁸Capitanmi ichanga niran: «Wasiman éhayanyqui mana camacanchu. Roma runa capti, Israel-masiquicuna ricamaytapis mana munanchu. Chaypis aunimap-tiqui, uywayni allchacächunga. Mana aywanayquirächu. ⁹Nuwapis jucpa maquinchu juyä. Quiquïpis maquiçu murucucunata purichi. Chaymi: «Shamuy» nipti, shamun. «Ayway» nipti, aywan. Wasiçhüpis llapan mincayni shimita wiyacun» nir.

¹⁰Capitanpa shiminta wiyar, Jesús jatunpa cushicuran. Jatirpaj runacunata niran: «Jäpa runa caycarsi, llapan shungunwan cay runa manchapacaman; Israel-masinchicunam ichanga janan shungulla. ¹¹Sumaj tantiyacun-quiman. Tayta Diosninchipa maquinchu cawajcuna chay-tucuy marcapita jutucangapaj. Auquillunchi Abrahamwan, Isaacwan, Jacobwan, llapanmi Tayta Diosninchipa ñaupallançu micupacungapaj. ¹²Israel-masinchicunam ichanga: «Tayta Diosninchipa wawanmi cä» nirpis, mana jutucan-

gachu. Paycunata chacaj pachaman Tayta Diosninchi jargungapaj. Chaychüraj llaquicunga. Atar waganga. Juyupa ñacar quiruntapis uçhunga.»

¹³Jinarcu capitanta Jesús niran: «Wasiquimanna cuticuy. Yupachicamashayquiman-tupu camacanga.» Nishan ürash capitanpa uywaynin allchacächuran.

**Simónpa suydanta Jesús
allchacächishan**

San Marcos 1.29–31;

San Lucas 4.38–39

¹⁴Chaypita Pedrupa wasinman Jesús aywaran. Pedrupa suydan wayllaywan jishyaycaran.

¹⁵Maquinpita Jesús yataycuptinmi ichanga, wayllay caçhariycuran. Chaura jatarcu, yanucuriycuran jarananpaj.

¹⁶Chacanaycaptinna, Jesúsman jishyachucunata apamuran: «Diyawarda ushyashanam» nir. Supay puellacushan jishyachucunatapis éhayachiran. Jesúsmi ichanga juc shimi rimarillar, supaycunata jarguriran. Jishyachucunatapis llapallanta allchacächiran. ¹⁷Chaynuymi unay willacuj Isaiaspa shimin éharcucuran. Isaiasga unayna niran:

«Quiquinmi jishyanchicunata jurgusha.

Nanayninchicunatapis apasha.» *

Jesúsman puriyta munajcuna

San Lucas 9.57–62

¹⁸Juc cuti achcaj runata ricar, purishijnincunata Jesús niran: «Yacu püsuta chimpashun.» ¹⁹Chaynuy

* 8.17 Isaiás 53.4.

niptin, Moiséspa shiminta ya'chaj runa niran: «Tayta, aywashay-quipa aywayta munä. Maypapis purimushun.»

²⁰Jesúsna niran: «Atujcunapis ma'chaynin'chu tiyan. Pichuysacunapis jishuyuj. Nuwapam ichanga Tayta Diosninchipa ca'chan captisi, mayman 'chayanäpäpapis wasi mana canchu.»

²¹Chaypita juc purishijninna Jesústa niran: «Tayta, papänitaraj ricashaj. Wañucuptin pampaycurraj, purishishayqui» nir.

²²Jesúsna niran: «Papäniqui chapata ama rurashunquimanchu. Juclla purishimay. Wañushta wañush-masincuna pampachun.»

Wayranpawan tamyata Jesús 'chawachishan

San Marcos 4.35–41;

San Lucas 8.22–25

²³Chaypita purishijnincunawan-ima Jesús bütiman jigaran.

²⁴Bütiwan aywaycashan'chu Jesús puñucäcuran. Puñucäcushancaman shucucuy wayra ricacamuran. Yacu büchiypa-büchir, bütiman yaucuyaran. ²⁵Purishijnincunana Jesústa ricchachiran: «Washämay. Washämay, Tayta. Challpucaycan-china» nir.

²⁶Jesúsna niran: «¿Imanirtaj mancharinqui? ¿Janan shungu-llachu Tayta Diosninchiman yupachicunqui?» Jatarcuna, yacutawan wayrata Jesús piñacuran. Piñacuptin, shucucuy wayra 'chawacäcuran. Yacupis puñucäcuran.

²⁷Chaura purishijnincuna mancharicäcur, quiquin-pura ninacärran: «¿Piraj cay runa?

Piñacuriptin, shucucuy wayra 'chawacäcun. Yacupis puñucäcun» nir.

Gadara quinran'chu supay pucllacushan runacunata Jesús allchacächishan

San Marcos 5.1–20; San Lucas 8.26–39

²⁸Püsuta chimpar, Gadara quinranman Jesús 'chayaran. 'Chayaptin, pantyunpita ishcaj runa llucshira-muran. Supaypa maquin'chu purir, juyucaran. Chaymi chay quinranpa pipis mana puricujnachu. ²⁹Supay pucllacushan runacunana supay rimachiptin, jayacuran: «Tayta Diosninchipa Wawan Jesús, ¿imanirtaj ashipämanqui? ¿Imanirtaj juclla ñacayman jitarpamayta munaycanqui? Amaraj ñacachimaychu, ari» nir.

³⁰Chay junaj washlänin quinran'chu chay-chica cuchi pagupacurcayaran.

³¹Chaymi supaycuna Jesústa mañacuran: «Cay runapita jargumashpayqui cuchicunata pucllacunäpäj aunimay, ari» nir.

³²Mañacushanta Jesús auniran: «Ayway» nir. Auniptinga runata ca'chariycur, cuchicunatana pucllacuran. Cuchicunana jishyayar, chagapita yacuman jigapurcuran. Llapallan shugupacaypa wañuran.

³³Cuchi michijcunana mancharish jishpicärran. Marcanman 'chayar, imallata ricashantapis willacuran. Ishcaj jishyayash runa allchacashantapis willacuran. ³⁴Willaptin, llapan runa Jesúsman aywaran. 'Chayar, mañacuran: «Cay marcapita aywacuy, ari» nir.

Cumllucash runata Jesús allchacächishan

San Marcos 2.1–12; San Lucas 5.17–26

9 ¹Chaypita bütiman jigarcu, marcanman Jesús cuticuran. ²'Chayaptin, runacuna quirma-



San Mateo 9.9–13

llawan cumllucash runata Jesúsman chayachiran. Paycuna llapan shungunwan yupachicushanta musyar, cumllucash runata Jesús niran: «Wawallau wawa, ama llaquicuychu. Juchayquicunata jungashcäna.»

³Chaura Moiséspa shiminta yaçhajcuna shungullanchu ullgucäcuran: «Caynuy rimar, Tayta Diosninchita apäriycan» nir.

⁴Yarpashanta musyar, Jesús tapuran: «¿Imanirtaj llutanta yarparcaycanqui? ⁵Mä, tapushayqui. ¿Allchacächiychu, jucha aparicushanta jungacächiychu sasa? ⁶Sumaj tantiyacunquiman. Tayta Diosninchicay pachaman cachamasha. Munayniyujmi cä pipa juchan-

tapis jungacächinäpaj.» Chaymi cumllucash runata niran: «Jatariy. Quirmayquita shuntacurcur, wasiquiman cuticuy.» ⁷Chaynuy niptin, cumllucash runa änir, jatarcur wasinman cuticuran.

⁸Runacunana jatunpa mancharicäcuran. Tayta Diosninchitapis alliman çuraran: «Ima allish Tayta Diosninchirunacunatapis yanapan munayniyuj cananpaj» nir.

Mateuta Jesús jayashan

San Marcos 2.13–17; San Lucas 5.27–32

⁹Chaypita aywaycurna, Mateo jutiyuj runata Jesús ricaran. Payga Roma marcapa mandajninpaj jillayta shuntaycaran. Ricar, Jesús

niran: «Mateo, purishimay.» Niptin, Jesústana Mateo purishiran.

¹⁰Chaypita Mateupa wasinchu purishijnincunawan Jesús micurcaycaran. Waquin juchachu arujcunawanpis, jillayta shuntajcunawanpis micurcaycaran. ¹¹Paycunata ricar, fariseucuna Jesúspa purishijnincunata jamurparan: «¿Imanirtaj jillayta shuntaj chiqui runacunawan, jucha chu arujcunawan Taytayqui Jesús micun?» nir.

¹²Jamurpaptin, Jesúspis niran: «Jishyachucunallash jampicujta ashin. Mana jishyarga, mana ashinchu. ¹³Sumaj tantiyacunquiman. Tayta Diosninchipa shiminchu nin: «Jaramänayquitachu mana munaycä; manchäga runa-masiquita llaquipänayquitam.» Nuwapis jucha chu arujcunata Tayta Diosninchiman cutichijmi shamushcä. «Juchaynajmi cä nijcunatachu mana ashiycä.»*

Ayünupita tapunacushan

San Marcos 2.18–22;

San Lucas 5.33–39

¹⁴Chaypita Ushyachicuj Juanpa purishijnincuna Jesúsman chayar, tapucuran: «Fariseucunapis, nuwacunapis ayünar, Tayta Diosninchita mañacü. ¿Imanirtaj purishijniquicuna mana ayünanchu?» nir.

¹⁵Chaynuy niptin quiquinman tincuchicur, Jesús niran: «Warmi ashishjicuna manash llaquishachu ayünan. Manchäga cushishash micupacärin. Warmi ashij müsuta jichuptinshi ichanga, ayünangapaj. Jatunpash llaquicungapaj.

¹⁶Chaynuypis mauca müdanata

mushuj račhipawan manash pipis jiranmanchu. Mushujwan jiraptin, jintishpan mauca müdanatapis jatunpanash račhirachin. ¹⁷Binuta puguchinanpäpis manash pipis chaquish jaracha putuman wiñanmanchu. Binu pugur, chaquish jaracha pututa pashtarachinshi. Pashtaptin, binupis ushyacäcunshi. Jaracha putupis račhicäcunshi. Chayshi llullu binuta llullu jaracha putumanraj wiñan. Chaynuypa binupis, jaracha putupis manash ushyacanchu.»

Wamrata cawarachishanpis, yawar-apaywan jishyaycaj warmitapis Jesús allchacächishan

San Marcos 5.21–43;

San Lucas 8.40–56

¹⁸Jesús rimaycaptillan juc mayur Israel runa chayarcur, Jesúspa ñaupanman jungurpacuycuran: «Tayta, warmi wamrä chayraj wañucusha. Wasıman aywashun. Maquiquiwan yatarcuptiqui, wamrä cawarimungapämi » nir.

¹⁹Niptin, purishijnincunawan-ima Jesús aywaran. ²⁰Yawar-apaywan jishyaycaj warmipis tallucash aywaycaran. Chunca ishchaywan (12) watana jishyaycaran. Jipallanpita tariparcu, Jesúspa müdananta yataycuran:

²¹«Müdanallantapis yatar, allchacashaj» nir. ²²Yataptin, ticrarcu Jesús niran: «Wawallau wawa, ama llaquicuychu. Yupachicamashayquipita allchacashcanqui.» Chaynuy niptin, warmi allchacäcuran.

²³Chaypita mayur runapa wasinman chayar, Jesús yaycuran.

*9.13 Oseas 6.6.

Canturcunapis pampananpaj camari-cuycaranna. Runacunapis atarcay-caran. ²⁴Jesúsna niran: «Witicuy. Wamra jipash mana wañushachu. Manchäga puñucashalla caycan.» Niptin, täpajcuna Jesústa asiparan. ²⁵Jurpacunata jarguriptin, maquinpita charircur, wamra jipashta Jesús cawarachiran. ²⁶Cawarachishanta chay quinranchu llapan runa mayaran.

Ishcaj japrata Jesús allchacächishan

²⁷Jesús aywacuptin, ishcaj japrana Jesúspa jipanta jayacuraycar aywacullaran: «Unay mandaj Davidpa willcan Jesús, llaquipaycallamay, ari» nir. ²⁸Wasiman chayaptin, ishcaj japracunapis chayaran. Paycunata Jesús tapuran: «Allchacächinäpaj yupachicamanquichu» nir. Japracunana: «Aumi, Tayta» niran. ²⁹Chaynuy niptin japra runacunapa ñawinta yataycur, Jesús niran: «Yupachicamashayquimantupu allchacashana canquipaj.» ³⁰Chaura ñawin quíchacäcuran. Ñawincuna quíchacäcuptin, Jesús piñaparan: «Pitasi ama willapanquichu.» ³¹Paycunam ichanga shiminta chapacuyta mana camäpacuranchu. Manchäga marcanman aywaycur llapanta willaparan: «Ñawita Jesúsmi allchacächisha» nir.

Upa runata Jesús allchacächishan

³²Japracuna aywacurishallanta supay pucllacushan upa runatapis Jesúsman chayachiran. ³³Supayta Jesús jarguptin, upa runa rimariranna. Upa runa rimariptin,

llapan runa cushicuran: «Cay Israel marcanchichu upa rimajta imaypis mana ricaranchichu» nir. ³⁴Fariseucunam ichanga niran: «Mayur supayta jayararshi, supaycunata jarguycan.»


Pallapacuywan tincuchishan

³⁵Chaypita marcan-marcan purir shuntacäna wasicunachu Tayta Diosninchipa shiminta Jesús willapäcuran. Alli willapata willapäcur niran: «Maquinchu cawananchipaj Tayta Diosninchishuyaraycämanchi» nir. Jishyaçhucunatapis, nanapäcujcunatapis allchacächiran. ³⁶Achcaj runata ricar, Jesús llaquiparan: «Cay runacunata pipis mana ricanchu. Ujracash uysha-yupay mancharish carcaycan. Llaquish carcaycan» nir. ³⁷Chaymi micuy shuntaywan tincuchir purishijnincunata niran: «Micuy puguraycaj-yupay chaychicaj runa Tayta Diosninchipa shiminta wiyaj-wiyajlla shuyaraycan. Shiminta willacujcunam ichanga wallcajlla. ³⁸Chaymi willacujcuna juclla yapacämunanpaj Tayta Diosninchita mañacäriy. Shiminta çhasquicujcunata shuntamunan carcaycan.»

Çhunca ishcajwan açhancunata Jesús acracushan

San Marcos 3.13–19; San Lucas 6.12–16

10 ¹Chaypita çhunca ishcajwan purishijnincunata Jesús shuntaran. Nircur carginman çhuraycur niran: «Nuwapita munayniyuj caycanqui supaycunata jargunayquipäpis, jishyaçhucunatawan nanapäcujcunata allchacächinayquipäpis.»



San Mateo 10.1–4

²Jesús pa purishijnincuna chunca ishchaywanmi caran: «Pedro» nishan Simón, Simónpa wauguin Andrés, Zebedeupa ishcan wamran Santiaguwan Juan, ³Felipe, Bartolomé, Tomás, jillayta shuntaj Mateo, Alfeupa wamran Santiago, Tadeo, ⁴«Marcanpaj nanachicuj» nishan Simón, Judas Iscariote. Payga Jesústa wañuyman jitarpuran.

**Chunca ishchaywan
cachancunata Jesús
cachacushan**

San Marcos 6.7–13; San Lucas 9.1–6

^{5–6}Chunca ishchaywan purishijnincunata cachacuran. Cargunman churar, Jesús niran: «Sumaj wiyamay. Israel runacunallaman cachashayqui. Paycuna ujrakash uysha-yupay cawan. Jäpa runacuna-manmi ichanga ama aywanquichu. Samaria runacunapa marcanmanpis ama yaycunquichu. ⁷Israel runacunata willapar ninqi: «Tayta Diosninchi shuyaraycämanchi. Maquincháuna purichimäshun» nir. ⁸Jishya chucunatapis allchacächinqui. Wañushcunatapis cawarachinqui. Jara chu jishya-

cunatapis allchacächir, allina ricanqui. Supaycunatapis jargunqui. Carguyquiman churar, llapan shungüwan churashcaj. Mana imatapis mañacushcajchu. Jamcunapis imatapis mana mañacullar, llapan shunguyquiwan carguyquita charcunqui. ⁹Willapäcuj aywar, jillayniquta ama apanquichu. ¹⁰Jipiquitapis, rucanayquitapis, llanguiquitapis, garutiquitapis ama apanquichu. Shimita willapäcujcunaga micush-upush purinan camacan.

¹¹«Marcacunaman chayar, alli runata ashinqui. Pachacur, jucläpa aywacushayquicaman jinallanchu pacharäcunqui.

¹²Juc wasiman chayar: «Tayta Diosninchi yanapayculläshunqui» nir wamayanqui.

¹³Chasquicushushpayqui änirmi alli cawayta taringa; manchä, mana. ¹⁴Chayashayqui marca chu, chayashayqui wasi chu mana chasquishuptiqui, mana wiyashuptiqui, chaquiquita pichacurir aywacunqui.*

¹⁵Sumaj tantiyacunquiman. Cay pacha ushyacaptin, Sodoma quinran runacunatawan Gomorra

* 10.14 Israel runacuna pitapis chiquir, müdanantapis, llanguintapis tapsicurin.

quinran runacunata ñacachirpis,
Tayta Diosninchí llaquipangaraj.
Wasguipajcunatam ichanga mana
llaquipállar ñacachinga.»

**Chiquir ushyash cananta
willapashan**

¹⁶«Sumaj tantiyacunquiman.
Willapäcuj cachar, uyshata liyun
rurinman jaycurij-yupay caçhaycaj.
Juyu runacunaman çhayanquipaj.
Chaymi pichuysa curu-yupaypis
jishpij-jishpijlla purinqui. Paluma-
yupaypis llutalla purinqui. ¹⁷Sumaj
tantiyacunquiman. Chiquishush-
payqui mayur Israel runacunaman
çhayachishunquipaj. Shuntacäna
wasicunaçhüsi magashunquipaj.
¹⁸Çasquicamashayqui-janan
Roma auturdäcunamanpis, Roma
mandajcunamanpis çhayachishun-
quipaj. Wacpa-caypa purichishup-
tiquisi, shimiquita ama amucur-
cunquichu. Manchäga auturdä
captinsi, jäpa runacuna captinsi,
pï-maytapis nuwapita willapanqui.
¹⁹Auturdäcunaman çhayachishup-
tiqui, ama llutäpacunquichu:
«¿Imataraj rimashaj? ¿Imanay-
paraj chapacusha?» nir. Manchäga
shimiquiman Tayta Diosninchí
çhurashallanta rimanquipaj.
²⁰Quiquillayquipitachu mana riman-
quipaj. Manchäga quiquin Espíritu
Santu rimachishunquipaj.
²¹«Waugui-purapis nuwa-janan
wañuyman jitarpanacunga. Juc
waugui chiquimar, çhasquicamaj
wauguinta wañuyman jitar-
punga. Papänincunapis wamran-
cunata wañuyman jitarpunga.
Wamrancunapis maman-taytanta
chiquir, wañuyman jitarpunga.
²²Çasquicamashayqui-janan llapan

runa chiquishunquipaj. Imaman
çhayarpis mana wasguimaptiquiga,
maquinçhümi Tayta Diosninchí
imaycamanpis cawachishunquipaj.

²³«Juc marcapita
jaticacähshuptiqui, juc marcamanna
jishpicunqui. Sumaj tantiyacun-
quiman. Cutimushäcaman llapan
Israel marcacunaman çhayayta
mana atipanquipächu. Llapanman
mana çhayaptiquisi, Tayta Dios-
ninchipa caçhan cashpä cutimushaj.

²⁴«Jipa wamracuna mayur
runacuna yarpashanta manash
yarpanrächu. Uyway runapis patrún-
ninta manash apärimmanchu. ²⁵Jipa
wamracuna mayur runa yarpashanta
yarparraj cushicunman. Uyway
runapis patrunninta ricacurraj, cushi-
cunman. Sumaj wiyacunquiman.
Juyu runacuna ashllimar nin: «Supay-
cunapa mandajnín Beelzebulmi
canqui.» Chaynuy ashllimaptin,
¿imamanraj tincuchishunquipaj
maquíchu cawaptiqui?

**Mana manchacullar
willapäcunanpaj shacyächishan**

San Lucas 12.2-7

²⁶«Chiqui runacuna imata
rurashuptiquisi, ama manchacun-
quichu. Runacuna shungullançu
pacarächishanpis mayacanga.
Imata yarpashanpis unayllata
musyacanga. ²⁷Chaymi rinri-
llayquíchu willashäta llapan runapa
rinrinman çhayachiy. Quiquillay-
quita willapashätapis llapan runata
musyachiy. ²⁸Chiqui runacuna
wañuchishunayquita ama mancha-
cunquichu. Wañuchishushpayquisi,
almayquita mana wañuchingachu.
Tayta Diosninchitam ichanga
manchapacärinquiman. Payga

munayniyujmi wañuyman jitarpu-shunayquipäpis, almayquita ninachu illarachinanpäpis. ²⁹Chaymi ama mancharinquichu. Acapalla pichuy-sacuna mana échaninchu. Chaypis Tayta Diosninchichi camacächiptinraj, wañuyman échayan. Pichuysata ricaycarga, ¿jungaycushunquiman-churaj? Mana. ³⁰Tayta Diosninchichi maquinchümi cawaycanqui. Mana imaysi jungashunquichu. Ajchay-quitapis yuparaycächin. ³¹Chaymi imatapis ama manchacuychu. Jamcunaman pichuysacunapis mana tincunchu. ³²⁻³³Runacunata mana manchacur éhasquicamashay-quita willacuptiqui, janaj pachachu Papänipa ñaupanchu nuwapis willacushaj: «Rasunpa maquiéchu purin» nir. Runata manchacur wasguimaptiquim ichanga, nuwapis janaj pachachu Papänipa ñaupanchu wasguishayqui.

**Jesús-janan runacuna
tincupänacushan**

San Lucas 12.51-53; 14.26-27

³⁴«Shunguyquiéchu ama yarpanquichu: «Cay pachaman Jesús shamusha alli cawayta tarichimänanchipaj.» Runacuna mana alli cawayllaéchu cawanga. Manchäga éhasquicamashayqui-janan chiquir ushyashunquipaj. ³⁵Nuwa-janan papänintapis ullgu wamran chiquinga. Warmi wamranpis mamanta chiquinga. Llumchuyninpis suydanta chiquinga. ³⁶Juc wasiéchu quiquin-puralla tincupänacunga. Chiquinacunga.* ³⁷«Shungü munashallanta ruran-quiman. Mamayqui-taytayqui-

janan ama jungaramanquimanachu. Wamrayquicuna-janan ama wasgui-ramanquimanachu. Shimäta wiyacup-tiquiraj, alli ricashayqui. ³⁸Shimäta wiyacujcuna imanuy ñacarsi, ruséchu wañuyman échayarsi, ricay ñawéchu alli cawanman. Manchäga purishimayta mana camäpacun-gachu. ³⁹Ñacaytapis, wañuytapis manchacur maquiéchu puriyta mana munar, ushyacayman échayangapaj. Maquiéchu purir llapanta jaguicunam ichanga imaycamanpis Tayta Dios-ninchichi maquinéchu cawangapaj.

**Llaquipashanman-tupu imatapis
tarishan**

San Marcos 9.41

⁴⁰«Shimiquita éhasquicujcuna nuwatapis éhasquicaman. Éhasqui-camajcunana Tayta Diosninchitapis éhasquicun. Paymi caéhamasha. ⁴¹Pipis Tayta Diosninchichi shiminta willacujcunata éhasquiptin, willa-cujta-jina Tayta Diosninchichi alli ricar ayninta cutichinga. Wiyacuj runata éhasquiptin, wiyacuj runata-jina Tayta Diosninchichi alli ricar ayninta cutichinga. ⁴²Sumaj tantiya-cunquiman. Pipis: «Washäcuj Jesúsapa purishijnin canqui» nir yacullatasi macyaycushuptiqui, Tayta Dios-ninchichi alli ricar ayninta cutichinga.»

**Ushyachicuj Juanpa
purishijnincuna tapucushan**

San Lucas 7.18-35

11 ¹Échunca ishcayan purishijnincunata willapa-riycur, Jesús aywacuran. Waquin marcacunaéhüna Tayta Diosninchichi shiminta willapäcuräcur puriran.

* 10.35-36 Miqueas 7.6.

²Chay wichan Ushyachicuj Juan carsilchu wichgaraycaran. Jesús ima-imata rurashallanta mayar, purishijnincunata Jesúsman cacharan: ³«¿Jamchush Tayta Diosninchi caçhamushan Washäcuj caycanqui? ¿Juctarächush shuyäcärishaj?» nir. ⁴Tapuptin, Jesús niran: «Cutircur, ricashayquicunata, wiyashayquicunata, Juanta willar ninqui:

⁵«Japracuna ricaycanna.
Wijrucunapis puriycanna.
Jaraçu jishyajcunapis
allchacaycanna.
Upacunapis wiyaycanna.
Wañushcunatapis cawarachin.
Pishipacujcunatapis Tayta Dios-
ninchipa alli willapanta
willapäcuycanna.»*

⁶Chaymi Tayta Diosninchipa caçhan cashäta mana wasguijcuna sumaj cushicärinman. Imaman çhayaptinsi, paycunata Tayta Diosninchi sumaj yanapan.»

⁷Chaura Ushyachicuj Juanpa caçhancuna cuticuriptin, juturashan runacunata Jesús niran: «Jamcunapis chunyaj pachaman aywar, Juanpa shiminta wiyarayquim, ¿au? Payga imatapis mana manchacujchu. Mana ishçay-quimsatachu rimaj. ⁸¿Imamanraj aywashcanqui? ¿Alli müdanashtachu tarishcanqui? Mana. Alli müdanashcunata achic-achicyaycaj wasillaçu juyaycaj tam tarinqui. Jatun auturdäcunallam alli-alliga cawan. ⁹¿Pï runataraj ashishcanqui? Chunyaj pachaçu Juanpa shiminta wiyaycur, Tayta Diosninchipa willacujnin cashanta

tantiyacärishcanqui. Payman waquin willacujcunapis mana tincurancho.

¹⁰Juanta caçhamunanpaj unayna Tayta Diosninchi musyachicuran. Shiminçu nin:

«Caçhäta ñaupapäshunayquipaj
juc runata ñaupachishaj.
Camaricushalla shuyaräshunay-
quipaj runacunata
willapäcungapaj» nir.*

¹¹«Sumaj tantiyacunquiman. Chay-chicaj runa carsi, Ushyachicuj Juanman mayganpis mana tincu-shachu. Chaypis maygan runa mana alli ricash caycaptinsi, Tayta Diosninchipa maquinçu cawajcunaman Juanpis mana tincuncho.

¹²«Ushyachicuj Juan willapäcushanpita-pacha Tayta Diosninchitapis, shiminta wiyacujcunatapis runacuna chiquin. Maquichacuyta munan. ¹³Chaynuy cananta manaraj Juan willapäcuptillan, unay willacujcunapis, Moiséspis musyachicuran. ¹⁴«Willacuj Elíasta caçhamushaj» nir Ushyachicuj Juanta caçhamunanpaj musyachicuycaran. Chayta tantiyar, rimashantapis tantiyacunquiman. ¹⁵Rinriyujmi canqui. Tantiyacunquiman.»

¹⁶Chaymi paycunata wiyächipar Jesús niran: «Canan wichan runacunata, çimawanraj tincuchïman? Yupay-tucuj wamracunawançi tincuchishaj. Upa wamracuna-jina mana imatapis tantiyacunchu.

¹⁷«Cushicuywan jachwashun» nir
quïnata tucapaptinpis,
mana jachwashcanquichu.
«Llaquicuywan wagashun»
niptinpis,
mana wagashcanquichu.

* 11.5 Isaías 35.5–6; 61.1. * 11.10 Malaquías 3.1.

¹⁸«Chay-jina Ushyachicuj Juan ichic-ichicllata micuj. Bínutapis mana mallishachu. Chaypis Juanta ashllishcanqui: «Supay puclla-cusha» nir. ¹⁹Nuwatapis Tayta Diosninchi cáchamasha. Llapanta micü. Bínutapis upü. Chaypis ashllircaycämanqui: «Shincanan-raycullar, paćhan-raycullar purin. Juchaćhu arujcunawanpis, jillayta shuntaj chiqui runacunawanpis purin» nir. Imata rimarsi, Tayta Diosninchi yarpashanta pipis mana chapanmanchu. Shiminta wiyacuj-cunaga ricsipalla cawan.»

Mana wiyacujcunapita rimashan

San Lucas 10.13–15

²⁰Shiminta mana wiyacushanpita runacunata Jesús piñacuran. Payga Tayta Diosninchi sumaj munayniyuj cashanta musyachicur tucuy-jinanpa imatapis rural, runacunata sumaj yanaparan. Chaypis runacuna jucha aparicushanpita mana wanacuranchu. Chaymi Jesús piñacur niran:

²¹«Corozaín runacuna, Betsaida runacuna, Israel runa captiquisi, juyupa Tayta Diosninchi ñacachishunquipaj. Pay camacächiyinpa shiminta willapaycaptisi, jishyaćhucunata allchacaycächiptisi, chay-chicaj runata jaraycaptisi, supaycunata jarguycaptisi, maquinćhu cawayta mana munashcanquichu. Jäpa Tiro marca runacunawan jäpa Sidón marca runacunam ichanga jishyaćhucunata allchacächishäta ricar, supaycunata jargushäta ricar, mayna Tayta Diosninchipa shiminta ćhasquicur

juchanpita wanacunman caran. Wanacushan musyacānanpaj llaquicuywan mayna waganman caran. Umanman ućhpata pićhucunman caran. Jáchga müdananta ushtucunman caran. ²²Chaymi Tiro runacunatawan Sidón runacunata Tayta Diosninchi yangallaraj ñacachingapaj. Jancunatam ichanga ricaycarsi mana wanacushayquipita cay pacha ushyacashan junaj juyupa ñacachishunquipaj. ²³Cafarnaún runacuna: «Janaj pachaman aywashaj» niptiquisi, yarpashayqui mana camacangachu. Chacaj pachaman Tayta Diosninchi jargushunquipaj.* Sodoma runacunam ichanga wanacunman caran Tayta Diosninchi camacächishanta ricaycar. Wanacurga, marcantin mana ushyacanmanchu caran. ²⁴Sodoma runacuna mana wanacushanpita ushyacaran. Jancunatam ichanga mana wanacuptiqui cay pacha ushyacaptin, llaquipaypaj Tayta Diosninchi ñacachishunquipaj. Chay junajmi juchayquita sumaj jurgapashunquipaj.»

Tayta Diosninchiwan Wawan Jesúslla ricsinacushan

San Lucas 10.21–22

²⁵Chaypita Tayta Diosninchita alliman ćhurar, wiyächipaypa Jesús niran: «Papällau Papä, jatunpa cushicü. Cay pachapis, janaj pachapis maquiquićhu caycan. Alli shungu runacunata wamra-jina wiyacuj captin, yarpashayquita musyachishcanqui. Yáchaj-tucujcunatam ichanga

* 11.23 Chacaj pachata griego rimayćhu ricsin: «Hades» nir.

shunguyqui yarpashanta mana musyachishcanquichu. Papä, shunguyqui munashanta llapantam camacächishcanqui.»

²⁶Jinarcu llapan runata niran:

«Shungun munaptin, Papäni maquiman llapanta churasha.

²⁷Wawan cashäta Papäni musyan. Wawan carmi, Papäni pï cashantapis musyä. Yanapaptiraj, pipis Papänipa shungunta musyapanga.

²⁸«¿Imanirtaj jamcuna llaquish juyanqui? ¿Imanirtaj llutäpacur cawanqui? Wiyacamaptiquiga, alli cawayta tarichishayqui.

²⁹Shimäta wiyacunquiman. Imanuy cawashätapis ricacunquiman. Tantiyacujmi cä. Alli shungu cä. Allilla cawachishayqui. ³⁰Shimäga mana sasachu charcunayquipaj. Mana yamacanquipächu.»

Diyawardaçu riguta shipishan

San Marcos 2.23–28; San Lucas 6.1–5

12 ¹Juc cuti diyawarda junajchu rigü cantunpa purishijnincunawan Jesús aywaycaran. Purishijnincunana yargar riguta shipircur-shipircur cupacächärir, uchuran. ²Cupacächashanta ricar, waquin fariseucuna tapuran: «¿Imanirtaj diyawardaçu purishijni-quicuna riguta cupacächarcaycan? Diyawardaçu Tayta Diosninchipa shiminta charcurmi, mana arunchichu» nir.

³Chaura Jesús niran: «¿Auquillunchi David imata rurashantapis manachu musyanqui? Tayta Diosninchipa shiminta liguiycarsi, ¿yargaywan David imata rurashantapis manachu tantiya-

cushcanqui? ⁴Yargay chariptin Tayta Diosninchipa wasinman yaycurir, jarashan tantanta micuran. Cüracunallapa micunan caycaptinsi, yanaguincunawanraj David micupäcuran. ⁵¿Moisés pa shimintapis manachu liguishcanqui? Shiminchu nin: «Diyawarda captinsi, Tayta Diosninchipa wasinchu aruj cüracuna arucunman. Arursi, juchata mana aparicunchu.»

⁶«Sumaj wiyamay. Tayta Diosninchipa wasinta ama manchapacunchichu. Manchäga quiquita sumaj manchapacamanquiman. ⁷Jamcuna Tayta Diosninchipa shiminta mana tantiyacunquirächu. Shiminchu nin: «Jaramänayquitachu mana munaycä; manchäga runa-masiquita llaquipä-nayquitam.» ^{*} Shiminta tantiyacur, purishimajnicunata mana tumpanquimanachu caran: «Juchata aparicusha» nir. Paycunaga juchata mana aparicushachu. ⁸Tayta Diosninchicaçhamasha. Chaymi diyawardapis maquiçu caycan. Diyawardaçu runa imata rurananpäpis, imata miçhänäpäpis maquiçu caycan.»

Maquin wañush runata Jesús allchacächishan

San Marcos 3.1–6; San Lucas 6.6–11

⁹Chaypita aywacur, juc shuntacäna wasiman Jesús çayaran. ¹⁰Maquin wañush runapis caycaran. Waquin runa achäquita ashinan-cashallan Jesústa tapucuran: «Tayta, ¿diyawarda caycaptin, Moisés pa shimin auninchu jishyächucunata allchacächinanchipaj?» nir.

¹¹Jesúsna niran: «Diyawarda caycaptin japallan uyshayqui

* 12.7 Oseas 6.6.

uñcuman shicwaptin, ¿manachu utgaylla jurgurinquiman?
¹²Uyshatapis cawananjaj jurguyar, ¿jishyachu runata manachu yanapashuwan? Chaymi diyawarda captinsi, yanapānacunanchi camacan.» ¹³Jinarcu maquín wañush runata Jesús niran: «Maquiquita chutapacuy.» Chutapacuriptin, maquín añir allchacācuranna. Juc-caj maquín-jina allina ricacuran.
¹⁴Fariseucunam ichanga ullgush llucshicur, parlanacuran Jesústa wañurachinanpaj.

Unay willacujpa shimin éharcushan

¹⁵Chaura wañuchiya munashanta musyar, Jesús aywacuran. Aywacup-tinsi, achaj runa aywāshiran. Jishyachucunatapis allchacāchir, piñapanar: ¹⁶«Pí cashātapis ama willacunquichu» nir. Ricsichinanta mana munaranchu. ¹⁷Chaynuypa unay willacuj Isaíaspa shimin éharcucaran. Tayta Diosninchi musyachiptin, Isaías unay niran:

¹⁸ «Mä, wiyamay. Mandu-rurajñita quiquí acracushcä.

Payta llaqui.

Shungüwan sumaj tincun.

Espíritu Santupa maquínchu purichishaj.

Llapan runacunata may-chaychu juyarpis, shacyāchinga:

«Maquínchu Tayta Diosninchi puriyacāchishunqui» nir.

¹⁹Piwanpis mana piñanacungachu. Mana tincupānacungachu.

Runa ricay mana rimangachu.

²⁰Wañunāchi runacunatapis alli ñawinpa ricanga.

Pishipacuj wacchacunata llaquipanga.

Llapan runa Tayta Diosninchipa maquinchu alli cawananta munar, llapantapis ruranga.

²¹Llapan runa may-chaychu juyarpis, payman yupachicunga.»*

Jesústa pampaman éhuran

San Marcos 3.20–30;

San Lucas 11.14–23; 12.10

²²Chaypita supay pucllacushan runata Jesúsman apamuran. Chay runa mana ricaranchu. Mana rimaranchu. Jesús allchacāchiptinmi ichanga, shiminpis rimaricurranna. Ñawinpis ricaranna.

²³Chayta ricar, runacuna mancharicācushpan tapunacuran: «¿Cay runa washämāshunchuraj? ¿Rasunpachuraj unay mandaj Davidpa willcan?» nir. ²⁴Runacuna rimashanta wiyarmi ichanga, fariseucuna Jesústa pampaman éhuran: «Supaycunapa mandajnin Beelzebulta jayararshi, supaycunata jarguyan. Mana Tayta Diosninchitachu jayarayan» nir.

²⁵Shungun yarpashanta musyar, Jesús tincuchiypa niran: «Juc marcachu runacuna quiquin-pura ticrapanacurshi, wacpa-caypa aywacarin. May marcachüpis, may wasíchüpis majanwan ticrapanacur, raquicaymanshi éhayan. ²⁶Mayur supaypis supay-masinwan ticrapanacur, ima ruraytapis mana camāpacunmanchu, ¿au? Raquicar-raquicar, ushyacācunga. ²⁷¿Imanirtaj Beelzebulta jayararraj supaycunata jargushäta yarpacaycanqui?

* 12.18–21 Isaías 42.1–4.

Mä, tapucushayqui. Jamcunapis supayta jargur, ¿pitataj jayaranqui? ¿Tayta Diosninchita jayararchu, supayta jayararchu? Beelzebulta jayararraj jargupti, jamcunapis payta jayararrächi jarguycanqui. ²⁸Sumaj tantiyacunquiman. Tayta Diosninchi camacächiptin, munayninwan supaycunata jargur, Tayta Diosninchi munayniyuj cashanta musyachicucä. Chayta ricar, maquinchéna Tayta Diosninchi runacunata puriycächishantapis tantiyacunquiman. ²⁹Tincuchiypa tantiyachishayqui. Juc runash quiquinpa imancunata sumaj rican. Chayshi sumaj callpayuj yaycurraj, wasiyujta mancuran. Jinarcurräshi imancunatapis ushyajpaj apacun. ³⁰Chaymi Tayta Diosninchi cáhamashanta mana aunirga, chiquircaycāmanqui. Tayta Diosninchipa shiminta willacupti mana yanapāmarga, chapata rurarcaycāmanqui. Runacunatapis manchaycächinqui.

³¹«Sumaj wiyamay. Runacuna tucuy-jinanpa juchata aparicun. Chaypis wanacuptin Tayta Diosninchi llaquipar, juchanta mana yarparanganachu. Tayta Diosninchi Espíritu Santuwan allita ruraycaptinsi: «Rurashanta supaypa maquinché» nir runa ashllir ushyaptinmi ichanga, Tayta Diosninchi juchanta mana imaysi jungangachu. ³²Tayta Diosninchi cáhamashanta mana aunir tincupāmaptinsi, Tayta Diosninchi juchanta mana yarparanganachu. Allita ruranāpaj Espíritu Santu camacächiptin: «Payga supayta jayaran» nir tincupaptinmi ichanga, Tayta Diosninchi juchanta mana imaysi jungangachu.

Wayuyninpita ricsichicushan

San Lucas 6.43–45

³³«Chay-jina yürata wayuyninpa ricsinchi. Alli yüra mishquijta wayun. Wañunächi yüram ichanga wamajllata wayun. ³⁴Tumpamashayquipita jamcuna supaypa wawan carcaycanqui. Juchallaču arurcaycanqui. Shunguyqui yarpashanta musyachicur, tucuytapis rimanqui. ³⁵Tayta Diosninchita manchapacuj runa Tayta Diosninchipa shungun munashallanta ruran. Juchaču aruj runam ichanga llutanta ruran shungun llutanta yarpaptin. ³⁶Sumaj wiyacäriy. Cay pacha ushyacaptin, llapan runata ima-imata rimashan-pitapis Tayta Diosninchi ñauquinga. ³⁷Shiminman-tupu runacunapa juchanta jurgapanga. Shimillay-quipita alli cawaytapis tarinquipaj. Ñacaymanpis chayanquipaj.»

Jesústa ashipashan

San Marcos 8.12; San Lucas 11.29–32

³⁸Chaura waquin fariseucunawan Moiséspa shiminta yačajcuna niran: «Tayta Jesús, Tayta Diosninchi camacächiyinpa mä, imallatapis ruray.» ³⁹Jesúsna niran: «Jamcuna juchallaču arunqui. Jananpachicuj carcaycanqui. Tayta Diosninchi camacächiyinpa imallata ruranäta munaptiquisi, mana rurashächu. Chaypis tantiyayta munar, unay willacuj Jonás pa willapanta yarparanquiman. ⁴⁰Jonásga quimsa pagas, quimsa junaj jatun piscädupa pačanču caran. Chay-jina nuwapis Tayta Diosninchi cáhamash captin, quimsa pagas, quimsa junaj pacha rurinču pamparashaj.

⁴¹«Jucha aparicushanpita llapan runata Tayta Diosninchi ñauquiptin, Nínive marca runacunapis ñauquishunquipaj: «Tayta Diosninchi llaquipämashanta Jonás willapämaptin, wanacärishcä. Jamcunam ichanga mana wanacärishcanquichu» nir. Jonásga Tayta Diosninchipa willacujnin carsi, nuwaman mana tincushachu. ⁴²Sumaj tantiyacunqueiman. Cay pacha ushyacaptin, llapan runata jucha aparicushanpita Tayta Diosninchi ñauquiptin, Saba marca mandaj warmipis cawarimunga. Paymi ñauquishunquipaj: «Mandaj Salomónpa shiminta wiyar, Tayta Diosninchi llaquipäcuj cashanta tantiyacushcä. Jamcunam ichanga mana tantiyacärishcanquichu» nir. Chay warmi carupita-pacha shamuran mandaj Salomón rimashanta wiyananpaj. Wiyar, Tayta Diosninchipa shiminta chasquicuran. Mandaj Salomón yačaj carsi, nuwaman mana tincushachu. Chaypis shimita wiyacuyta mana munanquichu.

Runaman supay cutishanpita willapashan

San Lucas 11.24–26

⁴³«Supay imata rurashantapis tantiyacunqueiman. Runapita jargush captin, chunyajchüshi purin. Jamaytapis manash tarinchu. ⁴⁴Maychüpis jamayta mana tarir, yarpaçhacun: «Chay runaman cuticushaj» nir. Cutirshi, chay runata pichapacush wasita-jina, jäcuycaj wasita-jina tarin. ⁴⁵Chayshi janéhis mas juyu supay-masincunata pusha-curcur runachu tiyananpaj cutin. Supaycuna cutiptin, juyu cashan-

pitash masna runa juyuyacäcun. Chay runa juyuyacäcushan-jina jamcunapis juchallaçu arur, juyuyacäcunquipaj.»

Mamanwan wauguincuna Jesústa ashishan

San Marcos 3.31–35; San Lucas 8.19–21

⁴⁶Juturaj runacunata parlapay-captillan, Jesúspa mamanwan wauguincuna çhayaran. Paywan parlayta munaran. ⁴⁷Chaymi juc runa niran: «Tayta Jesús, mamay-quiwan wauguiquicunash jawaçu shuyarpaycäshunqui. Jamwan parlaytash munaycan.»

⁴⁸Willaptin, Jesús niran: «¿Pitaj mamä? ¿Pitaj wauguicuna?»

⁴⁹Purishijnincunata ricärir, niran: «Jamcuna mamä, wauguicuna canqui. ⁵⁰Pi-maypis janaj pachaçu Papänipa shungun munashanta rurajcunaga mamäwan, wauguïwan, paniwanmi tincun.»

Murupacujwan tincuchiypa willapashan

San Marcos 4.1–9; San Lucas 8.4–8

13 ¹Chay junaj wasipita aywacur, jatun püsu cantunçu Jesús jamacuycuran.

²Jamaraycaptin, achcaj runa çhayapuran. Chay-chicajta ricar, willapäcunanpaj bütiman jigacurcuran. Runacunam ichanga püsupa cantullançu juturpaycaran.

³Chaymi imawanpis tincuchiyllapa tantiyachir, Jesús niran:

«Juc runash murupacuj aywaran.

⁴Machiptinshi, waquin muru caminuman çhayasha. Caminuman çhayajta pichuysacunash pasha-curcusha. ⁵Waqin murunash jarapshu allpaman çhayasha.



San Mateo 13.1–9

Jarapshu captinshi, juella wiñacarca-musha. ⁶Ichanga janallanchu sapin captin inti rupaptinshi, chaquicäcusha. ⁷Waquin murunash shata-shataman chayasha. Shata atayäcurcurshi, muru wiñamujtapis jarwashtärachisha. ⁸Waquin murunash alli allpaman chayasha. Sumajshi wayusha. Juc murulla-pitash waquin wayusha juc paçhacta (100), waquinnash sujta çhuncata (60), waquinnash quimsa çhuncata (30). ⁹Rinriyujmi canqui. Tantiyacun-quiman.»

**Tincuchiypa willapashanpita
tantiyachishan**

San Marcos 4.10–12; San Lucas 8.9–10

¹⁰Purishijnincunana lädunman ashurcur, Jesústa tapuran: «¿Imanirtaj tincuchiyllapa willapäcunqui?» nir.

¹¹Jesúsna niran: «Jamcunata mayna tantiyachishcay: «Maquinchu

cawananchipaj Tayta Diosninchi shuyaraycämanchi» nir. Waquin-cunatam ichanga mana tanti-yachirächu. ¹²Wiyacuptin, pitapis Tayta Diosninchi sumaj tantiya-chinga. Mana wiyacujcunatam ichanga ichicllata tantiyashallan-tapis jungaycachinga. ¹³Chaymi imawanpis tincuchiyllapa tantiyachi sumaj tantiyacunanpaj. Ichanga ima-imata rurashätapis ricaycarsi, ñawiyaj-tucun. Wiyaycämarshi, rinriyaj-tucun. Mana tantiyaj-tucunchu. ¹⁴Chayrämi willacuj Isaíaspa shimin çharcucan. Yarpa-shanta Tayta Diosninchi musyachiptin, Isaías unayna niran:

«Wiyajcuna wiyaycarsi, mana tantiyacunchu.

Ricajcuna ricaycarsi, tantiyayta mana munanchu.

¹⁵Cay runacuna rumi shungum.

Rinriyuj carsi, upa-tucun mana wiyananpaj.

Ñawiyuj carsi, japra-tucun mana ricananpaj.

Alli shungu carmi ichanga ñawiyuj cashpan rurashäta ricar, tantiyacunman. Rinriyuj cashpan shimäta wiyar, tantiyacunman.

Shungunman chayaptin, juchata aparicushanpitapis wanacunman.

Nuwapis tucuyпита allchacächiman.*

¹⁶«Purishimajcuna, jamcunaga cushicärinquiman. Llapan rurashäta ricanayquipäpis, shimäta wiyamayquipäpis Tayta Diosninchichi yanapaycäshunqui. ¹⁷Sumaj tantiyacunquiman. Unay willacujcunapis, Tayta Diosninchita manchacuj runacunapis ricamayta munaran. Ima-imata rurashätapis ricayta munaran. Shimätapis wiyayta munaran. Ichanga mana camäpacuranchu.

Murupacujpita tantiyachishan

San Marcos 4.13–20; San Lucas 8.11–15

¹⁸«Canan murupacujwan tincuchiypa willapashajta sumaj tantiyacuy. ¹⁹Caminu chucru shungu runacunawan tincun. Chucru shungu runacuna Tayta Diosninchipa shiminta wiyarpis shungunman mana chayaptin, mana tantiyacunchu. Chaymi yangalla tantiyacushallantapis supay jungaycachin Tayta Diosninchipita witicunanpaj.

²⁰«Jarapshu allpana janan shungu runawan tincun. Paycuna cushi-cushilla Tayta Diosninchipa shiminta chasquicun. ²¹Chaypis

mana sapichashan-jina janan shungulla. Chaymi Tayta Diosninchita wiyacushan-janan ñacaycuna chayapuptin, witicurin. Mana ichipunchu.

²²«Shata wiñanan allpana tincupacaj runawan tincun. Paycuna Tayta Diosninchipa shiminta wiyar. Wiyarsi, cay pachachu imapäpis alläpa yarpaçhacur, jillayllata ashir tincupacan. Chaymi Tayta Diosninchipa shiminta wiyash carsi, Tayta Diosninchipa shungun munashanta mana ruranchu.

²³«Alli allpana wiyacuj runawan tincun. Paycuna Tayta Diosninchipa shiminta sumaj tantiyacur, manchapacur cawan. Juc murulla alli wayushan-jina allita rurar cawan. Alli muruga wayun paçhacta (100), waquinna sujta chuncata (60), waquinna quimsa chuncata (30).»

Riguwan juyu jiwapita tincuchiypa willapashan

²⁴Yapay tincuchiypa willapäcur, Jesús niran: «Tayta Diosninchipa maquinchu cawaypita tantiyachishayqui. Juc runash chacranman riguta murusha. ²⁵Llapan puñucashancamanshi chiqui runa chacayllapa aywarcu, juyu jiwata rigu murushan jananman mururisha. Jinarcusha jishpicusha.

²⁶«Rigu atayar shicshiyta jallaycup-tinshi, juyu jiwapis shicshiyta jallaycusha. ²⁷Mincaynincunanash chacrayujta tapusha: «Tayta, alli murullata murushcanqui, ¿au? ¿Imanaypataj juyu jiwaga wiñamusha?» nirshi.

²⁸Chacrayujnash niran: «Chiquimashpan juc runa murupaycamasha.»

* 13.14–15 Isaías 6.9–10.

Mincaynincunanash tapuran: «¿Llupiramushächu?» nir. ²⁹Çacrayujnash niran: «Mana. Jiwata llupiptiqui, rīgupis llupicäcungapaj. ³⁰Riguwan tallushalla pugunancaman cacuchun. Puguptin, rutüshimajcunata nishaj: «Puntata juyu jiwacunallata shuntarcu, wancuy. Jinarcu rupachiy. Rīgutam ichanga wasiman shuntay.»»

**Ñäpus muruwan tincuchiypa
willapashan**

San Marcos 4.30–32;

San Lucas 13.18–19

³¹Yapay tincuchiypa willapäcur, Jesús niran: «Tayta Diosninchipa maquinchu cawajcuna ñäpus muruwan tincun.* Juc runash wirtanman ñäpusta mururan. ³²Chay muruga llapan murupitapis mas acapallash. Wiñamurshi ichanga, waquin jachacunapitapis mas atayan. Yüranpis sumaj atayäcurcun. Callapancunächüpis pichuysacunas jishucun.»

**Libadürawan tincuchiypa
willapashan**

San Lucas 13.20–21

³³Yapaypis tincuchiypa willapäcur, Jesús niran: «Tayta Diosninchipa maquinchu cawajcuna libadürawan tincun. Tantata rurananjuc warmi quimsa arüba arinatash libadürawan chapusha. Chapurächisha llapan arinata jacachinancamanshi.»

**Tincuchiylapa willapäcunanpaj
cashan**

San Marcos 4.33–34

³⁴Juturashan runacunata imawanpis tincuchiylapa Jesús

willapäcuran. Imapis tincuchinanjuc mana captin, jinalla mana tantiyachijchu. ³⁵Chaymi juc willacuj rimashan çharcuran. Tayta Diosninchi rimachiptin, unayna niran:

«Imawanpis tincuchiylapa
willapäcushaj.

Shungullächu musyashäta
willapäcushaj.

Cay pachata camashanpita-
pacha mana musyachishäta
tantiyachicushaj.»*


Juyu jiwapita tantiyachishan

³⁶Chaypita llapan runata jaguiycu, wasinman Jesús cuticuran. Wasipina purishijnincuna niran: «¿Imamantaj çhacrachu murupacushan juyu jiwata tincuchishcanqui?»

³⁷Jesúsna niran: «Tayta Diosninchi caçhamasha. Rigu muruj runawan tincü. ³⁸Çacrana llapan runawan tincun. Rigu muruna Tayta Diosninchipa maquinchu cawajcunawan tincun. Juyu jiwana supaypa maquinchu cawajcunawan tincun. ³⁹Chiquimajna supaywan tincun. Rutuy junajna cay pacha ushycaywan tincun. Rutujcunana anjilcunawan tincun.

⁴⁰«Juyu jiwata ninawan rupachishan-jina cay pacha ushyacanan junajchu canga. ⁴¹Tayta Diosninchipa caçhan carmi, llapan runacunata maquiçu purichi. Chaymi anjilcunata caçhamushaj waquin runata raquinanjuc. Runa-masinta juchaman jançhash captin, juchaçu arush captin,

* **13.31** Israel marcaçu wiñaj ñäpus ricshishanchi ñäpuswan mana tincunchu. Chay ñäpus wiñar, quimsa ricracaman atayan. * **13.35** Salmo 78.2.



San Mateo 13.47-50

shuntarcur ñacayman jaycuringa.
⁴²Ratataycaj ninaman jaycuringa.
 Chaychu atayparaj waganga.
 Juyupa ñacar, quiruntapis uchungu.
⁴³Tayta Diosninchipa shiminta
 wiyacujcunam ichanga Tayta Dios-
 ninchipa ñaupanchu cuyayllapaj
 juturanga. Inti achicyashan-niraj
 ricacanga. Rinriyujmi canqui.
 Tantiyacunquiman.

**Pamparaj jillaywan
 tincuchiya willapashan**

⁴⁴«Tayta Diosninchipa maquinchu
 caway chacrachu jillay pamparajwan
 tincun. Juc runash chacrachu jillay
 pamparajta tarir, jinallanman
 yapay pampaycun. Jinarcurshi
 cushicuyllawan jillay pamparaj
 chacrata rantin. Rantinapashi

quiquinpa imancunatapis ushyaypa
 ranticuycun.

**Achie-achicyaycaj rumiwan
 tincuchiya willapashan**

⁴⁵«Tayta Diosninchipa maquinchu
 caway achic-achicyaycaj rumiwan
 tincun. Ranticujcunash sumaj
 achicyaycaj rumita ashin. ⁴⁶Sumaj
 achic-achicyaycaj rumita tarirshi,
 llapan imancunatapis ranticuycun.
 Llapanninta ranticuycurshi, achic-
 achicyaycaj rumita rantin.

**Ridiwan tincuchiya
 willapashan**

⁴⁷«Tayta Diosninchipa maquinchu
 caway ridiwan tincun. Ridita
 yacuman jitarga, tucuy-niraj
 piscadutash charin. ⁴⁸Ridiman

piscädu juntaptin, pallgamanshi jurgun. Jinarcushu acran. Allicajtash canistaman wiñan. Mana allicajcunatash ichanga wicaparin. ⁴⁹Chaynuymi canga cay pacha ushycaptin. Anjilcuna shamur, Tayta Diosninchipa shiminta wiyacujcunatapis, juyu runacunatapis acrang. ⁵⁰Juyu runacunataga ratataycaj ninaman jaycuringa. Chaychu atayparaj waganga. Juyupa ñacar, quiruntapis uchunga.»

⁵¹Chaura llapanta willapariycur, Jesús tapuran: «¿Yačhachishäta llapantachu tantiyashcanqui?» nir. Paycunana niran: «Au. Tantiyashcämi, Tayta.» ⁵²Jesúsna niran: «Tayta Diosninchipa maquinchu cawayta yačhajcuna wasiyuj runawan tincun. Wasiyujga allitash jipirächin. Pascar, mushujcunatapis, unay-cajcunatapis ricachicunshi.»

Nazaret marcachu Jesús willapäcushan

San Marcos 6.1–6; San Lucas 4.16–30

⁵³Tincuchiypa willapäcuricur, Jesús aywacuran. ⁵⁴Marcanman cuticur, shuntacäna wasichüna willapäcuran. Runacuna tantiyayta mana atipar, tapunacurcaycaran: «Jesús sumaj yačhan, ¿au? ¿Maychüraj llapanta yačhacusha? ¿Imanuyparaj Tayta Diosnillanchi camacächishancunata rurana? ⁵⁵Payga carpintiru Josépa wamrallan, ¿au? Mamanpis, ¿manachu María? Wauguincunapis Santiago, José, Simón, Judas, ¿au? ⁵⁶Panincunawanpis waran-waran tincuycanchi, ¿manachu? Jinan runa caycar, ¿imanuyparaj llapanta yačhacusha?»

⁵⁷Chaynuy nir Jesústa pampaman échuran. Jesúsna niran: «May-

chaychüpis alli ñawinpa Tayta Diosninchipa willacujninta rican. Yurishan marcachümi ichanga marca-masincunapis, yawar-masincunapis pampaman échuran. Ricaytapis mana munanchu.» ⁵⁸Runacuna payman mana yupachicushanpita Tayta Diosninchicamacächiyinpa mana imatapis ruranchu. Juc-ishcay jishyačhucunallata allchacächiran.

Ushyachicuj Juanta wañuchishan

San Marcos 6.14–29; San Lucas 9.7–9

14 ¹Chay wichan Galilea marca-cunata mandaj Herodes Jesús ima-imata rurashantapis mayaran. ²Wiyashpan yanapajnincunata niran: ««Jesús» nishan runa Ushyachicuj Juanchi wañushanpita cawarircamusha. Chaychi munayniyuj ricarimusha Tayta Diosnillanchi camacächishancunata rurananpaj.»

^{3–4}Ushyachicuj Juanta piñacushallanpita quiquin mandaj Herodes unayna mancurnarcachir, carsilman wichgachish caran. Juan piñacurunaj: «Tayta Herodes, mama Herodíasga wauguiqui Felipupa warminmi. Wauguiquipa warminta ama jichunquimancho» nir. ⁵Mandaj Herodes wañurachiyta munarsi, runacunata manchacuran. Runacuna niran: «Ushyachicuj Juan Tayta Diosninchipa willacujninmi.»

⁶Juc junaj mandaj Herodes diyanta tünaran. Tünaču mama Herodíaspa jipashninraj sumaj jachwaptin, mandaj Herodes cushicuran. ⁷Sumaj cushicur, jipashta niran: «Shunguyqui munashanta mañacamay. Munaptiqui, imätapis

juycushayquim.» ⁸Jipashna maman shacyächiptin, mandaj Herodesta niran: «Ushyachicuj Juanpa umanta mañacushayqui. Juella matiwan macyamay.»

⁹Chaura mandaj Herodes juyupa llaquicäcuran. Llaquicursi, jurpancunapa ñaupanchu aunish cashpan mañacushanta çharcuchiran. ¹⁰Chaymi mincaynincunata caçharan Juanpa umanta rugunanpaj. ¹¹Mincaynincunana Juanpa umanta änir matillawan jipashta macyaycuran. Jipashna mamanta juycuran. ¹²Juanpa purishijnincuna aywarcur ayanta shuntaran. Pampaycäciran. Jinarcur Jesústa willaran.

Pichga waranga runata Jesús jarashan

San Marcos 6.30–44;

San Lucas 9.10–17; San Juan 6.1–14

¹³Juanta wañuchishanta mayar, Jesús bütiman jigarcuran. Püsuta chimpan, chunyaj pachaman aywacuran. Shuyninpa aywacushanta mayar, chay-tucuy marcapita runacuna chaquillapa tariparan. ¹⁴Bütipita Jesús llucshirir achcaj runata ricar, llaquiparan. Jishyaçhucunatapis allchacächiran.

¹⁵Pacha chacanaycaptin, purishijnincuna Jesústa niran: «Chunyaj pachaçu carcaycanchi. Pachapis chacanaycan. Runacuna marcacunaman aywacuchun micuyta rantircur micunanpaj.»

¹⁶Jesúsna niran: «Ama aywacuchunchu. Jamcuna jaranquiman.»

¹⁷Paycunana niran: «Pichga tantatawan ishcaj piscädullata chararcaycä.» ¹⁸Jesúsna niran: «Mä, apamuy.»

¹⁹Jinarcur llapan runata pashpa-llaman jamachiran. Pichga tanta-tawan ishcaj piscäduta aptacurcur janaj pachaman ricärir, niran: «Taytallau Tayta, ima allish tarichillämashcanqui.» Nircur tantacunata paquircur-paquircur, purishijnincunata macyaran. Paycunana llapan runata jararan. ²⁰Runacunana puchupacushan-caman micuran. Micurcuptin, puchupacushanta çhunca ishcajwan (12) canista juntataraj shuntaran. ²¹Micujcunata yupaptin, ullgulla pichga waranga-yupay (5,000) caycaran. Warmicunatawan wamracunatam ichanga mana yuparanchu.

Yacu janampa Jesús aywashan

San Marcos 6.45–52; San Juan 6.16–21

²²Jinarcur chimpapa ñaupacärinanpaj purishijnincunata bütiman Jesús jigachiran. Nircur llapan runata wasinman-caman cutircachiran. ²³Llapan aywacuriptin, quiquillanna Jesús puntaman aywaran Tayta Diosninchita mañacunanpaj. Mañacuycaptillan, pachapis chacacäcuran.

²⁴Purishijnincunana bütiwan jatun püsu çhaupinta aywaycaran. Chicchinpa wacman-cayman purichicuycaran. Wayrapis chapacächaycaran. ²⁵Pacha waraycaptillan, yacu janallanpa Jesús taripaycaran.

²⁶Purishijnincunana yacu janampa taripaycajta ricar mancharir, japaçhacäciran: «Alma shaycämun» nir.

²⁷Jesúsna niran: «Ama manchacamaychu. Quiquimi caycä.» ²⁸Pedruna niran: «Tayta, rasunpa quiquiqui cashpayqui, yacu janallanpa shamunäpaj camacächiy.» ²⁹Jesúsna: «Shamuy, ari» nir Pedruta jayaran.



San Mateo 14.22–33

Payna бүтїпїта llucshirir, yacu janallanpa Jesúspan aywaran. ³⁰Yacu бүчїппа-бүчїcurcuptinmi ichanga, mancharicäcuran. Mancharir, yacu rurinman challpucäcuycaran. Chaymi japaçhacuran: «Washämay. Washämay, Tayta» nir. ³¹Jesúsna juella maquinpita Pedruta jurguran: «Janan shungulla runa, çimanirtaj mana yupachicamanquichu?» nir.

³²Ishcanin бүтїman jigacurcuptin, wayrapis çhawacäcuran. ³³Bүтїchu aywajcunana Jesúspa ñaupanman jungurpacuycuran: «Rasunpa Tayta Diosninchipa Wawan canqui» nir.

**Genesaret quinranchu
jishyaçhucunata Jesús
allchacächishan**

San Marcos 6.53–56

³⁴Jatun püsuta chimparir, Genesaret marcaman çayaran. ³⁵Chay runacuna Jesústa ricsicuycur, chay-tucuypan willanacäriran. Chaymi jishyaçhucunata Jesúspan apamuran. ³⁶Jishyaçhucunana mañacuran: «Tayta Jesús, müdanay-quipa cantullantapis yatayca-chillämay, ari» nir. Yataycujcuna äñir allchacäcuran.

**Jucha ruray runapa
shungunpita ricarishan**

San Marcos 7.1–23

15 ¹Chaypita waquin fariseucu-nawan Moiséspa shiminta yaćhajcuna Jerusalén marcapita ćhayarcur, Jesústa tapuran: ²«¿Imanirtaj purishijniquicuna auquillunchicuna yaćhachishanta jungaycun? Maquina awicurinman. Janra maquinwan micur, Tayta Diosninchipa ricay ñawinćhu llutanta ruraycan» nir.

³Jesúsna tapuran: «¿Imanirtaj Tayta Diosninchipa shiminta jungaycur, auquilluyquicuna yaćhachishushayquita ćharcureycanqui? ⁴Tayta Diosninchipa shimin nin: «Mamayqui-taytayquita alli ricanqui. Maman-taytanta ashllijcuna ama cawachunpishchu.» ⁵Jamcunam ichanga mamayqui-taytayquita mana yanapānayqui-cashan nircaycanqui: «Cananga imātapis llapantam Tayta Diosninchipa maquinman ćhurashćä. Yanapānajpaj mana puchunnachu.»

⁶«Chaynuy nir pipis maman-taytanta mana yanapānanpaj shimiycanqui. Auquilluyquicuna yaćhachishushayquita ruray, Tayta Diosninchipa shiminta pampaman ćhurarcaycanqui. ⁷Janan shungulla carcaycanqui. Rasullantaćhari Tayta Diosninchipa rimachiptin, willacuj Isaías unayna niran:

⁸«Cay runacuna shimillanwan alliman ćhuramaj-tucun. Shungunmi ichanga juccunata manchapacun.

⁹Janan shungulla alliman ćhuraman.

«Tayta Diosninchipa shimin allim» nirpis, runa yarpashallanta willapācun.»*

¹⁰Chaynuy nir llapan runata jayarcur, Jesús niran: «Llapaniqui wiyamay. Shimita sumaj tantiyacuy.

¹¹Shiminchiwan micushanchiga, upushanchiga mana juchata aparicachimanchichu. Shungunchićhu llutanta yarpashanchita rimarmi ichanga, Tayta Diosninchipa ricay ñawinćhüpis jucha aparicuymañ chayachimanchi.»

¹²Purishijnincunana Jesúsman witircur, willaran: «Rimashayquita wiyar, fariseucuna ullgusham» nir.

¹³Jesúsna niran: «Juyu jiwata sapintinta llupirir ćhacrapita wicapashanjina paycunatapis janaj pachaćhu tiyaj Papāni illarachinga. ¹⁴Chaymi fariseucunata ama rimapaychu. Paycunaga japra-masinta pushaycayjina. Pipis japra-masinwan pushanacur, ishcanin ućhcuman tunicun.»

¹⁵Chaura Pedro niran: «Tayta, micuypita rimashayquita tantiychimay, ari.»

¹⁶Jesúsna niran: «¿Jamcunapis manachu tantiyacārinquiraj? ¹⁷Runa micushan paćhallaman ćhayan. Micurcur, ishpacurin. ¹⁸Runa shungunćhu yarpashanmi ichanga juchaman ćhayachin. Llutanta rimar, Tayta Diosninchipa ricay ñawinćhüpis juchata aparicun.

¹⁹«Runa shungunćhu yarpachacun juchata rurananjaj, runa-masinta wañuchicunanjaj, majanta janapachinanjaj, warmi-paća runa-paća cananjaj, suwacunanjaj, llullapācunanjaj, pipa washantapis rimananjaj. ²⁰Shungun yarpashanta

* **15.4** Éxodo 20.12; Deuteronomio 5.16; Éxodo 21.17; Levítico 20.9. * **15.8–9** Isaías 29.13.

rurar, Tayta Diosninchipa ricay ñawinchüpis juchata aparicun. Maquinta mana awicullar micurmi ichanga, mana juchatachu aparicun. Tayta Diosninchitapis mana pampa-manchu éhuran.»

**Jäpa warmipa wamranta Jesús
allchacächishan**

San Marcos 7.24–30

²¹Chaypita aywacur, Tiro marca quinranman, Sidón marca quinranman Jesús éhayaran. ²²Chay quinranchu Canaán marca warmi tiyaran. Jäpa warmi carsi Jesústa ricar, japariypa niran: «Taytallau Tayta, unay mandaj Davidpa willcan canqui. Llaquipaycallamay, ari. Warmi wamräta supay pucllacusha. Juyupa ñacaycächin.» ²³Yaparir-yaparir mañacuptinsi, Jesús mana wiyaj-tucurancho. Purishijnincunana niran: «Tayta Jesús, yanapay-cuptiquíchi, alli canga. Japariypa mañacuycäshunqui.»

²⁴Jesúsna niran: «Ujrakash uyshajina captin, Israel runacunallaman Tayta Diosninchi cáchamasha, ¿au?»

²⁵Warmina Jesúsna ñaupanman jungurpacuycur, mañacuran: «Tayta, yanapaycallamay, ari» nir. ²⁶Chaura jäpa runacunata allguwan tincuchir, Jesús niran: «Wamracuna micushanta jíchurir allguta jarananchi mana camacanchu.»

²⁷Warmina niran: «Rasullanta rimashcanqui, Tayta. Allgucunam ichanga wamracuna cáchapacusha-llantapis micucun.» ²⁸Jesúsna niran: «Mamacha, allita rimashcanqui. Llapan shunguyquiwan yupachicamanqui. Mañacamashayqui camacan.» Niptin, jucllash warmipa wamran allchacäcuran.

**Jishyačhucunata Jesús
allchacächishan**

²⁹Chaypita Galilea püsu cantullanpa Jesús aywaran. Pataman yagaycur, jamacuycuran. ³⁰Jamaraycaptin, achcaj runa éhayapuran. Wijrucunatapis, cumllucunatapis, japracunatapis, upacunatapis éhayachiran. Ima jishya charish captinsi, Jesúsna ñaupanman éhayachiran. Payna llapanta allchacächiran. ³¹Upacuna rimaptin, cumllucuna allchacaptin, wijrucuna alli puriptin, japracuna ricaptin, runacuna jatunpa cushicuran. Tayta Diosninchita alliman éhuran: «Israel runacunapa Tayta Diosnin sumaj munayniyuj» nir.

**Čhucscu waranga runata
jarashan**

San Marcos 8.1–10

³²Purishijnincunata shuntarcu, Jesús niran: «Cay runacunata llaquipämi. Quimsa junajna purishiycämanchi. Micunanpäpis mana canchu. Micünillata wasinman cáchaptinchi, shungunpis ushyacäcunga.»

³³Purishijnincunana niran: «Chunyaj pachaču carcaycanchi. ¿Cayču tantata tarishuwanchuraj? Runacunapis chay-chicajmi caycan.»

³⁴Jesúsna tapuran: «¿Ayca tantatataj chararcaycanqui?» nir. Tapuptin, niran: «Jančhis tantatawan ishcaj-quimsa piscädullata.»

³⁵Chaynuy niptin, llapan runata pampallaman jamachiran. ³⁶Jančhis tantata, piscäduta aptacurcur, Jesús niran: «Taytallau Tayta, ima allish tarichillämashecanqui.» Jinarcu paquircur-paquircur, purishijnincunata macyaran. Paycunana llapan runata aypuran.

³⁷Runacunana puchupacushan-caman micupacäriran. Puchupacu-shanta shuntaptin, jančhis canis-tamanraj juntaran. ³⁸Micujcunata yupaptin, ullgulla čhuscu waranga (4,000) caran. Warmitawan wamracunatam ichanga mana yuparanchu. ³⁹Micucurcuptinna, llapan runata Jesús niran: «Wasiqicunaman cuticäriy.» Quiquinmi ichanga bütiman jigarcu, Magadán quinranman chimparan.

Jesústa ashipashan

San Marcos 8.11–13;

San Lucas 12.54–56

16 ¹Juc cuti fariseucunawan saduceucuna Jesúsman čhayaran. Achäquita ashipashpan niran: «Tayta Diosninchicamacächiyninpa mä, imallatapis ruray.»

²Jesúsna niran: «Pacha lliuyaraptin: «Wara usyanga» nir rimapäcunqui. ³Yana pucutayta ricar: «Canan tamyanga» nir rimapäcunqui. Tamyananapis, usyanantapis tantiyanqui. Tayta Diosninchicacchamashantam ichanga mana tantiyacunquichu, ¿au? ⁴Jamcuna juchallaču arunqui. Jananpachicuj carcaycanqui. Tayta Diosninchicamacächiyninpa imallatapis ruranäta munaptiquisi, mana imatapis rurashächu. Tantiyayta munar, unay willacuj Jonás pa willapanta yarparanquiman.» Chaynuy nir Jesús aywacuran.

Libadürawan fariseucunata tincuchishan

San Marcos 8.14–21

⁵Chaypita purishijnincuna-ima Jesús Galilea püsuta chimparan.

Purishijnincunam ichanga micuy apayta jungaycäriran. ⁶Jesúsna niran: «Sumaj tantiyacunquiman. Fariseucunapa, saduceucunapa libadüranta ama čhasquipanquichu.» ⁷Purishijnincunana quiquin-puralla parlanacäriran: «Tantata mana apamushanchipitači wiyächipaycämanchi» nir.

⁸Tapunacuycashanta musyar, Jesús niran: «¿Imanirtaj: «Tanta mana canchu» ninacurcaycanqui? ¿Manachu yupachicamanqui? ⁹¿Pichga tanta-llata pichga waranga (5,000) runacunapaj aypächishäta jungaycushcanquinachu? Puchupacushanta, ¿ayca canista juntatataj shuntarayqui? ¿Tantiyayta manachu atipanqui? ¹⁰¿Jančhis tantallata čhuscu waranga (4,000) runapaj aypächishäta jungaycushcanquinachu? Puchupacushancunata, ¿ayca canista juntatataj shuntarayqui? ¹¹¿Imanirtaj mana tantiyacunquirächu? «Fariseucunapa, saduceucunapa libadüranta yatarunquiman» nirga, mana tantapächu rimaycarä.»

¹²Chayrämi purishijnincuna tantiyacurisha. Jesús mana libadürapächu rimaycaran; manchäga fariseucunapa, saduceucunapa yarpashanta mana čhasquicunanpaj.

Jesús Washäcuj cashanta Pedro rimaricushan

San Marcos 8.27–30; San Lucas 9.18–21

¹³Chaypita Cesarea Filipo marca quinranman purishijnincunawan Jesús aywaran. Aywarcaycashanču purishijnincunata tapuran: «Runacuna, ¿imatataj yarpan Tayta Diosninchicacchamushan Washäcujpita?» nir.

¹⁴Chaura purishijnincuna niran: «Waquin runash nin: «Ushya-

chicuj Juan.» Waquinnash: «Elías» nin. Waquinnash: «Jeremías» nin. Waquinnash: «Pi carpis, Tayta Diosninchipa willacujnin canga» nin.»

¹⁵Chaura quiquincunata Jesús tapuran: «Jancunapäga, ¿pitaj cä?» nir. ¹⁶Simón Pedruna niran: «Washäcujmi canqui. Cawaj Tayta Diosninchipa Wawanmi canqui.» ¹⁷Jesúsna niran: «Jonás pa wawan Simón, cushicunquiman. Janaj pachapita Papäni yanapashcashunqui pi cashätapis musyanayquipaj. Runapa shiminpitachu mana musyashcanqui.

¹⁸«Rasunpa Pedro canqui. (Pedro» ninanga: «rumi» ninanmi.) Pedro, jutucuj irmänucunata ricanayquipaj churashayqui. Paycunata supaypis mana ichipungachu. Irmänucuna wañurpis, chacaj pachallachu mana imaysi tiyacungachu. ¹⁹Canan lläbi charaj-jina llapan irmänucuna maquiquichu cawanga. Pipis cay pacha chu Tayta Diosninchipa maquinchu cawayta munaptin, ricanqui. Michashayquita janaj pacha chüpis Tayta Diosninchipa michanga. Aunishayquitapis auninga.» ²⁰Jinarcu purishijnincunata piñaparan: «Tayta Diosninchipa cachamushan Washäcuj cashäta pitapis ama willapanquichu» nir.

**Wañuyman chayananta Jesús
musyachicushan**

San Marcos 8.31–9.1;

San Lucas 9.22–27

²¹Chay junajpita-pacha purishijnincunata Jesús niran: «Jerusalén marcamanna aywanä. Aywaptiga, mayur runacuna, mayur cüracuna, Moisés pa shiminta yachaj runacuna juyupa ñacachimanga. Wañuchimanga. Wañuchimaptinsi, quimsa junajta Tayta Diosninchipa cawarachimanga.»

²²Pedruna yatalla jayarcu, Jesús ta piñacuran: «Tayta, rimashayqui ama camacächunchu. Tayta Diosninchipa ama camacächichunchu» nir.

²³Jesúsna ullgüparan: «Pedro, Supaymi canqui. Washata ayway. Chapata ama ruramaychu. Tayta Diosninchipa shiminta charcunäta michaycämanqui. Imatapis munapashayquitaga runacunalla ashin. Tayta Diosninchipa shungun yarpa-shanwan ichanga mana tincunchu» nir.

²⁴Jinarcu purishijnincunata Jesús niran: «Pipis purishimayta munar, quiquinpa shungun munashanta ama ruranmanchu. Manchäga nuwa-janan ñacachiptinsi, ruschu wañuchiptinsi shimita wiyacuchun. ²⁵Ñacaytapis, wañuytapis manchacur maquichu puriya mana munar, ushyacayman chayangapaj. Maquichu purir llapanninta jaguicunam ichanga imaycamanpis Tayta Diosninchipa maquinchu cawanga.

²⁶Sumaj ricuyayta tarirpis ushyacayman chayaptin, ricu cayninga, ¿imapäraj alli? ¿Ricu cayninga Tayta Diosninchipa ñaupanman chayachingachuraj? ²⁷Washäcuj car Tayta Diosninchipa cachamaptin, anjilcunawan-ima achic-achicyaycar shamushaj. Llapan runata Tayta Diosninchipa shiminta wiyacushanman-tupu tarichishaj. Wiyacujcunata alli cawayta tarichishaj. Mana wiyacujcunatam ichanga ñacayman jaycushaj. ²⁸Sumaj tantiyacunquiman. Tayta Diosninchipa cachan cashpä shamushaj llapan runata maquichu purichinäpaj. Waquinniquiga manaraj wañullarmi, cutimunäta ricanquipaj.»

**Juc-nirajman Jesús
ticracurishan**

San Marcos 9.2-13; San Lucas 9.28-36

17 ¹Chaypita sujta junajta Pedruta, Santiaguta, Santiagupa wauguin Juanta pushacurcur, puntaman Jesús jigaran. ²Puntachu quimsan purishijnincunalla ricapaycaptin, achic-achicyaycajman Jesús ticracuriran. Inti-jinaraj jajllan achic-achicyäcurcuran. Müdananpis yuraj llutpiman ticracuriran. ³Unay willacuj Moiséswan Elíaspis ricariparcur, Jesúswan parlaycaran.

⁴Chaura Pedro niran: «Tayta Jesús, caychüga alli juyäcuymi. Munap-tiqui, quimsa tacmata rurarishaj: jucta jampaj, jucta Moisés-paj, jucta Elías-paj.»

⁵Pedro rimaycaptillan, quimsanta achic-achicyaycaj pucutay chapacurcuran. Pucutay rurinpitana Tayta Diosninchinimuran: «Jesús-ga cuyay Wawämi. Shungüman tincun. Shiminta wiyacuy.»

⁶Rimamushanta wi-yar, purishijnincuna manchari-ywan pampaman llashtacaycä-iran. ⁷Paycunata yataycur, Jesús niran: «Jatariy. Ama manchariychu.» ⁸Niptin, ricaçhacurishan-chu quiqui-llantana Jesústa ricaran. Pipis mana carannachu.

⁹Puntapita yarpaycämushan-chu purishijnincunata Jesús willaparan: «Tayta Diosninchin caçhamasha. Canan ricashayquita pitapis ama willapanquichu wañushäpita manaraj cawarimushäcaman» nir.

¹⁰Chaynuy niptin, paycuna tapuran: «¿Imanirtaj Moisés-pa shiminta yaçhajcuna willacun: «Elías sham-

shanpitaraj Washäcuj shamunga nir?»

¹¹Chaura Jesús niran: «Au, rasunpa Elías cutimur, runacunata anyapanga Tayta Diosninchipa shungun munashannuy cawananjaj.

¹²Chaypis tantiyacunquiman. Elías mayna shamusha. Shamup-tinsi, runacuna mana ricsij-tucur shimintapis mana çhasquiranchu. Manchäga shungun munashallanta ruraran. Elíasta ñacachishan-jina ñacachimanga Tayta Diosninchipa caçhan caycaptisi.»

¹³Chayrämi purishijnincuna tanti-yacuriran Elías-paj rimar, Ushya-chicuj Juan-paj rimaycashanta.

**Supay pucllacush wamrata
Jesús allchacächishan**

San Marcos 9.14-29; San Lucas 9.37-43

¹⁴Puntapita yarpur runacuna juturpashanman çhayaptin, juc runa Jesúspa ñaupanman jungurpacuycuran: ¹⁵«Tayta, llaquipämar yanapaycallamay, ari. Wamräta wañupay charin. Juyupa ñacan. Ninamanpis, yacumanpis yaparir-yaparir tunin. ¹⁶Waquin purishijniquicunata mañacurä allchacächinanpaj. Ichanga mana camäpacuranchu» nir.

¹⁷Jesúsna niran: «Jamcuna Tayta Diosninchiman mana yupachicunquichu. Juchallaçhüpis arunqui. ¿Imaycamanraj tantiya-chishayqui? Mana yupachicamap-tiquim, yamacashcäna.» Wamrapa papänintana niran: «Wamrayquita mä, apamuy.»

¹⁸Wamranta çhayachiptin Jesús piñacuptin, wamrata supay caçhariycuran. Wamrana allchacash ricacuran.

¹⁹Chaypita purishijnincuna pacay-llapa Jesústa tapuran: «¿Imanirtaj nuwacuna supayta jarguyta mana camäpacushcächu?» nir.

²⁰Chaura Jesús niran: «¿Imanirtaj Tayta Diosninchiman mana yupachicunquichu? Sumaj tantiyacunquiman. Yangallapis yupachicurga, tagay jatun puntata ninquiman: «Caypita washaman witicuy.» Niptiqui, änir witicunman. Imapis sasa mana cangachu. ²¹(Chay-niraj supayta ayünunpawan Tayta Diosninchita mañacurraj jargunqui.)*»

**Wañuyman éhayananta yapay
Jesús musyachicushan**

San Marcos 9.30–32;

San Lucas 9.43–45

²²Galilea quinranpa puriyacashánchez purishijnincunata Jesús niran: «Tayta Diosninchicaçhamasha. Chaypis juc runa charimar, juyu runacunapa maquinman éhayachimanga.

²³Paycunana wañuchimanga. Quimsa junajtam ichanga cawarimushaj.» Niptin, purishijnincuna juyupa llaquicuran.

**Tayta Diosninchipa wasinpaj
jillayta éhurashan**

²⁴Cafarnaún marcaman purishijnincunawan Jesús éhayaptin, jillayta shuntajcuna Pedruta tapuran: «Mandajniki, ¿manachu jillayta échuran Tayta Diosninchipa wasinpaj?» nir. ²⁵Pedruna niran: «Au. Échuran.»

Wasiman cutir mana rimaptinraj, Jesús tapuran: «Simón Pedro, cay pachaçu caycaj auturdäcuna, ¿pitataj jillayta échurachin: castancunatachu, jäpa runacunatachu?» ²⁶Tapuptin,

Pedro niran: «Jäpa runacunatam.» Jesúsna niran: «Chaura castancuna jillayta mana échuranchu, ¿au? ²⁷Ima captinpis, jillayta échurachij mana ullgüpämänanchipaj éhurashun. Juella yacuman ayway. Punta-caj piscädu charishayquipa shiminta quiécharir, juc jillayta tarinquipaj. Ishcaninchipaj jillayta échuray.»

**Alli ricash cayta ashijcunapita
tantiyachishan**

San Marcos 9.33–37;

San Lucas 9.46–48

18 ¹Chay junajlla purishijnincuna Jesústa tapucuran: «Tayta Diosninchipa maquinchüga, ¿mayganitaj mayur cayman éhayashaj?» nir.

²Tapuptin, juc wamrata jayarcur purishijnincunapa échapinman íchichiran. ³Jinarcur niran: «Sumaj tantiyacunquiman. Tayta Diosninchipa maquinchu cawanayquipaj wamracuna-jina imatapis mana yarpaçhacullar cawanquiman.

⁴Cay pachaçu wamracuna mana alli-tucushannuy cawaptiquiraj, janaj pachaçhüpis Tayta Diosninchisumaj alli ñawinpa ricashunquipaj.

⁵Yupachicamashayqui-janan cayniraj wamrata alli ricar, nuwatapis alli ñawiquipa ricarcaycämanqui.

⁶«Wamra-jina llapan shungunwan nuwaman yupachicamajcunata juchaman janéhcacuna wañuyman éhayachun. Jatun-caray marayta cuncanman wallgaparcu, yacu ruri-ruricaman wicaparinman.

⁷«Cay pachaçu imanayllapapis runa juchaman éhayan. Juchanpita ñacanga. Runa-masinta juchaman

* 17.21 Waquin Bibliachu cay birsiculu mana canchu.

janéhcacujcunam ichanga llaqui-
paypaj ñacanga.

⁸«Maquiquipis, échaquiquipis
juchata aparicachishuptiqui muturir,
wicaparinquiman. Maquiynaj,
échaquiynaj caycar jucata mana
aparicurna, Tayta Diosninchipa
maquinéchu imaycamanpis cawan-
quipaj. Maquiuy, échaquiuy caycar
juchaéchu aruptiquim ichanga, mana
upij ninaman Tayta Diosninchipa
jaycurishunquipaj. ⁹Ñawiqui jucata
aparicachishuptiqui ujtirir, caruman
wicaparinquiman. Ñawiyaj caycar
juchaéchu mana cawaycar, Tayta
Diosninchipa maquinéchu imayca-
manpis cawanquipaj. Ñawiyaj caycar
juchaéchu cawaptiquim ichanga,
mana upij ninaman Tayta Diosninchipa
jaycurishunquipaj.

**Ujrakash uyshawan tincuchiypa
willapashan**

San Lucas 15.3–7

^{10–11}«Pipis wamra-jina llapan
shungunwan nuwaman yupachi-
cuptin, pampaman ama échuran-
quichu. Yupachicamajcunata
ricaj-anjilcuna Papānīpa ricay
ñawinéchu cawarcaycan. Quiquinpa
ñaupanéchuimi janaj pachaéchu
cawarcaycan.

¹²«Mä, yarpaéhcacushun. Juc
runapash pachac (100) uyshan
caran. Jucta ujracyur, ¿manachu
waquinta juc pachaman jutuycur
ujrashanta ashir purin? ¹³Ujrash
uyshanta tariycurshi, jatunpa
cushicun. Isgun échunca isgunwan
(99) uysha captinsi ujracashta
tariptin, shungunpis jatunpash
cushicun. ¹⁴Janaj pachaéhüpis

chaynuymi. Papāniqui pipis
ujracānanta mana munanchu.
Llapan wawancunata llaquipan.

**Irmānupa juchanta jugananpaj
tantiyachishan**

San Lucas 17.3

¹⁵«Maygan irmānupis jucata
aparicush captin, watucunqui.
Échayar, quiquillanta piñacunqui.
Piñacushayquita wiyacuptin, allina
ricanacunqui. ¹⁶Mana wiyacuptin,
juc-ishcay irmānuta jayachinqui.
Tayta Diosninchipa shiminéhüpis
nin: «Ishcay-quimsa runa wiyay-
captin, piñacunqui.» ¹⁷Paycunata
mana wiyacuptinmi ichanga,
jutucay irmānucunata willanqui.
Irmānucuna piñacuptinpis mana
wiyacuptinga, jargurinquiman:
«Tayta Diosninchita mana manchapa-
cunchu. Chiqui runa» nir.

¹⁸«Sumaj tantiyacunquiman.
Cay pachaéchu mana wiyacuj-
cunata jargushayquita Tayta Dios-
ninchipis janaj pachaéchu jargunga.
Wiyacujcunata échasquishayquita
Tayta Diosninchipis échasquina.
¹⁹Ishcaniqui parlanacuriycur
mañacuptiqui, Papāni sumaj
yanapāshunqui imatapis ruranay-
quipaj. Cay pachaéchu parlanacup-
tiqui, janaj pachaéhüpis wiyashun-
quipaj. ²⁰Ishcay-quimsajllapis
yupachicamashayqui-janan jutucap-
tiqui, jamcunawan caycāshaj.»

²¹Chaura Pedro tapuran:
«Tayta, juc irmānu jugaéchu arur
jagayāchimaptin, ¿ayca cuticamantaj
juchanta jungashaj? ¿Janéhis cutica-
manchuraj?» nir. ²²Jesúsna niran:
«Janéhis cutillaga ama; manchäga

* 18.16 Deuteronomio 19.15.



San Mateo 18.21–35

imay-imaypis juchanta junganquiman. Janchis éhunca janchiswan (77) cutipis juchanta junganquiman.

Jucha aparicushanta yarparäcupita tantiyachishan

²³«Tayta Diosninchipa maquinchu purichimashanchita tincuchiypa willapashayqui. Juc jatun patrunshi capuralnincunata jayachiran. Paycunatash jayachiran jillayninta cutichinanpaj. ²⁴Cutichinan junaj éhayamuptinshi, juc jaga-tucuj capuralninta jayachisha. Chay runa mana yupaysi atipaypäshi jagan caran. ²⁵Cutichiya mana camäpacup-tinshi, murucuncunata patrunnin niran: «Jagäta cutichimänanpaj cay runata ranticucuy. Wamrancunatapis, warmintapis, llapan imancunatapis ranticucuy. Chay jillaywanraj jagäta cutichimanga.» ²⁶Chayshi jaga runa jungurpacuycur mañacuran: «Taytallau tayta, tarishäcaman shuyaycallämay, ari. Tarir, llapanta cutichilläshayqui» nir. ²⁷Mañacuptinshi, llaquipar jillayninta mana shuntarannachu. «Ama cutichimaynachu» nirshi cáchariycuran.

²⁸«Patrunninpa wasinpita llucshirir, capural-masinwannash tincusha. Capural-masinga juc paéhaclash (100) jagan caran. Chayshi cuncanpita charircur, awicaéhärir ullgüparan: «¿Jagäta cutichimanquichu? ¿Manachu cutichimanquipis?» nir. ²⁹Jucninnash jungurpacuycur mañacuran: «Ichicllata shuyaycallämay, ari. Taripacurir, llapallanta cutichilläshayqui» nirshi. ³⁰Jucninnash ichanga shuyayta mana munar, juella carsilman wíchgachisha. Mana llaquipällarshi, jaganta cutichinacaman wíchgachiran.

³¹«Waquin capural-masincunash chayta ricar, juyupa llaquiparan. Patrunninman aywarcurshi, llap-llapanta willaycuran. ³²Patrunninnash juyu capuralninta jayachiran: «Juyu canqui. Chay-chica jagä captiquisi, mañacamaptiqui: «Ama cutichimaynachu» nishcay. Jagäta mana shuntashcänachu. ³³Llaquipashaj-jina jampis capural-masiquita llaquipanquiman caran.» ³⁴Patrunnin sumaj ullgüpariycurshi, carsilman wíchgachiran: «Llapan jagäta cutichimashancaman sumaj wascapamay» nir.

³⁵«Sumaj tantiyacunquiman. Ticshaparänacur irmänuyquipa juchanta yarparäcuptiqui, Papänipis juchayquita yarparäcunga. Mana imaysi jungangapachu.»

Majayujcuna mana raqicänanpaj willapashan

San Marcos 10.1–12; San Lucas 16.18

19 ¹Willapäcurir, Galilea quinranpita Judea quinranmanna Jesús aywacuran. Jordán mayu chimpanman éhayaran.

²Achcaj runapis jipanpa aywaran. Pipis jishyaćhu caycaptin, Jesús allchacächiran.

³Waquin fariseucunana achäquita ashipar, Jesústa tapuran: «¿Imallapitasi warminpita runa raquicänan camacanchu?» nir.

⁴Jesúsna niran: «¿Tayta Diosninchipa shiminta jungashcanquinachu? Shiminćhu nin: «Cay pachata, janaj pachata camar, warmitapis, ullgutapis Tayta Diosninchiruraran.»^{*} ⁵Chaynuypis nin: «Runa warmita ashir, maman-taytanpa maquinpita llucshicunman. Warmillanwanna ujllanacärinman juc shungulla cawanapaj.»^{*}

⁶Ishcaj carsi, juc shungullana cawan. Chaymi Tayta Diosninchimajachacächishanta runa mana raquicächinmanchu.»

⁷Fariseucunana niran: «Chaynuycaptin, ¿imanirtaj Moisés auniran: «Actaman jamaycachir warmiquiwan raquicar, jargurinquiman» nir?»

⁸Jesúsna niran: «Chucru shungucar nishayqui-nishayqui rurashayquipita raquicänayquita Moisés auniran. Tayta Diosninchim ichanga runa warminwan raquicänanta imaypis mana munanchu.

⁹«Jucwan janapachishuptiquiraj, majayquita jargurinquiman; manchäga mana. Juchan mana caycaptin warmiquita jaguiriycur, juc warmitapis ama ashinquimanachu. Chayta ruraj, janapachiycanqui.»

¹⁰Purishijnincunana Jesústa niran: «Warminwan runa chaynuycawaptin, mana

majachacayllaćhu jampi, ¿au?»

¹¹Jesúsna niran: «Llapan runa majanwan cawanman. Chaypis Tayta Diosninchimacamacächiptin, waquin mana majananchu.

¹²Waquinga mana majananchuchicla yurishpan, waquinna capashcashpan. Waquinmi ichanga mana majananchu Tayta Diosninchipa shiminta willapäcur puricunan cashpan. Shimita tantiyayta atiparraj, majaynajlla cawanquiman.»

Wamracunapaj Tayta Diosninchita mañacapushan

San Marcos 10.13–16;

San Lucas 18.15–17

¹³Waquin runacunana Jesúsman chayaran: «Maquiquiwan yataycur mallwa wamracunapaj Tayta Diosninchita mañacapamay, ari» nir. Wamracunata chayachijta ricarmi ichanga, purishijnincuna piñacuran.

¹⁴Jesúsna niran: «Ama mićhaychu. Wamracunata apamuchun. Shacamuchun. Wamra alli shungucawashan-jina runacunallapis Tayta Diosninchiman yupachicushpan maquinćhu cawan.»
¹⁵Wamracunapäna mañacapurán. Maquinwan yataycur niran: «Taytallau Tayta, cay wamracunata sumaj yanapaycullay» nir. Jinarcu Jesús aywacuran.

Puchuy-puchuy janancćhu cawaj runawan Jesús parlashan

San Marcos 10.17–31;

San Lucas 18.18–30

¹⁶Juc cuti juc runa Jesúsman chayarcu, tapuran: «Tayta, ¿ima

^{*}19.4 Génesis 1.27; 5.2. ^{*}19.5 Génesis 2.24.



San Mateo 19.16–30

allitataj ruräman Tayta Diosninchipa ñaupanchu imaycamanpis cawanäpaj?» nir.

¹⁷Jesúsna niran: «¿Imanirtaj allita ruranayquipaj tapumanqui? Tayta Diosnillanchim alli. Ñaupanchu imaycamanpis cawanayquipaj paypa shiminta wiyacunquiman.»

¹⁸Chay runana tapuran: «¿Ima imatataj wiyacúman?» nir. Jesúsna niran: «Ama wañuchicunquichu. Majayquita ama jananpachinquichu. Ama suwacunquichu. Runa-masiquita ama tumpaquichu. ¹⁹Mamayquitaytayquita alli ricanquiman. Quiquiqui alli ricacushayqui-jina runa-masiquitapis alli ricanquiman.»*

²⁰Chaura niran: «Chaycunata llapantam éharcushcă. ¿Imarätaj pishíman?»

²¹Jesúsna niran: «Llap-llapanta éharcuyta munarga, llapan chara-shayquicunata ranticuycur pishipacujcunata aypurir, purishimay. Chayraj Tayta Diosninchipa maquinchu imaycamanpis cawanquipaj.»

²²Chaynuy niptin, shungun ishquicäcuran. Puchuy-puchuy jananchu cawashpan juyupa llaquish aywacuran.

²³Purishijnincunatana Jesús niran: «Sumaj tantiyacunquiman. Puchuy-puchuy jananchu cawajcuna Tayta Diosninchipa maquinchu cawanapaj sumaj sasa. ²⁴«Camïllu» nishan jatun-caray uywa aujapa ñawinpa yaycuyta mana jushan-jina puchuy-puchuy jananchu cawajcunapis Tayta Diosninchipa maquinchu cawayta mana junchu.»

* 19.18–19 Éxodo 20.12–16; Deuteronomio 5.16–20; Levítico 19.18.

²⁵Chaura chayta wiyar, purishijnincuna mancharicäcuran: «Chaynuy captin, ¿piraj Tayta Diosninchipa ñaupanman chayanga?» nir.

²⁶Llapanta ricapärir Jesús niran: «Runacuna ushyacajllam. Chaymi alli cawarpis, sasächicun. Tayta Diosninchipämi ichanga imapis mana sasachu. Payga munayniyujmi pitapis ñaupanman chayachinanpaj.»

²⁷Pedruna niran: «Tayta, nuwacuna llapan imäcunatapis jaguiycurmi purishiycaj. Chayta rurashäpita, ¿imataraj chasquishaj?»

²⁸Jesúsna niran: «Sumaj tantiyacunquiman. Tayta Diosninchi caçhamasha. Payga cay pachata mushujman tichachishan wichanpita-pacha llapanta mandapti, jamcunapis mandäshimanquipaj. Israel runacuna çhunca ishcaywan (12) casta captin, llapanta maquiquichu purichinquipaj. ²⁹Nuwa-raycur imancunata jaguijcuna paçhac (100) janapaytana çhasquina. Paycunaga wasinta, mayurnincunata, shullcancunata, mamanta, taytanta, wawancunata, çhacrancunata çhasquina. Tayta Diosninchipa ñaupanman çhayarpis, mana ushyacaj cawaytapis taringa. ³⁰Ima captinpi, sumaj tantiyacunquiman. Cay pachaçu achcaj runa alli ricash captinsi, Tayta Diosninchipa ñaupanman çhayar, mana alli ricashnachu canga. Waquincunatam ichanga Tayta Diosninchi alli ñawinpa ricanga runa-masin pampaman çhurash captinsi.»

Piyuncunawan tincuchiypa willapashan

20 ¹Mä, tincuchiypa tanti-yachishayqui. «Piyunta ashij-yupay Tayta Diosninchipis

runacunata maquinman shuntan. Juc runash tuta-tutalla piyuncunata ashiran çhacrançu arüshinanpaj. ²Juc jurnalta pägashayqui» nirshi llapanta aruchiran.

³«Çhajécha inti-yupayshi çhacrayuj runa yapay ricaçhacuj aywaran. Marcaçu jitaraj runacunata ricarshi, ⁴niran: «Arüshimay. Arupacushayquipita juc jurnalta pägashayqui.» Niptin, änirshi chay runacuna arüshij aywaran.

⁵«Çhacrayuj runa tarishanmantupush piyunta aruj caçharan waquinta lasdüsi, waquintanash jatun mallway. ⁶Tacsha mallwaypis çhacrayuj runa yapayshi marcaman aywaran. Runacuna jitarpäcuycajta tarir, tapusha: «¿Imanirtaj jitarpäcuyanqui? ¿Manachu aruyniqui can? ¿Juyaytachu jitarpäcunqui?» nirshi. ⁷Chay runacunanash niran: «Pillasi mana mincamashapishchu.» Çhacrayuj runana niran: «Arüshimay. Çhacräman ayway.» Niptin, paycunapis änirshi aywaran.

⁸«Chacarcuptinnash, capuralninta çhacrayuj niran: «Piyunninchicunata jayarcu-jayarcu llapanta pägay. Jipata çhayamujta puntata päganqui. Tutapita arujcunata ushyanantaraj päganqui.» ⁹Piyuncunana çhacrayuj pägashantash çhasquiran. Tacsha mallway aruj yaycujcunapis juc jurnaltash çhasquiran. ¹⁰Chaynuy pägaptinshi, tutapita-pacha arujcuna achcata çhasquiyta yarparaycaran. Chaynuy yarparaycarsi, juc jurnaltash çhasquiran. ¹¹Chayllata çhasquirshi, çhacrayujta jagayapar niran: ¹²«Jipataraj çhayamujcuna juc çhajéchalla arusha. Juc çhajéchalla arush caycaptin, ¿imanirtaj

juc jurnaltaraj pägashcanqui?
Nuwacunam ichanga rasunpa
juyayta arushcă. Juyayta arupti,
shanaypis wapćhamasha. Sumaj
uticashcă.»

¹³«Chayshi ćhacrayujna niran:
ćTayta mishti, mana llutan-
tachu rurashcă. Jamwan juc
jurnalta päganajpaj parlash-
canchi. Rimashă-jina pägashcaj.
¹⁴Cananga päguyquita ćhasqui-
curcur, aywacuyna. Shungü
munaptin, jamcunata pägashă-jina
junajraj aruymaŋ yaycamujcuna-
tapis pägayta mună. ¹⁵Quiquipa
jillaynita imatapis ruracüman, ğau?
Ama jaticămuychu. Alli shungu
caycaptipis, mallaj carcaycanqui.»

¹⁶«Canan sumaj tantiyacuy.
Waquin runa pampaman ćhurash
captinsi, Tayta Diosninchi alli
ñawinpa ricanga. Waquincunam
ichanga alli ricash captinsi, Tayta
Diosninchipa ñaupanman ćhayar,
mana alli ricashnachu canga.»

**Quimsa cutipana wañuyman
ćhayananta Jesús
musyachicushan**

San Marcos 10.32–34;

San Lucas 18.31–34

¹⁷Jerusalén marcamaŋ wichaypa
aywarcaycashanćhu ćhunca
ishcaywan purishijnincuna-
llata shuntarcur, Jesús niran:
¹⁸«Jerusalén marcamaŋ ayway-
cashanchita musyanqui. Tayta
Diosninchi caćhamasha. Chaypis
waquin runacuna mayur ćuracunapa
maquinman, Moiséspa shiminta
yăćhajcunapa maquinman ćhayachi-
manga. Paycuna wañuyman jitarpa-
manga. ¹⁹Wañuchimănanpaj ğapa
runacunapa maquinman ćhayachi-

manga. Ashllir ushyamanga.
Juyupa wascamanga. Rusćhu
wañuchimanga. Wañuchimaptinsi,
quimsa junajta Tayta Diosninchi
cawarachimanga.»

**Munayniyuj cayta ashijcunapita
tantiyachishan**

San Marcos 10.35–45

²⁰Wamran Santiagutawan Juanta
pushacurcur, Zebedeupa warmin
Jesúsman ćhayaran. Ñaupanman
jungurpacuycur, Jesústa niran:
«Tayta, mañacushăta aunimay, ari.»

²¹Jesúsna tapuran: «ĴImăćhütaj
yanapăshayqui?» nir. Tapuptin,
niran: «Tayta, mayur mandaj
cayman ćhayar, wamrăcunatapis
mandăshishunayquipaj ćhurapayca-
manqui, ari. Jucninta diricha-caj
lăduyquiman jamachiy; jucnintana
isquirda-caj lăduyquiman.»

²²Wamrancunatana Jesús
niran: «Imata mañacaycămashay-
quitapis mana musyanquichu.
Tapushayqui. Nuwata-jina juyupa
ñacarcachir imamanpis ćhayachi-
shuptiqui, Ĵićhipunquimanćhuraj?»
nir. Paycunana niran: «Au.
İćhipushămi.»

²³Jesúsna niran: «Rasunpa
ñacashă-jina ñacanguipaj.
Mandăshimănayquipaj ćhuranajmi
ichanga mana camacanchu. Chayga
Papănipa maquinćhu caycan. Paymi
quiquin acracushanta diricha-caj
lădūmanpis, isquirda-caj lădūmanpis
jamachinga.»

²⁴Santiaguwan Juan mañacushanta
wiyar, ćhuncaj purishij-masincuna
ullgucaycăriran.

²⁵Chaura llapanta jayaycur, Jesús
niran: «Ĵapa runacuna juc-niraj
cawashanta musyanqui. Paycuna

Tayta Diosninchita mana manchapacunchu. Mandajnincunapis ullgurcur-ullgurcur, nishan-nishan marca-masincunata imatapis rurachin.

²⁶«Jamcunam ichanga chaynuy ama canquimanchu. Munayniyuj cayta munar, llapantaraj yanapanquiman. ²⁷Mandaj cayta munar, llapanpa manduntaraj ruranquiman. ²⁸Tayta Diosninchicacáhamasha. Chaypis mana munayniyuj cayta ashirchu shamushcä; manchäga pi-maytapis yanapänäpaj. Tayta Diosninchipa maquinchu cawananpaj cawaynipa chaninwan may-may runata jishpichishaj.»

**Ishcaj japra runata Jesús
allchacächishan**

San Marcos 10.46–52;

San Lucas 18.35–43

²⁹Jericó marcapita Jesús aywacuptin, achcaj runa jipanta aywacuran. ³⁰Jesús aywaycasha wiyar, caminu wajtallanchu jamarpaj ishcaj japracunapis jayacuran: «Unay mandaj Davidpa willcan Jesús, llaquipaycallamay, ari» nir. ³¹Runacunana ullgüparan: «Upälla» nir. Chaypis callpacuycurraj japracuna jayacuycaran: «Unay mandaj Davidpa willcan Jesús, llaquipaycallamay, ari» nir.

³²Chaynuy jayacuptin, Jesús ichicucuran. Nircur japracunata jayarcu, tapuran: «¿Imallachütaj yanapashayqui?» nir. ³³Japracunana niran: «Tayta, ñawí ricananta munä.» ³⁴Japracunata llaquipar, Jesús ñawincunata yataycuran. Yataycuptin, ñawin quichacäcuran. Ricashpan Jesústana purishiran.

**Jerusalén marcaman Jesús
chayashan**

San Marcos 11.1–11;

San Lucas 19.28–40;

San Juan 12.12–19

21 ¹Jerusalén marcaman mana chayallar, Betfagé marcammanna purishijnincunawan Jesús chayaran. Betfagé marca Ulibus punta chaquinchu caycaran. ²Jesús niran: «Wac chimpa tacsha marcaman aywariycuy. Chayar, mallwayuj büruta tarinquipaj. Watarashanpita pascarir, apacamunqui.

³«Pascaycaptiqui pipis micháshuptiqui, ninqui: «Mandamajñitash mañanqui. Cutirachipamushayqui.»»

⁴Llapantapis ruraran juc willacujpa shimin charcucänanpaj. Willacujpa unay niran:

⁵«Jerusalén marca runacunata ninqui:

«Mä, ricay.

Mandajniqui shaycämun.

Lluta runa-jina bürun muntash shaycämun.

Manta bürun muntash shaycämun.»*

⁶Chaura Jesús pa shiminta wiyacur, purishijnincuna llapanta ruraran. ⁷Wawantinta büruta Jesúsman aparan. Jacuncunata shawaparcu, Jesústa muntachiran.

⁸Bürun muntash Jesús aywaycaptin, runacuna cushicuywan jacuncunatapis, jachapa rämancunatapis caminuman mashtapuran.

*21.5 Zacarías 9.9.



San Mateo 21.12–17

⁹Jesús pa jipanta, ñaupanta aywaj-
cunapis cushicushpan japarpararan:

«Taytallau Tayta,

washaycallamay, ari.

Unay mandaj Davidpa willcanta
washaycullächun.

Tayta Diosninchi caçhamushan
runa alli ricash
caycullächun.

Janaj pachaçu cawaj Tayta
Diosninchita alliman
çhurayculläshun» nir.*

¹⁰Jinan Jerusalén marcaman
çhayaptin, runacuna wichaypa-
uraypa rimacullaran: «¿Piraj cay
runa?» nir. ¹¹Jesúswan purijcunam
ichanga niran: «Cay runa willacuj
Jesúsmi. Galilea quinran Nazaret
marcapita shamusha. Tayta Dios-
ninchipa shimintam willapäcun» nir.

Tayta Diosninchipa wasinpita ranticujcunata jargushan

San Marcos 11.15–19;

San Lucas 19.45–48; San Juan 2.13–22

¹²Tayta Diosninchipa wasinpa
sawanninman yaycurirna, ranti-
cujcunatapis, rantipacujcunatapis
Jesús jarguriran. Jillay rucapacuj
runacunapa misancunatapis sajtar
ushyariran. Jillaynintapis mashtar
ushyariran. Paluma ranticujcunapa
jamacunancunatapis wicapar ushya-
riran. ¹³Llapanta wicapar niran:

«Tayta Diosninchipa shiminchu
nin:

«Wasiga mañacamajcunallapämi.»

Jamcunam ichanga suwapa
machayninman
ticrachishcanqui.»*

*21.9 Salmo 118.25–26. *21.13 Isaías 56.7; Jeremías 7.11.

¹⁴Tayta Diosninchipa wasillanču caycaptin, japracunawan wijrucuna Jesústa chayapuran. Payga llapanta allchacächiran. ¹⁵Tayta Diosninchichi camacächiyinpa runacuna imaypis mana ricashan-cunata Jesús ruraptin, wamracunapis cushicushpan niran: «Unay mandaj Davidpa willcan alli ricash caycullächun.» Jesústa alliman churaptin, mayur cüracunawan Moisésa shiminta yachajcuna ullgucaycärian. ¹⁶Ullgur, Jesústa tapuran: «¿Wamracuna imata rimashantapis manachu wiyanchi?» nir. Jesúsna niran: «Au, wiyashcä. Jamcunapis wiyamay. Tayta Diosninchipa shiminta liguishcanqui, ¿au? Isquirbirächishanču nuwapaj rimar nin:

«Sinchi wamracunapis,
chuchuču waguiraj wamracunapis alliman churananta quiquin Tayta Diosninchichi camacächisha.»*

¹⁷Paycunata jaguiycur Betania marcammanna Jesús pachacuj aywacuran.

**Jigus yura chaquicäcunanpaj
Jesús mañacushan**

San Marcos 11.12–14, 20–26

¹⁸Warannin tuta Jerusalén marcaman Jesús cutiptin, yargay chariran. ¹⁹Caminu lādunču jigus yürata ricar, wayuyninta ashij aywaran. Chayar, wayuyninta mana tariranchu. Újallanta tariran. Chaymi jigus yürata niran: «Cananpita mana imaypis wayunquipänachu.» Niptin, chaquicäcuran.

²⁰Chaquicäcujta ricar, purishijnincuna mancharicäcuran: «¿Imanirraj yura juella chaquicäcusha?» nir.

²¹Jesúsna niran: «Sumaj tantiya-cunquiman. Mana llutäpacullar Tayta Diosninchiman yupachicur, mana jigus yürallatachu chaquichinquipaj. Manchäga puntacunatasi yacu püsuman witrachinquipaj. Llapanta camäpacunquipaj. ²²Llapan shunguyquiwan Tayta Diosninchita mañacur, chasquinquipaj.»

Jesús munayniyuj cashan


San Marcos 11.27–33; San Lucas 20.1–8

²³Chaypita Tayta Diosninchipa wasinman yaycurir, Jesús willapäcuran. Mayur cüracunawan mayur runacuna Jesústa tapuran: «Tayta, ¿pitaj caçhamushcashunqui? ¿Pipa munayninwantaj imacunatapis ruraycanqui?» nir.

²⁴Jesúsna niran: «Nuwapis mä, tapucushayqui. Willamaptiqui, pi caçhamashantapis willashayqui. ²⁵Juanta ushyachicunanpaj, ¿pitaj caçhamusha: Tayta Diosninchichu, runa-masillanchu? Mä, willamay.»

Chaura quiquin-pura parlanacärian: «¿Tayta Diosninchichi caçhamusha» niptinchi: «¿Imanirtaj mana wiyacushcanquichu?» nimäshun. ²⁶«Runa-masinchicunalla caçhamusha» niptinchi, runacuna wañuchimäshun.» Runacuna Ushyachicuj Juanta chasquicush caran: «Tayta Diosninchipa willacujninmi» nir. ²⁷Chaymi Jesústa niran: «Tapumashayquita mana musyächu.» Chaura Jesúspis niran: «Mana camäpacuptiqui,

*21.16 Salmo 8.2–3.



San Mateo 21.33–46

nuwapis pï cáchamashanta mana
willashayquichu.»

**Wamracunawan
tincuchiypa willapashan**

²⁸Jananmanpis: «Mä, tapushayqui»
nir tincuchiypa willapar, Jesús
niran: «Juc runapash ishca y
wamran caran. Jichpa wamrantash
niran: «Wawallau, canan junaj
übasta uryamuy.» ²⁹Wamrannash
niran: «Mana aywashäpächu.»
«Mana aywashäpächu» nirpis
yarpaçhacurirshi, aruj aywaran.
³⁰Shullca wamrantapis arujshi
cácharan. Cáchaptin, jucllash
auniran. Chaypis manash
aywaranchu.

³¹«Canan mä, tapushayqui.
¿Maygan wamrantaj papäninpa
shiminta éharcusha?» Niptin:
«Jichpa wamran» nipäcuran.
Jesúsna niran: «Sumaj tantiyacun-
quiman. «Chiqui runacunapis, wayra-
pacuj warmicunapis juchallaçu
arun. Mana imaysi Tayta Dios-

ninchipa maquinçu juyangachu»
nirpis llutanta yarpaycanqui.
Yarpaçhacurirga, Tayta Diosninchipa
maquinçu cawanga; jamcunam
ichanga mana. ³²Ushyachicuj Juan:
«Tayta Diosninchipa shiminta
wiyacuy» nir willapäshuptiquisi,
mana wiyacushcanquichu. Juchay-
quipita mana wanacushcanquichu.
Chiqui runacunawan wayrapacuj
warmicunam ichanga wiyacusha.
Juchanpita wanacushanta ricaycarsi,
mana yarpaçhacushcanquichu.
Tayta Diosninchipa shiminta mana
éhasquicushcanquichu.»

**Échacrayujwan tincuchiypa
willapashan**

San Marcos 12.1–12; San Lucas 20.9–19

³³Yapay tincuchiypa willapäcur,
Jesús niran: «Juc échacrayuj runash
übasta mururan. Ushyaypash
pirgaran. Übasta japchinanpäpis
püsutash ruraran. Éhacraña
täpananpäñash türi wasita
pirgachiran. Jinarcu éhacra

runacunata allimshaycurshi, juclä marcapa aywacuran. ³⁴Übas pallay chayamuptin, uywaynincunatash caçhacuran: «Dirïchüta shuntamuy» nirshi. ³⁵Caçhancuna chayaptinshi, allimshacuj runacuna juc caçhanta magaran. Juctanash wañuycachiran. Juctanash sajmar ushyaran. ³⁶Chaura çhacrayuj juc uywaynincunatanash caçhacuran. Chaynuyllash paycunatapis allimshacujcuna ushyaran. ³⁷Chayshi çhacrayuj quiquinpa wamranta caçhacuran: «Quiquipa wamräta manchapacungam» nirshi.

³⁸Çhacrayujpa wamranta ricarshi ichanga, allimshacujcuna quiquinpuralla parlanacäriran: «Papänin tagay wamrallanpaj llapan imancunatapis jaguipaycunga. Chaymi wañurachishun. Chaura cay çhacra nuwanchipaj canga» nir. ³⁹Chaynuy nirshi, çhacrayujpa wamranta charipäcuran. Çhacranpita jargurcurshi, wañuycachiran.

⁴⁰Canan mä, willamay. Çhacrayuj cutimur, çimataraj ruranga chay çhacra runacunata?»

⁴¹Paycunana niran: «Chay çhacra runacunata mana llaquipällar wañurachinga. Çhacraanta alli runacunatana allimshaycunga. Allimshaycunga çhacrapa wawanta cutichijcunallata.»

⁴²Jesúsna niran: «¿Tayta Diosninchipa shiminta manachu liguishcanqui? Shiminçu niycan:

«Wasi rurajcuna: «Cay rumi mana allichu» nir wicapashantapis Tayta Diosninch

simintuta jallarachinanpaj çhurasha.

Chayta quiquin Tayta Diosninchica macächisha. Chaypita cushicurcaycanchi.»*

⁴³⁻⁴⁴«Sumaj tantiyacunquiman.

Mana wiyacuptiqui, Tayta Diosninchipis caçhariycushunquipaj. Wiyacuj runacunatam ichanga maquinçu purichinga. Wiyacujcunaga Tayta Diosninchipa shungun munashanta ruranga.»*

⁴⁵Fariseucunawan mayur cüracuna wiyächipaycashanta tantiyacuriran.

⁴⁶Chaura juclla Jesústa chariyta munaran. Ichanga achcaj runa juturaptin, mancharishpan mana chariranchu. Runacuna Jesústa çhasquicuran: «Tayta Diosninchipa willacujnin» nir.

Majachacay tünawan tincuchiypa willapashan

San Lucas 14.15-24

22 ¹Yapay imawanpis tincuchiyllapa willapäcur, Jesús niran: ²«¿Imanuytaj maquinçu Tayta Diosninchica cawachimäshun?

Mä, tantiyacushun. Juc mandaj runapa ullgu wamran majachacaptinshi, sumaj camaricur.

³Jinarcurshi sirbintincunata caçhacuran: «Jayachishä runacuna micuj shamuchunna» nirshi.

Tünaman jayaycächiptinsi, manash aywaranchu.

⁴«Mana aywaptinshi, yapay waquin sirbintincunata caçhacur niran: «Jayachishä runacunata shamunanpaj willanqui:

* **21.42** Salmo 118.22-23. * **21.43-44** Waquin Bibliächu nin: «Wicapash rumiman pipis tacacur, ushyacanga. Chay rumi juc runapa jananman shicwar, nitiringa.» Waquin Bibliächu mana canchu: «San Lucas 20.18-pitash yapasha» nir.

«Micupacärinayquipäshi aywanqui. Camaricushallanash caycan. Allinnin türucunatapis, wanllannin wäcacunatapis pishtashana. Jucllash majachacay tünaman aywanqui» nir.»⁵ Jayachishan runacunash ichanga upa-tucärian. Waquinnash çacraman aruj aywacuran. Waquinnash rantipacuj aywacuran.⁶ Waquinnash mandaj runapa sirbintincunata ashllir ushyaran. Wañuycachiran.

⁷«Chayshi mandaj runa juyupa ullgucäcuran. Murucuncunatanash caçharan: «Wañuchicujcunata wañurachimuy. Marcantapis rupachiypa ushyariy» nirshi.⁸ Jinarcurnash, juc sirbintincunata niran: «Wamrä majachacänanpaj micuy mayna çhayash caycan. Jayachimushäcunatam ichanga upa-tucushanpita mana jayachimümanchu caran.⁹ Cananga lluta runacuna cashan-cajman ayway. Tincushayqui runata jayachimuy majachacay tünaman shamunanpaj.»¹⁰ Chayshi sirbintincuna çhaquin çhayashanpa aywacärian. Tincushan runata allicunatapis, juyucunatapis micupacuj pusharan. Wasi juntash runacunana jutucaran.

¹¹«Tünaman çhayajcunata ricananpäshi quiquin mandaj runa yaycuriran. Yaycuriptin, juc runash mana rucacullar jamaraycaran.¹² Chayshi tapuriran: «Tayta mishti, çimanaypataj majachacay tünaman rucacünilla yaycamushcanqui?» nirshi. Tapuptin, imata niytapis manash camäpacuranchu. Upällash cacuran.¹³ Chayshi sirbintincunata niran: «Maquin-çhaquinta mancurnarcur wajtaman wicapay.

Chacajman jaycuriy. Chaychu atayparaj waganga. Juyupa ñacar, quiruntapis uçhunga.»

¹⁴«Canan tantiyachishayqui. Tayta Diosninchi llapan runata jayachin. Chaypis acracushancunallatam maquinchu purichinga.»

Jillayta çhurananpaj tapucushan

San Marcos 12.13–17;

San Lucas 20.20–26

¹⁵Chaypita fariseucuna parla-nacuran Jesústa achäquita ashipänanpaj.¹⁶ Chaymi fariseu-masincunatawan, mandaj Herodespa purishijnincunata Jesúsman caçharan. Paycuna Jesústa tapuran:

«Tayta, alli shungu cashayquita musyá. Pitapis Tayta Diosninchipa shimillanta willapanqui. Llapan runata alli ricanqui.¹⁷ Chaymi tapucushayqui. ¿Mandaj Césarpaj jillayta çhurashuwanchuraj, manachuraj?» nir.

¹⁸ Jesúsmi ichanga achäquita ashipaycashanta musyar niran: «Janan shungulla runacuna, çimanirtaj maquichacamayta munanqui?»¹⁹ Mandajta pägashayqui jillayta mä, ricachimay.» Chaura jillayta apapuran.

²⁰ Jesúsna tapuran: «¿Pipa liträtunta jillaychu caycan? ¿Pipa jutinta isquirbiraycan?» nir.²¹ Paycunana niran: «Mandaj Césarpa.» Jesúsna niran: «Mandaj Césarpata Césarpaj çhuray. Tayta Diosninchipata Tayta Diosninchipaj çhuray.»

²²Niptin, ima rimapacuytapis mana camäpacuranchu. Upällallana aywacärian.

**Wañushcuna cawarimunapita
tapucushan**

San Marcos 12.18–27;

San Lucas 20.27–40

²³Chay junajlla saduceu runacunapis Jesúsman chayaran. Paycuna yarpaj: «Wañushcuna mana cawaringapächu» nir. Chaymi niran: ²⁴«Tayta Jesús, isquirbishanchu Moisés niran: «Runa wañucur warminta wawaynajllata jaguipin, wañucuj runapa wauguillan biyüdawan majachacanman. Mushuj majanwan tarishan wamrata wañucuj runanpa jutinta apanga.»* ²⁵Canan mä, tapucushayqui. Janchis wauguish caran. Juc wauguish warmiwan majachacaran. Ichanga warminta mana mirachillarshi wañucuran. Wañuptin, juc-caj wauguinnash biyüdawan majachacaran. ²⁶Juc warmillawan majachacarcu-majachacarcu, chay janchis waugui wañucuran. ²⁷Llapan wañushanpa jipantaräshi warmipis wañucuran.

²⁸«Tayta, mä, willamay. Wañushanpita cawarcamur, chay warmi, ¿maygan wauguipa warmintaj canga janchiswan majachacash caycar? ¿Llapanpa-churaj warmin canga?»

²⁹Jesúsna niran: «Jamcuna llutanta yarparcaycanqui. Tayta Diosninchipa shimintapis, munayniyuj cashantapis mana tantianquichu. ³⁰Cawarimuj runacuna warmi ullgupis mana majachacanganachu. Manchäga janaj pachachu anjilcunajina cawangapaj. ³¹Wañushcuna cawarimunanta mayna Tayta

Diosninchí musyachicuran. ¿Manachu shiminta liguishcanqui? Shiminchu nin: ³²«Unay auquilluyqui Abraham, Isaac, Jacob wañush carsi, cawaycan. Tayta Diosnin caycapti, manchapacaycäman.» Cawaycaycunalla Tayta Diosninchita manchapacun; wañushcuna mana.»

³³Chaura Jesúsna shiminta wiyar, runacuna jatunpa cushicuran.

**Allicaj yačhachicuypita
tapucushan**

San Marcos 12.28–34

³⁴Saduceunata upällachishanta mayaycur, fariseu runacuna jutucaran. ³⁵Moisésna shiminta yačhajnin fariseucunana achäquita ashipashpan Jesústa tapuran: ³⁶«Tayta, Moisés isquirbishan llapan yačhachicuycunapita, ¿maygantaj allicaj yačhachicuy?» nir.

³⁷Jesúsna niran: ««Llapan shunguyquiwan Tayta Diosninchita manchapacäriy.»* ³⁸Caymi llapan yačhachicuycunapita mas allicaj. ³⁹Juc-cajpis chay-nirajlla. «Quiquiqui alli ricacushayqui-jina runamasiquitapis alli ricanquiman.»* ⁴⁰Ishcan yačhachicuycunata čharcurga, Tayta Diosninchipa shimintapis, willacujcunapa shimintapis llapanana čharcuycanqui.»

**Washäcuj Jesús mandaj Davidpa
willcan cashan**

San Marcos 12.35–37;

San Lucas 20.41–44

⁴¹Fariseucuna juturaycaptin, Jesús tapuran: ⁴²«¿Pipa willcanraj Washäcuj canga?» nir. Paycunana niran: «Unay mandajninchi Davidpa

* **22.24** Deuteronomio 25.5–10. * **22.37** Deuteronomio 6.5. * **22.39** Levítico 19.18.

willcallanmi.» ⁴³⁻⁴⁴ Jesúsna niran:
«Salmos libruchu nin: «Espíritu
Santu rimachiptin, quiquin mandaj
David niran:

«Tayta Diosninchi Washäcujñita
nisha:

«Mandäshimänayquipaj diricha-
caj lädüman jamacuy
cuncharyuyquicunata
pampaman éhuranácaman.

Nishayqui-nishayqui munashay-
quita rurachinquipaj.» *

⁴⁵«Chaynuy niycaptin,
¿Washäcujga rasunpachuraj Davidpa
willcallan canga? ¿Runapa wamran-
churaj canga? Au, paypitam.
Chaypis quiquin mandaj David
manchapacur, Taytachacuycan.»

⁴⁶Jesús tapuptin, pipis mana
rimacuranchu. Chay junajpita-pacha
pipis mana tapuparannachu.

**Fariseucunatawan Moiséspa
shiminta yačhacunata Jesús
piñapashan**

San Marcos 12.38-40;

San Lucas 11.37-54; 20.45-47

23 ¹Chaypita juturaj runacu-
natapis, purishijnincu-
natapis willapar, Jesús niran:
²«Fariseucunawan Moiséspa
shiminta yačhacunata Moisés-
jina yačhaj ricarin. Shiminta
sumaj yačhachicun. ³Chaymi
willapäcushanta wiyacunquiman.
Llupinpam ichanga ama jatinquichu.
Paycunaga ishca y cãram. Allita
rimarsi, shiminta mana éharcunchu.
⁴Runacunata tucuy-tucuyta
yačhachin. Éharcunan sasacunatapis

yačhachin. Quiquincunam ichanga
juc maquillasi mana yanaparcunchu.

⁵Runa ricanallanpämi Tayta Dios-
ninchipa shiminta jatun-jatunta
isquirbircur, ricranman, urcunman
watacun. Jacunpa puntanču
jatusaj-jatusaj waytashcunata
watacun runacuna: «Tayta Diosnin-
chita sumaj manchapacun, ¿au?» nir
ninanpaj. *

⁶«Micupacuj jayachiptinpis,
allillata jarananta ashin.
Shuntacäna wasiman aywarpis,
ñaupä-ñaupallaču jamayta ashin.
⁷Läsacunačhüpis llapan runa
manchapacunallanta munan.
«Taytallau tayta, yačhajmi canqui»
ninallanta ashin.

⁸«Paycuna-jinam ichanga ama
canquimancho. «Taytallau tayta»
nir manchapacushushayqui mana
camacanchu. Manchäga juc tayta-
llapita car, payllata manchapa-
cunquiman. Juc shungulla cawan-
quiman. ⁹Cay pachaču pitapis ama
taytachacunquimancho. Manchäga
janaj pachaču cawaj Tayta Diosni-
llanchita taytachacunquiman.
Payllam Taytayqui. ¹⁰Chaynuypis
pitapis ama taytachacunquichu:
«Jamlla yačhaj canqui» nir. Washäcuj
canäpaj Tayta Diosninchi cačhamash
captin, nuwallata taytachacaman-
quiman. ¹¹Alli ricash cayta munar,
runa-masiquitaraj sumaj yanapan-
quiman. ¹²Sumaj tantiyacunquiman.
Alli-tucujcunata Tayta Diosninchi
pampaman éhuranga. Maquinču
cawajcunatam ichanga alliman
éhuranga.

* **22.43-44** Salmo 110.1. * **23.5** Tayta Diosninchipa shiminta isquirbircur urcunman,
ricranman watacunanpaj tantiyachimanchi Deuteronomio 6.8; 11.18; jacunpa puntanču
waytashcunata watacunanpaj tantiyachimanchi Números 15.37-40; Deuteronomio 22.12

¹³«Moiséspa shiminta yaćhajcuna, fariseucuna, ishcaý cära canqui. Llaquicärinquiman. Juyupa ñacanquipaj. Yaćhaj carsi, Tayta Diosninchita mana manchapacunchichu. Shimintapis runamasiquicunata mana yaćhachinchichu. Manchäga Tayta Diosninchipa shungun munashannuy cawayta munarcaycaptin, mićharcaycanqui.

¹⁴«Moiséspa shiminta yaćhajcuna, fariseucuna, ishcaý cära canqui. Llaquicärinquiman. Juyupa ñacanquipaj. * ¹⁵May-chayman ćhayarpis aunishunayquita munallar, tucuyta rurancui: <Moiséspa shiminta yaćhajcunawan fariseucuna yarpashannuylla cawashun> nir. Runa aunircushuptiqui, supaypa jipanpana janćhanqui. Juyu caycaptiquisi, paycunapa juyu cayninman mana tincunquipächu.

¹⁶⁻¹⁷«Yaćhajcuna, fariseucuna, japra-yupay canqui. Llaquicärinquiman. Juyupa ñacanquipaj. Upa cayniquiwan imatapis mana tantiyashpayqui waquincunata tantiyachiycanqui. Chaymi ninqui: <Tayta Diosninchipa wasinćhu ćhurashanchi cuyachicuyninchicuna manchapacupaj. Chaymi shiminchi ćharcucänanpaj camacächinga. Tayta Diosninchipa wasinmi ichanga mana manchapacupächu. Shiminchi ćharcucänantapis mana camacächingachu.> Upa runa carcaycanqui. ¿Manachu musyanqui cuyachicuyninchicuna Tayta Dios-

ninchipa wasinćhüraj manchapacupaj cashanta? ¹⁸⁻¹⁹Chaynuypis ninqui: <Tayta Diosninchita jarashanchicuna manchapacupaj. Chaymi shiminchi ćharcucänanpaj camacächinga. Tayta Diosninchita jarananchi tullpam ichanga mana manchapacupächu. Shiminchi ćharcucänantapis mana camacächingachu.> Upa runa canqui. ¿Manachu musyanqui jarayninchipis Tayta Diosninchipa tullpanćhüraj manchapacupaj cashanta? Payga ishanta alli rican. ²⁰Sumaj tantiyacunquiman. Pipis: <Shimġta ćharcucächinanpaj Tayta Diosninchita jarananchi tullpa manchapacupämi> nirga, tullpatapis jarayninchita manchapacuyan. ²¹Pipis: <Shimġta ćharcucächinanpaj Tayta Diosninchipa wasin manchapacupämi> nirga wasintinta Tayta Diosninchitapis manchapacuyan. ²²Pipis: <Shimġta ćharcucächinanpaj janaj pacha manchapacupämi> nirga munayniyuj Tayta Diosninchitapis manchapacuyan. Payga janaj pachapita llapan runata maquinćhu puriyćhchin.

²³«Moiséspa shiminta yaćhajcuna, fariseucuna, ishcaý cära canqui. Llaquicärinquiman. Juyupa ñacanquipaj. Alli ricash cayta munar, llapan imayquicunapitapis Tayta Diosninchipaj raquinqui. Irbabuynatasi, añistasi, cuminustasi raquinqui. Chaypis Tayta Diosninchipa shiminta mana llapan shunguyquiwanchu ćharcuycanqui. Mana paypa shungun

* **23.14** Waquin Bibliächu birsġculu 14-ćhu nin: «Jamecunaga biyüda warmicunapa imancunatapis ushyapaycanqui. Jinarcu chapacunallayquipaj may üra Tayta Diosninchita mañacuj-tucunqui.» Waquin Bibliächu mana canchu: «San Marcos 12.40-wan San Lucas 20.47-tawan tincuchir yapasha» nir.

munashannuyllachu cawaycanqui. Runa-masiquitapis mana llaquipanquichu. Tayta Diosninchitapis mana manchapacunquichu. Paypacajta raquir, allita rurarcaycanqui. Ichanga imatapis allillata ruranquiman. Shiminta sumaj-sumaj çharcunquiman.

²⁴«Yaçhaj carpis, upa canqui. Runa ricanallanpaj alli-tucunqui. Tayta Diosninchipa ricay ñawinchümi ichanga juchaçu aruycanqui. Yacuta upunayquipaj acapalla chuspita jurgurpis, «camillu» nishan jatun-caray uywantinta upurcaycanqui.

²⁵«Moiséspa shiminta yaçhacuna, fariseucuna, ishcaý cära canqui. Llaquicärinquiman. Juyupa ñacanquipaj. Mati janallan mayllash-niraj carcaycanqui. Runapa ricay ñawinchu juchaynaj-tucursi, juchaçu arunqui. Mallaj caycar, suwacuyllaçu arunqui. Shunguyqui munashallanta ashir purinqui.

²⁶Upacuna, Tayta Diosninchishunguyquita musyapan. Shiminta wiyacunquiman. Wiyacuptiqui, runacunapis allina ricashunquipaj.

²⁷«Moiséspa shiminta yaçhacuna, fariseucuna, ishcaý cära canqui. Llaquicärinquiman. Juyupa ñacanquipaj. Mïchu-niraj canqui. Jananpita ricaptinchi, cuyayllapaj mïchu. Rurinchümi ichanga millanaypaj ayapa tulluncuna ismuycan. ²⁸Chay-niraj canqui. Runa ricashunallayquipaj alli-tucunqui. Tayta Diosninchipa shimintam ichanga wiyaytapis mana munanquichu. Jucha aparicuyllata shunguyqui yarparaycan.

²⁹«Moiséspa shiminta yaçhacuna, fariseucuna, ishcaý cära canqui.

Llaquicärinquiman. Juyupa ñacanquipaj. Tayta Diosninchita manchapacujcunapa, unay willacujnincunapa mïchuncunata yapay rurarcaycanqui. Yarparänayquipaj, cuyayllapaj cananpaj picharcaycanqui. ³⁰Jananmanpis ninquiraj:

«Auquillunchicuna cawashan wichan cawarga, willacujcunata mana wañuchishuwanchu caran.»

³¹Chaypis wañuchicujcunapa wawan cashayquita shimillayqui musyachicuycan. ³²Mïchunta pichar:

«Auquillücuna willacujcunata wañuchir, allita rurasha» nir rurarcaycanqui. Cananpis yaçhachishushayquinuylla mä, ruray.

³³Supaypa wawan car, wañuchicuj curu-jina canqui. Chaymi Tayta Diosninchin niman jaycushunquipaj. Chacaj pachapita jishpiyta mana camäpacunquipächu. ³⁴Sumaj tantiyacunquiman. Tayta Diosninchipa shiminta willapäcunanpaj achcajtam caçhamushaj. Willacujcunatapis, yaçhachicujcunatapis, Moiséspa shiminta yaçhacunatapis caçhamushaj. Jamcunam ichanga waquinta rusçhüräy wañuchinquipaj. Waquintana shuntacäna wasicunaçu wascar ushyanquipaj. Waquintana marcan-marcan jaticaçar ushyanquipaj.

³⁵«Tayta Diosninchipa shiminta wiyacujcunata wañuchicur, auquilluyquicuna wañuchicushantapis aparicunquipaj. Juchanta aparicunquipaj wiyacuj Abelta wañuchishanpita-pacha Baraquíaspa wamran Zacariasta wañuchishancaman. Payta Tayta Diosninchipa wasi puncunçu, tullpa wajtallançu wañuchishcanqui. ³⁶Sumaj tantiyacunquiman.

Auquilluyquicuna wañuchishanpita
jamcunatana Tayta Diosninchi
ñacachishunquipaj.»

**Jerusalén marca runacunata
Jesús llaquipashan**

San Lucas 13.34–35

³⁷Jerusalén marca runacunata
llaquipar, Jesús niran:
«Jerusalénllau Jerusalén,
¿imanirtaj Tayta Diosninchipa
willacujnincunata wañuchinqui?
¿Imanirtaj cañhancunata sajmar
ushyanqui? Chipsancunata maman
ujllananpaj shuntashan-jina
shuntayta munashcaj. Munaptisi,
wasguipämashcanqui. ³⁸Chay-
niraj cashayquipita marcayquipis
ragäman tigranga. ³⁹Nuwatapis
mana ricamanquipänachu. «Tayta
Diosninchi cañhamushan runa alli
ricash caycüllächun» nir çhasquica-
mashpayquim ichanga, imayllapis
ricamanquipaj.»*

**Tayta Diosninchipa
wasinta juçhurachinanta
musyachicushan**

San Marcos 13.1–2; San Lucas 21.5–6

24 ¹Tayta Diosninchipa
wasinpita Jesús llucshiy-
captin, purishijnincuna niran:
«Tayta, mä, ricay. Achic-achicyaycaj
rumicunawan Tayta Diosninchipa
wasinta pargasha. Sumaj cuyayllapaj,
¿au?»

²Jesúsna niran: «Au, llapanta
ricaycanchi. Chaypis sumaj tanti-
yacunquiman. Imayllaga llapan
ricashayqui ushyacanga. Rumiwan
pirgararsi, llapanmi juçhurachish
canga.»

**Runacuna imaman çhayananta
musyachicushan**

San Marcos 13.3–23;

San Lucas 21.7–24; 17.22–24

³Chaypita Ulibus puntaçu Jesús
jamaraycaptin, purishijnincuna
rinrillançu tapuran: «Tayta,
¿imaytaj Tayta Diosninchipa wasinta
juçhurachinga? ¿Imanaypataj
shimiqui çharcucänantapis, cay
pacha ushyacänantapis musyashaj?»
nir.

⁴Jesúsna niran: «Pipis panta-
chishurunquiman. ⁵Achcaj
pantachicujcuna shamunga:
«Tayta Diosninchi cañhamushan
Washäcujmi cä» nir. Achcaj çhasqui-
camajta pantachinga. ⁶Wacçu-
cayçu wañuchinacuy jatariptinpis,
ama mancharinquichu. Chaycu-
naraj cangapaj. Chaypis cay pacha
mana ushyacangarächu. ⁷Cay pacha
ushyacänanpäga marcan-marcan
wañuchinacungapaj. Muçhuy
captinpis, yargaywan runacuna
wañunga. Chay-tucuyçhüpis pacha
juyupa sicsicyanga. ⁸Chaypis
runacuna mana ushyacangarächu.
Manchäga ñacayllarämi jallaringa.

⁹«Çhasquicamashayqui-janan juyu
runacunapa maquinman çhayachi-
shunquipaj. Ñacachishunquipaj.
Wañuchishunquipaj. Llapan runa
chiquishunquipaj. ¹⁰Achcaj runa:
«Jesúsna shiminta çhasquicushcä»
nirpis, wasguimanga. Quiquin-
puralla wañuymanpis jitarpana-
cunga. Chiquipänacunga.

¹¹«Juchallaçu arujcuna jataringa:
«Tayta Diosninchipa shiminta
willacü» nir. Achcajta pantachinga.

*23.39 Salmo 118.26.

¹²Runacunana Tayta Diosninchipa shiminta wiyayta mana munar, juyuyanga. Mana llaquipänacungana chu. ¹³Ima captinpis, jipaman ama cutiricunquichu. Mana yamacällar shimita wiyacuptiqui, imaycamanpis maquinchu Tayta Diosninchi cawachishunquipaj. ¹⁴May-chaychüpis llapan runata shimí willapäcush canga: «Tayta Diosninchi maquinchümi llapan runata cawachiyta munan. Alli willapäta wiyaptinraj, cay pacha ushyacänan chayamunga» nir.

¹⁵«Willacuj Danielpa shiminta sumaj tantiyacärinquiman. Payga unayna niran: «Chiqui runacuna yaycapur, Tayta Diosninchita wasintinta pampaman churanga. Manchapacushantapis ichichinga.» Millanaypaj rurashancunata ricar, ¹⁶juclla jishpicärinquiman. Judea quinranchu tiyajcuna puntacunaman jishpicärinman. ¹⁷Wasi puncuchu caycar, ruriman ama yaycunquimanchu. Imayquicunatapis ama jurgunquimanchu. ¹⁸Chacrapitapis wasiquiman ama cutinquimanchu. Müdanayquita ama shuntanquimanchu.»

¹⁹«Ñacachishan wichan jishyay warmicunapis, pishi wamrayujcunapis cuyapaypaj ñacanga. ²⁰Chaymi jishpinayqui junaj tamya wichanman mana chayanapaj, diyawardaman mana chayanapaj Tayta Diosninchita mañacäriy. ²¹Chay wichan juyupa ñacay canga. Chaynuy ñacay imaypis mana caranchu Tayta Diosninchi cay pachata camashanpita-pacha. Chaynuypis yapay mana imaysi cangapänachu. ²²Wamrachacushancunata llaquipar,

Tayta Diosninchi chay ñacay junajcunata wallcayächinga. Manchäga pipis mana wañuypita jishpinmanchu.

²³«Chaymi pipis: «Mä, ricay. Tayta Diosninchi caçhamushan Washäcujninchi shamusha. Chayaycämun» nir nishuptiquisi, ama chasquipanquichu. ²⁴Chay wichan Washäcuj-tucujcuna, willacuj-tucujcuna ricarimungapaj. Munayniyuj car, tucuyta ruranga runacunata riguichinanpaj. Imaysi runa mana ricashancunatapis ruranga. Chayta rurur, Tayta Diosninchi acracushan runacunatapis waquinta pantachinga. ²⁵Canan sumaj tantiyacunquiman. Willapänajpaj cashanta mayna willapashcaj.

²⁶«Chaymi: «Washäcujninchi chunyajchu caycan» nishuptiqui, ama aywanquichu. «Wasi ruriçhümi Washäcujninchi pacaraycan» nishuptiquipis, ama chasquipanquichu.

²⁷«Tayta Diosninchi caçhamasha. Cutimuptiga, illaguta llapan ricashan-jina llap-llapanmi ricamanga. ²⁸Rimaypis purin. «Siucacunash micunanta ricar, maymanpis jutucan.» Cutimushätapis llapan runa mayanga.»

Tayta Jesús pa cutimunanpita musyachicushan

San Marcos 13.24–37;

San Lucas 12.26–30, 34–36; 21.25–33

²⁹«Juyupa ñacaycuna chawarcuptillan, «Inti wañucäcunga. Quillapis mana achicyämunganachu. Istrillacunapis shicwamunga. Janaj pachapis juyupa tapsinga.»*

* 24.29 Isaías 13.10; 34.4.

³⁰«Chaypitaraj cutimunäta mayanquipaj. Llapan runa mancharir, waganga. Chay junaj Tayta Diosninchi caçhamaptin, munayniyuj car, pucutay janançu achic-achicyaycar cutiyçämujta ricananquipaj.

³¹«Tayta Diosninchina anjilcunata caçhamunga. Paycunana curnitanta sumaj suynachimur, chay-tucuyпита Tayta Diosninchi acracushan runacunata shuntamunga. Janaj pachapa cantunpita juc-caj cantuncaman shuntamunga.

³²«Jigus yürawan tincuchiypa tantiyacushun. Yüran chillguiptin, tamyä quilla jallaycunanta musyanchi.

³³Chay-jina lllapan willapashäcuna çharcuptin, cutimunä caycashanta tantiyacärinquipaj. ³⁴Sumaj tantiya-cunquiman. Waquinniquipa ricay ñawiquiču lllapan çharcucanga.

³⁵Janaj pachapis, cay pachapis ushyacanga. Shimimi ichanga mana jungacangachu. Lllapanmi çharcucanga.

³⁶«Cutimunä junajta Tayta Diosninchi pitapis mana musyachishachu. Anjilnincunatapis, nuwatapis mana musyachimashachu. Quiquin Taytallanchim musyarayan.

³⁷«Sumaj tantiyacunquiman. Tayta Diosninchi caçhamasha. Yapay caçhamänan wichanga Noé cawashan wichan-jina runacuna cawarcaycangapaj. ³⁸Noé cawashan wichan lücu tamyä mana jallari-shancaman runacuna cawashanwan cawarcaycaran. Jauca micucuran. Upucuran. Waquinga majachacaycaran. Bütiman Noé jigacurcup-tinmi ichanga, lücu tamyä jallacucuran. ³⁹Chaycaman runacuna

imatapis mana yarpaçhacullar cawaran. Yacu çhayar janançu ricacuptin lllapan wañur, ushyacayman çhayaran. Chay-jina Tayta Diosninchi caçhamaptin, cutimushä wichanpis runacuna cawashanwan cawarcaycangapaj.

⁴⁰«Cutimunä junaj ishcaj runa çhacraçu arurcaycaptin, juc-cajllata shuntacushaj. Jucnintam ichanga jaguiycushaj. ⁴¹Ishcaj warmi agacurcaycaptinpis, juc-cajllata shuntacushaj. Jucnintam ichanga jaguiycushaj.

⁴²«Chaymi ricchaycar imaypis cawanquiman. Nuwam Taytayqui caycä. Imay üra cutimunätapis mana musyanquichu. ⁴³Sumaj tantiyacunquiman. Wasiman suwa yaycunanta musyar, wasiyuj mana puñucunmanchu. Manchäga suwa suwapänanpita ricchaycar waranman. ⁴⁴Chaymi jamcunapis mayaj-mayajlla shuyarpaycämanquiman. Tayta Diosninchipa caçhan cashpä mana yarpashpita cutimushaj.»

Mincaywan tincuchiypa willapashan

San Lucas 12.41–48

⁴⁵«Mä, sumaj tantiyacunquiman. ¿Mayganiquiraj alli mincayman, tantiyacuj mincayman tincunquiman? Mincay alli captin, tantiyacuj captin, capural cananpäshi wasiyuj çhura. Capuralga mincay-masincunata sumajshi rican. Jaran. ⁴⁶Capuralninpa shiminta çharcuptin wasiyuj cutimur, allipash ricanga. ⁴⁷Sumaj tantiyacunquiman. Allita rurashanpita, capuralpa maquinmanna lllapanta çhura. ⁴⁸Juyu capuralshi ichanga

shungullanchu yarpaçhacunman:
 «Wasiyuj mana cutimungarachu»
 nir. ⁴⁹Chayshi mincay-masincunata
 magar ushyan. Micur, upyallar
 juyan. ⁵⁰Wasiyuj mana musyash
 junajchu illajpita cutiramunga.
⁵¹Llutanta rurashanpitash juyu
 mincayninta mana cuyapaypa
 wascar ushyanga. Jarguringa: «Juyu-
 masiucunawan juyamuy» nirshi.
 Chaychu atayparaj waganga. Juyupa
 ñacar, quiruntapis uchunga.

**Chuncaj jipashwan
 tincuchiypa willapashan**

25 ¹«Tayta Diosninchi
 maquinchu purichima-
 shanchipita tincuchiypa tantiya-
 chishayqui. Juc cutichüshi chuncaj
 jipash achquinwan-caman majachacaj
 müsuta shuyarpaycaran. ²Pichgaj
 jipashnash yarpay-sapa caran;
 pichgajnash pishi-yarpayyuj. ³Pishi-
 yarpayyuj jipashcuna achquinwan
 puriptinsi, wira wiñacunanta manash
 purichiranchu. ⁴Yarpay-sapa jipash-
 cunash ichanga achquinta, wira
 wiñacuantinta purichicäiran.
⁵Majachacaj müsü juclla mana
 çhayaptinshi, jipashcunata puñunay
 chariran. Llapanshi puñucäcuran.

⁶«Pullan-pagas çhayamup-
 tinna, juc runash jayacuriran:
 «Majachacaj müsü yaycaycämunna.
 Çhasquicäriyna» nirshi. ⁷Chayshi
 jipashcuna achquinta camaricäiran.
⁸Pishi-yarpayyuj jipashcunanash
 yarpay-sapa jipashcunata niran:
 «Achquiga upicäcuycannam. Wiray-
 quita challicallamay.» ⁹Yarpay-sapa
 jipashcunanash niran: «Challina-
 curga, lllapanchi pishipacushunpaj.
 Wirata munar, ranticujcunaman
 aywariyuncuiman.»

¹⁰«Chayshi wira rantij aywashan-
 caman majachacaj müsü çhayaran.
 Majachacaj tünaman achquin ratay-
 cajcunallatash yaucuchiran. Jinarcu-
 wasipa puncuntash wichgacurcuran.

¹¹«Chaypita pishi-yarpay jipash-
 cunanash cutimur, puncupita
 jayacuran: «Taytallau tayta, puncuy-
 quita quichapaycallamay, ari» nirshi.
¹²Majachacaj müsünash wasi ruripita
 nimuran: «Mana ricsillajchu. ¿Piraj
 cacullanquipis?»

¹³«Yarpay-sapa jipash-jina jamcu-
 nasis camaricushalla cawanquiman.
 Cutimunäta mana musyanquichu.
 Mana yarpashpita cutimushaj.

**Jillay çhasquij piyuncunawan
 tincuchiypa willapashan**

San Lucas 19.11-27

¹⁴«Sumaj tantiyacunayquipaj tincu-
 chiypa willapashayqui. Juc runash
 carupa aywacunanpaj quimsa uyway-
 nincunata jayachiran. Paycunapa
 maquinmanshi llapan imancuna-
 tapis çhuraycuran. ¹⁵Callpanta tanti-
 yaycur-tantiyaycur, llapallantash
 jaguipuran. Juc uywaynintash
 jaguipuran pichga waranga (5,000)
 jillayta, juctanash ishca waranga
 (2,000) jillayta, juctanash juc
 waranga (1,000) jillayta. Jinarcu
 carupash aywacuran.

¹⁶«Pichga waranga (5,000) jillayta
 çhasquijnash juclla aruchiran.
 Aruchiptinshi, wawallan pichga
 waranga (5,000) llucshiran. ¹⁷Chay-
 jinash ishca waranga (2,000)
 jillayta çhasquijpis aruchishanpita
 wawallanta ishca warangata
 (2,000) shuntaran. ¹⁸Juc waranga
 (1,000) jillayta çhasquijnash ichanga
 pachata uchcuriycur pacaycuran.
 Manash aruchiranchu.

¹⁹«Unayllatanash wasinman runa cutiran. Jinarcu uywaynincunata shuntananpaj. ²⁰Pichga waranga (5,000) jillayta chasquijnash niran: «Tayta, pichga waranga (5,000) jillayta jaguipamashcanqui. Wawanpis pichga (5,000) warangata mirasha. Wawantintam cutiycächij. Cayllä callan.» ²¹Runanash niran: «Allita rurashcanqui. Ichicllatapis alli ricashayquipita achcatana jaguipushayqui. Canan tünashun. Micupacushun.»

²²«Ishcay waranga (2,000) jillayta chasquijnash niran: «Tayta, ishca waranga (2,000) jillayta jaguipamashcanqui. Wawantapis ishca warangata (2,000) shuntashcä. Wawantintam cutiycächij. Jillayllä.»

²³Runanash niran: «Allita rurashcanqui. Wallcallatapis alli ricashayquipita achcatana jaguipushayqui. Canan tünashun. Micupacushun.»

²⁴«Juc waranga (1,000) jillayta chasquijnash niran: «Tayta, manchacuyta runa cashayquita musyä. Jamashalla imatapis chasquinqi. Mana murupacuycarsi, achca-achcata shuntayta munanqui. Mana arucuycarsi, chay-chicata pallayta munanqui. ²⁵Chaymi manchacurä. Manchacurmi, jillayniquitapis mana yatapashcächu. Manchäga pachata uchcurcullar pacaycurä. Catay jillayniqui.»

²⁶«Chayshi runa niran: «Juyu runa canqui. Jilla. Jamashalla achca-achcata shuntayta musyaycar, ²⁷jillay mirachijcunallamanpis jillaynita churanquiman caran. Cutimur, wawantinta shuntacüman caran.» ²⁸Waquin uywaynincunatanash niran: «Waranga jillayninta

jichurir, chunca waranga (10,000) charaj-cajta juycu. ²⁹Sumaj wiyamay. Wiyacamaptin, pitapis yanapashaj. Paycuna may-mayta charangapaj. Mana wiyacamajcunatam ichanga ichicllata charashantapis jichushaj. ³⁰Jilla uywaytaga wajtaman wicapay. Chacajman jaycuriy. Chaychu atayparaj waganga. Juyupa ñacar, quiruntapis uchunga.»

**Runacunapa juchanta
jurgapänan junajpita
willapashan**

³¹«Tayta Diosninchipa cachan car, anjilcunawan-ima cutimushaj. Jatun auturdä-jina achic-achicaycar mandajpa jamacunanchu jamashaj. ³²Llapan marcapita runacuna ñaupäman jutucanga. Llapan jutucaptin, capshicunapa chaupinipa uyshata raquiycay-yupay shimita wiyacujcunata raquicurishaj. ³³Wiyacamajcunata alli ricar, diricha-caj lädüman raquicurishaj. Mana wiyacamajcunatam ichanga juyu ñawüwan ricar, isquirda-caj lädüman raquirishaj.

³⁴«Jatun auturdä carmi, wiyacujcunata nishaj: «Papänä alli ricashunqui. Paypa maquinchüna caway. Cay pachata camashanpita-pacha maquinchu cawanayquipaj shuyaraycäshunqui. ³⁵Yargaycajta ricaycämar, jaramashcanqui. Yacunaycajta ricaycämarpis, upuchimashcanqui. Jurpaytucur puriptipis, pachächimashcanqui. ³⁶Müdanaynajtä ricaycämarpis, ushtucunapaj camaripamashcanqui. Jishyaptipis, carsilchu wichgaraptipis, watucallämashcanqui.»

³⁷«Chaura wiyacuj runacuna tapumanga: «Tayta, ¿imaytaj yargaycajta ricar, jarallashcaj? Yacunaycajta ricar, ¿imaytaj upuchillashcaj?»
³⁸Jurpay-tucur puriptiqui, ¿imaytaj pachächillashcaj? Müdanaynajta ricar, ¿imaytaj camaripullashcaj?»
³⁹Jishyaycaptiqui, carsilchu wíhgaraptiqui, ¿imaytaj watucullashcaj?» nir. ⁴⁰Canan sumaj tantiyacunquiman. Wiyacamaj irmänucunata tarichir yanapar, quiquita yanapämashcanqui. Nuwa-janan paycunata yanapashcanqui runa-masincuna mana alli ricacaptinsi.

⁴¹«Jinarcu mana wiyacujcunata chapata rurar nishaj: «Juyu runacuna, ricaytasi mana munallajchu. Ratataycaj ninaman jaycushayqui. Mana ushyacaj ninata Tayta Diosninchi camarisha supay-masintincunapaj. ⁴²Yargaycaptisi, mana jaramashcanquichu. Yacunaycaptisi, mana upuchi-mashcanquichu. ⁴³Jurpay-tucur puriptisi, mana pachächimashcanquichu. Müdanaynaj caycaptisi, ushtucunapaj mana camaripamashcanquichu. Jishyaycaptisi, carsilchu wíhgaraycaptisi, mana watucamashcanquichu.»

⁴⁴«Chaura mana wiyacujcunapis tapumanga: «Tayta, yargaycajta, yacunaycajta, jurpay-tucur puriycajta, müdanaynajta imaypis mana ricashcajchu. Jishyaycashayquitapis, carsilchu wíhgaraycashayquitapis mana musyashcächu. Ricar-imarga, yanapajmanmi caran.» ⁴⁵Nuwana nishaj: «Sumaj tantiyacunquiman. Wiyacamajcunata mana alli ricashpayqui mana yanaparga, nuwatapis mana yanapämashcanquichu.»

⁴⁶«Chaymi mana wiyacamajcuna imaycamanpis ñancangapaj. Wiyacamajcunatam ichanga maquinchu imaycamanpis Tayta Diosninchi cawachinga.»

Jesústa charinanpaj parlanacushan

San Marcos 14.1-2; San Lucas 22.1-2;

San Juan 11.45-53

26 ¹Willapäcuriycur, purishijnincunallatana Jesús niran: ²«Cananpita ishcaj junajllata Pascua fiesta jallaycunga. Fiestachu Tayta Diosninchipa cachan caycaptisi, runacuna charimanga ruschu wañuchimänanpaj.»

³Chay junajcuna mayur cüra Caifás mandaj cüra-masincunata, mayur runacunata, yaçhajcunata wasinman jayachiran. ⁴Parlanacur, llapan auniran tumpayllapa Jesústa charircur wañuchinanpaj. ⁵Chaypis waquinga mana munaranchu: «Fiestaachu ama wañuchishunchu. Runacuna ticraparamäshuwan» nir.

Jesústa pirjümita warmi jaycapushan

San Marcos 14.3-9; San Juan 12.1-8

⁶Betania marcaman çayar, Simónpa wasinchu Jesús micupacuycaran. Simón jaraçu jishyapita allchacash captin: «Jaraçu Simón» nir ricsij. ⁷Micupacuycaptin, butilla pirjümin aptash warmi çayaran. Chay pirjümi sumaj çhaninyuj caran. Butillata quícharir, Jesúsapa umanman jaycapuriran.

⁸Jesúspa purishijnincunana ullgucäcuran: «¿Imapäraj pirjümita usuchisha? ⁹Ama usuchinmanchu caran. Manchäga pishipacujcunata aypunanpaj çhaninchu ranticunman caran» nir.

¹⁰Jesúsmi ichanga niran:
«Ama rimapaychu. Cay warmi
llaquipamar, allita rurasha.
¹¹Pishipacujcunata imaypis rican-
quipaj. Nuwatam ichanga waran-
waran mana ricamanquipánachu.
¹²Chaymi cay warmi allita rurasha.
Cawaycaptillä, pampamānanpaj
armachimasha. ¹³Sumaj tanti-
yacunquiman. May-chaychüpis
Tayta Diosninchipa alli willacuy-
ninta willapäcur, cay warmi allita
rurashantapis willacunga. Mana
juncagacangachu.»

Judas Iscariote Jesústa ticrapushan

San Marcos 14.10–11; San Lucas 22.3–6

¹⁴Chay junajlla Judas Iscariote
Jesúspa purishijnin caycarsi,
mayur cūracunaman aywaran.
¹⁵Chayarcu niran: «Jesústa
charishipti, ¿imatataj juman-
quiman?» Paycunana quimsa chunca
(30) jillayta yupapuran. ¹⁶Chay
junajpita-pacha charij-charijllana
Judas caycaran maychüpis Jesústa
charinanpaj.

Purishijnincunawan Pascua micuyta Jesús micushan

San Marcos 14.12–25;

San Lucas 22.7–23;

San Juan 13.21–30;

1 Corintios 11.23–26

¹⁷Pascua fiesta jallariran.
Chay fiestaçu Israel runacuna
libadüraynaj tantata micuj.
Acrashan cashnitapis pishtaj. Chay
junaj purishijnincuna Jesústa
tapuran: «Tayta, ¿maychütaj
Pascua micuyta camaricamushaj?»
nir. ¹⁸Jesúsna niran: «Jerusalén
marcaman ñaupay. Juc runapa

wasinman chayar, ninqui: «Tayta
Jesús caçhamasha. Warasi-chicasi
wañucunganash. ¿Maychütäshi wasi
jácuycan purishijnincunallawan
Pascua micuyta micunanpaj?»

¹⁹Purishijnincunana änir
marcaman chayar, Jesúspa
shiminman-tupu llapantapis
tariran. Chayllaçu Pascua micuyta
camaricuran.

²⁰Chacas-chacasna chunca
ishcaywan purishijnincunawan
micunanpaj Jesús jamacuycuran.

²¹Micurcaycashançu niran:
«Sumaj tantiyacunquiman. Mayga-
niquipis ticrapamar, wañuyman
jitarpamanquipaj.» ²²Chaura
llaquicäcur, jucnin-jucninpis Jesústa
tapuran: «Tayta, ¿nuwachuraj?»
¿Nuwachuraj?» nir.

²³Jesúsna niran: «Nuwanchiwan
iwal micujmi wañuyman jitar-
pamanga. ²⁴Tayta Diosninch
caçhamasha. Quiquin
camacächiptin, wañuyman
chayashaj shimin charcucānanpaj.
Jitarpamaj runam ichanga juyupa
ñacanga. Ama yurinmanpishchu
caran.»

²⁵Wañuyman jitarpuyta
yarpaj Judaspis niran: «Tayta,
¿nuwachuraj?» Jesúsna niran:
«Shimillayquipita musyā.»

²⁶Micurcaycashançu tantata
aptacurcur, Jesús niran:
«Taytallau Tayta, ima allish
tarichillāmashcanqui.» Jinarcu
tantata paquircur-paquircur,
purishijnincunata aypuran: «Catay.
Micupacuy. Cay tanta quiquimi
caycā» nir.

²⁷Chaypita bñuyuj cūpata
aptacurcur, niran: «Taytallau Tayta,
ima allish tarichillāmashcanqui.»

Jinarcu purishijnincunata aypuran:
«Cayllapita llapaniqui upuchinacuy.
²⁸Cay binu yawarnimi. Washänaj-
raycur wañuymän chayapti,
yawarni jichanga. Yawarniwanraj
parlanacushanta Tayta Diosninchi
charcucaycächin. Pi-maypa juchantapis
jungaycur, alli ñawinpana ricashunqui.
²⁹Sumaj tantiyacunquiman. Cananpita
binuta mana upushänachu. Llapanchita
Papänipa maquinman jishpichimaptin-
chiraj, mushuj binuta upushunpaj.»

**Pedro wasguinanta Jesús
musyachicushan**

San Marcos 14.26–31;

San Lucas 22.31–34;

San Juan 13.36–38

³⁰Micupacuyta ushyariycur, Tayta
Diosninchita alliman churashpan
cantarir, Ulibus puntaman
aywacäriran.

³¹Chaychüna purishijnincunata
Jesús niran: «Canan pagas lla-
paniqui jaguiraycamanquipaj. Mana
yupachicamanquipänachu. Tayta
Diosninchita shiminpis nin:

«Uysha michijta wañuchishaj.
Wañuycachipti, uyshancuna
mashtaypa-mashtar
aywacunga.»*

³²«Cawarircamurmi ichanga
Galilea marcaman ñaupashaj.»

³³Pedruna niran: «Llapan jagui-
rishuptiquipis, mana imaysi
jaguirishayquipächu.»

³⁴Jesúsna niran: «Pedro, sumaj
tantiyacunquiman. Canan chacay-
llasi wasguimanquipaj. Mana ricsij
tucumanquipächu. Gällu manaraj
cantaptillansi, quimsa cutiparaj
wasguimanquipaj.»

³⁵Pedruna niran: «Mana imaypis
wasguishayquichu. Ishcaninchi-
tapis jina wañuchimäshun.» Llapan
purishijnincunapis Pedro-jina niran:
«Mana wasguishayquichu.»

**Getsemaní chacrachu Jesús
mañacushan**

San Marcos 14.32–42;

San Lucas 22.39–46

³⁶Chaypita «Getsemaní» nishan
chacraman purishijnincunawan
Jesús aywaran. Chayar, niran:
«Washanijchu Tayta Diosnin-
chita mañacushacaman cayllaachu
jamapäriy.»

³⁷Chaynuy nir Pedrutawan
Zebedeupa ishca y wamrantapis
pusharan. Paycunapa ricay
ñawinchu jatunpa llaquicurán.
Shungun ishquicäcuptin, niran:
³⁸«Llaquicuy juyupa chayapamasha.
Wañuy janächüna. Yanagaycallamay,
ari. Waräshimay.»

³⁹Jinarcu carushman aywarcu
pachacaman jungurpacuycur,
Jesús mañacuran: «Papä,
camacaptin, shuyarämaj ñacay ama
chayapamanmanchu. Jishpiyta
munaptisi, shungü munashan
ama camacächunchu. Manchäga
munashayquinuylla llapanpis
caycullächun» nir.

⁴⁰Cutircu, quimsaj purishijnin-
cunata puñucayta tariran. Chaymi
Pedruta niran: «¿Puñucuycan-
quichu? ¿Manachu juc ürallasi
yanagämanqui? ⁴¹Ricchay-llapa.
Mana wasguimänayquipaj
Tayta Diosninchita mañacäriy.
Allita yarparsi, ushyacajllam
carcaycanqui.»

*26.31 Zacarías 13.7.

⁴²Jinarcu yapay Tayta Diosnin-chita mañacuj aywacuran: «Papällau Papä, ñacanä camacaptin, munashay-quinuyllya jina ñacashäpis» nir.

⁴³Yapay purishijnincunaman cutircur, puñucashta tariran. Wañuyya puñunay chariptin, puñucurcaycaran.

⁴⁴Chaura puñuycajta jaguiycur yapay Tayta Diosninchita mañacuj aywacuran. Mañacushan-jinalla quimsa cutipa mañacuran.

⁴⁵Yapay purishijnincunaman cutircur, niran: «¿Puñurcay-canquichim? ¿Jitarpaycanquichim? Juyu runacuna chayamu-shana. Tayta Diosninchipa cañhan caycaptisi, charimanga.

⁴⁶Jataripacuyna. Wañuyman jitar-pamaj runa jananchichünam. Aywapushun.»

Jesústa rïsu charishan

San Marcos 14.43–50;

San Lucas 22.47–53; San Juan 18.2–11

⁴⁷Jesús rimaycaptillan, purishijnin cashpansi Judas chayapuran. Mayur cüracunawan mayur runacuna caçhaptin, chay-chicaj runa aywaran jirunwan-caman, tucsicunawan-caman.

⁴⁸Judas mayna nish caran: «Macallarcushä runa Jesúsmi canga. Mana caçharillar, charicurcunqui» nir.

⁴⁹Chaymi juclla Jesústa macallarcu, wamayaran: «Taytallau tayta» nir.

⁵⁰Jesúsna niran: «Wawallau, yarpashayquita juclla ruray.» Chaynuy niptin, Jesústa charicarcäriran.

⁵¹Chaura Jesúspa juc purishijninna cuchillunta jurgurir, mayur cürapa uywayninpa rinrinta rugupariran.

⁵²Jesúsna niran: «Cuchilluta çhuraycuy. Ama jugariychu. Cuchi-lluta jugarijcuna cuchilluwan tucsish wañunga. ⁵³Papänita mañacupti, washämänapaj çhunca ishçaywan (20) batallun anjilcu-natapis juclla caçharamunman. ⁵⁴Chaypis mana mañacushächu. Jina wañuchimächun Tayta Diosninchipa unay willacujnincunapa shimin çharcucänanpaj.»

⁵⁵Llapan runatana Jesús niran: «¿Imatataj yarpanqui? ¿Suwa cashätachu? ¿Imanirtaj jiruyquiwan-jiruyquiwan, cuchilluyquiwan-cuchilluyquiwan shamushcanqui? Waran-waran Tayta Diosninchipa wasinçu tantiyachicuycajta ricamashcanqui. ¿Imanirtaj mana charimashcanquichu? ⁵⁶Ichanga Tayta Diosninchipa shimin çharcucänanpämi charimash-canqui. Unay willacujcuna llapanta musyachicuran.»

Niycaptillan, purishijnincuna jishpicäriran. Japallantana Jesústa jaguiycäriran.

Mayur Israel runacunapa sisyunninman Jesústa apashan

San Marcos 14.53–65;

San Lucas 22.54–55, 63–71;

San Juan 18.12–14, 19–24

⁵⁷Charijcunana Jesústa aparan mayur cürä Caifáspa wasinman. Chaychu Moiséspa shiminta yachajcunawan mayur runacuna shuntacaran.

⁵⁸Jesúspa caru jipallanta aywar, sawan ruricaman Pedro yaycuran. Ruriçu Jesús imaman çchayanantapis ricananpaj Tayta Diosninchipa wasinta täpajcunawan jamacuycaran.

⁵⁹Wasi rurićhu mayur cüracunawan llapan mayur Israel runacuna tumpajcunata ashircaycaran Jesústa wañuchinanpaj.

⁶⁰Ichanga mana tariranchu. Imata tumparpis, juchanta mana tariranchu. Mayllantana ishcaj runa niran: ⁶¹«Chay runash nisha: <Tayta Diosninchipa wasinta jućhurachiman. Jinarcu, quimsa junajllaćhu jatarachiman.>»

⁶²Chaynuy tumpaptin mayur cūra jatarcu, Jesústa tapuran: «¿Manachu rimacunqui? ¿Rasunpachu rimashcanqui?»

⁶³Chaynuy tapuptinsi, Jesús mana rimacuranchu. Chaura mayur cūra niran: «Cawaj Tayta Diosninchipa ricay ñawinćhu caycanchi. Mă, willamay. ¿Tayta Diosninchipa Wawanchu canqui? ¿Caćhamushan Washăcujchu canqui?»

⁶⁴Jesúsna niran: «Rimashcanquinam. Chaypis Tayta Diosninchipa caćhan cashpă willashayqui: <Cananpita mandăshinăpaj Munayniyuj Tayta Diosninchipa diricha-caj lădunćhu jamashaj. Pucutay janancćhu cutiycămujta ricamanquipaj.>»*

⁶⁵Chaura mayur cūra ullgucăcuran. Mădanantapis raćhir ushyarir japariran: «Quiquin Tayta Diosninchita apăriycan. Shiminpita wiyashcanchi. Tistiguta mana ashishunnachu. ⁶⁶Waquinniqui, ¿manachu rimacunqui?» Chaynuy tapuptin, llapan runa juc shimilla niran: «Wañuchicăchun.»

⁶⁷Waquin runa Jesústa tuwapur ushyaran. Waquinna lajyar ushyaran. Waquinna magaran:

⁶⁸«¿Pitaj lajyashcashunqui? Tayta Diosninchi caćhamushan Washăcuj caycar, mă, willamay» nir.

Jesústa Pedro wasguishan

San Marcos 14.66–72;

San Lucas 22.56–62;

San Juan 18.15–18, 25–27

⁶⁹Pedro sawanćhu jamaraycaptin, cürapa uywaynin jipash aywarcu, niran: «Galilea runa Jesúswan purishcanqui, ¿au?» ⁷⁰Pedrum ichanga llapanpa ñaupancćhu wasguiran: «Mana. Imatash rimacullanquipis» nir.

⁷¹Chaynuy nir sawan wajtapa llucshicur. Cürapa juc-caj uywaynin jipashna Pedruta ricar, llapan runata willaran: «Cay runa Nazaret marca Jesúspa purishijnin» nir.

⁷²Pedruna niran: «Mana. Jesús pĭ cashantapis mana musyăchu. Tayta Diosninchipa ricay ñawinćhu rimaycă.»

⁷³Mayllanta jinan runacunana Pedruta niran: «Galilea runa canqui, ¿au? Rimacuy nillayqui musyachicuycan.»

⁷⁴Chaura Pedro ullgucăcuran: «Chay runata mana ricsĭchu. ¿Piraj cacullanpis? Llullacuptĭga, jina Tayta Diosninchi ñacaycachimăchun» nir. Rimaycaptillan, găllu cantariycuran.

⁷⁵Chayraj Pedro yarpăriran: «Mana ricsij tucumanquipăchu. Găllu manaraj cantaptillansi, quimsa cutipa wasguimanquipaj» nishanta. Jesúspa shiminta yarpărir wajtaman llucshiycu, llaquicuywan juyupa wagan.

* 26.64 Daniel 7.13.

**Mandaj Pilatupa dispächunman
Jesústa apashan**

San Marcos 15.1; San Lucas 23.1–2;

San Juan 18.28–32

27 ¹Pacha wararuptin, mayur cüracunawan mayur runacuna yapay jutucaran. Sisyunchu Jesústa imanuyta wañuchinanpaj parlanacäriran. ²Jinarcu Jesústa sumaj watacurcur, mandaj Pilatupa dispächunman aparán.

Judas Iscariote wañushan

³Jesús wañuyman éhayananta musyar, chigaypa Judas llaquicuran. Chaymi wañuyman jitarpushanpita wanacuran. Quimsa éhunca (30) jillayta éhasquishan-tapis mayur cüracunatawan mayur runacunata cutiycachiran: ⁴«Tayta Diosninchipa ricay ñawinchu juchata aparicushcä. Jesús mana juchacush caycaptinsi, wañuyman jitarpushcä» nir. Paycunana niran: «Mana imanämanpishchu. Quiquiquipitana.» ⁵Chaura jillay éhasquishantapis Tayta Diosninchipa wasin ruriman machirir aywacuran. Carushta aywaycur, maticuriran.

⁶Mayur cüracunana jillayta shuntarcu, parlanacäriran: «Cay jillayta Tayta Diosninchita jarashan cuyachicuyninwan mana talluchishuwanchu. Wañuchicuj runapa jillayninta mana éhasquishuwanchu» nir. ⁷Parlanacuriycur, jäpa runacuna pampacunapaj éhacrata rantiran. Chay éhacrapa jutin caran: «Allpa manca pampa.» ⁸Canancamanpis chay éhacrata ricsin: «Yawar

pampa» nir. ⁹Llapanpis camacaran willacuj Jeremíaspa shimín éharcucänanpaj. Payga unayna niran:

«Waquín Israel runacunapa shiminta éharcu, runata wañuchishanpita quimsa éhunca (30) jillayta juturan.

¹⁰ Chay jillayllawan «Allpa manca pampa» nishanta rantiran. Tayta Diosninchipa shimínpita llapanpis camacaran.»*

**Jesústa mandaj Pilato
tapupashan**

San Marcos 15.2–5; San Lucas 23.3–5;

San Juan 18.33–38

¹¹Dispächuman éhayachiptin, mandaj Pilato Jesústa tapuran: «¿Rasunpachu Israel runacunapa mandajnin canqui?» nir. Jesúsna niran: «Quiquiquim rimashcanqui.»

¹²Mayur cüracunawan mayur runacunana tucuy-tucuy-pita Jesústa tumparan. Jesúsmi ichanga mana rimacuranchu. ¹³Chaura mandaj Pilato Jesústa tapuran: «Ima-imata nishuptiquipis, ¿manachu rimacunqui?» nir. ¹⁴Jesúsmi ichanga imatapis mana rimacuranchu. Chaymi mandaj Pilato mancharicäcuran.

**Jesústa ruschu wañuchinanpaj
aunishan**

San Marcos 15.6–20;

San Lucas 23.13–25;

San Juan 18.38–19.16

¹⁵Pascua fiesta-chu runacuna mañacuptin, watan-watan mandaj Pilato juc rísuta cácharij. ¹⁶Chay

*27.9–10 Zacarías 11.12–13.

wichan juyu runa Barrabás rïsu wíchgaraycaran. Juyu cashanta llapan runa musyaran. ¹⁷Chaymi mandaj Pilato llapan runata tapuran: «¿Maygantataj cacharishaj: Barrabástachu, «Washäcuj» ricsishan Jesústachu?» nir.

¹⁸Jesústa chiquir mayur runacuna apapushanta mandaj Pilato mayna musyaycaran.

¹⁹Dispächuchu caycaptillan, mandaj Pilatuta warmin willachiran: «Chay runa juchata mana aparicushachu. Imatapis ama ruraychu. Chacay chiquita suyñushcä» nir.

²⁰Chaycaman mayur cüracunawan mayur Israel runacuna llapan runata shimiyan: «Barrabásta cachariy. Jesústa wañuycachiy» nir mañacärianapaj. ²¹Chaymi mandaj Pilato: «¿Mayganta cacharinätataj munanqui?» nir tapuptin, runacuna: «Barrabásta cachariy» nir mañacuran. ²²Mañacuptin, mandaj Pilato tapuran: ««Washäcuj» ricsishan Jesústa, ¿imanäshätaj?» nir. Runacunana llapallan japariypa niran: «Ruschu wañuchicächun.»

²³Mandaj Pilatuna yapay tapuran: «¿Imachütaj juchata aparicusha?» Runacunana sumaj japariran: «Ruschu wañuchicächun.»

²⁴Runacuna sumaj ullgucarcäriptin, ima ruraytapis mandaj Pilato mana camäpacuranachu. Chaymi llapan ricay maquina yacuwan awicuran: «Cay runata wañuchiptin, nuwapa juchä mana cangachu. Munashayquita imatapis mä, ruracäriy» nir. ²⁵Chaura llapan runa niran: «Cay runa wañuchishanpita nuwacunana, wamräcuna juchata aparicushaj.»

²⁶Chaymi mandaj Pilato Barrabásta cachariycuran. Jesústam ichanga sumaj wascachiriycur, murucuncunata inçhigaran ruschu wañuchinanpaj.

²⁷Murucucuna mandajninpa sawanninman Jesústa yaycuchiran. Jinarcur llapan murucumasincunata shuntachiran.

²⁸Jalapachar, Jesústa ushyaran. Asipänan cashpan mandajpa puca jacunta jacuparan.

²⁹Umanmanpis curünata jatiparan, ichanga cashata pilltarcullar. Diricha-caj maquinmanpis shugush garutillata aptaparan. Jinarcur ñaupanman jungurpacaycärir ashllir ushyaran. Alliman çuraj-tucuran: «Israel runacunapa mandajnin alli ricash caycullächun» nir. ³⁰Jananmanpis tuwapur ushyaran. Shugushwan umanchu wirur ushyaran.

³¹Pampaman çurariycur, puca jacunta jíchuriran. Quiquinpa müdananta ushtuparcur, ruschu wañuchinanpaj aparán.

Jesústa ruschu wañuchishan

San Marcos 15.21–32;

San Lucas 23.26–43;

San Juan 19.17–27

³²Jesústa wañuchinanpaj apaycashanchu Cirene marca Simónwan tincuran. Simóntana Jesús apashan rusta apachiran.

³³Çhayan «Gólgota» nishan pachaman. Rimayninchu: «Gólgota» ninanta: «Calabira pata» nir ricsin.

³⁴Usuncachicuj jampitawan binuta tallurcachir, Jesústa upuchiya munaran. Malliycur, mana upuranchu.



San Mateo 27.31–44

³⁵Rusman läbaycur, murucucuna surtita jitaran Jesúspa müdananta mayganinpis apacunanj. * ³⁶Jinarcu jamacuycur täparan. ³⁷Imapita wañuchishanpis musyacānanpaj rus jananman isquirbiran: «Cayga Jesús, Israel runacunapa mandajnin» nir.

³⁸Jesústawan ishcaj suwatapis iwal rusman läbaran: jucninta dirícha-caj lädunman, jucninta isquirda-caj lädunman.

³⁹Chay quinranpa purij runacuna Jesústa pampaman churaran. Ashllishpan umanta awir ⁴⁰niran: «Tayta Diosninchipa wasinta ju churachirshi, quimsa junajllata pirgaypa jatarachinqui. Tayta Diosninchipa Wawan carga, wañuypita mä, jishpiy. Ruspita mä, yarpamuy» nir.

⁴¹Mayur cüracunapis, mayur runacunapis, Moisésa shiminta

yachajcunapis Jesústa pampaman churar, niran: ⁴²«Waquin runacunata cawarachishash. Quiquinmi ichanga jishpiyta mana junchu. Israel runacunapa mandajnin carga, ruspita mä, yarpamuchun. Yarpamuptin, shiminta chasquicushunchi. ⁴³Tayta Diosninchimanshi yupachicuran. «Tayta Diosninchipa Wawanmi cä» nishash. Tayta Diosninchi llaquipar, mä, wañuypita jishpichichun.»

⁴⁴Lädunchu läbaraj suwacunapis Jesústa ashllir ushyaran.

Jesús wañushan

San Marcos 15.33–41;

San Lucas 23.44–49;

San Juan 19.28–30

⁴⁵Lasdüsipita mallwaycaman pacha chacacäcuran. ⁴⁶Mallwayna

* 27.35 Waquin Bibliachu yapashpan nin: «Unay willacujpa shimin charcunanpaj surtitaraj jitaran mayganin apananpäpis. Willacujga unayna niran: «Surtita jitarcurraj müdanäta apanga.»» Salmo 22.18.

Jesús japačhacuran: «Elí, Elí, ¿lamá sabactani?» nir. Rimayninchu: «Elí, Elí, ¿lamá sabactani?» ninanga: «Taytallau Tayta, ¿imanirtaj jagui-raycamashcanqui?» ninanmi. *

⁴⁷Japačhacuptin, wiyajcuna niran: «Mä, wiyashun. Tayta Diosninchipa unay willacujnin Elíastachim jayacuycan.» ⁴⁸Juc runana juella shigui binuman shaputa ushmar-cachir shugushman watarcu, Jesústa shuguchiyta munaran. ⁴⁹Waquin runam ichanga ricaparcaycaran: «Ama yanapaychu. Mä, ricapäshun. Rasunpachush Elías shamunga ruspita jishpichinanpaj» nir.

⁵⁰Jesúsmi ichanga sumaj japarir, wañucäcuran.

⁵¹Wañucäcuptin, Tayta Diosninchipa wasinchu chaparaj bayitapis janapita uraypa callacäcuran. ⁵²Pachapis sicsicyacurcuran. Chagacunapis shillicäcuran. Michucunapis quíchacäcuran. Tayta Diosninchita wiyacujcunaga wañush caycashanchüsi achcaj cawaricacamuran. ⁵³Cawarimur, pamparashan ućhcupita llucshiramuran. Paycunapis Jesús cawarimushanpita Jerusalén marcaman aywaran. Achcaj runa ricaran.

⁵⁴Pacha sicsicyaptin, Jesústa täpaj capitapis, murucunapis juyupa manchariran: «Cay runa rasunpa Tayta Diosninchipa Wawan casha» nir.

⁵⁵Jesústa yanapar Galilea marcapita-pacha aywäshij warmicunapis carullapita ricapaycaran.

⁵⁶Ricapaycaran Magdalena marcapita María, Santiagupawan

Josépa maman María, Zebedeupa warmin-ima.

Jesústa pampashan

San Marcos 15.42–47;

San Lucas 23.50–56;

San Juan 19.38–42

⁵⁷Pacha chacanaycaptin, mandaj Pilatuman Arimatea marcapita José aywaran. Payga puchuy-puchuy jananchu cawaj runa caran. Jesúswanpis purij. ⁵⁸Chayarcu, mandaj Pilatuta niran: «Jesústa pampachicushaj.» Mañacuptin, murucuncunata: «Apacuchun» nir auniran.

⁵⁹Chaura ayanta shuntaycu, tacshash bayítawan José pituran. ⁶⁰Jinarcu quiquin pampacunanjaj ućhuchishan chagaman pampaycuran. Chayman pitapis mana pamparanrächu. Puncuntapis jatun rumiwan chapachiran. Nircu aywacuran. ⁶¹Pamparaycaptin, Magdalena marca Mariawan Josépa maman María pamparashan ñaupanchu jamaraycaran.

⁶²Diyawarda tutana Pascua fiesta camaricuy junaj ushyarcuptinna, mayur cüracunawan fariseucuna parlanacuriycu, mandaj Pilatuman aywaran. ⁶³Chayar, niran: «Tayta, llulla Jesús cawaycällar niran: «Quimsa junajpita cawarimushaj.» ⁶⁴Chaymi pamparashanta quimsa junajcaman täpachiy. Manchä purishijnincuna ayanta suwacurunman. Jinarcu runacunata willapanga: «Wañushanpita Jesús cawarimusha» nir. Chaynuy llullacuptin, llapan shungunwanna runacuna chasquicunga.» ⁶⁵Mandaj Pilatuna niran:

* 27.46 Salmo 22.1.

«Murucucunaga maquiquichümi. Jesús pamparashanta sumaj täpachun.»

⁶⁶Niptin, murucucunawan aywar, Jesús pamparashanta chaparaj rumita chäpaypa chapaycuran. Murucucunatapis täpananpaj churaran.

Jesús cawarimushanpita willacushan

San Marcos 16.1–8;

San Lucas 24.1–12; San Juan 20.1–10

28 ¹Diyawarda ushyarcuptin dumingu warariycaptillan, Magdalena marca Mariawan juc-caj María Jesús pamparashanman aywaran.

²Illajpita pacha juyupa sicsicya-curcuran. Janaj pachapitapis Tayta Diosninchipa anjilnin chayamuran. Anjilna uchu chaparaj rumita witir-cachir, jananman jamacuycuran.

³Payga illagu-jina achic-achicyaran. Müdananpis rajupa-niraj yuraj llutpi caran. ⁴Täpaj murucucunana juyupa mancharicacuran. Wañush-jina jitacacuran.

⁵Warmicunatana anjil niran: «Ama manchariychu. Ruschu wañuj Jesústa ashycashayquita musyá. ⁶Caychu pampacush carsi, mana cannachu. Shiminman-tupu Tayta Diosninchicawarachimusha. Mä, aya pamparashanta ricay. ⁷Canan purishijnincunata juella willamuy. Cawarishantapis, Galilea quinranman ñaupaycashantapis willanqui. Chaychümi tincunquipaj. Imatapis ama tapupämaynachu. Llapantana willashcay.»

⁸Warmicunana mancharir, pamparashanpita aywacullaran. Chaypis shungun achicyacüptin, juella Jesúswan purij-masincunata willaj aywacuran.

⁹Aywarcaycaptin, Jesús ricari-puran: «¿Allillachu caycanqui?» nir. Wamayaptin, Jesús pa chaquinta macallacurcur alliman churaran.

¹⁰Jesúsna niran: «Ama manchariychu. Purishimajnicunata willaraycamuy. Galilea marcaman aywachun. Chaychümi tincushun.»

Murucucunata llullacachishan

¹¹Warmicuna aywacuriptin, pamparashanta täpaj murucucunapis waquinga marcaman cuticuran. Mayur cüracunata llapallanta willaparan. ¹²Chaura mayur cüracunawan mayur runacuna parlanacuran. Sumaj parlanacuriycur, murucucunata achca jillayta juycuran: ¹³«Pitapis willanqui: «Nuwacuna puñuycapti purishijnincuna chacaypa sharcamur, Jesús pa ayanta suwapaycamasha» nir. ¹⁴Mandaj Pilato mayaptin, parlapushayqui mana imamanpis chayanayquipaj. Mana wascashunayquipaj amachashaj» nir. ¹⁵Chaura murucucuna jillayta chasquicurcuran. Mayur runacuna yachachishallanta runacunata willaparan. Rimashanga Israel runacunapa yarpayninchu cananmanpis jinalla cacun.

Purishijnincunata Jesús caçhacushan

San Marcos 16.14–18;

San Lucas 24.36–49;

San Juan 20.19–23

¹⁶Chaura Galilea quinranman Jesús ricsichishan puntachu tincunanpaj chunca jucwan (11) purishijnincuna aywaran. ¹⁷Jesústa ricar waquin tantiyayta mana camäpacursi, llapallan alliman



San Mateo 28.16–20

churaran. Waquincunam ichanga llutäpacyaran.

¹⁸Paycunawan juturar, Jesús niran: «Janaj pachatapis, cay pachatapis maquïman Tayta Diosninchi churasha. ¹⁹Cananga jamcunapis chay-tucuyman aywanquiman. May marcachüpis

shimïta willapäcunqui. Shimïta wiyacujcunata Tayta Diosninchipa jutinchu, Wawanpa jutinchu, Espïritu Santupa jutinchu ushyachinqui. ²⁰Wiyacunanpaj ima-imata willapashätapis llapanta tantiyachinqui. Cay pacha ushyacänancaman ricaycäshayqui.»

Jesúsapa willapanta San Marcos willacushan

Tantiyacunanchipaj:

Marcos cay libruta isquirbiran. Paypa juc-caj jutin caran Juan Marcos (Hechos 12.12). Payga Jesúsapa willapanta willacur, Pablutawan Bernabíta purishiran. Chaynuypis Pedruta purishiran Jesúsapa willapäcuptin (1 San Pedro 5.13). Marcospita musyayta munar, liguinqui: Hechos 12.25; 13.5; 15.36–39; Colosenses 4.10; 2 Timoteo 4.11.

Marcos isquirbisan wichan irmänucuna sumaj ñacaycaran. Jesúsman yupachicuptin, waquin runacuna chiquir ushyaran. Chaypis irmänucunata shacyächiran.

San Marcos isquirbiran:

- Jesús ushyacushanpita, Supay maquichacuyta camashanpita: **San Marcos 1.1.13.**
- Galilea quinranchu Jesús willapäcushanpita, Tayta Diosninchi camacächiyinpa imatapis rurashanpita: **San Marcos 1.14–7.23.**
- Jäpa runacunapa marcancuna chu Jesús willapäcushanpita, Tayta Diosninchi camacächiyinpa imatapis rurashanpita, Jesús Washäcuj cashanta Pedro musyachicushanpita, juc-nirajman Jesús ticracurishanpita: **San Marcos 7.24–9.50.**
- Jerusalén marcapa aywar Jesús willapäcushanpita, Tayta Diosninchi camacächiyinpa imatapis rurashanpita: **San Marcos 10.1–11.10.**
- Jerusalén marca chu Jesús willapäcushanpita, Tayta Diosninchi camacächiyinpa imatapis rurashanpita: **San Marcos 11.11–13.37.**
- Jesúsata ñacachishanpita, wañuchishanpita, cawarachimushanpita, janaj pachaman shuntacushanpita: **San Marcos 14.1–16.20.**

Jesúspita Ushyachicuj Juan willacushan

San Mateo 3.1–12;

San Lucas 3.1–9, 15–17;

San Juan 1.19–28

1 ¹Cay libru chu isquirbiraycan
Tayta Diosninchi acracushan
Jesucristupa alli willapan. Jesúsga Tayta
Diosninchipa Wawan. Caynuy jallarin.

²Unay willacujnin Isafaswan
musyachicur, Tayta Diosninchi
niran:

«Mä, wiyamay.

Juc runa ñaupapashunquipaj.

Quiquinta caçhashaj.

Paymi runacunata

willapäcungapaj camaricu-
shalla shuyarashunayquipaj.

³Chunyajchümi jayacuyta
willacuyan:

«Taytanchi shamunanpaj
camaricuy.

Caminuta pichay.

Wicsu caminucunatapis
allchay» nir.»*

⁴Chaura Isafas musyachicushan
éharauptin, chunyaj pacha chu
runacunata Juan anyaparan.
Llapanta anyapar, niran: «Tayta

* 1.2–3 Malaquías 3.1; Isaías 40.3.



San Marcos 1.9–11

Diosninchipa shiminta wiyacäriy. Juchapita wanacäriy. Ushyacäriy. Chayrämi Tayta Diosninchí llapan juchayquita junganga.» ⁵Ahcäj runa Jerusalén marcapita, Judea quinran marcacunapitapis aywaran Juan willapäcushanta wiyaj. Jucha apacushanta mana pacaptin, Jordán mayüchu Juan ushyachiran.

⁶Juanpa müdanän camillupa ajchanpita caran; sinturunninpis jarachapita. Chunyajéchu tarishan chucluscunallatawan munti abijapa mishquillanta micuj. ⁷Runacunatana willapaj: «Juc runa shamunga. Payga munayniyujmi. Llanguinta llushtipuyllatapis manchapacü. ⁸Jamcunata yacullawan ushyachicuycä. Shamuj runam ichanga Espíritu Santuwan ushyachishun-quipaj» nir.

Jesústa Juan ushyachishan

San Mateo 3.13–17; San Lucas 3.21–22

⁹Chay wichan Galilea quinran Nazaret marcapita Juan ushyachicushan-cajman Jesúspis aywaran. Paytapis Jordán mayüchu Juan ushyachiran. ¹⁰Ushyacuriycur yacupita llucshiramur, janaj pacha quiçhacämujta Jesús ricaran. Espíritu Santuna paluma-jina jananman yarpamuran. ¹¹Janaj pachapita rimamushanpis wiyacämuran: «Cuyay Wawämi canqui. Shungümanmi sumaj tincunqui» nir.

Jesústa Supay maquichacuyta camashan

San Mateo 4.1–11; San Lucas 4.1–13

¹²Chaypita Espíritu Santu charicurcur, chunyaj pachaman Jesústa aparan.

¹³Micucuj uywacuna tiyananču éhuscu éhunca (40) junaj juyaptin, Supay maqui-chacuyta munaran. Anjilcunam ichanga Jesústa pishishanta tarichiran.

Jesús willapácuyta jallaycushan

San Mateo 4.12–17; San Lucas 4.14–15

¹⁴Ushyachicuj Juanta carsilman wíchgachishanpita-pacha Galilea marca-cunamanna Jesús aywacuran. Chay marcacunaču Tayta Diosninchipa alli willacuyninta willapácuran.

¹⁵Willapácun niran: «Tayta Diosninchí shuyaraycämanchinam. Maquinčhunam purichimäshun. Jucha aparicushayquicunapita wanacäriy. Tayta Diosninchiman yupachicäriy. Alli willacuyninta wiyacäriy.»

Purishinanpaj éhuscuj piscädu charijcunata Jesús jayashan

San Mateo 4.18–22; San Lucas 5.1–11

¹⁶Galilea püsu cantunpa ayway-cashanču Jesús ricaran Simóntawan wauguín Andrésta. Piscädu charij car, ridinta yacuman jitarcaycaran.

¹⁷Paycunata Jesús niran: «Purishimay. Piscäduta charishayqui-jina runacunata shuntanquipaj Tayta Diosninchipa maquinču cawananpaj.» ¹⁸Chaura ridinta jaguiycur, Jesúswan aywacuran.

¹⁹Washanjita aywaycashančhüna Santiagutawan Juanta bütillaču ridinta allcharcaycajta tariran. Paycunapa taytan caran Zebedeo. ²⁰Jesús juyaptin, papänintawan mincaynincunata bütinču jaguiycur, aywacärian.

Supay pucllacushan runata Jesús allchacächishan

San Lucas 4.31–37

²¹Chaypita Cafarnaún marcaman aywacärian. Diyawarda junaj

shuntacäna wasiman yaycurir, Tayta Diosninchipa shiminta Jesús willapácuran. ²²Willapácushanta wiyar, runacuna sumaj cushicärian: «Moiséspa shiminta yačhacuna willapácushanta mana tantiyanchichu. Jesús willapácushanmi ichanga shungunchiman sumaj čhayan» nir.

²³Chay shuntacäna wasiču supay pucllacushan runapis caycaran. Supay rimachiptin, japarir niran: ²⁴«Nazaret runa Jesús, ¿imatataj ashiycanqui? ¿Illarachimajchu shamushcanqui? Pí cashayqui-tapis musyá. Tayta Diosninchipa Wawanmi canqui. Acracuyninmi canqui.» ²⁵Jesúsna supayta piñacuran: «Upälla. Chay runata cačharíy» nir. ²⁶Chaura supay runata wañunajpaj tapsirir, juyupa japarir, aywacuran.

²⁷Chayta ricar, llapan runa juyupa manchariran. Jucnin-jucnin ninacuran: «¿Imatataj ricanchi? ¿Imatataj wiyanchi? Cananraj munayniyuj runata ricanchi. Supaycunata jargup-tinpis, aywacun.» ²⁸Chaynuy Jesús ima-ima rurashanpis llapan Galilea marcacunaču juclla mayacaran. Quiquin-pura runacuna willanacärian.

Simónpa suydanta Jesús allchacächishan

San Mateo 8.14–15; San Lucas 4.38–39

²⁹Shuntacäna wasipita aywacur Santiagutawan Juanta pushacurcur, Jesús aywaran Simónpawan Andrésa wasinman. ³⁰Čhayaptin, juclla willaran: «Tayta Jesús, Simónpa suydán wayllaywan jishyaycan» nir. ³¹Chaura jishyajman čhayar, maquinpita jatarcachiran. Jatarca-

chiptin, wayllay cačhariycuran.
Jinarcu yanucuriycuran jarananpaj.

**Jishyačhucunata Jesús
allchacächishan**

San Mateo 8.16–17; San Lucas 4.40–41

³²Chacanaycaptinna, runacuna
jishyačhucunata Jesúsman apamuran.
«Diyawarda ushyacashanam» nir tucuy-
niraj jishyačhucunata, supay pucllacu-
shancunata čhayachiran. ³³Simónpa
marca-masincunapis llapan-yupay wasi
puncunču juturpaycaran. ³⁴Chaymi
tucuy-niraj jishyawan jishyačhucunata
achcajta Jesús allchacächiran. Waquin
runacunapita pucllacuj supaycunatapis
jarguran. Pí cashantapis musyaptin,
supaycunata mana rimachiranchu.

**Galilea marcacunaču Jesús
willapäcushan**

San Lucas 4.42–44

³⁵Chaca-chacalla marcapita llucshir,
chunyaj pachaman Jesús aywaran
Tayta Diosninchita mañacuj. ³⁶Chaura
purishij-masincunawan Jesústa ashij
Simón aywaran. ³⁷Taripar, niran:
«Tayta, llapan runa ashircaycāshunqui.»
³⁸Jesúsna niran: «Washa marcacuna-
manpis aywashun Tayta Diosninchipa
alli willacuyninta willapäcuj. Chaypämi
shamushcă.»

³⁹Chaymi Galilea quinranču
marcan-markan Jesús puriran.
Shuntacāna wasicunačhüpis Tayta
Diosninchipa alli willacuyninta
willapäcuran. Supaycunatapis
runacunapita jarguran.

**Jaraču jishyawan runata Jesús
allchacächishan**

San Mateo 8.1–4; San Lucas 5.12–16

⁴⁰Jaraču jishyawan runana
Jesúsna ñaupman jungurpacuycur,

mañacuran: «Llaquipāmashpayqui
allchacaycachillāmay. Tayta Dios-
ninchipa ricay ñawinčhüpis alli
cayta munä» nir. ⁴¹Mañacuptinga,
llaquipashpan maquinwan yataycur,
Jesús niran: «Llaquipajmi. Allcha-
cayna.» ⁴²Chaynuy niptin, jaraču
jishyawan jishyaycashanču
allchacäcuran. Tayta Diosninchipa
ricay ñawinčhüpis allina caycaran.
⁴³Chaura pitapis mana willapällar
aywacunanpaj Jesús piñaparan:
⁴⁴«Pitapis ama willapanquichu.
Manchäga cüraman ayway allina
cashayquita ricashunayquipaj.
Moisésna shiminta čharcu, cuyachi-
cuytiquitapis Tayta Diosninchita
jaray. Chayrämi llapanpa ricay
ñawinču alli canquipaj» nir.


⁴⁵Chaynuy willapaptinpis, willa-
curaycar aywacuran. Chaura chay-
tucuyču mayacaran. Chaynuypa
Jesús llapan runa ricay may marca-
manpis mana yaycurannachu. Marca
wajtancunallačhüna puricuran.
Runacunam ichanga chay-tucuy-pita
Jesúsman shamuran.

**Cumllucash runata Jesús
allchacächishan**

San Mateo 9.1–8; San Lucas 5.17–26

2 ¹Chaypita ishca-qui-ma
junajtana Cafarnaún marcaman
Jesús yapay cutiran. Wasinču
caycashanta musyar, ²achcaj runa
shuntacaran. Wasi puncu pampapis
mana jäcurannachu. Jesúsna Tayta
Diosninchipa alli willacuyninta
willapäcuycaran. ³Chaynuy juturpay-
captin, quirmallawan cumllucash
runata čhuscuj runa čhayachimuran.

⁴Wasi junta runa juturpay-
captin, Jesúsna ñaupman yaycu-
chiyta mana camäpacuranchu.



San Marcos 2.1–12

Chaymi wasi jananman jigarcu, uñcuriycäri. Jinarcu Jesúsman quirmantinta warcuy-llapa yarpuchiran. ⁵Paycuna llapan shungunwan yupachicushanta musyar, cumllucash runata Jesús niran: «Wawallau wawa, juchayquicunata jungashcänam.»

⁶Chaura Moiséspa shiminta yañajcuna shungullanču ullguran: ⁷«Cay runa, ¿imanirtaj chaynuy riman? Chaynuy rimarga, Tayta Diosninchita apäriycan. Juchanchita Tayta Diosnillanchi junganman» nir.

⁸Yarpashanta musyar, Jesús tapuran: «¿Imanirtaj llutanta yarparcaycanqui? ⁹Mä, tapushayqui. ¿Cumllucash runata allchacächiychu, jucha aparicushanta jungacächiychu sasa?

¹⁰Canan tantiyacunquiman. Tayta Diosninchicay pachaman cáchamasha. Munayniyujmi cá

pipa juchantapis jungacächinäj.» Cumllucash runatana niran:

¹¹«Jatariy. Quirmayquita shuntacurcu, wasiquiman cuticuy.»

¹²Chaura cumllucash runa jatari-curcuran. Quirmanta apacurcu, llapan ricay llucshicurän. Chaynuypa llapan runa cushicushpan Tayta Diosninchita alliman çhuran: «Canan ricashanchita mana imaypis ricashcanchichu» nir.

Levita Jesús jayashan

San Mateo 9.9–13; San Lucas 5.27–32

¹³Chaypita Galilea püsu cantunpa Jesús yapay aywaycaran. Runacunapis achcaj ricäcuj aywaran. Paycunatam Jesús yañachiran.

¹⁴Aywaycashanchu Alfeupa wamran Levita ricaran. * Leviga Roma marcapa mandajninpaj jillayta shuntaycaran. Ricar, Jesús niran: «Leví, purishimay.» Niptin, Jesústa Leví purishiran.

*2.14 Levitaga waquincuna ricsin: «Mateo» nir. San Mateo 9.9-ta ricay.

¹⁵Chaypita Levípa wasinchu purishijnincunawan Jesús micurcaycaran. Waquin juchachu arujcunawanpis, jillayta shuntajcunawanpis micurcaycaran. Chay-niraj runacuna achcajmi Jesústa purishiran.

¹⁶Moiséspa shiminta yachaj fariseucunana Jesústa chiquipashan ricaran juchachu arujcunawan jillayta shuntajcunawan micurcaycajtá. Chaymi Jesúspa purishijnincunata tapuran: «¿Imanirtaj juchachu arujcunawan, jillayta shuntaj chiqui runacunawan Jesús micun?» nir.

¹⁷Jamurpaptin, Jesúspis niran: «Jishyachucunallash jampicujta ashin. Mana jishyarga, mana ashinchu. Chay-jina nuwapis juchachu arujcunata Tayta Diosninchiman cutichij shamushcá. Manam: «Juchaynajmi cá» nijcunatachu ashycá.»

Ayünupita tapunacushan

San Mateo 9.14–17; San Lucas 5.33–39

¹⁸Juc cuti Ushyachicuj Juanpa purishijnincunapis, fariseucunapis ayünashpan Tayta Diosninchita mañacurcaycaran. Chaymi waquin runacuna Jesústa tapuran: «Ushyachicuj Juanpa purishijnincunapis, fariseucunapa purishijnincunapis ayünashpan Tayta Diosninchita mañacun. Purishijniquicunam ichanga, ¿imanirtaj mana ayünanchu?» nir. ¹⁹Chaynuy niptin quiquinman tincuchicur, Jesús niran: «Warmi ashishjicuna manash llaquishachu ayünan. Manchäga cushishash micupacärin. Majachacaj müsuta yanagaycar, manash ayünanmanchu. ²⁰Warmi ashij müsuta jichuptinshi ichanga, ayünangapaj. Jatunpash llaquicungapaj.

²¹«Chaynuypis mauca müdanata mushuj raCHIPAWAN manash pipis jiranmanchu. Mushujwan jiraptin, jintishpan mauca müdanatapis jatunpanash raCHIRACHIN. ²²Binuta puguchinanpäpis manash pipis chaquish jaracha putuman wiñanmanchu. Binu pugur, chaquish jaracha pututa pashtarachinshi. Pashtaptin, binupis ushyacäcunshi. Jaracha putupis raCHICÄCUNSHI. Chayshi llullu binuta llullu jaracha putumanraj wiñan.»

Diyawardachu rīguta shipishan

San Mateo 12.1–8; San Lucas 6.1–5

²³Diyawarda junaj rīgu cantunpa purishijnincunawan Jesús aywaycaran. Purishijnincuna rīguta shipircur-shipircur, maquinchu cupacaCHARCAYCARAN. ²⁴Chaymi fariseucuna Jesústa tapuran: «¿Mä, arushanta ricanquichu? ¿Imanirtaj diyawardachu purishijni-quicuna rīguta cupacaCHARCAYCAN? Diyawardachu Tayta Diosninchipa shiminta CHARCURMI, mana arunchichu» nir.

²⁵Chaura Jesús niran: «¿Auquillunchi David imata rurashantapis manachu musyanqui? Tayta Diosninchipa shiminta liguycarsi, ¿yargaywan David imata rurashantapis manachu tantiyacushcanqui? ²⁶Mayur cūra Abiatar caycasha wichean yargay chariptin Tayta Diosninchipa wasinman yaycurir, jarashan tantanta David micuran. Cüracunalla micunan caycap-tinsi, yanaguincunawanraj David micupäcuran.

²⁷«Mä, wiyamay. Tayta Diosninchidiyawardata camacächiran runacuna jamaycunapaj, mana

chay junajta manchapacunanpächu.
²⁸Tayta Diosninchí cáchamasha.
 Chaymi diyawarda maquiéchu.
 Diyawardachu runa imata
 rurananpäpis, imata mičhänäpäpis
 maquiéhümi caycan.»

**Maquin wañush runata Jesús
 allchacächishan**

San Mateo 12.9–14; San Lucas 6.6–11

3 ¹Juc cuti shuntacäna wasiman
 Jesús éhayaran. Chayéchu
 maquin wañush runapis caycaran.
²Ricapacujcunana Jesústa ricaparcay-
 caran: «Diyawarda caycaptin, mä,
 allchacächingachush. Allchacächisha-
 llanmi achäqui canga» nir.

³Maquin wañush runatana
 Jesús niran: «Llapan ricashunay-
 quipaj ichiy.» ⁴Waqin runatana
 tapuran: «Diyawardachu,
 ¿allitachu, llutantachu rurashuwan?
 ¿Washäshuwanchu? ¿«Wañucuchun»
 nishuwanchu?» nir. Tapuptin, llapan
 upällacaycärran.

⁵Chaura Jesús ricapacujcunata
 ullgush ricapäriran. Rumi shungu
 captin, sumaj llaquicurán. Maquin
 wañush runatana niran: «Maqui-
 quita chutapacuy.» Chutapacu-
 riptin, maquin allchacäcuran.
⁶Fariseucunam ichanga juella
 aywarcur, mandaj Herodespa
 yanapajnincunawan parlana-
 curan imanuy-papis Jesústa
 wañuchinanpaj.

**Achcaj runa Jesúsman
 aywashan**

⁷Chaypita püsu cantunman
 purishijnincunawan Jesús
 aywacuran. Jipantana achcaj Galilea
 runacuna aywaran. Judea quinranpi-
 tapis aywaran. ⁸Jesús ima rurashan-

cunata mayar, chay-tucuy-pita
 runacuna aywaran. Aywaran Judea
 quinranpita, Jerusalén marcapita,
 Idumea quinranpita, Jordán mayu
 wajtanpita, Tiro marca quinranpita,
 Sidón marca quinranpita. ⁹Chaymi
 purishijnincunata Jesús niran:
 «Runacuna quiéquipämashpanchi
 lluchcamänanchipita bütita
 camariy.»

¹⁰Achcajta allchacächish caycaptin,
 jishyachucuna Jesúsman imanuy-
 papis aywaj yatayllapis yataycu-
 nanpaj. ¹¹Jesústa ricashpan supay
 puellacushan runacunapis jungur-
 pacuycur, japariypa niran: «Jamga
 Tayta Diosninchipa Wawanmi
 canqui.» ¹²Niptin, pï cashantapis
 mana musyachicunanj Jesús
 sumaj piñacuran.

**Chunca ishcaýwan
 cáchancunata Jesús acracushan**

San Mateo 10.1–4; San Lucas 6.12–16

¹³Chaypita puntaman Jesús
 aywaran. Chayéchu shungunman
 tincushancunata shuntaran.
 Shuntaptin, ^{14–15}Chunca ishcaý-
 wanta (12) acracuran purishinanpaj,
 shiminta willapácunanj, supay-
 cunata jargunanpaj. Paycunata
 acracuran cáchacunanj.

¹⁶Chunca ishcaýwan acracu-
 shancuna caycaran: «Pedro» nishan
 Simón, ¹⁷Zebedeupa wamran
 Santiaguwan Juan. Paycunatam
 jutichaparan: «Boanerges» nir.
 «Boanerges» ninanga: «Räyupa
 wamrancuna» ninanmi. ¹⁸Andrés,
 Felipe, Bartolomé, Mateo, Tomás,
 Alfeupa wamran Santiago, Tadeo,
 «Marcanj nanachicuj» nishan
 Simón, ¹⁹Judas Iscariote. Payga
 Jesústa wañuyman jitarpuran.

Jesústa pampaman churashan*San Mateo 12.22–32;**San Lucas 11.14–23; 12.10*

²⁰Chaypita purishijnincunawan Jesús wasinman cuticuran. Yapay achcaj runa shuntacaptin, micunanpäpis mana jäcuranchu. ²¹Chayta mayaycur, yawar-masincuna aywaran apacunanpaj: «Supaychi pucllacusha» nir runacuna rimaptin. ²²Jerusalén marcapita chayaj Moiséspa shiminta yachajcunapis nircaycaran: «Mayur supay Beelzebulta jayararshi, supaycunata jarguycan. Mana Tayta Diosninchitachu jayaraycan.»

²³Chaynuy niptin, Jesús jayapar, tincuchiypa willaparan: «Quiquin Supay, ¿imanuyparaj quiquinta jargucunman? ²⁴May marcachüpis quiquin-pura ticrapanacur, wacpa-caypash aywacarin. ²⁵May wasichüpis majanwan ticrapanacur, raquicaymanshi chayän. ²⁶Chay-jina mayur supaypis supay-masinwan ticrapanacur, ima ruraytapis mana camäpacunmanchu. Ushyacaymanpis chayanga. ²⁷Juc runash wasiman yaycapur, wasiyujpa imancunatapis suwacün. Ichanga callpayuj runataräshi mancurnan. Jinarcurräshi imancunatapis ushyajpaj apacün.

²⁸«Sumaj tantiyacunquiman. Runacunapa llapan juchantapis, tucuy-jinanpa pampaman churashan-tapis Tayta Diosninchijunganga. ²⁹Espíritu Santuta ashllir ushyaptinmi ichanga, mana jungangachu. Juchanta aparicushalla imaypis cawanga.» ³⁰Jesús chaynuy niran: «Supaypa maquinchu purin» nir tumpashanpita.

Mamanwan wauguincuna**Jesústa ashishan***San Mateo 12.46–50;**San Lucas 8.19–21*

³¹Chaynuy willapäcuycaptin, Jesús pa mamanwan wauguincuna chayaran. Jawallapita jayachiran. ³²Juturpaycäcunana niran: «Tayta Jesús, mamay-quiwän wauguquicunash jawaachu shuyarpaycäshunqui. Ashishunquish.»

³³Chaura Jesús tapuran: «¿Pitaj mamä? ¿Pitaj wauguicuna?» ³⁴Juturpaycäcunata ricärir, niran: «Jancuna mamä, wauguicuna canqui. ³⁵Pipis Tayta Diosninchipa shungun munashanta rurajcunaga mamäwan, wauguicunawan, panicunawanmi tincün.»

Murupacujman tincuchiypa willapashan*San Mateo 13.1–9; San Lucas 8.4–8*

4 ¹Chaura yapayna jatun püsu cantunchu Jesús yachachicuycaran. Achcaj runa jutucaptin, bütiman jigacurcuran willapäcunanpaj. Runacunam ichanga yacu cantullanchu juturpaycaran. ²Bütipitana Jesús imawanpis tincuchiylapa tantiyachir, niran: ³«Sumaj wiyamay. Juc runash murupacuj aywaran. ⁴Machiptinshi, waquin muru caminuman chayasha. Caminuman chayajta pichuysacunash pashacurcusha. ⁵Waquin murunash jarapshu allpaman chayasha. Jarapshu captinshi, juella wiñacarcamuran. ⁶Ichanga janallancho sapin captin, inti rupaptinshi, chaquicäcusha. ⁷Waquin murunash shata-shataman chayasha.

Shata atayäcurcurshi, muru wiñamujtapis jarwashtärachisha. Chayshi wiñarsi, mana wayusha-nachu. ⁸Waquin murunash alli allpaman éhayasha. Sumajshi wayusha. Waquin juc murullapitash wayusha quimsa éhuncata (30); waquinshi sujta éhuncata (60); waquinnash paéhacta (100).»

⁹Willapäcuriycur, Jesús niran: «Rinriyujmi canqui. Tantiyacunquiman.»

Tincuchiypa willapashanpita tantiyachishan

San Mateo 13.10–17; San Lucas 8.9–10

¹⁰Runacuna aywacuriptin, éhunca ishçaywan purishijnincunawan waquin jatirajnincuna Jesústa tapuran: «Tincuchiypa willapäcushay-quita mä, tantiyachimay» nir.

¹¹Jesúsna niran: «Jamcunata mayna tantiyachishçaj: «Maquinéchu cawananchipaj Tayta Diosninchi shuyaraycämanchi» nir. Mana wiyacujcunatam ichanga tincuchiyllapa tantiyachi. ¹²Tayta Diosninchipa shiminéchu nin:

«Ricaycarpis, ñawiynaj-tucun.
Wiyaycarpis, rinriynaj-tucun.
Shimäta wasguiptinga,
jucha aparicushantapis
Tayta Diosninchi mana
jungangachu.»*

Murupacujpita tantiyachishan

San Mateo 13.18–23; San Lucas 8.11–15

¹³Chaypita Jesús niran: «Jamcunapis, ¿manachu tantiyanqui tincuchiypa willapäcushäta? Mana tantiyaycarga, ¿imanuyparaj llapan willapäcushäcunata tantiyanqui?

¹⁴«Murupacuj murushan Tayta Diosninchipa shiminwan tincun.

¹⁵Caminuman muru shicwashan-jina shimin achçaj runaman éhayan. Ichanga wiyashantapis Supay juçlla jungaycachin.

¹⁶«Jarapshu allpaman muru shicwashan-jina shimin waquin runaman éhayan. Shiminta wiyar, cushishalla çhasquicun.

¹⁷Ichanga jarapshu éçacraéchu mana sapichashan-jina shungunmanpis mana éhayanchu. Chaymi runa ñacayman éhayar, Tayta Diosnin-chita wiyacushan-janan jaticaçhar ushyaptin, juçlla jungaycun.

¹⁸«Shata-shataman murushan-jina shimin waquin runaman éhayan. Shiminta wiyarpis ¹⁹çhapa mana pishiptyin, Tayta Diosninchipa shimin nishannuylla mana cawanchu. Imapäpis alläpa yarpaçhacur, ricuyayllata ashir, shungun munashallanta ashir, tincupacan.

²⁰«Alli allpaman murushan-jina shimin waquin runaman éhayan. Paycuna shiminta wiyar, llapan shungunwanmi çhasquicun. Juc muru alli wayur, quimsa éhuncata (30), sujta éhuncata (60), paéhacta (100) juc shicshillaéchu wayushan-jina Tayta Diosninchipa shimin nishallanta rurar cawan.»

Achquiwan tincuchiypa willapashan

San Lucas 8.16–18

²¹Yapaypis tincuchiypa Jesús niran: «Achquita ratarcachir, pipis manash manca rurinman, cäma éçaquinman échuranmanchu. Manchäga patacmanshi échuran

* 4.12 Isaías 6.9–10.

llapanta achicyänanpaj. ²²Sumaj tantiyacunquiman. Runacuna shungullanáchu pacaráchishanpis mayacanga. Imata yarpashanpis unayllata musyacanga. ²³Rinriyujmi canqui. Tantiyacunquiman.

²⁴«Canan willapashäta sumaj tantiyacunquiman. Tantiyacushayquiman-tupu Tayta Diosninchipis tantiyachishunquipaj. Sumaj-sumaj tantiyachishunquipaj. ²⁵Chaymi wiyacuptin, pitapis Tayta Diosninchipis sumaj tantiyachinga. Mana wiyacujcunatam ichanga, ichicllata tantiyashallantapis jungaycachinga.»

Muru wiñamujwan tincuchiypa willapashan

²⁶Yapay Jesús niran: «Tayta Diosninchipis maquinéchu juyaypita tantiyacushun. Juc runash échacraman muruta mururan.

²⁷Murushanpita pashtamur, wiñamun. Runa pagaspa puñurpis, junajpa riccharpis, muruta manash pashtachimunmanchu. Manash wiñachimunmanpishchu. Imanuy pashtashantapis, wiñamushantapis manash musyanchu.

²⁸Allpalla pashtachimun. Tullunta wiñachin. Shichichin. Puguchin.

²⁹Puguptinna: «Murushäpa wawanta shuntashäna» nir rutun.»

Ñäpus muruwan tincuchiypa willapashan

San Mateo 13.31–32;

San Lucas 13.18–19

³⁰Yapay tincuchiypa willapäcur, Jesús niran: «¿Imawanraj Tayta Diosninchipis maquinéchu cawajcunata

tincuchishuwan? ¿Imawan tincuchiyparaj tantiyacushuwan? ³¹Paypa maquinéchu cawajcuna ñäpus muruwan tincun. * Chay muruga llapan murupitapis mas acapallash. ³²Muruptinshi ichanga, wirtachu sumaj wiñan. Waquin jaéhcacuna-pitasis atayayta llallin. Callapancunapis ata captin, pichuysacuna llantucushpan jishucärin.»

Tincuchiyllapa willapäcunanpaj cashan

San Mateo 13.34–35

³³Runacuna sumaj tantiyacunanpaj imawanpis tincuchiyllapa Jesús willapäcuran. ³⁴Imatapis tincuchiyllapa tantiyachicuj. Jinalla mana tantiyachijchu. Purishijnincunatam ichanga yatalla sumaj tantiyachiran.

Wayranpawan tamyata Jesús éhawachishan


San Mateo 8.23–27; San Lucas 8.22–25

³⁵Chay junajlla pacha chacanaycaptin, purishijnincunata Jesús niran: «Yacu püsuta chimpashun.»

³⁶Chaynuy niptin, runacunata: «Aywallä» nir bëtiwan Jesústa apacuran. Waquin bëticunapis jipanta aywaran. ³⁷Aywarcaycaptin, shucucuy wayra ricacamuran. Yacuna bëchiypa-bëchir bëtiman yaucucaran. ³⁸Jesúsmi ichanga jipaman aywaycur jawanacurcur, puñucash caycaran.

Chaura purishijnincuna juyupa mancharir, Jesústa ricchachiran: «Tayta, yacuman chall-pucaycanchina. ¿Manachu imasi jucunqui?» nir. ³⁹Chaura riccharir, wayratawan yacuta piñacur

* 4.31 Ricanqui San Mateo 13.31 nishanta.



San Marcos 4.35–41

Jesús niran: «Chawayna. Ama büchiypa-büchiynachu.» Chaura wayra chawacäcuran. Yacupis puñucäcuran. ⁴⁰Purishijnincunatana niran: «¿Imanirtaj mancharish carcaycanqui? ¿Tayta Diosninchipa maquinchu cawashanchita manachu yupachicunqui?»

⁴¹Paycunana juyupa mancharishpan quiquin-pura tapunacäriran: «¿Piraj cay runa? Piñacuriptin, shucucuy wayra chawacäcun. Yacupis puñucäcun» nir.

**Gerasa quinranchu supay
pucllacushan runata Jesús
allchacächishan**

San Mateo 8.28–34; San Lucas 8.26–39

5 ¹Püsuta chimparcur, Gerasa quinranman chayaran. ²Bütipita Jesús yarpuriptin, supay pucllacushan runa pantyupita llucshiramuran.

³Chay runaga runa pamparashan machaycunallaachu tiyacuj. Cadinawan wataptinpis, raçhir ushyarij. ⁴Achca cuti maquin-chaquinpita cadinawan wataptinsi, raçhirij. Pipis mana ichipujchu. ⁵Payga pagas-junajta, chaga quinranpa, runa pamparashan machaycunapa japaraycar puricuj. Quiquinpis rumicunawan tacacuj. Cuchucuj.

⁶Carushchu ricärir waracaylla aywarcu, Jesúsna ñaupman jungurpacuycuran. ⁷Llapan callpanwan japarir niran: «Llapanta Camaj Tayta Diosninchipa Wawan Jesús, ¿imanirtaj ashipämanqui? Ama ñacaycachimaychu.» ⁸Chaynuy ninanpäga mayna Jesús niran: «Supay, cay runata caçhariy.»

⁹Jesúsna tapuran: «¿Imataj jutiqui?» Tapuptin, niran: ««Batallun» jutí chay-chicaj cashpä.» ¹⁰Nircur llapan

supaycuna yaparir-yaparir Jesústa mañacuran: «Cay quinranpita ama jarguycamaychu» nir.

¹¹Chaura chagapa janallanchu chay-chica cuchi pagupacur-caycaran. ¹²Chaymi supaycuna mañacuran: «Tagay cuchicunata pucllacunäpaj aunimay, ari» nir. ¹³Chaymi mañacushanta Jesús auniran. Auniptin supaycuna runata caçhariycur, cuchicunatana pucllacuran. Cuchicunana jishyayar, chagapita yacuman jigapurcuran. Llapallan shugupacaypa wañuran. Cuchicunaga ishçay waranga-ima (2,000) caran. ¹⁴Cuchi michijcunana mancharish jishpicäriran. Aywaycur çhacracunaçhüpis, marcaçhüpis imallata ricashantapis willacuran.

Chaymi runacuna imanuy cashan-tapis ricaj shamuran.

¹⁵Jesúsman çhayar, supaycuna pucllacushan runata allchacashtana tariran. Jamaraycaranna. Müdanashana caycaran. Chaynuyta ricaycur, juyupa manchariran. ¹⁶Ricajcunaga çhayamuj runacunata willaparan imanuy allchacashantapis, cuchicuna imaman çhayashantapis. ¹⁷Çhayamuj runacunana Jesústa mañacuran: «Cay marcapita aywacuy, ari» nir.

¹⁸Mañacuptinga, bütiman jigaran aywacunanpaj. Allchacaj runam ichanga Jesústa mañacuran: «Tayta, pushacamay, ari» nir. ¹⁹Chaypis Jesús niran: «Mana camacanchu. Wasiquiman cuticuy, ari. Yawar-masiquicunata Tayta Diosninchi



San Marcos 5.1–20

llaquipar allchacächishushayquipita llapanta willapay.» ²⁰Chaura Decápolis marcacuna quinranpana chay runa willacuräcur puriran: «Jesús allchacächimasha» nir. Willacuptin, llapan runa manchariran.

**Jairupa wamrantapis, yawar-apaywan jishyaj warmitapis
Jesús allchacächishan**

San Mateo 9.18–26; San Lucas 8.40–56

²¹Chaura bütiwan wac chimpaman Jesús chayaptin, achcaj runa shuntacaran. Jesúspis yacu pallgallanchu caycaran. ²²Niycaptillan, Jairo chayaran. Payga shuntacäna wasíchu mayur runa caran. Jesús pa ñaupanman jungurpacuycur, ²³mañacuran: «Tayta, wasíman aywashun. Warmi wamrä wañuycan. Yatayllapis maquiquiwan yataycunquiman wamrä allchacänapaj. Chayllawan cawanga» nir.

²⁴Mañacuptin, Jesús aywaran. Achcaj runa aywaycaptin, Jesústa juyupa quiéchuipaycaran. ²⁵Chunca ishca ywan (12) watana yawar-apaywan jishyaj warmipis tallucash aywaycaran. ²⁶Warmiga jampicujcunawan jampicur imancunatapis ushyapacashana caycaran. Pipis mana allchacächiranchu. Manchäga alläpana churacaycaran. ²⁷Jesús munayniyuj cashanta mayar runacunapa chaupinpa yaycurir jipallanpita tariparcur, Jesús pa müdananta yataycuran: ²⁸«Müdanallantapis yatar, allchacashämi» nir. ²⁹Yataycuptillan, yawar-apaynin äñir chawacäcuran. Janan ancashyacäcushantapis quiquin mayaran.

³⁰Munayninwan pitapis allchacächishanta Jesúspis

mayariran. Chaymi ticrarcur, tapuran: «¿Pitaj yataycamasha?» nir. ³¹Chaura purishijnincuna niran: «Achcaj runa quiéchuipaycäshuptiquiga, ¿imanirtaj tapumanqui: ¿Pitaj yataycamasha?» nir?» ³²Pipis yatashanta musyananpaj Jesús jinalla ricapaycaran. ³³Warmina manchariywan sicsicyaycar, Jesús pa ñaupanman jungurpacuycuran. Imanir yatashantapis llapanta willaycuran.

³⁴Jesús na niran: «Wawallau wawa, yupachicamashayquipita allchacashcanqui. Mana yarpaçhacullarna wasiquiman cuticuy. Mana jishyanquinapishchu» nir.

³⁵Jesús rimayta mana ushyaptillan, Jairupa wasinpita cáchacuna chayamuran. Jairuta niran: «Tayta, wamrayqui wañucäcushana. ¿Imapänataj tayta Jesústa pushanquipis?» ³⁶Mana wiyaj-tucullar, Jesús niran: «Tayta Jairo, ama llaquicuychu. Nuwaman yupachicamanquiman.» ³⁷Chaura waquin runacunata jaguiycur, Pedruta, Santiagutawan wauguin Juanta pusharan.

³⁸Jairupa wasinman chayarna, atarcaycäcunata tariran.

³⁹Chaymi yaycurir, Jesús niran: «¿Imanirtaj atarcaycanqui? Wamra mana wañushachu. Manchäga puñucashalla caycan.»

⁴⁰Chaynuy niptin, täpajcuna Jesústa asiparan. Jesús mi ichanga atarcaycäcunata jawaman jarguran. Aya chutarashanman pushashan purishijnincunatapis, Jairutapis, warmintinta yaycuchiran. ⁴¹Ruriman yaycurir maquinpita charircurna, wañush wamra jipashta niran: «Talítá cum.» Rimayninchüga:

«Talítá cum» ninantam: «Ricchayna wamra» nin.

⁴²Chaynuy niptin, juclla jataricurcuran. Puripacuranna. Chay wamra jipashga chunca ishchaywan (12) watatana aywaycaran. Chayta ricar, runacuna juyupa manchariran.

⁴³Jesúsna runacunata piñacuran: «Cawarishanta pitapis ama willapanquichu. Wamrayquitapis jaray» nir.

Nazaret marcachu Jesús willapächushan

San Mateo 13.53–58;

San Lucas 4.16–30

6 ¹Chaypita aywar, marcanman purishijnincunawan Jesús cuticuran. ²Diyawarda junaj shuntacäna wasichu willapächuran. Wiyajcunana tantiyayta mana atipar, tapunacurcaycaran: «¿Maychüraj llapanta yachacusha? ¿Piraj yachachisha? ¿Imanuyparaj Tayta Diosnillanchi camacächishancunata rurán? ³Cay runa, ¿manachu carpintiru? ¿Manachu Mariapa wamran? ¿Manachu wauguincunapis Santiago, Joset, Judas, Simón? Panincunapis, ¿manachu carcaycan?» nir. Chaynuy nir Jesústa pampaman churaran.

⁴Jesúsna niran: «May-chaychüpis alli ñawinpa Tayta Diosninchipa willacujninta rican. Yurishan marcachümi ichanga marca-masincunapis, yawar-masincunapis pampaman churan. Ricaytapis mana munanchu.» ⁵Chaymi marcanchüga Tayta Diosninchi camacächiyinpa imatapis mana rurarannachu. Juc-ishcay jishyachucunallata maquinwan yatayllapa allchacächiran. ⁶Marca-masincuna mana chasquicuptin, juyupa llaqui-

curan: «¿Imanirraj mana chasquicamanchu?» nir.

Chunca ishchaywan cachancunata Jesús cachacushan

San Mateo 10.5–15; San Lucas 9.1–6

Chaypita marcan-marcan Tayta Diosninchipa shiminta willapächur, Jesús puriran. ⁷Chunca ishchaywan purishijnincunata ishchay-caman-ishchay-caman willapächuj cacharan. Cachar, niran: «Nuwapita munayniyuj caycanqui supaycunata jargunayquipaj. ^{8–9}Imatapis ama apanquichu. Ama apanquichu jipita, mircapata, jillayta, rucanayquita. Garutillayquita apanqui. Llanguilayquita jaticunqui.

¹⁰«Juc wasiman chayashpayqui jucläpa aywacushayquicaman jinallanchu pacharacunqui.

¹¹Chayashayqui marcachu mana chasquishuptiqui, mana wiyashuptiqui, aywacunqui. Chaquiquita pichacurir aywacunqui: «Mana chasquimashayquipita ñacayman chayanquipaj» nir.»

¹²Chaura purishijnincuna wacpacaypa aywar, willapächuran: «Jucha aparicuyupita wanacäriy» nir. ¹³Pucllacuj supaycunatapis jarguran. Jishyachucunatapis wirawan jampir, achcajta allchacächiran.

Ushyachicuj Juanta wañuchishan

San Mateo 14.1–12; San Lucas 9.7–9

¹⁴Chay wichan mandaj Herodes Jesús ima-imata rurashantapis mayaran. Runacuna wichaypa-uraypa rimar niycaran: «Ushyachicuj Juanchi wañushanpita cawarircamusha. Chaychi munayniyuj ricarimusha Tayta Diosnillanchi camacächishancunata

rurananpaj.» ¹⁵Waquinnash nircaycaran: «Willacuj Elíaschi.»

Waquinnash niycaran: «Unay willacujcuna-jinachi ricarimusha.»

¹⁶Chaura chay rimashancunata mayar, mandaj Herodespis niran: «Rasunpa Juanchi canga. Umanta quiqui ruguchish caycapti, cawarimush canga.»

¹⁷Ushyachicuj Juanta piñacusha-llanpita quiquin mandaj Herodes unayna mancurnarcachir, carsilman wíchgachish caran.

¹⁸Juan piñacuruj: «Tayta Herodes, mama Herodíasga wauguíqui Felipupa warminmi. Wauguíquipa warminta ama jíchunquimanchu» nir.

¹⁹Chaynuy nishanpita mama Herodías Juanta wañuylla chiquiparan. Wañuchiya munarpis, mana camäpacuranchu ²⁰quiquin mandaj Herodes chapaptin. Payga manchapacuran: «Juanga juchaynaj runam. Tayta Diosninchipa maquinchu juyan» nir. Chaymi Juan rimashan shungunman mana tincuptinsi, cushish wiyaparan.

²¹Chaura chay wichan mandaj Herodespa diyan chayamuran. Chaymi tünata rural, yačhänacushancunata, murucuncunapa mandaj-nincunata, Galilea quinran mayur runacunata jarananpaj jayachiran. Chay junajraj mama Herodías yarpashan camacaran.

²²Jurpancunawan mandaj Herodes micurcaycaptin, llapanpa ricay ñawinchu mama Herodíaspa jipashninraj sumaj jachwaran. Jachwar, llapan jurpantinta mandaj Herodesta cushicachiran. Chaymi jipashta mandaj Herodes niran: «Shunguyqui munashanta mañacamay. Munap-

tiqui, imätapis juycushayquim.»

²³Chaynuylla yaparir-yaparir auniran: «Imata mañacamaptiquipis, jushayquim. Marcäcunatapis pullanta juycujmanmi» nir.

²⁴Chaynuy niptin, jipashga mamanta tapuran: «¿Imatata mañacushaj?» nir. Maman Herodíasna niran:

«Ushyachicuj Juanpa umanta mañacuy.» ²⁵Jipashna juella mandaj Herodesta niran: «Ushyachicuj Juanpa umanta mañacushayqui. Juella matiman wiñarcur, macyamay.»

²⁶Chaura mandaj Herodes juyupa llaquicäcuran. Llaquicursi, jurpancunapa ñaupanchu aunish cashpan shiminta mana cutiricurannachu. ²⁷Manchäga juc murucunta cačharan Juanpa umanta apapunanpaj. Chaymi murucuga carsilman aywarcur, Juanpa umanta ruguriran. ²⁸Jinarcur matiwan aparcamur, jipashta juycuran. Jipashna mamanta macyaycuran. ²⁹Chaura Juanta wañuchishanta mayar, purishijnincuna ayanta shuntaycur, pampaycäiran.

Pichga waranga runata Jesús jarashan

San Mateo 14.13–21;

San Lucas 9.10–17; San Juan 6.1–14

³⁰Chaura Jesús cačhacushancuna cutimuran. Čhayar, imata rurashantapis, imata yačhachishantapis willaparan. ³¹Parlanacurcaycaptin, achcaj runa čhayapuran. Chaymi jamaycunanpäpis, micunanpäpis mana jäcuranchu. Chaynuypa cačhacushancunallata niran: «Jucläman aywashun. Yata jamapärishun.» ³²Chaymi quiquincunalla yata bütiwan chunyaj pachaman aywacäiran.

³³Mayman aywashantapis musyar, chay-tucuy marcapita runacuna cháquillapa tariparan. Jesús chayaptin, shuyarpaycaranna.

³⁴Bütipita llucshirir achcaj runata ricar, Jesús llaquiparan: «Cay runacunata pipis mana ricanchu. Ujracash uysha-yupay carcaycan» nir. Llaquipar, sumaj willapäcuran.

³⁵Pacha chacanaycaptin, purishijnincuna Jesústa niran: «Chunyaj pachachu carcaycanchi. Pachapis chacanaycan. ³⁶Runacuna marcacunaman aywacuchun micuyta rantircur micunanpaj.»

³⁷Jesúsna niran: «Jancuna jaran-quiman.» Paycunana tapuran: «¿Tanta rantimuj aywanätarächu munanqui? Llapanta jarananchipäga ishcaj pačhac (200) jurnalpa chaninwanrämi tantata rantish aypanga» nir. ³⁸Jesúsna tapuran: «¿Ayca tantatataj chararcaycanqui? Mä, ricamuy» nir. Ricaycamurna, niran: «Pichga tantallawan ishcaj piscädullam caycan.»

³⁹Chaura Jesús niran: «Pashpa-llaman runacunata shuntaycur-shuntaycur jamachiy.» ⁴⁰Chaymi runacunata jamachiran pačhac-caman (100), pichga chunca-caman (50). ⁴¹Jinarcu pichga tantatawan ishcaj piscäduta aptacurcur, janaj pachaman Jesús ricäriran: «Taytallau Tayta, ima allish tarichillämashcanqui» nir. Nircu tantacunata paquircur-paquircur, ishcaj piscädutapis račircur-račircur, purishijnincunata macyaran aypucunanpaj.

⁴²Llapan runacuna puchupacu-shancaman micuran. ⁴³Micurcuptin, purishijnincuna puchupacushanta chunca ishcajwan (12) canista junta-

taraj shuntaran. ⁴⁴Micujcunaga ullgucunalla pichga waranga-ima (5,000) caycaran.

Yacu janampa Jesús aywashan

San Mateo 14.22–27; San Juan 6.16–21

⁴⁵Jinarcu Betsaida chimpapa ñaupacärinanpaj purishijnincunata bütiman Jesús jigachiran. Runacunatana niran: «Wasiquicunaman cuticäriy.» ⁴⁶Llapan aywacuptin, Tayta Diosninchita mañacuj puntaman aywacuran.

⁴⁷Pacha chacanaycaptin, purishijnincuna pusu cháupillan-taraj aywaycaran. Jesúsmi ichanga paycunawan mana aywaranchu. ⁴⁸Wayra chapaycačhaycaptin, büti apayta ñacarcaycashanta Jesús ricaran. Pacha waraycaptillan, yacu janallanpa purishijnincunata Jesús taripaycaran.

⁴⁹Purishijnincunana yacu janampa taripaycajtä ricärir, mancharir japačhacäriran: «Alma shaycämün» nir. ⁵⁰Llapan manchariran. Jesúsmi ichanga niran: «Ama mancha-camaychu. Quiquimi caycä.»

⁵¹Chaynuy nir bütiman jigar-cuptin, wayrapis chawacäcuran. Purishijnincunam ichanga tantiya-cuyta mana atiparanchu. ⁵²Achcaj runapaj tantata aypächiptinsi, Jesús munayniyuj cashanta mana tantiya-curanrächu. Yarpaynincunapis pishiranraj chucru shungu cashpan.

Genesaret quinranáhu jishyačhucunata Jesús allchacächishan

San Mateo 14.34–36

⁵³Jatun püsuta chimpanir, Genesaret marcaman chayaran. Chayar, pusu cantunman bütinta

wataran. ⁵⁴Bütipita yarpurip-tillan, runacuna Jesústa ricsiriran. ⁵⁵Ricsircur, chay-tucuyapa willanacäriran. Chaura Jesús maymanpis chayashanman jishyaächucunata quirmallawan wintuyapa chayachiran. ⁵⁶Jatun marcacunamanpis, tacsha marcacunamanpis, éhacracunamanpis runa juturashanman jishyaächucunata chayachiran: «Tayta Jesús, müdanay-quipa cantullantapis yatayca-chillämay, ari» nir. Yatajcunana änir allchacäcuran.

**Runapa shungunpita jucha
ruray ricarishan**

San Mateo 15.1–20

7 ¹Chaura chaypita Jerusalén marcapita fariseucunapis, Moisésa shiminta yaçhajcunapis Jesúsman shamuran achäquita ashipaj. ²Chayamur Jesúsapa purishijnincuna maquina awicünilla micurcaycajta ricar, jamurparan: «Tayta Diosninchita mana manchapacunchu» nir.

³Fariseucunaga, Israel runacunaga unay auquilluncuna yaçhachicushanta mana jungajchu. Maquina mana awicullar, imatapis mana micujchu. ⁴Rantipacuj aywashanpita cutimurpis, armacuriycurraj micuj. Cüpatapis, puyñutapis, mancatapis awij, Tayta Diosninchipa ricay ñawinchu alli cayta munar.*

⁵Chaymi Fariseucunawan Moisésa shiminta yaçhajcuna Jesústa tapuran: «¿Imanirtaj purishijniquicuna auquillunchicuna yaçhachishanta jungaycun?

Maquina awicurinman. Janra maquinwan micur, Tayta Diosninchipa ricay ñawinchu llutanta ruraycan» nir.

⁶Chaura Jesús niran: «Janan shungulla carcaycanqui. Rasullantaçhari Tayta Diosninchi rimachiptin, willacujnin Isaías unayna niran:

«Cay runacuna shimillanwan alliman éhuramaj-tucun. Shungunmi ichanga juccunata manchapacun.

⁷Janan shungulla alliman éhuraman.

«Tayta Diosninchipa shimin alli» nirpis, runa yarpashallanta willapäcun.»*

⁸«Chay-jina jamcunapis Tayta Diosninchipa shiminta jungaycur, runacunapa shimillanta éharcucaycanqui.»

⁹Jananmanpis Jesús niran: «Quiquiquicunapa yaçhacashayquita ruranayqui-cashan Tayta Diosninchipa shiminta jungaycärishcanqui. ¹⁰Paypa shiminta musyachicurmi Moisés niran: «Mamayqui-taytayquita alli ricanqui. Maman-taytanta ashllijcuna ama cawachunpishchu.»*

¹¹Jamcunam ichanga mamayqui-taytayquita mana yanapänayquicashan nircaycanqui: «Cananga llapan imätapis Tayta Diosninchipa maquinman éhurashcä. Yanapänajpaj mana puchunnachu.» ¹²Pipis maman-taytanta yanapänanta miçharcaycanqui. ¹³Yarpashayquita ruray, Tayta Diosninchipa shiminta pampaman éhurarcaycanqui. Quiquiquicunapa

*7.4 Waquin Bibliachu yapash: «mashtacutapis chajchuj» nir. *7.6–7 Isaías 29.13.

*7.10 Éxodo 20.12; 21.17.

shimillayquita yačhaycächinqui:
 «Wac-niraj, cay-niraj rurashun» nir.»

¹⁴Chaynuy nir llapan runata
 jayarcu, Jesús niran: «Llapaniqui
 wiyamay. Shimita sumaj tantiyacuy.
¹⁵Shiminchivan micushanchiga,
 upushanchiga mana juchata apari-
 cachimanchichu. Shungunchichu
 llutanta yarpashanchim ichanga
 Tayta Diosninchipa ricay
 ñawinchüpis jucha aparicuymán
 chayachimanchi. ¹⁶Rinriyujmi
 canqui. Tantiyacunquiman.»

¹⁷Chaynuy yačhachicuymán
 ushyarcu, wasiman yaycuypin,
 purishijnincuna tapuran: «Tayta,
 ¿imanirtaj tincuchiypa yačhachi-
 cushcanqui?» nir. ¹⁸Chaura Jesús
 niran: «¿Jancunapis manachu
 tantiyacärinquiraj? ¿Runa
 micushancuna mana juchata
 apacachishanta manachu tanti-
 yacunqui? ¹⁹Micushanchi mana
 llutantachu yarpächimanchi.
 Pačhallaman yaycun. Jinarcu ishpa-
 curinchi.» Chaynuy willapar, micuy
 mana juchata apacachishanta
 tantiyachiran.

²⁰Jananmanpis niran: «Runa
 shungunchu yarpashanmi ichanga
 juchaman chayachin. ²¹Shungunchu
 yarpačhacun juchata rurananpaj,
 warmi-pächa runa-pächa
 cananpaj, suwacunanpaj, runata
 wañuchinanpaj, ²²majanta janampa-
 chinanpaj, yargaj cananpaj, chiquicu-
 nanpaj, llullapäcunanpaj, shungun
 munashallanta rurananpaj, jucpa
 imantapis munapänanpaj, washata
 rimanpaj, alli-tucunanpaj, mana
 tantiyacuj cananpaj. ²³Chaycuna
 runapa shungunchu yurimuptin,
 Tayta Diosninchipa ricay
 ñawinchüpis juchata aparicun.»

Jäpa warmipa wamranta Jesús allchacächishan

San Mateo 15.21–28

²⁴Chaypita aywacur, Tiro marca
 quinranmanna Jesús chayaran.
 Juc wasiman chayar pachacuran
 chayashanta pipis mana musya-
 nanpaj. Runacunam ichanga pacha-
 rashanta mayaran. ²⁵Supay puclla-
 cushan warmi wamrapa mamanpis
 Jesús chayashanta mayaran. Juclla
 chayarcu, ñaupman jungurpacuy-
 curan: «Tayta, yanapaycallamay.
 Wamräta supay pucllacusha. Allcha-
 caycachipallamay, ari» nir. ²⁶Chay
 jäpa warmi Sirofénicia marcapita
 caran. Griego rimayta rimaj.
 Wamranpaj Jesúsma mañacapurán:
 «Supayta jarguy» nir.

²⁷Chaura jäpa runacunata
 allguwan tincuchir, Jesús
 niran: «Wamracuna micushanta
 jichurir allguta jarananchi mana
 camacanchu.» ²⁸Warmina niran:
 «Rasullanta rimashcanqui, Tayta.
 Allgucunam ichanga wamracuna
 cachapacushallantapis micucun.»

²⁹Jesúsna niran: «Shimiqui allim.
 Canan cuticuymán, ari. Wamray-
 quita supay cächariycushanam.»
³⁰Chaynuy niptin, wasinman
 cuticuran. Chayar, wamranta
 cämaču paucapacuycajta tariran.
 Supaypis cächariycushana caran.

Upa runata Jesús allchacächishan

³¹Chaura Sidón-Tiro quinranpita
 llucshicur, Decápolis marca
 quinranman chayaran. Chay quinran
 Galilea pusuwan tincuraycaran.
³²Chaychu caycaptin, acllu-acllu
 rimaj upa runata chayachimuran:

«Maquiquiwan yataycapallämay. Allchacaycachipallämay» nir.

³³Chaynuy mañacuptin, runacunapita carushman ashurcachir, caru-wiyaj runapa rinrinman didunta Jesús jatiran. Tuwayninwan jallunta yataycuran. ³⁴Janaj pachapap ricäirna, llaquipar niran: «Efatá.» Rimayninchu: «Efatá» ninanta: «Quiçhacay» ninan.

³⁵Chaynuy niptin, rinrin wiyaranna. Jallunpis allchacäcuranna. Allina rimaran. ³⁶Runacunatana Jesús niran: «Pitapis ama willapanquichu.» Willacunanta miçhaycaptinsi, shiminta mana chapacuranchu. ³⁷Jatunpa cushicushpan nircaycaran: «Llapan-tapis allitam ruran. Upacunatapis wiyachin. Rimachin.»

Çhuscu waranga runata jarashan

San Mateo 15.32–39

8 ¹Chay junajcuna achcaj runa shuntacaran. Micunanpaj imapis mana caranchu. Chaymi purishijnincunata shuntarcur, Jesús niran: ²«Cay runacunata llaquipämi. Quimsa junajna purishiycämanchi. Micunanpäpis mana canchu. ³Micünillata wasinman-caman caçhapti, aywaycaptillan, shungunpis ushyacanga. Waquin carupita shamusha.»

⁴Purishijnincunana niran: «Chunyaj pachaçu carcaycanchi. ¿Cayçu tantata tarishuwanchuraj?» ⁵Jesúsna tapuran: «¿Ayca tantatataj chararcaycanqui?» nir. Tapuptin, niran: «Jançhis tantallata.»

⁶Chaynuy niptin, llapan runata pampallaman Jesús jamachiran. Jançhis tantata aptarcurna,

Tayta Diosninchita niran: «Taytallau Tayta, ima allish tarichillämashcanqui.» Jinarcup paquircur-paquircur, purishijnincunata macallaran runacunata aypunanpaj. Paycunana llapan runata aypuran. ⁷Ishcay-quimsa acapa piscäducunatapis charaycaran. Chay piscäducunatapis aptarcur, niran: «Ima allish tarichillämashcanqui, Tayta.» Jinarcup aypucachiran.

⁸Runacunana puchupacushan-caman micupacäiran. Puchupacushanta shuntaptin, jançhis canista juntataraj puchuran. ⁹Micujcunaga çhuscu waranga-ima (4,000) caran. Micucurcuptinna, llapan runata Jesús niran: «Wasiqicunaman cuticäriy.» ¹⁰Jinarcup purishijnincunawan bütiman jigarcup, Dalmanuta quinranman chimparan.

Jesústa ashipashan

San Mateo 16.1–4; San Lucas 12.54–56

¹¹Chaura fariseucuna çhayaycur, Jesústa achäquita ashiparan. Tincupar niran: «Tayta Diosninchicamacächinyinpa mä, imallatapis ruray.» ¹²Chaura llaquicushpan wiyächipaypa Jesús niran: «¿Imanirraj achäquita ashipämäj shamunqui? Sumaj tantiyacunquiman. Tayta Diosninchicamacächinyinpa imallatapis ruranäta munaptiquisi, mana imatapis rurashächu.» ¹³Chaymi fariseucunata jaguiycur, bütiwan chimpaman aywacuran.

Libadürawan fariseucunata tincuchishan

San Mateo 16.5–12

¹⁴Jesúspa purishijnincuna micuy apayta jungaycäiran. Juc

tantallata bütićhu apaycaran.

¹⁵Aywarcaycashanćhu Jesús piñaparan: «Fariseucunapa, mandaj Herodespa libadüranta ama čhasquipanquichu» nir. ¹⁶Purishijnincunana quiquin-puralla parlanacäriran: «Tantata mana apamushanchipitaćhi wiyächipaycämanchi» nir.

¹⁷Tapunacuycashanta musyar, Jesús niran: «¿Imanirtaj: «Tanta mana canchu» ninacurcaycanqui? Ricaycarpis, ¿manachu tantiya-cunquiraj? ¿Chucru shunguchu canqui? ¹⁸Tantata aypächishäta ricaycarpis, japra-nirajmi carcay-canqui. Tayta Diosninchipa shiminta willacuycaptipis, upa-nirajmi carcaycanqui. ¿Llapanta jungash-canquichuraj? ¹⁹¿Imanirtaj pichga tantallata pichga waranga (5,000) runacunapaj aypächishäta manachu yarparanqui? Chay junaj, ¿ayca canistatataj puchupacushanta shuntarayqui?» Purishijnincunana niran: «Čhunca ishcaiwanta.» ²⁰«Janćhis tantata čhuscu waranga (4,000) runacunapaj aypächishäpita, ¿ayca canista juntatataj shuntarayqui?» Paycunana: «Janćhistam» niran. ²¹Jesúsna niran: «Chaycunata ricaycarpis, ¿manachu tantiyacärinquiraj?»

Betsaida marcaćhu japra runata Jesús allchacächishan

²²Chaypita Betsaida marcaman čhayaran. Chayćhu carcaycaptin, japra runata čhayachimuran: «Maquiquiwan yataycapallämay. Allchacaycachipallämay, ari» nir.

²³Chaura maquinpita charicurcullar, marca wajtanman Jesús pusharan. Ñawinćhu tuwapuran. Maquinwan yataran. Nircur tapuran: «¿Imalla-

tapis ricanquichu?» nir. ²⁴Ramaramalla ricashpan: «Runacunata yüra-niraj puriycajta ricä» niran. ²⁵Yapay maquinwan yatarcuptin, sumaj ricaćhacurishanćhu allina ricaran. Ñawin allchacäcuranna. ²⁶Jesúsna niran: «Marcaman mana yaycullar wasiquiman cuticuy.»

Jesús Washäcuj cashanta Pedro rimariycushan

San Mateo 16.13–20; San Lucas 9.18–21

²⁷Chaypita Cesarea Filipo marca quinranman purishijnincunawan Jesús aywaran. Aywarcaycashanćhu purishijnincunata tapuran: «Runacunapäga, ¿pitaj caycä?» nir. ²⁸Chaura niran: «Waquin runash nin: «Ushyachicuj Juan.» Waquinnash: «Elías» nin. Waquinnash: «Pi carpis, Tayta Diosninchipa willacujnin canga» nin.»

²⁹Chaura quiquincunata Jesús tapuran: «Jamcunapäga, ¿pitaj caycä?» nir. Pedruna niran: «Washäcujmi canqui. Tayta Diosninchi caćhamushcashunqui.» ³⁰Chaura mana willacunanpaj Jesús sumaj willaparan.

Wañuymän čhayananta Jesús musyachicushan

San Mateo 16.21–28; San Lucas 9.22–27

³¹Chaypita purishijnincunata Jesús niran: «Tayta Diosninchi caćhamasha. Chaypis sumajraj ñacashaj. Mayur runacunapis, mayur cüracunapis, Moiséspa shiminta yaćhacunapis wasguimanga. Juyupa ñacachimanga. Wañuchimanga. Chaypis quimsa junajta Tayta Diosninchi cawarachimanga.» ³²Chaynuy nir mana chapacullarna willapäcuran.

Pedruna yata jayarcu, piñacuran.
³³Chaura Jesúspis waquin
 purishijnincunaman ricärir,
 ullgüparan: «Pedro, Supaymi
 canqui. Washata ayway. Chapata
 ama ruramaychu. Tayta Dios-
 ninchipa shiminta çharcunäta
 miçhaycämanqui. Imatapis
 munapashayquita runacunalla
 ashin. Tayta Diosninchipa shungun
 yarpashanwanmi ichanga mana
 tincunchu» nir.

³⁴Chaypita llapan juturajcu-
 natapis, purishijnincunatapis
 jayarcu, Jesús niran: «Pipis
 purishimayta munar, quiquinpa
 shungun munashanta ama ruram-
 manchu. Manchäga nuwa-janan
 ñacachiptinsi, ruschu wañuchiptinsi,
 shimita wiyacuchun. ³⁵Ñacaytapis,
 wañuytapis manchacur maquiçu
 puriyta mana munar, ushyacayman
 çhayangapaj. Maquiçu purir llapan-
 ninta jaguijcunam ichanga, alli
 willacuynita wiyacujcunam ichanga,
 imaycamanpis Tayta Diosninchipa
 maquinçu cawanga.

³⁶«Sumaj ricuyayta tarirpis ushya-
 cayman çhayaptin, rïcu cayninga,
 ¿imapäraj alli? ³⁷¿Rïcu cayninga
 Tayta Diosninchipa ñaupanman
 çhayachingachuraj?

³⁸«Tayta Diosninchi caçhamasha.
 Pipis shimita mana wiyacuptin jan-
 pachicuj car, juchaçu arujcunapa
 ñaupanchu wasguimaptin, nuwapis
 janaj pachapita achic-achicyaycar
 cutimur wasguishämi. Cutimuptiga,
 Tayta Diosninchipa anjilnincunapis
 achic-achicyaycar yanagämanga.»

9 ¹Jananmanpis Jesús niran:
 «Sumaj tantiyacunqueiman.
 Tayta Diosninchi munayniyuj
 cashpan llapan runata maquinçu

purichinga. Chayta waquinniquipis
 manaraj wañullarmi ricanquipaj.»

Juc-nirajman Jesús tigracurishan

San Mateo 17.1–13; San Lucas 9.28–36

²Chaypita sujta junajta Pedruta,
 Santiaguta, Juanta pushacurcur
 puntaman Jesús jigaran. Puntaçu
 quimsan purishijnincunalla ricapay-
 captin, achic-achicyaycajman Jesús
 tigracuriran. ³Müdananpis llutpi
 utcunuy achicyaypa achicyacur-
 curan. Chaynuy pi tacshacurpis,
 mana yurajyächinchu. ⁴Unay
 willacuj Elíaswan Moisésps ricari-
 parcur, Jesúsman parlaycaran.

^{5–6}Chaura purishijnincuna juyupa
 mancharicäcuran. Rimapacuytapis
 mana camäpacuranchu. Chaypis
 Pedro sumaj mana yarpaçhacullar
 niran: «Tayta Jesús, cayçhüga
 alli juyäcuymi. Quimsa tacmata
 ruralishaj: jucta jampaj, jucta
 Moisésaj, jucta Elíasaj.» ⁷Chaynuy
 ricapaycaptillan, quimsanta pucutay
 chapacurcuran. Pucutay rurin-
 pitana Tayta Diosninchi nimuran:
 «Jesúsca cuyay Wawämi. Shiminta
 wiyacuy.» ⁸Purishijnincunana
 ricaçhacurishançu quiquillanta
 Jesústa ricaran. Waquin mana
 carannachu.

⁹Puntapita yarpaycämushançu
 purishijnincunata Jesús willaparan:
 «Tayta Diosninchi caçhamasha.
 Canan ricashayquita pitapis ama
 willapanquichu wañushäpita
 manaraj cawarimushäcaman» nir.
¹⁰Quimsan musyajcuna pitapis mana
 willaparanchu. Ichanga quiquin-
 puralla parlanacäriran: «¿Imanuy-
 paraj wañushanpita cawarimunga?»
 nir.



San Marcos 9.14–29

¹¹Chaynuy niptin, paycuna tapuran: «¿Imanirtaj Moiséspa shiminta yáchajcuna willacun: «Elías shamushanpitaraj Washäcuj shamunga» nir?» ¹²Chaura Jesús niran: «Au, rasunpa Elías cutimur, runacunata anyapanga Tayta Dios-ninchipa shungun munashannuy cawananpaj. Chaypis Tayta Dios-ninchipa shimin isquirbirashanchu nin: «Tayta Diosninchipa cáchan captinsi, Washäcujta runacuna ñacachinga. Pampaman churar, wasguingapaj.» ¹³Chaypis tanti-yacunquiman. Elías mayna shamusha. Paytapis Tayta Dios-

ninchipa shiminchu isquirbirashan-jina tucuyta rurasha. Juyupa ñacachisha.»

**Supay puellacush wamrata
Jesús allchacächishan**

San Mateo 17.14–21; San Lucas 9.37–43

¹⁴Chaura waquin purishijnincunaman cutir, achcaj runa juturpay-cajta tariran. Purishijnincunana Moiséspa shiminta yáchajcunawan tincupänacurcaycaran. ¹⁵Jesústa ricar, wamayar juclla tariparan.

¹⁶Chaura Jesús tapuran: «¿Imapitataj tincupänacurcaycanqui?» nir. ¹⁷Juc runana chaupipita nimuran:

«Tayta, supay upayächishan wamräta apallämushcä. ¹⁸Charir, maychüpis sajtar ushyan. Lausallana shiminpita aycun. Quirunta caçh-caçhyaylla uchun. Uyutacäcun. Waquin purishijniquicunata mañacurä supayta jargunanpaj. Ichanga mana camäpacuranchu.»

¹⁹Jesúsna niran: «Jamcuna Tayta Diosninchiman mana yupachicunquichu. ¿Imaycamanraj tantiyachishayqui? Mana yupachicamaptiquim, yamacashcäna.» Wamrapa papänintana niran: «Wamrayquita mä, apamuy.»

²⁰Chaura apapuptin Jesústa ricärir, supay wamrata sajtar ushyariran. Chaymi wamra juçhpacaçharanraj. Lausallata ajturan. ²¹Chaura wamrapa papäninta Jesús tapuran: «¿Imaypita-pachanataj jishyan?» nir. Tapuptin, niran: «Mallwa cashanpita-pacha. ²²Achca cutina wañuchiyta munar, ninamanpis, yacumanpis jitarpuran. Tayta, camäpacur, llaquipaycallamay. Yanapaycallamay, ari.»

²³Chaura Jesús niran: «¿Imanirtaj: <Camäpacur, yanapaycallamay> nimanqui? Tayta Diosninchiman yupachicuptinchi, paymi llapantapis camacächin.» ²⁴Chaura wamrapa papänin juçlla niran: «Payman yupachicümi. Sumaj yupachicunäpaj yanapaycallamay, ari.»

²⁵Chay-chicaj runa jutucarcaycajta ricar, Jesús supayta piñacuran: «Upayächicuj supay, cay wamrata caçhariy. Imaypis ama cutimuy-nachu» nir. ²⁶Chaura wamrata caçhariycuran. Sajtar ushyarir, japarir, supay aywacuran. Wamraga wañush-jina jitacäcuran. Chutaraycajta ricar, waquin runacuna:

«Wañucäcushanam» ninacäriran. ²⁷Maquinpita Jesús chutariptinmi ichanga, wamra içhicurcuran.

²⁸Chaypita juc wasiman Jesús yaycuran. Purishijnincunana pacayllapa tapuran: «¿Imanirtaj nuwacuna supayta jarguyta mana camäpacushcächu?» nir. ²⁹Chaura niran: «Chay-niraj supayta Tayta Diosninchita mañacurraj jargunchi.»

Wañuyman éhayananta yapay Jesús musyachicushan

San Mateo 17.22–23;

San Lucas 9.43–45

³⁰Chaypita Galilea quinranpa Jesús aywaycaran. Pipis musyananta mana munaranchu.

³¹Manchäga purishijnincunallata tantiyachir niran: «Tayta Diosninchicaçhamasha. Chaypis juc runa charimar, juyu runacunapa maquinman éhayachimanga. Paycunana wañuchimanga. Quimsa junajtam ichanga cawarimushaj.»

³²Purishijnincunam ichanga tantiyayta mana atiparanchu. Tapucuytapis manchacuran.

Alli ricash cayta ashjicunapita tantiyachishan

San Mateo 18.1–5; San Lucas 9.46–48

³³Chaypita Cafarnaún marcaman éhayan. Wasinman yaycurir, purishijnincunata Jesús tapuran: «¿Imanirtaj tincupänacushcanqui?» nir. ³⁴Tapuptin, llapan upällacaycäriran. Aywaycashançu mayna tincupänacush caycaran: «¿Mayganchiraj mayur cayman éhayashun?» nir.

³⁵Chaymi Jesús éhunca ishchaywan purishijnincunata niran: «Pipis mayur cayta munar, jipata purij

cachun. Llapanpa mandu-rurajninraj cachun.» ³⁶Jinarcu llapanpa ricay ñawinchu wamrata jayarcu marga-curcu, ³⁷niran: «Yupachicamashan-janan wamracunata alli ricajcuna nuwatapis alli ricaman. Nuwata alli ricamar, caçhamaj Tayta Diosninchitapis alli rican.»

Tincupäcujwan yanapäcujpita rimashan

San Mateo 10.42; San Lucas 9.49–50

³⁸Jinarcu Juan niran: «Tayta, nimashayquinuylla supayta jarguy-cajta ricapäcushcä. Chaypis mana purishimaptinchi, miçhapäcushcä.» ³⁹Jesúsna niran: «Ama miçhanqui-manchu. Pipis yupachicamashan-janan Tayta Diosnillanchi camacächishancunata ruray, mana ashllimangachu. ⁴⁰Mana chiquimash-panchi yanapaycämanchi. ⁴¹Pipis: «Washäcuj Jesúsna purishijnin canqui» nir yacullatasi macyaycushuptiqui, Tayta Diosninchipis alli ricar ayninta cutichinga.»

Juchaman mana çhayanapaj piñapashan

San Mateo 18.6–9; San Lucas 17.1–2

⁴²«Wamra-jina llapan shungunwan nuwaman yupachicamajcunata juchaman jançhajcuna wañuyman çhayachun. Jatun-caray marayta cuncanman wallgaparcu yacu ruri-ruricaman wicaparinman.

^{43–44}«Maquiqui juchata aparicachishuptiqui, muturinquiman. Ishcay maquiyuj caycar chacaj pachaman aywanayquipita alli canman juc-caj maquiyujlla cawaptiqui. Chacaj

pachaçu nina imaypis mana upingachu. * ^{45–46}Çhaquiqui juchata aparicachishuptiqui, muturinquiman. Ishcay çhaquiyuj caycar chacaj pachaman aywanayquipita alli canman juc-caj çhaquiyujlla cawaptiqui. ⁴⁷Ñawiqui juchata aparicachishuptiqui, ujtirinquiman. Ishcay ñawiyuj caycar chacaj pachaman aywanayquipita alli canman juc-caj ñawiyujlla manchapacur cawaptiqui. Tayta Diosninchita manchapacur, maquinchu cawachishunquipaj.

⁴⁸«Chacaj pachaçu aycha curucuna mana wañunchu. Ninapis mana upinchu.» *

⁴⁹«Pitapis juchaman jançhajcunata llapantam illararachinga caçi ruparishan-jina.


⁵⁰«Caçhipis sumaj alli. Puchguynin illariptinmi ichanga, çyapay puchguyninman cutichinquiman-churaj? Mana. Chaymi caçi alli cashan-jina jamcunapis Tayta Diosninchipa shungun munashannuylla cawanquiman. Alli ricanacu, juc shungulla cawanquiman.»

Majayujcuna mana raquicänapaj willapashan

San Mateo 19.1–12; San Lucas 16.18

10 ¹Cafarnaún marcapita Judea quinranman aywacu, Jordán mayuta Jesús chimpan. Chaychu achcaj runa jutucaptin, imaypis yaçhachicushannuylla yaçhachiran. ²Waquin fariseucuna achäquita ashipar, Jesústa tapuran: «¿Runa warminpita raquicäna camacanchu?» nir. ³Jesúsna tapuran:

* **9.43–44** Unay-unay Bibliaçu birsiculu 44-tapis, 46-tapis mana caranchu. Jipataraj birsiculu 48-wan tincunapaj yapasha. * **9.48** Isaías 66.24.



San Marcos 10.13–16

«Moiséspa shimin, ¿imanirantaj?»

⁴Fariseucunana niran: «Paymi auniran: «Actaman jamaycachir, warmiquiwan raquicar, jargurin-quiman» nir.»*

⁵Jesúsna niran: «Chucru shungu captiqui shiminta isquirbir, raquicänayquita Moisés auniran.

⁶Chaypis cay pachata camashan wichan Tayta Diosninchi warmi-tapis, ullgutapis ruraran. * ⁷Runa warmita ashir, maman-taytanpa maquinpita llucshicunman.

⁸Warmillanwan juyar, ujllaränacun juc shungulla cawanapaj. Ishcaj cashpansi juc shungulla cawan.

⁹Chaymi Tayta Diosninchi majachacächishanta runa mana raquicächinmanchu.»

¹⁰Chaura wasiman éhayar, purishijnincunapis Jesústa tapucuran. ¹¹Tapucuptin, Jesús

tantiyachiran: «Juc runa majanta jaguiriycur juc warmiwan majachacarga, juchata aparicun. Unay-caj warminta jananpaycächin. ¹²Juc warmipis majanta jaguiriycur juc runawan majachacarga, juchata aparicun. Unay-caj majanta jananpaycächin» nir.

Wamracunapaj Tayta Diosninchita mañacapushan

San Mateo 19.13–15;

San Lucas 18.15–17

¹³Waquin runacunana Jesúsman éhayaran: «Yataycur mallwa wamracunapaj Tayta Diosninchita mañacapamay, ari» nir. Wamracunata éhayachijta ricarmi ichanga, purishijnincuna piñacuran.

¹⁴Míchaycajta ricar, Jesús piñacuran: «Ama michaychu. Wamracunata apamuchun. Shaca-

* 10.4 Deuteronomio 24.1–4. * 10.6 Génesis 1.27.

muchun. Wamra alli shungu cawashan-jina alli shungu runacuna nalla Tayta Diosninchiman yupachicushpan maquinchu cawan. ¹⁵Sumaj tantiyacunquiman. Tayta Diosninchipa maquinchu cawanayquipaj wamracuna-jina wiyacunquiman. Manchäga maquinchu mana cawanquipächu» nir. ¹⁶Jesúsna wamracunata margarcur-margarcur, umanta maquinwan yataycur-yataycur mañacapurän: «Taytallau Tayta, cay wamracunata sumaj yanapaycullay» nir.

**Puchuy-puchuy jananchu cawaj
runa Jesúswan parlashan**

San Mateo 19.16–30;

San Lucas 18.18–30

¹⁷Chaypita Jesús aywacunanpaj caycaptin, juc runa juella chayarcur, jungurpacuycur tapuran: «Alli Tayta, ¿imatataj ruräman Tayta Diosninchipa ñaupanchu imaycapanpis cawanäpaj?» nir.

¹⁸Jesúsna niran: «¿Imanirtaj: «Alli» nimanqui? Tayta Diosnillanchi alli. ¹⁹Paypa shiminta musyanqui. Ama wañuchicunquichu. Majayquita ama jananpachinquichu. Ama suwacunquichu. Runa-masiquita ama tumpaquichu. Ama llullapäcunquichu. Mamayqui-taytayquita alli ricanqui.» * ²⁰Chaura niran: «Tayta, wamra cashäpita-pacha chaycunata llapallantam charcushcä.»

²¹Chaynuy niptin, alli ñawinpa ricapärir, Jesús niran: «Jucrämi pishishunqui. Llapan imayquicunatapis ranticuycur pishipacujcunata aypurir, purishimay. Chayrämi imaycapanpis Tayta Diosninchipa

maquinchu cawanquipaj.»

²²Chaynuy niptin, runapa shungun ishquicäcuran. Puchuy-puchuy jananchu juyashpan juyupa llaquish aywacuran.

²³Chaura Jesús ricaçhacurir, purishijnincunatana niran: «Puchuy-puchuy jananchu cawajcuna Tayta Diosninchipa maquinchu cawananpaj sumaj sasa.» ²⁴Niptin, purishijnincunapis mancharicäcuran. Chaymi Jesús niran: «Wawacuna, Tayta Diosninchipa maquinchu cawayga sumaj sasa. ²⁵«Camillu» nishan jatun-caray uywa aujapa ñawinpa ushtuyta mana jushan-jina puchuy-puchuy jananchu cawajcunapis Tayta Diosninchipa maquinchu cawayta mana junchu.»



San Marcos 10.25

²⁶Chaynuy niptin, purishijnincuna juyupa mancharicäcuran: «Chaynuy captin, ¿piraj Tayta Diosninchipa ñaupanman chayanga? ¿Piraj jishpichish canga?» nir. ²⁷Llapanta

* 10.19 Éxodo 20.12–16; Deuteronomio 5.16–20.

ricapärir, Jesús niran: «Runacunaga ushyacajllam. Chaymi alli cawarpis, sasächicun. Tayta Diosninchipämi ichanga imapis mana sasachu. Payga munayniyujmi pitapis ñaupanman éhayachinanpaj.»

²⁸Pedruna niran: «Tayta, nuwacuna llapan imäcunatapis jaguiycurmi, purishiycaj.» ²⁹Jesúsna niran: «Sumaj tantiyacunquiman. Pipis nuwa-raycur, Tayta Diosninchipa alli willacuyninta willapäcunan-raycur wasinta, mayurnincunata, shullcancunata, mamanta, taytanta, wamrancunata, éhacrancunata jaguiycujga ³⁰cay pachachu pachac (100) janapaytam taringa. Ñacash caycarsi, wasincunata, mayurnincunata, shullcancunata, mamancunata, wamrancunata, éhacracunatapis taringa. Tayta Diosninchipa ñaupanman éhayarpis, mana ushyacaj cawaytapis taringa. ³¹Ima captinpi, sumaj tantiyacunquiman. Cay pachaachu achcaj runa alli ricash captinsi, Tayta Diosninchipa ñaupanman éhayar, mana alli ricashnachu canga. Waquincunatam ichanga Tayta Diosninchipa alli ñawinpa ricanga runa-masin pampaman éhurash captinsi.»

Quimsa cutipana wañuyman éhayananta Jesús musyachicushan

San Mateo 20.17–19;

San Lucas 18.31–34

³²Chaura Jerusalén marcaman Jesús wichaypa ñaupaptin, purishijnincunapis mancharish aywaycaran. Waquin jatirajcunapis mancharish aywarcaycaran. Chaura éhunca ishchaywan purishijnincu-

nallata shuntarcu, imamanpis éhayananta willar, Jesús niran: ³³«Jerusalén marcaman aywaycashanchita musyanqui. Tayta Diosninchipa caçhamasha. Chaypis waquin runacuna mayur cüracunapa maquinman, Moiséspa shiminta yaçhajcunapa maquinman éhayachimanga. Paycunaga wañuyman jitarpamanga. Wañuchimänapaj jäpa runacunapa maquinman éhayachimanga. ³⁴Jäpa runacunana pampaman éhuramanga. Tuwapamanga. Wascamanga. Wañuchimanga. Wañuchimaptinsi, quimsa junajta cawarimushaj.»

Munayniyuj cayta ashijcunapita tantiyachishan

San Mateo 20.20–28

³⁵Chaura Zebedeupa wamran Santiaguwan Juan Jesúsman ashurcu niran: «Tayta, mañacushäta aunimay, ari.» ³⁶Chaura Jesús tapuran: «¿Imachütaj yanapäshayqui?» nir. ³⁷Tapuptin, niran: «Tayta, mayur mandaj cayman éhayar, nuwacunatapis mandäshinajpaj éhuramay. Jucnita diricha-caj läduyquiman jamachimay; jucnítana isquirda-caj läduyquiman.»

³⁸Jesúsna niran: «Imata mañacaycämashayquitapis mana musyanquichu. Tapushayqui. Juyupa ñacarcachir wañuchimashanjina rurashuptiqui, ¿ichipunquimanchuraj?» ³⁹Paycunana niran: «Au. Ichipushämi.» Jesúsna niran: «Rasunpam ñacashä-jina ñacanquipaj. Wañushä-jina wañunquipaj. ⁴⁰Chaypis mandäshimänayquipaj éhurana mana camacanchu. Chaytaga Tayta

Diosnillanchi camacächisha. Paymi acracushancunata diricha-caj lädumanpis, isquirda-caj lädumanpis jamachinga.»

⁴¹Santiagowan Juan mañacushanta wiyar, chuncay purishij-masincuna ullgucaycäriaran. ⁴²Chaura llapanta jayaycur, Jesús niran: «Jäpa runacuna juc-niraj cawashanta musyanqui. Paycuna Tayta Diosnin-chita mana manchapacunchu. Mayur auturdänincunapis ullgurcur-ullgurcur, nishan-nishan marca-masincunata imatapis rurachin.

⁴³Jamcunam ichanga chaynuy ama canquimancho. Munayniyuj cayta munar, llapantaraj yanapanquiman.

⁴⁴Mandaj cayta munar, llapanpa manduntaraj ruranquiman. ⁴⁵Tayta Diosninchica cáhamasha. Chaypis mana munayniyuj cayta ashirchu shamushcä; manchäga pï-maytapis yanapänäpaj. Tayta Diosninchipa maquinchu cawanänpämi cawaynïpa chaninwan may-may runata jishpichishaj.»

Japra Bartimeuta Jesús allchacächishan

San Mateo 20.29–34;

San Lucas 18.35–43

⁴⁶Chaypita Jericó marcaman chayaran. Marcapita purishijnincunawan Jesús aywacuptin, runacunapis achajmi aywäshiran. Caminu wajtallancho Timeupa wamran japra Bartimeo mañapacuyaran.

⁴⁷Nazaret runa Jesús aywaycasha wiyar, sumaj jayacuran: «Unay mandaj Davidpa willcan Jesús, llaquipaycallämay, ari» nir.

⁴⁸Runacunana ullgüparan: «Upälla» nir. Chaypis callpacuycurraj jayacuran: «Unay mandaj Davidpa

willcan Jesús, llaquipaycallämay, ari» nir.

⁴⁹Ichiycur, japrata Jesús jayachiran. Jayajcunana Bartimeuta niran: «Ama manchacuychu. Juclash aywanqui. Jayaycäshunqui.»

⁵⁰Chaura jacunta jitariycur, juclla Jesúsman aywaran. ⁵¹Chayaptin, Jesús tapuran: «¿Imallaächütaj yanapäshayqui?» nir. Japrana niran: «Tayta, ñawï ricananta munä.»

⁵²Chaura Jesús niran: «Cuticuyna. Yupachicamashayquipita allchacashcanqui.» «Allchacashcanqui» niptin, rasunpa ricaran. Ricar, Jesús aywashanpa aywaran.

Jerusalén marcaman Jesús chayashan

San Mateo 21.1–11;

San Lucas 19.28–40;

San Juan 12.12–19

11 ¹Jerusalén marcaman Jesús yaycupaycar, Betfagé marcaman, Betania marcaman chayaycaran. Chay marcacuna quinrancho Ulibus punta caran. Ishcaj purishijnincunata cachar, Jesús ²niran: «Wac chimpa tacsha marcaman aywariycur. Chayar, manta büruta tarinquipaj. Pipis mana muntacunrächu. Watarashanpita pascarir, apacamunqui. ³Pascaycaptiqui pipis miçhäshuptiqui, ninqui: «Mandamajñitash mañanqui. Cutirachipamushayqui.»»

⁴Chaynuy niptin, purishijnincuna aywaran. Chayar, wasi puncucho bürü wataraycayta tariran. Pascapacuycaptin, ⁵waquin runa tapuran: «¿Imapätaj büruta pascaycanqui?» nir. ⁶Chaura Jesús nishanta willaptin, mana miçarannachu.



San Marcos 11.1–11

⁷Chaura büruta Jesúsman aparan. Jacuncunata shawaparcu, Jesússta muntachiran. ⁸Bürun muntash Jesús aywaycaptin runacuna cushicuywan jacuncunatapis, jáchapa rāmancunatapis caminuman mashtapuran. ⁹Jesússta jipanta-ñaupanta aywajcunapis cushicushpan japarpararan:

«Taytallau Tayta,
washaycallamay, ari.
Tayta Diosninchi caçhamushan
runa alli ricash
caycullächun.

¹⁰Ima alish unay mandaj David mandashan marcata jatarchinanpaj shamusha.

Janaj pachaçu cawaj Tayta Diosninchi alliman çhurayculläshun» nir.*

¹¹Jerusalén marcaman Jesús çhayarna, Tayta Diosninchi wasinman yaycuran. Sumaj ricapacurir pacha chacanaycaptinna, Betania marcaman çhunca ishçaywan purishijnincunawan-ima cuticäriran.

**Jigus yüra chaquicäcunanpaj
Jesús mañacushan**

San Mateo 21.18–19

¹²Warannin Betania marcapita Jesús llucshiptin, yargay chariran.

¹³Carushnijéchu jiguspä yüran birdiray-

* 11.9–10 Salmo 118.25–26.

cajta ricärran. Chaymi wayuynin ashij aywaran. Çayar, wayuyninta mana tariranchu. Wayunan wichan mana çhayamuptinraj, üjallanta tariran.

¹⁴Chaymi jigus yürata Jesús niran: «Cananpita mana wayunquipänachu. Wayuyniquita pipis mana imaysi micunganachu.» Wiyächipaypa nishanta purishijnincunapis wiyaran.

Tayta Diosninchipa wasinpita rantipacujcunata jargushan

San Mateo 21.12–17;

San Lucas 19.45–48; San Juan 2.13–22

¹⁵Jerusalén marcaman çayar, Tayta Diosninchipa wasinmanna Jesús aywaran. Wasinpa sawan-ninpita ranticujcunatapis, rantipacujcunatapis jarguran. Jillay rucapacuj runacunapa misancunatapis jillaynintinta sajtar ushyan. Paluma ranticujcunapa jamanancunatapis wicapar ushyan. ¹⁶Tayta Diosninchipa wasinpa sawanninçu ima-imata rantipaj purichinantapis miçaran.

¹⁷Llapanta wicapar, runacunata tantiyachiran: «Tayta Diosninchipa shiminçu nin: «Wasíga chay-tucuy marcapita sharcamur mañacamajcunallapämi.»* Jamcunam ichanga suwapa maçhayninman tircachishcanqui» nir.

¹⁸Allita willapäcuptin, runacuna Jesústa alliman çhuran. Payta manchapacuranna. Chaymi mayur cüracunawan Moiséspa shiminta yaçhajcuna mancharicäcushpan Jesústa imanuywa wañuchinanpäpis ashiran.

¹⁹Pacha chacanaycaptinna, marcapita purishijnincunawan Jesús aywacuran.

Tayta Diosninchiman yupachicuypita tantiyachishan

San Mateo 21.20–22

²⁰Warannin tuta aywar, jigus yüra sapincaman chaquiraycajtana ricaran.

²¹Chaura Jesús nishanta yarpärir, Pedro niran: «Tayta, mä, ricay. Chapata rurashayqui jigus yüra chaquicäcusha.»

²²Jesúsna niran: «Imatapis mañacur, Tayta Diosninchiman sumaj yupachicuy. ²³Sumaj tantiyacunquiman. Yupachicurga, tagay puntatapis ninquiman: «Caypita yacu püsuman jigacurpuy.» Llapan shunguyquiwan yupachicur niptiqui, änirmi tagay punta yacuman jigacurpungapaj. ²⁴Tayta Diosninchita mañacur llapan shunguyquiwan yupachicur, mañacushayquita çhasquinquipaj. ²⁵Tayta Diosninchita mañacuyca-shayquiçu pitapis jagayächishayquita yarpärir, wanacuy. Llapanta jungay. ²⁶Chaynuypa janaj pachaçu tiyaj Tayta Diosninchipis llapan jucha aparicushayquita jungangapaj.»

Jesús munayniyuj cashan

San Mateo 21.23–27; San Lucas 20.1–8

²⁷Chaypita Jerusalén marcaman cutircur, Tayta Diosninchipa wasin puncunçu Jesús puriycaptin, mayur cüracuna, Moiséspa shiminta yaçhajcuna, mayur runacunapis ²⁸tapuran: «¿Pitaj caçhamushcashunqui? ¿Pipa munayninwantaj imacunatapis ruraycanqui?» nir.

²⁹Jesúsna niran: «Nuwapis mä, tapucushayqui. Willamaptiqui, pï caçhamashantapis willashayqui. ³⁰Juanta ushyachicunanpaj, ¿pitaj caçhamusha: Tayta Diosninchichu,

* 11.17 Isaías 56.7.

runa-masillanchu? Mä, willamay.
Willamaptiqui, willashayqui.»

³¹Chaura quiquin-pura
parlanacäriran: «‹Tayta Diosninchi
caçhamusha› niptinchi: «¿Imanirtaj
mana wiyacushcanquichu?»
nimäshun. ³²«Runa-masinchicunalla
caçhamusha› niytapis mana
camäpacunchichu.» Runacunaga
Ushyachicuj Juanta çhasquicush
caran: «Tayta Diosninchipa willa-
cujninmi» nir. ³³Chaymi Jesústa
niran: «Tapumashayquita mana
musyächu.» Chaura Jesúspis
niran: «Mana camäpacuptiqui, pi
caçhamashanta nuwapis mana willa-
shayquichu.»

Çhacrayujwan tincuchiypa willapashan

San Mateo 21.33–46;

San Lucas 20.9–19

12 ¹Chaura tincuchiypa
willapäcur Jesús niran: «Juc
çhacrayuj runash übasta mururan.
Ushyaypash pirgaran. Übasta
japchinanpäpis püsutash ruraran.
Çhacranpa täpananpänash türi
wasita pirgachiran. Jinarcu çhacra
runacunata allimshaycurshi, juclä
marcapa aywacuran.

²«Übas pallay çhayamuptin,
uywaynintash caçhacuran:
‹Dirichüta shuntamuy› nir. ³Caçha
çhayaptin allimshacuj runacuna
sumaj magaraycärirshi, jinallata
jarguriran. ⁴Chaura çhacrayuj
juc uywaynintanash caçhacuran.
Paytapis sajmaycällarshi, umanta
raçhipariran. Ashllir ushyaran.

⁵Chaura çhacrayuj juc uyway-
nintanash caçhacuran. Paytapis

wañuycachiran. Chaypis çhacrayuj
runa achcajtaräshi caçhacuran.
Paycunatapis waquintash magaran.
Waquintanash wañuycachiran.

⁶«Chaypita jucsi caycasharäshi
caçhacunanpaj. Yarpaçhacuriy-
curshi, cuyay wawanta caçhacuran:
‹Quiquipa wamräta mancha-
pacungam› nir. ⁷Çhacrayujpa
wamranta ricarshi ichanga,
allimshacujcuna quiquin-puralla
parlanacäriran: «Tagay wamra-
llanpämi llapan imancunatapis
papänin jaguipaycunga. Chaymi
wañurachishun. Chaura cay çhacra
nuwanchipaj canga.» ⁸Chaynuy
nirshi, çhacrayujpa wamranta
charipäcuran. Wañuycachiran.
Ayantanash çhacranpita
wicapariran.»

⁹Willapariycu, Jesús tapuran:
«Canan mä, willamay. Çhacrayuj
cutimur, ¿imataraj ruranga chay
çhacra runacunata? Chay çhacra
runacunata wañurachinga. Çhacran-
tapis juctana allimshacunga.

¹⁰¿Tayta Diosninchipa shiminta
manachu liguishcanqui? Shiminchu
niycan:

«Wasi rurajcuna: «Cay rumi
mana allichu» nir wicapa-
shantapis Tayta Diosninchi
simintuta jallarachinanpaj
çhurasha.»

¹¹Chaytaga quiquin Tayta
Diosninchi camacächisha.

Chaypitam cushicurcaycanchi.»*

¹²Mayur cüracunawan yaçhacuna
wiyächipaycashanta tantiyacuriran.
Chaymi Jesústa juclla chariyta
munaran. Ichanga achcaj runa
juturpaycaptin, mana chariranchu.

* 12.10–11 Salmo 118.22–23.

Runacunata manchacuran. Chaymi jaguiycur aywacuran.

**Jillayta éhurananpaj
tapucushan**

San Mateo 22.15–22;

San Lucas 20.20–26

¹³Chaypita fariseucuna achäquita ashipashpan ishca-y-quimsa fariseu-masincunatawan mandaj Herodespa purishijnincunata Jesúsman cácharan. ¹⁴Jesúsman éhayar, paycuna niran:

«Tayta, alli shungu cashayquita musyá. Pitapis Tayta Diosninchipa shimillanta willapanqui. Llapan runata alli ricanqui. Chaymi tapucushayqui. ¿Mandaj Césarpoj jillayta éhurashuwanchuraj, manachuraj? ¿Éhurananchi camacanchuraj, manachuraj?»

¹⁵Jesúsni ichanga achäquita ashipashanta musyar, niran: «¿Imanirtaj maquichacamayta munarcaycanqui? Jillayniquita mä, ricachimay.» ¹⁶Chaura jillayta apapuran. Jesúsna tapuran: «Jillaychu, ¿pipa litrátuntaj caycan? ¿Pipa jutintaj isquirbiraycan?» nir. Paycunana niran: «Mandaj Césarpa.» ¹⁷Jesúsna niran: «Mandaj Césarpa Césarpoj éhuray. Tayta Diosninchipata Tayta Diosninchipaj éhuray.» Niptin, mancharishpan ima rimapacuytapis mana camäpacurannachu.

**Wañushcuna cawarimunapita
tapucushan**

San Mateo 22.23–33;

San Lucas 20.27–40

¹⁸Chaypita saduceu runacunana Jesúsman éhayaran. Paycuna

yarpaj: «Wañushcuna mana cawaringapächu» nir. Chaymi Jesúsna niran: ¹⁹«Tayta Jesús, Moiséspa shiminchu nin: «Runa wañucur warminta wawaynaj-llata jaguiptin, wañucuj runapa wauguillan biyüdawan majachacanman. * Mushuj majanwan wamrata tarishanna wañucuj runanpa jutinta apanga.» ²⁰Canan mä, tapucushayqui. Janchis wauguish caran. Juc wauguish warmiwan majachacaran. Ichanga warminta mana mirachillarshi wañucuran. ²¹Chaura juc-caj wauguinnash warmiwan majachacaran. Ichanga mana mirachillarshi wañucuran. Chaynuyllash juc wauguian, juc wauguian majachacasha. ²²Juc warmillawan majachacarcu-majachacarcushi, chay janchis waugui wañucuran. Ichanga mayganpis warmita mana mirachillarshi, wañucuran. Llapan wañushanpa jipantaräshi warmipis wañucuran. ²³Tayta, mä, willamay. Wañushanpita cawarircamur, chay warmi, ¿maygan wauguipa warmintaj canga janchiswan majachacash caycar? ¿Llapanpa warminchuraj canga?»

²⁴Jesúsna niran: «Jancuna llutanta yarpacaycanqui. Tayta Diosninchipa shimintapis, munayniyuj cashantapis mana tantiyanquichu. ²⁵Cawarimuj runacuna mana majachacanganachu. Anjilcunajina mana ushyacanganachu. ²⁶Wañushcuna cawarimunanta mayna Moisés musyachicuran, ¿au? Isquirbirashan libruchu nin: «Shira-shiraachu Tayta Diosninch

* 12.19 Deuteronomio 25.5–10.

niran: «Moisés, unay auquilluyqui Abraham, Isaac, Jacob wañush carsi, cawaycan. Tayta Diosnin caycapti, manchapacaycäman.»^{*}
²⁷Tayta Diosninchita cawajcunalla manchapacun; mana wañushcunachu. Chaymi jamcuna llutanta yarpacaycanqui.»

**Allicaj yačhachicuyпита
tapucushan**

San Mateo 22.34–40

²⁸Tapupajcunata tantiyachishanta wiyarmi Jesúsman ashurcur, Moiséspa shiminta yačhaj runana tapucuran: «Tayta, llapan yačhachicucunapita, ¿maygantaj allicaj yačhachicuy?» nir.

²⁹Chaura Jesús niran: «Israel runacuna, wiyacäriy. Tayta Diosninchi jucnayllam. Juc mana canchu. ³⁰Llapan shunguyquiwan Tayta Diosninchita manchapacäriy.»^{*}
³¹Jananmanpis: «Quiquiqui alli ricacushayqui-jina runa-masiquitapis alli ricanquiman.» Cay ishcan yačhachicuyпита mas allicajga mana cannachu.»^{*}

³²Chaura Moiséspa shiminta yačhaj runa niran: «Allim, tayta. Rasullanta rimashcanqui. Rasunpa jucnaylla Tayta Diosninchi. Juc mana canchu. ³³Llapan shungunchiwan Tayta Diosninchita manchapacushun. Quiquinchi alli ricacushanchi-jina runa-masinchitapis alli ricashuwan. Chaura Tayta Diosninchi alli ricamashun cuyachicuynin-chita, jaracuyninchita mana čhuraptinchisi.»^{*}

³⁴Chaura yačhaj runa allita rimashanta wiyar, Jesús niran: «Tayta Diosninchipa maquinčhu-yupayna cawaycanqui.»
 Chaynuy nishanpita pipis mana tapuparannachu.

**Washäcuj Jesús mandaj Davidpa
willcan cashan**

San Mateo 22.41–46;

San Lucas 20.41–44

³⁵Chaura Tayta Diosninchipa wasinčhu willapäcucashančhu Jesús niran: «¿Imanirtaj Moiséspa shiminta yačhajcuna riman: «Washäcujga unay mandajninchita Davidpa willcanmi» nir? ³⁶Espíritu Santu rimachiptin, quiquin David niran:

«Tayta Diosninchi Washäcujnita nisha:

«Mandäshimänayquipaj diricha-caj lädüman jamacuy cuncharyuyquicunata pampaman čhuranäcaman.

Nishayqui-nishayqui munashay-quita rurachinquipaj» nir.»^{*}

³⁷«Chaynuy niptin, Washäcuj, ¿rasunpachuraj Davidpa willcallan canga? ¿Runapa wawanchuraj canga? Au, paypitam. Chaypis quiquin mandaj David manchapacur, Taytachacuyan.»

Jesús willapäcuptin, runacuna cushish wiyaparaycan.

**Moiséspa shiminta yačhajcunata
Jesús piñapashan**

San Mateo 23.1–36;

San Lucas 11.37–54; 20.45–47

³⁸Yačhachishpan Jesús niycaran: «Moiséspa shiminta yačhajcunapa

^{*}12.26 Éxodo 3.2–6. ^{*}12.29–30 Deuteronomio 6.4–5. ^{*}12.31 Levítico 19.18.

^{*}12.33 Oseas 6.6. ^{*}12.36 Salmo 110.1.

llupinpa ama jatinquichu. Paycuna rucapäcushalla läsacunachu purin runacuna manchapacunapaj.
³⁹Shuntacäna wasicunačhüpis ñaupä-ñaupallaču jamayta ashin. Micupacuj jayachiptinpis, allillata jarananta munan. ⁴⁰Majan wañupacush warmicunapa imancunatapisp ushyapan. Jinarcu, Tayta Diosninchita sumaj mañacuj-tucun. Paycunata Tayta Diosninchi sumaj ñacachinga.»

**Biyüda warmi cuyachicuyninta
 churashan**

San Lucas 21.1–4

⁴¹Tayta Diosninchipa wasinču caycar, jillay churacuna ñaupanču Jesús jamaraycaran. Jillay churacunata ricapaycaran. Puchuy-puchuy jananču tiyaj runacuna chay-chica jillayta churaran. ⁴²Biyüda warmipis pishipacuychu juyaycar, ishca chaniynaj-yupay jillayta churaran.

⁴³Chayta ricar, purishijnincunata Jesús niran: «Sumaj tantiyacuncuiman. Pishipacuychu juyaycaj biyüda warmi churashanman waquin churashan mana tincunchu. ⁴⁴Waquin runa jillaynin puchup-tinraj, churasha. Cay warmim ichanga pachallanpaj charashantapis llapanta churasha.»

**Tayta Diosninchipa
 wasinta jučhurachinanta
 musyachicushan**

San Mateo 24.1–2; San Lucas 21.5–6

13 ¹Tayta Diosninchipa wasinpita llucshiyacashanču juc purishijnin Jesústa niran: «Tayta, mä, ricay. Achic-achic-yaycaj rumicunawan Tayta Diosninchipa wasinta pargasha. Sumaj

cuyayllapaj, ¿au?» ²Jesúsna niran: «Musyachishayqui. Imayllaga llapan ricashayqui ushyacanga. Rumiwan pirgararsi, llapanmi jučhurachish canga.»

**Runacuna imaman chayananta
 musyachicushan**

San Mateo 24.3–28;

San Lucas 21.7–24; 17.22–24

³Chaypita Ulibus puntaman Jesús aywacuran. Chaychu Tayta Diosninchipa wasinman ricajchu jamaraycaptin, Pedro, Santiago, Juan, Andrés tapuran: ⁴«Tayta Jesús, ¿imaytaj Tayta Diosninchipa wasinta jučhurachinga? ¿Imanay-pataj shimi qui charcucänanta musyashaj?» nir.

⁵Jesúsna niran: «Pipis pantachishu-runquiman. ⁶Achcajmi shamunga: «Nuwata shuyaraycämanqui. Washäcujmi caycä» nir. Achcaj runatam pantachinga.

⁷«Wacchu-caychu wañuchinacuy jatariptinpis, ama manchacärinquichu. Chaycunaraj cangapaj. Chaypis cay pacha mana ushyacangarächu. ⁸Cay pacha ushyacänanpäga marcan-marcan wañuchinacungapaj. Chay-tucuychüpis pacha juyupa sicsicyanga. Mučhuy captinpis, yargaywan runacuna wañunga. Chaypis runacuna mana ushyacangarächu. Manchäga ñacayllarämi jallaringa.

⁹«Quiquiquicunapis sumaj tantiyacuncuiman. Chasquicamashayquijanan mayur Israel runacunapa maquinman chayachishunquipaj. Shuntacäna wasicunaman risu apachishunquipaj. Chaychu sumaj wascashunquipaj. Roma

auturdäcunamanpis éhayachishunquipaj. Wacpa-caypa purichishuptiquipis, shimiquita ama amucurcunquichu. Manchäga pï-maytapis nuwapita willapanqui. ¹⁰Cay pacha manaraj ushyacaptin, Tayta Diosninchipa alli willacuyninta chaytucuy marcachu willapäcunga.

¹¹«Auturdäcunaman éhayachishuptiqui, ama llutäpacunquichu: ¿Imataraj rimashaj?» nir. Manchäga Tayta Diosninchipa shimiquiman éhurashallanta rimanquipaj. Espiritu Santu rimachishunquipaj. Mana quiquiqui yarpashayquitanachu rimanquipaj.

¹²«Nuwata éhasquicamashan-janan waugui-pura auturdäcunamanpis éhayachinacunga. Papäninpis wamrancunata wañuyman éhayachinga. Wamrancunapis maman-taytanta chiquir, wañuyman jitarpunga. ¹³Éhasquicamashayquijanan llapan runa chiquishunquipaj. Mana yamacällar shimita wiyacuptiqui, imaycamanpis maquinchu Tayta Diosninchipa cawachishunquipaj.

¹⁴«Tayta Diosninchipa unay willacujnin isquirbishanta liguir, sumaj tantiyacärinquiman. Tayta Diosninchipa wasinta pampaman éhuraptin, manchapacushantapis ichichiaptin, Judea marcacunapita puntacunaman juella jishpicäriy. ¹⁵Wasi puncuchu caycar, ruriman ama yaycunquimanachu. Imayquicunatapis ama jurgunquimanachu. ¹⁶Éhacrapitapis wasiquiman ama cutinquimanachu. Müdanayquita ama shuntanquimanachu.

¹⁷«Ñacachishan wichan jishyaj warmicunapis, pishi wamrayuj-

cunapis cuyapaypaj ñacanga.

¹⁸Chaymi jishpinayqui junaj tamya wichanman mana éhayananpaj, Tayta Diosninchita mañacäriy.

¹⁹Chay wichan juyupa ñacay canga. Tayta Diosninchipa cay pachata camashanpita-pacha chaynuy ñacay mana imaypis caranchu. Chaynuypis yapay mana imaysi cangapänachu.

²⁰Wamrachacushancunata llaquipar, Tayta Diosninchipa chay ñacay junajcunata wallcayächinga. Manchäga pipis mana wañuyupita jishpinmanchu.

²¹«Chay wichan pantachicujcuna pantachishurunquiman: «Mä, ricay. Tayta Diosninchipa cáhamushan Washäcujninchi shamusha. Mä, ricay. Washäcujninchi éhayaycämun» nir. Chaynuy nishuptiquisi, ama éhasquipanquichu. ²²Chay wichan Washäcuj-tucujcuna, willacuj-tucujcuna ricarimungapaj. Munayniyuj car, tucuyta ruranga runacunata riguichinanpaj. Chayta rurur, Tayta Diosninchipa acracushan runacunatapis waquinta panchinga. ²³Canan sumaj tantiyacunquiman. Willapänajpaj cashanta mayna willapashcaj.

Tayta Jesúsapa cutimunanpita musyachicushan

San Mateo 24.29–35, 42, 44;

San Lucas 21.25–36

²⁴«Juyupa ñacaycuna éhawar-cuptillan, inti wañucäcunga. Quilla mana achicyanganachu.

²⁵Istrillacuna shicwamunga.

Janaj pachapis juyupa tapsinga. *

²⁶Chay junajmi Tayta Diosninchipa cáhamaptin, nuwata ricamanquipaj

* 13.24–25 Isaías 13.10; 34.4.

munayniyuj car, pucutay jananchu achic-achicyaycar cutiycämujta. *
²⁷Tayta Diosninchi anjilnincunata caçhamunga acrashan runacunata chay-tucuy pita shuntamunanpaj. Shuntanga janaj pachapa cantunpita juc-caj cantuncaman.

²⁸«Jigus yürawan tincuchiypa tantiyacushun. Yüran chill-guipin, tamya quilla jallaycunanta musyanchi. ²⁹Chay-jina willapashäcuna çharcuptin, cutimunä caycashanta tantiyacäriquipaj. ³⁰Sumaj tantiyacunquiman. Waquinniquipa ricay ñawiquichu llapan çharcucanga. ³¹Janaj pachapis, cay pachapis ushycanga. Shimimi ichanga mana jungacangachu. Llapanmi çharcucanga.

³²«Cutimunä junajta Tayta Diosninchi pitapis mana musyachishachu. Wawan captisi, mana musyachimashachu. Janaj pachaçu tiyaj anjilcunatapis mana musyachishachu. Quiquin Taytallanchim musyaraycan.

³³«Cutimunäta mana musyaycar, camaricushalla cawanquiman.

³⁴Sumaj tantiyacunayquipaj tincuchiypa willapashayqui. Juc wasiyujshi aywacuyta yarpar, mincaynincunata jaguipusha llapanta imatapis rurananpaj. Wasi täpajtana ricaçhacuycänanpaj jaguisha. ³⁵Chaymi ricchaycar imaypis cawanquiman. Wasiyuj imay cutimunanapis mana musyanquichu. Çhayaramunman pacha chacarcuptillanpis, pullanpagaspis, wallpa-wagaypis, pachawaraypis. ³⁶Mana yarpashpita çhayamur, puñuycajta tarishurunquiman. ³⁷Chaymi mayganiquipis

Tayta Diosninchita ama yamacanquichu. Llapaniqui mayaj-mayajlla shuyämanqui.»

Jesústa charinanpaj parlanacushan

San Mateo 26.1–5; San Lucas 22.1–2;

San Juan 11.45–53

14 ¹Chay wichan Israel runacunapa «Libadüraynapj tanta» nishan fiesta jallarinanpaj ishçay junajllana pishiyçaran. Chay fiestata ricsij: «Pascua» nir. Cüracunapa mandajninwan Moiséspa shiminta yaçhacuna yarpaçhacuyçaran Jesústa chariycur wañurachinanpaj. ²Waquinna niycaran: «Fiestaçu ama charishunchu. Chariptinchi, runacuna ullgucäcur ticraparamäshuwan.»

Warmi pirjümita Jesústa jaycapushan

San Mateo 26.6–13; San Juan 12.1–8

³Betania marcaçu «Jaraçu» nishan Simónpa wasinçu Jesús micupacurcaycaptin, butilla pirjümin aptash warmi çhayaran. Chay pirjümi sumaj çhaninyuj çaran. Butillata quiçharir, Jesús pa umanman jaycapuriran. ⁴Chayta ricar, waquin jurpacuna ullgucäcur quiquin-puralla parlanacuran: «¿Imapäraj pirjümita usuchisha? Ama usuchinmanchu çaran. ⁵Manchäga quimsa paçhac (300) junaj aruy pa çhaninçu ranticunman çaran. Jinarcu pishipacucunata aypunman çaran.» Chaynuy nir warmita chiquiparan.

⁶Jesúsmi ichanga niran: «Ama rimapaychu. ¿Imanirtaj tincupanqui? Umäman jaycapamar,

* 13.26 Daniel 7.13.



San Marcos 14.12-25

allitam rurasha. ⁷Pishipacujcunata imaypis ricanquipaj. Yanapayta munar, imaypis yanapanquiman. Nuwatam ichanga waran-waran mana ricamanquipänachu. ⁸Chaymi cay warmi allita rurasha. Caway-captillä, pampamänapaj armachimasha. ⁹Sumaj tantiyacunuquiman. May-chaychüpis Tayta Diosninchipa alli willacuyninta willapäcur, cay warmi allita rurashan-tapis willacunga. Mana imaysi jungacagachu.»

**Judas Iscariote Jesústa
ticrapushan**

San Mateo 26.14-16; San Lucas 22.3-6

¹⁰Chaura Judas Iscariote Jesúspa purishijnin caycarsi, mayur

cüracunaman aywaran: «Jesústa charishishayqui» nir. ¹¹Judas nishanta wiyar sumaj cushicur: «Jillayta jushayqui» niran. Chay junajpita-pacha charij-charijllana Judas caycaran maychüpis Jesústa charinanpaj.

**Purishijnincunawan Pascua
micuyta Jesús micushan**

San Mateo 26.17-29;

San Lucas 22.7-23;

San Juan 13.21-30;

1 Corintios 11.23-26

¹²Chaypita Pascua fiesta jallariran. Chay fiestachu Israel runacuna libadüraynaj tantata micuj. Acrashan cashnitapis pishtaj. Chay junaj purishijnincuna Jesústa tapuran:

«Tayta, ¿maychütaj Pascua micuyta camaricamushaj?» nir.

¹³Chaura Jesús ishcaj purishijnincunata cachar, niran: «Jerusalén marcaman chayaptiqui, puyñullawan runa yacuta apaycajta ricanquipaj. Jipallanta aywanqui. ¹⁴Wasiman yaycuptin, wasiyujta ninqui: «Tayta Jesús caçhamasha. ¿Maychütäshi wasi jäcuycan purishijnincunallawan Pascua micuyta micupacunanpaj?» ¹⁵Quiquin camarishallata jäcuj altusninta ricachishunquipaj. Chayllaçu pishijcunata camaricunqui.»

¹⁶Purishijnincunana änir marcaman çayar, Jesús pa shiminman-tupu llapantapis tariran. Chayllaçu Pascua micuyta camaricuran.


¹⁷Chacas-chacasna çhunca ishçaywan purishijnincunawan Jesús çayaran. ¹⁸Micurcaycashançu niran: «Sumaj tantiyacunquiman. Mayganiquipis ticrapamar, wañuyman jitarpamanquipaj.»

¹⁹Chaura llaquicäcur, jucnin-jucnin Jesústa tapuran: «¿Nuwachuraj? ¿Nuwachuraj?» nir. ²⁰Çhunca ishçaywan purishijnincunatana

Jesús niran: «Nuwanchiwan iwal micujmi wañuyman jitarpamanga.

²¹Tayta Diosninchi caçhamasha. Quiquin camacächiptin, wañuyman çayashaj shimin çharcucänanpaj. Jitarpamaj runam ichanga juyupa ñacanga. Chaymi ama yurinman-pishchu caran.»

²²Micurcaycashançu tantata aptacurcur, Jesús niran: «Taytallau Tayta, ima allish tarichillämashcanqui.» Jinarcur tantata paquircur-paquircur, purishijnincunata aypuran: «Catay. Cay tanta quiquimi caycä» nir. ²³Chaypita binuyuj cüpata aptacurcur, niran: «Taytallau Tayta, ima allish tarichillämashcanqui.» Jinarcur macyaptin, llapan upuchinacuran. ²⁴Jesúsna niran: «Cay binu yawarnimi. Washänaj-raycur wañuyman çayapti, yawarni jichanga. Yawarniwanraj parlanacushanta Tayta Diosninchi çharcucaycächin. ²⁵Sumaj tantiyacunquiman. Cananpita binuta mana upushänachu. Llapanchita Tayta Diosninchi maquinman jishpichimap-tinchiraj, mushuj binuta upushaj.»



**Pedro wasguinanta Jesús
musyachishan**

San Mateo 26.30–35;

San Lucas 22.31–34;

San Juan 13.36–38

²⁶Micupacuyta ushyariycur, Tayta Diosninchita alliman churashpan cantarir, Ulibus puntaman aywacärian. ²⁷Chaychüna Jesús niran: «Canan pagas llapaniqui jaguiraycamanquipaj. Tayta Diosninchipa shiminpis nin:

«Uysha michijta wañuchishaj.
Wañuycachipti, uyshancuna
mashtaypa-mashtar
aywacunga.»*

²⁸«Cawarircamurmi ichanga, Galilea marcaman ñaupashaj.»

²⁹Pedruna niran: «Llapan jaguirishuptiquipis, mana imaysi jaguirishayquipächu.» ³⁰Jesúsna niran: «Pedro, sumaj tantiyacunquiman. Canan chacaylla wasguimanquipaj. Mana ricsij tucumanquipächu. Ishcay cutipa gällu manaraj cantap-tillan, quimsa cutipa wasguimanquipaj.» ³¹Pedruna niran: «Mana imaypis wasguishayquichu. Ishcainchitapis jina wañuchimäshun.» Llapan purishijnincunapis Pedro-jina niran: «Mana wasguishayquichu.»

**Getsemaní éhacrachu Jesús
mañacushan**

San Mateo 26.36–46;

San Lucas 22.39–46

³²Chaypita «Getsemaní» nishan éhacraman purishijnincunawan Jesús aywaran. Chayar, niran: «Washanijchu Tayta Diosninchita mañacushacaman cayllaachu

jamapäriy.» ³³Chaynuy nir Pedruta, Santiaguta, Juanta pusharan. Paycunapa ricay ñawinchu jatunpa llaquicurán. Shungun ishquicäcuptin, niran: ³⁴«Llaquicuy juyupa chayapamasha. Wañuy janächüna. Yanagaycallamay, ari. Waräshimay.»

³⁵Jinarcu carushman aywarcu pachacaman jungurpacuycur Tayta Diosninchita mañacur, Jesús niran: «Papällau Papä, camacaptin, shuyarämaj ñacay ama chayamächunchu. ³⁶Jampäga imapis mana sasachu. Shuyarämaj ñacaypita jishpichimay, ari. Jishpiyta munaptipis, shungü munashan ama camacächunchu. Manchäga munashayquinuylla llapanpis caycüllachun.»

³⁷Jinarcu quimsaj purishijnincunaman cutir, puñucayta tariran. Chaymi Pedruta niran: «Simón, ¿puñucuyanquichim? ¿Manachu juc ürallasi ricchashcanqui? ³⁸Ricchayllapa. Mana wasguimānayquipaj Tayta Diosninchita mañacäriy. Allita yarparsi, ushyacajllam carcaycanqui.» ³⁹Jinarcu mañacushan-cajman yapay cutiran. Mañacushanuylla yapay mañacuran. ⁴⁰Cutir, yapay puñucashta tariran. Wañuyta puñunay chariptin, puñucurcaycaran. Chaymi ima niytapis mana camäpacuranchu.

⁴¹Quimsa cutichu cutirna, Jesús niran: «¿Puñurcaycanquichim? ¿Jitarpaycanquichim? Jataripacuyna. Juchaachu aruj runacuna éhayamushana. Tayta Diosninchipa cachan caycaptisi, charimanga. ⁴²Jataripacuyna. Wañuyman jitarpamaj runa jananchichünam. Aywapushun.»

* 14.27 Zacarías 13.7.

Jesústa rîsu charishan*San Mateo 26.47–56;**San Lucas 22.47–53; San Juan 18.2–11*

⁴³Jesús rimaycaptillan, purîshijnin cashpansi Judas chayapuran achcaj runata pushacurcur. Mayur cûracunapis, Moiséspa shiminta yaçhajcunapis, mayur runacunapis caçhaptin, chay-chicaj runa aywaran jirunwan-caman, tucsicunanwan-caman. ⁴⁴Judas mayna nish caran: «Macallarcushä runa Jesúsmi canga. Charircur mana caçharillar, apacunqui.» ⁴⁵Chaymi chayaycur juclla Jesústa macallarcur, wamayaran: «Taytallau tayta» nir. ⁴⁶Chaura Jesústa charicarcärian. ⁴⁷Jesúspa juc purîshijninna cuchillunta jurgurir, mayur cûrapa uywayninpa rinrinta rugupariran.

⁴⁸Llapan runata Jesús niran: «¿Imatataj yarpanqui? ¿Suwa cashätachu? ¿Imanirtaj jiruyquiwan-jiruyquiwan, cuchilluyquiwan-cuchilluyquiwan shapâcamushcanqui? ⁴⁹Waran-waran Tayta Diosninchipa wasinchu ricamashcanqui. Paypa shiminta ricay ñawiquichu tantiyachishcä. ¿Imanirtaj mana charimashcanquichu? Ichanga Tayta Diosninchipa shimin çharcucânanpämi charimashcanqui.» ⁵⁰Purîshijnincunam ichanga jishpicärian. Japallantana Jesústa jaguiycärian.

⁵¹Jesústa apacuptin, bayîtawan pitushalla juc müsü jipanta aywaycaran. Chaura müsutapis chariran. ⁵²Chariptin, piturashan bayîtata jaguiycur, jalapaçhalla jishpicuran.

Mayur Israel runacunapa sisyunninman Jesústa apashan*San Mateo 26.57–68;**San Lucas 22.54–55, 63–71;**San Juan 18.12–14, 19–24*

⁵³Chaypita mayur cûraman Jesústa aparan. Mayur cûrapa wasinman cûracuna, mayur runacuna, Moiséspa shiminta yaçhajcuna shuntacaran. ⁵⁴Pedrupis Jesúspa caru jipallanta aywar sawan ruricaman yaycuran. Chaychu Tayta Diosninchipa wasinta täpajcunawan mashacurcaycaran.

⁵⁵Chaura mayur cûracuna, llapan mayur Israel runacuna Jesústa wañuchinanpaj achäquita ashircaycaran. Ichanga mana tariranchu. ⁵⁶Achcaj tumparpis, quiquin-puralla apaycachânacuran. Rimashancuna mana tincuran. ⁵⁷Waquin runa Jesústa tumpar niran: ⁵⁸«Cay runash nisha: «Runacuna rurashan Tayta Diosninchipa wasinta juçhuchishaj. Jinarcur, quimsa junajllaçu jatarachishaj runa mana aruycaptinsi.»» ⁵⁹Chaynuy nirpis, quiquin-puralla apaycachânacuran.

⁶⁰Chaynuy tumpaptin, mayur Israel runacunapa ricay ñawinçu mayur cûra jatarcur, Jesústa tapuran: «¿Manachu rimacunqui? ¿Rasunpachu rimashcanqui?» nir. ⁶¹Jesúsmi ichanga imatapis mana rimacuran. Chaura mayur cûra yapay tapuran: «Mä, willamay. ¿Tayta Diosninchipa Wawanchu canqui? ¿Caçhamushan Washäcujchu canqui?» nir. ⁶²Jesúsna niran: «Au. Nuwam caycä. Caçhan cashpämi mandäshinâpaj Munayniyuj Tayta Diosninchivan iwal jamashaj. Pucutay janançu cutiycämujta ricamanquipaj.»*

* 14.62 Salmo 110.1; Daniel 7.13.



San Marcos 14.53–65

⁶³Chaura mayur cūra ullgucuycuran. Quiquinpa müdanantapis raçhir ushyarir, japariran: «Tistiguta mana munanchinachu. ⁶⁴Shiminpita musyanchi Tayta Diosninchita apäriycashanta.» Chaynuy niptin, juc shimillaraj niran: «Wañuchicächun.»

⁶⁵Chaypita waquin runa Jesústa tuwapur ushyaran. Ñawinta chaparcur, magaran: «Tayta Diosninchipa willacujnin carga, ¿pitaj cutashcashunqui? Mä, willamay» nir. Tayta Diosninchipa wasin täpajcunapis lajyar ushyaran.

Jesústa Pedro wasguishan

San Mateo 26.69–75;

San Lucas 22.56–62;

San Juan 18.15–18, 25–29

⁶⁶Pedro sawan ruriçu caycaptin, mayur cürapa uywaynin jipash çayaran. ⁶⁷Mashacuycajta tarir sumaj ricapärir, niran: «Nazaret runa Jesúswan purishcanqui, ¿au?» ⁶⁸Pedrum ichanga wasguipar, niran: «Chay runata mana ricsichu. Imatash rimacullanquipis.» Chaynuy nir puncuman llucshicuran.

⁶⁹Chaypita uyway jipash Pedruta ricar, yapay llapanta willaran: «Cay

runa Jesúspa purishijnin» nir. ⁷⁰Pedro yapay wasguiran. Mayllantana jinan runacunapis Pedruta niran: «Jampis Galilea runa caycanqui. Rasunpa Jesústa purishishcanqui, ¿au?» ⁷¹Chaura Pedro ullgucäcuran: «Chay runata mana ricsichu. ¿Piraj cacullanpis? Llullacuptiga, Tayta Diosninchí jina ñacachimächun» nir.

⁷²Niycaptillan, ishçay cutipa gällu cantariran. Chayraj Pedro yarpäriran: «Mana ricsij tucumanquipächu. Gällu ishçay cutipa manaraj cantaptillan, quimsa cutipa wasguimanquipaj» nishanta. Jesúspa shiminta yarpärir shungun ishquicäcuptin, juyupa waganan.

Mandaj Pilatupa dispächunman Jesústa apachishan

San Mateo 27.1–2, 11–14;

San Lucas 23.1–5; San Juan 18.28–38

15 ¹Pacha wararcuptin, mayur cüracuna, mayur runacuna, Moiséspa shiminta yachajcuna jutucaran. Sisyunçu parlanacarcärir, llapan mayur Israel runacuna Jesústa watashta mandaj Pilatuman aparán.

²Chayachiptin, mandaj Pilato Jesústa tapuran: «¿Rasunpachu Israel runacunapa mandajnin canqui?» nir. Jesúsna niran: «Quiquiquim rimashcanqui.» ³Chaura mayur cüracuna tucuy-tucuy pita Jesústa tumparan. ⁴Chaymi mandaj Pilato yapay Jesústa tapuran: «¿Imata nishuptiquipis, manachu chapacunqui?» nir. ⁵Chaynuy niptinsi Jesús mana rimacuptin, mandaj Pilato ima ruray-tapis mana camäpacuranchu.

Jesústa ruschu wañuchinanpaj aunishan

San Mateo 27.15–31; San Lucas 23.13–25;

San Juan 18.38–19.16

⁶Pascua fiestaachu runacuna mañacuptin, watan-watan mandaj Pilato juc risuta cacharij. ⁷Chay wichan juyu Barrabás risu wíchgaraycaran magacushanpita, wañuchicushanpita. ⁸Chaymi achcay runa mandaj Pilatuta mañacuran: «Watan-watan cacharishayqui-jina juc risuta cachariy, ari» nir. ⁹Chaura mandaj

Pilato tapuran: «¿Israel runacunapa mandajnin tachu cacharishaj? Paypa maquinchüshi cawanqui» nir. ¹⁰Chiquipayllawan Jesústa mayur cüracuna apashanta mandaj Pilato mayna musyaycaran. ¹¹Mayur cüracunanana achcay runata shimi-yaran: «Barrabásta cachariy» nir mañacärinanpaj. ¹²Yapay mandaj Pilato tapuran: «¿Israelcunapa mandajnin» ricsishayqui Jesústa, ¿imanäshätaj?» nir. ¹³Tapuptin, runacuna japariran: «Ruschu wañuchicächun» nir. ¹⁴Mandaj Pilatuna niran: «¿Imachütaj juchata aparicusha?» Paycunam ichanga: «Ruschu wañuchicächun» nir sumaj japarpararan.

¹⁵Mandaj Pilato Israel runacuna alli ricananta munar, Barrabásta cachariycuran. Jesústana sumaj wascaraycächir, murucuncunata inchigaran ruschu wañuchinanpaj.

¹⁶Murucuncunana mandajninpa sawanninman Jesústa yaycuchiran. Jinarcu lapan murucu-masincunata



San Marcos 15.16–19

shuntachiran. ¹⁷Jesústa pampaman
 éhurar puca jacuta jacuparan.
 Umanmanpis cashapita pilltarcullar
 curünata jatiparan. ¹⁸Asipänan
 cashpan niran: «Israel runacunapa
 mandajnin alli ricash caycüllächun.»
¹⁹Jananmanpis shugushwan umanéchu
 wirur ushyaran. Tuwapuran. Jungur-
 pacuycur, alliman éhuraj-tucuran.
²⁰Pampaman éhurariycur, puca
 jacunta jíchuriran. Quiquinpa
 müdananta ushtuparcu, ruséchu
 wañuchinanpaj aparán.

Jesústa ruséchu wañuchishan

San Mateo 27.32–44;

San Lucas 23.26–43; San Juan 19.17–27

²¹Jesústa wañuchinanpaj
 apaycashanéchu Cirene marcapita
 Simónwan tincuran. Éhacrapita
 cutiyçämuptin, paytana Jesús
 apashan rusta murucucuna
 apachiran. Simóna Alejandrupawan
 Rufupa taytan caran.

²²Murucucunana «Gólgota» nishan
 pachaman Jesústa éhayachiran.
 «Gólgota» ninantam rimayninéchu:
 «Calabira pata» nin. ²³Usuncachicuj
 jampitawan binuta tallurcachir,
 Jesústa upuchiyta munaran. Paymi
 ichanga mana upuranchu. ²⁴Rusman
 läbaycur, murucucuna surtita jitaran
 Jesúspa müdananta mayganinpis
 apacunanpaj.

²⁵Éhajéha intiman mana éhayap-
 tillan, rusman Jesústa läbaran.
²⁶Imapita wañuchishanpis
 musyacänanpaj rus janman isquir-
 biran: «Cayga Israel runacunapa
 mandajnin» nir. ²⁷Jesústawan ishcaj
 suwatapis iwal rusman läbaran:

jucninta dirécha-caj lädunman,
 jucnintana isquirda-caj lädunman.

²⁸Chaynuypa Tayta Diosninchi
 isquirbichishan éharcuran:
 «Juchaéchu arujta-jina runacuna
 ricanga» nir. *

²⁹Chay quinranpa purij runacu-
 napis Jesústa pampaman éhuraran.
 Ashllishpan umanta awir niran:
 «Jamga Tayta Diosninchipa wasinta
 juéhurachir, quimsa junajllatash
 jatarachinqui, ¿au? ³⁰Canan mä,
 wañuypita jishpiy. Ruspita mä,
 yarpamuy.»

³¹Mayur cüracunapis, Moiséspa
 shiminta yaéhajcunapis Jesústa
 pampaman éhurar, quiquin-
 pura ninacuran: «Payga waquin
 runacunata jishpichishaéhi.
 Quiquinpis jishpiyta mana junchu.
³²Tayta Diosninchipa caéhamushan
 Washäcuj caycarga, Israelpa
 mandajnin carga, ruspita yarpa-
 munman. Yarpamuja ricarraj,
 shiminta éhasquicushun.» Rusman
 ishcaj läbaraj runapis Jesústa ashllir
 ushyaran.

Jesús wañushan

San Mateo 27.45–56;

San Lucas 23.44–49;

San Juan 19.28–30

³³Chaypita lasdüsipita mallway-
 caman pacha chacacäcuran.

³⁴Mallwayna Jesús japaéhacuran:
 «Eloí, Eloí, ¿lammá sabactani?» nir.
 Rimayninéchu: «Eloí, Eloí, ¿lammá
 sabactani?» ninanga: «Taytallau
 Tayta, ¿imanirtaj jaguiraycamash-
 canqui?» ninanmi. * ³⁵Japaéhacuptin,
 wiyajcuna niran: «Mä, wiyashun.

* 15.28 Isaías 53.12. Waquin unay Bibliachú cay birsículu mana taricanchu.

* 15.34 Salmo 22.1.

Tayta Diosninchipa unay willa-cujnin Elíastaçhim jayacuycan.»

³⁶Juc runana shigui binuman shaputa ushmarcachir shugushman watarcur, Jesústa shuguchiya munaran. Shuguchishpan niran: «Mä, ricapashun. Rasunpachush Elías shamunga ruspita jurgunanpaj.» ³⁷Jesúsmi ichanga sumaj japarir, wañucäcuran.

³⁸Wañucäcuptin, Tayta Diosninchipa wasinchu chaparaj bayitapis janapita uraypa callacäcuran. ³⁹Imanuy wañucäcushantapis ricar, murucucunapa capitannin niran: «Cay runa rasunpa Tayta Diosninchipa Wawan casha.»

⁴⁰Warmicunapis carushllapita ricapaycaran. Ricapaycaran Magdalena marcapita Maríapis, shullca-caj Santiagupawan Josépa maman Maríapis, Salomépis.

⁴¹Paycuna Jesústa yanapar purishiran Galilea marcacunachu puriptin. Jesúswan Jerusalén marcaman aywaj warmicunapis achcaj ricapaycaran.

Jesústa pampashan

San Mateo 27.57–61;

San Lucas 23.50–56;

San Juan 19.38–42

⁴²Diyawardaman chayanan junaj chacanaycaptin, ⁴³Arimatea marca José mana manchacullar mandaj Pilatuman aywaran: «Jesústa pampachicushaj» nir. Payga mayur cürapa mandashij-masin carpis, Tayta Diosninchipa maquinchu juyayta munaran.

⁴⁴Pampachicunanpaj mañacuptin, mandaj Pilato yarpaçhacuran: «¿Wañushanachuraj?» nir. Chaymi

jayarcachir, murucucunapa capitanninta tapuran. ⁴⁵«Au, wañushanam» niptin, mandaj Pilato Joséta auniran: «Pampachicuy, ari» nir.

⁴⁶Auniptin ruspita ayata jurgurcur, rantishan bayitawan José pituran. Jinarcu runa pampacunan chaga uhcuman churaycuran. Uhcun punctana rumiwan chaparcuran. ⁴⁷Mayman pampashantapis ricapaycaran Magdalena marca Maríawan Josépa maman María.

Jesús cawarimushanpita willacushan

San Mateo 28.1–10; San Lucas 24.1–12;

San Juan 20.1–10

16 ¹Diyawarda ushyarcuptin, Magdalena marcapita María, Santiagupa maman María, mama Salomé ayata chaquichij pirjümira rantiran. ²Dumingu warariyapitillan, Jesús pamparashanman aywaran: ³«¿Piraj chaparaj rumita witichipämashun?» nir. ⁴Chayaptin jatun carpis, rumi witiraycaranna.

⁵Pamparashan uhcuman yaycuptin, diricha-caj ladunchu achic-achicyaycaj yuraj müdanash müsü jamaraycaran. Chayta ricar, warmicuna mancharicäcuran.

⁶Manchariptin, müsü niran: «Ama manchariychu. Ruschu wañuj Nazaret marca Jesústa ashircaycanqui, ¿au? Caychu pamparash carsi, mana cannachu. Mayna cawarisha. ⁷Canan cuticuy. Jesús pa purishijnincunata willar, Pedrutasi ninqui: «Galilea quinranman ñaupashana. Quiquin nishan-nuylla chaychu tincunquipaj.»»

⁸Warmicunana manchariywan sicsic-yaycar jishpicuran. Manchariyllawan imatapis mana willacuranchu.

**Magdalena marcapita Maríata
Jesús ricaripushan**

San Juan 20.11–18

⁹Chaura dumingu tuta waray-captillan, Jesús cawarimuran. Cawarcamur, puntata Magdalena marcapita Maríata ricaripuran. Paypita janéhis supayta jargush caran. ¹⁰Jesús pa purishijnincuna juyupa llaquicur wagarcaycaptin: «Jesús ricaripamasha. ¹¹Cawaycan. Rasunpa ricashcä» nir María willap-tinsi, mana yupachicuranchu.

¹²Chaypita ishcaj purishijnincuna éhacrapa aywaycaptin, juc-nirajnash Jesús ricaripuran. ¹³Paycunapis purishij-masincunata willaran: «Jesús ricaripamasha» nir. Willap-tinpis, mana yupachicuranchu.

**Purishijnincunata Jesús
caéhcacushan**

San Mateo 28.16–20;

San Lucas 24.36–49;

San Juan 20.19–23

¹⁴Chaypita éhunca jucwan (11) purishijnincuna micupacurcay-captin, Jesús ricaripuran. Piñacuran: «Cawarimushäta willaycäshuptiqui, ¿imanirtaj mana yupachicamashecan-quichu? ¿Imanirtaj chucru shungu carcaycanqui?» nir.

¹⁵Jinarcur niran: «Canan chay-tucuy marcacunaman ayway. Tayta Diosninchipa alli willacuy-ninta llapanta willapäcunqui.

¹⁶Pipis yupachicamar ushyacur, alli cawayta taringa. Mana yupachicamajcunatam ichanga Tayta Diosninchí ñauquinga.

¹⁷Pipis yupachicamar, Tayta Diosninchí camacächiyninpa supaycunata jargunga. Juc-niraj rimaycunata rimanga.

¹⁸Wañuchicuj curucunata charirpis, wañuchicuj jampita upurpis, mana wañungachu. Maquinwan yataptin, jishyaéhcunapis allchacangam.»

**Janaj pachaman Jesústa
shuntacushan**

San Lucas 24.50–53

¹⁹Jesús willapäcuriptin, janaj pachaman Tayta Diosninchí shuntacuran. Payta mandäshinanpaj dirícha-caj lädunman Tayta Jesús jamacuran.

²⁰Purishijnincunana Jesúspita chay-tucuyéchu willapäcuran. Willapäcunanpaj Tayta Jesús sumaj yanaparan. Ima-imatapis rurananpaj camacächiran. Shiminta wiyar, rurashancunata ricar, runacuna Jesús willapäcushancunata tantiyacuran.

Jesúspa willapanta San Lucas willacushan

Tantiyacunanchipaj:

Lucas cay librutapis, Hechos librutapis isquirbiran. Payga jampicuj caran. Jesúspita tantiyachicunanpaj sumaj tapucachárir isquirbiran. Jesúspita Pablo willapäcuptinpis, purishiran.

Cay libruta «Teófilo» nishan runapäshi Lucas isquirbiran. «Teófilo» ninanga: «Tayta Diosninchita manchapacuj» ninan. Chaynuy captin, juc runallaman isquirbishanta mana musyanchichu. Waquin yačhajcuna nin: «Tayta Diosninchita manchapacujcunaman isquirbisha.»

Lucas isquirbiran:

- Tayta Teófiluta wamayashanpita: **San Lucas 1.1–4.**
- Ushyachicuj Juan yurishanpita, Jesús yurishanpitawan wiñashanpita: **San Lucas 1.5–2.52.**
- Jesús willapäcuyta jallaycushanpita, ushyacushanpita, Supay maquichacuyta camashanpita: **San Lucas 3.1–4.13.**
- Galilea quinranču Jesús willapäcushanpita, Tayta Diosninchi camacächiyinpa imata rurashanpita: **San Lucas 4.14–9.50.**
- Jerusalén marcapa aywar Jesús willapäcushanpita, Tayta Diosninchi camacächiyinpa imata rurashanpita: **San Lucas 9.51–19.44.**
- Jerusalén marcachu Jesús caycashanpita: **San Lucas 19.45–21.38.**
- Jesústa ñacachishanpita, wañuchishanpita, cawarachimushanpita, janaj pachaman shuntacushanpita: **San Lucas 22.1–24.53.**

Jallarinan

1 ¹⁻⁴Tayta Teófilo, nuwa Lucas cay libruta isquirbiycämü jallaycunanpita-pacha Jesúspa willapanta sumaj musyanayquipaj. Paypa willapanta achcaj runa isquirbiran ricajcunata tapucurir-tapucurir. Ricajcunata quiquincunata Jesús cačhacuran Tayta Diosninchipa shiminta willapäcur purinanpaj. Chaymi nuwapis cay libruta isquirbiycämü camacächiyipa imanuy cashancunatapis sumaj tapucachárir. Cay libruta liguir, llapan willapäshushayqui rasun cashanta, mana rasun cashantapis musyanquipaj.

Juan yurinanta anjil musyachicushan

⁵Judea marcacuna mandaj Herodespa maquinču caycashan wichan Zacarías jutiyuj cūra caran. Warmin caran Isabel. Paycunapa auquillunpis cūra caran. Zacarías caran Abías cūra casta. Warmin Isabelna caran Aarón cūra casta. ⁶Zacaríaswan Isabel Tayta Diosninchipa shiminta wiyacur, cuyay-munaypaj cawaj. ⁷Chaypis Isabel wawata mana tarij warmi cashpan wamran mana caranchu. Jananmanpis ishcan chacha caran.

⁸Zacarías arunan junaj éhayamuptin, Abías cūra-masinwan

Tayta Diosninchipa wasinman aywaran. ⁹Cüra-masincuna yačhacashan-jina surtita jitaptin, Zacaríasman éhayaran. Chaymi Tayta Diosninchipa wasin rurinman Zacarías yaycuran insinsuwan saumachinanpaj. ¹⁰Insinsuwan saumachishancaman jawallaču runacuna Tayta Diosninchita mañacurcaycaran. ¹¹Saumaycăchiptin, Tayta Diosninchita cačhamushan anjil ricaripuran insinsuta rupachicuna tullpapa diricha-caj lădunču. * ¹²Zacarías juyupa mancharicăcuran. Ima ruraytasi mana camăpacuranchu.

¹³Anjil niran: «Zacarías, ama manchacamaychu. Mañacushayquita Tayta Diosninchita wiyasha. Warmiqui Isabel ullgu wamrata jishyacunga. Jutinta: «Juan» nir échurapanqui. ¹⁴Jatunpa cushicachishunquipaj. Wamrayqui yuriptin, achcaj runa cushicungapaj. ¹⁵Tayta Diosninchita ricay ñawinču wamrayqui allillata ruranga. Manasi yurillar, Espiritu Santupa maquinču cawanga. Imaypis mana mačhanmanchu. ¹⁶Israel-masiquicunata anyapanga juchanpita wanacunanpaj, Tayta Diosninchita wiyacunanpaj. ¹⁷Unay willacuj Elías-jina cawanga. Maquinču purichir munayniyuj cananpaj Tayta Diosninchita sumaj yanapanga. Chaynuy cawashpan Tayta Diosninchita cačhamushan Washăcujtapis ñaupapămunga. Wamrayqui willapăcuptin, runacunapis wamrancunawan llaquinacăringa. Rumi shungucunapis Tayta Diosninchita wiyacăringa. Chayraj lłapan runa Tayta Diosninchita acracushan runata camaricushalla shuyaranga. Acracushan runa Washăcuj canga.»

¹⁸Chaura anjilta Zacarías tapuran: «Rasunpa wamră cananta, ĩmanuy-paraj musyashaj? Auquinna caycă, warmipis chachana» nir. ¹⁹Anjilna niran: «Tayta Diosninchita cačha-anjilnin caycă. Paypa ñaupanču puri. Gabrielmi juti. Quiquin cačhamasha alli willapata willapănanpaj.

²⁰Cananga shimita mana čhasquicushayquipita wamrayqui yurinancaman rimaytapis mana pashtachinquipăchu. Chaypis rimashăga čharcunga.»

²¹Chaycaman runacuna puncučhu shuyarpaycaran: «ĽImanirraj Zacarías mana llucshimunchu?» nir. ²²Tayta Diosninchita wasinpita llucshiramur, Zacarías rimayta mana pashtachiranchu. Maquillanwan tantiyachiya munaran. Chaymi runacuna tantiyacuran ruriču imasi ricaripushanta.

²³Tayta Diosninchita wasinču ima ruraynintapis ushayaycur, wasinman Zacarías cuticuran. ²⁴Chaypita warmin Isabel jishyaj ricacur, pichga quilla wasillanču cacuran. ²⁵Shungullanču niran: «Tayta Diosninchita yanapămasha wamrata tarinăpaj. Cananga mana pipis pampaman čhuramangachu.»

Jesús yurinanta anjil musyachicushan

²⁶Sujta quillayujna Isabel jishyaj caycaptin, Tayta Diosninchita anjil Gabrielta cačharan Galilea quinranču Nazaret marcaman Maríata willachij. ²⁷María runa yatăni caycar, Joséwan majachacănanpaj parlaraycăchiran. José caran unay mandaj Davidpa willcan.

²⁸Anjil ricariparcur, niran: «María, Ľallillachu caycanqui? Alli ñawinwan Tayta Diosninchita ricashca-

* 1.11 «Diricha-caj lădunču» nishanta Israel runacuna tantiyaj alli ricash cashanta.

shunqui. Maquinchu cawaycanqui.»

²⁹Chaura María mancharicäcuran:
«¿Imanirraj chaynuy niman?» nir.

³⁰Anjilna niran: «María, ama manchacuychu. Alli ñawinwan Tayta Diosninchi ricashunqui. ³¹Jishyaj ricacunquipaj. Ullgu wamrayqui yuringapaj. Jutintapis: «Jesús» nir churapanqui. ³²Mayur runa canga. Llapan runa ninga: «Llapanta Camaj Tayta Diosninchipa Wawan.» Auquillun David mandashan-jina mandaj cayman Tayta Diosninchi churanga. ³³Jacobpa willcan Israel runacuna maquinchu cawanga. Mandaj cayninpita imaypis mana llucshingachu.»

³⁴Anjiltana María tapuran: «Runa yatäni caycar, ¿imanaypataj wawata tariman?» nir. ³⁵Anjilna niran: «Jishyaj ricacunayquipaj Llapanta Camaj Tayta Diosninchi camacächiptin, Espíritu Santu chayapushunquipaj. Llantucurcushunquipaj. Chaymi Tayta Diosninchi acracush captin, wamrayquita ninga: «Tayta Diosninchipa Wawan.» ³⁶Tiyayqui Isabelpis chachana caycarsi, jishyaj caycan. Wawaynaj cashanpita pampaman churash captinpis, sujta quillana pachayuj caycan. ³⁷Tayta Diosninchipaj imapis mana sasachu. Payga llapallanta camacächin.»

³⁸Maríana anjilta niran: «Tayta Diosninchipa maquinchu cawä. Nishayquinuylla camacächun.» Chaynuy niptin, anjil aywacuran.

Isabelta María watucushan

³⁹Chaypita María juella camari-curicur, puntan-puntan Judá quinranchu juc marcaman aywaran.

⁴⁰Zacariaspa wasinman chayar, tiyan Isabelta wamayaran. ⁴¹María wamayaptin pachancho caycällar, Isabelpa wamra cuyuriran. Espíritu

Santu rimachiptin sumaj cushicushpan wiyächipaypa Isabel niran: ⁴²«María, chay-chicaj warmi captinsi, ima allish Tayta Diosninchi jamllata acracushca-shunqui. Wamrayquitapis acracusha. Ishcaniquita yanapayculläshunqui. ⁴³¿Imaraj carä Washäcujpa maman watucamänanpäga? ⁴⁴Watucamar shimiquita wiyapti, wamräsi cushicuy-llawan pachächu cuyuriran. ⁴⁵Tayta Diosninchipa shiminta aunishay-quipita cushish cawaj-aywanqui.»

⁴⁶Chaura María niran:

«Llapan shungüwan Tayta Diosninchita alliman churä.

⁴⁷Jatunpa cushicü. Tayta Diosninchi Washäcujni.

⁴⁸Runacuna pampaman churamaptinsi, Tayta Diosninchi llaquipämasha.

Cananpita llapan runa ninga:
«Ima allish Tayta Diosninchi Maríata acracusha. Imaraj cushicun.»

⁴⁹Mana tantiyashäcunata Munayniyuj Tayta Diosninchi camacächisha. Payga manchapacuyypämi. Imatapis allillata rurán.

⁵⁰Manchapacujcunata imaypis Tayta Diosninchi llaquipan.

⁵¹Munayniyuj cayninwan imatapis camacächin.

Sumaj-tucujcunata mashtaypa-mashtar ushyarin.

⁵²Alli-tucuj mandajcunata jargun. Pampaman churashcunata alliman churan.

⁵³Puchuy-puchuy jananchu cawajcunata pishipacuymán churan. Pishipacuychu cawajcunata puchupacushancaman tarichin.

⁵⁴Maquinchu cawaptinchi, Israel runa-masintita yanapaycäman. Imaypis llaquipaycämanchi.

⁵⁵ Auquillü Abrahamta aunishan-jina,
willcancunata aunishan-jina
imaypis mana jungamangachu.
Canancamanpis yanapaycäman.»

⁵⁶ Quimsa quilla-yupay tiyan
Isabelpa wasinchu María juyaran.
Jinarcur wasinpa cuticuran.

Ushyachicuj Juan yurishan

⁵⁷ Quillan chayamuptin, Isabel ullgu
wamranta jishyacuran. ⁵⁸ Jishyacuptin,
castancunapis, ricsinacushancunapis
watucuran. Jatunpa cushicuran: «Ima
allish Tayta Diosninchi yanapashca-
shunqui wawata tarinayquipaj» nir.

⁵⁹ Wamra pusaj junajuyuj captin
yachachishancunata charcur, mallwata
jiruran. * Papäinpa jutinwan tincu-
nanpaj: «Zacarías» nir jutichayta
munaran. ⁶⁰ Maman niran: «Mana.
Juanmi jutinga.» ⁶¹ Runacunam
ichanga niran: «Juan jutiyuj castay-
quicunapis mana canchu.» ⁶² Chaymi
ima jutinta churapänanpäpis maqui-
llanwan tantiyachir, Zacaríasta
tapuran. ⁶³ Tapuptin, papilta mañarcur:
«Juanmi jutin» nir isquirbiran. *
Chaura llapan mancharicäcuran.
⁶⁴ Zacaríasna rimariran. Tayta Diosnin-
chita alliman churaran.

⁶⁵ Chaura Zacaríaspa castancuna,
Isabelpa castancuna sumaj mancha-
riran. Rimay chayaptin, Judea
quinranchüpis runacuna mancha-
riran. ⁶⁶ Chay willapata mayar,
yarpachacuran: «¿Imapäräj Isabelpa
wamran yurisha? Llapan alli
ricanga» nir. Isabelpa wamranta
Tayta Diosninchi yanapaycashanta
llapan runa musyaran.

Zacarías Tayta Diosninchita alliman churashan

⁶⁷ Espíritu Santu rimachiptin Tayta
Diosninchi yarpashanta musya-
chicur, Zacarías niran:

⁶⁸ «Ima allish Tayta Diosninchi Israel
runacunata mana junganchu.

Payga shamusha nuwanchita
jishpichimänanchipaj.

⁶⁹ Wiyacuj Davidpa castallanpita
munayniyuj runata jatara-
chisha washämänanchipaj.

⁷⁰ Chaynuy cananpaj unay willa-
cujnincunawan Tayta
Diosninchi musyachicuran.

⁷¹ Musyachimaranchi
ñacachicuj runacunapita
washämänanchitapis,
chiquicuj runacunapita
jishpichimänanchitapis,

⁷² auquillunchicunata llaquipar
aunishanta charcucänantapis.

⁷³ Auquillunchi Abrahamta Tayta
Diosninchi auniran

⁷⁴ allilla cawananchipaj,
chiqui runacunapita
jishpichimänanchipaj.

Maquinchu cawaycar,

⁷⁵ shungun yarpashallanta
rurashunpaj.

Wañuyman chayashanchi-
caman llapan juchapita
wanacushunpaj.»

⁷⁶ Wamran Juanta Zacarías niran:

«Wawallau wawa, jamta:
«Llapanta Camaj Tayta Dios-
ninchipa willacujnin»
nishunquipaj.

Washäcujta ñaupapanquipaj.

* **1.59** Chacrachu uywata jirur, catpin rinrinta, waquin chupanta. Chay-jina Israel runacunapis
Tayta Diosninchipa shiminta charcur, ullgupa ishpacunanza jarachanta cuchuparij.

* **1.63** Unay Bibliachu nin: «tabla.» Israel runacuna tacshalla tablaman papil-nirajta lagaj
isquirbinanpaj papil mana captin.

Runacunata willapanquipaj
Washäcujta shuyaränapaj.

77 Tantiyachinquipaj: «Tayta Dios-
ninchí juchanchita jungaycur,
washämäshunpaj» nir.»

78 «Inti jigamuptin pacha achic-
yashan-jina shungunchipis
achicyacäcunga llaquipäcuj
Tayta Diosninchí Washäcujta
caçhamuptin.

79 Tayta Diosninchita mana
wiyacur, llapanchi wañuy
jananöchu cawaycanchi.
Washäcuj shamurmi ichanga,
alli cawayta tarichimäshun.
Yanapämäshun Tayta Dios-
ninchipa maquinöchu mancha-
pacur cawananchipaj.»

80 Chaura wiñashanman-tupu
Juan runayaran. Espíritu Santu
shacyächiptinpis, Tayta Dios-
ninchipa shungun munashannuylla
cawaran. Ichanga yatalla tiyacuran.

Tayta Diosninchipa shiminta Israel-
masincunata willapayta jallaycurraj
llapan ricay puriran.

Jesús yurishan

San Mateo 1.18–25

2 ¹⁻² Jesús yurishan wichan
mandaj Augusto llapan
Roma marcacunata maquinöchu
puriycächiran. Siria marcata
ricananpäna mandaj Quirinuta
çhurash caran. Paymi Israelcuna-
tapis yupachiran mandaj Augusto:
«Maquiöchu juyaj runacunata
llapanta yupachiy» niptin.

³Yupacänanpaj llapan runa
yurishan marcanman-caman
cutiran. ⁴⁻⁵Chaymi Josépis warmin
Maríawan aywaran Galilea
quinranöchu Nazaret marcapita
Judá quinranöchu Belén marca-
caman. Chay marca unay auquillun
Davidpa marcan caran. Davidpa



San Lucas 2.1–7

yawar-masin cashpan Josépis Belén marcaman aywaran. Warmin María quillanćhuna caycaran.

⁶⁻⁷Belén marcaćhu pachacuna wasi mana jäcuptin, uywacunapa wasillanman pachacuran. Nanay chariptin, jichpanta María jishyacuran. Inćhanawan piturcur jinallanćhu wamranta ujllacurcuran.

Uyshīrucunata anjil ricaripushan

⁸Chay chacay Belén wajtanćhu uyshīrucuna uyshancunata tāparcaycaran. ⁹Tayta Diosninchi caćhamuptin, illajpita anjil achic-achicyaycar ricaripurán. Achicyacurcuptin, uyshīrucuna juyupa manchariran.

¹⁰Anjil niran: «Ama manchaca-maychu. Alli willapata apamushcă. Cay willapata wiyar, achcaj runa cushicāringa. ¹¹Mandaj Davidpa marcanćhu Jishpichicujniqui yurisha. Paymi Washācujniqui, Taytayqui. Payta Tayta Diosninchi caćhamusha maquinćhu purichishunayquipaj, imapitapis washāshunayquipaj. ¹²Mă, ayway. Čhayar, uywapa wasinćhu inćhanawan pintushta tarir, willashaj rasun cashanta tantiyacunquipaj.»

¹³Anjil willaycaptillan, illajpita chay-chicaj anjilcuna ricacamuran. Tayta Diosninchita llapan alliman čhuran: ¹⁴«Janaj pachaćhu Tayta Diosninchi alli ricash caycullāchun. Cay pachaćhūpis wiyacuj runacuna allilla cawachun» nir.

¹⁵Anjilcuna janaj pachaman cuticuptin, uyshīrucuna ninacuran: «Juclla Belén marcaman aywashun.

Tayta Diosninchi willachima-shanchita ricamushun.» ¹⁶Juclla Belén marcaman aywar, rasunpa Josétawan Maríata tariran. Mallwa wamrantapis uywacunapa wasillanćhu ujllaraycaran. ¹⁷Mallwa wamrata tariycur, willaran: «Cay mallwa yurinanpaj mayna anjil musyachimaran» nir. ¹⁸Uyshīrucuna willaptin, llapan sumaj cushicāriran. ¹⁹Maríam ichanga llapantapis shungunman čhuracuran mana jungananpaj.

²⁰Uyshīrucuna anjil nishallanta tariycur, Tayta Diosninchita alliman čhuraycar cushish cuticuran.

²¹Chaypita pusaj junajyujta mallwa wamrata jirur, maman-taytan jutinta čhuraparan: «Jesús» nir. Jutichanpaj manarāsi jishyaj ricariptillan, Maríata anjil musyachirunaj.

Tayta Diosninchipa wasinman mallwa Jesústa apashan

²²Jishyacushanpita awicunan junaj čhayamuptin Moiséspa shiminta čharcur, majantin María Jerusalén marcaman aywaran.

Wamrantapis aparan Tayta Diosninchipa maquinman čhuraj.

²³Moiséswan Tayta Diosninchi shiminta musyachiran. Shiminćhu nin: «Jichpa ullgu wamrata

Tayta Diosninchipa maquinman čhuranqui.»* ²⁴Jananmanpis nin:

«Cuyachicuytiquitapis apanqui ishcaj pūlla palumata, manchāga ishcaj wampata.» Chaymi Maríawan José Tayta Diosninchipa shiminta čharcuran.

²⁵Chay wichan Jerusalén marcaćhu Simeón jutiyuj runa

*2.23 Éxodo 13.2, 12.

tiyaran. Tayta Diosninchipa ricay ñawinchüpis, runa-masincunapa ricay ñawinchüpis alli cawaran. Israel-masintinta Tayta Diosninchijishpichinantapis shuyäcuyaran. Payga Espiritu Santupa maquinéchu cawaj. ²⁶Chaymi Espiritu Santu shacyächiptin, Tayta Diosninchicaçhamushan Washäcujta ricashan-caman cawananta musyaran. ²⁷Espiritu Santu shacyächiptin, Tayta Diosninchipa wasi puncunman Simeón aywaran. Mariáwan Josépis Tayta Diosninchipa wasinman aywaran. Jesústa aparan Tayta Diosninchipa shiminta éharcur. ²⁸Mariáwan José tincur Jesústa margacurcur, Simeón Tayta Diosninchita alliman éhurarán:

²⁹ «Taytallau Tayta, maquiquiéchu cawaycä.

Allina wañucümanpis.

Shimiquitapis

éhcarchushcanquina.

³⁰Ñawíwan Washäcujta ricashcä.

³¹Washäcujta caçhamushayquita llapan runa musyanga.

³²Pi cashayquitapis jäpa runacuna tantiyacunga.

Israel-masícunapis alli ricash cayta taringa» nir.

³³Simeónpa shiminta wiyar, Joséwan Mariá tantiyayta mana atiparanchu: «Imanuyraj canga, ¿au?» nir. ³⁴Paycunata Tayta Diosninchipa maquinman éhurar, Simeón niran: «Mariá, wiyamay. Wawayqui waquin Israel-masinchicunata alli cawayta tarichingapaj. Waquintam ichanga llaquicuymán éhayachingapaj. Tayta Diosninchicaçhamush captinsi, shiminta willapaptinsi, runacuna wasguinga. ³⁵Llapan runata imallata

yarpashantapis musyapanga. Mariá, cuchillu tucsisishushayqui-jina shunguyquipis nanangaraj llapanta ricaptiqui.»

³⁶Tayta Diosninchipa wasinéchu chacha warmi Anapis caycaran. Papänin caran Fanuel. Auquillun caran Aser. Chacha Anaga Tayta Diosninchipa willacujnin caran. Janéhis watalla majanwan juyaycuran. ³⁷Majan wañucuptin, piwanpis mana yapapacurannachu. Manchäga pagas-junajpis Tayta Diosninchipa wasillanéchu cawaj. Manchapacur, ayünaj. Mañacuj. Payga pusaj éhunca éhucuwan (84) watatana aywaycaran. ³⁸Simeón rimayta ushyarcuptin Anana Jesústa ricar, Tayta Diosninchita alliman éhurarán. Juturpaj runacunata niran: «Cay mallwa nuwanchi-raycur shamusha. Washäcujninchita Jerusalén marcantinchita jishpichimäshunpaj.»

³⁹Joséwan Mariá Tayta Diosninchipa shiminta llapanta éharcuriycur, wasinman cuticuran. Paycunapa wasin Galilea quinran Nazaret marcaçu caran.

⁴⁰Wawanpis wiñashanman-tupu runayaran. Yarpayninmanpis éhayaran. Llaquipashpan Tayta Diosninchipis sumaj yanapaycaran.

Tayta Diosninchipa wasinéchu yaçhajcunawan Jesús parlanacushan

⁴¹Jesúspa maman-taytan watan-watan aywaj Jerusalén marcaman Pascua fiestaman. ⁴²Éhunca ishçaywan (12) watayyuj caycaptin, Jesústapis Pascua fiestaman pusharan. ⁴³Pascua fiesta ushyaptin, marcanpa cuticäriran. Jerusalén



San Lucas 2.41–52

marcachu Jesús caycashantam ichanga maman-taytan mana musyaranchu. ⁴⁴Manchäga runacunawan tallucash aywaycashanta yarparan.

Juc junaj aywaycashanchu castan-cunata tapucur, ricsinacushancunata tapucur, Jesústa ashiran. ⁴⁵Ashirpis mana tarir, Jerusalén marcacaman cuticuran. ⁴⁶Quimsa junajtaraj Tayta Diosninchipa wasinchu Moiséspa shiminta yachajcunawan tapunacurcaycajta Jesústa tariran. ⁴⁷Tapunacuptin Jesús allipa cutichiptin, runacuna cushicuran.

⁴⁸Tapunacuycajta tariycur, maman-taytanpis tantiyayta mana atiparanchu. Maman niran: «Wawallau, ¿imanirtaj cayta ruramashcanqui? Papäniquiwan ishcani yarpaçhacuycar ashycashcaj.» ⁴⁹Jesúsna niran: «Mama, ¿imanirtaj ashycämashcanqui?

¿Manachu musyanqui Papänipa wasinchu caycänäta?» ⁵⁰Paycunam ichanga imata rimashantapis mana tantiyaranchu.

⁵¹Chaypita Nazaret marcaman maman-taytanwan Jesús cuticuran. Maman-taytanta wiyacuran. Mamanga Jerusalén marcachu Jesús imata rurashantapis shungunman çhuracuran.

⁵²Chaura wiñashanman-tupu Jesús yarpay-sapayaran. Tayta Diosninchipis, runa-masincunapis alli ñawinpa ricaran.

Jesúspita Ushyachicuj Juan willacushan

San Mateo 3.1–12; San Marcos 1.1–8;

San Juan 1.19–28

3 ¹⁻²Ushyachicuj Juan chunyaj pachaçu tiyashan wican çhunca pichgawan (15) watana

llapan Roma marcacunata Tiberio César mandaycaran. Paymi Judea marcacunata Poncio Pilatupa maquinman éhuraran. Galilea marcatana Herodespa maquinman éhuraran. Itureawan Traconítide marcatana Herodespa wauguin Felipupa maquinman éhuraran. Abilene marcatana Lisaniasp maquinman éhuraran. Israel runacunana Anáspawan Caifáspa maquinchu cawaran. Paycuna Jerusalén marcachu mayur cūra caran. Chay wichan Zacaríaspa wamran Juanta Tayta Diosninchi niran: «Shimíta willacamuy.»

³Chaymi Jordán mayu quinranchu Juan anyapácuran: «Tayta Diosninchipa shiminta wiyacäriy. Juchapita wanacäriy. Ushyacäriy. Chayrämi Tayta Diosninchi llapan juchayquita junganga» nir. ⁴Anyapácuran unay willacuj Isafáspa shimin éharcucānanpaj. Payga unayna niran:

«Chunyajéchu juc runa jayacuy pa willacuyan:

◁Taytanchi shamunanpaj camaricuy.

Caminuta pichay.

Wicsu caminucunatapis allchay.

⁵ Mana camaricurga, rajra-rajra-jina caycanqui.

Punta-punta-jina caycanqui.

Wicsu-wicsu caminu-jina caycanqui.

Chaymi llapan juchapita wanacäriy.

⁶ Tayta Diosninchi caçhamushan Washäcujta llapan runa ricanga.

Washäcujga jishpichimäshun ◁nir.◁*

⁷Ushyacuj éhayajcunata Juan niran: «Supaypa wawancuna, ushyacurpis juchallaéchu aruptiqui, Tayta Diosninchi ñacachishunquipaj. Mana jishpinquipächu. ⁸Wanacushayqui musyacānanpaj Tayta Diosninchita manchapacur allillata rurar caway. Ama chapacunquichu: ◁Israelcunata Abrahampa willcan cashanchipita Tayta Diosninchi alli ricamanchi◁ nir. Abrahampa willcan cananpäga rumitapis Tayta Diosninchi ticrarachinman wiyacuj cananpaj.

⁹Ushyacurpis juchapita mana wanacuptiqui, Tayta Diosninchi jargurishunquipaj. Yuratapis mana sumaj wayuptin, jächawan muturij-muturijllana shuyaranchi. Muturir, ninaman jaycurinchi.»

¹⁰Chaura runacuna Juanta tapuran: «¿Imatataj rurāman?» nir.

¹¹Tapuptin, Juan niran: «Ishcay janapay müdanayqui captin, juc-cajta pishipacujta juycunquiman. Micuy captin, ashijta tarichinquiman.»

¹²Roma marcapa mandajninpaj jillayta shuntajcunapis tapucuran: «Tayta, ¿imatataj rurāman?» nir.

¹³Juanna niran: «Aycatapis shuntanayquipaj nishallanta shuntanquiman.» ¹⁴Waquin murucucunapis tapucuran: «¿Imatataj rurāman?» nir. Juanna niran: «Jillayta jurgunayqui cashallan runacunata ama manchachinquichu. Pitapis ama tumpanchu. Mandajniqi pägashushallayquita aypächicunqui.»

¹⁵Runacuna shungullanachu yarpaçhacuycaran: «Juanga

* 3.4–6 Isaías 40.3–5.

Tayta Diosninchichi cáchamushan Washäcujchi canga, ¿au?» nir.
¹⁶Chaymi Juan niran: «Mana Washäcujchu cá. Nuwa yacullawan ushyachicuycă wanacushayqui musyacänanpaj. Washäcujmi ichanga Espíritu Santuwanpis, ninawanpis ushyachishunquipaj. Payga munay-niyuj. Llanguinta llushtipuyllatapis manchapacü. ¹⁷Wanacujcunata alli ñawinwan Tayta Diosninchichi rican. Juchaču arujcunatam ichanga mana upij ninaman jaycuringa. Sumaj tantiyacäriquinman. Ríguta wapyarpis, punshanta ruparachin. Muruntam ichanga wasinman shuntacun.»

¹⁸Ushyachicuj Juan Tayta Diosninchipa shiminta sumaj willapäcuran. Runacunata tucuy-jinanpa shacyächiran. ¹⁹Mandaj Herodestam ichanga sumaj piñacuran wauguin Felipupa warmin Herodíasta jíchushanpita, juchallaču arushanpita. ²⁰Piñacuptin, mandaj Herodes Juanta wíchgachiran. Wíchgachir, jucha aparicushanpa jananmanpis mastaraj juchata aparicuran.

Jesústa Juan ushyachishan

San Mateo 3.13–17; San Marcos 1.9–11

²¹Mandaj Herodes manaraj wíchgachiptillan, runacunata ushyaycächishanču Jesústapis Juan ushyachiran. Ushyacuriycur, Tayta Diosninchita Jesús mañacuycaran. Niycaptillan, janaj pacha quíchacäcamuran. ²²Espíritu Santu paluma-niraj Jesúsman chayamuran. Janaj pachapita nimuran: «Cuyay Wawämi canqui. Shungüman sumaj tincunqui.»*

Jesúspa unay auquilluncunapita musyachicushan

San Mateo 1.1–17

²³Quimsa éhunca (30) watata aywaycashančhüraj Tayta Diosninchipa shiminta willapäcuyta Jesús jallaycuran. Runacuna yarparan: «Jesúsga Josépa wamranmi canga» nir.

Josépa papänin caran Helí.

²⁴Helípa papäninna caran Matat. Matatpa papäninna caran Leví. Levípa papäninna caran Melquí. Melquípa papäninna caran Janaí. Janaípa papäninna caran José.

²⁵Josépa papäninna caran Matatías.

Matatíaspa papäninna caran Amós.

Amós pa papäninna caran Nahúm.

Nahúmpa papäninna caran Eslí. Eslípa papäninna caran Nagai.

²⁶Nagai pa papäninna caran Maat. Maatpa papäninna caran Matatías.

Matatíaspa papäninna caran Semeí.

Semeípa papäninna caran José. Josépa papäninna caran Judá.

²⁷Judá pa papäninna caran Joanán. Joanán pa papäninna caran Resí. Resípa papäninna caran Zorobabel.

Zorobabel pa papäninna caran Salatiel.

Salatiel pa papäninna caran Nerib.

²⁸Nerib pa papäninna caran Melquí.

Melquípa papäninna caran Adí.

* 3.22 Waquin Bibliachu nin: «Cananmi cawachishcaj.»

- Adípa papäninna caran Koram.
Korampa papäninna caran
Elmada.
Elmadapa papäninna caran Er.
²⁹ Erpa papäninna caran Jesús.
Jesúsapa papäninna Eliecer.
Eliecerpa papäninna caran
Jarim.
Jarimpa papäninna caran Matat.
³⁰ Matatpa papäninna caran Leví.
Levípa papäninna caran Simeón.
Simeónpa papäninna caran Judá.
Judápa papäninna caran José.
Josépa papäninna caran Jonán.
Jonánpa papäninna caran
Eliaquim.
³¹ Eliaquimpa papäninna caran
Milea.
Mileapa papäninna caran Mená.
Menápa papäninna caran
Matatá.
Matatápa papäninna caran
Natán.
³² Natánpa papäninna caran David.
Davidpa papäninna caran Jesé.
Jesépa papäninna caran Obed.
Obedpa papäninna caran Booz.
Boozpa papäninna caran
Salomón.*
Salomónpa papäninna caran
Najasón.
³³ Najasónpa papäninna caran
Aminadab.
Aminadabpa papäninna caran
Admín.
Admínpa papäninna caran Arní.
Arnípa papäninna caran Esrón.
Hesrónpa papäninna caran
Farés.
Farésapa papäninna caran Judá.
³⁴ Judápa papäninna caran Jacob.
Jacobpa papäninna caran Isaac.

- Isaacpa papäninna caran
Abraham.
Abrahampa papäninna caran
Tara.
Tarapa papäninna caran Najor.
³⁵ Najorpa papäninna caran Seruc.
Serucpa papäninna caran Ragau.
Ragaupa papäninna caran Falec.
Falecpa papäninna caran Eber.
Eberpa papäninna caran Sala.
³⁶ Salapa papäninna caran Cainam.
Cainampa papäninna caran
Arfaxad.
Arfaxadpa papäninna caran Sem.
Sempa papäninna caran Noé.
Noépa papäninna caran Lamec.
³⁷ Lamecpa papäninna caran
Matusalén.
Matusalénpa papäninna caran
Henoc.
Henocpa papäninna caran Jared.
Jaredpa papäninna caran
Malaleel.
Malaleelpa papäninna caran
Cainam.
³⁸ Cainampa papäninna caran
Enós.
Enósapa papäninna caran Set.
Setpa papäninna caran Adán.
Adánta Tayta Diosninchí
camaran.

**Jesústa Supay maquichacuyta
camashan**

San Mateo 4.1–11; San Marcos 1.12–13

4 ¹Jordán mayupita llucshirir,
Espíritu Santupa maquinchu
Jesús puriran. Chunyaj pachaman
Jesústa Espiritu Santu aparan.
²Chuscu chunca (40) junaj micuyta
mana mallir, Jesús yargaran. Supay
maquichacuyta munar ³niran:

* **3.32** Waquin Bibliachu Salomónpaj nin: «Sala.»

«Tayta Diosninchipa Wawan car, cay rumita tantaman mä, ticrarachiy.»*

⁴Chaynuy niptin, Jesús niran: «Tayta Diosninchipa shimin nin: «Runa mana tantallawanchu cawan.»»*

⁵Chaypita jatunnin puntaman Jesústa Supay aparán. Jatun marca-cunata ima-aycancunatawanpis ricachiran. ⁶Jinarcu niran:

«Ricashayqui marcacunata mandanayquipaj éhurajman. Ima-aycancunapis nuwapam. Cay marcacunapis nuwapam. Maquichu charä. Munar, pitapis juycūmanmi.

⁷Ñaupāman jungurpaycur alliman éhuramaptiqui, llapan marcācunata juycushayqui.»

⁸Jesúsna niran: «Tayta Diosninchipa shimin nin: «Tayta Diosnillanchita manchapa-cunquiman. Paypa maquillanču cawanquiman.»»*

⁹Chaypita Jerusalén marcaman Jesústa Supay aparán. Tayta Diosninchipa wasinpa siswanman ichichiran. Jinarcu niran: «Tayta Diosninchipa Wawan car, pachaman mä, jigacurpuy. ¹⁰Tayta Diosninchipa shimin nin: «Tayta Diosninchita anjilnincunata caçhamunga washāshunayquipaj. ¹¹Çaqui qui rumiman mana tacacunanpäpis maquinwan charishunquipaj.»»*

¹²Jesúsna niran: «Tayta Diosninchipa shimin nin: «Tayta Diosninchita maquichacuyta ama camanquimanchu.»»*

¹³Jesústa maquichacuyta mana camāpacur, Supay aywacuran: «Imayllaga maquichacushayquiraj» nir.

Jesús willapācuyta jallaycushan

San Mateo 4.12–17; San Marcos 1.14–15

¹⁴Espíritu Santupa maquinču cawashpan Galilea marcacunaman Jesús cuticuran. Chay-tucuychu runacuna Jesúspa willapanta mayaran. ¹⁵Shuntacāna wasicunaču Tayta Diosninchipa shiminta Jesús willapācuptin, runacuna sumaj cushicuran: «Allita yaçhachicun, ¿au?» nir.

Nazaret marcaču Jesús willapācushan

San Mateo 13.53–58; San Marcos 6.1–6

¹⁶Wiñashan Nazaret marcaman Jesús éhayaran. Diyawarda junaj shuntacāna wasiman yaçhacashan-nuylla aywaran. Tayta Diosninchipa shiminta liguinanpaj ichicuycuran. ¹⁷Unay willacuj Isaias isquirbisan libruta macyaran. Libruta quichar ligu y munashanta tarir, liguiran:

¹⁸«Maquinču Espíritu Santu purichiman.

Pishipacujcunata alli willapata willapānāpaj éhuramasha.

Caçhamasha ñacajcunata willapānāpaj,

japracunapa ñawinta quichānāpaj,

juyu runapa maquinču cawaj-cunata washānāpaj.

¹⁹Caçhamasha: «Canan watapita-pacha Tayta Diosninchita llaquipāmanchi» nir willapānāpaj.»*

²⁰Liguiyta ushyaycur, libruta wiçhgarcuran. Libru macyaj runata

*4.3 Deuteronomio 8.3. *4.4 Unaypita-pacha waquin Biblia yapan: «Manchāga Tayta Diosninchipa shiminta wiyacur cawan» nishanta. Waquin Bibliaču mana yapanchu.

*4.8 Deuteronomio 6.13. *4.10–11 Salmo 91.11–12. *4.12 Deuteronomio 6.16.

*4.18–19 Isaiás 6.1–2.

cutiycachiran. Jinarcu tantiyachinanpaj jamacuycuran. Llapallan juturajcuna ricapacurcuran.

²¹Willapäcur Jesús niran: «Liguishä canan junajmi éharcusha. Tayta Diosninchipa unay willacujnin nuwapaj yarpas isquirbiran.»

²²Jesús sumaj alli rimaptin, llapan runa cushicushpan alli ricaran. Waquinmi ichanga pampaman éhurar niran: «Cayga Josépa wamrallan, ¿au?» ²³Jesúsna niran: «Rimay purishan-jinachi: «Jampicuj carga, quiquiquiraj allchacan-quiman» nimānayquipaj carcay-canqui, ¿au? ¿Imanirtaj yarpacay-canqui: «Cafarnaún marcachüshi jishyachucunata allchacächishcanqui. Caychüpis allchacächinquiman» nir?»

²⁴«Sumaj tantiyacunquiman. Yurishan marcachu Tayta Diosninchipa willacujnincunata marca-masincuna pampaman éhuran. Ricaytapis mana munanchu. ²⁵⁻²⁶Sumaj tantiyacunquiman. Unay willacuj Elías cawashan wichan tamyana shicwaptin, quimsa wata pullan muéhuy caran. Chaypis Israel biyüdacunata Tayta Diosninchipa mana yanaparanchu. Manchä Sidón quinranchu Sarepta marca-caman willacujnin Elíasta cácharan biyüdata yanapanpaj. ²⁷Unay willacuj Eliseo cawashan wichanpis Israel runacuna achajmi jara chu jishyawan cawaran. Chaypis Israel runacunata mana allchacächiran. Manchä Siria runa Naamánllata mana Israel runa captinsi, Tayta Diosninchipa allchacächiran.»

²⁸Jesús tincupaptin, shuntacäna wasinchu juturajcuna chigaypa ullgucaycaran. ²⁹Ullguyllawan Jesústa aparan chagapita jitarpuy-

cunanpaj. Paycunapa marcan pata jananchu caycaran. ³⁰Tangarinanpaj apaycaptin runacunapa ricay ñawinpita llucshir, Jesús aywacuran.

Supay pucllacushan runata Jesús allchacächishan

San Marcos 1.21-28

³¹Galilea quinranchu Cafarnaún marcaman éhayar, diyawardacuna chu Tayta Diosninchipa shiminta Jesús willapäcuran. ³²Sumaj willapäcuptin, runacuna sumaj cushicäriran: «Jesús willapäcushan shungunchiman sumaj éhayan» nir.

³³Shuntacäna wasichu supay pucllacushan runapis caycaran. Supay rimachiptin, japarir niran: ³⁴«Acháchau, Nazaret runa Jesús. ¿Imatataj ashiy-canqui? ¿Illarachimajchu shamush-canqui? Pí cashayquitapis musyá. Tayta Diosninchipa Wawan canqui. Paypa acracuynin canqui.» ³⁵Jesúsna piñacuran: «Upälla supay. Chay runata cáchariy» nir. Chaura llapan ricay runata sajtarillar, supay aywacuran. ³⁶Runa allina caycashanta ricar, llapan runa juyupa mancharicacuran. Jucnin-jucnin ninacuran: «¿Imatataj ricanchi? ¿Imatataj wiyanchi? Payga munayni-yujtaj. Juc shimilla supaycunatapis jargun. Jarguptin, aywacun» nir. ³⁷Chay quinranchu Jesús ima-ima rurashanpis mayacaran. Quiquin-pura runacuna willanacäriran.

Simónpa suydanta Jesús allchacächishan

San Mateo 8.14-15;

San Marcos 1.29-31

³⁸Shuntacäna wasipita Simónpa wasinman Jesús aywaran. Éhayaptin, willaran: «Simónpa suydantay wayllaywan jishyaycan.

Allchacächiy, ari » nir. ³⁹Läduñman ashuycur jishyata piñacuriptin, wayllay caçhariycuran. Chaura jatarcur, yanucuriycuran jarananpaj.

**Jishyaçhucunata Jesús
allchacächishan**

San Mateo 8.16–17;

San Marcos 1.32–34

⁴⁰Chacanaycaptin: «Diyawarda ushyashana» nir jishyaçhucunata Jesúsman apamuran. Maquinwan Jesús yataycuptin, llapan jishyaçhucuna allchacäcuran. ⁴¹Waquin runapita supaycunatapis jarguran. Supaycuna llucshir japariran: «Jesús, Tayta Diosninchipa Wawanmi canqui» nir. Jesúsmi ichanga piñaparan. Tayta Diosninchi caçhamushan Washäcuj cashanta musyaptin, mana rimachiranchu.

**Galilea marcacunaçhu Jesús
willapäcushan**

San Marcos 1.35–39

⁴²Chaca-chacalla marcapita llucshir, chunyaj pachaman Jesús aywaran Tayta Diosninchita mañacuj. Chaypis achcaj runa ashiran. Taripar, niran: «Tayta, ama aywacuychu, ari.» ⁴³Jesúsmi ichanga niran: «Tayta Diosninchi shuyarämashanchita juclä marcacunaçhüpis willapäcunä. Payga maquinçhu cawananchita munan. Shungun munashanta willapäcur purinäpaj caçhacamasha.»

⁴⁴Chaymi Judea quinrançhu marcan-marcen Jesús puriran. Shuntacäna wasicunaçhüpis Tayta Diosninchipa shiminta willapäcuran.

**Purishinanpaj piscädu
charijcunata Jesús jayashan**

San Mateo 4.18–22;

San Marcos 1.16–20

5 ¹Genesaret püsu cantunçhu Jesús willapäcuptin, chay-chicaj runa jutucay Tayta Diosninchipa shiminta wiyananpaj. * Runacuna quiquin-pura tacanacujraj. ²Yacuçu ishcaj büti ichiraycajta Jesús ricaran. Piscädu charijcuna bütipita yarpurir, ridinta tacsharcaycaran. ³Bütita ricar, Simónpa bütinman jigaran: «Simón, bütiqiuwan washanijman apamay» nir. Jinarcu bütiçhu jamacuycellar, llapan runata willapäcuran.

⁴Rimayta ushyarcu, Simóna niran: «Simón, püsu çhaupinman aywashun. Piscäduta charinayquipaj jundunnin yacuman ridiquita jitanquiman-llapa.» ⁵Simónna niran: «Tayta, warayllata piscapäcushcä. Ichanga mana jucnayllatapis charishcächu. Chaypis shimiquita wiyar, mä, yapay ridita jitashaj.»

⁶Jesús pa shiminta wiyacur ridinta yacunman jitar, änir may-may piscäduta chariran. Ridinpis raçhinasharaj. ⁷Chaymi piscädu charij-masincunata maquinwan Simón jayaran. Chaura juc-caj bütitapis aparan yanapānanpaj. Juc-caj bütita çhayachiptin, ishcan bütiman piscädu juntaran. May-may piscäduta wiñaptin, bütipis yacuman challpunaycaran.

^{8–10}Chay-chica piscäduta ricar, Simón Pedro, Juan, Jacobo, yanapaj-nincunapis mancharicäcuran. Simón Pedruna Jesús pa ñaupman jungur-

* 5.1 Genesaret püsupa juc-caj jutin Galilea püsu caran.



San Lucas 5.1–11

pacuycur, niran: «Tayta, manchacujmi. Witicunquiman. Juchasapa car, ñaupayqui chu caytapis pingacü.»

Jesúsna niran: «Simón Pedro, ama manchariychu. Piscäduta charishayqui-jina runacunata shuntanquipaj Tayta Diosninchipa maquinchu cawananjaj.» ¹¹ Chaura jinan üra bütita yacupa pallganman ichiyachir llapan imancunatapis jaguiriycur, Jesúsna aywacuran.


Jara chu jishyaj runata Jesús allchacächishan

San Mateo 8.1–4; San Marcos 1.40–45

¹² Juc marca chu Jesús caycaptin, jara chu jishyawan runa chayapuram.

Ñaupanman uysucuycuran: «Tayta Jesús, llaquipämashpayqui allchacaycachillamay, ari. Tayta Diosninchipa ricay ñawinchüpis alli cayta munä» nir. ¹³ Llaquipashpan maquinwan yataycur, Jesús niran: «Llaquipajmi. Allchacayna.» Niptin, jara chu jishya illaricäcuran. Allchacäcuran. ¹⁴ Jinarcu Jesús niran: «Ama pitapis willapanquichu. Manchäga allina cashayquita ricashunayquipaj cüraman ayway. Moisésa shiminta éharcur, cuyachicuyniquitapis Tayta Diosninchita jaray. Chayraj llapanpa ricay ñawinchu alli canquipaj.»

¹⁵ «Ama willanquichu» niptinsi, Jesúsna willapan chay-tucuychu mayacaran. Tayta Diosninchipa



San Lucas 5.17-26

shiminta wiyayta munar, allchacayta ashir, may-may runacuna shuntacaran. ¹⁶Achcay shuntacaptinsi, chunyaj pachaman Jesús witicuj Tayta Diosninchita mañacunanpaj.

**Cumllucash runata Jesús
allchacächishan**

San Mateo 9.1-8; San Marcos 2.1-12

¹⁷Juc junajchu Jesús willapäcuptin, fariseucunapis, Moiséspa shiminta yachaj runacunapis jampaycaran. Paycunaga Galilea marcacunapita, Judea marcacunapita, jinan Jerusalén marcapita shamuran Jesús pa shiminta wiyananpaj. Tayta Diosninchicamacächiptin, jishyachucunata Jesús allchacaycächiran. ¹⁸⁻¹⁹Waqin runana quirmallawan cumllucash runata chayachiran.

Ichanga wasi junta runa caycaptin, Jesús pa ñaupanman yaucuchiyta mana camäpacuranchu. Chaymi wasi jananman jigarcur tñjata ashuraycächir, uchcuriycäiran. Jinarcur Jesús pa ñaupanman warcuyllapa quirmantinta yarpuchiran. ²⁰Paycuna llapan shungunwan yupachicushanta musyar, cumllucash runata Jesús niran: «Wawallau wawa, juchayquicunata jungashcäna.»

²¹Chaura fariseucunawan Moiséspa shiminta yachajcuna shungullanchu ullguran: «¿Imanaycantaj cay runa? Tayta Diosninchita apäriycan. Juchanchita Tayta Diosnillanchi junganman» nir.

²²Yarpashanta musyar, Jesús tapuran: «¿Imanirtaj llutanta yarparcaycanqui? ²³Mä, tapushayqui. ¿Allchacächiychu, jucha apari-

cushanta jungacächiychu sasa?

²⁴Canan tantiyacunquiman.

Tayta Diosninchichi cay pachaman caçhamasha. Munayniyujmi cä pipa juchantapis jungacächinapaj.»*

Cumllucash runatana niran: «Mä, wiyamay. Jatariy. Quirmayquita shuntacurcur, wasiquiman cuticuy.»

²⁵Cumllucash runana llapan ricay jataricurcuran. Quirmanta apacurcur, wasinman cuticuran: «Ima allish Tayta Diosninchichi allchacächimasha» nir.

²⁶Llapan runacunapis jatunpa cushicuran. Tayta Diosninchichi alliman çhurar: «Canan ricashanchicunata mana imaypis ricashcanchichu» nir.

Levíta Jesús jayashan

San Mateo 9.9–13; San Marcos 2.13–17

²⁷Chaypita llucshircur, Leví jutiyuj runata Jesús ricaran. Levíga Roma marcapa mandajninpaj jillayta shuntaycaran. Ricar, Jesús niran: «Leví, purishimay.» ²⁸Niptin llapan imantapis jaguiriycur, Jesústana Leví purishiran.

²⁹Levíta wasinçhüna Jesústa alliman çhurar, sumaj micupäcuran. Jillayta shuntaj-masinwanpis, waquin chay-niraj runacunawanpis micurcaycaran. ³⁰Fariseucunawan Moiséspa shiminta yaçhajcunam ichanga Jesústa pampaman çhurar purishijnincunata tapuran: «¿Imanirtaj jillayta shuntaj chiqui runacunawan, juchaçu

arujcunawan micupäcunqui?»

³¹Jamurpaptin, Jesúspis niran:

«Jishyacücunallash jampicujta ashin. Mana jishyarga, mana ashinchu. ³²Chay-jina nuwapis juchaçu arujcunata Tayta Diosninchiman cutichij shamushcä. «Juchay-najmi cä» nijcunatachu mana ashiycä.»

Ayünupita tapunacushan

San Mateo 9.14–17;

San Marcos 2.18–22

³³Waquin runa Jesústa tapucuran: «Tayta, Ushyachicuj Juanpa purishijnincunapis, fariseucunapa purishijnincunapis ayünashpan Tayta Diosninchichi mañacuj. Purishijni-quicunam ichanga paçhanta mana yargächinchu» nir. ³⁴Chaynuy niptin quiquinman tincuchicur, Jesús niran: «Warmi ashishijcuna manash llaquishachu ayünan. Manchäga cushishash micupacärin. ³⁵Warmi ashij müsuta jichuptinshi ichanga, ayünangapaj. Jatunpash llaquicungapaj.»

³⁶Yapay tincuchiypa willapar, Jesús niran: «Mauca müdanata mushuj raçhipawan manash pipis jiranmanchu. Mushujwan jiraptin, jintishpan mauca müdanatapis shiullirachinshi. Mushuj müdanapis uçhcucäcunshi. ³⁷Binuta puguchinanpäpis manash pipis chaquish jaracha putuman wiñanmanchu. Binu pugur, chaquish jaracha pututa pashtarachinshi. Pashtaptin, binupis ushyacäcunshi.

* **5.24** Daniel cawashan wican Israel runacunata maquinçu Babilonia runacuna purichiran. Ñacachiran. Israel runacunana jishpiyta munaran. Marcanta llaquiparan. Daniel 7.13-ta liguir, juc washäcuj runata Tayta Diosninchichi caçhamunanta tantiyarmi ichanga cushicuran. Washäcujtana shuyaran. Jesúsna Daniel isquirbishanta yarpärir, musyachicuran Tayta Diosninchichi caçhan cashanta, washäcuj cashanta. Chayta musyachicuptin, castillänuçu nin: «el Hijo del Hombre».

Jaracha putupis račhicäcunshi.
³⁸Llullu jaracha putuman wiñaptinshi ichanga, binu sumaj pugun. ³⁹Pugush binuta malliycur, shigui binuta pipis manash upunnachu: «Pugush binu sumaj mishquin» nir.»

Diyawardachu rīguta shipishan

San Mateo 12.1–8; San Marcos 2.23–28

6 ¹Juc diyawarda junaj rīguta puguraycaj cantunpa purishijnincunawan Jesús aywaycaran.

Purishijnincunaga rīguta shipircur-shipircur cupacächärir, ućhuran.

²Waquin fariseucuna tapuran: «¿Imanirtaj diyawardaachu rīguta cupacächarcaycan? Diyawardaachu Tayta Diosninchipa shiminta čharcur, mana arunchichu» nir.

³Chaura Jesús niran: «¿Auquillunchi David imata rurashantapis manachu musyanqui? Tayta Diosninchipa shiminta liguiycarsi, ¿yargaywan David imata rurashantapis manachu tantiyacushcanqui? ⁴Yargay chariptin Tayta Diosninchipa wasinman yaycurir, jarashan tantanta micuran. Cüracunalla micunan caycap-tinsi, yanaguincunawanraj David micupäcuran. ⁵Tayta Diosninchi cačhamasha. Chaymi diyawardapis maquičhu caycan. Diyawardaachu runa imata rurananpäpis, imata mičhänäpäpis maquičhümi caycan.»

Maquin wañush runata Jesús allchacächishan

San Mateo 12.9–14; San Marcos 3.1–6

⁶Juc junajpis diyawardaachu shuntacäna wasiman aywarcur,

Jesús willapäcuran. Diricha-caj maquin wañush runapis caycaran. ⁷Fariseucunawan Moiséspa shiminta yačhajcuna achäquita ashishpan ricapaycaran: «¿Diyawarda caycaptin, maquin wañush runata mä, allchacächingachush? Allchacächiptinga, chaylla achäqui canga» nir.

⁸Fariseucunapa shungunta musyar, maquin wañush runatana Jesús niran: «Llapan ricashunayquipaj ichiy.» Maquin wañush runa änir llapan ricananpaj ichiran. ⁹Jinarcu Jesús niran: «Taytacuna, tapucushayqui. Diyawarda captinsi, ¿allitachu, llutan-tachu rurashuwan? ¿Washäshuwanchu? ¿«Wañucuchun» nishuwanchu?»

¹⁰Llapanman ricärir, maquin wañush runatana Jesús niran: «Maquiquita chutapacuy.» Chutapacuriptin, maquin allchacäcuran. ¹¹Diyawardaachu allchacächishanta ricaycur, fariseucuna ullgucarcäriran. Jesústa wañurachinanjap parlanacuran.

Čhunca ishchaywan cačhacunata Jesús acracushan

San Mateo 10.1–4; San Marcos 3.13–19

¹²Chay wichan Jesús aywaran puntaman Tayta Diosninchita mañacuj. Warayllata Tayta Diosninchita mañacuran. ¹³Pacha wararcuptin, purishijnincunata shuntaran. Llapanta shuntaycur, čhunca ishchaywanta (12) acracuran cačhacunanpaj. Paycunata jutichaparan: «Cačhacuna» nir. * ¹⁴Cačhananpaj acracuran: «Pedro» nishan Simónta, Simónpa

* **6.13** Castellänuču Jesúspa purishijnincunata: «discípulos» nin. Paycuna Tayta Diosninchipa shungun munashanta Jesúspita yačhacusha. Waquillanta Jesús acracusha cača cananpaj. Cačhacunata castellänuču nin: «apóstoles.»

wauguin Andrésta, Santiaguta,
Juanta, Felipita, Bartolomé,
¹⁵Mateuta, Tomásta, Alfeupa wamran
Santiaguta, «Marcanpaj nanachicuj»
nishan Simónta, ¹⁶Santiagupa
wauguin Judasta, Judas Iscariotita.
Judas Iscariote Jesústa wañuyman
jiturpuran.*

**Achcaj jishyaćhucunata Jesús
allchacächishan**

San Mateo 4.23–25

¹⁷Puntapita pampaman
yarpurcur, cañancunallawan Jesús
íchicaycärran. Chayćhu waquin
purishijnincunapis, Judea quinran
runacunapis, jinan Jerusalén runacu-
napis, lamar cantunćhu tiyaj Tiro
runacunapis, Sidón runacunapis
juturpaycaran.

¹⁸Lapan juturpaycaran Jesúspa
shiminta wiyananpaj. Jishyaćhucuna-
tapis apamuran allchacächinanta
munar. Jesús llapanta
allchacächiran. Supay pucllacushan
runacunatapis allchacächiran.
¹⁹Chaymi pi-maypis Jesústa yatar-
cuyta munaj. Payga munayninwan
llapanta allchacächiran.

Jesús willapäcushan

San Mateo 5.1–12

²⁰Purishijnincunata ricapärir,
Jesús niran:

«Pishipacujcuna,
cushicärinquiman. Tayta Diosninchi
yanapaycäshunqui. Maquinćhu
cawaycächishunqui.

²¹«Pishipacujcuna,
cushicärinquiman. Maquinćhu Tayta
Diosninchi purichishunqui.

«Yargayćhu cawajcuna,
cushicärinquiman. Shunguyqui
munashantapis tarichishunqui.

«Llaquish cawajcuna,
cushicärinquiman. Tayta Diosninchi
yanapaycäshunqui. Cushishalla
cawachishunquipaj.

²²«Wiyacamashayqui-janan
runacuna chiquishuptiquisi,
ashllishuptiquisi, ricayta mana
munashuptiquisi, cushicärinquiman.
Nuwatapis runacuna chiquimasha
Tayta Diosninchi cañhamash caycap-
tinsi. ²³Imata rurashuptiquisi, sumaj
cushicärinquiman. Tayta Diosninchi
alli cawayta shuyaraycächishunqui.
Unay willacujnincunata alli cawayta
tarichishan-jina tarichishunquipaj.
Chay wichanpis marca-masiqicuna
unay willacujcunata juyupa
ñacachiran.»

²⁴Waqin runacunatam ichanga
Jesús niran:

«Puchuy-puchuy jananćhu
cawajcuna, llaquicärinquiman.
Ñacayman Tayta Diosninchi
ćhayachishunquipaj. Cay pachaćhu
alli cawayta mayna tarishcanqui.

²⁵«Micuy jananćhu cawajcuna,
llaquicärinquiman. Yargayman Tayta
Diosninchi ćhayachishunquipaj.

«Asicaćhar cawajcuna,
llaquinacärinquiman. Ñacayman
Tayta Diosninchi ćhayachishun-
quipaj. Atayparaj waganquipaj.

²⁶«Alli ricash cayllata ashijcuna,
llaquicärinquiman. Ñacayman Tayta
Diosninchi ćhayachishunquipaj. Unay
wichanpis llutan willacujcunata
alli ricash cayllata ashiptin, marca-
masiqicuna llapanmi alli ricaran.»

* 6.16 Griego rimayćhu: «Santiagupa Judasnin» niptin, waquin yaćhajcuna yarpan Santiagupa wamran cashanta.

Chiquicujpita willapashan*San Mateo 5.38–48; 7.12*

²⁷Purishijnincunata Jesús niran: «Shimíta sumaj wiyacunqueiman. Runacuna chiquipäshuptiquisi, llaquipanquiman. Alli ñawiquiwan ricar, yanapanquiman. ²⁸Chapata rurashuptiquisi, Tayta Diosninchita mañacapunqui. Chiquishuptiquisi, mañacapunqui. ²⁹Juc-caj jajllayquichu lajyashuptiqui, juc-cajlätana camapunqui. Punchuyquita jíchushuptiqui, camsayquitapis jaguipaycunqueiman. ³⁰Imatapis mañacushuptiqui, tarichinquiman. Jíchushuptiqui, cutichishunayquita ama shuyaranquimancho.

³¹«Alli ricashunayquita munashayqui-jina runa-masiquitapis alli ricanquiman. ³²Juchaçu arujcunapis yaçhänacushallanwan llaquipä-nacun. Yaçhänacushallayquiwan llaquipänacur, ¿rasunpachuraj llaquipayta yaçhanqui? Mana. Aynillanta cutiycächinqui. ³³Juchaçu arujcunapis yanapäcuj-masillanwan yanapänacun. Yanapäcuj-masillayquiwan yanapänacur, ¿rasunpachuraj yanapayta yaçhanqui? Mana. Aynillanta cutiycächinqui. ³⁴Juchaçu arujcunapis challicuj-masillanwan challinacun ahcata çasquiyta munar. Challicuj-masillayquiwan challinacur, ¿rasunpachuraj challicuj cayta yaçhanqui? Mana. Aynillanta cutiycächinqui.

³⁵«Chiquishuptiquisi, llaquipanquiman. Alli ñawiquiwan ricar, yanapanquiman. Pitapis challir, cutichishunayquitaraj ama shuyaranquimancho. Chaynuy alli cawashayquipita Llapanta Camaj Tayta Diosninchí sumaj alli ricashun-

quipaj. Paypa wawan cashayquipis musyacanga. Payga llapan runata llaquipan juchaçu aruptinsi, mana imasi jucuptinsi. ³⁶Tayta Diosninchí alli shungu cashan-jina llapan runata llaquipanquiman.»

Jamurpaypita tantiyachicushan*San Mateo 7.1–5*

³⁷Jananmanpis Jesús niran: «Runa-masiquita pampaman mana çhuraptiqui, Tayta Diosninchipis pampaman mana çhurashunquipächu. Mana llaquipänacuptiqui, Tayta Diosninchipis mana llaquipä-shunquipächu. Runa-masiquipa juchanta jungaptiqui, Tayta Diosninchipis juchayquita junganga. ³⁸Runa-masiquita llaquipar yanapaptiqui, Tayta Diosninchipis llaquipä-shunquipaj. Yanapäshunquipaj. Payga ima-imata rurashanchitapis ricaycan. Llaquipänacushayquiman-tupu Tayta Diosninchipis llaquipä-shunquipaj. Puchuy-puchuy imatapis tarichishunquipaj.»

³⁹Tantiyacunanpaj tincuchiypa Jesús niran: «Japra runa japra-masinta manash pushanmancho. Pushanacur, ishcaninshi učcuman shicwan. ⁴⁰Jipa wamracuna mayur runacuna yarpashanta manash yarpanrächu. Llapanjaj uman aypap-tinshi ichanga, mayur runacuna yarpashantana yarpanga.

⁴¹«Juchaçu aruycar runa-masiqui llutanta ruraptin, ama jamurpanquimancho. Quiquiquipa ñawiquichu cullu jatiraycaptin, ¿jucpa ñawinpita pujrita jurgapunquimancho? Mana. ⁴²Manchäga ñawiquipitaraj culluta jurgunquiman jucpa ñawinpita pujrita jurgapunayquipaj. Juchaynaj-tucuj carcaycanqui. Ñawiquipitaraj culluta

jurgunquiman runa-masiquipa ñawinpita pujrita jurgapunayquipaj. Chay-jina juchaču cawaycarga, jucpa juchanta ama jurgapanquichu.»

Wayuyninpita ricsichicushan

San Mateo 7.17–20; 12.33–35

⁴³«Yüra juc casta yürapa wayuy-ninta mana wayunchu. ⁴⁴Yürata wayuyninpa ricsinchi. Durashnuta mana wangurpitachu pallanchi. Übasta mana shirapitachu pallanchi. ⁴⁵Yüra-jina runacunapis ricsican. Tayta Diosninchita manchapacuj runa Tayta Diosninchipa shungun munashallanta ruran. Juchaču aruj runam ichanga quiquinpa shungun yarpashallanta ruran. Runa shungun yarpashanmantupu allitapis, mana allitapis riman.»

Wasi rurajcunawan tincuchishan

San Mateo 7.24–27

⁴⁶«¿Imanirtaj: ¿Taytallau Tayta» nimarpi, shimita mana wiyacunquichu? ^{47–48}Juc runa chasquicamar shimita wiyacuptin, shungü munashanta ruraptin, alli wasita rurajwan tincuchi. Wasita alli rural, chucruman chayashancaman simintuta ujtin. Jinarcu rumiwan simintuta jallarachin. Chaymi llujlla chayarsi, wasita mana jučhuchinchi. ⁴⁹Shimita mana wiyacujcunatam ichanga ñushya allpallaman wasinta jatarachijwan tincuchi. Chaymi llujlla chayar, jučhurachin. Wasinpi ushyacacun.»

Capitanpa uywayninta Jesús allchacächishan

San Mateo 8.5–13; San Juan 4.43–54

7 ¹Runacunata willapäcuriycur, Cafarnaún marcaman Jesús cuticuran. ²Chay marcaču Roma murucucunapa capitannin juyaran.

Capitanpa cuyay uywaynin juyupa jishyaycaran. Wañunaycaran.

³Chaymi Jesús chayamushanta mayar, mayur Israel runacunata capitan cačhacuran: «Jesústa ruwacamuy. Uywaynita allchacächinanpaj shamuchun» nir. ⁴Mayur runacuna Jesúsman chayar, änir mañacuran: «Tayta, capitanta yanapaptiqui, alli canga. Uywayninta allchacächiy, ari. ⁵Israel runa captinchisi, alli ñawinpa ricamanchi. Quiquinmi shuntacäna wasitapis rurachisha» nir.

⁶Chaynuy niptin, capitanpa wasinpana Jesús aywäshiran. Wasiman yaycupaycaptin, mincaynincunata capitan cačharan: «Tayta Jesús, wasiman ama chayamunquimanchu. Manacaj runa car, pingacü. ⁷Chaymi quiquipis mana shamushcachu. ¿Allchacächun» niptiqui, uywayni allchacäcunga. Mana aywanayquirachu. ⁸Nuwapis jucpa maquinču juyä. Quiquipis maquiču murucucunata purichi. Chaymi: «Shamuy» nipti, shamun. «Ayway» nipti, aywan. Llapan mincayni shimita wiyacun» nir.

⁹Capitanpa shiminta wiyar, Jesús jatunpa cushicuran. Jatirpaj runacunatana niran: «Jäpa runa caycarsi, llapan shungunwan chay capitan manchapacaman; Israel-masinchicunam ichanga janan shungulla.»

¹⁰Chaura capitanpa cačhancuna cuticäriran. Wasinman chayar, capitanpa uywayninta allchacashtana tariran.

Biyüdapa wamranta Jesús allchacächishan

¹¹Manasi aycällatana Naím marcaman Jesús aywaran. Purishijnincunapis, runacunapis maymay aywäshiran. ¹²Marcaman chayay-cashanču chay-chicaj runa ayata



San Lucas 7.11–17

apaycaywan tincuran. Juc biyüdapa japallan wamran wañush caran.

¹³Biyüdata llaquipar, Jesús niran: «Mamallau mama, ama wagay-nachu, ari.» ¹⁴Matancajcunata ichicachir quirmata yataycur, niran: «Müsitu, ricchapacuy.» ¹⁵Chaura müsups cawaricurcur, rimapacuranna. Mamantana Jesús niran: «Catay wawayqui. Cawarishana.»

¹⁶Runacuna sumaj mancharicacuran. Tayta Diosninchitapis alliman churaran: «Wawan caycaptinchi, Tayta Diosninchi yanapaycämanchi. Munayniyuj willacujninta caçhamusha» nir. ¹⁷Judea quinran runacunapis, chimpan quinranchu tiyaj runacunapis ayata Jesús cawarachimushanta mayaran.

Ushyachicuj Juanpa purishijnincuna tapucushan

San Mateo 11.2–19

¹⁸Quiquinpa purishijnincuna willaptin, Ushyachicuj Juanpis Jesús ima-imata rurashallanta musyaran.

Chaymi ishcaj purishijninta jayarcachir, caçhacuran: ¹⁹«Jesüta tapumuy: «¿Jamchush Tayta Diosninchi caçhamushan Washäcuj caycanqui? ¿Juctarächush shuyäcärishaj?» nir.» ²⁰Juanpa caçhancuna çhayar, änir tapuran: «Tayta Jesús, Ushyachicuj Juan caçhamasha. ¿Jamchush Tayta Diosninchi caçhamushan Washäcuj caycanqui? ¿Juctarächush shuyäcärishaj?» nir.

²¹Juanpa caçhancuna çhayaptin, jishyachucunata, supay puclacushancunata, japracunata Jesús allchacaycächiran. ²²Chaymi tapuptin, niran: «Jucta ama shuyanquimanchu. Manchäga llapan ricashayquita, llapan wiyashayquita Juanta willar ninqui:

«Japracuna ricaycanna.

Wijrucunapis alli puriycanna.

Jaraçu jishyajcunapis allchacaycanna.

Upacunapis wiyaycanna.

Wañushcunapis cawariycanna.

Pishipacujcunatapis Tayta Diosninchipa alli willapanta willapäcuycanna.»

²³ Chaymi Tayta Diosninchipa cañhan cashäta mana wasguijcuna sumaj cushicärinman. Imaman chayaptinsi, paycunata Tayta Diosninchipa sumaj yanapan.» *

²⁴ Chaura Ushyachicuj Juanpa cañhancuna cuticuriptin, juturashan runacunata Jesús niran: «Jamcunapis chunyaj pachaman aywar, Juanpa shiminta wiyarayquim, ¿au? Payga imatapis mana manchacujchu. Mana ishca- quimsatachu rimaj. ²⁵ ¿Imamanraj aywashcanqui? ¿Alli müdanashtachu tarishcanqui? Mana. Alli müdanashta achic- achicyaycaj wasillañchu juyaycajta tarinqui. Jatun auturdäcunalla alli-alliga cawan. ²⁶ ¿Pi runataraj ashishcanqui? Chunyaj pachañchu Juanpa shiminta wiyaycur, Tayta Diosninchipa willacujnin cashanta tantiyacärishcanqui. Payman waquin willacujcunapis mana tincurachu. ²⁷ Juanta cañhamunanpaj unayna Tayta Diosninchipa musyachicuran. Shiminñu nin:

«Cañhata ñaupapashunayquipaj juc runata ñaupachishaj.

Runacunata willapäcungapaj camaricushalla

shuyarashunayquipaj» nir. *

²⁸ «Sumaj wiyaycallamay.

Chay-chicaj runa carsi, Ushyachicuj Juanman mayganpis mana tincunchu. Chaypis maygan runa mana alli ricash caycaptinsi, Tayta Diosninchipa maquinñu cawajcunaman Juanpis mana tincunchu.

²⁹ «Juanpa shiminta wiyacur, runacuna llapan-yupay ushyacuran. Jillayta shuntaj chiqui runacunapis Tayta Diosninchipa shiminta chasquir, juchapita wanacurcur ushyacäriran. ³⁰ Fariseucunawan Moiséspa shiminta yañajcunam ichanga mana ushyacuranchu. Tayta Diosninchipa llaquipaycaptinsi, mana wiyacuranchu. Maquinñu puriyta mana munar, wasguiparan.»

³¹ Chaymi wiyächipar Jesús niran: «Canan wichan runacunata, ¿imawanraj tincuchiman? ³² Yupaytucuj wamracunawanñi tincuchishaj. Upa wamracuna-jina mana imatapis tantiyacunchu.

«Cushicuywan jachwashun» nir quinata tucapaptinpi, mana jachwanchu.

«Llaquicuywan wagashun» niptinpi, mana waganchu.

³³ «Chay-jina Ushyachicuj Juan, tantata mana micujchu. Binutapis mana mallishachu. Chaypis Juanta ashllishcanqui: «Supay puclacusha» nir. ³⁴ Nuwatapis Tayta Diosninchipa cañhamasha. Llapanta micu. Binutapis upu. Chaypis ashllircaycämanqui: «Shincanan-raycullar, pañhan-raycullar purin. Juchañchu arujcunawanpi, jillayta shuntaj chiqui runacunawanpi purin» nir. ³⁵ Imata rimarsi, Tayta Diosninchipa yarpashanta pipis mana chapanmanchu. Shiminta wiyacucunaga ricsipalla cawan.»

Fariseu runa Simónpa wasinman Jesús aywasha

³⁶ Juc junajñu fariseu Simón jutiyuj runa Jesústa jayachiran:

«Micupacuj aywashun» nir.
 Chaymi wasiman chayar, Jesúspis micupacunanpaj jamacuycuran.
³⁷Jesús micupacuycashanta mayar, marca-pingay warmipis butilla pirjümin aptash chayaran. ³⁸Jesúspa chaquinman jamacuycur, sumaj wagaran. Wiguinpis Jesúspa chaquinta ushmaran. Ajchanwan chaquichipuran. Mucharan. Jananmanpis pirjümita jaycapuriran.
³⁹Jayachij fariseu runana yarparan: «Tayta Diosninchipa willacujnin carga, jucha-sapa warmi cashanta Jesús musyanman. Yatananpitapis witicunman» nir.

⁴⁰Yarpashanta tantiyar, Jesús niran: «Simón, mä, tapucushayqui.» Niptin, Simónpis niran: «¿Imallataraj, Tayta?»

⁴¹Tincuchiypa Jesús niran: «Ishcäj runash juc runapa jagan caran. Jucninshi pichga pachacta (500) jaga-tucuran, jucninnash pichga chuncallata (50). ⁴²Jagan cutichiyta mana camäpacuptinshi, ishcaninta niran: «Jaganchi ushyaräcuchun. Ama cutichimaynachu» nir. Cananga mä, willamay. ¿Maygantaj jillayyuj runata sumaj llaquina?»

⁴³Tapuptin, Simón niran: «Achcata jaga-tucush-cajchi, Tayta.» Jesúsna niran: «Au. Rasullanta rimarcushcanqui.» ⁴⁴Warmita ricärir, niran: «Simón, cay warmita ricacunquiman. Wasiquiman chayamupti, chaquita mayllacunapaj yacuta mana camapämashcanquichu. Cay warmim ichanga wiguinwanraj chaquita chajchurcur ajchanwan pichapämasha. ⁴⁵Chayamupti, mana wamayämashcanquichu. Cay warmim ichanga sumaj wamayämasha. Jamaycushäpita-

pacha chaquitaraj muchasha.
⁴⁶Chayamupti, umäta wirawan mana pajpapämashcanquichu. Cay warmim ichanga pirjümitaraj chaquiman jaycapamasha. ⁴⁷Sumaj tantiyacunquiman. Marca-pingay captinsi, warmipa juchantapis llapanta Tayta Diosninchichi jungasha. Chaymi sumaj llaquipäman. Juchaynaj-tucujcunam ichanga janan shungulla Tayta Diosninchita manchapacun.»

⁴⁸Jinarcu warmita niran: «Llapan juchayquita jungashcä.» ⁴⁹Simónpa wasinchu juturaj runacuna Jesúspa shiminta wiyar, yarpaçhacuran: «¿Piraj cay runa? Jucha aparicushantapis jungacächin» nir. ⁵⁰Jesúsna warmita niran: «Yupachicamashayquipita Tayta Diosninchipa maquinchuna cawaycanqui. Paymi yanapashunqui allilla cawanayquipaj. Cuticuyna.»

Jesústa yanapaj warmicunapita rimashan

8 ¹Marcan-marcän purir chunca ishca ywan caçhancunawan Jesús willapäcuran: «Maquinchu cawananchipaj Tayta Diosninchichi shuyaraycämanchi» nir.
²Allchacächishan warmicunapis Jesústa yanapar puriran. Magdalena Mariäpis purishiran. Paypita jançhis supayta Jesús jargush caran.
³Susanapis, Juanapis, waquin warmicunapis purishiran. Juanaga mandaj Herodespa capuralnin Cuzapa warmin caran. Warmicunaga charashancunawan Jesústa tarichiran.

Murupacujman tincuchiypa willapashan

San Mateo 13.1–9; San Marcos 4.1–9

⁴Juc junajchu chay-tucuy marcapita runacuna jutucaran Jesústa

ricäcunanpaj. Chay-chicajta ricar tincuchiypa willapar, Jesús niran:

⁵«Juc runash murupacuj aywaran. Machiptinshi, waquin muru caminuman éhayasha. Caminuman éhayajta runacuna lluchcar ushyasha. Pichuysacunapis pashacurcusha. ⁶Waquin murunash jarapshu allpaman éhayasha. Jarapshu captinshi juella wiñarsi, chaquicäcusha. ⁷Waquin murunash shata-shataman éhayasha. Shata atayäcurcurshi, muru wiñamujtapis jarwashtärachisha. ⁸Waquin murunash alli allpaman éhayasha. Sumajshi wayusha. Waquin juc murullapitash juc paéhacta (100) wayusha.»

Willapäcuriycur, wiyächipaypa Jesús niran: «Rinriyujmi canqui. Tantiyacunquiman.»

Tincuchiypa willapashanpita tantiyachishan

San Mateo 13.10–17;

San Marcos 4.10–12

⁹Purishijnincuna Jesústa tapuran: «Tincuchiypa willapäcushayquita mä, tantiyachimay» nir. ¹⁰Jesúsna niran: «Mayna tantiyachishcay: <Maquinéchu cawananchipaj Tayta Diosninchí shuyaraycämanchi> nir.* Paypa shungun munashanta sumaj tantiyachishcay. Mana wiyacuj-cunatam ichanga tincuchiyllapa tantiyachí wiyaycarpis, ricaycarpis, mana tantiyacunanpaj.

Murupacujpita tantiyachishan

San Mateo 13.18–23;

San Marcos 4.13–20

¹¹«Tincuchiypa willapashäta sumaj tantiyacuy. Muruga Tayta

Diosninchipa shiminwan tincun.

¹²Caminuna chucru shungu runawan tincun. Chucru shungucuna Tayta Diosninchipa shiminta wiyarpis shungunman mana éhayaptin, mana tantiyacunchu. Chaymi yangalla tantiyacushallantapis supay jungay-cachin Tayta Diosninchipita witicunanpaj. Witicur, Tayta Diosninchita mana wiyacunchu. Maquinéhöpis mana cawanchu. ¹³Jarapshu allpana janan shungu runawan tincun. Paycuna cushi-cushilla Tayta Diosninchipa shiminta chasquicun. Chaypis mana sapichashan-jina janan shungulla. Chaymi Tayta Diosninchita wiyacushan-janan ñacaycuna éhayapuptin, witicurin. Mana íchipunchu. ¹⁴Shata wiñanan allpana tincupacaj runawan tincun. Paycuna Tayta Diosninchipa shiminta wiyan. Wiyarsi, imapäpis alläpa yarpaéhacur, jillayllata ashir, shungun munashallanta ashir, tincupacan. Chaymi Tayta Diosninchipa shiminta wiyash carsi, Tayta Diosninchipa shungun munashanta mana ruranchu. ¹⁵Alli allpana wiyacuj runawan tincun. Paycuna alli shungu cashpan Tayta Diosninchipa shiminta sumaj tantiyacur, manchapacur cawan. Ñacarpis, Tayta Diosninchipita mana witicunchu. Chaymi juc murulla alli wayushan-jina allita rurar cawan.»

Achquiwan tincuchiypa willapashan

San Marcos 4.21–25

¹⁶Jananmanpis Jesús niran: «Achquita ratarcachir, manash pipis manca rurinman, cäma échaquinman

* 8.10 Isaías 6.9–10.

éhuranmanchu. Manchäga patacmanshi éhuran llapanta achicyänapaj. ¹⁷Willapashätapis imayllasi llap-llapanmi tanti-yacunga. Mana pacacangachu. ¹⁸Chaymi sumaj tantiyacunquiman. Wiyacuptin, pitapis Tayta Diosninchin sumaj tantiyachinga. Mana wiyacuj-cunatam ichanga ichicllata tantiya-shallantapis, jungaycachinga.»

**Mamanwan wauguincuna
Jesústa ashishan**

San Mateo 12.46–50;

San Marcos 3.31–35

¹⁹Rimaycaptillan, Jesúspa mamanwan wauguincuna éhayaran. Ichanga achaj runa caycaptin, tincuyta mana camäpacuranchu.

²⁰Chaymi juc runa willaran: «Tayta Jesús, mamayquiwan wauguiquicunash jawaçu shuyarpaycäshunqui. Jamwan tincuytash munaycan» nir. ²¹Jesúsna niran: «Tayta Diosninchipa shiminta wiyacujcunaga pi-maypis mamäwan wauguicunawanmi tincun.»

**Wayranpawan tamyata Jesús
éhawachishan**

San Mateo 8.23–27;

San Marcos 4.35–41

²²Juc junajchu: «Yacu püsuta chimpashun» nir purishijnincunawan-ima Jesús bütiman jigaran. ²³Aywarcaycashanchu Jesús puñucäcuran. Puñucäcushancaman shucucuy wayra ricacamusha. Yacu büchiypa-büchir bütiman yaycuycaran. Wañuy jananchu caycaran. ²⁴Chaura purishijnincuna Jesústa ricchachiran: «Tayta

Jesús, wañuy jananchiýchüna» nir. Jatarcur, yacutawan wayrata Jesús piñacuran. Piñacuptin, shucucuy wayra éhawacäcuran. Yacupis puñucäcuran.

²⁵Purishijnincunatana niran: «¿Imanirtaj mancharinqui? ¿Janan shungullachu Tayta Diosninchiman yupachicunqui?» Purishijnincuna quiquin-pura parlanacäriran: «¿Piraj cay runa? Piñacuriptin, shucucuy wayra éhawacäcun. Yacupis puñucäcun» nir.

**Gerasa quinranchu supay
pucllacushan runata Jesús
allchacächishan**

San Mateo 8.28–34; San Marcos 5.1–20

²⁶Püsuta chimpan, Gerasa quinranman purishijnincunawan Jesús éhayaran. * Chay quinran Galilea marca chimpanchu caran. ²⁷Bütipita llucshiriptin, Gerasa runa Jesústa éhayapuran. Chay runa supaypa maquinchu purir, jalapächalla puricuj. Wasiýchüpis mana juyajchu. Manchäga pantyunllaçu juyäcuj. ²⁸Jesústa ricar ñaupanchu jungurpacuycur, japariran: «Llapanta Camaj Tayta Diosninchipa Wawan Jesús, ¿imanirtaj ashipämanqui? Ama ñacaycachimaychu» nir.

²⁹Jesús jarguptin, supaycuna japarish caran. Pucllacush captin, runa juyuyash caran. Cadinawan maquin-chaquinta wancurcur runa täpaptinpis, ráchirij. Chunyaj pachamanpis supay apacuj.

³⁰Chaura: «¿Imanirtaj ashipämanqui?» niptin, Jesús tapuran: «¿Imataj jutiqui?» nir.

* 8.26 Chay quinranta waquin runa ricsij: «Gerasa» nir; waquinna: «Gadara» nir.

Tapuptin, chay-chicaj supay cashpan: «Batallun jutí» niran. ³¹Jesústa llapan supay mañacuran: «Chacaj pachaman ama jitarpay-camaychu, ari» nir. ³²Chagapa janallanchu chay-chica cuchi pagupacurcaycaran. Chaymi supaycuna Jesústa mañacuran: «Cay runata cacharir, cuchicunatana puella-cushaj» nir. Chaynuy mañacuptin, Jesús auniran. ³³Auniptin runata cachariycur, cuchicunata puellacuran. Cuchicunana jishyayar, chagapita yacuman jigapurcuran. Shugupacaypa llapan wañuran.

³⁴Chaura chayta ricar, cuchi michijcuna juella marcanman jishpicariran. Aywaycur, chacracuna chüpis, marca chüpis imallata ricashantapis llapanta willacuran. ³⁵Runacuna ricacuj aywacullaran. Jesúsman chayar, supaycuna puellacushan runata allchacashta tariran. Müdanashana caycaran. Jesús pa ñaupallanchu jamaraycaran. Chaynuyta ricaycur, juyupa manchariran.

³⁶Ricajcuna chayamuj runacunata willaparan supay puellacushan runata Jesús imanuy pa allchacächishantapis. ³⁷Gerasa marca runacuna manchacur, Jesústa niran: «Tayta, cay marcapita aywacuy, ari.» Niptin bütiman jigarcu, cuticuran.

³⁸Mana llucshiptillan, allchacaj runa Jesústa mañacuran: «Pushacamay, Tayta» nir. Jesúsna ³⁹niran: «Mana camacanchu. Wasiquiman cuticuy, ari. Llapan runata willapanquiman: «Tayta Diosninchí yanapämasha» nir.» Chaura marcanman cutircu, willacuran: «Jesús allchacächimasha» nir.

Jairupa wamrantapis, yawar-apaywan jishyaj warmitapis Jesús allchacächishan

San Mateo 9.18–26;

San Marcos 5.21–43

⁴⁰Chaura püsu chimpanman Jesús chayaptin, shuyaj runacuna sumaj cushicuran. ⁴¹Niycaptillan, Jairo chayaran. Payga shuntacäna wasichu mayur runa caran. Jungurpacuycur, Jesústa mañacuran: «Tayta, wasiman aywashun. ⁴²Japallan warmi wamrä wañucuycan. Chunca ishchaywan watayujllarämi» nir.

Jairuwan aywaycaptin achcaj runa aywar, Jesústapis quichquiparan.

⁴³Chunca ishchaywan watana yawar-apaywan jishyaj warmipis tallucash aywaycaran. Warmiga jampicujcunawan jampicur, imancunatapis ushyapacaran. Pipis mana allchacächiranchu. ⁴⁴Chaymi jipallanpita tariparcu, Jesús pa müdananta yataycuran. Yataycup-tillan, yawar-apaynin chawacacuran.

⁴⁵Chaura Jesús tapucuran: «¿Pitaj yataycamasha?» nir. Niptin, llapan runa niran: «Mana nuwachu. Mana nuwachu.» Pedruna niran: «Achcaj runa quichquipaycäshuptiqui, ¿imanirtaj tapumanqui: ¿Pitaj yataycamasha?» nir?» ⁴⁶Jesúsna niran: «Shuyninpa pipis yataycamasha. Yatamajtaga munayniwanmi allchacächishcä.»

⁴⁷Warmina pacacuyta mana camäpacu, sicsicyaycar Jesús pa ñaupanman jungurpacuycuran. Llapan pa ñaupanchu juyupa jishyashantapis, Jesús pa müdananta yataycur allchacächishantapis willacuran. ⁴⁸Jesúsna niran: «Wawallau wawa, yupachicamashayquipita allchacashcanqui. Mana yarpa chacullarna, wasiquiman cuticuy.»

⁴⁹Jesús rimayta mana ushyap-tillan, Jairupa wasinpita cacha chayamuran. Jairuta niran: «Tayta, wamrayqui wañucäcushana. ¿Imapänataj tayta Jesústa pushan-quipis?» ⁵⁰Nishanta wiyar, Jesús niran: «Tayta Jairo, ama llaqui-cuychu. Nuwaman yupachicaman-quiman. Wamrayqui allchacanga.»

⁵¹Jairupa wasinman chayaptin, aya chutarashanman yaycuchiran wañucuj wamrapa maman-taytanta, Pedruta, Santiaguta, Juanta. Waquin-cunatana mana yaycuchiranchu.

⁵²Wasi puncuachu runacuna wagar-caycaran. Atarcaycaran. Jesúsna niran: «Ama wagaychu. Wamra mana wañushachu. Manchäga puñucashalla caycan.» ⁵³Täpajcuna wamra rasunpa wañushanta musyashpan Jesústa asiparan. ⁵⁴Wañush wamra jipashta maquinpita charircur, Jesús niran: «Wamra, ricchay.» ⁵⁵Chaura alman cutiptin, cawaricurcuran. Cawaricur-cuptin, niran: «Jaray.» ⁵⁶Wamrapa maman-taytan juyupa manchariran. Jesúsna niran: «Wamrayquita cawarachishäta pitapis ama willapan-quichu.»

Chunca ishchaywan cachancunata Jesús cachacushan

San Mateo 10.5–15; San Marcos 6.7–13

9 ¹Chunca ishchaywan cachancunata shuntaycur carginman churaycur, Jesús niran: «Nuwapita munayniyuj caycanqui supaycunata jargunayquipäpis, jishyachucunata allchacächinayquipäpis.» ²Nircur cacharan Tayta Diosninchipa shiminta willapäcunanpaj, jishyachucunata

allchacächinanpaj. Cachar niran: «Willapäcur ninqui: «Maquinchu purichimänanchipaj Tayta Diosninchi shuyaraycämanchi» nir. ³Purir, imatapis ama apanquichu. Ama apanquichu: garutiquitasi, jipiquitasi, mircapayquitasi, jillayniquitasi, rucanayquitasi. ⁴Juc wasiman pachacur, jucläpa aywacushayquicaman jinallanchu pacharäcunqui. ⁵Chayashayqui marcachu mana chasquishuptiqui, chaquiquita pichacurir aywacunqui: «Mana chasquicamashayquipita ñacayman chayan-quipaj» nir.»*

⁶Chaymi marcan-marcan purir cachancuna Tayta Diosninchipa shiminta willapäcärriran. Jishyachucunatapis allchacaycächiran.

Ushyachicuj Juanta wañuchishan

San Mateo 14.1–12; San Marcos 6.14–29

⁷Chay wichan Galilea marcacunata mandaj Herodespis Jesús ima-imata rurashantapis mayaran. Ichanga tantiyayta mana atiparanchu. Jesús pï cashanta mana musyar, runacuna wichaypa-uraypa rimar niycaran: «Ushyachicuj Juanchi wañushanpita cawarimusha.» ⁸Waqinshi nircaycaran: «Willacuj Elíaschi.» Waquinnash niycaran: «Unay willacujcunaichi maygan carsi, cawarimusha.» ⁹«Ushyachicuj Juanchi cawarimusha» niptin, mandaj Herodes niran: «Ushyachicuj Juanpa umanta quiqui ruguchish caycapti, ¿piraj chay Jesús? Chay runata ricsicüman» nir Jesúswan tincuyta sumaj munaran.

*9.5 San Mateo 10.14 tantiyachicushanta ricay.

**Pichga waranga runata Jesús
jarashan**

San Mateo 14.13–21;

San Marcos 6.30–44; San Juan 6.1–14

¹⁰Caçhancuna willapäcur purishanpita Jesúsman cutiran. Imata rurashancunatapis willaran. Jesúsna paycunata pushacurcur, Betsaida marcaman aywacuran: «Yata juyapärishun» nir. ¹¹Shuyninpa aywacuptinsi aywashanta musyar, chay-chicaj runa Jesústa tariparan. Jesúsna tucuy-jinanpa tantiyachiran Tayta Diosninchipa maquinchu cawananpaj. Jishyaçhucunatapis allchacächiran.

¹²Pacha chacanaycaptin, purishijnincuna Jesústa niran: «Chunyaj pachaçu carcaycanchi. Runacuna marcacunaman micuy ashij aywacuchun. Pachacunanpäpis ashimunman.» ¹³Chaynuy niptin, Jesús niran: «Jamcuna jaran-quiman.» Paycunana niran: «Pichga tantallatawan ishca y piscädullata charaycä. Chay-chicaj runata jarananchipaj, ¿tanta rantimuj aywanätarächu munanqui?»

¹⁴Runacuna pichga waranga-ima (5,000) juturpaycaran. Chaypis purishijnincunata Jesús niran: «Llapan runata pichga çhunca-caman (50) jamachiy.»

¹⁵Jesús pa shiminta wiyacur, llapanta jamachiran. ¹⁶Jesúsna pichga tantatawan ishca y piscäduta aptarcur, mañacuran: «Taytallau Tayta, ima allish tarichillämashcanqui» nir. Nircur tantacunata paquircur-paquircur, piscäduta raçhircur-raçhircur, purishijnincunata macyaran llapanta

jarananpaj. ¹⁷Runacuna puchupacu-shancaman micuran. Micucurcuptin, puchupacushanta çhunca ishca ywan (12) canista juntataraj shuntaran.

**Jesús Washäcuj cashanta Pedro
rimaricushan**

San Mateo 16.13–19;

San Marcos 8. 27–29

¹⁸Juc junajçu Jesús quiquillan Tayta Diosninchita mañacuycaran. Niycashançu purishijnincunata tapuran: «Runacunapaj, ¿pitaj cä?» nir. ¹⁹Paycuna niran: «Waquin runash nin: «Ushyachicuj Juan.» Waquinnash nin: «Elías.» Waquinnash nin: «Pi carpis, Tayta Diosninchipa unay willacujnin canga. Cawarircamurçi puriycan.»» ²⁰Chaura quiquincunata Jesús tapuran: «Jamcunapäga, ¿pitaj cä?» nir. Pedruna niran: «Washäcujmi canqui. Tayta Diosninchi caçhamush-cashunqui.» ²¹Chaura Jesús sumaj piñaparan: «Tayta Diosninchi caçhamashan Washäcuj cashäta pitapis ama willapanquichu» nir.

**Wañuyma çhayananta Jesús
musyachicushan**

San Mateo 16.20–28;

San Marcos 8.30–9.1

²²Purishijnincunata Jesús niran: «Tayta Diosninchi caçhamasha. Chaypis sumajraj ñacashaj. Mayur runacunapis, mayur cüracunapis, Moisés pa shiminta yaçhacunapis wasguimanga. Wañuchimanga. Chaypis quimsa junajta Tayta Diosninchi cawarachimanga.»

²³Jinarcur llapan runata Jesús niran: «Pipis purishimayta munar, quiquinpa shungun munashanta ama ruranmanchu. Manchäga

nuwa-janan ñacachiptinsi, ruséchu wañuchiptinsi, waran-waran shimita wiyacuchun. ²⁴Ñacaytapis, wañuytapis manchacur maquiéchu puriyta mana munar, ushyacayman éhayangapaj. Maquiéchu purir llapanninta jaguijcunam ichanga imaycamanpis Tayta Diosninchipa maquinéchu cawanga. ²⁵Sumaj ricuyayta tarirpis ushyapacayman éhayaptin, ricu cayninga, ¿imapäraj alli? Llapan imancunapis ushyacanga. Quiquinpis ñacayman éhayanga.»

²⁶«Tayta Diosninchi caéhamasha. Pipis shimita mana wiyacushpan wasguimaptin, nuwapis janaj pachapita achic-achicyaycar cutimur, wasguishaj. Cutimupti, Tayta Diosninchipa anjilnincunapis achic-achicyaycar yanagämanga. ²⁷Sumaj tantiyacunquiman. Tayta Diosninchi llapan runata maquinéchu purichinga. Chaynuy cananta waquinniqui manaraj wañullar ricanquipaj.»

Juc-nirajman Jesús ticracurishan

San Mateo 17.1–8; San Marcos 9.2–8

²⁸Chaypita pusaj junajta-ima Tayta Diosninchita mañacuj Jesús aywaran. Pedruta, Santiaguta, Juanta pushacurcur, puntaman jigarán. ²⁹Tayta Diosninchita mañacuycaptin, Jesús pa jajllanpis, müdananpis achic-achicyaj yurajman ticracuriran. ^{30–31}Unay willacuj Moiséswan Elías pis ricaripuran. Paycunapis achic-achicyaycaran. Jesús wan parlaycaran. Cay pachapita aywacur Jerusalén marcaéchu imaman échayanantapis Jesús ta willaparan.

³²Niycashanéchu Pedro, Santiago-ima, Juan-ima puñucäcuran. Ricchapacurirmi ichanga, achic-achicyaycajta Jesús tapis, ishcaj runacunatapis ricaran. ³³Moisés wan Elías aywacuyta jallaycuptin, mana yarpaéhcacullar Pedro rimariran: «Tayta Jesús, cayéhcuga alli juyäcuymi. Quimsa tacmata rurarishaj: jucta jampaj, jucta Moisés paj, jucta Elías paj.»

³⁴Pedro rimaycaptillan, quimsanta pucutay chapacurcuran. Jesús pa purishijnincuna juyupa manchariran. ³⁵Pucutay rurinpita Tayta Diosninchi nimuran: «Jesús ga Wawämi. Payllata acracushcä. Shiminta wiyacuy.»

³⁶Rimashan éhawacäcuptin, quiquillantana Jesús ta ricaran. Chay wichan quimsaj purishijcuna imata ricashantapis mana willacuranchu.

Supay puellacush wamrata Jesús allchacächishan

San Mateo 17.14–21;

San Marcos 9.14–29

³⁷Warannin junaj puntapita yarpamuptin, achcaj runa Jesús ta taripaj aywaran. ³⁸Runa échaupinpita juc runa jayacuran: «Tayta Jesús, yanapaycallamay. Wawämi ñacaycan. Chaylla wamräpis. ³⁹Charir, supay japarächin. Tapsir ushyan. Pushgayta ajtuchin. Sajtar ushyan. Mana caécharincho. ⁴⁰Supayta jargunanpaj waquin purishijniquicunata mañacurä. Ichanga mana camäpacuranchu» nir. ⁴¹Chaynuy mañacuptin, Jesús niran: «Jamcuna Tayta Diosninchiman mana yupachicunquichu. Juchallaéhcüpis aruyanqui. ¿Imaycamanraj tantiyachishayqui? Mana

yupachicamaptiqui, yamacashcă.»
Nircur wamrapa papäninta niran:
«Wamrayquita mä, apamuy» nir.

⁴²Wamranta éhayaycăchiptin,
supay pampaman sajtariran. Tapsir
ushyariran. Chaymi supayta Jesús
piñacuran. Piñacuriptin, supay
aywacuran. Chaura wamrana
allchacăcuran. Allchacashtana
papäninwan tincuchiran. ⁴³Tayta
Diosninchi allchacăchishanta ricar,
llapan runa mancharisha: «¿Imatataj
ricanchi? Tayta Diosninchi munay-
niyuj, ¿au?» nir.

**Wañuyman éhayananta yapay
Jesús musyachicushan**

San Mateo 17.22–23;

San Marcos 9.30–32

Runacuna mancharish caycaptin,
purishijnincunallata Jesús niran:
⁴⁴«Rimashäta sumaj wiyacunqui.
Ama junganquichu. Tayta
Diosninchi cáchamasha. Chaypis
juc runa charimar, juyu runacunapa
maquinman éhayachimanga.»

⁴⁵Purishijnincunam ichanga mana
tantiyaranchu. Tayta Diosninchi
mana camacăchiptin, tantiyacuyta
mana camăpacuranchu. Tapucuy-
tapis manchacuran.

**Alli ricash cayta ashijcunapita
tantiyachishan**

San Mateo 18.1–5; San Marcos 9.33–37

⁴⁶Juc junaj Jesúsapa
purishijnincuna mayur runa cayta
ashir, piñanacuran. ⁴⁷Shungun
munashanta tantiyar, juc wamrata
Jesús jayaran. Lădullanman

íchiycachir, ⁴⁸niran: «Pipis
yupachicamashan-janan wamra-
cunata alli ricar, nuwatapis alli
ricaman. Alli ricamarga, cáchamaj
Tayta Diosninchitapis alli rican.
Chaymi sumaj tantiyacunquiman.
Pampaman éhurash runacunata
alli ricarraj, mayur runa cayman
éhayanquipaj.»

**Tincupăcujwan yanapăcujpita
rimashan**

San Marcos 9.38–40

⁴⁹Juan Jesústa niran: «Tayta,
nimashayquinuylla supayta jarguy-
cajta ricapăcushcă. Chaypis mana
purishimaptinchi, mićhapăcushcă.»
⁵⁰Jesúsna niran: «Ama mićhanqui-
manchu. Mana chiquimashpanchi
yanapaycămanchi.»

**Santiagutawan Juanta
Jesús piñacushan**

⁵¹Tayta Diosninchi janaj
pachaman shuntananpaj wallcana
pishiptyin, Jerusalén marcaman
aywananpaj Jesús camaricuran.
⁵²Ñaupanta cáchacuran: «Pacha-
cunanchipaj Samaria quinranču
camaricunqui» nir. ⁵³Jerusalén
marcaman aywaycashanta
musyarmi ichanga Samaria
runacuna pachăchiyta mana
munaranchu. ⁵⁴Chaura purishijnin
Santiagowan Juan niran: «Tayta
Jesús, Samaria runacunata nina
tamyawan ushyarachishun, ¿au?»*
⁵⁵«Ushyarachishun, ¿au?» tapuptin,
Jesús piñacuran.* ⁵⁶Chaypita juclă
marcapa aywacăriran.

*9.54 Waquin Bibliăchu 2 Reyes 1.9-ta yarpărir nin: «Elías unay rurashan-jina.»

*9.55–56 Waquin Bibliăchu yapar nin: «Tayta Diosninchi yarpashanta mana tantiyanquichu.
Tayta Diosninchi cáchamaptin, mana runacunata illarachinăpăchu shamushcă; manchăga
runacunata jishpichinallăpaj» nir.

Jesúsuan puriyta munajcuna*San Mateo 8.19-22*

⁵⁷Aywacurcaycaptin, juc runa Jesústa niran: «Tayta, aywashay-quipa aywayta munä. Maypapis purimushun.» ⁵⁸Jesúsna niran: «Atujcunapis mañayninchu tiyan. Pichuysacunapis jishuyuj. Nuwapam ichanga Tayta Diosninchipa cáchan captisi, mayman échanäpäpapis wasi mana canchu.»

⁵⁹Juc runatapis Jesús niran: «Purishimay.» Chaura mana munaranchu: «Tayta, papänitaraj ricashaj. Wañucuptin, pampaycurraj purishishayqui» nir. ⁶⁰Jesúsna niran: «Papäniqui chapata ama rurashun-quimanchu. Juclla purishimay. Wañushta wañush-masincuna pampachun. Tayta Diosninchipa shiminta willacuj aywashun. Payga shuyaraycämanchi maquinchu purichimänanchipaj.»

⁶¹Juc runana Jesústa niran: «Tayta, nuwapis aywäshishayqui. Ima captinpis, ichicllata shuyaycallamay. Mamä taytätaraj willaycamushaj.» ⁶²Jesúsna niran: «Yapyajcuna jipaman ticrärir, wicsu-wicsu yapyan. Tayta Diosninchipa shiminta llapan shunguyquiwan wiyacunquiman; ama janan shungu-llaga.»

**Janéhis éhunca ishchaywan
purishijnincunata
Jesús cáchacushan**

10 ¹Chaypita janéhis éhunca ishchaywan (72) purishijnincunata acracuran cáchacunanpaj. Ishcaycaman-ishcaycaman cácharan: «Échanä marcacunanaman ñaupay» nir. Nircur tincuchiya niran:

²«Micuy puguraycaj-yupay chay-chicaj runa Tayta Diosninchipa shiminta wiyaj-wiyajlla shuyar-paycan. Shiminta willacujcunam ichanga wallcajlla. Chaymi willacujcuna juclla yapacämunanpaj Tayta Diosninchita mañacäriy. Shiminta éhasquicujcunata shuntamunan carcaycan. ³Ichanga sumaj tantiyacäriy. Shimita willacup-tiqui, runacuna chiquishunquipaj. Uyshata liyun rurinman jaycurij-yupay cáhaycaj. Aywayna.

⁴Shimita willapäcuj aywar, jillay-niquitapis, jipiquitapis, rucanayqui llanguiquitapis ama apanquichu. Piwanpis caminucho tincur, ama mayaräcunquichu.

⁵«Juc wasiman échayar: «¿Jauca-llachu? Allilla juyaycullay» nir wamayanqui. ⁶Allilla cawayta munar éhasquishuptiqui, Tayta Diosninchipis yanapanga allilla cawanapaj; mana éhasqui-shuptiquim ichanga, mana. ⁷Pachächishuptiqui, chay wasillachu pachacunqui. Wasin-wasin ama purinquichu. Jarashuptiqui, llapanta éhasquicunqui. Shimita willacuj-cunaga micush-upush cawanan camacan.

⁸«May marcachüpis jarashuptiqui, éhasquicunqui. ⁹Jishyaçhucunatapis allchacächinqui. Willapanqui: «Tayta Diosninchi shuyaraycämanchi. Maquinchüna purichimäshun» nir.»

¹⁰«Juc marcachu mana éhasqui-shuptiquim ichanga, llapanta ninqui: ¹¹«Tayta Diosninchi shuyaraycämanchi. Maquinchüna purichimäshun. Juncunam ichanga wasguishcanqui. Chaymi ñacayman échanquipaj. Juncunata mana ricanäpaj échaquitapis pichacurir

aywacü. Shimïta ama jungan-quichu.» ¹²Sumaj tantiyacunquiman. Cay pacha ushyacaptin Sodoma runacunata ñacachirpis, Tayta Diosninchí llaquipangaraj. Payta wasguipajcunatam ichanga mana llaquipállar ñacachinga. ¹³Corozaín runacuna, Betsaida runacuna, Israel runa captiquisi, juyupa Tayta Diosninchí ñacachishunquipaj. Pay camacächinyinpa shiminta willapaycaptisi, jishyaçhucunata allchacaycächiptisi, chay-chicaj runata jaraycaptisi, supaycunata jarguycaptisi, maquinchu cawayta mana munashcanquichu. Jäpa Tiro marca runacunawan jäpa Sidón marca runacunam ichanga jishyaçhucunata allchacächishäta ricar, supaycunata jargushäta ricar, mayna Tayta Diosninchipa shiminta çhasquicur juchanpita wanacunman caran. Wanacushan musyacänanpaj llaquicuywan mayna waganman caran. Umanman uçhpata piçhucunman caran. Jaçhga müdananta ushtucunman caran.

¹⁴Chaymi Tiro runacunatawan Sidón runacunata Tayta Diosninchí yangallaraj ñacachingapaj. Jamcunatam ichanga ricaycarsi mana wanacushayquipita cay pacha ushyacashan junaj juyupa ñacachishunquipaj.

¹⁵Cafarnaún runacuna: «Janaj pachaman aywashaj» niptiquisi, yarpashayqui mana camacangachu. Chacaj pachaman Tayta Diosninchí jargushunquipaj.»

¹⁶Jinarcu caçhancunata niran: «Shimiquita wiyacujcuna nuwatapis, Tayta Diosninchitapis wiyacun.

Shimiquita mana wiyacujcunam ichanga nuwatapis, caçhamaj Tayta Diosninchitapis wasguiycan.»

Caçhacushancuna cutishanpita willacushan

¹⁷Juc junajchu jançhis çhunca ishçaywan (72) caçhacuna cushish cutiran. Jesúsuan tincur, niran: «Tayta, shimiquita wiyacur jargupti, supaycunapis änir, aywacun.»

¹⁸Jesúsna niran: «Jarguptiqui, supaycunapa mandajninta janaj pachapita shicwamushanta ricashcä. Räyu-jina pampaman shicwamusha.

¹⁹Jamcunata munayniyuj canayquipaj çhurashcäj. Chaymi supaycunapis mana içhipushunquipächu. Wañuchicuj curucunatapis, alacran-cunatapis lluchcar ushyarinquipaj.*

²⁰Chaypis supayta jargushayquipita alläpa ama cushicärinqui-manchu. Cushicurga, Tayta Diosninchipa wawan cashayquipita cushicunquiman. Janaj pachaçu acta librunçhüpis jutiquicuna isquirbiraycanna.»

Tayta Diosninchíwan Wawan Jesúslla ricsinacushan

San Mateo 11.25–27; 13.16–17

²¹Niycaptillan Espíritu Santu shacyächiptin, Jesúsapa shungun achicyacäcusha. Chaymi niran: «Papállau Papä, jatunpa cushicü. Alli shungu runacunata wamra-jina wiyacuj captin, yarpashayquita musyachishcanqui. Yaçhaj-tucujcunatam ichanga shunguyqui yarpashanta mana musyachishcanquichu. Cay pachapis, janaj pachapis maquiquichu

* **10.19** Wañuchicuj curupaj, alacranpaj rimar, waquin runa supaywan tincuchishanta tantian.



San Lucas 10.25–37

caycan. Shunguyqui munashanta llapanta camacächishcanqui, Papä.»

²² Jinarcu llapan runata niran:

«Papäni llap-llapanta maquiman çurasha. Wawan cashäta Papäni musyan. Wawan carmi, Papäni pi cashantapis musyä. Yanapaptiraj, pipis Papänipa shungunta musyapanga.»

²³ Chaypita purishijnincunallata niran: «Cushicärinquiman. Llapan rurashäta ricanayquipaj Tayta Diosninchi yanapaycäshunqui.

²⁴ Sumaj tantiyacunuquiman. Unay willacujcunapis, mandajcunapis ricamayta munaran. Ima-imata rurashätapis ricayta munaran. Shimitäpis wiyayta munaran. Ichanga mana camäpacuranchu.»

Samaria runa llaquipäcu cashanpita rimashan

²⁵ Moiséspa shiminta yaçhaj runa achäquita ashipällar, Jesústa tapucuran: «Tayta, çimatataj ruräman Tayta Diosninchipa maquinchu imayca-manpis cawanäpaj?» nir. ²⁶ Jesúsna niran: «Moiséspa shiminta musyanqui, ¿au? ¿Imanintaj liguishayqui?»

²⁷ Chaura niran: «Moisés isquir-bishanchu nin: «Llapan shunguyquiwan Tayta Diosninchita manchapacäriy.* Quiquiqui alli ricacushayqui-jina runa-masiquitapis alli ricanquiman.»»

²⁸ Jesúsna niran: «Rasullanta rimash-canqui. Rimashayquita çharcur, Tayta Diosninchipa maquinchu imayca-

* 10.27 Deuteronomio 6.5. Levítico 19.18.

manpis cawanquipaj.» ²⁹Chaypis alli llucshiyta munar, ya'chaj runa Jesústa tapuran: «¿Pitaj runa-masi?» nir.

³⁰Chaura tincuchiypa willapar, Jesús niran: «Juc junajshi Israel runa Jerusalén marcapita Jericó marcaman aywaycaran. Asaltanticunash shuyaycur, llapan imancunatapis ji'churan. Müdanantapis ji'churan. Wañunashancamanshi magaran. Chutaraycajtash jaguiycuran.

³¹«Mayllanta mana yarpashpita cürapis aywaycaran. Runa chutaraycajta ricar carunijpa tumarcurshi, aywacuran. ³²Cüra yanapaj runapis chay quinranpa aywaycaran. Runa chutaraycajta ricar carunijpa tumarcurshi, aywacuran.

³³«Samaria runapis chay quinranpa aywaycaran. Runa chutaraycajta ricarshi ichanga, sumaj llaquipasha. ³⁴Jucllash charipacusha. Jirincunatapis jampircurshi watapasha. * Bürunman jigarachirshi, wasiman apasha. Sumaj ricasha. ³⁵Waranin tuta wasiyujta

nisha: «Cay runata ricapaycallamay. Catay jillay. Pishiptin-imaptin, jillay-niquita éhurapamanqui. Cutimur, cutichilläshayqui.» Jinarcurshi Samaria runa aywacusha.»

³⁶Willapayta ushyarcur, ya'chaj runata Jesús tapuran: «¿Maygantaj runa-masinta llaquipasha? ¿Cürachu? ¿Cüra yanapajchu? ¿Samaria runachu?» nir. ³⁷Moiséspa shiminta ya'chajna niran: «Llaquipar yanapaj-cajmi.» Jesúsna niran: «Cananpita llaquipäcuj runa-jina jampis runa-masiquita llaquipanquiman.»

Martapawan Mariápa wasinman Jesús éhayashan

³⁸Jerusalén marcapa aywaycashan'chu juc marcaman purishijnincuna-ima Jesús éhayaran. Martapa wasinman éhayaptin, pachächiran. ³⁹Martapa ñañan caran Mariá. Jesús willapäcuptin, jamacuycur Mariá sumaj wiyacuran. ⁴⁰Martam ichanga wasi rurayninwan



San Lucas 10.38-42

* **10.34** Unay Israel runacuna ulibus wirawan, binuwan jampicuj.

tincuypa-tincuycaran. Chaymi Jesústa niran: «Tayta, ñañäta piñacamuy. Yanapamächun. Quiquilläta ima ruraytapis jaguiparamasha.»

⁴¹Jesúsna niran: «Martallau Marta, ¿imanirtaj warminqui? Wasi rurayniquicunallawan tincuypa-tincuycanqui. Allipaj willapashäta mana wiyayta munanquichu. ⁴²Maríam ichanga sumaj wiyacuyan. Wiyacushanta shungunpita pipis mana jíchungapä chu.»

Tayta Diosninchita mañacuyпита tantiyachishan

San Mateo 6.9–15; 7.7–11

11 ¹Juc junaj Tayta Diosninchita Jesús mañacuyaran. Mañacuyta ushyaruptin, juc purishijnin niran: «Tayta Jesús, Tayta Diosninchita mañacunäpaj yačhachimay, ari. Ushyachicuj Juan purishijnincunata yačhachishannuylla yačhachimay.» ²Jesúsna niran: «Tayta Diosninchita mañacur ninqi:

«Papäninchi,
Llapanpis
manchapacuculläshunqui.
Maquiquichu
cawaycachillämay.

³Waran-waran cawanäpäpis tariy-
cachillämay, ari.

⁴Juchäcunatapis ama
yarparaynachu.

Manchäga chiquimajcunata
alli ricashäpita alli
ricaycallämay.

Juchaman échanätapis ama
camacaycachillaychu.»

⁵Jananmanpis Jesús niran:
«Pullan-pagasshi ricsinacushay-
quita jayacunquiman: «Tayta,

quimsa tantallata mañacushayqui.

⁶Ricsinacushä runa yargaycar
éhayamusha. Jaranäpaj mana imäpis
canchu» nir. ⁷Jayacuptiquish, nishun-
quiman: «Ama rimapämaychu.
Puncü wíchgáraycan. Wamräcunapis
puñuyan. Mana jatarimümanchu.»

⁸Chaypis yaparir-yaparir
jayacuptinshi, jatarimunman.
Mañacushantash tarichinman.
Jatarimunga manash ricsinacushay-
quipitachu, manchäga: «Runacuna
pampaman éhuramanga» nishpan.

⁹«Chay-jina mañacuptiqui, Tayta
Diosninchita jushunquipaj. Aship-
tiqui, tarichishunquipaj. Puncupita
jayacuptiqui, quíchapushunquipaj.
¹⁰Mañacujcuna échasquin. Ashijcu-
napis tarin. Puncupita jayacujcuna-
tapis quíchapun.»

¹¹«Wamrayqui yarganar piscäduta
mañacushuptiqui, ¿wañuchicuj
curuta jaranquimanchuraj?

¹²Runtuta mañacushuptiqui,
¿alacranta jaranquimanchuraj?

¹³Jamcuna jucha-sapa carcaycarsi,
wamrayquicunata allita jaranqui.
Tayta Diosninchipis llaquipäcuj.
Mañacuptiqui, janaj pachaču
caycashpan alli-allillata tarichi-
shunquipaj. Espíritu Santupa
maquinchüpis purichishunquipaj.»

Jesústa pampaman éhurashan

San Mateo 12.22–30;

San Marcos 3.20–27

¹⁴Juc cuti upayächicuj supayta
Jesús jarguran. Jarguriptin,
upa runa rimariran. Upa runa
rimariptin, llapan runa mancha-
riran. ¹⁵Waquin runam ichanga
Jesústa pampaman échurar, niran:
«Supaycunapa mandajnin Beelze-
bulta jayararshi, supaycunata

jarguycan. Mana Tayta Diosninchi-tachu jayaraycan.»*

¹⁶Waquin runana achäquita ashipashpan Jesústa niran: «Tayta Diosninchi camacächiyinpa mä, imallatapis ruray.»

¹⁷Supay yanapashanta yarpaptin, tincuchiypa Jesús niran: «May marcaçhüshi quiquin-pura ticrapanacur, wacpa-caypa aywacärin. May wasiçhüpis majanwan ticrapanacur, raquicaymanshi éhayan. ¹⁸Chaymi mayur supaypis supay-masinwan ticrapanacur, ima ruraytapis mana camäpacunmanchu, ¿au? Chaynuy captin, ¿imanirtaj Beelzebulta jayarar supaycunata jargushäta yarpanqui? ¹⁹Mä, tapushayqui. Waquinniqui supayta jargur, ¿pita jayarartaj jarguycanqui? ¿Tayta Diosninchitachu, supaytachu jayaraycanqui? «Tayta Diosninchita» nimaptiqui, tumparcaycämashayquita tantiyacushaj.»

²⁰«Sumaj tantiyacunquiman. Tayta Diosninchi camacächiyinpa supaycunata jargur, Tayta Diosninchi munayniyuj cashanta musyachicucä. Chayta ricar, tantiyacunquiman maquincháuna Tayta Diosninchi runacunata puriyächishantapis. ²¹Tincuchiypa willapäshayqui. Callpayuj runa garutinwan wasinta täpaptin, pipis manash yacunchu. ²²Sumaj-sumaj callpayuj runa ricarimurshi ichanga garutintapis jíchurir, wicaparinga. Maquinpita imantapis jíchurirshi, jucninta-jucninta raquiparinga. Nuwapis sumaj callpayuj runa-jina supaycunata jargucä.»

²³«Tayta Diosninchi caçhamashanta mana çhasquicuyta munar, chiquircaycämanqui. Tayta Diosninchipa maquinman runacunata shuntayta mana yanapämar, chapata rurarcaycämanqui.»

Runaman supay cutishanpita willapashan

San Mateo 12.43–45

²⁴«Supay imata rurashantapis tantiyacunquiman. Runapita jargush car, chunyajçhüshi purin. Jamaytapis manash tarinchu. Mayçhüpis jamayta mana tarir, yarpaçhacun: «Chay runaman cuticushaj» nirshi. ²⁵Cutirshi, chay runata pichapacush wasita-jina, jäcuycaj wasita-jina tarin. ²⁶Chayshi jançhis mas juyu supay-masincunata pushacurur, runachu tiyananpaj cutin. Supaycuna cutiptin, juyu cashanpita masnash runa juyuyacäcun.»

²⁷Jesús rimaycaptillan, llapanpa çhaupinpita juc warmi jayacuran: «Tayta Jesús, mamayqui imaraj cushicun. Ima allish jishpichishcashunqui.» ²⁸Jesúsna niran: «Llapan wiyacujcuna cushish cawan. Shiminta wiyacuptin, pitapis Tayta Diosninchi yanapan.»

Jesústa ashipashan

San Mateo 12.38–42; San Marcos 8.12

²⁹Chay-chicaj runa shiminta wiyananpaj jutucaptin, Jesús niran: «Juyu runa carcaycanqui. Tayta Diosninchi camacächiyinpa imallatapis ruranäta munarcaycanqui. Tantiyayta munar, unay

* **11.15** Supaypa mandajninta achca jutiwan ricsir nin: «Beelzebül, Satanás, Lúçifer, Diablo.» «Satanás» nir: «chiqui» niycan.

willacuj Jonás³⁰pa willapanta yarparanquiman. ³⁰Chaypis unay willacuj Jonás imamanpis éhayashallanta ricanquipaj. Paytaga Tayta Diosninchí cacharan Nínive marca runacunata willapaj. Jonásta cačhashan-jina nuwatapis cačhamasha canan wichan runacunata willapänäpaj. Tantiyacuyta munar, ricamanquipaj. ³¹Sumaj tantiyacunquiman. Cay pacha ushyacaptin, llapan runata jucha aparicushanpita Tayta Diosninchí ñauquiptin, Saba marca mandaj warmipis cawarimunga. Paymi ñauquishunquipaj: «Mandaj Salomónpa shiminta wiyar, Tayta Diosninchí llaquipäcuj cashanta tantiyacushcä. Jamcunam ichanga mana tantiyacärishcanquichu» nir. Chay warmi carupita-pacha shamuran mandaj Salomón rimashanta wiyananpaj. Wiyar, Tayta Diosninchípa shiminta chasquicuran. Mandaj Salomón yačhaj carsi, nuwaman mana tincushachu. Chaypis shimäta wiyacuyta mana munanquichu. ³²Cay pacha ushyacaptin, Nínive marca runacunapis cawarimunga. Paycuna ñauquishunquipaj: «Tayta Diosninchípa shiminta mana wiyacushcanquichu» nir. Nínive runacuna Jonás willapäcuptin, wanacäriran. Jonás Tayta Diosninchípa willacujnin carsi, nuwaman mana tincunchu. Chaypis shimäta wiyacuyta mana munanquichu.»

Achquiman Jesús³³pa shimin tincuchishan

San Mateo 5.15; 6.22–23

³³«Achquita ratarcachir, pipis manash pacaycunmanchu.

Manchäga patacmanshi éhuran llapanta achquipänanpaj.»

³⁴«Achquiga shimíwan tincun. Ñawinchiwan llapantapis ricanchi. Ñawinchi achquita ricaptin, shungunchipis achicyacäcun. Shunguyquiman shimí éhayaptin, Tayta Diosninchípa shungun munashanta tantiyacunquipaj. Shunguyquiman mana éhayaptinmi ichanga, jucha aruyllaču cawanquipaj. ³⁵Chaymi Tayta Diosninchípa shungun munashanta sumaj tantiyacunquiman. Ama upa-tucunquimancho. ³⁶Tayta Diosninchípa shiminta llapan shunguyquiwan wiyacur, manchapacur cawanquiman. Tayta Diosninchípa maquinču cawashayquita llapan runa musyanga. Achäquitapis mana taringachu pampaman éhurashunayquipaj.»

Fariseucunatawan Moisés³⁷pa shiminta yačhajcunata Jesús piñapashan

San Mateo 23.1–36;

San Marcos 12.38–40;

San Lucas 20.45–47

³⁷Rimayta ushyarcuptin, juc fariseu runa Jesús³⁸ta wasinman pusharan: «Micupacushun» nir. Wasiman éhayar, maquina mana awicullar micunanpaj Jesús jamacuycuran. ³⁸Maquina mana awicuptin, fariseu runa jamurparan: «Tayta Diosninchíta mana manchapacur, yačhacashanchitapis mana éharcunchu» nir.

³⁹Jesúsna niran: «Tayta, fariseu-masiquicunawan janallan awish mati-niraj carcaycanqui. Runa ricanallanpaj alli-tucunqui. Mallaj cashayquita shunguyqui

musyaraycan. Jucha rurayllapaj wañunqui. ⁴⁰Upa-rinri canqui. Tayta Diosninchí mana janallanchitachu camasha. Manchäga shungunchitapis camasha. ⁴¹Tayta Diosninchí alli ricashunayquipaj wacchacunaraj llapan shunguyquiwan yanapanquiman.»

⁴²«Fariseucuna, llaquicärinquiman. Juyupa ñacanquipaj. Alli ricash cayta munar, llapan imayquicunapitapis Tayta Diosninchipaj raquinqi. * Irbabuynatasi, rüdatasi, caldu jaçhatasi raquinqi. Chaypis runamasiquita mana llaquipanquichu. Tayta Diosninchitapis mana manchapacunquichu. Paypa-cajta raquir, allita ruraycanqui. Ichanga llapan shunguyquiwanpis manchapacunquiman. Runa-masiquitapis alli ricanquiman.»

⁴³«Fariseucuna, llaquicärinquiman. Juyupa ñacanquipaj. Shuntacäna wasiman çayar, ñaupä-ñaupallaçu jamayta ashinqi. Läsacunaçhüpis llapan runa manchapacushunayquita munanqui.»

⁴⁴«Fariseucuna, llaquicärinquiman. Juyupa ñacanquipaj. Waquin runacuna shunguyqui ima-niraj cashantapis mana musyar: «Alli runa» nishunqui. Chaypis mïchu-jina carcaycanqui. Jananga alli. Rurinçhüna aya ismuycan.»

⁴⁵Jesús piñacuptin, Moiséspa shiminta yaçhaj runa jataricurcuran: «Tayta, fariseu-masïcunata piñacur, nuwacunatapis ashlliycamanqui» nir.

⁴⁶Jesúsna niran: «Moiséspa shiminta yaçhacuna, llaquicärinquiman. Juyupa ñacanquipaj. Runacunata tucuy-tucuyta yaçhachinqi. Çarcunan sasa-cajcunatapis yaçhachinqi. Quiquiquicunam ichanga juc maquillasi mana yanapanquichu.»

⁴⁷«Moiséspa shiminta yaçhacuna, llaquicärinquiman. Juyupa ñacanquipaj. Unay auquilluyquicuna Tayta Diosninchipa willacujnincunapa shiminta mana wiyacur, wañuycachiran. Jamcunana unay willacujcunapa mïchunta pichar-caycanqui. Ichanga shiminta mana wiyacärinquichu. ⁴⁸Mïchunta pichar: «Auquillücuna willacujcunata wañuchir, allita rurasha» nir yarparcaycanqui. Auquilluyquicuna wañuycachisha. Jamcuna mïchunta pichaycar, auquilluyquicunapa llupinparaj aywarcaycanqui: «Allipämi wañush» nir.»

⁴⁹«Chayçi Tayta Diosninchipis niran: «Shimïta willapäcunanpaj willacujnincunatapis, caçhacunatapis, achajta caçhamushaj. Paycunata waquinta wañuchinquipaj. Waquinta marcan-marcan jaticachar ushyanquipaj.» ⁵⁰Willacujninta wañuchir, cay pacha camashanpita-pacha wañuchicushantapis aparicunquipaj. ⁵¹Aparicunquipaj Abelta wañuchishanpita-pacha Zacarïasta wañuchishancaman. Payta Tayta Diosninchipa wasi puncunçu, tullpa wajtallançu wañuchiran. Paycunata wañuchishanpita jamcunatana Tayta Diosninchí ñacachishunquipaj.»

* **11.42** Çhuncapita junta Israel runacuna Tayta Diosninchipaj raquij. Castillänuçu: «diezmo» nin.

⁵²«Moiséspa shiminta yaćhajcuna, llaquicärinquiman. Juyupa ñacanquipaj. Yaćhaj carsi, Tayta Diosninchipa shiminta mana manchapacunquichu. Runa-masiquitapis mana yaćhachinquichu. Manchäga Tayta Diosninchipa shungun munashannuy cawayta munarcaycaptin, mićharcaycanqui.»

⁵³Rimayta ushyarcur wasipita llucshir, Jesús aywacuran. Chay junajpita-pacha Moiséspa shiminta yaćhajcunawan fariseucuna ullgucarcäriran. Achäquita ashipällar, jucta-jucta Jesústa tapupaj. ⁵⁴Achäquita ashiparan: «Llutanta rimaptin, wañuycachishun» nir.

Shungullanču mana pacarächinapaj willapashan

San Mateo 10.26–27

12 ¹Runacunam ichanga yupaysi mana atipaypaj jutucaran Jesúspa shiminta wiyananpaj. Quiquin-puraraj tacanacuranpis. Chaymi Fariseucunapa shiminta libadürawan tincuchir, purishijnincunallata Jesús niran: «Fariseucunapa libadüranta ama chasquipanquichu. Paycuna ishcay cära runa. ²Runacuna shungullanču pacarächishanpis mayacanga. Imata yarpashanpis unayllata musyacanga. ³Chaymi shunguyqui pacarächishanpis llapanpa rinrinman chayanga. Pacayllapa rurashayquitapis llapan musyanga.

Mana manchacullar willapäcunanpaj shacyächishan

San Mateo 10.28–31

⁴«Wawacuna, chiqui runacuna wañuchishunayquita ama mancha-

cunquichu. Wañuchishushpayquisi almayquita mana wañuchingachu.

⁵Tayta Diosninchitam ichanga manchapacärinquiman. Payga munayniyuj wañuyma jitarpushunayquipäpis, almayquita chacaj pachaman jaycunanpäpis.

⁶Manchapacuptiqui, Tayta Diosninchipa mana junga-shunquipächu. Acapalla pichuy-sacuna mana chaninchu. Chaypis Tayta Diosninchipa llapan pichuysatarican. ⁷Acapalla pichuysata ricaycar, ¿jungashunquimanjuraj? Mana. Tayta Diosninchipa maquinču cawaycanqui. Payga mana imaysi jungashunquipächu. Ajchayquitapis yuparaycächin. Chaymi imatapis ama manchacuychu. Juncunaman pichuysacunapis mana tincunchu.

Shiminpita imatapis tarinanpaj cashan

San Mateo 10.32–33; 12.32; 10.19–20

⁸«Sumaj wiyacunquiman. Tayta Diosninchipa caćhamasha. Chaymi runacunapa ñaupanču: «Jesúspa shiminta chasquicushcä nir willacuptiqui, Tayta Diosninchipa anjilnincunapa ñaupanču nuwapis willacushaj: «Rasunpa maquiču purin» nir. ⁹Runata manchacur wasguimaptiquim ichanga, nuwapis Tayta Diosninchipa anjilnincunapa ñaupanču wasguishayqui.

¹⁰«Tayta Diosninchipa caćhan caycaptisi ashllimaptiquisi, Tayta Diosninchipa juchayquita junganga. Espíritu Santuta ashllir ushyaptiquim ichanga, mana jungangachu.

¹¹«Wawacuna, watacurcur shuntacäna wasiman apashuptiqui, Israel mayur cüracunaman apashuptiqui, mayur runacunaman

apashuptiqui, ama llutäpacunquichu: «¿Imataraj rimashaj? ¿Imanay-paraj chapacushaj?» nir. ¹²Paycuna rimachishuptiqui, Espiritu Santu shimiquiman éhurashallanta rimanquipaj.»

**Puchuy-puchuy jananéchu
cawaj runapa willapan**

¹³Juc runa llapanpa échapinpita Jesústa mañacuran: «Tayta, wauguillä papäni jaguishan éhacrata charicurcusha. Raquipamächun, ari» nir. ¹⁴Mañacuptin, Jesús niran: «Wauguiquiwan jíchunacushay-quita ricanä mana camacanchu.» ¹⁵Jinarcu llapan runata niran: «Imapäpis mallaj ama canquimancho. Alli cawananchipaj mana ricuyänanchirächu.»

¹⁶Jinarcu juc willapata willapar, Jesús niran: «Puchuy-puchuy jananéchu cawaj runapash éhacran achca caran. Murupacushanpis maymaytash wayuran. ¹⁷Micuyñinta maymayta shuntarcu, mayman éhuraytapis manash camäpacuranchu. ¹⁸Chayshi sumaj yarpaéhacuran: «Tacshalla wasicunata juchurachishaj. Jinarcu llapanta jutunäpaj jatun-caray wasicunata rurachishaj. ¹⁹Jutucushäga achca watapaj aypämanga. Micuy mana pishimangapächu. Upunäpaj canga. Cushishallana juyäshaj» nirshi. ²⁰Tayta Diosninchishi ichanga niran: «Upa rinri canqui. Canan chacay wañuy éhayapushunqui. Jutucushayquitapis jucmi micunga.»»

²¹Willapariycur, Jesús niran: «Chay-niraj mallajcuna Tayta Diosninchita jungaycun. Tayta Diosninchita jungajcuna imata rurashantapis mana musyanchu.»

**Tayta Diosninchí wawanta
ricashan**

San Mateo 6.25-34

²²Chaypita purishijnincunallata Jesús niran: «Wiyaycallamay. Ama llaquicunquichu: «¿Imawanraj cawashaj? ¿Imataraj micushaj? ¿Imataraj ushtucushaj?» nir. ²³Cawaycar paéhayquipaj pishiptinsi, janayquipaj pishiptinsi, ama llaquicunquichu. ²⁴Mä, pichuy-sacunata ricacushun. Paycuna manash murupacunchu. Manash pallapacunchu. Murutapis manash éhuracunchu. Imatapis mana ruraycaptinsi, Tayta Diosninchí micunanta camapan. Pichuysacunata camapaycar, ¿pishichishunquimancho? Mana. Manchäga tarichishunquipaj.» ²⁵«May-jina llaquicurpis wañuy éhayamuptin, mana jishpinquipächu: «Cawapärishäraj» nirsi. ²⁶Chaynuy caycaptin, ¿imapäraj llaquicunqui: «¿Imawanraj cawashaj? ¿Imataraj micushaj? ¿Imataraj ushtucushaj?» nir?»

²⁷«Waytacunatapis mä, ricacushun. Waytacuna mana arucuycarshi, mana puchcacuycarshi, cuyayllapaj waytaran. Wayta cuyayllapaj cashanman unay mandaj Salomónpis mana tincurancho achic-achicyaycaj müdanash caycarsi. ²⁸Waytacuna juc-ishcay junajllapaj. Juc junaj cuyayllapaj waytaran. Warannin capllupäna chaquicäcun. Nircur tullpallaéchu ushyacäcun. Chaypis Tayta Diosninchí cuyayllapaj waytachin. Chaynuy caycaptin, ¿jamcunata Tayta Diosninchí pishichishunquimancho? Mana. Chaymi sumaj yupachicärinquiman.»

²⁹«Ama llaquicunquimanchu: ¿Imataraj micushaj? ¿Imataraj upushaj?» nir. ³⁰Tayta Diosninchiman mana yupachicujcunalla may marcachu juyarpis, chaycunapaj llaquicun. Jancunam ichanga Tayta Diosninchiman yupachicunqui. Payga imalla pishishushayquitapis mayna musyaycan. ³¹Chaymi maquillancho cawanquiman. Shungun munashallanta rurar cawanquiman. Maquincho purichishushpayqui pishishushayquitapis tarichishunquipaj.»

³²«Wawacuna, ama manchacuychu, ari. Yupashalla captiquisi, alli ricashushpayqui Tayta Diosninchic acracushcashunqui maquincho purinayquipaj. ³³Chaymi imayquicunatapis ranticuycur, pishipacujcunata yanapay. Shungun munashallanta ruraptiqui, Tayta Diosninchipis alli cawayta tarichishunquipaj. Tarichishuptiquiga, pipis mana jichushunquipachu. Suwapis mana suwapashunquipachu. Puyupis mana ushyapashunquipachu. ³⁴Sumaj tantiyacunquiman. Runaga shungun munashallanta imatapis yarparacun.

Jesús cutimunanta shuyarānanpaj tantiyachishan

³⁵«Wawacuna, mincay-jina achiqui ratachipacushalla, ricaj-ricajlla shuyarāmanquiman. ³⁶⁻³⁸Sumaj tantiyacunquiman. «Juc runash warmi ashiyman aywar, mana yarpashpita wasinman cutin. Pullan-pagaspis, warānanpis cutinmanshi. Imay ūra cutiptinpi, alli mincayga ricaj-ricajllash shuyan. Puncuta tacariptin, jucllash quichapun. Ricchaycar shuyaptinshi,

wasiyujpis sumaj cushicun. Chayshi juclla alli müdananta rucacurir, mincaynintaraj jaran: «Ricchaycar shuyāmar, allita rurashcanqui» nir.»»

³⁹Juctapis Jesús niran: «Wasinman suwa yaycunanta musyar, pipis manash puñucunmanchu. Manchäga suwa imancunatapis apananpita ricchaycarshi waran. ⁴⁰Jancunapis ricchaycaj-jina camaricushalla shuyarcaycāmanquiman. Tayta Diosninchipa cachan cashpä mana yarpashpita cutimushaj.»

Mincaywan tincuchiypa willapashan

San Mateo 24.45-51

⁴¹Chaura Pedro tapucuran: «Tayta, ¿nuwacunallatachu tantiyaycāchimanqui? ¿Llapan runatachu willapaycanqui?» nir.

⁴²Jesúsna niran: «Mä, tantiyacunquiman. ¿Mayganiquiraj alli mincayman, tantiyacuj mincayman tincunquiman? Mincay alli captin, tantiyacuj captin, capural cananpäshi wasiyuj churanga. Capuralga mincay-masincunata sumajshi rican. Jaran. ⁴³Capuralnin shiminta charcuptin wasiyuj chayar, allipash rican. ⁴⁴Sumaj tantiyacunquiman. Allita rurashanpita capuralpa maquinman llapanta churanga.

⁴⁵«Juyu capuralshi ichanga shungullancho yarpaçhacunman: «Wasiyuj mana cutimungarachu» nir. Chayshi mincay-masincunata warmitapis, ullgutapis magar ushyan. Micur, upyallar juyacun. ⁴⁶Chaypis wasiyuj runa mana yarpashpita cutirungu. Llutanta rurashanpitash juyu mincayninta mana cuyapaypa

wascar ushyanga. Jarguringa: «Juyumasiquicunawan juyämu» nirshi.

⁴⁷«Wasiyujpa shiminta wiyaycarsi mana camaricuptin, llutanta ruraptin, chigaypash ñacachinga. ⁴⁸Mana musyayninwan llutanta ruraptinshi ichanga, yangallaraj ñacachinman. Wawacuna, sumaj tantiyacunquiman. Llapan runata Tayta Diosninchi mincacun. Chaypis jamcunata capuralta-jina çhurashcashunqui. Chaymi alli mincay-jina llapan-tapis allillata runanquiman.»

Jesús-janan runacuna tincupänacushan

San Mateo 10.34–36

⁴⁹«Cay pachaman ninawan ushyacächij-yupay shamushcä. Ichanga mayna ninapis ratariycanman.

⁵⁰Chaypis quiquiraj juyupa ñacashaj. Ñacayman çhayayta musyar, juyupa llaquicü. Juclla ushyacächun.

⁵¹«Shunguyquichu ama yarpanquichu: «Cay pachaman Jesús shamusha alli cawayta tarichimänanchipaj» nir. Runacuna mana alli cawayllaçhüchu cawanga. Manchäga çhasquicamashayqui-janan tincupänacuychu cawanquipaj.

⁵²Juc wasichu quiquin-puralla tincupänacunga. Chiquinacunga.

⁵³Papäninpis ullgu wamranta chiquinga. Wamranpis papäninta chiquinga.

Mamanpis warmi wamranta chiquinga. Warmi wamranpis mamanta chiquinga.

Suydanpis llumchuyninta chiquinga. Llumchuyninpis suydanta chiquinga.

Çhasquicamashan-janan mana çhasquicujcuna chiquinga.»

Jesústa ashipashan

San Mateo 16.1–4; San Marcos 8.11–13

⁵⁴Chaypita llapan runata Jesús piñaparan: «Yana pucutayta ricar:

«Tamyanga» ninqui. Änir, tamyan.

⁵⁵Urapa wayrämuptyn: «Uyanga» ninqui. Änir, usyan. ⁵⁶Janan shungu runacuna, tamyanantapis, usyanantapis tantiyanqui. Ricay ñawiquichu Tayta Diosninchi camacächiyninpa ima-imata rurashätapis, çimanirtaj tantiyayta mana atipanquichu?

⁵⁷«Chaynuy caycaptin, çimanirtaj Tayta Diosninchipa shungun imata munashantapis mana tantiyacunquichu? ⁵⁸Tincuchiypa tantiyachishayqui. Pipis dimandashuptiqui, jatunman mana çhayallar, juclla ushyacächinquiman. Manchäga juiswan charichishunquipaj. Juisga wardiyacunawan carsilman apachishunquipaj. ⁵⁹Carsilpita llap-llapanta pägarraj llucshimunquipaj.»

Wanacunanpaj piñapashan

13 ¹Chay wichallan waquin runa Jesústa willaran:

«Tayta, çmandaj Pilato waquin Galilea runacunata wañuchishanta musyashcanquichu? Cuyachicuy-nincunata jaraptinshi, Tayta Diosninchipa wasinchu wañuycachisha. Yawarninpis pishtashan uywapa yawarninwan tallucashash» nir.

²Willaptin, Jesús niran: ««Chay Galilea runacuna jatun jucha aparicushanpitaçhi wañusha» nir yarparcaycanqui, çau? ³Chaypis ama chapacunquichu. Jucha aparicuy-pita mana wanacurga, paycuna-jina wañuyta tarinquipaj. ⁴Chaynuypis: «Jerusalén marcaçu Siloé türi juçhuptin, çhunca pusajwan (18) runacuna wañusha jatun jucha aparicushanpitaçhi» nir yarparcaycanqui, çau? ⁵Chaypis ama chapacunquichu. Jucha aparicuy-pita mana wanacurga, paycuna-jina wañuyta tarinquipaj.»

**Mana wayuj jīgus yūrawan
tincuchiya willapashan**

⁶Tincuchiya willapar, Jesús niran: «Juc runapa éhacranéhuishi mana wayuj jīgus yūra caran. Wayuyninta ashirshi, jucnayllatasi mana tariranchu. ⁷Chayshi mincayninta niran: «Quimsa watana mana wayunchu. Éhacralata wayaycan. Mana wayuycaptin, juclla muturiy.»
⁸Mincayninshi ichanga niran: «Tayta, juclla ama mutushunréchu. Juc watacamanraj shuyaycushun. Ujtipärir, sapincunaman chullpata jaycapähaj. ⁹Chullpata jaycupapti, wayunmanpishéchi. Mana wayup-tinmi ichanga, muturishunpaj.»»

**Curcu warmita Jesús
allchacächishan**

¹⁰Diyawarda junaj juc shuntacäna wasiéchu Tayta Diosninchipa shiminta Jesús willapäcuycaran.
¹¹Supay curcuyächishan warmipis caycaran. Wäcacashalla puriran. Éhunca pusajwan (18) watana ñacaycaran. ¹²Warmita ricar jayarcu, Jesús niran: «Mamacha, jishya cácharishcashunquinam.»
¹³Chaynuy nir maquinwan yataycuran. Warmina diréhicacécur, Tayta Diosninchita alliman éhuran.
¹⁴Diyawardaéchu curcu warmita allchacächiptin, shuntacäna wasipa mayur runa ullgucécuran: «Sujta junaj arunchi. Alli diyaéchu shamunquiman allchacächishunayquipaj. Diyawardaéchu ama shamunquimancho» nir.
¹⁵Jesúsna niran: «Janan shungu runa, éimanirtaj alli-tucunqui?

Quiquiquicunapis diyawardaéchu búruyquitawan túruyquita pasca-riycu, yacuta upuchinqui. ¹⁶Uywata cácharishayqui-jina cay warmi-tapis cácharishcä. Auquillunchi Abrahampa willcan captinsi, yawar-masinchi captinsi, éhunca pusajwan (18) watana mayur supay ñacaycächisha. Ñacaycächiptin, émanachu allchacächishuwan diyawarda captinsi?»

¹⁷Jesúsna shiminta wiyar, chiqui runacuna pingayman éhayaran. Waquin runacunam ichanga Jesús allita rurashanpita jatunpa cushicuran.

**Ñäpus muruwan tincuchiya
willapashan**

San Mateo 13.31–32;

San Marcos 4.30–32

¹⁸Tincuchiya willapäcur, Jesús niran: «ÉImawanraj Tayta Diosninchipa maquinéchu cawajcunata tincuchishuwan? ¹⁹Paypa maquinéchu cawajcuna ñäpus muruwan tincun.* Juc runash wirtanman ñäpusta murusha. Acapalla muru captinsi, yüranshi atayäcurcusha. Callapancunaéhüpis pichuysacuna jishucärisha.»

**Libadürawan tincuchiya
willapashan**

San Mateo 13.33

²⁰Yapaypis tincuchiya willapäcur, Jesús niran: «ÉImawanraj Tayta Diosninchipa maquinéchu cawajcunata tincuchishuwan? ²¹Paypa maquinéchu cawajcuna libadürawan tincun. Juc warmish ichiclla libadürawan ishca y arüba arinata chapusha. Ichiclla carpis, llapan arinatash jacachisha.»

* 13.19 San Mateo 13.31 nishanta ricanqui.

Quičhqui puncuwan tincuchishan

San Mateo 7.13-14, 21-23

²²Jerusalén marcapa aywar, Jesús marcan-marcán puriran Tayta Diosninchipa shiminta willapäcuraycur. ²³Willapäcuptin, juc runa tapuran: «Tayta, ¿rasunpachu wallcajlla Tayta Diosninchipa maquinéchu cawanga?» nir.

²⁴Jesúsna niran: «Quičhqui puncupa callpacuycur yacushayqui-jina callpacunquiman Tayta Diosninchipa maquinéchu cawanayquipaj. Juc junajman ama jitapanquichu. Achcaj runa maquinéchu cawayta munangapaj. Ichanga mana llapanchu camäpacunga. ²⁵Sumaj tantiyanquiman. Wasiyuj puncunta wíchgacurcuptin, pipis mana yacunchu. Chaymi juclla Tayta Diosninchipa shiminta wiyacunquiman. Manchäga llaquicuywan ninquipaj: «Wasillayqui, Tayta. Puncuyquita quíchapaycallämay» nir. Jayacuptiquisi: «Mana ricsillajchu. ¿Maypitash cacullanquipis?» nishunquipaj. ²⁶Chaura ninquipaj: «Tayta, ¿imanirtaj mana ricsimanquichu? ¿Micur, upur puriyacuptinchisi, mana ricsimanquichu? Marcäcunaächüpis Tayta Diosninchipa shiminta willacushayquita wiyashcä.» ²⁷Chaypis nishunquipaj: «Mana ricsillajchu. ¿Maypitash cacullanquipis? Juchaču arujcuna, ricaytapis mana munallajchu. Washata ayway.»

²⁸«Puncupita jargushuptiqui, carullapita auquillunchi Abrahamta, Isaacta, Jacobta, Tayta Diosninchipa unay willacujnincunatapis ricanquipaj. Paycunata Tayta Diosninchipa ñaupanéchu ricar, atayparaj waganquipaj. Juyupa ñacar quiruyquitapis ućhunquipaj.

²⁹Tayta Diosninchipa maquinéchu cawajcunam ichanga chay-tucuy-pita jutucanga. Llapanmi Tayta Diosninchipa ñaupallanéchu micupacungapaj. ³⁰Chay junaj alli-tucujcunata Tayta Diosninchipa pampaman ćhuranga. Wiyacujcunatam ichanga alliman ćhuranga runa-masincuna pampaman ćhurash captinsi.»

Jerusalén marca runacunata Jesús llaquipashan

San Mateo 23.37-39

³¹Waquin Fariseucuna ćhayarcu, Jesústa niran: «Tayta, jucläman aywacuy. Mandaj Herodesshi wañuchishunayquipaj yarpaycan.» ³²Jesús niran: «Chay atuj-jina Herodesta willay: «Ishcay-quimsa junajllana supaycunata jargushaj. Jishyaćhucunatapis allchacächishaj. Warantin llapanta ćharcushaj.» ³³Ima captinpis, Jerusalén marcamanraj ćhayashaj. Jerusalén marcallaču Tayta Diosninchipa willacujnincunata wañuchin.»

³⁴Jerusalén marca runacunata llaquipar, Jesús niran: «Jerusalénllau Jerusalén, ¿imanirtaj Tayta Diosninchipa willacujnincunata wañuchinqui? ¿Imanirtaj cáchancunata wañuchinqui? Chipsancunata maman ujllananpaj shuntashan-jina shuntayta munashcaj. Munaptisi, wasguipämashcanqui. ³⁵Chay-niraj cashayquipita marcayquipis ragäman ticranga. Nuwatapis mana ricamanquipänachu. «Tayta Diosninchipa cáchamushan runa alli ricash caycullächun» nir ćhasquimashpayquim ichanga imayllapis ricamanquipaj.»*

* 13.35 Salmo 118.26.

**Jacash runata Jesús
allchacächishan**

14 ¹Diyawarda junaj mayur fariseu runa Jesústa jayachiran micupacunanpaj. Waquin fariseu-masincuna achäquita ashipällar ricapaycaran. ²Ricapaycaptin, Jesúspa ñaupanman maquin-chaquin jacash runa íchicucuran. ³Jacash runata ricar, fariseucunatawan Moiséspa shiminta yachajcunata Jesús tapuran: «Diyawardachu, ¿ishyaçhuta allchacächishuwanchu?» nir. ⁴Paycunam ichanga upällacucuran. Mana rimacuptin, jacash runata Jesús allchacächiran. Jinarcu wasinman caçharcuran. ⁵Fariseucunata niran: «Diyawarda captin, wamrayqui, türuyqui yacu püsuman shicwaptin, ¿manachu utgaylla jurgurinquiman?» ⁶Tapuptinsi, upällalla cacuran.

**Micupacuyman jayachishanta
piñapashan**

⁷Micupacuj çhayaj fariseucuna ñaupa-ñaupallaçu jamayta ashiycaran. Chaymi tantiyachicu Jesús niran: ⁸«Warmi ashiyman jayachishuptiqui, ñaupa-ñaupaçu jamayta ama ashinquichu. Ñaupaçu jamaraycaptiquish mayur runa çhayamuptin, ⁹wasiyuj nishunquiman: «Jipaman witicuy mayur runata jamachināpaj.» Chayrämi pingay-tucush jipaman witicunquipaj. ¹⁰«Chaymi pipis jayachishuptiqui, jawa-jawallaçu jamacunquiman. Jawaçu caycaptiqui, wasiyuj: «Ruriman yaycushun» nir ñaupaman jamachishuptiquim

ichanga, llapan alli ricashunquipaj. ¹¹Tayta Diosninchi alli-tucujcunata pingayman çhuran. Tantiyacujcunata ichanga alliman çhuran.»

¹²Micupacunanpaj jayachij runatana Jesús niran: «Micuyta jaracur, ricsinacushayquicunallata, yawar-masiquicunallata, puchuy-puchuy janançu cawajcunallata ama jayachinquichu. Micurcachiptiquipis quiquiquitaraj jayarcachir, ayniquita cutichishunquipaj. ¹³Micuyta jaracur, wacchacunata, cumllucunata, wijrucunata, japracunata jayachinquiman. ¹⁴Paycunata micurcachiptiqui, quiquin Tayta Diosninchi ayniquita cutichishunquipaj. Cutichishunquipaj shiminta wiyacujcunata cawarachishan junaj. Chaura jatunpa cushicunquipaj.»

**Micupacuy tünawan
tincuchiypa willapashan**

San Mateo 22.1-10

¹⁵Jesúspa shiminta wiyar, juc jurpa niran: «Tayta Diosninchipa maquinçu cawar quiquinwan iwal micur, imaraj cushicushun, ¿au?»

¹⁶Chaynuy niptin, Jesús niran: «Juc runash micuyta camaricush caran. Jurpancunatapis achajtash jayachiran. ¹⁷Micuy çhayaptin, sirbintincunata caçharan: «Jayachishä runacuna micuj shamuchun» nirshi.

¹⁸Jurpancunash ichanga jayachiptinsi, mana aywaranchu. Juc runash niran: «Rantishä çhacrata ricamushaj. Mana atipashächu.» ¹⁹Juc-cajnash niran: «Pichga yunta türuta rantirü. Sumajraj ricashaj. Mana atipashächu.»

²⁰Jucninnash niran: «Chayraj majacashcä. Mana atipashächu.» Llapan jayachishancuna aywayta mana munashpan chapacuran.»

²¹«Sirbinticunash wasiyujta llapanta willaycuran. Wasiyuj ullgur, niran: «Canan micupacärinanchipaj tarishayqui runata juclla jayamuy. Wacchacunatapis, macllucunatapis, wijrucunatapis, japracunatapis jayamuy.» ²²Sirbinticuna nishan-nuylla ruraran. Jinarcu wasiyujta niran: «Tayta, nimashayquicunata jayamushcä. Chaypis wasiqui jäcuycanraj.» ²³Chaura wasiyuj niran: «Çaqui qui çhayashanpa ayway. Tincushayqui runacunata imanuy papis pushamuy wasiču juntay-juntay micupacunanchipaj. ²⁴Jayachishä wasguijcunam ichanga jaracushäta imaysi mana mallingapächu.»»

Jesúspa llupinpa ayway sasa cashan

San Mateo 10.37–38

²⁵Jesús aywaptin, achcay runa aywäshiran. Chaymi ichiycur Jesús niran: ²⁶«Pipis purishimayta munar, llapan shungunwan purishimächun. Mamanpis, taytanpis, warminpis, wamrancunapis, yawar-masincunapis jipaman ama cutichinmanchu. ²⁷Shimïta wiyacujcuna imanuy ñacarsi, ruschu wafuyman çhayarsi, ricay ñawichu alli cawanman. Manchäga purishimayta mana camäpacungachu.

²⁸«Sumaj tantiyacushun. Wasi rurajcunapis wasinta mana jallay-cachillarshi, aypäpacunanta, mana aypäpacunantapis sumaj yarpaçhacun. ²⁹Jallarishan wasita mana ushyaptinga, runacuna pampamanshi çhuran: ³⁰«Mana aypäpacuyar, chican-caray wasita jallarachisha. Upa runa» nir.

³¹«Yapaypis yarpaçhacushun. Çhunca waranga (10,000)

murucucuna ishca y çhunca waranga (20,000) murucucunata maganacur, manash ichipunmanchu. ³²Ichipuyta mana camäpacurshi, mayur mandaj caçhacunman: «Ama magana-cushunchu. Allilla cawashun» nir. ³³Chaymi yaparir-yaparir yarpaçhacunquiman. Purishimayta munar llapanta jaguiriycur, nuwallata purishimanquiman.

³⁴«Caçhipis sumaj alli. Ichanga puchguynin illariptin, çpuchguy-ninman yapay cutichinquiman-churaj? Mana. ³⁵Allpatapis mana jamyayächinnachu. Chullpamanpis mana talluchinnachu. Chaymi wicaparin. Rinriyuj carga, shimïta sumaj wiyacunquiman.»

Ujracash uyshawan tincuchiypa willapashan

San Mateo 18.10–14

15 ¹Jesús rimaycaptin, jillayta shuntaj chiqui runacunapis, waquin juchaçu arujcunapis shiminta wiyananpaj jutucaran. ²Chaymi fariseucunawan Moiséspa shiminta yaçhajcuna Jesústa jamurparan: «¿Imanirtaj juchaçu arujcunawan Jesús talluran? Iwal micunpis» nir. ³Tincuchiypa willapar Jesús niran:

⁴«Juc runapash paçhac (100) uyshan caran. Jucta ujracycur, çmanachu waquina juc pachaman jutuycur ujrashan-cajta ashin tarishancaman? ⁵Tarir, aparicur-curshi cushish wasinman apacun. ⁶Llapan yawar-masincunatawan bisinuncunata jayachin: «Tünashun. Ujracash uyshäta tarirü» nirshi. ⁷Juchaçu aruj runa wanacuptinpis, taricash uyshapaj cushicushan-jina Tayta Diosninchipis, anjilcunapis

cushicun. Isgun éhunca isgunwan (99) alli runa captinsi juc juchachu aruj runa wanacuptin, janaj pachaachu llapan sumaj cushicärin.»

**Ujracash jillaywan
tincuchiypa willapashan**

⁸Yapaypis tincuchiypa willapar Jesús niran: «Juc warmish éhunca jillayta chararan. Jucta ujracyur achquita ratachicuycurshi, pichananpawan tarishancaman ashin. ⁹Tariycur, llapan yawar-masincunata, bisinuncunata jayachin: «Tünashun. Ujracash jillaynita tarirü» nirshi. ¹⁰Juchachu aruj runa wanacuptin, taricash jillaypaj cushicushan-jina Tayta Diosninchipa anjilnincunapis cushicun.»

**Wawanta llaquipaj runawan
tincuchiypa willapashan**

¹¹Juctapis tincuchiypa willapar Jesús niran: «Juc runapash ishca y wamran caran. ¹²Shullca wamranshi tayınta niran: «Papä, échacrayquita račhishun. Dirichüta raquipaycamay.» Chaura papänin ishcantash ricachiran.

¹³«Shullca wamranga manasi aycallatash imancunatapis ranticuycuran. Jinarcu caru marcapash aywacuran. Caruchu shungun munashallanta rurarshi, jillaynintapis llapanta ushyaran. ¹⁴Jillayninta ushyashallantash muçhuypis jallacuycuran. Chaura micunanpaj imapis manash caranchu. ¹⁵Imansi mana captin arupacuyta ashir, juc runaman échayaran. Chay runa cuchillatash michichiran. ¹⁶Muçhuy captin, juyupash yargaran. Cuchipa micuynintapis munaparan. Ichanga pipis manash jararanchu.

¹⁷«Chayräshi yarpaéhacuran: «Papänipa piyunnincuna micuy jananéhu cawan. Nuwam ichanga yargaypita wañuycä. ¹⁸Chaymi papäniman cuticushaj. Échayar, nishaj: «Papä, juchata aparicushcä. Shimiquitapis, Tayta Diosninchipa shimintapis mana wiyacushcächu. ¹⁹Cananga piyunllayquipis cacushaj. Jucha-sapa caycapti, ama: «Wawä canqui» nimanquimanchu» nirshi.» ²⁰Yarpaéhacuriycur, änr papäninman cuticuran. Wamranta caruta shaycamujta ricar, papänin jucllash tariparan. Llaquipashan macallacurcuran. ²¹Mushéhincu wamrannash niran: «Papä, juchata aparicushcä. Shimiquitapis, Tayta Diosninchipa shimintapis mana wiyacushcächu. Jucha-sapa caycapti, ama: «Wawä canqui» nimaychu.» ²²Papäninnash piyunnincunata niran: «Wawä ushtucunanpaj mushuj müdanata, llanguita, surtijata juclla apamuy. ²³Micupacunanchipäpis manta türituta pishtay. Canan tünashun. ²⁴«Wañucush canga» niycapti, wamrä cutircamusha. Illarish carpis, taricasha.» Chayshi mushéhincu wamra cutiyninta tüna jallacuycuran.

²⁵«Shullcan éhayaptin, mayur wauguin éhacraéhuishi aruycaran. Wasiman yaycuycashanéhushi tünaycäta wiyaran. ²⁶Chaura papäninpa piyunnintash jayaran: «¿Wasiéhu imataj caycan?» nir. ²⁷Piyunnash niran: «Shullcayqui taricasha. Alli éhayamusha. Cushicushpan papäniqui manta türitutapis pishtachisha.»

²⁸«Chaura mayur wauguin juyupa ullgurshi, wasiman éhayaptis mana munaranchu. Chaymi



San Lucas 15.11–32

llucshircur, papänin jayaran.

²⁹Jayaptinsi mana munarshi, niran: «Papä, chay-chica wata maquiquichu juyä. Shimiquitapis llapanta wiyacushcä. Chaypis mana juc capshillatapis jumashcan-quichu tünata rurur micupacunäpaj. ³⁰Ñuñushniquipämi ichanga allinnin türütutaraj pishtaycachishcanqui. Payga runan-runan puricuj warmi-cunawanshi llapan jillayniquita ushyasha.»

³¹«Papäninnash niran: «Wawallau wawa, rasunpa maquichu juyay-canqui. Chaymi llapan imäcunapis maquiquichu caycan. ³²Shullcayquim ichanga wañushpita-jina cutircamusha. Ujrashpita-jina taricasha. Chaymi shungü achicyacäcuptin, tünananchi camacan.»»

Yarpay-sapa capuralwan tincuchiypa willapashan

16 ¹Tincuchiypa willapar, purishijnincunata Jesús niran: «Puchuy-puchuy jananchu cawaj runash llapan imancu-natapis capuralpa maquinman churaran. Chaypitaräshi capuralnin suwapashanta mayaran. ²Chaura capuralninta jayarcush tapuran: «Suwapaycämashayquita runacuna willamasha. Mä, ima-imata chara-shallätapis willamay. Canancamalla arushcanqui» nir.

³«Chaynuy niptinshi, shungullancho capuralnin yarpaçhacuran: «Jargumaptin, imawanraj cawashaj? Chacra aruyta mana jüchu. Mañapacuytapis

pingacü. ⁴Cananga ima ruraytapis musyāna. Yarpashāta rurapti aruy mana captinsi, marca-masīcuna alli ricamanga nir.»

⁵«Yarpačhacuriycurshi, patrun-ninpa jaga-tucuj runacunata jayachiran. Juc čhayaptin, tapuran: «¿Aycataj patrunnīpa jagan caycanqui?» nir. ⁶Jaga runanash niran: «Ishcay pačhac (200) läta wiram jagan caycä.» Capuralnash niran: «Cananga papilta rurashun pullallanta patrunnīta cutichinayquipaj. Pačhac (100) läta wirallatana cutichinqui.» ⁷Chaypita juc jagatash tapuran: «¿Aycataj patrunnīpa jagan caycanqui?» nir. Jucninnash niran: «Ishcay waranga (2,000) arüba rīgum jagan caycä.» Capuralnash niran: «Cananga papilta rurashun waquillanta patrunnīta cutichinayquipaj. Waranga pichga pačhac (1,500) arüba rīgullatana cutichinqui.»»

⁸«Chaura capuralnin ima-imata rurashantapis mayar, patrunninshi niran: «Capuralnīga llutanta ruraycarsi, yarpay-sapa. Sumaj cuyachicusha marca-masin alli ricananpaj.»»

Tincuchiypa willapariycur, purīshijnincunata Jesús niran: «Juchaču arujcuna Tayta Diosninchita mana manchapacursi, quiquin-pura alli ricanacuyta yačhan. Jamicunam ichanga alli ricanacuyta mana yačhanquirächu: «Tayta Diosninchipa wawan caycanchi» nirsi. ⁹Sumaj tantiyacunquiman. Cay pachaču llapanwan alli ricanacunquiman. Jillayniqui captin, runa-masiquita yanapanquiman. Ushyapacaptiquisi, janaj pachaču imaycamanpis Tayta Diosninchipa ñaupanchu cawanayquipaj.»

¹⁰«Sumaj wiyacunquiman. Ichicllata suwacur, achcatapis runa suwacun. Ichicllatapis mana yatapacur, achcatapis mana yatapacunchu. ¹¹Sumaj tantiyacunquiman. Runa-masiquipa jillayninta yatapacuptiqui, imancunata pampata ruraptiqui, Tayta Diosninchipis mana yupachicushunquipächu. ¹²Jucpa imancunata yatapacuptiqui, pampata ruraptiqui, Tayta Diosninchipis irinsayquita mana jushunquipächu.»

¹³«Juc mincaylla ishcaj patrumpa maquinču mana cawanmanchu. Ishcanwan shungun mana tincunmanchu. Ishcajpa maquinču cawar, juc-cajpita carupayllapa purir, juc-cajllaman jillicunga. Juc-cajta pampaman čhurar, juc-cajta alli ñawinwan ricanga. Jamicunapis jillayllaman yarparar, Tayta Diosninchita jungaycärinquipaj.»

¹⁴Fariseucuna jillay-raycullar imatapis runan. Chaymi Jesúsapa shiminta wiyar, ashllir ushyaran: «Yangalla rimacun» nir. ¹⁵Jesúsna niran: «Runacunapa ricay ñawillanču jamicuna juchaynaj-tucunqui. «Alli runa» nishuptiquisi, Tayta Diosninchis musyapāshunqui. Yarpashayquita millanäcun.

¹⁶«Ushyachicuj Juan willapācushan wichancaman runacuna Moisésapa shimintapis, unay willacujcunapa shimintapis wiyacuran. Cananmi ichanga Tayta Diosninchipa shiminta willacuycä. Maquinču cawachināpaj cačhamasha. Waquin runa imanuy-papis llapan shungunwan shimīta wiyacurcaycan.

¹⁷«Cay pachawan janaj pacha ushyacaptinsi, Moisésapa shimin

mana ichicllapis jungacangapächu. Llapanta éharcucänan.

¹⁸«Juc runa majanta jaguiriycur juc warmiwan majachacar, juchata aparicun. Raquicash warmiwan majachacarpis, jucpa warminta llallipaycan.»

**Lázarupawan puchuy-
puchuy jananéchu cawaj
runapa willapan**

¹⁹Juc willapata willapar, Jesús niran: «Juc runash puchuy-puchuy jananéchu cawar, achic-achicyaj müdanallata ushtucuj. Waran-waranshi tünaj. Sillullatash micuj. ²⁰Puchuy-puchuy jananéchu cawaj runapa wasin puncunéhünash pishipacuyéchu cawaj jiri ushyash Lázaró jitaraycaran. ²¹Jirintasi allgucunash llajwar ushyaran. Yargaypita wañurshi, Lázaró yarpaçhacuran: «Puchuy-puchuy jananéchu cawaj runapa usupallantasi micurcūman» nir. ²²Unayllata Lázaró wañucuranshi. Wañucuptin, anjilcunash janaj pachaman Abrahampa ñaupanman shuntacuran. Manasi aycällatash puchuy-puchuy jananéchu cawaj runapis wañucuran. Wañucuptin, pampaycuranshi.

²³«Puchuy-puchuy jananéchu cawash runa chacaj pachaéchu ñacaycashanéhüshi Lázaruta ricaran Abrahamwan-ima janaj pachaéchu jamaraycämujta. ²⁴Ricarshi, Abrahamta jayacuran: «Tayta Abraham, llaquipaycallamay. Lázaruta cáçhamuy. Maquinta ushmarcachir, shamuchun jallüta ushmarcachinanpaj. Cay ninaéchu juyupa ñacaycä» nir.

²⁵«Abrahamnash niran: «Wawallau wawa, ¿pachaéchu

cawashayquita yarpanquirächu? Pachaéchu puchuy-puchuy jananéchu cawashcanqui. Cananmi ichanga ñacaycanqui. Lázaruna pachaéchu ñacash carsi, canan allíchu caycan. ²⁶Jananmanpis chimpayta mana camäpacüchu. Jatun rajra raquiraycämanchi. Chaymi wacman-cayman pipis mana chimpanmanchu.»

²⁷«Chaura puchuy-puchuy jananéchu cawaj runash niran: «Tayta Abraham, jatunpa mañacucushayqui. Papänpa wasinman Lázaruta cáçhaycullay. ²⁸Wauguícuna pichgajraj cawaycan. Wauguícuna juchata ama aparicuchunnachu. Mana piñacamuptin, ñacayman paycunapis éhayamunga.» ²⁹Abrahamnash niran: «Wauguicuna Moiséspa shimintapis, Tayta Diosninchipa willacujnincunapa shimintapis musyan. ¿Imanirtaj mana wiyacunchu?» ³⁰Puchuy-puchuy jananéchu cawaj runanash niran: «Tayta Abraham, paycunapa shimillanta mana wiyacunmanchu. Wañushanpita cawarircamur piñapaptinmi ichanga, rasunpa wanacäringa.»

³¹«Abrahamnash niran: «Moiséspa shiminta, willacujcunapa shiminta mana wiyacur, wañushanpita cawarircamur piñapaptinsi, manam wiyacungapishchu.»»

**Juchaman mana échayanapaj
piñapashan**

San Mateo 18.6–7, 21–22;

San Marcos 9.42

17 ¹Purishijnincunata Jesús niran: «Imallapis canga runa juchaman échayanapaj. Chaypis juchaman janéchuycunata chigaypa

Tayta Diosninchí ñacachinga.
²Wamra-jina llapan shungunwan nuwaman yupachicujcunata juchaman janéhcunaga wañuyman éhayachun. Jatun-caray marayta cuncanman wallgaparcu, yacu rurirucaman wicaparinman. ³Chaymi juchaman ama janéhanacunquichu.

«Runa-masiqui juchata aparcuptin, piñacunqui. Piñacushayquita wiyacuptin, allina ricanacunqui. Juchanta ama yarparanquinachu. ⁴Juc junajllaéchu janéhis cutipis juchata aparcuriycur: «Mana llutanta rurashánachu» nishuptiqui, imaypis junganquiman. Alli ñawiquiwan ricanquiman.»

⁵Caéhcunata Tayta Jesústa mañacuran: «Tayta, llapan shungüwan yupachicunajpaj yanapaycallamay» nir.

⁶Jesúsna niran: «Yangallapis yupachicu, tagay jatun yürata ninquiman: «Caypita washaman witicuy.» Niptiqui áñir, llupicácur jatun yacu püsucamansi witicaramunman.

⁷«Piyuncuna yapyashanpita, michipacushanpita éhayaptin, patrún manash ninchu: «Jamacuy. Micushun.» ⁸Manchéga nin: «Canan yanucaraycamuy. Micucurcuptiraj, micunqui.» ⁹Nishanta llapanta rurap-tinsi, manash ninchu: «Ima allish yanapámashcanqui.» ¹⁰Chay-jina jamcunapis Tayta Diosninchipa maquinéchu cawarcaycanqui. Shungun munashanta rurar, ninquiman: «Tayta Diosninchipa maquinéchu cawaycä. Nimashallanta imatapis rurashcä.»»

**Chuncaj jaraéchu jishyawan
 jishyajcunata Jesús
 allchacächishan**

¹¹Jerusalén marcaman aywar, Galilea uranpa, Samaria uranpa

Jesús yarpuran. ¹²Juc marcaman éhayaycaptin, éhuncaj jaraéchu jishyawan jishyajcuna ricaripuran. ¹³Carullapita jayacuran: «Tayta Jesús, llaquipaycallamay, ari. Allchacaycachillamay» nir. ¹⁴Jesúsna niran: «Cüracunaman ayway. Allchacashayquita ricachiy.» Cüraman aywaycashallanéhüna jaraéchu jishyawan jishyajcuna áñir allchacácuran.

¹⁵Jucnin allchacashanta tantiyacurir, cushish cuticullaran. Sumaj wiyächipaypa Tayta Diosninchita alliman éhuran: «Taytallau Tayta, ima allish llaquipámashcanqui» niycar. ¹⁶Jesúsna ñaupanman éhayar, jungurpacuycuran: «Tayta Jesús, ima allish allchacächimashcanqui» nir. Jesúsman cutij runaga Samaria runa caran.

¹⁷Jesúsna juturajcunata tapuran: «¿Manachu éhuncaj jaraéchu jishyawan jishyajcuna allchacasha? Waquin, ¿maytaj?» ¹⁸¿Cay jápa runallachu Tayta Diosninchita alliman éhuran? Waquina Israel runa caycarsi, Tayta Diosninchita jungaycushachi» nir. ¹⁹Jungurparaj jápa runata niran: «Jatariy. Yupachicamashayquipita allchacashcanqui. Aywacunya.»

**Tayta Diosninchipa maquinéchu
 cawaypita tantiyachishan**

San Mateo 24.23–28, 36–41

²⁰Waquin fariseucuna Jesústa tapuran: «¿Imaypitataj Tayta Diosninchipa maquinéchu cawashun?» nir. Jesúsna niran: «Maquinéchu cawashanchita musyananchipaj mana Tayta Diosninchitaráchu ricananchi. ²¹Mana pipis ninmanchu: «Cayéchu runacunata

maquinéchu puriyächin. Washaéchu maquinéchu puriyächin.» Mana ricarpis, waquinninchi Tayta Diosninchipa maquinéchu cawarcaycanchi.»

²²Jinarcu purishijnincunata Jesús niran: «Ñacay captin, maquiéchu cawapäriytasi munan-quipaj. Washänajtapis munan-quipaj. Chaypaj Tayta Diosninchicaçhamasha. Ichanga mana ricamanquipänachu. ²³«Tayta Diosninchipa caçhan cayéchu caycan» nishuptiquisi: «Washaéchu caycan» nishuptiquisi, ashij ama aywan-quichu. ²⁴Cutimupti, illaguta llapan ricashan-jina llapan runa ricamanga. ²⁵Chaypis cananllaraj runacuna wasguimanga. Ñacachir ushyamanga.

²⁶«Sumaj tantiyacunquiman. Tayta Diosninchicaçhamasha. Yapay caçhamänan wichan runacuna cawashanwan cawarcaycangapaj. Noé cawashan wichanpis runacuna chaynuy cawarcaycaran. ²⁷Lücu tamyä mana jallarishancaman runacuna cawashanwan cawacurcaycaran. Jaucalla micucurcaycaran. Upucurcaycaran. Waquinpis majachacaycaran. Bütiman Noé jigacurcuptinmi ichanga, lücu tamyä jallacuycuran. Yacu limbucurcuptin, llapan runa shugupacaypa wañuran. ²⁸Lot cawashan wichanpis runacuna cawashanwan cawarcaycaran. Cushish micucuran. Upucuran. Rantipacuran. Murupacuran. Wasintapis rurapacuran. ²⁹Sodoma marcapita Lot llucshicuriptinmi ichanga, nina tamyä jallacuycuran.

Llapan runata ushyaran. ³⁰Tayta Diosninchicaçhamaptin, cutimushä junajpis runacuna cawashanwan cawarcaycangapaj.

³¹«Chay junaj wasi puncullaéchu caycarsi, ruriman ama yaycunmanchu. Imancunatapis ama jurgunmanchu. Çacrapitapis wasiman ama cutinmanchu. ³²Lotpa warmin imaman çhayashanta jungarunquiman. Payga jipaman ticrärishanéchu caçhi rumiman ticracuriran. ³³Pipis shungun munashallanta rurar, ushyacayman çhayangapaj. Shimita wiyacurmi ichanga runa ñacachiptinsi, wañuchiptinsi, imaycamanpis Tayta Diosninchipa maquinéchu cawangapaj.

³⁴«Chay junaj juc cämallaéchu ishcaj puñuycaptin, juc-cajllata shuntacushaj. Jucnintam ichanga jaguiycushaj. ³⁵Ishcaj warmi agacurcaycaptinpis, juc-cajllata shuntacushaj. Jucnintam ichanga jaguiycushaj.»*

³⁶Chaura purishijnincuna Jesúsna tapucuran: «¿Maymantaj cutimuj aywanqui?» nir. ³⁷Jesúsna niran: «Rimaypis purin. «Siucacunash micunanta ricar, maymanpis jutucan.» Cutimushätapis llapan runa mayanga.»

Tayta Diosninchita mañacuypita tantiyachishan

18 ¹Purishijnincuna mana yamacällar Tayta Diosninchita mañacunanpaj willapar, tincuchiypa Jesús niran: ²«Juc marcaçhüshi juyu juis caran. Tayta Diosninchita manash manchapacujchu. Runa-masintapis manash

* 17.35 Waquin Bibliaéchu yapasha: «Ishcaj runa arupacuycaptin, juc-cajllata apacushaj. Jucnintam ichanga jaguiycushaj» nir.

llaquipajchu. ³Biyüda warmipis dimandacurshi puriycaran. Waran-waranshi juisman aywaj: «Dimandüta juclla ushyacaycachipämay, ari» nir. ⁴Juisga manash wiyaj-tucuranchu. Chaypita unayllatash yarpaçhacuran: «Mana Tayta Diosninchipitachu cawä. Runa-masipis mana imanämanchu. ⁵Chaypis cay warmita umäta mana nanächinanpaj mañacamashanta wiyashaj. Waran-waran mana yaycaycämunanpaj yanapaycushaj» nir.»

⁶Willapariycur, Jesús niran: «Juyu juispita tantiyacunquiman. Juyu carsi, biyüda mañacushanta wiyashash. Washashash.

⁷¿Chayrächuraj Tayta Diosninchi mana wiyashunquimanchu?

Acracushan wawan caycaptiqui, ¿upa-tucungachuraj? Mana.

⁸Pagas-junajpis mana yamacällar mañacuptiqui, juclla washäshunqui. Chaypis janaj pachapita washänäpaj Tayta Diosninchi caçhamaptin, ¿cay pachaçu tiyaj runacuna Tayta Diosninchipa maquinçhüchuraj cawaycangapaj?»

Ishcaj runapa willapan

⁹Alli-tucuj runacuna juchaynaj-tucur waquina pampaman çhuraptin, wiyächipaypa Jesús niran: ¹⁰«Ishcaj runash Tayta Diosninchipa wasinman aywaran. Juc-caj caran fariseu, juc-cajna jillayta shuntaj chiqui runa.

¹¹Fariseu runaga içicuycurräshi Tayta Diosninchita mañacuran: «Taytallau Tayta, jatunpa cushicüllä. Waquin runa-jinachu mana juchata aparicü. Mana suwacüchu. Llutanta mana rurächu. Warmitapis mana janapachichu. Tagay chiqui runa-jinachu mana caycä. ¹²Manchäga

allillata rurä. Simänaçu ishcaj cuti ayunä. Gänashäman-tupu jampa-cajta raquir, wasiquiman çhurä» nirshi.

¹³«Jillayta shuntaj runash ichanga juyupa llaquicuran. Pingacuywan uysucuycur mañacuran: «Taytallau Tayta, llaquipaycallämay, ari. Pasaypa jucha-sapa runa cä» nir.»

¹⁴Willapariycur, Jesús niran: «Tayta Diosninchi chiqui runata llaquiparan. Juchantapis jungaycuran; fariseu runatam ichanga mana. Alli-tucujcunata Tayta Diosninchi pampaman çhuran. Mana alli-tucujcunatam ichanga alliman çhuran.»

Wamracunapaj Tayta Diosninchita mañacapushan

San Mateo 19.13–15;

San Marcos 10.13–16

¹⁵Waquin runacuna Jesúsman çhayaran: «Yataycur mallwa wamracunapaj Tayta Diosninchita mañacapamay, ari» nir. Wamracunata çhayachijta ricarmi ichanga, purishijnincuna piñacuran.

¹⁶Chaura Jesús niran: «Ama miçhaychu. Wamracunata apamuchun. Shacamuchun. Wamra alli shungu cawashan-jina alli shungu runacunallapis Tayta Diosninchiman yupachicushpan maquinçu cawan. ¹⁷Sumaj tantiyacunquiman. Tayta Diosninchipa maquinçu cawanayquipaj wamracuna-jina wiyacunquiman. Manchäga mana camäpacunquipächu.»

Puchuy-puchuy janançu cawaj runawan Jesús parlashan

San Mateo 19.16–30;

San Marcos 10.17–31

¹⁸Mayur Israel runa Jesústa tapuran: «Alli Tayta, ¿imatataj ruräman Tayta

Diosninchipa ñaupanchu imaycamanpis cawanäpaj?» nir.

¹⁹ Jesúsna niran: «¿Imanirtaj: «Alli» nimanqui? Tayta Diosnillanchi alli.

²⁰ Moisés isquirbishanta musyanqui. Shiminchu nin: «Majayquita ama janan-pachinquichu. Ama wañuchicunquichu. Ama suwacunquichu. Runa-masiquita ama tumpangunquichu. Mamayqui-taytayquitapis alli ricanquiman.»*

²¹ Chaura mayur runa niran: «Wamra cashäpita-pacha chaycunata llapallanta éharcushcä.»

²² Jesúsna niran: «Jucrämi pishishunqui. Llapan imayquicunatapis ranticuycur, wacchacunata aypuriy. Jinarcu purishimay. Chayraj imaycamanpis Tayta Diosninchipa maquinchu cawanquipaj.» ²³ Chaynuy niptin, shungun ishquicäcuran. Puchuy-puchuy jananchu cawashpan juyupa llaquicuran.

²⁴ Llaquicujta ricar, Jesús niran: «Puchuy-puchuy jananchu cawajcuna Tayta Diosninchipa maquinchu cawanapaj sumaj sasa.

²⁵ «Camillu» nishan jatun-caray uywa aujapa ñawinpa ushtucuyta mana jushan-jina puchuy-puchuy jananchu cawajcunapis Tayta Diosninchipa maquinchu cawayta mana junchu.»

²⁶ Chaura wiyajcuna parlamacäriran: «Chaynuy caycaptin, ¿piraj Tayta Diosninchipa ñaupanman éhayanga?» nir.

²⁷ Jesúsna niran: «Runacuna ushyacajlla. Chaymi alli cawarpis, sasächicun. Tayta Diosninchipämi ichanga imapis mana sasachu. Payga munayniyuj pitapis ñaupanman éhayachinanpaj.»

²⁸ Pedruna niran: «Tayta, nuwacuna llapan imäcunatapis jaguiycur, purishiycaj.»

²⁹ Jesúsna niran: «Sumaj tantiya-cunquiman. Tayta Diosninchipa maquinchu cawayta munaywan wasinta, majanta, mayurnincunata, shullcancunata, maman-taytanta, wamranta jaguijcunata ³⁰ ima-imapis mana pishingachu. Tayta Diosninchipa ñaupanman éhayarpis, mana ushyacaj cawaytapis éhasquingapaj.»

Quimsa cutipana wañuyman éhayananta Jesús musyachicushan

San Mateo 20.17–19;

San Marcos 10.32–34

³¹ Chaypita éhunca ishchaywan purishijnincunata shuntarcu, Jesús niran: «Jerusalén marcaman aywaycanchi. Unay willacujcuna nuwapaj rimashan llapan éharcucanga. Runacunata washänäpaj Tayta Diosninchipa cáhamasha.

³² Chaypis Jerusalén marcachu Israel-masícuna Roma runacunapa maquinman éhayachimanga. Paycuna pampaman éhuramanga. Ashllir ushyamanga. Tuwapamanga. ³³ Sumaj wascamanga. Wañuchimanga. Wañuchimaptinsi, quimsa junajta cawarimushaj.»

³⁴ Purishijnincunam ichanga Jesús rimashanta mana tantiyaranchu. Umanman mana yaycuranchu.

Japra runata Jesús allchacächishan

San Mateo 20.29–34;

San Marcos 10.46–52

³⁵ Jerusalén marcaman aywaycashanchu Jericó marcaman Jesús éhayaran. Marca yaycunanachu japra runa mañapacuycaran. ³⁶ Achcaj

* 18.20 Éxodo 20.12–16; Deuteronomio 5.16–20.

runa chayashanta mayar, japra runa tapucuran: «¿Imataj caycan?» nir. ³⁷Runacuna willaran: «Nazaret marca Jesús shaycämun» nir.

³⁸Chaura japra runa jayacuran: «Unay mandaj Davidpa willcan Jesús, llaquipaycallämay, ari» nir.

³⁹Ñaupaj runacuna ullgüparan: «Upälla» nir. Chaypis japra runa yapay callpaycur-callpaycur jayacuran: «Unay mandaj Davidpa willcan Jesús, llaquipaycallämay, ari» nir.

⁴⁰Ichiycur, japrata Jesús jayachiran. Chayachiptin, tapuran: ⁴¹«¿Imallaçhütaj yanapäshayqui?» nir. Japrana niran: «Tayta, ñawí ricananta munä.» ⁴²Chaynuy niptin, Jesús niran: «Ricay. Yupachica-mashayquipita allchacashcanqui.» ⁴³Niptin, äñir, ñawin quiçhacäcuran. Ñawin ricaptin, Jesústa purishiran: «Ima allish Tayta Diosninchi allchacächimasha» nir. Waquin runacunapis japra runa allchacashanta ricar, Tayta Diosninchita alliman çhuran.

Zaqueupa willapan

19 ¹Jericó marcaman Jesús çhayaran. ²Chay marcaçu Zaqueo jutiyuj runa tiyaran. Payga jillayta shuntaj runacunapa mandajnin car, puchuy-puchuy jananchu cawaran. ³Jesús aywaycasha mayar, Zaqueo sumaj ricayta munaran. Chaypis chay-chicaj runapa chaupinçu Jesús aywaycaran. Zaqueo tacshalla cashpan ricayta mana camäpacuranchu. ⁴Mana camäpacur ñauparcur, juc yüraman jigacurcuran. Jesús yüra chaquinpa aywanan caran. ⁵Yüra chaquinpa ayway-

cashanchu çhuquircur Jesús niran: «Zaqueo, yarpamuy. Wasiquíchu pachächimämayqui camacan.»

⁶Zaqueuna juella yarpuran. Cushi-cushilla wasinman pusharan.

⁷Chaura waquin runacuna Jesústa jamurparan: «Juchaçu aruj runapa wasinçhüchi pachacunga» nir.

⁸Micupacurir, llapanpa ñaupanchu Zaqueo niran: «Tayta Jesús, wacchacunata imäcunatapis pullanta raquipushaj. Pipa imallantapis suwapash carga, çhuscu janapay-yujta cutichishaj.» ⁹Jesúsna niran: «Zaqueo, auquilluyqui Abraham-jina wiyacushayquipita yawar-masintiquita Tayta Diosninchi wamrachacushcashunqui. Juchay-quitapis mana yarparanganachu.

¹⁰Tayta Diosninchi caçhamasha. Juchaçu arujcunata ashircur, Tayta Diosninchiman cutichij shamushcä.»

Jillay çhasquij piyuncunawan tincuchiypa willapashan

¹¹Jesúspa shiminta wiyaj runacuna yarpaycaran: «Tayta Diosninchipa maquinçhüna Jesús purichimäshun. Roma marca runacunata jargushun» nir. Llutanta yarpaptin Jerusalén marcaman çhayacashanchu tincuchiypa willapar, Jesús niran: ¹²«Juc runash auturdä cananpaj çhuraptin, mayur auturdäman aywaran.

Carguntawan sillunta çhasquij caru marcacamanräshi aywaran.

¹³Manaraj llucshirshi, çhuncaj piyuncunata jayachiran: «Cay jillayta cutimunäcaman mirachinqui. Llapa-niquita chay-chicata jaguipuycaj» nir. ¹⁴Marca-masincunash ichanga ricaytapis mana munaranchu. Chayshi mayur auturdäman waquinta caçhacuran: «Auturdä

éhurashayqui runa cargunta ama éhasquinmanchu. Ricaytapis mana munallächu» nir.

¹⁵«Chaypis mayur auturdä cargunmanshi éhuraran.

Silluntapis caçhapuran. Chaura marcanman cutircurshi, piyun-nincunata jayachiran: «¿Jillayniäta mirachishcanquichu-llapa?» nir.

¹⁶Punta éhayaj piyunninnash niran: «Tayta, jillayniäta éhunca janapayta mirasha.» ¹⁷Auturdänash niran:

«Allita rurashcanqui. Ichicllatapis alli ricashayquipita éhunca marcata maquiquiman éhurashaj.» ¹⁸Juc-caj piyunninnash niran: «Tayta, jillayniäta pichga janapayta mirasha.»

¹⁹Auturdänash niran: «Jampis allita rurashcanqui. Pichga marcata maquiquiman éhurashaj.»

²⁰«Juc-caj piyunninnash jamurpar niran: «Tayta, catay jillayniäta. Jilayniäta mana yatapashcächu. Jipilläman jatir-cushcä. ²¹Manchacuyä runa canqui. Jamashalla imatapis éhasquiyta munanqui. Mana murupacuycarsi, achca-achcata shuntayta munanqui. Chaymi manchacurä.» ²²Chaura auturdä runanash niran: «Manacaj runa canqui. Shimillayqui jitarpush-cashunqui. Jamashalla imatapis shuyarashäta musyaycar, mana arucuycar achca-achcata shuntayta munashäta musyaycar, ²³jillayniäta jillay mirachijcunallamanpis jutun-quiman caran. Cutimur, wawantinta shuntacüman caran.» ²⁴Waquin piyunnintanash niran: «Jillay charashallantapis jiéhurir, éhunca janapayta mirachij-cajta juycuy.»

²⁵«Piyunnincunash niran: «Tayta, chay runa éhunca janapayta jillayta charaycan.» ²⁶Auturdä runanash

niran: «Wiyacuptin, pitapis Tayta Diosninchi sumaj tantiyachinga. Mana wiyacujcunatam ichanga ichicllata tantiyashallantapis jungaycachinga. ²⁷Auturdä cayman yaycunäta mana munaj runatana apamuy. Ricay ñawíchu llapanta wañurachiy.»»

Jerusalén marcaman Jesús éhayashan

San Mateo 21.1–11; San Marcos 11.1–11;

San Juan 12.12–19

²⁸Willapäcuyta ushyarcur, mana jamallar Jerusalén marcaman Jesús aywaycaran. ²⁹Betfagé marcaman, Betania marcaman éhayaycaran. Chay quinranchu Ulíbus punta caran. Ishcaj purishijnincunata caçar, ³⁰Jesús niran: «Wac chimpa tacsha marcaman aywariyuy. Éhayar, manta büruta tarinquipaj. Pipis mana muntacunrächu. Watara-shanpita pascarir, apacamunqui. ³¹Pascaptiqui pipis miéshshuptiqui, ninqui: «Mandamajniäta mañanqui.»»

³²Purishijcunana aywar, Jesús pa shiminman-tupu büruta tariran. ³³Pascapacuycaptin, runacuna niran: «¿Imapätaj büruta pascaycanqui?» ³⁴Paycuna niran: «Mandamajni Jesús tash mañanqui.»

³⁵Chaura büruta Jesúsman aparan. Jacuncunata shawaparcir Jesús ta muntachiran. ³⁶Bürun muntash Jerusalén marcaman Jesús aywaycaptin, runacuna cushicuywan jacuncunatapis caminuman mashtapuran. ³⁷Jerusalén marcaman ricäna Ulíbus punta uranpa yarpuptin, Jesús pa purishijnincuna llapanmi cushicärran: «Tayta Diosninchi sumaj munayniyuj. Camacächiptin,



San Lucas 19.45–48

Jesús jishyaćhucunata allchacächisha. Supaycunatapis jargusha. Wañushcunatapis cawarachisha» nir.

³⁸Llapallan cushicuywan japarparan:

«Tayta Diosninchi caćhamushan
mandaj runa alli ricash
caycullächun.

Maquinćhu allilla
purichimächun.

Janaj pachaćhüpis jatunpa
cushicullächun» nir.*

³⁹Runacuna cushicuptinsi, waquin
fariseucuna Jesústa piñacuran:

«Tayta, purishijniquicunata
upällachiy» nir. ⁴⁰Jesúsna niran:

«Upällachipti, rumicunapis cushi-
cuywan rimarinman.»

^{41–42}Jerusalén marcaman yaycupay-
cashanćhu marcata ricapärir, Jesús
wagaran: «Jerusalén runacuna,
allilla cawanayquita Tayta
Diosninchi munan. Wasguimap-

tiquim ichanga tantiyacunayquita
mana camacächishachu. ⁴³Imayllaga
juyupa ñacanquipaj. Cuncharyuy-
quicuna chapaycur-chapaycur
magashunquipaj. ⁴⁴Wasiqicunatapis
ushyaypa jućhurachinga. Llapani-
quita wañurachishunquipaj. Mar-
cayquitapis ragällata jaguiycunga.
Juyupa ñacanquipaj washänajta
mana munashayquipita. Tayta
Diosninchi caćhamashanta mana
tantiyacushcanquichu» nir.

Tayta Diosninchipa wasinpita rantipacujcunata jargushan

San Mateo 21.12–17;

San Marcos 11.15–19; San Juan 2.13–22

⁴⁵Jerusalén marcaman ćhayar,
Tayta Diosninchipa wasinpa sawan-
ninman Jesús yaycuran. Sawanpita
ranticujcunata jargur ushyaran.

⁴⁶Llapanta wicapar niran: «Tayta

* 19.38 Salmo 118.26.

Diosninchipa shiminéchu nin:
 <Wasiga mañacamajcunallapaj.>*
 Jamcunam ichanga suwapa
 machayninman tigrachishcanqui.»

⁴⁷Waran-waran Tayta Diosninchipa
 wasinéchu Jesús willapácuran.
 Mayur cüracuna, Moiséspa shiminta
 yachajcuna, mayur runacunam
 ichanga achäquita ashiycaran
 wañuchinanpaj. ⁴⁸Chaypis mana
 tariranchu. Runacuna Jesústa mana
 cachariranchu. Shiminta sumaj
 wiyarcaycaran.

Jesús munayniyuj

San Mateo 21.23–27;

San Marcos 11.27–33

20 ¹Juc cuti Tayta Dios-
 ninchipa wasinéchu
 Jesús willapácuycaran: «Shimíta
 wiyacäriy. Maquinéchu Tayta
 Diosninchipa purichimäshun» nir.
 Mayur cüracuna, Moiséspa shiminta
 yachajcuna, mayur runacuna
 chayarcu, Jesústa ²tapuran: «Tayta,
 ¿pitaj cáchamushcashunqui? ¿Pipa
 munayninwantaj imacunatapis ruray-
 canqui?» nir.

³Jesúsna niran: «Nuwapis
 mä, tapucushayqui. Willamap-
 tiqui, nuwapis willashayqui.

⁴Juanta ushyachicunanpaj, ¿pitaj
 cáchamusha: Tayta Diosnin-
 chichu, runa-masillanchu? Mä,
 willamay.» ⁵Chaura quiquin-pura
 parlanacäriran: «<Tayta Diosninchipa
 cáchamusha> niptinchi: <¿Imanirtaj
 mana wiyacushcanquichu?>
 nimäshun. ⁶<Runa-masinchicunalla
 cáchamusha> niptinchi, runacuna
 sajmaypa wañuchimäshun» nir.
 Runacuna Ushyachicuj Juanta

chasquicush caran: «Tayta Dios-
 ninchipa willacujnin» nir. ⁷Chaymi
 Jesústa niran: «Tapumashayquita
 mana musyächu.» ⁸Chaura Jesúspis
 niran: «Mana camäpacuptiqui,
 pi cáchamashanta nuwapis mana
 willashayquichu.»

Chacrayujwan tincuchiypa willapashan

San Mateo 21.33–44;

San Marcos 12.1–11

⁹Chaypita tincuchiypa willapácur,
 Jesús niran: «Juc chacrayuj runash
 übasta mururan. Jinarcu chacra
 runacunata allimshaycurshi, juclä
 marcaman juyaj aywacuran.»

¹⁰«Übas pallay éhayamuptin,
 uywaynintash cáchacuran:
 <Diríchüta shuntamuy> nir. Cácha
 éhayaptin allimshacuj runacuna
 sumaj magariycärirshi, jinallata
 jarguriran. ¹¹Chaura chacrayuj juc
 uywaynintanash cáchacuran. Allim-
 shacujcunana chaytapis ashlliran.
 Magar ushyarirshi, jinallata jarguran.
¹²Chaura chacrayuj juc uywaynin-
 tanash cáchacuran. Paytapis magar
 ushyariycurshi, jarguriran.»

¹³«Chaura chacrayuj
 yarpaçhacuran. Yarpaçhacuriy-
 curshi, niran: <Cuyay wamräta
 cáchacushaj. Paytaga mancha-
 pacunga> nir. ¹⁴Chacrayujpa
 wamranta ricarshi, allimshacujcuna
 quiquin-puralla parlanacäriran:
 <Papäninga tagay wamrallanpaj
 llapan imancunatapis jaguinga.
 Chaymi wañurachishun. Chaura
 cay chacra maquinchichüna canga>
 nir. ¹⁵Chaynuy nirshi, chacra-
 yujpa wamranta charipácuran.

* 19.46 Isaías 56.7.

Ćhacranpita jargurcurshi,
wañuycachiran.

«Canan mä, willamay. Ćhacrayuj
cutimur, ĩimataraj ruranga chay
ćhacra runacunata? ¹⁶Chay ćhacra
runacunata wañurachinga. Ćhacran-
tapis juctana allimshaycunga.»

Jesúspa shiminta wiyar, runacuna
niran: «Chayta rurananchita Tayta
Diosninchí ama camacächichunchu.»

¹⁷Llapan runata ricapärir Jesús
niran: «Chaura Tayta Diosninchípa
shimin imapätaj niycan:

«Wasi rurajcuna:

«Cay rumi mana allichu» nir
wicapashantapis

Tayta Diosninchí simintuta jalla-
rachinanpaj ćhurasha.»*

¹⁸«Wicapash rumiman pipis
tacacur, ushyacanga.

Runapa jananman rumi shicwar,
nitiringa.»*

¹⁹Mayur cüracunawan Moisés
shiminta yaćhajcuna wiyächipay-
cashanta tantiyacuriran. Chaymi
Jesústa juella chariyta munaran.
Ichanga achcaj runa juturpaycaptin,
runacunata manchacushpan mana
chariranchu.

Jillayta ćhurananpaj tapucushan

San Mateo 22.15–22;

San Marcos 12.13–17

²⁰Chaypis Jesústa charircur, Roma
auturdäpa maquinman ćhayachiyta
munaran. Ichanga achäquita mana
tariranchu. Chaymi achäqui ashij-
cunawan watgachiran alli-tucullar
tapunanpaj. ²¹Achäquita ashijcuna
Jesústa tapuran:

«Tayta, alli shungu cashayquita
musyă. Pitapis Tayta Diosninchípa

shimillanta willapanqui. Llapan
runata alli ricanqui. ²²Chaymi
tapucushayqui. ĩMandaj Césarpaj
jillayta ćhurashuwanchuraj,
manachuraj?» nir.

²³Achäquita ashipashanta
musyashpan Jesús niran:

²⁴«Jillayniquita mä, ricachimay.
Jillayćhu, ĩpipa liträtuntaj caycan?
ĩPipa jutintaj isquirbiraycan?»

Tapuptin, paycuna niran: «Mandaj
Césarpa.» ²⁵Jesúsna niran: «Mandaj
Césarpata Césarpaj ćhuray. Tayta
Diosninchípa Tayta Diosninchí
ćhuray.»

²⁶Achäqui ashijcuna ima rimapa-
cuytapis mana camäpacuranchu.
Runa ricay pantachiyta mana
camäpacur: «Jesús allita riman,
ĩau?» nir upällacaycärran.

Wañushcuna cawarimunapita tapucushan

San Mateo 22.23–33;

San Marcos 12.18–27

²⁷Chaypita waquin saduceu
runacuna Jesúsman ćhayaran.
Paycuna yarpaj: «Wañushcuna
mana cawaringapächu» nir.
Chaymi Jesústa niran: ²⁸«Tayta
Jesús, Moiséspa shimin nin: «Runa
wañucur warminta wawaynaj-
llata jaguiptin, wañucuj runapa
wauguillan biyüdanwan majacha-
canman. Mushuj majanwan
wamrata tarishan wañucuj runanpa
jutinta apanga.»* ²⁹Canan mä,
tapucushayqui. Janćhis wauguish
caran. Juc wauguish warmiwan
majachacaran. Ichanga warminta
mana mirachillarshi wañucuran.
³⁰Chaura juc-caj wauguinnash

* **20.17** Salmo 118.22. * **20.18** Isaías 8.14–15. * **20.28** Deuteronomio 25.5–10.

chay warmiwan majachacaran. Paypis mana mirachillarshi wañucuran. ³¹Chay warmillawan majachacarcu-majachacarcu mana mirachillar, jan'chis waugui wañucuran. ³²Jipantaräshi warmipis wañucuran. ³³Tayta, mä, willamay. Wañushanpita cawarcamur, chay warmi, ¿maygan wauguipa warmintaj canga jan'chiswan majachacash caycar? ¿Llapanpa warminchuraj canga?»

³⁴Jesúsna niran: «Cay pacha'chu cawashancamalla runacuna majachacan. ³⁵Tayta Diosninchi acracushan runacuna cawarimur, janaj pacha'chu mana majachacanganachu. ³⁶Wañuymanpis yapay mana éhayanganachu. Cawarachishancunata wawanpana Tayta Diosninchi ricanga. Anjilcuna-jina mana ushyacangachu. ³⁷Wañushcuna cawarinanta mayna Moisés musyachicuran. Isquirbishan libru'chu willamanchi. Shira-shira'chu Tayta Diosninchi niran: «Moisés, unay auquilluyqui Abraham, Isaac, Jacob wañush carsi, cawaycan. Tayta Diosnin caycapti, manchapacaycáman.» ³⁸Cawaycájunalla Tayta Diosninchita manchapacun; wañushcuna mana. Maquin'chu cawajcuna wañush carsi, cawaycan. ³⁹Chaura waquin Moiséspa shiminta yachajcuna niran: «Tayta, allita rimashcanqui.» ⁴⁰Chaypita-pacha pipis mana tapuparanchu.

⁴¹Jesúsna niran: «¿Imanirtaj runacuna riman: «Washäcuj unay mandajninchi Davidpa willcan» nir? ⁴²Salmos libru'chu quiquin David nin:

«Tayta Diosninchi Washäcujnita nisha:

«Mandäshimänayquipaj diricha-caj lädüman jamacuy

⁴³cun'charyuyquicunata pampaman éhuranácaman.

Nishayqui-nishayqui munashay-quita rurachinquipaj.» ^{*}

⁴⁴«¿Washäcuj, rasunpachuraj Davidpa willcallan canga? ¿Runapa wamranchuraj canga? Au, paypitam. Chaypis quiquin mandaj David manchapacur, Taytachacuycan.»

Moiséspa shiminta yachajcunata

Jesús piñapashan

San Mateo 23.1–36;

San Marcos 12.38–40;

San Lucas 11.37–54

⁴⁵Llapan runapa ricay ñawin'chu purishijnincunata Jesús niran:

⁴⁶«Moiséspa shiminta yachajcunapa llupinpa ama aywanquichu. Paycuna alli-tucullar rucapäcushalla purin. Pi-maypis manchapacunanta munan. Shuntacäna wasichüpis, micupacuychüpis ñaupä-ñaupalla'chu jaman. ⁴⁷Biyüdacunapa imancunatapis ushyapan. Jinarcu alli-tucur Tayta Diosninchita mañacuj-tucun. Chaypita Tayta Diosninchi sumaj ñacachinga.»

Biyüda warmi cuyachicuy ninta éhurashan

San Marcos 12.41–44

21 ¹Tayta Diosninchipa wasin'chu puchuy-puchuy janan'chu cawajcuna cuyachicuy ninta éhurajta Jesús ricapaycaran. ²Biyüda warmipis pishipacuy'chu cawar, ishca y éhaniynaj-yupay

^{*}20.37 Éxodo 3.6. ^{*}20.42–43 Salmo 110.1.

jillayta éhurashanta ricaran.

³Chayta ricar, purishijnincunata Jesús niran: «Sumaj tantiyacun-quiman. Waccha biyüda mas achcata éhurasha puchuy-puchuy jananéchu cawajcunapita. ⁴Paycuna achcata éhurarpis, puchupacushallanta éhurasha. Waccha biyüdam ichanga llapan charashallantapis éhurasha. Chayllawan cawanan caran.»

**Tayta Diosninchipa
wasinta juéhurachinanta
musyachicushan**

San Mateo 24.1–2; San Marcos 13.1–2

⁵Waquin runa parlaycaran: «Achic-achicyaycaj rumicunawan Tayta Diosninchipa wasinta pargasha. Sumaj cuyayllapaj, ¿au? Runacuna cuyachicuynintapis éhurasha Tayta Diosninchipa wasin achic-achic-yaycaj cananpaj» nir. Jesúsna niran: ⁶«Sumaj ricacuy. Imayllaga llapan ricashayqui ushyaypa ushyacanga. Rumiwan pirgararsi, llapanmi juéhurachish canga.»

**Runacuna imaman échayananta
musyachicushan**

San Mateo 24.3–28;

San Marcos 13.3–23

⁷Waquin runa Jesústa tapuran: «Tayta, ¿imaytaj Tayta Diosninchipa wasinta juéhuchinga? ¿Imanay-pataj shimiqui éharcucánanta musyashaj?» nir.

⁸Jesúsna niran: «Pipis pantachishu-runquiman. Achcaj runa shamunga: <Tayta Diosninchi cáchamushan Washäcuj caycä. Cay pacha ushya-cangana> nir. Imata nishuptiquisi, ama éhasquipanquichu. ⁹Wacéhu-cayéchu wañuchinacuy jatariptinpis, ama mancharinquichu. Chaycunaraj

cangapaj. Chaypis cay pacha mana ushyacangarächu.

¹⁰«Cay pacha ushyacänanpäga marcan-marcan wañuchinacunga. ¹¹Chay-tucuyéhüpis pacha juyupa sicsicyanga. Muéhuy captinpis, yargaywan runacuna wañunga. Juyu jishyapis timpuringa. Janaj pachaéhüpis mana ricashanchi-cunata ricar, mancharinquipaj. Sicsic-yanquipaj. ¹²Chaycunaman mana éhayaptillayqui, jaticacáhar ushya-shunquipaj. Chasquicamashayqui-janan mayur Israel runacunapa maquinmanpis, carsilcunamanpis éhayachishunquipaj. Roma auturdäcunamanpis, mandajcunapis risu apashunquipaj.

¹³«Wacpa-caypa purichishupti-quisi, shimiquita ama amucurcun-quichu. Manchäga pï-maytapis nuwapita willapanqui. ¹⁴Ama yarpaéhacunquichu: <Chapacunäpaj, ¿imataraj rimashaj?» nir. ¹⁵Chapacunayquipaj quiquími yarpächishayqui. Yarpächishäta rimaptiqui, pipis mana íchipushunquipächu. Pipis mana achäquita taringachu.

¹⁶«Chasquicamashayqui-janan mamayqui-taytayquisi, waugui-quicunasi, yawar-masiquicunasi chiquishunquipaj. Paycunapis auturdäcunapa maquinman éhayachishunquipaj. Waquin-quita wañuchishunquipaj. ¹⁷Chasquicamashayqui-janan llapan runa chiquishunquipaj. ¹⁸Chaypis ama llaquicunquichu. Tayta Diosninchi mana junga-shunquipächu. Maquinpita mana pipis jurgushunquipächu. ¹⁹Chaymi jipaman ama cutiricunquichu. Mana yamacällar shimäta wiyacuptiqui,

imaycamanpis maquinchu Tayta Diosninchi cawachishunquipaj.

²⁰«Tayta Diosninchipa wasin juchunanpaj wallcana pishiptin, jäpa murucucunapis Jerusalén marcaman éhayapunga. ²¹Chayta ricar Judea quinranchu tiyar, puntacunaman jishpicäriy. Marcachu tiyar, éhacacunanaman jishpicäriy. Éhacrapitapis marcayquiman ama cutiychu.

²²Chay wichan shiminman-tupu Tayta Diosninchi mana wiyacujcunata ñacachinga.

²³«Ñacachishan wichan llapan Israel runacuna juyupa ñacanga. Jishyaj warmicunapis, pishi wamrayujcunapis cuyapaypaj ñacanga.

²⁴Waquin runa cuchur ushyash wañunga. Waquintana watacurcur ushyashta jäpa marcacunaman apanga. Jäpa runacuna Jerusalén marcata ñacachir ushyanga Tayta Diosninchi jitashan junajcaman.»

Tayta Jesús pa cutimunanpita musyachicushan

San Mateo 24.29–35, 42–44;

San Marcos 13.24–37

²⁵«Intipis, quillapis, istrillacunapis juc-nirajman ticracuringa. Lamar yacupis bunaypa-bunyaptin, maychaychüpis runacuna mancharinga. Tantiyaytapis mana atipangachu.

²⁶Janaj pachatapis Tayta Diosninchi tapsir ushyaringa. Chaymi runacuna manchariyllawan wañucacungaraj:

«¿Imamanraj éhayashun, au?» nir. ²⁷Chay junaj Tayta Diosninchi cáhamaptin munayniyuj caycar, pucutay jananchu achic-achicyaycar cutiycämujta ricamanquipaj. * ²⁸Rimashácuna

éharauptin, cushicärinquiman. Ama llaquicärinquimanchu. Washänäpämi cutiramushaj.»

²⁹«Jigus yürawan tincuchiypa tantiyacushun. ³⁰Yüran chillguiptin, tamya quilla jallaycunanta musyanchi. ³¹Chay-jina willapashácuna éharauptin, cutimunä caycashanta tantiyacärinquipaj. Cutimupti, maquinchüna Tayta Diosninchi runacunata purichinga. ³²Sumaj tantiyacunquiman. Waquinniquipa ricay ñawiquichu llapan éharcucanga.

³³Janaj pachapis, cay pachapis ushyacanga. Shimimi ichanga mana imaysi jungacangapachu.»

³⁴«Chaymi sumaj tantiyacärinquiman. Shunguyqui munashallanta ama ruranguichu. Upyallaachu ama cawanquichu. Cay pachaachu cawanayquipaj yarpaéacullar jungaycamärinquiman. Mana yarpashpita cutiramushaj. ³⁵Cay pachaman cutimushä junaj pipis mana jishpingachu. Wiyacamajcunata washäshaj; juchaachu arujcunatam ichanga mana. ³⁶Chaymi Tayta Diosninchipa cáchan capti, cutimunäta shuyaj-shuyajlla cawanquiman. Mana yamacällar Tayta Diosninchita mañacunqui jishpichi-shunayquipäpis, ñaupäman cushish éhayachishunayquipäpis.»

³⁷Waran-waran Tayta Diosninchipa wasinchu Jesús willapácuran. Chacaypam ichanga Ulibus punta quinranchu pachacuran.

³⁸Runacunapis waran-waran tutalla aywaran Tayta Diosninchipa wasinman Jesús pa shiminta wiyaj.

* 21.27 Daniel 7.13.

**Jesústa charinanpaj
parlanacushan**

San Mateo 26.1–5, 14–16;

San Marcos 14.1–2, 10–11;

San Juan 11.45–53

22 ¹Chay wichan Israel runacunapa «Libadüraynaj tanta» nishan fiestan yaycaycämuran. Chay fiestata ricsij: «Pascua» nir. ²Chay junajcuna mayur cüracunawan Moiséspa shiminta yaçhajcuna parlanacuran: «Jesústa pacayllapa wañurachishun» nir. Runacunata manchacur, pacayllapa wañuchiyta munaran.

³Supayna Judas Iscariotita maquichacur yarpächiran Jesústa wañuyman jitarpunanpaj. Chaymi Jesús pa purishijnin carsi, ⁴mayur cüraman, Tayta Diosninchipa wasinta täpajcunapa capitanninman aywaran: «Jesústa charishishayqui» nir. ⁵Chaura paycuna jatunpa cushicur: «Jillayta jushayqui» niran. ⁶Chay junajpita-pacha charij-charijllana caycaran runa mana caycaptin maychüpis Jesústa charinanpaj.

**Purishijnincunawan Pascua
micuyta Jesús micushan**

San Mateo 26.17–29;

San Marcos 14.12–25;

San Juan 13.21–30;

1 Corintios 11.23–26

⁷Pascua fiesta änir éhayamuran. Chay fiestaçu Israel runacuna libadüraynaj tantata micuj. Acrashan cashnitapis pishtaj. ⁸Jesúsna Pedrutawan Juanta caçharan: «Mä, ayway. Pascua micuyta camari-camuy» nir. ⁹Paycuna tapuran: «¿Maychütaj camaricamushaj?» nir.

¹⁰Jesúsna niran: «Jerusalén marcaman éhayaptiqui, puyñullawan runa yacuta apaycajta ricanquipaj. ¹¹Jipallanta aywanqui. Wasiman yaycuptin, wasiyujta ninqui: «Tayta Jesús caçhamasha. ¿Maychütashi wasi jäcuycan purishijnincunallawan Pascua micuyta micunanpaj?» ¹²Paynam camarishallata jäcuj altusninta ricachishunquipaj. Chayllaçu pishij-cunata camaricunqui.»

¹³Chaynu niptin, purishijnincuna aywar, Jesús pa shiminman-tupu llapantapis tariran. Chayllaçu Pascua micuyta camaricuran.

¹⁴Chacas-chacasna caçhancunawan micunanpaj Jesús jamacuycuran.

¹⁵Nircur niran: «Wañuy mana éhayapamaptillan, llapaniquiwan Pascua micuyta sumaj munashcä.

¹⁶Cananpita Pascua micuyta mana micushänachu. Llapanchita Tayta Diosninchi maquinman jishpichimap-tinchiraj, yapay micushunpaj.»

¹⁷Chaypita binuyuj cüpa aptacurcur niran: «Taytallau Tayta, ima allish tarichillämashcanqui.» Caçhancunatana niran: «Cay cüpallapita llapaniqui upuchi-nacuy. ¹⁸Sumaj tantiyacun-quiman. Cananpita binuta mana upushänachu. Llapanchita Tayta Diosninchi maquinman jishpichimap-tinchiraj, upushaj.»

¹⁹Chaypita tantata aptacurcur, niran: «Taytallau Tayta, ima allish tarichillämashcanqui.» Jinarcu tantata paquircur-paquircur, aypuran: «Catay. Cay tanta quiquimi caycä. Jamcuna-raycur wañuyman éhayashaj. Chaymi tantata paquipa-nacur, washänaj-raycur wañuyman éhayashata yarparämanqui» nir.



San Lucas 22.7-23

²⁰Micuyta ushyarcu juc bñuyuj cūpata aptacurcu, niran: «Cay bñu yawarnimi. Washānaj-raycur wañuyman chayapti, yawarni jichanga. Yawarniwanraj parlana-cushanta juctana Tayta Diosninchi charcucaycāchin.»

²¹«Nuwanchiwan micujmi wañuyman jitarpamanga. ²²Tayta Diosninchi caçhamasha. Quiquin camacāchiptin, wañuyman chayashaj shimin charcucānanpaj. Jitarpamaj runam ichanga juyupa ñacanga.» ²³Chaura caçhancuna tapunacuran: «¿Mayganinchiraj wañuyman jitarpushun?» nir.

**Munayniyuj cayta
ashijcunapita rimashan**

²⁴Chaypita Jesúsca caçhancuna mandaj cayta ashishpan quiquin-puralla piñanacuran. ²⁵Chaymi

Jesús niran: «Jäpa runacuna juc-niraj cawashanta musyanqui. Paycuna Tayta Diosninchi mana manchapacunchu. Mandajnincunapis ullgurcu-ullgurcu, nishan-nishan marca-masincunata imatapis rurachin. Pipis apärinanta mana munanchu. Alli-tucushpan pipis: «Llaquipäcu j runa» ninanta munan. ²⁶Jamcunam ichanga chaynuy ama canquimanchu. Mayur runa carpis, ama mayur-tucunquimanchu. Mandaj carpis, llapanta yanapan-quiman. ²⁷Mä, tapucushayqui. Runacuna, ¿pitataj alli ñawinwan rican: mäsächu jamajtachu, micuy jaracujtachu? Mayur runa captin, mäsächu jamajta alli rican, ¿au? Chaypis nuwaga llapaniquita jarashcaj.»

²⁸«Ñacapacuptisi, jamcuna shacyächimashcanqui. Mana

cacharaycamashcanquichu.

²⁹Chaymi mandaj canäpaj Papäni éhuramashan-jina nuwapis mandaj canayquipaj éhurashayqui. ³⁰Mandaj carga, jamarashächu jamachishay-quipaj. Micushächu micunquipaj. Chunca ishcaýwan casta Israel-masiqicunatapis maquiquiman éhurashaj. Paycunata mandanquipaj.»

**Pedro wasguinanta Jesús
musyachicushan**

San Mateo 26.31–35;

San Marcos 14.27–31; San Juan 13.36–38

³¹Chaypita Simón Pedruta Jesús niran: «Simónllau Simón, wiyacamashayquitapis, mana wiyacamashay-quitapis llapaniquita mayur Supay musyapayta munaycäshunqui.*

Quiquin Tayta Diosninchita mañacusha musyapäshunayquipaj. ³²Maquichacushunquipaj. Chaypis mayna Tayta Diosninchita mañacushcä maquinpita mana witicunayquipaj. Chaymi wanacurir, willacuj-masiqicunata shacyächinqui.»

³³Pedruna niran: «Tayta, wiéhgachishuptiquisi, wañuchishuptiquisi, mana imaysi jaguirishayquipächu.»

³⁴Jesúsna niran: «Pedro, mana ricsij tucumanquipächu. Gällu mana cantaptillan, quimsa cutiparaj wasguimanquipaj.»

**Imaman éhayanantapis
musyachicushan**

³⁵Chaypita cáhancunata Jesús niran: «Ñaupata wallguinajta, jipiy-najta cáhäräj. ¿Imallasi pishishcashunquichu?» Paycunana niran: «Mana imapis pishimashachu.» ³⁶Jesúsna

niran: «Cananmi ichanga camaricuy. Jillayniquita, jipiquita camaricuy. Cuchilluyqui mana captin punchuy-quita ranticuycur, juc cuchilluta rantiy. ³⁷Sumaj wiyamay. Nuwapaj Tayta Diosninchipa shiminéchu nin: «Juchaéchu arujta-jina runacuna ricanga.»*

Rimashan éhayamunanpaj wallcallana pishin.»

³⁸Cáhancunana niran: «Tayta, ishcaý cuchilluta charaycä.» Jesúsna niran: «Amana rimashunchu. Mana tantiyamanquichu.»

**Getsemaní éhacraéchu Jesús
mañacushan**

San Mateo 26.36–46;

San Marcos 14.32–42

³⁹Chaypita imaypis aywashan-jina purishijnincunawan-ima Ulibus punta quinranman Jesús cuticuran.

⁴⁰Pacharänanman éhayar, niran: «Mana wasguimänyquipaj Tayta Diosninchita mañacäriy.»

⁴¹Carushman aywaycur jungur-pacuycur, mañacuran: ⁴²«Papä, camacaptin, shuyarämaj ñacay ama éhayapämanmanchu. Jishpiyta munaptisi, shungü munashan ama camacächunchu. Manchäga munashay-quinuylla llapanpis caycüllächun» nir.

⁴³(Llaquish mañacuycaptin anjil éhayarcu, Jesúsna shacyächiran. ⁴⁴Payga juyupa llaquicur, llapan shungunwan Tayta Diosninchita mañacuran. Jananpi-tapis yawar-jinaraj südaynin shuturan.)*

⁴⁵Mañacuyta ushyaycur, purishijnincuna juturashanman cutiran. Paycuna llaquicuylawan puñucäcuran. ⁴⁶Chaymi niran:

* 22.31 Pedrupa juc-caj jutin caran: «Simón.»
Bibliächu cay birsiculucuna mana canchu.

* 22.37 Isaías 53.12. * 22.43–44 Waquin

«¿Puñurcaycanquiíchim? Ricchapacuy. Mana wasguimānayquipaj Tayta Diosninchita mañacäriy.»

Jesústa rīsu charishan

San Mateo 26.47–56;

San Marcos 14.43–50; San Juan 18.2–11

⁴⁷Jesús rimaycaptillan, purishijnin cashpansi Judas chayapuran achcaj runata pushacurcur. Jesústa wamayaj-tucur macallarcuran.

⁴⁸Jesúsna niran: «Judas, ¿Tayta Diosninchipa caćhan caycaptichu, wamayāmaj tumpaylla wañuyman jitarpaycamanqui?»

⁴⁹Charinanta musyar, purishijnincuna niran: «Tayta Jesús, ¿cuchilluwanchu washäcushun?» ⁵⁰Chaynuy nir jucnin mayur cürapa uywayninpa dirichicaj rinrinta rugupariran. ⁵¹Jesúsna niran: «Ama ruraychu.» Jinarcu runapa rinrinta yataycullar, allchacärachiran.

⁵²Jesústa charij aywarunaj mayur cüracuna, Tayta Diosninchipa wasinta täpajcuna, mayur runacuna. Paycunata Jesús niran: «¿Imatataj yarpinqui? ¿Suwa cashätachu? ¿Imanirtaj jiruyquiwan-jiruyquiwan, cuchilluyquiwan-cuchilluyquiwan shamushcanqui? ⁵³Waran-waran Tayta Diosninchipa wasinćhu ricamashcanqui. ¿Imanirtaj mana charimashcanquichu? ¿Imanirtaj supay purishan üra shamushcanqui? Supay shacyächishuptiqui munashanta rural, shamushcanqui. Chaypis Tayta Diosninchiraj llapanta camacächisha.»

Jesústa Pedro wasguishan

San Mateo 26.57–58, 69–75;

San Marcos 14.53–54, 66–72;

San Juan 18.12–18, 25–27

⁵⁴Jesústa charircu, mayur cürapa wasinman aparan. Caru jipallanta

Pedrupis aywaran. ⁵⁵Waquin runacuna cürapa wasinman chayar sawan rurinćhu ninata ratarcachir, masha-cuycaran. Pedrupis mashacuycaran. ⁵⁶Mashacuycajta ricapärir, cürapa uywaynin jipash niran: «Cay runapis Jesúswan purij runa.» ⁵⁷Pedrum ichanga wasguiran: «Mana ricsichu» nir.

⁵⁸Mayllanta juc runapis Pedruta ricar, wiyächipaypa niran: «Jampis Jesústa purishishcanqui, ¿au?» Pedruna niran: «Mana.»

⁵⁹Chaypita mana aycállatasi juc runapis niran: «Cay runa Galilea marca runam, ¿au? Jesúswan purish canga.»

⁶⁰Pedruna yapay wasguiran: «Mana. Imatash rimacullanquipis» nir. Rimaycaptillan, gällu cantariycuran.

⁶¹Jesúsna ticrarcu, Pedruta ricärriran. Ricäriptin, Pedro yarpäriran: «Mana ricsij tucumanquipächu. Gällu manaraj cantaptillan, quimsa cutipa wasgui-manquipaj» nishanta. ⁶²Tayta Jesúspa shiminta yarpärir sawan wajtaman llucshiycur, llaquicuywan juyupa waganan.

Jesústa pampaman ćhurashan

San Mateo 26.67–68; San Marcos 14.65

⁶³Täpaj runacuna Jesústa pucllacur ushyaran. Wascaran. ⁶⁴Ñawinta chaparcu, magar ushyaran: «¿Pí magashushayquitapis musyanquichu?» nir. ⁶⁵Tucuyta ashllir ushyaran.

Mayur Israel runacunapa sisyunninman Jesústa apashan

San Mateo 26.59–66; San Marcos

14.55–64; San Juan 18.19–24

⁶⁶Pacha wararuptin, mayur runacuna, mayur cüracuna, Moiséspa shiminta yaćhacuna

jutucaran. Mayur Israel runacunapa sisynninman Jesústa aparan.

⁶⁷Paycuna Jesústa tapuran:

«Mä, willamay. ¿Tayta Diosninchi caçhamushan Washäcujchu canqui?» nir. Jesúсна niran: ««Au. Nuwa caycä niptisi, mana éhasquicaman-quimanchu. ⁶⁸Imallata tapuptijsi, mana willamanquimanchu. ⁶⁹Imata yarpaptiquisi, Tayta Diosninchi caçhamasha. Cananpita Munay-niyuj Tayta Diosninchipa diricha-caj lädunéchu jamashaj mandäshinäpaj.»*

⁷⁰Jesúспа shiminta wiyar, llapan ullgucäcuran: «¿Jamchush Tayta Diosninchipa Wawan canqui?» nir. Jesúсна niran: «Rasullanta rimashcanqui.»

⁷¹Paycunana niran: «Tistiguta ama ashishunnachu. Wañuchinanchipaj quiquinpa shimillan jitarpuycusha. Shiminpita musyanchi Tayta Diosnin-chita apärishanta.»

Mandaj Pilatupa dispächunman Jesústa apashan

San Mateo 27.1–2, 11–14;

San Marcos 15.1–5; San Juan 18.28–38

23 ¹Jinarcu mayur Israel runacuna Jesústa aparan mandaj Pilatuman. ²Dispächunman éhayachir, niran: «Cay runa marca-masícunatash shimiaycan Roma auturdäcunata ticrapu-nanpaj. Mandaj Césarpaj jillayta éhuranantapis manash munanchu. Mandaj carshi, quiquinpa maquinéchu purichimäshun. Washämänanchipäshi cargunman Tayta Diosninchi éhurasha.»

³Mandaj Pilato Jesústa tapuran: «¿Rasunpachu Israel runacunapa

mandajnín canqui?» nir. Jesúсна niran: «Quiquiqui rimashcanqui.»

⁴Mayur cüracunatawan llapan runata mandaj Pilato niran: «Tantiyapti, cay runa mana juchallicushachu.» ⁵Paycunam ichanga niran: «Rasunpa, llapan Judea runata shimiaycan. Galilea quinranpita-pachash jallaycamusha. Cayéhüpis shimiaycashash.»

⁶Chaura mandaj Pilato tapuran: «¿Cay runa rasunpachu Galilea quinranpita?» nir. ⁷Galilea runa cashanta willaptin, mandaj Herodesman Jesústa apachiran. Mandaj Herodesga Galilea marcapa mandajnín caycar, chay junajcuna Jerusalén marcaéchu caycaran.

⁸Jesústa éhayachiptin, mandaj Herodes sumaj cushicuran. Unaypita-pacha willapanta mayar, Jesúswan tincuyta munaran. Runacuna willash caran: «Jesús jishyächucunata allchacaycächin. Supaycunata jargun. Wañushcunatasi cawarachin. Tayta Diosninchi camacächiptinshi, llapanta ruraycan» nir. Chaynuy willaptin, mandaj Herodespis imatapis ricayta munaran. ⁹Chaymi tucuy-tucuyta Jesústa tapuran. Jesúsmi ichanga imatapis mana rimacurancho. ¹⁰Mana rimacuptinsi, mayur cüracunawan Moiséspa shiminta yächajcuna tucuy-tucuyypita tumpaycaran.

¹¹Mandaj Herodespis, murucuncunapis Jesústa pampaman éhuran. Asipänan cashpan jatun auturdäpa achic-achicyaycaj müdananta ushtuparan. Jinarcu mandaj Pilatupa dispächunman cutichiran. ¹²Chay

*22.69 Salmo 110.1.

junaj mandaj Herodeswan mandaj Pilato chiquinacuycashanchu allina ricanacuran.

Jesústa ruschu wañuchinanpaj aunishan

San Mateo 27.15–26;

San Marcos 15.6–15;

San Juan 18.39–19.16

¹³Mandaj Pilatuna mayur cüracunata, mayur runacunata, pampa runacunata jayachiran. ¹⁴Jinarcu niran: «Jamcuna: «Roma auturdäcunata ticrapunanchipaj shimiya» niptiquisi, juchanta mana tarichu. Ricay ñawiquichu sumaj tapurpis, llutan rurashanta mana tarichu. ¹⁵Mandaj Herodespis juchallicushanta mana tarishachu. Chaymi dispächüman cutichi-musha. Canan cay runa juchata mana aparicushanta musyanchi. Wañuchinanchipäpis achäqui mana canchu. ¹⁶Chaymi sumaj wascariy-cullar, caçhariyushaj.»*

¹⁸Mandaj Pilatupa shiminta wiyar, llapan runa juc shimillawan japariran: «Barrabásta caçhariy. Jesústam ichanga wañuchiy» nir. ¹⁹Barrabásga Jerusalén marcachu auturdäcunata ticrapushanpita, wañuchicushanpita wíchgáraycaran.

²⁰Mandaj Pilato Jesústa caçhariy-cuyta munar, runacunata yapay parlaparan. ²¹Runacunam ichanga japarpaycaran: «Jesústa ruschu wañuchicächun. Ruschu wañuchicächun.»

²²Mandaj Pilato yapaypis niran: «¿Llutantatächu rurasha wañuchinapaj? Wañuchinanchipaj

juchallicushanta mana tarichu. Chaymi sumaj wascariy-cullar, caçhariyushaj.»

²³Runacuna llapan shungunwan japarparan: «Ruschu wañuchicächun» nir. ²⁴Japarpaycällar, mandaj Pilatuta aunichiran. ²⁵Aunichiptin, ticrapuj captinsi, wañuchicuj captinsi, mañacushannuylla Barrabásta caçhariycuran. Jesústam ichanga ruschu wañuchinanpaj caçhapaycuran.

Jesústa ruschu wañuchishan

San Mateo 27.32–44;


San Marcos 15.21–32;

San Juan 19.17–27

²⁶Jesústa wañuchinanpaj apaycashanchu Cirene marcapita Simónwan tincuran. Payga çacrapita cutiycaran. Charircu, Simónwan murucucuna rusta matan-cachiran. Jesúspa jipallanta rusnin matancash aywaran.

²⁷Ricäcujcunapis chay-chicajmi aywaran. Waquin warmicuna llaquicuywan atar aywaran. ²⁸Wagajta ricar, Jesús niran: «Jerusalén warmicuna, nuwapaj ama wagaychu. Manchäga quiquiquicunapaj, wamrayquicunapaj waganquiman. ²⁹Chigaypa ñacay çhayamungapaj. Chaymi runacuna ninga: «Ima alliraj waquin warmicuna wawata mana tariranchu. Mana jishyacuranchu. Chuchunanpäpis wamran mana caranchu.» ³⁰Juyupa ñacay çhayamuptin juella wañucuriyta munar, llapan runa ningapaj: «Chagacunallasi nitiycamanman.

* **23.17** Waquin Bibliachu yapasha: «Israel marcachu watan-watan Pascua fiestaclu juc risuta cacharinyaj» nir.



San Lucas 23.26–49

Juchucunallapis ushyaramanman.*

³¹Mä, wiyacäriy. Juchaynaj caycapti runacuna ñacaycächimaptin, çimanuyraj Tayta Diosninchi juchallaçu aruj runacunata ñacachinga?»

³²Jesústa wañuchinanpaj apaycar, ishcaj juyu runatapis wañuchinanpaj apaycaran. ³³«Calabira» nishan pataman çhayar, murucucuna rusman Jesústa läbaran. Juyucunatapis jucninta diricha-caj lädunman, jucnintana isquirda-caj lädunman läbaran. ³⁴(Rusçu läbaray-cashançu Jesús niran: «Papä, cay runacunapa juchanta jungay-cullay, ari. Mana musyayninwan

rusashanta ama yarparaychu.»)

Chaypita murucucuna surtita jitaran Jesúspa müdananta mayganinpis apacunanpaj.

³⁵Runacuna imata rurashantapis llapanta ricaparan. Mayur runacuna Jesústa pampaman çhurar niran: «Waquin runacunata cawarachishash. Washäcuj cananpaj Tayta Diosninchi acracushan captin, quiquillan ruspita mä, yarpamuchun» nir.

³⁶Murucucunapis Jesústa pampaman çhurar. Shigui binuta upuchir, niran: ³⁷«Israel runacunapa mandajnin car, wañuytita mä, jishpiy.» ³⁸Rus janançhüna isquirbi-

*23.30 Oseas 10.8.

raycaran: «Cayga Israel runacunapa mandajnin» nir.

³⁹Lädunéchu läbaraj runapis jucnin Jesústa ashlliran: «Washäcuj car, ruspita mä, jishpiy. Nuwacunatapis jishpichimanquiman» nir.

⁴⁰Juc-cajläninéchu läbarajmi ichanga jucninta piñacuran: «Quimsaninchita wañuycächimanchi. Chaypis, ¿Tayta Diosninchita manachu manchapacunqui? ⁴¹Nuwanchita juchanchipita wañuycächimanchi. Jesúsmi ichanga ima juchatapis mana aparicushachu» nir. ⁴²Jinarcuc Jesústa niran: «Tayta, llapan runata maquiquíchu purichir, nuwatapis ama jungamanquichu, ari.» ⁴³Jesúsna niran: «Sumaj tantiyacunquiman. Canan junajmi Tayta Diosninchita ñaupanman chayashun. Alli cawayéchu juyäshunpaj.»

Jesús wañushan

San Mateo 27.45–56;

San Marcos 15.33–41;

San Juan 19.28–30

⁴⁴Lasdüsipita mallwaycaman pacha chacacäcuran. ⁴⁵Intipis wañucäcuran. Tayta Diosninchita wasinéchu chaparaj bayítapis pullanpa callacäcuran. ⁴⁶Jesúsna sumaj japariran: «Papä, almalla maquiquíchu caycan» nir. * Chaynuy nir wañucäcuran.

⁴⁷Chayta ricar, murucucunapa capitannin Tayta Diosninchita alliman churaran: «Cay runa rasunpa juchaynaj casha» nir.

⁴⁸Ricaj runacuna jatunpa llaquish

wasinman-caman cuticärriran:

«Llutanta rurashcanchi» nir.

⁴⁹Jesúswan yachänacushancunam ichanga carullaéchu íchirpaycaran. Galilea marcapita purishij warmicunapis ricaparcaycaran.

Jesústa pampashan

San Mateo 27.57–61;

San Marcos 15.42–47;

San Juan 19.38–42

^{50–51}Judea quinran Arimatea marcaéchu José tiyaran. Payga alli runa caran. Tayta Diosninchita shungun munashallanta rurawaj. Paypa maquinéchu cawayta yarparpis, sumaj manchapacuj. Mayur Israel runa caycarsi Jesústa wañuchinanpaj parlanacuptin, mana auniranchu. ⁵²Chaymi mandaj Pilatuman aywar, José niran: «Jesúspa ayanta apacushaj pampachicunäpaj.»

⁵³Mandaj Pilato aunircuptin, ruspita ayata yarpuchiran. Jinarcuc bayítawan piturcur, uéchu rurinman pampaycuran. Chay uéhcuman pipis mana pampacusharéchu.

⁵⁴Pampacushan junaj runacuna camaricuycaran diyawarda captin, warannin jamananpaj. * ⁵⁵Galilea warmicunapis Joséta aywäshiran Jesústa pampajta ricananpaj. Mayninman pampashantapis sumaj ricaparan. ⁵⁶Jinarcuc wasinman cutiycur, aya jananman jaycunanpaj pirjümicunata camaricuran. * Chaypis diyawarda captin, mana aparanchu. Manchäga Moisésapa shiminta wiyacur, jamaran.

* **23.46** Salmo 31.6. * **23.54** Nuwanchipaj pacha waraptillan, juc junaj jallarín. Israelcunapämi ichanga inti jigacurpupitillan, jallarín. * **23.56** Chäcra runacuna wañushta alli ricar, waytata churapan. Israelcunam ichanga ayaman pirjümita jaycapun.



San Lucas 24.1–12

Jesús cawarimushanpita willacushan

San Mateo 28.1–10; San Marcos 16.1–8;

San Juan 20.1–10

24 ¹Dumingu warariy-
captillan, warmicuna
pirjümin apacurcur, Jesús pampa-
rashanman aywaran. ²Chayaptin,
chaparaj rumi witrarayajta tariran.
³Pamparashan uhcuman yaycurir,
ayata mana tariranchu. ⁴Warmicuna
ima yarpaçhacuytapis mana
camäpacuranchu. Niycaptin ishcaj
runa müdananpis achic-achicyaycar,

ricaripuran. ⁵Manchacuywan
uysuraycaptin, ricaripushan runa
niran: «¿Pitataj ashiycanqui? Cawaj
runa wañushcunapa chaupinchu
mana canchu. ⁶Ashishayqui runa
mana caychüchu caycan. Manchäga
cawarishana. Galilea marcachu
caycällar, ⁷nishurayqui: ‘Tayta
Diosninchi caçhamash captinsi,
juchaçu arujcunapa maquinman
runacuna çhayachimanga. Ruschu
wañuchimanga. Wañuchimaptinsi,
quimsa junajta cawarimushaj.»»

⁸Chayta wiyar, warmicuna Jesússpa
shiminta yarpäiran.

⁹Chaymi pamparashanpita cutirecur, éhunca jucwan caçhacuna-tawan waquin purishijnincunatapis llapallanta willaran. ¹⁰Willacuj warmicuna caran Magdalena María, Juana, Santiagupa maman María, waquin warmicunapis. ¹¹Warmicuna willacuptin, caçhacuna mana riguiranchu: «Jinam rimacurcaycan» nir.

¹²Waquin mana riguiptinsi, Jesús pamparashanman Pedro aywacullaran. Maçhay rurinman watgaycur, pitushan bayita juturaycajllata ricaran. Chaura yarpaçhacuycar wasipa cuticuran.

**Emaús marcaman
aywaycajcunata Jesús
ricaripushan**

San Marcos 16.12-13

¹³Chay junajlla Jesúsapa ishcaj purishijnincuna Jerusalén marcapita Emaús marcaman aywaycaran.

Jerusalén marcapita Emaús marcaman ishcaj üra puriylla caran.

¹⁴Imapis cashancunata rimaräcur aywaycaptin, ¹⁵quiquin Jesús tariparcur aywäshiran. ¹⁶Paycunam ichanga mana ricsiranchu.

¹⁷Jesúsna tapuriran: «¿Imatataj rimarcaycanqui?» nir. Chaura llaquish ichicaycärriran. ¹⁸Cleofás jutiuy runana Jesúsna tapuran: «¿Jerusalén marcaçu pacharaycar, imatapis mana musyanquichu? ¿Janyancuna ima cashantapis manachu mayashcanqui?» nir.

¹⁹Jesúsna tapuran: «¿Imataj casha?» nir.

Paycuna niran: «Nazaret marca Jesúsna wañuycachisha. Payga Tayta Diosninchipa willacujnin car, sumaj willapäcuran. Jishyaçhucunatapis allchacächiran. Supaycunatapis

jarguran. Tayta Diosninchipa ricay ñawinchüpis, runa-masincunapa ricay ñawinchüpis alli cawaran.

²⁰⁻²¹Israel marca-masinti payman yupachicuycarä: «Jäpa runacunapa maquinpita Jesús jishpichimäshun» nir. Chaypis marcanchipa mayur cürancunawan mayur runacuna ruséchu wañuycachisha. Wañuycachishanpis cananwan quimsa junajna.

²²«Jananmanpis chaca-chacalla Jesús pamparashanman ayway warmicuna cutircamur manchachimasha. ²³Jesúsapa ayanta manash tarishachu. Ricariparcurshi, anjilcuna nisha: «Jesús cawaycan.» ²⁴Warmicuna willacuptin, waquinni aywasha. Çhayaptin, änirshi Jesúsapa ayan mana carannachu. Quiquin Jesústapis manash ricarannachu.»

²⁵Jesúsna niran: «¿Upa-jina tantiyacuyta manachu atipanqui? ¿Unay willacujcunapa shimin shunguyquiman manachu çhayaran? ²⁶¿Manachu musyarayqui Washäcuj ñacariycurraj Tayta Diosninchipa achic-achicyaycaj wasinman cutinanta?» ²⁷Washäcuj cashanta tantiyacunanpaj Tayta Diosninchipa shiminta ima-imapis isquirbisha-shanta Jesús sumaj willaparan. Moisés isquirbishanpita unay willacujcuna isquirbishanwancaman tantiyachicuran.

²⁸Emaús marcaman çhayaycar, Jesús ñaupacuran. ²⁹Ñaupacuyta camaycuptin, paycuna niran: «Ama aywacuychu. Pachapis chacanaycan. Cayllaçu pachacushun.»

Chaynuy niptin, Jesús auniran. Paycunawan pachacuran.

³⁰Micunanpaj jamaraycashançu tantata aptarcur, Jesús niran: «Taytallau Tayta, ima allish

tarichillämashcanqui.» Jinarcu paquircu-paquircu aypuran.

³¹Chayraj ishcaj purishijnincuna Jesús cashanta tantiyacuriran.

Jesúsmi ichanga illaricäcuran.

³²Chaura quiquin-pura ninacäriran:

«Parlaräcur aywäshimaptinchi, Tayta Diosninchipa shimin isquirbirajta willapämaptinchi, ¿manachu shungunchisi shacya-shacyalla ricacuran?»

³³Chaymi Jerusalén marcaman juella cuticäriran. Chayar, chunca jucwan caçhacunatapis, waquin purishijcunatapis juturpaycajta tariran. ³⁴Juturpajcunapis niran: «Nuwacunapis Tayta Jesús rasunpa cawarishanta musyäna. Simón Pedrutapis ricaripusha.»

³⁵Chaura Emaús marcapita cutijcunapis aywäshishanta willaran: «Jesúswan caminuçu tincushcä. Ichanga tantata paquiriptinraj tantiyacärishcä» nir.

Purishijnincunata Jesús ricaripushan

San Mateo 28.16–20;

San Marcos 16.14–18;

San Juan 20.19–23

³⁶Emaús marcapita cutijcuna rimaycaptillanraj, llapanpa chaupinçu Jesús ricacuran. (Nircu niran:

«Allilla juyaycullay, ari.»)* ³⁷Chaura llapan mancharicäcuran: «Almata-imatachi ricaycanchi» nir. ³⁸Jesúsmi ichanga niran: «¿Imanirtaj mancharinqui? ¿Imanirtaj llutäpacuycanqui?

³⁹Almaga aychaynaj, tulluynaj.

Nuwam ichanga aychayuj, tulluyuj caycä. Maqui chaquita sumaj ricay.

Rasunpa musyanayquipaj mä, yataycamay. Quiquimi caycä.» ⁴⁰(Chaynuy nir chaquintawan maquinta ricachiran.)

⁴¹Llapan juturajcunawan purishijnincuna sumaj cushicuran. Chaypis tantiyacuyta mana atiparanchu. Chaymi Jesús niran: «¿Imallapis micunanchipaj caycanchu?» ⁴²Chaura cancash piscäduta jararan. (Abijapa mishquintapis jararan.) ⁴³Jaraptin, llapanpa ricay ñawinçu micuran.

⁴⁴Micucurcu, niran: «Unay willaparaj: «Nuwapaj Tayta Diosninchipa shimin rimashan llapanmi charcucäna. Moisés isquirbishançhüpis, unay willacujcuna isquirbishançhüpis, Salmos isquirbishançhüpis nuwapaj riman» nir.» ⁴⁵Chaypita sumaj tantiyachir niran: ⁴⁶«Tayta Diosninchipa shimin isquirbirashançu nin: «Washäcuj ñacar, wañuyman chayanga. Quimsa junajta cawaringa. ⁴⁷Nuwapita chaytucuy marcaçu willapäcunga. Shimita wiyacur pipis wanacuptinga, llapan juchanta Tayta Diosninchi jungaycu alli ñawinwanna ricanga.» Chaymi jamcunapis willapäcu purir, Jerusalén marcapita-pacha jallarinqui. ⁴⁸May marcaçhüpis ricamashayquita, wiyamashayquita willapäcunqui. ⁴⁹Chaypis Jerusalén marcapita ama llucshinquirächu. Papäni aunishanjina Espíritu Santuta cachamushaj shacyächishunayquipaj.»

Janaj pachaman Jesús aywacushan

San Marcos 16.19–20

⁵⁰Chaypita llapan purishijnincunata Betania marcapa Jesús

*24.36, 40, 42, 51 Jincha caynuy captin () musyachimanchi waquin Bibliaçu chaupinçu isquirbiraycasha mana cashanta.

pusharan. Maquinta jugarcu,
mañacuran: «Taytallau Tayta,
llapanta alli ñawiquiwan ricaycullay,
ari. Llapallanču yanapaycullay.»

⁵¹Mañacuycashallanču aywacuran.
(Janaj pachaman Jesústa apacuran.

⁵²Apacuptin purishijnincuna jungur-
pacuycu, Jesústa manchapacuran.)
Jinarcu Jerusalén marcaman cushi-
shalla cuticäriran. ⁵³Chaychu waran-
waran Tayta Diosninchipa wasillanču
Tayta Diosninchita alliman churaran.



San Lucas 24.50–53

Jesús pa willapanta San Juan willacushan

Tantiyacunanchipaj:

Juan cay libruta isquirbiran. Chaynuypis isquirbiran: 1 San Juan, 2 San Juan, 3 San Juan, Apocalipsis. Payga piscädu charij runa caran. Chaypis Jesús acracuran purishinanpaj, cañacunanpaj. Jesústa purishir, Tayta Diosninchipa Wawan cashanta Juan tantiyacuran. Chaymi Jesús tincuchicushanpita isquirbiran. Payga tincuchicuran Tayta Diosninchipa shiminta camacächicujwan, achquiwan, uysha michijwan, cawachicuj tantawan. Chaynuypis Jesúsla Tayta Diosninchiman chayachimanchi. Munayniyuj cashantapis tantiyachimanchi. Payga Washäcujninchí. Chaymi Jesús ima-imata rurashantapis, tantiyachicushantapis Juan isquirbiran runacuna Jesúsmán yupachicunanpaj.

Juan isquirbiran:

- Jesús quiquin Tayta Diosninchí cashanpita, cay pachatawan janaj pachatapis Tayta Diosninchíwan camashanpita, cay pachaman shamushanpita: **San Juan 1.1–18.**
- Tayta Diosninchí camacächiyninpa Wawan cashanta Jesús musyachicushanpita, willapäcushanpita: **San Juan 1.19–12.50.**
- Purishijnincunawan purir Jesús willapäcushanpita: **San Juan 13.1–17.26.**
- Jesústa ñacachishanpita, wañuchishanpita, cawarachimushanpita: **San Juan 18.1–21.25.**

Jallarinan

1 ¹Manaraj imapis caycaptillan,
Tayta Diosninchipa shiminta
Camacächicuj cawaycaran.
Shiminta Camacächicuj Tayta
Diosninchíwan jucnaylla
caran.
Camacächicujga Tayta
Diosninchim.
² Manaraj imapis caycaptillan,
Camacächicujwan-ima Tayta
Diosninchí cawaycaran.
³ Paywanmi llapan imacunatapis
Tayta Diosninchí camaran.
Payllapita llap-llapanpis caycan.
⁴ Paylla cawachicuj. Achqui-
jina Tayta Diosninchí pï
cashantapis runacunata
tantiyachin.

⁵ Achicyapämashpanchi
Tayta Diosninchipa
shungun munashanta
tantiyachimanchi.
Jucha aparicujcunam ichanga
chacajéchu juyar, quiquinpa
shungun munashallanta
ruran.
Achquita wañuchishan-
jina Camacächicujtapis
wañurachiyta munaran.
Ichanga mana camäpacuranchu.
⁶ Tayta Diosninchí juc runata
caçhamuran. Caçhamushan
runa Juanmi caran. Pay
willapäcuran:
⁷ «Camacächicujman llapan runa
yupachicunanpaj willa-
camuy. Payga achqui-yupay»
nir.

- ⁸ Juan mana achquichu caran.
Manchäga achqui pï
cashantapis tantiyachicuj
shamuran.
- ⁹ Achqui-yupay Camacächicuj
cay pachaman shayca-
muran llapan runata Tayta
Diosninchipa shiminta
musyachinanpaj.
- ¹⁰ Tayta Diosninchipa shiminta
Camacächicuj cay pachachu
caycaran.
Cay pachatapis quiquin camaran.
Runacunam ichanga pï cashan-
tapis mana ricsiranchu.
- ¹¹ Camacächicujga Israel marcachu
yuriran.
Chaypis marca-masincuna mana
chasquicuranchu.
Manchäga wasguiparan.
- ¹² Payta chasquicujcunatam
ichanga Tayta Diosninchipa
wamrachacun:
«Wawämi canqui» nir.
- ¹³ Camacächicujman yupachi-
cuptin, pï-pitapis Tayta
Diosninchipa wamrachacun.
Ichanga mana runapa shungun
munashanpitachu,
mana runa
churiyächushanpitachu,
mana warmi mirashanpitachu,
manchäga quiquinpa shungun
munaptin, pitapis
wamrachacun.
- ¹⁴ Tayta Diosninchipa shiminta
Camacächicuj runa-masinchi
yuriran.
Cay pachaChu cawaran.
Sumaj munayniyuj cashanta
nuwacuna ricashcä.
Tayta Diosninchipa japallan
Wawan cashantapis
tantiyacushcä.

Llaquipäcujmi caran.

Shiminta charcujmi caran.

¹⁵ Camacächicujpita rimar, Juan
niran: ««Shaycämun» nishä runa
caychüna caycan. Puntata yurish
captisi mana yuriptillä, cawaycaran.
Mayurni cashpan alli ricash canan
camacan.»

¹⁶ Pay-raycur Tayta Diosninchipa
llaquipämashpanchi sumaj-sumaj
yanapaycämanchi. ¹⁷ Unayga Tayta
Diosninchipa shiminta ima-imata
charcunanchipäpis Moisés tanti-
yachimaranchi. Cananmi ichanga
Jesucristu tantiyachimanchi Tayta
Diosninchipa llaquipäcuj cashantapis,
shungun yarpashantapis. ¹⁸ Quiquin
Tayta Diosninchipa pipis mana
imaypis ricashachu. Wawallanta
ricasha. Payga Tayta Diosninchipa.
Jesús-ga Tayta Diosninchipawanpis
juc shungulla cawan. Chaymi Tayta
Diosninchipa imanuy-imanuy cashan-
tapis tantiyachimanchi.

Ushyachicuj Juan willacushan

San Mateo 3.11–12; San Marcos 1.7–8;

San Lucas 3.15–17

¹⁹ Chaura Juan willapäcuptin,
cüracunawan, Leví runacunawan,
Jerusalén marca mayur runacuna
tapuchiran: «¿Pitaj caçhamushca-
shunqui?» nir. ²⁰ Tapuptin, Juan
mana chapacuranchu. Manchä juclla
niran: «Mana Tayta Diosninchipa
caçhamushan Washäcujchu cä.»

²¹ Yapaypis tapuran: «¿Pitaj
caçhamushcashunqui? ¿Tayta Dios-
ninchipa unay willacujnin Elías-
jinachu canqui?» nir. Juanna niran:
«Mana Elías-jinapishchu cä.»

Yapaypis tapuran: «¿Tayta
Diosninchipa churashan Willacujchu
canqui?» nir. Juanna: «Mana»

niran. ²²Chaura yapay tapuran:
«¿Pitaj cačhamushcashunqui?
Pi cashayquitapis mä, willamay
cačhamaj runacunata willanäpaj»
nir. ²³Juanna niran: «Unay willacuj
Isaíaspa shimin čharcucānanpaj
shamushcă. Paypa shimin nin:

«Chunyajćhu juc runa jayacuypa
willacuycan:

«Taytanchi shamunanpaj wicsu
caminuta allchay» nir.»*

²⁴Chaypis fariseucunapa
cačhancuna Juanta yapay tapuran:
²⁵«Washäcujpis mana carga, Elíaspis
mana carga, Tayta Diosninchi
čhurashan Willacujpis mana carga,
¿imanirtaj ushyachicuyanqui?» nir.

²⁶Juanna niran: «Pipis Tayta Dios-
ninchipa maquinćhu cawayta munar
juchapita wanacuptin, yacullawan
ushyachicuycă. Chaypis mana
ricsishanchi runa marcanchićhu
puriycan. ²⁷Jipäta shamuptinsi,
payga munayniyujmi. Llanguinta
llushtipuyllatapis manchapacü.»*

²⁸Juanta tapurunaj chimpacćhu-
cay Betabará marca čhaquinćhu.*
Juanga runacunata ushyachirunaj
Jordán mayučhu.

Washäcuj Jesústa Juan ricsichicushan

²⁹Warannin junaj Jordán
mayuman Jesús čhayaycaran. Payta
ricar, llapan runata wiyächipaypa
Ushyachicuj Juan niran: «Mä,
ricay. Paymi Tayta Diosninchi
cačhamushan runa. Payga uysha-
yupay wañuyman čhayanga llapan
runapa juchanta aparicur. ³⁰Paypaj

willacurä: «Jipäta shamuj runa
munayniyujmi. Puntata yurish
caycaptisi mana yuriptillä, mayna
cawaycaran» nir. ³¹Quiquĩpis
mana ricsishcăchu. Chaypis Israel-
masintinchi ricsicunanchi-raycur
yacuwan ushyachicuycashcă.»

³²Jananmanpis Juan niran: «Janaj
pachapita Espíritu Santu paluma-
jina Jesúsman čhayamujta ricashcă.

³³Washäcuj pi cashantapis mana
musyashcăřachu. Yacuwan ushyachij
cačhamaj Tayta Diosninchim
ichanga nimaran: «Espíritu Santupa
maquinćhu Washäcujta purichishaj.
Paypis Espíritu Santuwan pitapis
ushyachinga maquićhu purinanpaj.»

³⁴Nuwaga ĩawĩwanraj llapanta
ricashcă. Tayta Diosninchipa Wawan
cashanta musyă.»

Purishinanpaj waquin runata Jesús jayashan

³⁵Warannin junajpis Juan ishcaj
purishijnincunawan-ima jinallanćhu
caycaran. ³⁶Jesús aywaycajta
ricar, Juan niran: «Tagaymi Tayta
Diosninchi cačhamushan runa.
Payga uysha-yupay.» ³⁷Chaynuy
niptin, Juanpa purishijnincuna
Jesústa jaticurcuran. ³⁸Jaticurcuptin
ticrarcur, Jesús niran: «¿Imatataj
ashinqui?» Paycuna niran: «Yáčhaj
tayta, ¿mayčćutaj tiyanqui?»
Rimayninćhu: «Yáčhaj tayta»
ninanta: «Rabbí» nin. ³⁹Jesúsna
niran: «Shamuy. Ricsichishayqui,
ari.» Aywar, Jesús tiyashanman
čhayaran. Tacsha mallwayna
caycaptin, jinallanćhu pachacärian.

* 1.23 Isaías 40.3. * 1.27 Israel runacuna alli ricashpan jurpanpa llanguinta llushtipuj
čhaquinta mayllapunanpaj. Ichanga manacaj uywaynin runawan mayllachij. * 1.28 Waquin
Bibliacćhu nin: «Betania marca» nir.

⁴⁰Jesústa aywäshijcuna jucnin caran «Simón» nishan Pedrupa wauguin Andrés. Paymi Ushyachicuj Juan willapäcushanta wiyacuran. ⁴¹Andrésna wauguin Simónta tarir, willaran: «Tayta Diosninchí acracushan Washäcujwan tincushcä» nir. «Washäcuj» ninanta hebreo rimaychu: «Mesías» nin; Griego rimaychüna: «Cristo» nin. ⁴²Nircur Jesúsman pusharan. Chayachiptin, Simónta sumaj ricapärir, Jesús niran: «Juanpa wamran Simón canqui, ¿au? Cananpita jutiqui canga: «Pedro.»» «Pedro» ninanpaj: «Kefas» nir jutichaparan. «Kefas» ninanga: «rumi» ninanmi.*

Purishinanpaj Felipitawan Natanaelta Jesús jayashan


⁴³Warannin junaj Galilea quinranman aywayta Jesús yarparan. Felipiwán tincur, niran: «Purishimay.» ⁴⁴Felipiga Betsaida marcapita caran. Andrésman Pedrupis chay marcallapita caran. ⁴⁵Felipina Natanaelta tarir, willaran: «Washäcujwan tincushcä. Paypaj Moisésna shiminpis, unay willacujcunapa shiminpis riman. Washäcuj Jesúsna Nazaret marca Josépa wawan» nir. ⁴⁶Natanaelta niran: «¿Nazaret marcachu alli runa yurinmanchi?» Felipina niran: «Ricanayquipaj mä, aywashun, ari.» ⁴⁷Natanael chayaycaptin, Jesús niran: «Paymi rasunpa unay auquillunchi Israelpa willcan. Payga llullacuytapis mana yačhanchu.» ⁴⁸Natanaelta tapuran: «¿Imanuy-

pataj pï cashätapis musyanqui?» nir. Chaura Jesús niran: «Manaräpis Felipiwán tincuptillayqui, ricashcäj. Jigus yüra chaquinchu jamaraycarayqui.» ⁴⁹Natanaelta wiyächipaypa niran: «Taytallau tayta, rasunpa Tayta Diosninchipa Wawan canqui. Israelcunapa mandajnin canqui.» ⁵⁰Jesúsna niran: «¿Jigus yüra chaquinchu ricashcäj» nishalläpitachu yupachicamanqui? Wara-warrantinraj sumaj-sumaj tantiyacunquipaj.» ⁵¹Jinarcu niran: «Sumaj tantiyacunquiman. Cačhan capti, Tayta Diosninchí sumaj ricaman.* Jamcuna janaj pachata quicharaycanta ricanquipaj. Anjilcunapis waquina nuwapita jigarcaycanga. Waquina janaj pachapita nuwaman yarpurcaycämunga.»

Majachacaychu yacuta bñuman Jesús ticrachishan

2 ¹Chaypita quimsa junajta Galilea quinran Caná marcachu juc runa warmita ashiran. Jesúsna mampis warmi ashichu caycaran. ²Jayachish captin, purishijnintin Jesúsna warmi ashichu caycaran. ³Warmi ashichu bñu ushyacacuran. Ushyacacuptin, mampis Jesúsna niran: «Bñu ushyacacushana.» ⁴Jesúsna niran: «Mamallau mama, ¿imanirtaj jaticanqui? Pï cashätapis ricsichicunä junaj mana chayamunrächu.» ⁵Chaypis Jesúsna mampis sirbinticunata niran: «Wawä Jesús nishanta llapanta ruranqui.» ⁶Chay wasichu

* **1.42** Waquin Bibliachu: «Cefas» nin. * **1.51** Jesús Tayta Diosninchí cačhamushan car, quiquin Tayta Diosninchí-jina imatapis ruraran. Shimintapis willacuran. Chaymi jutichacuran: «Runapa Wawan» nin. Castillänuchu: «el Hijo del Hombre» nin.



San Juan 2.1–12

rumipita sujta urpu caycaran. Cada urpuman yaycuj pačhac (100) litru-yupay yacu. Israelcuna Tayta Diosninchipa ricay ñawinchu alli cayta munar, urpucunačhu yacuta wiñarächij. Chay yacullawan mayllacuj. ⁷Jesúsna sirbinticunata niran: «Urpucunaman yacuta juntachiy.» Chaura änir yacuta juntachiran. ⁸Juntarcachiptin, Jesús niran: «Wallcallata čhagarcur, mayur sirbintiman apay.» Nishanta änir ruraran. ⁹Mayur sirbintina mallircuran. Ichanga maypita jurgamushantapis mana musyaranchu. Waquin sirbintilla yacupita binuman tichrachishanta musyaraycaran. Chaura mayur sirbinti warmi ashij müsuta jayarcu niran: ¹⁰«Llapanpis puntata alli binuta runata upuchin. Sumaj upucurcup-tinraj, shigui binuta upuchin. Jammi ichanga ushyacänancaman pugush binuta čhurarächicushcanqui, ¿au?» ¹¹Chayraj Jesús munayniyuj

cashanta musyachicuran. Galilea quinran Caná marcačhu yacuta binuman tichrachishanta ricar, Tayta Diosninchipa maquinčhu Jesús purishanta purishijnincuna tantiyacuran. Llapan shungunwanna Jesúsman yupachicuran.

¹²Chaypita Cafarnaún marcaman mamanwan, wauguincunawan, purishijnincunawan-ima Jesús aywacuran. Chayčhüna ishchay-quimsa junaj juyapäriran.

Tayta Diosninchipa wasinpita rantipacujcunata jargushan

San Mateo 21.12–13;

San Marcos 11.15–17;

San Lucas 19.45–46

¹³Israel runacunapa Pascua fiestan yaycaycämuptin, Jesúspis Jerusalén marcaman aywaran. ¹⁴Čhayaptin, Tayta Diosninchipa wasinpa sawanninčhu runacuna türucunata, uyshacunata, palumacunata ranticurcaycaran. Jilaytapis rucana-

curcaycaran. ¹⁵Jesúsna wascata aptacurcur, Tayta Diosninchipa wasinpa sawanninpita uyshantinta, türuntinta jarguran. Jillaynincunatapis mashtariran. Misancunatapis sajtar ushyariran. ¹⁶Paluma ranticujcunatapis niran: «Imayquicunatapis jurguy. Papänipa wasinchu mana ranticunayquipächu.» ¹⁷Chaynuy ruraptin, purishijnincuna Tayta Diosninchipa shiminta yarpäriran. Shiminchu nin: «Tayta, wasiquiraycur imamanpis chayäman.»* ¹⁸Mayur Israel runacunam ichanga niran: «¿Pitaj churashcashunqui jargumänayquipaj? Tayta Diosninchica shamushayquita musyanäpaj mä, imatapis ruray.» ¹⁹Jesúsna niran: «Mä, Tayta Diosninchipa wasinta ju churachiy. Nuwam ichanga quimsa junajlla chu cashganman jatarchishaj.» ²⁰Mayur runacunana niran: «Tayta Diosninchipa wasinta chuscu chunca sujtawan (46) watataraj rurayta ushyash caran. ¿Imanaypash quimsa junajllata yapay jatarachinquinman?» ²¹Tayta Diosninchipa wasinpaj rimarpis, wañushanpita cawarimunapaj Jesús rimaycaran. ²²Wañushanpita Jesús cawarimupitinraj, purishijnincunapis chaynuy nishanta yarpäriran. Chayrämi Jesús pa shiminpis, Tayta Diosninchipa shiminpis shungunman chayaran.*

Llapan runapa shungunta Jesús musyapashan

²³Jerusalén marcachu Pascua fiesta wichan Tayta Diosninchipita shamushanta Jesús musyachicuran.

Ima-imatapis rurashanta ricar, achcaj runa Jesúsman yupachicuran. Jesúsmi ichanga shungunta musyar, paycunaman mana yupachicuran chu. ²⁴⁻²⁵Payga runapa shungunta musyaparan pipis mana willaycaptillan, rurashantapis mana ricaycällar.

Yapay yuriypita Jesús tantiyachicushan

3 ¹Chay marcachu Nicodemo jutiyuj runa tiyaran. Mayur fariseu runa caycaptin, Israelmasincuna alli ñawinpa ricaran. ²Juc chacay Jesúsman aywaran. Chayar, niran: «Yachaj tayta, Tayta Diosninchipa cachan car, shiminta willapäcuycanqui. Camacächiyninpa tucuy-jinanpa runacunatapis yanapaycanqui. Rurashayquicunata runa mana ruranmanchu. Chaymi ca shamushushayquita nuwacuna musyá.»


³Jesúsna niran: «Sumaj tantiyacunquiman. Tayta Diosninchipa maquinchu imaypis cawanayquipaj yapayraj yurinayqui.»

⁴Nicodemuna tapuran: «Auquis runa caycar, ¿imanaypataj yapay yuriman? ¿Yapay yurinapaj mamäpa pächenman cutimanchuraj?» nir.

⁵Chaura Jesús niran: «Sumaj tantiyacunquiman. Pipis Tayta Diosninchipa maquinchu cawayta munar, yacupitapis, Espíritu Santupitapis yurinman. ⁶Maman-taytanpita yurijcuna wañucujlla. Espíritu Santupita yurijcunam ichanga Tayta Diosninchipa maquinchu cawan.

⁷Ama yarpa chacuychu: «Yapayraj

*2.17 Salmo 69.9. *2.22 «Tayta Diosninchipa shimin» ninanta castillänuchu: «Escritura» nin.



San Juan 3.1–21

yuriy» nipti. ⁸Wayrata mayarsi, maypita shamushantapis, maypa aywashantapis runacuna mana musyanchu. Chay-jina Espíritu Santu pï-pïta cawachishantapis runacuna mana musyanchu.»

⁹Chaura Nicodemo niran: «Tayta, shimiqui umäman mana yaycunchu.»

¹⁰Jesúsna niran: «Moiséspa shiminta Israel-masiquicunata

willapaycarsi, ¿manaáhi tantiyacunquichu? ¹¹Sumaj tantiyacunquiman. Musyashäta, ricashäta nuwacuna willacü. ¿Imanirtaj jamcuna shimïta mana çhasquicunquichu? ¹²Ricashallayquita willapaycaptisi mana çhasquicur, ¿imanuyparaj çhasquicunquiman janaj pachapita willapapti? ¹³Janaj pachaman jigarcu, pipis mana willacuj cutimunmanchu. Nuwam ichanga

Tayta Diosninchipa caćhan car, janaj pachapita yarpamushcă. ¹⁴Unayga chaqui pachaćhu brunsipita curuta rurarcu, Moisés jugarăchiran. Chay-jina nuwatapis Tayta Diosninchipa caćhan caycaptisi, jugarachimanga. * ¹⁵Pipis nuwaman yupachicamaptin, mana ushyacaj cawayta taringa.»

**Llapan runata Tayta
Diosninchí llaquipashan**

¹⁶Tayta Diosninchí llapan runata llaquipashpan cay pachaman japallan Wawanta caćhamuran. Pipis Wawanman yupachicu, ushyacayman mana ćhayangapăchu. Manchăga imaycamanpis cawanga. ¹⁷Tayta Diosninchí Wawanta caćhamuran mana ñacayman runacunata ćhayachinanpăchu; manchăga llapanta jishpichinanpaj. Paylla jishpichimăshun. ¹⁸Chaymi Wawan Jesúspan yupachicuptinchi, Tayta Diosninchípis alli ñawinwan ricamanchi. Mana yupachicuptinmi ichanga, pitapis juyu ñawinwan rican. Ñacaymanpis mayna ćhayachisha japallan Wawanman mana yupachicushanpita. ¹⁹Runacunapa shungunta musyapănanpaj Tayta Diosninchí Jesústa caćhamuran. Paymi achqui-jina Tayta Diosninchipa shungunta musyachicuran. Juchaćhu arujcunam ichanga chacajćhu-jina cawayllata munaran. Achquićhu cawayta mana munashan-jina, Tayta Diosninchitapis mana wiyacurancho. Chaymi Jesústapis wasguiparan. ²⁰Llapan juchallaćhu arujcuna achquita chiquin. Ricaytapis mana munanchu jucha aparicushanta

mana taripunanj. ²¹Tayta Diosninchipa shungun munashannuy cawajcunam ichanga achquiman witipushan-jina Jesúspan witipun. Paycuna allita rurarcawaptin, Tayta Diosninchipa maquinćhu cawayca-shantapis runacuna musyanga.

**Jesúspita Ushyachicuj
Juan willacushan**

²²Chaypita Judea quinranman purishijnincunawan-ima Jesúspan aywaran. Chay quinranćhu runacunata ushyachishpan juyaran. ²³Ainón marca rajraćhu achca yacu captin, Juanpis runacunata ushyachicuran. Ainón marcaga Salín marcapa washlăllanćhu caran. Ushyachicucashanta mayar, waquin runa ushyacuj aywaran. ²⁴(Juan ushyachicucuran carsilman manaraj wićhgaptillan.)

²⁵Chaura Ushyachicuj Juanpa purishijnincuna juc Israel runawan tincupănacuran: «¿Imanayparaj juchanchita ushyacăchishuwan Tayta Diosninchí alli ricamănanchipaj?» nir. ²⁶Chaymi Juanta willaran: «Tayta, Jordán mayu chimpanćhu tincushayqui runa ushyachicucan. Chay-chicaj runa aywarcaycan. Paypaj: «Washăcuj» nir willacurayqui, ¿au?» nir.

²⁷Ushyachicuj Juanna niran: «Runa imatapis rurarc. Chaypis Tayta Diosninchí camacăchiptinraj, allimanpis ćhayan. ²⁸Jamcunata mayna willashcay: «Mana Tayta Diosninchí caćhamushan Washăcujchu că. Manchăga Washăcuj Jesúspan shamunanta willacujlla caćhamasha.» ²⁹Jipash müsü

majachacaptinshi majachacächij
runa yanagar, munashanta
camacächin. Yanagashpanshi
sumaj cushicun. Chay-jina Jesús
ñaupanchu aywar, sumaj cushicü.
³⁰Jesúslata llapanpis taytacha-
cunan. Nuwam ichanga jungacaypa
aywanä.

³¹«Janaj pachapita shamujman
pipis mana tincunchichu.
Nuwanchim ichanga cay pachachu
yurish car, pishi-yarpaylla
caycanchi. Rimanchipis cay
pachachu cawanallanchipaj. Janaj
pachapita shamujmi ichanga munay-
niyuj. ³²Chaymi janaj pachachu
ricashancunata, wiyashancunata
willacuycan. Willacuptinpis, waquin
runa shiminta mana chasquinchu.
³³Washäcuj Jesús pa shiminta
chasquicurmi ichanga, Tayta Dios-
ninchipa shimintapis aunin: «Tayta
Diosninchiga shiminta charcun» nir.

³⁴«Tayta Diosninchipa cañan
car, shimintapis Jesús willapacun.
Sumaj yanapashpan maquinchüpis
Espíritu Santu purichin. ³⁵Wawan
Jesústa llaquishpan alli ñawinwan
Tayta Diosninchipa rican. Chaymi
llap-llapanta paypa maquinman
churasha. ³⁶Pipis Wawanman
yupachicur, mana ushyacaj cawayta
tarishana. Wawanpa shiminta mana
wiyacuptinmi ichanga, maquinchu
Tayta Diosninchipa mana cawachin-
gachu. Manchäga juyu ñawinwan
ricar, imaycamanpis ñacachinga.»

Samaria marcapita warmiwan Jesús parlashan

4 ¹Chaura fariseucuna imata
rimaycasantapis Jesús
mayaran. Paycuna rimaycaran:
«Jesúspa purishijnincuna achca-

aycan. Ushyachicuj Juan ichic-
llata ushyachiran; Jesúsmi ichanga
sumaj achcajta» nir. ²Chaypis mana
quiquin Jesúschu runacunata ushya-
chiran; manchä purishijnincunalla.
³Chaura fariseucuna rimaptin, Judea
quinranpita Galilea quinranman
purishijnincunawan-ima Jesús
cuticuran. ⁴Galilea marcacunaman
chayanapaj Samaria quinranparaj
aywanan caran. ⁵Chaymi Samaria
quinranchu Sicar marca ñaupanman
chayaran. Chay quinran caran
Jacobpa wamran Josépa chacrán.
⁶Jacob uhcuchishan püsuman
lasdüsi chayar, uticash cashpan
Jesús jamacuycuran. ⁷⁻⁸Chaycaman
purishijnincuna rantipacuj aywaran.
Marcaman rantipacuj aywacu-
shallanta Samaria warmi yacu
jurguj püsuman chayaran. Jesúsna
warmita niran: «Yacullayqui.»

⁹Israel runacunawan Samaria
runacuna juyupa chiquinacuptin,
ricanacuytapis mana munaranchu.
Chaymi Samaria warmi Jesústa
niran: «Israel runa caycar,
¿imanirtaj yacuta mañacamanqui?
¿Samaria warmi cashäta manachu
musyanqui?» ¹⁰Jesúsna niran:
«¿Manachu musyanqui Tayta
Diosninchipa llaquipäcuj cashanta?
¿Pí cashätapis manachu musyanqui?
Yacuta mañacamaptiqui, cawachicuj
yacuta tarichijman.»

¹¹Warmina niran: «Yacu ruriçhüraj
caycan. Jurgamunayquipäpis mana
imayquisi canchu. ¿Maypitaraj
cawachicuj yacuta jurgapaman-
quiman? ¹²Unay auquillunchi
Jacobshi cay püsuta uhcuchiran.
Nuwacunata jaguipamaran.
Quiquinpis, wamrancunapis, uywan-
cunapis cay püsullapitash yacuta

upuran. ¿Jamrächuraj payman tincunquiman?»

¹³Chaura Jesús niran: «Tincuchiypa tantiyachishayqui. Cay püsüpita yacuta upujcuna imaypis yacunaycangapaj. ¹⁴Nuwa jushä yacuta upurmi ichanga, imaypis mana yacunanganachu. Manchä yacupa ñawin pashtamushan-jina quiquinchu cawachicuj yacu pashtamunga. Cawachicuj Tayta Diosninchimaquinchu imaycamanpis cawachimäshun.» ¹⁵Chaura warmi niran: «Imaypis mana yacunänäpaj, cay püsumanpis yacucuj mana cutimunäpaj mä, yacuyquita jumay ari, tayta.»

¹⁶Jesúsna niran: «Majayquita pushamuy.» ¹⁷Chaura warmi niran: «Majä mana canchu.» Jesúsna niran: «Rasullanta rimashcanqui. ¹⁸Runa rucachijmi canqui. Pichgajwan juyashcanqui. Canan-cajwanmi ichanga puripänacuycanqui. Chaymi: «Majä mana canchu» nir mana llullacushcanquichu.»

¹⁹Chaura Samaria warmi niran: «Tayta Diosninchipa shiminta willacuj canqui, ¿au? ²⁰Unay auquillücuna tagay puntaçhüräj Tayta Diosninchita alliman çhuraj. Jamcunam ichanga Israel runa car, ninqui: «Jerusalén marcallaçu llapan runapis Tayta Diosninchita alliman çhuranman.»» ²¹Chaura Jesús niran: «Mamallau, sumaj tantiyacunquiman. Juc junaj çhayamuptin, Tayta Diosninchita manchapacunanpaj runa tagay puntamansi, Jerusalén marcamansi mana aywan-gachu. ²²Samaria marca-masintiqui


manchapacursi, Tayta Diosninchipi cashantapis mana musyanquichu. Nuwacunam ichanga musyä. Washämajninchi Israel runacunapita llucshimungapaj. ²³Tayta Diosninchita alliman çhurananchi junajcuna çhayamushana. Chaymi Tayta Diosninchita llapan shungunwan manchapacujcunata Espíritu Santu yanapaycan. Cawachicuj Tayta Diosninchipi shungun yarpashanta musyachicujmi. ²⁴Espíritu Santu yanapaptin, Tayta Diosninchipi shungun munashannuy pipis manchapacunman. Tayta Diosninchipi cawachicuj caycaptin, shungun munashanta musyachicuj caycaptin, llapan shungunwan pipis manchapacunman.»*

²⁵Chaura warmi niran: «Washäcuj shamunanta musyä. Shamur, Tayta Diosninchipi shungun yarpashanta tantiyachimäshunpaj.» (Washäcujta ricsij: «Cristu» nir.) ²⁶Niptin, Jesús niran: «Nuwa Washäcujmi cä. Quiquiwan parlaycanqui.»

²⁷Samaria warmiwan Jesús parlaycaptin, micuyta rantij aywamushanpita purishijnincuna çhayaran. Samaria warmiwan parlaycajtata tariycur, mancharicäcuran. Ichanga imata parlashantapis mana tapuparanchu. Chaypis shimin rurillançu parlaran: «Tagay warmi, ¿imatataj ashiycan? ¿Imanirtaj paywanraj Jesúspsis parlaycan?» nir.

²⁸Warmina yacu puyñunta jaguiycur, wasinman cuticullaran. Marca-masincunata niran: ²⁹«Yacu püsuçu juc runa caycan. Imanuy imanuy cawashallätapis llapanta

* 4.24 Griego rimaychu: «Tayta Diosninchiga espíritum» nir cawachicuj cashanta tantiyachimanchi.



San Juan 4.3–42

willaramasha. Aywashun-llapa ricanayquipaj. ¿Manachuraj Tayta Diosninchi cáchamushan Washäcuj?» nir. ³⁰Chaymi llapan runa Jesúsman aywaran.

³¹Manaraj chayaptillan, purishijnincuna Jesústa niran: «Tayta, micucurcuy, ari.»

³²Jesúsna niran: «Micuyni caycan. Jamcunam ichanga mana tantiyanquichu.» ³³Purishijnincunana quiquin-pura tapunacuran: «¿Piraj

micuyta apapämusha?» nir.

³⁴Jesúsna niran: «Tayta Diosninchi cáchamasha. Chaymi shungun munashanta rurapti, pachäpis mana yarganchu. Paypa shiminta éharcu, sumaj cushicü. ³⁵Rimaypis purin: «Murushanchipita éhucu quillataräshi micuy pugun» nir. Chaypis micuy jarwaraycan. Mä, sumaj ricaçhacuriy. Maymay runacuna caycan. ³⁶Micuy shuntajcuna pägunta éhasquin.

Shuntarcuptin, murujpis, shuntajpis sumaj cushicun. Chay-jina Tayta Diosninchipa shiminta willacujpis, runacunata tantiyachijpis sumaj cushicun: «Shiminta éhasquicujcuna Tayta Diosninchipa maquinéchu imaycamanpis cawanga» nir. ³⁷Juc rimaypis purin: «Jucshi murun. Jucshi shuntan» nir. ³⁸Juc runacuna murupacur ñacasha. Jancunata juc murushanman shuntaj caçhashcaj. Juc arucushallanman aywaj-aywanqui.»

³⁹Chaura Samaria runacuna warmipa shiminta wiyar, Jesúsman yupachicuran. Warmi mayna nish caran: «Imanuy-imanuy cawashallätapis llapanta willa-ramasha» nir. ⁴⁰Chaynuypa Samaria runacuna échayar, Jesúsna niran: «Tayta, juyapärishun, ari» Chaymi ishcaj junaj Jesús juyaran. ⁴¹Chayéchu juyaptin quiquinpa shiminta wiyar, achcaj runa Jesúsman yupachicuran. ⁴²Chaymi Samaria warmita llapan runa niran: «Canan mana shimillayquipitachu payman yupachicü. Manchäga rinriwan quiquinpa shiminta wiyashcä. Chaymi Washäcuj cashanta musyä. Payga llapan runata washanga.»

Mandaj runapa wamranta Jesús allchacächishan

San Mateo 8.5–13; San Lucas 7.1–10

⁴³Samaria marcaéchu ishcaj junaj juyapärir, Galilea quinranman Jesús cuticuran. ⁴⁴Pay nirunaj: «Yurishan marcaéchu marca-masincuna Tayta Diosninchipa willacujnincunata pampaman échuran. Ricaytapis mana munanchu.» ⁴⁵Chaypis Galilea quinranman échayaptin, runacuna

cushish éhasquicärran. Paycuna Pascua fiestaman aywar, Jerusalén marcaéchu Jesús ima-imata rurashan-tapis ricarunaj.

⁴⁶Yacuta binuman ticrachishan Caná marcaman Jesús échayaran. Chayéchu juc Roma marcapita mandaj runa caycaran. Cafarnaún marcaéchu chay mandajpa wamran juyupa jishyaycaran. ⁴⁷Chaymi: «Judea quinranpita Galilea quinranman Jesús échayamusha» niptin, taripaj aywaran. Échayar, mañacuran: «Tayta Jesús, wawäta allchacaycachipallämay, ari. Wasiman aywashun. Wawä wañuyca» nir. ⁴⁸Jesúsna niran: «¿Yupachicamänayquipaj allchacächinätarächu munarcaycanqui? ¿Tayta Diosninchipa camacächishanta camacächinätarächu shuyarcaycanqui?» ⁴⁹Mandaj runam ichanga niran: «Tayta, manaraj wamrä wañushancaman jucalla aywashun.»

⁵⁰Jesúsna niran: «Cuticuyna. Wamrayqui allchacashana.» Mandaj runana änir Jesúsna shiminman yupachicur, wasinpa cuticuran. ⁵¹Chayaycaptin, mincaynincuna tariparan: «Wamrayqui allchacashana» nir. ⁵²Mandaj runana tapuran: «¿Imay ürataj allchacasha?» nir. Paycunana willaran: «Janyan inti tumariycaptin, allchacasha» nir. ⁵³Mandaj runana niran: «Janyan caynuy üra Jesús niman: «Wamrayqui allchacashana.»»

Chaymi quiquin mandaj runapis, wasinpa Jesúsman yupachicuran. ⁵⁴Judea quinranpita cutircur, ishcaj cutipa Galilea quinranéchu Jesús musyachicuran Tayta Diosninchipa maquinéchu cawashanta.

Cumllucash runata Jesús allchacächishan

5 ¹Chaypita unayllata Jerusalén marcachu fiesta caycaptin, Jesúspis aywaran. ²Jerusalén marcapa puncunta jucta ricsiran: «Uysha llucshinan puntu» nir. Puncupa ñaupanchu armacuna pusu caycaran. Hebreo rimaychu: «Betesda» nij.* Püsuta chuscu curidur tumaraycaran. Juc curidurna pullanta raquiran. ³⁻⁴Curidurcunaachu jishyachucunapis, japracunapis, wijrucunapis, cumllucashcunapis juturpaycaran.*

⁵Chaychu juc runapis jitaraycaran. Payga quimsa chunca pusajwan (38) watana jishyaycaran. ⁶Unaylla jishyashanta musyar, Jesús tapuran: «¿Allchacayta munanquimanchu?» nir. ⁷Jishyachu runana niran: «Au, tayta, allchacayta munä. Ichanga anjil yacuta cuyuchiptin, mana pipis canchu yacuman yacachimänanpaj. Imaypis yaycuyta munapti, jucmi llalliraman.» ⁸Chaura Jesús niran: «Jatariy. Mashtacuyquita shuntacurcur, aywacuyna.» ⁹Chaynuy niptin, allchacäcuran. Änir, masha-cunta shuntacurcur, aywacuran.

Allchacashan junaj diyawarda caran. Diyawardachu Israel runacuna mana ima aruytapis rurajchu. ¹⁰Chaymi mayur Israel runacuna allchacaj runata piñacuran: «Diyawarda caycaptin, mashtacuyqui aysash ama purinquimanchu» nir. ¹¹Allchacaj runana niran: «Allchacächimaj runa nimasha: «Mashtacuyquita



San Juan 5.1–18

shuntacurcur, aywacuy.» ¹²Chaura mayur Israel runacuna tapuran: «¿Pitaj nishcashunqui: «Mashtacuyquita shuntacurcur, aywacuy?»»

¹³Allchacaraycachir juturaj runacunaman yaycurir, Jesús illaricäcuran. Chaymi allchacaj runa pi allchacächishantapis mana musyaranchu.

¹⁴Mayllanta Tayta Diosninchipa wasinchu allchacaj runawan Jesús tincuran. Tincur, niran: «Allchacash caycar, juchata ama aparicunachu. Yapay juchata rurar, imamanräshi chayanquipäsi.»

¹⁵Allchacaj runa aywarcur, mayur Israel runacunata willaycuran: «Jesús allchacächimasha» nir. ¹⁶Chaymi mayur Israel runacuna Jesústa chiquir jatiparan: «Diyawardachu allchacächir

* 5.2 Betesda marcata waquin Bibliachu: «Betzatá» nin; waquinchuna: «Betsaida.»

* 5.4 Waquin Bibliachu ichicllata yapasha: «Paycuna shuyarpaycaran janaj pachapita anjil sharcamur, yacuta cuyuchinanta. Yacuta cuyuchiptin, mayganpis puntata yacuman yaycur, allchacäcuj» nir.

arushanpita imamanpis éhayanman» nir. ¹⁷Jesúsmi ichanga chapa-curan: «Nuwapis, Papänïpis mana jamaräcushächu. Chaymi diyawarda captinpis, Tayta Diosninchí-ima runacunata yanapaycäshaj» nir. ¹⁸Chaura mayur Israel runacuna Jesústa wañurachiya munaran: «Diyawarda junajéchu cumllu runata allchacächisha. Jananmanpis: «Tayta Diosninchí Wawan caycä» nir quiquin Tayta Diosninchíwan tincuchicuyan.»

**Tayta Diosninchí Wawan
Jesús munayniyuj cashan**

¹⁹Chaura Jesús niran: «Sumaj tantiyacunquiman. Tayta Diosninchí Wawan car, Papänípa shungun munashallanta rurä. Papäní shacyächimashallanta, ricacushalläta imatapis rurä. ²⁰Tayta Diosninchí shungunman tincupti, llaquipäman. Shungun munashanta musyachiman. Mana cumllu runallatachu allchacächishaj. Manchäga mana ricashayquicunata rurapti, tantiyacuya mana atipanquipächu. ²¹Tayta Diosninchí munayniyujmi wañushcunata cawarachinanpaj. Nuwapis, Wawan cashpä munayniyuj cä shungüman tincujcunata cawachinäpaj. ²²Llapan runa Tayta Diosninchípa maquinéchu cawan. Cananga wañuyman éhayachinäpapis, cawachinäpapis maquinéchu llapanta éhurasha. ²³Tayta Diosninchí munan quiquinta manchapacushan-jina nuwatapis manchapacamänanta. Quiquinmi cáchamasha. Chaymi pipis nuwata mana manchapacamar, Tayta Diosninchitapis mana manchapacunchu.

²⁴«Sumaj tantiyacunquiman. Shimíta wiyajcuna Tayta Diosninchí cáchamashanta éhasquicur, mana ushyacaj cawayta tarishana. Tayta Diosninchí imaycamanpis cawachinga. Juchantapis mana jurgapanganachu wañuyman éhayachinanpaj. ²⁵Canan tantiyacunquiman. Tayta Diosninchíta mana wiyajcuna wañush-yupay caycan. Shimíta wiyar éhasquicamajcunatam ichanga Tayta Diosninchí Wawan car, imaycamanpis cawachishaj. Cawachinä wichan éhayamushana. ²⁶Tayta Diosninchí cawachicujmi. Nuwapis Wawan car, cawachicuj cä. ²⁷Cačan capti, llapan runata maquinéchu éhurasha cawachinäpapis, wañuyman jitarpunäpapis. ²⁸Ama mancharin-quichu. Imay junajlla wañushcunapis shimíta wiyanga. ²⁹Pamparashanpita cawarimunga. Tayta Diosninchípa shungun munashanta rurajcuna maquinéchu imaycamanpis cawanga. Juchallaéchu arujcunam ichanga cawarimurpis, imay-imaypis ñacayllaman éhayanga.»

**Munayniyuj cashanta
Jesús musyachicushan**

³⁰«Nuwa mana shungü munashallantachu rurä; manchäga Tayta Diosninchípa shungun munashanta. Quiquinmi cáchamasha. Paypa shiminta éharcu, waquin runata mana ushyacaj cawayta tarichishaj. Waquintana ñacayman jitarpushaj. ³¹Tayta Diosninchí cáchamashanta mana shimilläpitachu rimä. Ishcay tistigu caycaptinraj, éhasquicamunquiman. ³²Cačan cashäta quiquin Tayta Diosninchípis musyachicuyan. Payga llullacuya mana yaéchancho.

³³«Pï cashätapis musyanay-quipaj Ushyachicuj Juanmanraj caçhacamushcanqui, ¿au? Paygarasullanta nuwapita willashca-shunqui. ³⁴Rasunpa Tayta Diosninchipa caçhan caycä. Rasunpa cashäta musyachicunäpaj tistiguta mana ashichu. Ima captinpis, Tayta Diosninchï washäshunayquipäpis, maquinchu cawanayquipäpis Juan willapäcushanta yarpaycächij. ³⁵Ushyachicuj Juan achqui achic-yashan-jina Tayta Diosninchipa shiminta willacur, shamunäta musyachicuran. Paywan tincur, jatunpa cushicupärishcanqui. ³⁶Tayta Diosninchï caçhamashanta mana Ushyachicuj Juanllachu musyachicun; manchä quiquin Tayta Diosninchïpis musyachicuyan. Chaymi camacächiyinpa jishyaçhucunata allchacaycächï. Supaycunatapis jarguycä. Chayta ruranäpaj caçhamasha. ³⁷Caçhan cashäta quiquin Tayta Diosninchï musyachicusha. Jamcunam ichanga shiminta mana wiyashcanquichu. Quiquinwan mana ricanacushcanquichu. ³⁸Caçhamashanta mana çhasquicuptiqui, shiminpis shunguyquiman mana çhayanchu.

³⁹«Jamcuna mana ushyacaj cawayta yarpar, Tayta Diosninchipa shiminta sumaj liguinqui. Paypa shimin sumaj nuwapita willacun. ⁴⁰Chaypis mana ushyacaj cawayta tarinayquipaj mana wiyacamanquichu. Manchä wasguircaycämanqui. ⁴¹Runacunaparicay ñawinchu mana alli caytachu ashiycä. ⁴²Jamcunata musyapä. Mana llapan shunguyquiwanchu Tayta Diosninchita wiyacuyanqui. ⁴³Papänipa Wawanmi caycä.

Paypita shamushcä. Jamcunam ichanga mana çhasquicamanquichu. Juc runa shungun yarpashanta rimaptinmi ichanga, juclla çhasquicärinqui. ⁴⁴Quiquiquipuralla alli ricanacuyta ashinqui. Tayta Diosninchïwan alli ricanacuytam ichanga imasi mana jucunquichu. Imasi mana jucurga, paypa shungun munashannuychu mana cawaycanqui. ⁴⁵Chaypis mana nuwachu Tayta Diosninchipa ñaupanchu juchayquita jurgapushayqui; manchä quiquin Moisésmi. Jamcuna: «Moiséspa shiminta llapanta çharcushcä. Chaymi Tayta Diosninchï alli ñawinwan ricamanga» nirpis, mana llap-llapan-tachu çharcushcanqui. Chaymi payga juchayquita jurgapushunquipaj. ⁴⁶Moiséspa shimin sumaj nuwapita riman. Chaymi Moiséspa shiminta çhasquiyar, nuwamanpis yupachicamanquiman. ⁴⁷Moiséspa shiminta mana çhasquicur, ¿imanuy-paraj shimïman yupachicunquiman?»

Pichga waranga runata Jesús jarashan

San Mateo 14.13–21;

San Marcos 6.30–44; San Lucas 9.10–17

6 ¹Chaypita Galilea püsuta Jesús chimparan. Galilea püsuta ricsij: «Tiberíades püsu» nir. ²Tayta Diosninchï camacächiyinpa jishyaçhucunata allchacächiptin, achcaj runa Jesústa jatirpararan. ³Paymi ichanga purishijnincunallawan pataman jamaj aywacäiran. ⁴Chay wichan Israel runacunapa Pascua fiestan çhayaycämuran. ⁵Chaymi achcaj runa çhayajta ricar, Jesús niran: «Felipe, ¿maypi-



San Juan 6.1–15

taraj tantata rantimushun achcaj runapaj?» ⁶Shungunta musyapayta munar, yarparan: «¿Mä, imaningash Felipe?» nir. Quiquinmi ichanga imata ruranantapis musyaranna. ⁷Chaura tapuptin, Felipe niran: «Ichic-ichicllatapis jarananchipaj ishcaj paçhac (200) jurnalpa çaninwanrächi tantata rantish aypanga.» ⁸Simón Pedrupa wauguin Andrésna niran: ⁹«Juc wamra pichga sibäda tantatawan ishcaj piscädullata charaycan. Chayllaga llapan runapaj mana aypangachu.» Andréspis Jesústa purishiran.

¹⁰Jesúsna niran: «Llapan runata jamachiy.» Chaura runacuna pashpa-llaman jamacuran. Yupaptin, ullgulla pichga waranga-ima (5,000) caycaran. ¹¹Chaura Jesús tantata aptacurcur, niran: «Taytallau Tayta, ima allish tarichillämashcanqui » nir. Jinarcur tantatapis, piscädutatapis llapan runata aypuran. Runacunana puchupacushancaman micuran.

¹²Runacuna puchupacushancaman micurcuruptin, purishijnincunata Jesús niran: «Puchupacushanta shuntay. Ama usuchishunchu.»

¹³Pichga sibäda tanta puchupacushanta shuntaptin, çhunca

ishcaywan (12) canista juntataraj shuntaran. ¹⁴Pichga tantata chaychicajpaj aypächishanta ricacuycur, runacuna cushicuran: «Payga Tayta Diosninchipa willacujnin canga. Ricarimunanta Moisés musyachicuran » nir. ¹⁵Chaynuy nir mayur mandaj cananpaj shuyninpa çhurayta munaran. Chayta musyar, Jesús quiquillan wichaypa witicuran.

Yacu janampa Jesús aywashan

San Mateo 14.22–27;

San Marcos 6.45–52

¹⁶Chacas-chacasna Jesúsapa purishijnincuna püsuman cutiran. ¹⁷Jesúsmi ichanga mana çhayaranrächu. Chaypis purishijnincuna bütiman jigarcur, chacashana Cafarnaún marcapa llucshicuran. ¹⁸Yacu püsu wayra pücaptin, büchiya-büchiycaran. ¹⁹Juc liwata aywarcaycashançhüna Jesús yacu janampa taripaycajta ricaran. Chaymi llapan manchariran. ²⁰Jesúsmi ichanga niran: «Ama manchacamaychu. Quiquimi caycä.» ²¹Chaura bütiman jigachiyta munaran. Niycaptillan, bütí Cafarnaún marcaman çhayaran.

Tantawan Jesús tincuchicushan

²²Warannin tuta püsu cantullançu pachacujcuna parlanacuran: «Jucnayllataj bütí caran, ¿au? Chay bütíwan Jesús mana aywashachu. Purishijnincunalla chimpanan » nir. ²³Chaypita ishcaj-quimsa büticuna Tiberíades marcapita çhayaran. Jesús tantata achcajpaj aypächishan quinrançu ichicaycärran. ²⁴Chaura Jesúsapis, purishijnincunapis mana çhayaptin,

Cafarnaún marcaman ashij
aywacärian.

²⁵Tarir, Jesúsna tapuran: «Yačhaj Tayta, ¿imaytaj shamushcanqui?» nir. ²⁶Jesúsna niran: «Sumaj tanti-yacunquiman. Mana Tayta Dios-ninchipa maquinču cawashäta tanti-yashpayquichu ashircaycämanqui; manchäga tanta-raycullarmi.

²⁷Pačhallayquita ama ashinqui-manchu. Manchäga mana ushyacaj cawayta tarinayquipaj shimita wiyacunquiman. Tayta Diosninchichi alli ñawinpa ricamar, cačhamasha. Mana ushyacaypa cawachinäpaj pitapis maquiman éhurasha.»

²⁸Chaura runacuna tapuran:

«Tayta, ¿imatataj ruräman Tayta Diosninchipa shungun munashanta ruranäpaj?» nir.

²⁹Jesúsna niran: «Tayta Diosninchichi cačhamashanta éhasquicunayquita munan.» ³⁰Chaura tapuran: «Tayta Diosninchichi cačhamushushayquita auninäpaj, munayniyuj cayniquitaraj mä, musyachicuy. Tayta Diosninchichi camacächiyinpa mä, imatapis ruray. ³¹Unay auquillunchicuna chaqui pacha quinranču manäta micuran. * Moisés isquirbirashančhüpis nin: «Tayta Diosninchichi ricarachishan tantata micuran.»»

³²Chaura Jesús niran: «Sumaj tantiyacunquiman. Mana Moiséschu janaj pacha tantata shicwachimusha; manchäga quiquin Papäni. Paymi cawachicuj tantata tarichishunqui.

³³Chay tantata janaj pachapita cačhamusha llapan runata cawachinapaj.» ³⁴Chaura runacuna niran: «Chay tantata waran-waran jaraycallämay, ari.»

³⁵Jesúsna niran: «Cawachicuj tanta caycä. Tayta Diosninchipa cačhan cashäta éhasquicur, mana imaypis yarganquipächu. Yupachicamar, mana imaypis yacunanquipächu.

³⁶Jamcuna ricsimanqui. Tayta Diosninchichi cačhamashantam ichanga mana auninquichu. ³⁷Alli ricashancunatam Tayta Diosninchichi maquiču cawachinga. Pipis éhasquicamaptin, maquiču charäshaj. Mana wasguipäshächu.

³⁸Tayta Diosninchichi cačhamasha mana quiqui yarpashäta ruranäpächu; manchäga quiquinpa shungun munashanta ruranäpaj. Chaypämi janaj pachapita shamushcä. ³⁹Tayta Diosninchichi munashanta éharcunä camacan. Chaymi pipis maquiču cawar, mana jishpipämanmanchu. Manchäga ushyacaj junajču llapanta cawarachimushaj. ⁴⁰Llapan runa mana ushyacaj cawayta tarinanta Papäni munan. Chaymi pipis musyapamar yupachicamarga, mana ushyacaj cawayta tarin. Ushyacaj junajchüpis Tayta Diosninchipa Wawan cashpä yupachicamajcunata cawarachimushaj.»

⁴¹Tincuchiypa rimar: «Tayta Diosninchichi cačhamashan tanta caycä» niptin, Israel runacuna ullgucucuran. Chaymi niran: ⁴²«Payga Josépa wamran Jesúslla. Maman-taytan pï cashantapis ricsinchi. ¿Imanirtaj: «Janaj pachapita shamushcä» niycämanchi?»

⁴³Chaura Jesús niran: «Ama jamurpämaychu. ⁴⁴Tayta Diosninchichi cačhamasha. Mana camacächiptin, pipis mana nuwaman yupachicungachu. Yupachicamajcunatam

* 6.31 Nehemías 9.15. Manäpita musyayta munar, Éxodo 16.4–36-ta liguinqui.

ichanga ushyacay junaj cawarachishaj. ⁴⁵Unay willacujcunapa shiminpis nin: «Tayta Diosninchilla lapan runata tantiyachinga.»* Chaymi Tayta Diosninchipa shimintawiyar shungunman éhayaptin, nuwatapis éhasquicaman. ⁴⁶Manapipis Tayta Diosninchita ricashachu. Paypita shamush carmi ichanga Tayta Diosninchivan ricsinacü. ⁴⁷Sumaj tantiyacunquiman. Pipis nuwaman yupachicur, mana ushyacaj cawayta tarishana. ⁴⁸Chaypitam nishcä: «Nuwa cawachicuj tanta caycä.» ⁴⁹Unay auquilluyquicuna chaqui pacha quinranchu manäta micurpis, wañuyta tariran. ⁵⁰Janaj pachapita shamuj tantata micujcunam ichanga mana ushyacaj cawayta tarin. ⁵¹Nuwa cawachicuj tanta caycä. Janaj pachapita Tayta Diosninchica éhamasha. Cay tantata micujcuna mana ushyacaj cawayta taringa. Tantapita rimarga, quiquipaj rimaycä. Lapan runata cawachinä-raycur wañuyman éhayashaj.»

⁵²Chaura Israel runacuna tincupänacuran: «¿Tantata micushanchi-jina quiquintaráchi micushun?» nir. ⁵³Jesúsna niran: «Sumaj tantiyacunquiman. Tayta Diosninchica éhamasha. Quiquíta mana micur, yawarníta mana upur, wañush-yupay carcaycanqui. ⁵⁴Quiquíta micur, yawarníta upur, Tayta Diosninchipa maquinchu imaycamanpis cawarcaycanqui. Ushyacay junajchüpis cawarachimushayqui. ⁵⁵Quiquími cawachicuj micuy caycä. Yawarnípis cawachicuj yacu caycan. ⁵⁶Quiquíta

micujcuna, yawarníta upujcuna shungüwan tincun. Paycunawan alli ricanacü. ⁵⁷Tayta Diosninchica cawachicujmi. Payga cáhamasha. Paypita cawaycä. Chaymi éhasquicamajcunata quiquíta micuptin, cawachishaj. ⁵⁸Mä, sumaj tantiyacuy. Janaj pachapita Tayta Diosninchica éhamasha. Chaymi: «Cawachicuj tanta caycä» nî. Unay auquilluyquicuna manäta micursi, wañuyman éhayaran. Éhasquicamajcunam ichanga mana ushyacaj cawayta taringa.» ⁵⁹Cafarnaün marcapi shuntacäna wasíchu Jesús llapanapis willapácuran.

Tayta Diosninchipa shimin cawachicuj cashan

⁶⁰Chaura Jesús pa shimintawiyar, waquin jatirajncunapa parlancuran: «Jesús imatash rimacullanpis. Mana tantiyanchichu» nir. ⁶¹Jamurpashanta musyar, Jesús niran: «¿Rimashä nanäshunquichu?» ⁶²Tayta Diosninchica éhamasha. Janaj pachaman cuticupti, ¿imanin-quimanraj? ⁶³Tayta Diosninchica Espíritu Santuwan cawachimanchi; mana runa-masinchichu. Cawachicuj Tayta Diosninchipa shimintawillapaycaj. ⁶⁴Chaypis waquinniqui mana aunimanquichu.» Pi-pi éhasquicunantapis, pi wañuyman jitarpunantapis Jesús mayna musyaran. ⁶⁵Chaymi niran: «Tayta Diosninchica macächiptinraj, pipis yupachicamanga.»

⁶⁶Chaura achcaj runa wasinman-caman cuticä riran. Jesústa mana purishirannachu. ⁶⁷Achcaj runa aywacuptin, chunca ishca ywan

*6.45 Isaías 54.13.

(12) purishijnincunatapis niran: «Munar, jamcunapis cuticunquiman.» ⁶⁸Simón Pedruna niran: «Tayta, nuwacuna jamllata wiyacushayqui. Imaycamanpis cawanäpaj willapämashcanqui. ⁶⁹Jamllaman yupachicü. Tayta Diosninchi caçhamushcashunqui. Acracushan Washäcujninmi canqui.» ⁷⁰Chaura Jesús niran: «Purishimänayquipaj çhunca ishçaywanta acracushcaj. Chaypis jucniqui supaymi canqui.» ⁷¹«Supaymi canqui» nirga, Judaspaj rimaycaran. Paymi Simón Iscariotipa wamran caran. Judasga Jesústa wañuyman jitarpuran purishinanpaj acracush caycaptinsi.

Runacuna Jesústa wasguishan

7 ¹Chaypita-pacha Galilea quinrallançu marcan-marcen Jesús puriran. Mayur Israel runacuna wañuchinanpaj ashiycaptin, Judea quinranman mana aywaranchu. ²⁻³Tacma ruray fiesta çhayaycämuptyn, wauguincuna Jesústa niran: «Judea quinran Jerusalén marcaman fiestata ruraj aywanquiman. Tayta Diosninchipa maquinçu purir, ima-imata rurashayquitapis llapan jatiräshujni-quicuna ricanman. ⁴Llapan runa ricsimänanchita munar, llapan ricay imatapis ruranchi. Runa captiqui, jamtapis llapan runa ricashunquiman.» ⁵Wauguincuna chaynuy niran Jesústa Tayta Diosninchi caçhamushanta mana çhasquicur. ⁶Jesúsna niran: «Mana aywashärächu. Tayta Diosninchi caçhamashanta mana musyachicümanrächu. Jamcunam ichanga juella aywanquiman. ⁷Pipis mana chiquishunquichu.

Jucha aparicushanta jurgapaptimi ichanga, chiquiman. ⁸Jamcunalla fiestaman ayway. Aywanä mana camacanrächu.» ⁹Chaynuy nir Galilea quinranpita Jesús mana llucshiranrächu.

Jerusalén marcaçu Tacma ruray fiestaman Jesús aywashan

¹⁰Wauguincuna fiestaman aywacuriptin, Jesúspis pacayllapa aywaran. Pitapis mana willaparanchu.

¹¹Fiestaçu mayur Israel runacuna Jesústa ashiycaran: «¿Mayçhüräj chay runa jatiraycan?» nir.

¹²Pampa runacunapis Jesús-janan tincupänacurcaycaran. Waquin runa Jesúspaj niran: «Pay alli runa.» Waquinna niran: «Mana. Runacunata pantaycächin.»

¹³Ichanga mayur Israel runacunata manchacushpan pacayllapa parlanacurcaycaran.

¹⁴Pullan fiestaçu caycaptinna, Tayta Diosninchipa wasinman Jesús aywaran. Willapäcuyta jallaycuran. ¹⁵Yarpay-sapa cashanta tantiyar, mayur runacuna manchariran: «Cay runa mana istudiash caycarçhi, llapanta musyan» nir. ¹⁶Jesúsna niran: «Tayta Diosninchi caçhamasha. Paypa shiminta willapäcuycä; mana shungü munashallantachu.

¹⁷Wiyacujcuna Tayta Diosninchipa shiminta willacushäta tantiyacunga. Mana umä yarpashallantachu rimaycä. ¹⁸Shungun munashallanta willapäcujcuna quiquillan alli-tucun. Nuwam ichanga mana llullacüchu. Manchä Tayta Diosninchi yarpashallanta willapäcuycä. Payllata alliman çhurashun. ¹⁹Taytacuna, Moiséspa shiminta çhasquicushcanqui, ¿au?

Chasquicush carga, ¿imanirtaj mana éharcunquichu? ¿Imapitataj wañuchimayta ashiycanqui?»
²⁰Chaura runacuna japariran: «¿Piraj wañuchiyta munaycāshunqui? Supay puellacushcashunqui» nir.
²¹Jesúsna niran: «¿Diyawardachu jishyačhuta allhacāchishallāpitachu wichaypa-uraypa rimarcaycanqui?»
²²Mä, tantiyacushun. Moiséspa shimínchu nin: «Ullgu wamra yuriptin, pusaj junajyujllata jirunqui.» Chaymi jirucuy junaj éhayamuptin diyawarda captinsi, jiruychu aruyanqui. Ullgu wamrata jirunanpaj Tayta Diosninchi auquillunchi Abrahamta, Isaacta, Jacobta willaparan. Jipataraj Moisés yuriran.
²³Moiséspa shiminta éharcunayquicashan diyawardačhüpis jiruychu aruycar, ¿imanirtaj diyawardachu jishyačhu runata allhacāchishāpita chiquircaycāmanqui? ²⁴Imatapis sumaj mana tantiyar, ama rimacunquimanachu. Sumajraj tantiyacunquiman.»

Washäcuj cashanta Jesús musyachicushan

²⁵Waquin Jerusalén runacuna Jesúspaj parlaran: «Mayur runacuna tagay runata wañuchiyta munarcaycan, ¿au? ²⁶Canan llapanpa ñaupanchu willapācuptinsi, mana rimapanachu, ¿au? ¿Mayur runacunapis éhasquicushachuraj: «Tayta Diosninchi cačhamushan Washäcuj» nir? ²⁷Payga mana Washäcuj canmanchu; manchäga marca-masillanchi. Washäcuj shamuptinmi ichanga, maypita ricarimunantapis mana musyashunchu» nir.

²⁸Chay wichan Tayta Diosninchipa wasinchu Jesús willapācuycaran.

Chaymi runacuna wasguipashanta wiyar, wiyāchipaypa niran: «May marcachu yurishätapis, pī cashätapis musyanqui. Ichanga mana shungü munashanta rurarchu puriycă. Shiminta éharcushpan Tayta Diosninchi cačhamasha. Jamcuna Tayta Diosninchi pī cashantapis mana musyanquichu. ²⁹Nuwam ichanga ricsinacü. Paypita cawä. Quiquin cačhamasha.» ³⁰Chaynuy niptin, runacuna ullgucācuran. Rīsu charicurcuyta munaran. Tayta Diosninchim ichanga mana camacāchiranchu. ³¹Waquin runacuna Jesúspa shiminta éhasquicur, niran: «¿Jesús rurashanta lluta runa rurangachuraj? Mana. Payga Washäcujchi canga. Tucuyta rurar, Tayta Diosninchipa maquinchu purishanta musyachicun.»

Fariseucuna Jesústa chariyta munashan

³²Runacuna parlanacushanta mayar, fariseucunapis, mayur cūracunapis ullgucurcuran. Tayta Diosninchipa wasinta tāpajcunata niran: «Jesústa rīsu chariy.» ³³Jesúsna niran: «Unayllaraj juyapārishun. Jinarcu cačhacamajman cuticushaj. ³⁴Ashimashpayquipis mana tarimanquipāchu. Mayman aywashāmanpis mana éhayamunquipāchu.»

³⁵Chaura mayur runacuna tapunacuran: «Mana tarinanchipaj, ¿mayparaj aywacunga? ¿Juclāchu tiyaj marca-masinchicunamanchuraj willapaj aywanga? ¿Jāpa runacunatachuraj willapāmunga?

³⁶¿Imanirtaj nimanchi: «Ashimashpayquipis mana tarimanquipāchu.

Mayman aywashämanpis mana
 chayamunquipächu nir?»

**Cawachicuj yacuwan
 Jesús tincuchicushan**

³⁷Tacma ruray fiestaçu ushyanan
 junajraj jatun diya caran. Chay
 junaj llapan wiyananpaj tincu-
 chiypa Jesús niran: «Pipis yacunar,
 mañacamächun mishquilla
 upunanpaj. ³⁸Tayta Diosninchipa
 shiminpis nin: «Nuwaman yupachi-
 camajcuna mana yacunangachu.
 Nuwapita upuptin, quiquincunapita
 cawachicuj yacu pashtamunga.»»
³⁹Chaynuy tantiyachicur, tincu-
 chiyllapa Espíritu Santupita rimay-
 caran. Ichanga Espíritu Santuta
 mana caçhamuranrächu. Jesús
 wañushanpita cawarcamur janaj
 pachaman cuticurräj, Espíritu Santuta
 caçhamunan caran. Caçhamuptinraj,
 Jesúsman yupachicujcunata Espíritu
 Santu maquinchu purichinga.

**Jesús-janan runacuna
 apaycaçhänacushan**

⁴⁰Jesúsapa shiminta wiyar,
 waquin runa niran: «Jesús Tayta
 Diosninchipa willacujnin canga.»
⁴¹Waquinna niran: «Payga Washäcuj
 canga.» Waquinnam ichanga niran:
 «Galilea marcapita Washäcujga
 mana yurimunmanchu, ¿au?»
⁴²Tayta Diosninchipa shiminpis nin:
 «Washäcujga unay mandaj Davidpa
 yawar-masillanpita yuringa. Paypa
 marcan Belén marca.»» ⁴³Runacuna
 Jesús-janan wichaypa-uraypa
 rimaran. Mayganinpis mana tantiya-
 nacuranchu. ⁴⁴Chaymi waquin runa

Jesústa chariyta munaran. Ichanga
 pipis mana yataparanchu.

**Mayur runacuna Jesúsapa
 shiminta mana çhasquicushan**

⁴⁵Tayta Diosninchipa wasinta
 täpajcuna cutiptin, fariseucunawan
 mayur cüracuna tapuran: «¿Imanirtaj
 Jesústa mana charishcanquichu?»
 nir. ⁴⁶Chaura täpajcuna niran:
 «Payga rasunpa Tayta Diosninchipa
 shiminta willapäcun. Payman pipis
 mana tincunchu.» ⁴⁷Fariseucunana
 niran: «¿Jamcunapis Jesúsapa
 shiminta çhasquicurcushcanquiçi?»
⁴⁸Nuwacunam ichanga mayur cüra
 cashpä, fariseu cashpä imanillarpis
 mana çhasquicushächu. ⁴⁹Upa runacu-
 nalla paypa shiminta çhasquicun.
 Moisésapa shiminta pampaman
 çhurashanpita paycunata Tayta
 Diosninchi ñacayman çhayachinga.»
⁵⁰Chaura chacaypa Jesúsman aywaj
 Nicodemo mayur Israel runa carpis,
 niran: ⁵¹«Moisésapa shimin nin:
 «Pitapis ñacachinayquipaj juchantaraj
 sumaj ashinqui.» Chaymi sumajraj
 tapupäshun.» ⁵²Waqin fariseu-
 cunana niran: «¿Jampis Galilea
 marcapita Washäcuj ricarimunan-
 tachu riguinqui? Tayta Diosninchipa
 shiminta mä, sumaj liguïy. Willacujcu-
 napis Galilea marcapita mana ricari-
 munmanchu.» ⁵³Chaypita llapan runa
 wasinman-caman cuticäriran.*

**Jananpachicuj
 warmipita rimashan**

8 ¹Jesúsmi ichanga Ulïbus
 puntaman aywacuran.
²Warannin tuta-tutalla Jerusalén

*7.53 Unay-unay Bibliächu: «Jananpachicuj warmi» nishan willapa Juan 7.53–8.11 mana
 taricanchu. Jipataraj yapacasha.

marcaman cutiran. Tayta Diosninchipa wasin'chu achcaj runawan tincur, sumaj willapäcuycaran.

³Willapaycaptin, Moiséspa shiminta ya'chajcunawan fariseu runacuna juc warmita Jesúsman chayachiran. Chay warmita runanta jananpachir, juc runawan cacuycajta tarirunaj. Chayarcachir, llapanpa ricay ñawin'chu Jesústa niran:

⁴«Cay warmita jucwan cacuycajta tarishcä. ⁵Moiséspa shimin nin: «Majayuj caycar jucwan cacuptin, sajmaycällar wañuchinqui.» ¿Imaninquitaj jam?» ⁶Paycuna achäquita ashillar tapuran. Chaymi Jesús pachaman uysucuycur, didunwan isquirbiran. ⁷Yaparir-yaparir tapuptin, ichircur niran: «Mayganiquipis juchaynaj cashpayqui mä, sajmay.»

⁸Chaynuy nir, yapay uysucuycuran. Pachaman isquirbiran.

⁹Chaura Jesúspa shiminta wiyar, mayur runacuna aywacuran. Jipanta müsucunapis llucshicuran. Quiquillantana warmita jaguycuran. ¹⁰Ichircur, warmitana Jesús niran: «Juchayquita ashjicuna aywacushana.» ¹¹Warmina niran: «Au. Aywacusha.» Jesúsna niran: «Nuwapis juchayquita mana ashipäshayquinachu. Canan wasiquiman cuticuy. Ichanga juchata ama aparicunquichu.»

Achquiwan Jesús tincuchicushan

¹²Juc cuti llapan runata Jesús niran: «Cay pachapa achquinmi cä. Chaymi Tayta Diosninchipa shungun yarpashanta llapan runata musyachicuycä. Shimita wiyacur, mana chacaj'chu-jinachu jucha'chu cawan-

quipaj; manchäga achqui'chu-jina alli cawayta tarinquipaj.»

¹³Fariseucunana niran: «Alli-tucuycanqui. Yangalla rimaycanqui.» ¹⁴Chaura Jesús niran: «Rimashäta mana chasquicuptiquisi, rasullanta rimaycä. Pipa maquin'chu cawashätapis, pï ca'chamashätapis musyä; jamcunam ichanga mana. Maypita shamushätapis, mayman cuticushätapis mana musyanquichu.

¹⁵Jamcuna ñawiqui ricashallanta: «Alli», «Mana alli» ninqui. Pitapis ricapanqui; nuwam ichanga mana.

¹⁶Pitapis: «Alli», «Mana alli» niyta munar-imarga, rasun-cajta nishaj. Mana quiquilläpitachu imatapis rurä. Manchäga ca'chamaj Papänï yanapäman llapantapis rasun-cajta ricanäpaj. ¹⁷Jamcunapaj Moisés isquirbishanpis nin: «Ishcaj tistigu ricaptinraj, rasunpa cashan musyacan.» ¹⁸Pï cashätapis rasunpa cashan musyacänanpaj quiquimi niycä. Ca'chamaj Papänïpis musyacächin.» ¹⁹Chaura tapuran: «Papäniqui, ¿maychütaj caycan?» nir. Jesúsna niran: «Jamcuna Papänïwanpis, nuwawanpis mana ya'chänacunquichu. Sumaj ricsinacuycaptinchi, Papänï pï cashantapis musyanquiman.» ²⁰Jesús llapantapis willapäcuycaran Tayta Diosninchipa wasin'chu, cuyachicucunata jutunan ñaupallanpi. Llapanpa ricay ñawin'chu willapäcuptinsi Tayta Diosninchi mana camacächiptinraj, Jesústa mana chariranrächu.

²¹Jananmanpis Jesús niran: «Tayta Diosninchi shuntacamanga; jamcunatam ichanga mana. Ashimarsi, mana tarimanquipächu. Juchata aparicushayquipita wañuyta tarinquipaj.» ²²Chaura mayur Israel

runacuna niran: «Wañucuriyta yarparchi: «Mana tarimanquipächu» niycan, ¿au?»²³ Jesúsna niran: «Jamcuna cay pachachu yurish car, shunguyqui munashallanta ruranqui. Nuwam ichanga janaj pachapita shamush car, Tayta Diosninchipa shungun munashallanta rurä. Jamcuna wañucujlla canqui; nuwam ichanga mana.²⁴ Chaymi nishcay: «Juchayqui aparicushalla wañunqui. Cawachicuj cashäta mana aunirga, wañuyllaman chayanquipaj.»²⁵ Chaura tapuran: «¿Pitaj canqui?» nir. Jesúsna niran: «Pi cashätapis mayna willashcay. ²⁶Jucha-sapa cashayquipita sumajraj jurgapäman. Jamcunapita rimäman. Shimäta mana chasquicuptiquisi, caçhamajpa shiminta wiyashpä llapantapis rasullanta rimä. Payga imatapis rasullanta rimaptin, llapan runata willapä.»

²⁷Tayta Diosninchipa maquinchu cawashanta Jesús tantiyachiptinsi, mayur runacuna mana tantiyacuranchu. ²⁸Chaura Jesús niran: «Jugarchimaptinraj, Papäni caçhamashanta tantiyacunquipaj. Chayraj Washäcuj cashäta musyanquipaj. Papäni tantiyachimashallanta rimashäta, shungü munashallanta imatapis mana rimashäta tantiyacunquipaj. ²⁹Paypa maquinchu cawä. Sumaj ricamar, mana caçarimanchu. Nuwapis shungun munashallanta imatapis rurä.»³⁰ Chaynuy niptin, achcay runa Jesústa chasquicuran: «Taytallau tayta, Washäcujmi canqui» nir.

Tayta Diosninchipa wawancuna wiyacunanpaj cashan

³¹Shiminta chasquicuj Israelcunata Jesús niran: «Shimäta wiyacur,

shungüman tincunqui. Maquichümü purinquipaj. ³²Chasquicamaptiqui, jucpa maquinpita jurgushayqui Tayta Diosninchipa maquillanchu purinayquipaj.»³³ Chaura Jesústa ticrapuran: «Auquillunchi Abrahamta quiquin Tayta Diosninchipa wamrachacuran. Abrahampa willcan carcaycä; mana jucpa uywayninchu. ¿Imanirtaj: «Jucpa maquinpita jurgushayqui» nimanqui?» nir.

³⁴Jesúsna niran: «Sumaj tantiya-cunquiman. Pipis juchallaachu arur, uyway jucpa maquinchu cawashanjina juchacachicuj supaypa maquinchu cawan. ³⁵Uywayga mana wasiyujpa wamranchu. Wamranmi ichanga taytanpa wasinpita imaypis mana llucshinchu. ³⁶Chaymi Tayta Diosninchipa Wawan cashpä washaptij, supaypa maquinchu mana cawanquipänachu. ³⁷Abrahampa willcan cashayquita musyä. Chaypis shimäta mana chasquicunquichu. Manchäga wañuchimayta munarcaycanqui. ³⁸Papäni yaçhachimashallanta willapaycay. Jamcunapis taytayqui yaçhachishushayquillata rurarcaycanqui.»

³⁹Chaura niran: «Abrahampa willcan carcaycä. Payga taytämi.» Jesúsna niran: «Rasuyä Abrahampa willcan cashpayqui Abraham-jina cawanquiman. ⁴⁰Jamcunam ichanga Tayta Diosninchipa shiminta willapaptijsi, wañuchimayta ashircaycanqui. Abraham mana imaypis wañuchicuranchu. ⁴¹Taytayquiga jucmi. Taytayqui rurashanjina rurarcaycanqui.» Chaura paycuna niran: «Mana jucpa churinchu cä. Tayta Diosninchipa wawanmi carcaycä.»

⁴²Jesúsna niran: «Tayta Diosninchipa wawan caycar, nuwatapis

alli ñawiquipa ricamanquiman. Paymi caçhamasha. Mana shungü munashanta rurarchu puriyä. ⁴³Chaypis upa-tucur, shimïta mana çhasquicunquichu. Tantiyacuyta mana munar, willapashäta mana wiyacunquichu. ⁴⁴Llapantapis rurankui supaypa maquinchu cawar. Paymi taytayqui. Paypa shungun munashallanta imatapis rurarcaycanqui. Taytayqui supayga unaypita-pacha wañuchicuj. Llullacuj. Rasuncay rimaytapis mana junchu. Llulla-cuyllata shungun yarpan. Llulla cashpan runacunatapis llullacachin. ⁴⁵Chaymi shimïta mana çhasquicunquichu. Rasunpa Tayta Diosninchipa shiminta willapaycay. Paypa shimin rasullanta riman. ⁴⁶Ima juchatapis mana aparicushcächu. Munar, mä, mayganiquipis ashipämanquiman. Tayta Diosninchipa shiminta willacuptïsi, mana yupachicamanquichu. ⁴⁷Tayta Diosninchipa wawancuna shiminta cushish wiyacun. Juncunam ichanga jucpa churin cashpayqui imasi mana jucunquichu.»

⁴⁸Chaura chaynuy niptin, Israel runacuna Jesústa ashllir ushyaran: «Samaria runapa churin canqui. Supay pucllacushcashunqui» nir. ⁴⁹Jesúsna niran: «Mana pucllacamashachu. Manchäga Papänïta alliman çhuraycä. Juncunam ichanga pampaman çhuraycämanqui. ⁵⁰Pitapis mana mañacüchu: «Alliman çhuramay» nir. Tayta Diosninchim ichanga alliman çhuramänayquita munan. Paymi ima-imata rurashanchitapis jurgapämäshun. ⁵¹Sumaj tantiyacunquiman. Shimïta wiyacujcuna wañuyman mana imaypis çhayangachu.» ⁵²Chaura

runacuna niran: «Supay pucllacushcashunqui, ¿au? Auquillunchi Abrahampis, unay willacujcunapis llapanmi wañucuran. Chaypis niycanqui: «Shimïta wiyacujcuna wañuyman mana imaypis çhayangachu.» ⁵³Auquillunchi Abrahampis, unay willacujcunapis Tayta Diosninchipa shiminta sumaj-sumaj wiyacuran. Chaypis wañuyta tariran. Paycunata apärinayquipaj, ¿pitaj canqui?»

⁵⁴⁻⁵⁵Jesúsna niran: «Quiquillä alli-tucupti, pipis mana alli ricamanmanchu. Papänïmi ichanga alliman çhuraycäman. Paypa maquinchu cawä. Juncunam ichanga: «Tayta Diosninchita manchapacü» nirpis, mana wiyacunquichu. Nuwam ichanga wiyacü. «Wiyacü» nir rasun-cajta rimaycä. Mana juncunajinachu llullacucy. ⁵⁶Auquilluyqui Abraham shamunäta musyar, jatunpa cushicuran. Ricamar, sumaj-sumaj cushicuran.»

⁵⁷Chaura runacuna niran: «Pichga çhunca (50) watatapis mana ushyanquirächu. ¿Imanuy pataj auquillunchi Abrahamta ricsin-quiman caran?» ⁵⁸Jesúsna niran: «Sumaj tantiyacunquiman. Abraham manaraj yuriptin, cawaycarä. Cawajmi cä.» ⁵⁹«Cawajmi cä» niptin, runacuna sajmaryta munaran. Chaypis achcaj runapa çhaupinman yaycur, Jesús illaricäcuran. Tayta Diosninchipa wasinpita aywacuran.

Japra runata Jesús allchacächishan

9 ¹Aywacucashanchu yuriyninpita-pacha japra runata Jesús tariran. ²Chaymi purishijnincuna tapuran: «Tayta



San Juan 9.1–12

Jesús, ¿imanirtaj cay runa japra yurisha? ¿Maman-taytan juchasapa cashanpitachu, quiquinpa juchanpitachu?» nir. ³Jesúsna niran: «Mana quiquinpa juchanpitachu, mana maman-taytanpa juchanpitachu; manchäga Tayta Diosninchi munayniyuj cashanta runacuna musyananpämi. ⁴Cay pachachu cashäcaman cáchamaj Tayta Diosninchipa shungun munashanta rurashun. Aywacupti, ima ruraytapis mana camäpacunquipächu. ⁵Cay pachachu cashäcaman achqui achicyashan-jina Tayta Diosninchipa shiminta willacuycäshaj. Shungun munashantapis ruraycäshaj.»

⁶Chaynuy nir Jesús tuwayllanwan mituta ruraran. Nircur japrapa ñawinta piçhuparan. ⁷Piçhuparcur, niran: «Siloé püsuman aywaycur, mayllacuy.» Rimayninchu: «Siloé» ninan: «Caçhamusha» ninanmi. Japra runana äñir mayllacuran. Ñawinta mayllacurir, ricaycarna cuticuran.

⁸Chaura bisinuncuna, ricsinacushancuna niran: «Tagay runa mañapacuj japra, ¿au?» ⁹Waquin niran: «Au, paymi.» Waquinna niran: «Mana paychu. Ichanga pay-nirajmi.» Quiquinna niran: «Chay japra carä.» ¹⁰Chaura tapuran: «¿Imanuypataj ñawiqui

quíchacasha?» nir. ¹¹Allchacaj runana niran: «Mituwan ñawita Jesús piçhupamasha. Jinarcu Siloé püsuçu ñawita mayllacunäpaj caçhamasha. Mayllacushallä ñawï quíchacäcusha.» ¹²Chaura tapuran: «¿Mayçhütaj chay runa caycan?» nir. Tapuptin, niran: «Mana musyächu.»

¹³⁻¹⁴Mituta rurarcu japra runata Jesús allchacächishan junajga diyawarda caran. Chaymi chay runata fariseucunaman aparan. ¹⁵Fariseucunana allchacaj runata tapuran imanupya ñawin quíchacashantapis. Tapuptin, niran: «Ñawita mituwan piçhupamasha. Mayllacuripti, ricarä.» ¹⁶Fariseucunana niran: «Chay allchacächij runa Tayta Diosninchita mana manchapacunchu. Diyawardaçu allchacächir, juchaçu aruyan.» Waquincunana niran: «Jucha-sapa caycar, ¿imanaypataj jishyaçhuta allchacächinman? Tayta Diosninchi jucha-sapata mana yanapanmanchu.» Chaynuy nir quiquin-pura apaycächänacuran. ¹⁷Chaura yapay tapuran: «Ñawiquita quíchaj runapaj, ¿imatataj yarpanqui?» Tapuptin, niran: «Tayta Diosninchipa willacujninmi canga.»

¹⁸Mayur Israel runacunam ichanga mana riguiranchu: «Llullacuy-canqui. Mana japrachu cashcanqui» nir. Chaymi allchacaj runapa maman-taytanta jayarcachir, tapuran: ¹⁹«¿Cay runa rasunpachu wamrayqui? ¿Rasunpachu japra yuriran? ¿Imanuyataj allchacasha?» nir. ²⁰Chaura maman-taytan niran: «Au, wamrämi. Rasunpa yurishanpita-pacha japra caran. ²¹Ichanga imanupya allchacashantapis, pï allchacächishantapis

mana musyächu. Payga auquisna. Sumaj musyayta munar, quiquinta tapunquiman.»

²²⁻²³«Payga auquisna. Sumaj musyayta munar, quiquinta tapunquiman» niran mayur runacunata manchacushpan. Mayur runacuna mayna parlanacuran: «Pipis Jesústa: «Washäcujninchi» nir çhasquicuptin, shuntacäna wasipita jargushun. Ama ricalläshunpishchu» nir.

²⁴Chaypis mayur runacuna ñawin quíchacaj runata yapay tapuran: «Tayta Diosninchi ricaycämanchim. Canan rasullanta willamay. Chay Jesús jucha-sapa cashanta musyä.» ²⁵Chaura allchacaj runa niran: «Jucha-sapa cashantapis, mana cashantapis mana musyächu. Japra captipis, ñawï quíchacashallanta musyä. Ricaycäna.»

²⁶Chaypis yapayraj tapuran: «¿Imatataj rurasha ñawiqui quíchacänanpaj?» nir.

²⁷Chaura niran: «Mayna willashcaj. Willaptijpis, mana riguinquichu. ¿Imanirtaj yaparir-yaparir tapupaycämanqui? ¿Jamcunapis Jesústachu jaticurcuyta munarcaycanqui?»

²⁸Chaura ashllir mayur runacuna niran: «Jucha-sapa runaman yupachicunqui. Jatiraycanquipis. Nuwacunam ichanga Moiséspa shimi-llanman yupachicü. ²⁹Payga Tayta Diosninchipa shiminta willacuran. Jesústam ichanga mana ricsillächu. Pipa wawanraj cacullanpis.»

³⁰Allchacaj runana niran: «¿Imataraj rimacunquipis? Pipa wawan cashanta mana musyaptiquisi, paymi ñawita quíchasha. ³¹Juchaçu arujcunata Tayta Diosninchi mana yanapashanta musyanchi. Wiyacujcunallatam,

manchapacujcunallatam yanapan.
³²Yuriyninpita-pacha japrata
 allchacächishanta imaypis mana wiyash-
 canchichu. ³³Chaymi Tayta Diosninchipa
 Wawan cashanta musyã. Manchäga
 imatapis mana ruranmanchu.»

³⁴Chaura mayur runacuna niran:
 «Yurishayquipita-pacha marca-
 pingay caycar, ¿piraj canqui
 piñapämānayquipaj?» Shuntacäna
 wasipitapis jarguran: «Ricaytapis
 mana munallajchu» nir.

³⁵Allchacächishan runata jargu-
 shanta Jesúspsis mayaran. Chaymi
 allchacaj runawan tincur, niran:
 «¿Tayta Diosninchi caçhamushan
 Washäcujman yupachicunquichu?» nir.

³⁶Allchacaj runana niran: «Au, tayta.
 Ichanga, ¿pitaj Washäcuj canga?»

³⁷Jesúsna niran: «Washäcujmi cã.
 Mayna ñawiquitapis quichashcã.»

³⁸Chaura Jesúsna ñaupanman
 jungurpacuycur, alliman éhuraran:
 «Jammanmi yupachicü, Tayta» nir.

³⁹Jesúsna niran: «Cay pachaman
 shamushcã llapan runapa shungunta
 musyapänäpaj. Tayta Diosninchipa
 maquinchu cawanapaj japracunapa
 ñawinta quichashaj. Ricajcunapa
 ñawintam ichanga chapashaj.» ⁴⁰Jesúsna
 shiminta wiyar, waquin fariseucuna
 niran: «¿Japraçhi carcaycã?»

⁴¹Jesúsna niran: «Rasunpa jpra
 caycar, mana juchayujchu canquiman.
 Ricaycāmar mana aunimashayqui-
 pitam ichanga, juchayuj carcaycanqui.»

Uyshīruwan tincuchiypa willapashan

10 ¹⁻²Chaura Jesús niran:
 «Sumaj tantiyacunquiman.
 Suwacunash, asaltanticunash

chicuta wacman-cayman jiwirir,
 uyshaman yaycun. Uysha michijshi
 ichanga puncunpa yaycun. ³Michijpa
 shiminta chicu täpajpis, uyshacu-
 napolis wiyanshi. Llapan uyshantapis
 jutinpa-caman jayan. ⁴Chicupita
 jurgurir, uyshancunata jaticun.
 Uyshancunapis michijta ricsir,
 ñaupallantash aywan. ⁵Mana ricsish-
 cunatash ichanga manchacun. Jayap-
 tinpis, jishpirshi aywacärin.»


⁶Tincuchiypa Jesús willapaptinsi,
 fariseucuna mana tantiyacuranchu.

⁷Chaymi runata uyshawan tincuchir,
 Jesús niran: «Sumaj tantiyacunquiman.
 Uyshapa chicunpa puncun-yupay
 caycã. Uyshacuna maquiçu purin.

⁸Naupata purijcuna michij-tucursi,
 suwa casha. Asaltanti casha. Chaymi
 uyshacuna mana wiyashachu. ⁹Nuwaga
 puncu-yupay caycã. Uyshacuna
 maquiçu puriptin, sumaj ricã. Pipis
 nuwaman yupachicur, Tayta Dios-
 ninchipa maquinchu cawanga. Imapi-
 tapis washähaj. Cawanapaj imatapis
 mana pishichishächu. ¹⁰Suwacuna
 suwacullar, uyshacunata wañuchillar
 purin. Nuwam ichanga llapaniquita
 alli cawayta tarichinajpaj shamushcã.
 Cushi-cushilla cawayta tarichishayqui.»

¹¹«Alli michij caycã. Llaquipäcuj
 cã. Llaquipäcuj michijga uyshancuna-
 raycur wañuytapis tarin. ¹²Paytacushan
 uyshata michijcunam ichanga liyunta
 ricar, jishpir aywacärin. * Quiquinpa
 uywan mana captin, caçhariycur
 aywacun. Chaura liyun uyshata
 apacun. Waquin uyshacuna wacpa-
 caypa jishpicärin. ¹³Paytacushan
 michipacujpis jishpir aywacun.
 Uyshata liyun micuptinsi, mana
 imasi jucunchu. ¹⁴Nuwam ichanga

* 10.12 «Liyun» nishanchita castillänuchu: «lobo» nin micucuj jaçha allgu-niraj cashanpita.



San Juan 10.1–21

alli michij caycä. Uyshäcuna shimïta ricsin. Nuwapis llapanta ricsi. ¹⁵Chay-jinapis Tayta Diosninchivan sumaj ricsinacü. Chaymi uyshäcuna-raycur imamanpis chayäman. ¹⁶Uyshäcuna mana juc pachallaächüchu caycan. Juclächüpis caycan. Paycunapis shimïta ricsinga. Imayllaga juc pachallaman llapanta shuntashaj. Nuwalla llapanta michishaj. ¹⁷Uyshäcunata wañuy-caway llaquipapti, Tayta Diosninchisumaj llaquipäman. Wañuyta tarirsi, cawarishaj. ¹⁸Mana pipis wañuchimangachu. Manchäga quiquimi wañuymanpis aywapushaj. Wañuypis, cawaypis maquiüchu caycan. Papäni llapantapis maquiüman churasha.»

¹⁹Chaura chaynuy niptin, Israelcuna yapay quiquin-pura apaycachänacuran. ²⁰Waquin niran: «¿Imapätaj Jesúsapa shiminta wiyashunpis? Supay pucllacusha. Jishyayächisha.» ²¹Waquinna niran: «Mana supaychu rimaycächin. ¿Yuriyninpita-pacha japrata supay allchacächinmanchuraj?»

Jesús Washäcuj cashanta wasguishan

²²Jerusalén marcachu Tayta Diosninchipa wasinpa diyanta fiestata rurashan wichan sumaj jasay caran.* ²³Paypa wasinüchu «Salomónpa curidurnin» nishan curidurüchu Jesús puriyaran. ²⁴Shuntacarcu, Israelcuna tapupäcuran: «¿Imaycamentaj yarpaçacuymän churamanqui? Tayta Diosninchicaçhamushan Washäcuj caycar, juclla willamay» nir.

²⁵Jesúsna niran: «Mayna willashcaj. Willaptijpis, mana çhasquicunquichu. Papäni camacächiptin, jishyachucunata allchacächishäpis, runacunata jarashäpis Washäcuj cashäta musyacaycächin. ²⁶Jamcunam ichanga Tayta Diosninchita wasguipar, shimïta mana wiyacunquichu. Mana uyshächu canqui. ²⁷Uyshäcunam ichanga shimïta wiyacun. Paycunata ricsimi.

* **10.22** Achquicuy fiestaüchu pusaj junajta tünapäcur, Israel runacuna sumaj cushicun: «Tayta Diosninchipa wasin allina caycan» nir.

Jatishäpa aywan. ²⁸Mana ushyacaj cawaytapis tarichï. Ushyacayman imaypis mana éhayangachu. Maquïpita pipis mana jíchuman-gachu. ²⁹⁻³⁰Papäniwan juc shungulla cawä. Payga llap-llapanpita mas munayniyujmi. Shimïta wiyacuj-cunata maquïman éhurasha ricanäpaj. Maquïchu cawar, Papäniäpa maquinchüpis cawaycan. Chaymi Papäniäpa maquinpita pipis mana jíchungachu.»

³¹Chaynuy niptin, mayur Israel runacuna rumita chariran Jesústa sajmananpaj. ³²Jesúsna niran: «Papäni camacächiptin, jishyaéhucunata allchacächishäta, supaycunata jargushäta, chay-chicaj runata jarashäta ricashcanqui, ¿au? Cananga, ¿allita rurashäpitachu wañuchimayta munarcaycanqui?»

³³Mayur runacunana niran: «Mana allita rurashayquipitachu wañuchishayqui; manchäga Tayta Diosninchita apärishay-quipita. Runalla caycar, Tayta Diosninchitucuycanqui.»

³⁴Jesúsna niran: «¿Shiminchu Tayta Diosninchit manachu nin: «Nuwa-jina carcaycanqui?» * ³⁵Unay wichan shiminta éhasquicuptin, Tayta Diosninchit niran: «Nuwa-jina carcaycanqui.» Paypa shiminta pipis juc-nirajman mana rucanmanchu. ³⁶Quiquinmi acracamasha. Cay pachaman cáchacamasha. Chaymi: «Tayta Diosninchitpa Wawan caycä» nipti, ama ullgunquimanchu: «Tayta Diosninchitapariyca» nir. ³⁷Imata rurashäpis Papäniäpa shungunwan mana tincuptinmi ichanga, shimitapis ama éhasqui-

cunquimanachu. ³⁸Shimïta mana aunirpis Papäni camacächiptin, ima-imatapis rurashäta aunin-quiman. Camacächiyinpa jishyaéhucunatapis allchacächishcä. Supaycunatapis jargushcä. Runacunatapis jarashcä. Chaymi Papäniäwan juc shungulla cawashäta tantiyacunquiman.»

³⁹Chaura yapay Jesústa chariyta munaran. Chariyta munaptinsi, llucshir aywacuran.

⁴⁰Chaypita Juan ushyachicushan quinranman Jesús cuticuran. Ishcay-quimsa simäna Jordán mayu chimpanchu juyaran. ⁴¹Chay-chicaj runa Jesústa éhayapuran. Paycuna quiquin-puralla ninacuran: «Tayta Diosnillanchi camacächishancunata Ushyachicuj Juan mana ruraranachu. Jesúspaj rimashanmi ichanga llapanpis éharcucaycan.» ⁴²Chaymi achcuj runa Jesústa éhasquicuran: «Payga Tayta Diosninchit cáchamushan Washäcuj» nir.

Lázaruta Jesús cawarachimushan

11 ¹Betania marcachu Lázaro jutiyuj runa tiyaran. Juyupa jishyaycaran. Panin caran Mariáwan Marta. ²Mariäga Tayta Jesúspa échaquinman pirjümita jaycapurir, ajchanwan chaquipush carunaj. ³Chaura turin Lázaro juyupa jishyaptin, Mariáwan Marta Jesúsman cáchacuran: «Tayta, yachänacushayqui Lázaro juyupa jishyaycan» nir. ⁴Caäha willaptin, Jesús niran: «Chay jishya Lázaruta mana wañuchingachu. Manchäga achäquilla canga Tayta Diosninchit

munayniyuj cashantapis, nuwa munayniyuj cashätapis runacuna tantiyacunanpaj.»

⁵Jesúsga Lázaruan, Martawan, Mariawan sumaj yačhänacuran.

⁶Chaypis: «Lázaro jishyaycan» nir willaptin, mana aywaranchu. Ishcay junajraj jinallanču juyapäriran.

⁷Ishcay junajpitaraj purishijnin-cunata niran: «Yapay Judea quinranman cutishun.» ⁸Paycunana niran: «Tayta, janyancunarätaj sajmaypa wañuchiya munashu-rayqui. ¿Imamantaj cutishun?»

⁹Jesúsna niran: «Intipis juyayta achicyan. Achicyaptin junajpa purir, mana tacacunchichu. Chay-jina Tayta Diosninchipa maquinču purir, imamanpis mana chayashunchu. ¹⁰Chacaptinmi ichanga pipis purir, tacacun. Chay-jina shungun munashanta rurur, juchaču arujcuna ñacayta taringa. ¹¹Canan Judea quinranman aywananchi camacan. Yačhänacushanchi Lázaro puñucäcusha. Ricchachij aywashun.»

¹²Purishijnincunana niran: «Tayta, puñucash caycar, allina ricchara-munga, ¿au?»

¹³«Lázaro puñucäcusha» nir tincuycächiran: «Wañush» ninanta. Purishijnincunam ichanga rasunpa puñucashallanta tantiyaran.

¹⁴Chaymi Jesús niran: «Lázaro wañusha. ¹⁵Jishya wañuycachiptin, ima allish mana ricashcächu. Ima captinpis, aywashun ricaj. Canan munayniyuj cashäta ricar, llapan shunguyquiwan yupachicaman-quiman.» ¹⁶Chaura Tomás niran: «Nuwanchipis aywashun Jesúsman iwal wañunanchipaj.» Tomásta: «Milli» nir ricsiran.

¹⁷Betania marcaman chayaycar, Lázaro chuscu junaj pamparay-cashanta mayaran. ¹⁸Jerusalén marcapita Betania marcacaman pullan liwalla caran. ¹⁹Chaymi wañupacush captin, achcaj runa Martatawan Mariata yanagaj aywaran.

²⁰Jesús chayaycashanta musyar, María mana llucshiranchu. Martam ichanga tariparan. ²¹Jesústa niran: «Juella shamunquiman caran, Tayta. Turi mana wañunmanchu caran. ²²Ima captinpis, jamman yupachiciü. Ima-imata mañacuptiquisi, Tayta Diosninchi wiyashushayquita musyá.»

²³Jesúsna niran: «Turiqui cawarimunga.» ²⁴Martana niran: «Cawarinanta musyá. Ichanga llapan wañushcuna cawarimunan junajchüraj cawarimunga.»

²⁵Jesúsna niran: «Nuwaga cawarachicujmi cä. Wañushcunatapis cawarachimi. Shimita chasquicujcuna wañurpis, cawarimunga. ²⁶Maquichu cawajcunata, chasquicamajcunata imaysi mana cacharishächu. ¿Rasunpa yupachicamanquichu?»

²⁷Chaura Marta niran: «Aumi, Tayta. Tayta Diosninchipa Wawan canqui. Paymi cay pachaman cachamushcashunqui. Washäcujmi canqui.» ²⁸Jinarcu ñañan Mariaman cuticur, rinrillanču willaran: «Tayta Jesús chayamushana. Jayaycäshunqui» nir. ²⁹Chaura juella María aywaran. ³⁰Jesúsni ichanga marcaman manaraj chayasharächu. Martawan tincushan pachallačhüraj caycaran. ³¹Wasinpita juella María llucshiptin, yanagajcunapis jipanta aywaran: «Wagajchi pantyunman



San Juan 11.17-45

aywaycan» nir. ³²Mariána Jesústa tariparcur ñaupanman jungurpa-cuycur, niran: «Juclla shamun-quiman caran, Tayta. Caychu caycap-tiqui, turí mana wañunmanchu caran.» ³³Mariápis, yanagajcunapis ataptin, Jesúspa shungunpis llaquicuywan ishquicäcuran.

³⁴Chaymi tapuran: «¿Maynin-mantaj Lázaruta pampashcanqui?» nir. Paycunana niran: «Ricanay-quipaj shamuy, Tayta.» ³⁵Willaptin, Jesúspis wagaran. ³⁶Wagaptin, runacuna niran: «Sumajchari Lázaruan yačhänacuran.»

³⁷Waquinna niran: «Japra runatapis

allchacaycachir, ¿manachuraj Lázarutapis allchacächinman caran? Wañuypita jishpichinman caran, ¿au?»

³⁸Chaura pushaptin, Lázaró pamparashan chaga učcuman Jesús juyupa llaquish chayaran. Učcuta jatun rumi chaparaycaran.

³⁹Jesúsna niran: «Rumita witichiy.» Martana niran: «Tayta, turí chuscu junajna pamparaycan. Asyariycannači.»

⁴⁰Jesúsna niran: «Mayna willashcaj. Yupachicamar, Tayta Diosninchi munayniyuj cashanta ricanquipaj.»

⁴¹Chaura runacuna rumita witrachiran. Jesúsna janaj pachapa ricärir, wiyächipaypa niran: «Papällau Papä, ima allish mañacushäta wiyamanqui.

⁴²Imaypis wiyamashayquita musyä. Caçhacamashayquitapis cay runacuna tantiyacunanta munä.»

⁴³Nircur jayacuriran: «Lázaro, llucshimuy» nir. ⁴⁴Lázaruna uçhcupita llucshiramuran. Umanpis, maquinwan éhaquinpis pitush caran. Llucshiramuptin, Jesús niran: «Pascapuy. Purichunna.»

⁴⁵Lázaruta cawarachiptin, Maríata yanagaj Israel runacunapis achcajmi Jesúsman yupachicuran.

Jesústa charinanpaj parlanacushan

San Mateo 26.1–5;

San Marcos 14.1–2; San Lucas 22.1–2

⁴⁶Waquin runam ichanga fariseucunaman aywaycur, Jesús imata rurashantapis willaran. ⁴⁷Chaura mayur Israel runacunapa sisyun-ninpaj llapan mayur cüracunapis, fariseucunapis shuntacaran:

«¿Imataj rurashun? Chay runa Tayta Diosnillanchi camacächishan-cunata ruraycan. Japracunatapis allchacächin. Jishyaçhucunatapis allchacächin. Wañushcunatapis cawarachin. ⁴⁸Chapata mana ruraptinchi, llapan runa Jesúsman yupachicunga. Yupachicuptin, Roma mandaj runa ullgucäcunga. Murucuncunata caçhamunga. Murucuncunaga Tayta Diosninchipa wasinta juçhurachinga. Marca-masinchita-ima wañurachimäshun» nir.

^{49–50}Mayur cüra Caifásna llapan mayur Israel runacunata

piñaparan: «Upam carcaycanqui. Imatapis mana tantiyacunquichu. Marca-masinchita-ima ama wañuchimäshuwanchu. Llapanchi-raycur juc runalla wañunman.» Mayur cüra cashpan chay wata llapan cüra-masinta maquinchu Caifás purichiran.

^{51–52}Payga mana yarpaypachu rimaran. Manchäga chay wata mayur cüra cashpan Tayta Diosninchipa yarpächiptin, cüra-masinta shimiyan. Llapan Israel runacunata washänan-raycur Jesús wañuyman éhayananta quiquin Tayta Diosninchipa camacächiran. Ichanga mana Israel runacunaraycurllachu wañuyman éhayanga; manchäga llapan runata washänan-raycur. Paycuna may-chaychu juyarpis, Tayta Diosninchipa wawan cashpan maquinchu cawanga.

⁵³Chay junajpita-pacha mayur Israel runacuna parlanacuran Jesústa wañuchinanpaj. ⁵⁴Chaymi marca-masincuna ricay Jesús mana puriranchu. Manchäga mana musyachicullar Efraím marcaman aywacuran. Efraím marcaga chunyaj pacha wajtallancho caycaran. Chay quinqrallancho purishijnincunawan juyaran.

⁵⁵Chay wichan Pascua fiesta éhayaycämuran. Chaymi wacpita-caypita Israel runacuna Jerusalén marcaman aywarcaycaran fiestapaj camaricuj. Camaricuran Tayta Diosninchipa alli ricananta munar.

⁵⁶Jesústapis ashircaycaran. Chaymi Tayta Diosninchipa wasinçhüpis tapunacurcaycaran: «¿Fiestaman shamungachuraj, manachuraj?» nir. ⁵⁷Fariseu runacunawan mayur cüracuna mayna runacunata nish

caran: «Maychüpis Jesústa ricarimarga, juclla willaycamanqui charichinapaj.»

Warmi pirjümita Jesústa jaycapushan

San Mateo 26.6–13; San Marcos 14.3–9

12 ¹Pascua fiestapaj sujta junaj pishiycaptin, Betania marcaman purishijnincunawan-ima Jesús aywaran. Chay marcachu Lázarupis tiyaran. Paytaga wañushanpita Jesús cawarachimush caran. ²Jesús éhayaptin, micupacunapaj yanucuran. Marta jaracuptin, Lázarupis Jesúswan-ima micurcaycaran. ³Micurcaycaptin, María alli pirjümita éhayachiran. * Tacshalla butillan captinsi, sumaj éhaninyuj caran. Pirjümita Jesússpa échaquinman jaycapurir, ajchanwan chaquichipuran. Wasi junta pirjümi asyacurcuran. ⁴Chaura Jesústa wañuyman jitarpuj Judas Iscariote niran: ⁵«¿Imapätaj alli cuyayllapaj pirjümita jichaycächinqui? Juc wata aruypa éhaninchu ranticunman caran. Chay jillayta wacchacunata, pishipacujcunata aypunman caran.» Judas Iscariote Jesússpa purishijnin caycarpis, ⁶mana pishipacujcunata llaquiparchu rimaran; manchäga suwa cashpan. Paymi Jesússpa tisirürun caran. Ichanga wallca-wallcalla jillayta raquicurij. ⁷Chaura Jesús niran: «Pirjümita jichapämánanta ama miéhanquichu. Cawaycaptillä, pampacunapaj armyacächiman. ⁸Pishipacujcunatawan wacchacunata imaypis ricanquipaj. Nuwatam

ichanga waran-waran mana ricanquipächu.»

⁹Betania marcachu Jesús caycashanta mayar, chay-chicaj Israel runacuna aywaran. Mana Jesúsllamanchu aywaran; manchäga Lázarutapis ricäcuj. Payta Jesús cawarachish caran. ^{10–11}Lázaruta cawarachishanpita runacuna cüracunapa shiminta mana éhasquirannachu; manchäga Jesússpa shimillanta. Payllaman yupachicuran. Chaymi mayur cüracuna Lázarutapis, Jesústapis wañurachiyta munaran.

Jerusalén marcaman Jesús éhayashan

San Mateo 21.1–11;

San Marcos 11.1–11;

San Lucas 19.28–40

¹²Warannin Jerusalén marcachu chay-chicaj runa fiestata rurananpaj caycashanchu Jesús éhayaycashantapis mayaran. ¹³Mayar, runacuna palmapa üjanta cuchuran. Jesústa éhasquicuj llucshir, cushicushpan japarpararan:

«Taytallau Tayta,

washaycallämay, ari. *

Tayta Diosninchicacchamushan

runa alli ricash caycullächun.

Israel runacunapa mandajnin alli ricash caycullächun » nir.

¹⁴Jesúsna Tayta Diosninchipa shimin éharcucänanpaj mañacushan manta bürun muntash éhayaran. Tayta Diosninchipa shiminchu isquirbiraycan:

¹⁵«Jerusalén marca runacuna, Ama manchariychu.

* **12.3** «Nardo» nishan pirjümita jachapita ruraj. * **12.13** «Washaycallämay, ari » ninanta castillänuchüpis, griego rimaychüpis: «Hosanna» nin.



San Juan 12.12–19

Mandajniqúi shaycämün.
Manta bürullan muntash
yaycaycämün» nir.*

¹⁶Chay wichan purishijnincu-
napiś Jesús mandaj cashanta mana
tantiyaranchu. Cawarircamur janaj
pachaman aywacuptinraj, Jesús
rurashancuna Tayta Diosninchipa
shiminchu isquirbishanwan tincu-
shanta yarpäiran. ¹⁷Lázaruta
Jesús cawarachishanta ricajcunam

ichanga willacur cushish purir-
caycaran: «Wañush Lázaruta
Jesús jayaptin, pamparaycasha
uñcupita cawaycaj llucshimuran»
nir. ¹⁸Chaymi: «Tayta Diosninchi
sumaj Jesústa yanapan» nir
waquin runacunapis Jerusalén
marcapita Jesústa chasquij
llucshiran. ¹⁹Fariseucunam ichanga
ninacuran: «Llapan runa payman
yupachicun. ¿Canan imatataj

* 12.15 Zacarías 9.9. Griego rimaychu Israel runacunapita tincuchiypa rimar, nin: «Siónpa warmi wamrancuna.» «Sión» nir, Jerusalén marcata yarpaj. «Warmi wamrancuna» nir, llapan Israel runacunata yarpaj.

zurashun? ¿Pinaraj nuwanchita alli ricamashun?» nir.

**Muruta pampashanwan
tincuchiypa willapashan**

²⁰Pascua fiesta caycaptin, jäpa runacunapis Jerusalén marcaman aywaran Tayta Diosninchita alliman çhuraj. * ²¹Jäpa runacuna Felipita niran: «Jesústa ricsichimay, ari.» Felipiga Galilea quinran Betsaida marcapita caran. ²²Felipina Andrésta willaran. Ishcaninna Jesústa willaran. ²³Willaptin, Jesús niran: «Cananga Tayta Diosninchipa caçhan cashäta llapan runa musyanga. Llapanmi alliman çhura manga. ²⁴Sumaj tantiyacunquiman. Rigu muruta mana pampaptinchi, manash wiñamunchu. Murullash jitaräcun. Pampaptinchish ichanga wañush-yupay captin, mamayrunta mana ricanchinachu. Wiñamurshi ichanga, atayar sumaj wayun. ²⁵Jamcunapis shunguyqui munashallanta rurar mana wiyacamar, ushyacayman çhayanquipaj. Shunguyqui munashanta jungaycur shimäta wiyacurmi ichanga, cay pachaçhüpis, janaj pachaçhüpis mana ushyacaypa cawanquipaj. ²⁶Maquiçu cawayta munar, wiyacamar nuwa-jina cawanquiman. Wiyacamar, çhayashäman çhayanquipaj. Wiyacamaptiqui, Papänipis alliçu jurgushunquipaj. ²⁷«Cananga juyupa llutäpacuycă. ¿Imataraj zurashaj? «Papä, wañuy pita washaycallamay» niyta munarsi, mana nishächu.

Papänipa shungun munashallanta ruranäpaj cay pachaman shamushcă. ²⁸Chaymi Papänita imaypis alliman çhurashaj.»

Chaura janaj pachapita nimuran: «Munayniyuj cashäta mayna musyachicushcă. Yapaypis musyachicushämi.» ²⁹Chayta wiyar, waquin juturajcuna niran: «Räyumaçi pashtamusha.» Waquinna niran: «Anjil-imaçi rimamusha.»

³⁰Jesúsna niran: «Mana nuwatachu jayacamasha. Manchäga jamcunata jayacamusha sumaj tantiyacunayquipaj. ³¹Canan llapan runapa shungunta Tayta Diosninchipa musyapanga. Supayta jargunga. Cay pachaçu mandaj cayninta jiçhunga. ³²Jugarachimaptin, janaj pachaman Tayta Diosninchipa shuntacamaptin, camacächishaj llapan runa yupachicamänapaj.»

³³«Jugarachimaptin» nir imanuy-papis rusçu wañuyman çhayananta musyachicuycaran. ³⁴Runacunana niran: «Tayta Diosninchipa shiminta isquirbir, Moisés niran: «Washäcujga imaycamanpis cawanga.» Jammi ichanga niycanqui: «Tayta Diosninchipa caçhan captisi, rusçu jugarachimanga.» ¿Pitaj canqui? Mä, Tayta Diosninchipa caçhamushan Washäcujpita tantiyachimay.»

³⁵Jesúsna niran: «Ishcay-quimsa junajlla ricanacushun. Achqui achic-yashan-jina Tayta Diosninchipa shungun munashanta tantiyachishayqui. Chaymi shimäta sumaj wiyacunquiman. Manchä chacay çhayapushunquipaj. Chacaypa purijcuna imamanpis çhayashanta mana musyanchu. ³⁶Chaymi ricay

* 12.20 Israel runacuna: «griegos» nij jäpa runacunapa yarpayninpis, rimayninpis juc-niraj captin.

ñawiquíchu purishácaman éhasquicamanquiman. Tayta Diosninchipis: «Wawämi canqui» nir alli ñawinwan ricashunquipaj.» Willapäcuyta ushyariycur, Jesús aywacuran. Runacuna ricay mana puriranchu.

**Jesúsman runacuna
mana yupachicushan**

³⁷Chaura ricay ñawinchu Tayta Diosninchí camacächiyninpa jishyaćhucunata allchacaycächiptinsi, wañushcunata cawariycächiptinsi, runacuna Jesúsman mana yupachicurancho. Shiminta mana éhasquicurancho. ³⁸Mana éhasquicurancho unay willacuj Isaíaspa shimin éharcucānanpaj. Payga unay niran:

«Taytallau Tayta, shimi-
quita willaptisi, ¿pillapis
éhasquicushachuraj?
Munayniyuj cashayquita
musyachicuptiquisi,
¿yupachicushachuraj?»*

³⁹Chay-jina Jesúsmanpis mana yupachicurancho. Isaíaspa shimin niycaran:

⁴⁰ «Runacunapa ñawinta Tayta
Diosninchí japrayächisha.
Shunguntapis chucrüyächisha.
Japrayächisha mana imatapis
ricananpaj.
Shunguntapis chucrüyächisha
mana imatapis
tantiyacunanpaj.
Jucha aparicushanpitapis
mana wanacunanpaj
camacächisha.
Wanacuptinmi ichanga,
Tayta Diosnin cashpan
allchacächiman caran.»*

⁴¹Unayga Jesús munayniyuj cashanta Isaíashta ricachiptin, rimash caran. ⁴²Achcaj runa Jesúshta wasguipaptinsi, waquin Israel runacuna Jesúsman yupachicuran. Waquin mayur runacunapis Jesúshta shiminta wiyacuran. Ichanga shuntacāna wasipita jargunanta manchacur, runa wiyay mana rimacurancho. ⁴³Paycuna Tayta Diosninchí alli ricananta munarsi, runa-masin alli ricanantaraj sumaj munaran.

⁴⁴Chaura wiyächipaypa Jesús niran: «Pipis yupachicamar, Tayta Diosninchimanpis yupachicun. Paymi cáchamasha. ⁴⁵Ricamarpi, cáchamaj Tayta Diosninchitapis rican. ⁴⁶Achqui achicyashanjina Tayta Diosninchipa shungun yarpashanta tantiyachicunāpaj shamushcā. Yupachicamajcuna Tayta Diosninchipa maquinchu cawanga. Mana chacajchu-jina supaypa maquinchu cawangachu. ⁴⁷Runacuna shimita mana wiyacuptinsi, mana ñacayman éhayachināpachu shamushcā; manchāga llap-llapanta washānāpāmi. ⁴⁸Wasguimajcunam ichanga, shimita mana éhasquicujcunam ichanga, quiquillanpita imamanpis éhayangapaj. Shimita wiyacushanman-tupu ushyacay junajchu juchanta jurgapash canga. ⁴⁹Mana umāpita jurgurcularchu rimā; manchāga quiquin Tayta Diosninchipa shiminta. Paymi cáchamasha: «Shimita llap-llapanta willay» nir. ⁵⁰Paypa shiminta wiyacuptinchi, mana ushyacay cawayta tarichimanchi.

* 12.38 Isaías 53.1. * 12.40 Isaías 6.10.

Chaymi rimashäga Tayta Dios-ninchipa shimillan. Nimashannuylla willacuycă.»

**Purishijnincunapa čhaquinta
Jesús mayllapushan**

13 ¹Pascua fiesta manaraj jalla-riptillan, wañuy jananchu caycashantapis, cay pachapita janaj pachaman Tayta Diosninchivan tincuj aywanantapis Jesús mayna musyaycaran. Chaynuy captinpis purishijnincunata sumaj llaquipar, mana cačhariranchu.

²Chacanaycaptin, llapanwan micupacunanpaj jutucasha. Jesústa wañuyman jitarpunanpämi ichanga Simónpa wamran Judas Iscariotita supay yarpächiran. ³Chaypis Jesús Papänin llap-llapanta maquinman čhurashanta musyaran. Chaynuypis janaj pachapita shamushanta, janaj pachaman Tayta Diosninchipa shuntacuantapis musyaran. ⁴Chaymi micupacucashanču Jesús jataricurcuran. Punchunta jurgurir, chijllanman jacuta watacurcuran. ⁵Angarawan yacuta čhagarcur, purishijnincunapa čhaquinta mayllapuran. Jinarcu watacushan jacuwan chaquichipuran.

⁶Čhaquinta mayllapunapaj čhayaptin, Simón Pedro niran: «Tayta, čhaquita ama mayllapanquiman. Jucpa čhaquinta manacaj uyway runalla mayllapun.»

⁷Jesúsna niran: «Imapaj rurashätapis mana tantiyanquirächu. Ichanga imayllapis tantiyacunquipaj.» ⁸Pedruna niran: «Čhaquita imaypis ama yatanquiman.»

Jesúsna niran: «Sumaj tantiyacunquiman. Čhaquiquita

mana mayllapupti, mana purishimanquinapishchu.»

⁹Chaura Simón Pedro niran: «Tayta, čhaquillata ama mayllapamaychu. Manchäga maquítapis, umätapis mayllapamay.»

¹⁰Jesúsna niran: «Chayraj armacushcuna mana janrachu. Chaymi čhaquillanta mayllacurin. Jancunapis mana janrachu canqui. Chaypis jucniqui janraraj caycanqui.»

¹¹Judas wañuyman jitarpunanta Jesús musyaran. Chaymi niran: «Jucniqui janraraj caycanqui.»

¹²Purishijnincunapa čhaquinta mayllapurir punchunta jaticurcur, Jesús jamacucuran. Jinarcu tapuran: «¿Imanir čhaquiquita mayllapushätapis tantiyanquichu?» ¹³«Yačhaj tayta» nimar: «Taytallau Tayta» nimar, allita rimaycanqui. Rasunpa Taytayqui că. Yačhajmi că. ¹⁴Taytayqui caycarsi, mayurniqui carsi, čhaquiquita mayllapuycaptij, nuwa-jina jancunapis mayllapanacunquiman.

¹⁵«Ricacunayquipaj mayllapushcaj. Ricacamar, nuwa-jina cawanquiman. ¹⁶Sumaj tantiyacunquiman. Uyway runa patrunninta manash apärinmanchu. Cačhapis cačhacujninta mana apärinmanchu. ¹⁷Shimita wiyashcanqui. Wiyashayquita čharcuptiqui, Tayta Diosninchipis sumaj yanapashunquipaj. Sumaj cushicärinquipaj. ¹⁸Chaypis llapaniquita ricsipaycaj. Shuyninpa acracushcaj. Jucniquipämi ichanga Tayta Diosninchipa shimin čharcucänapaj nin: «Jarashata micujmi ticrapacarcamasha.»*

¹⁹Canan llapanta willapaycaj.

* 13.18 Salmo 41.9.



San Juan 13.1–20

Cananllapita imamanpis chayapti, Cawachicuj cashäta ama junganquichu. ²⁰Sumaj tantiyacunquiman. Caçhäcunata çhasquicur, quiquitapis çhasquicaman. Çhasquicamarga, Tayta Diosninchitapis çhasquicuyan. Paymi caçhamasha.»

Wañuyman jitarpunanta Jesús musyachicushan

San Mateo 26.20–25;

San Marcos 14.17–21;

San Lucas 22.21–23

²¹Chaynuy nir shungun ishquicäcuptin, purishijnincunata Jesús niran: «Sumaj tantiyacunquiman. Mayganiquipis ticrapamar, wañuyman jitarpamanquipaj.»

²²Chaura mayganin cashantapis mana musyashpan jucnin-jucnin ricapänacuran. ²³Juc purishijninga

yachänacushan cashpan Jesúswan jaganacushalla jamaraycaran.

²⁴Chaymi payta Simón Pedro tapuran: «¿Piraj jitarpuj runa, au? Mä, Jesúsata tapushun» nir.

²⁵Yachänacushan purishijninna jagaycur, Jesúsata tapuran: «Tayta, ¿mayganitaj wañuyman jitarpu-shayqui?» nir.

²⁶Jesúsna niran: «Tantata paquircur ushmarcachir mallichishä runa canga.» Chaynuy nir tantata paquircur ushmarcachir, Simónpa wamran Judas Iscariotita mallichiran. ²⁷Tantata çhasquircuptillan, Supay charicurcuran. Jesúsna niran: «Judas, yarpaycashayquita juella ruranquiman.» ²⁸Jesús rimashanta maygan purishijninpis mana tanti-yaranchu. ²⁹Waquin yarparan: «Judas tisuriru captinchi, Pascua

fiestapaj rantipacuj caçhaycan.
 Manchäga pishipacujcunata jillayta
 aypunanpächi caçhaycan» nir.
³⁰Judasna Jesús Macyashan tantata
 micucurcur, juella llucshicur.
 Pachapis chacashana caycaran.

Llaquipänacuyпита tantiyachishan

³¹⁻³²Judas aywacuptin, waquin
 purishijnincunata Jesús niran:
 «Cananga Tayta Diosninchichi alliman
 çhuramanga. Runacunata washänä-
 raycur wañuptisi, Tayta Diosninchichi
 cawarachimanga. Chaynuypa
 Tayta Diosninchichi caçhamashan-
 tapis, munayniyuj cashantapis
 runacuna tantiyacunga. Allimanpis
 çhura. Manasi aycällatana
 Tayta Diosninchichi llapantapis
 camacächinga. ³³Wawacuna,
 mana ricamanquipänachu.
 Mayur Israel runacunata
 willashä-jina ashimarsi, mana
 tarimanquipänachu. Aywashäman
 mana çhayamunquipächu.
³⁴Chaymi shimita ama jungan-
 quichu. Llaquipäshaj-jina, jamcu-
 nasis llaquipänacärinqui, ari.
³⁵Llaquipänacuptiqui, maquichu
 cawashayquita llapan runa
 tantiyacunga.»

Pedro wasguinanta Jesús musyachicushan

San Mateo 26.31-35;

San Marcos 14.27-31;

San Lucas 22.31-34

³⁶Chaura Simón Pedro tapuran:
 «Tayta, çmaymantaj aywacunqui?»
 nir. Jesúsna niran: «Aywashäman
 mana aywanquipärächu. Juc junajmi
 ichanga çhayamunquipaj.» ³⁷Pedruna
 niran: «Tayta, çimanirtaj mana

aywäshijmanchu? Purishinaj-raycur
 jina wañuymansis çhayäman.»

³⁸Jesúsna niran: «¿Rasunpachuraj
 nuwa-janan wañuymansis çhayan-
 quiman? Sumaj tantiyacunquiman.
 Mana ricsij tucumanquipächu. Gällu
 mana cantaptillan, quimsa cutiparaj
 wasguimanquipaj.»

Tayta Diosninchiman Jesús çhayachicuj cashan

14 ¹Chaypita purishijnincunata
 Jesús niran: «Alläpa ama
 llaquicunquichu-llapa. Manchäga
 Tayta Diosninchimanpis, nuwamanpis
 yupachicunquiman. ²Papänipa wasin
 jatun-caray. Juyänanchipaj aypän.
 Chaymi camarij aywashaj. Wasin
 mana aypaptin: «Camarij aywashaj»
 mana nijmanchu. ³Camaricuriycur,
 pushanajpaj cutimushaj. Papänipa
 wasinçu llapanichi cawashunpaj.
⁴Maypa aywanätapis mayna
 musyanqui.» ⁵Chaynuy niptin,
 Tomás niran: «Maypa aywanay-
 quitapis mana musyar, çimanuy-
 pataj shamüman?» ⁶Jesúsna niran:
 «Nuwalla Tayta Diosninchichi
 shungun yarpashanta willapashcaj.
 Imaycamanpis cawachishayqui. Tayta
 Diosninchimanpis çhayachishayqui.
 Mana yupachicamarmi ichanga,
 Tayta Diosninchichi ñaupänmanpis
 mana çhayanquipächu. ⁷Shungüwan
 tincur, Tayta Diosninchichi shungun-
 wanpis tincunqui. Cananpita-
 pacha quiquin Tayta Diosnin-
 chiwan yaçhänacuycanqui. Mayna
 ricashcanquipis.»

⁸Felipina niran: «Tayta Diosnin-
 chichi ricachimay, ari. Ricsiyta
 munarcayca.»

⁹Jesúsna niran: «Unaylla juyay-
 captinchichu, çshungüta mana

musyapanqui? Shungüta musyapar, Tayta Diosninchipa shunguntapis musyapanqui. Chaymi ama nimanquimanchu: «Tayta Diosninchita ricsichimay.»¹⁰ Tayta Diosninchivan juc shungulla cawashäta çhasquicushcanqui, ¿au? Chaypis mana yarpashallätachu rimä; manchäga Tayta Diosninchipa shungun yarpa-shallanta. Chayraj Tayta Diosninchicamacächishancunatapis tantiyacunquipaj.¹¹ Chaymi Tayta Diosninchivan juc shungulla cawashäta çhasquicunquiman. Shimita mana çhasquicursi ima-imata rurashäcunataricar, çhasquicamanquiman. Tayta Diosninchicamacächiptin, jishyaçhucunata allchacächishcä. Supaycunata jargushcä. Chay-chicaj runata jarashcä. Wañushcunata cawarachishcä. Chaymi ima-imata rurashäcunata ricaycar, shimitapis çhasquicunquiman.¹² Sumaj tantiyacunquiman. Tayta Diosninchivan iwal juyäshaj. Yupachicamaptiqui, shungun munashanta ruranäpaj camacächishan-jina jamcunapis ruranayquipaj camacächinga. Nuwa-jina jishyaçhucunata allchacächinquipaj. Supaycunata jargunquipaj. Chay-chicaj runata jaranquipaj. Wañushcunata cawarachinquipaj. Runacuna Tayta Diosninchipa maquinchu cawanapaj may-chaychüpis nuwapita willapanquipaj. Tayta Diosninchicamacächiptin, tucuyta ruranquipaj.¹³ Yupachicamashayqui-janan imatapis mañacamaptiqui, Wawan cashpä camacächishaj. Chayta rural, Tayta Diosninchitapis allichu jurgü.¹⁴ Shungü munashanta ruraptiqui ima-imata mañacamaptiquipis, wiyashayqui.»

Espíritu Santuta caçhamunanpaj aunishan

¹⁵«Llapan shunguyquiwan manchapacamar, shimitapis sumaj wiyacunquiman. ¹⁶Espíritu Santu yanagäshunayquipaj Tayta Diosninchita mañacushaj. Payga Espíritu Santuta caçhamunga imaypis yanagäshunayquipaj. ¹⁷Espíritu Santuga Tayta Diosninchipa shungun yarpashanta tantiyachishunquipaj. Tayta Diosninchipa maquinchu mana cawajcunam ichanga Espíritu Santu pï cashantapis mana musyanchu. Mana çhasquicunpishchu. Espíritu Santupis paycunata mana yanaganchu. Jamcunam ichanga Espíritu Santuta çhasquicushcanqui. Maquinchüpis cawanqui. Payga imaycamanpis yanagäshunqui. ¹⁸Mana wacchata-jina jaguishayquichu. Yanagänajpaj cutimushaj. ¹⁹Tayta Diosninchipa maquinchu mana cawajcuna imaypis mana ricamangapächu. Jamcunawanmi ichanga ricanacuycäshunpaj. Wañurpis, cawarimushaj. Wañuptiquipis, cawarachishayqui. ²⁰Papänï cawarachimaptin, paywan juc shungulla cawashäta, jamcunawanpis juc shungulla cawashäta tantiyacunquipaj. ²¹Çhasquicamajcuna manchapacamashpan shimita wiyacunga. Shimita wiyacujcunata Papänïpis sumaj llaquipanga. Llaquipashpä nuwapis yanagäshaj.»

²²Chaura allicaj Judas tapuran: «Tayta, ¿imanirtaj nuwacunallata yanagämanquipaj; waquinta mana?» nir.

²³Jesúsna niran: «Çhasquicamajcuna manchapacamar,

shimítapis wiyacun. Chaymi Papäni-ima maquiéchu purichishaj. Llaquipashpä iwal cawäshishaj. ²⁴Wasguimajcunam ichanga mana manchapacamar shimítapis mana wiyacunchu. Willapäcushäga mana umällapitachu. Manchäga: «Shimíta llapanta willanqui» nir quiquin Tayta Diosninchichi caçhamasha.

²⁵«Ricay ñawiquiéchu puriycaëllar, llapantapis willapashcaj.

²⁶Aywacupti, Tayta Diosninchichi Espiritu Santuta caçhamunga. Paymi yanagäshunquipaj. Shimítapis llapanta yarpächishunquipaj. Pishishushayquitapis tantiyachishunquipaj. ²⁷Runacuna alli cawayta ashirpis, quiquinpita mana tarinchu. Nuwam ichanga alli cawayman çhayachishayqui. Allilla juyaycullay, ari. Ima captinpis, ama llaquicunquichu. Ama manchacunquichu.

²⁸Aywacunäta mayna willashcaj. Chaypis jamcuna-raycur cutimushaj. Rasunpa manchapacamarga, shacyashacyalla shuyämanquiman. Tayta Diosninchiman cuticushaj. Paypa maquinéchu cawä. ²⁹Llapantapis willapaycaj aywacupti, sumaj yupachicamänayquipaj. ³⁰Alläpa ama rimashunnachu. Supay jananchiçhüna. Cay pachaéchu paymi munayniyuj. Ichanga mana ichipaman-gachu. ³¹Imaman çhayarpis, Papänipa shiminta çharcüman. Chayräçhi llapan runa Papänita llaquishäta, shiminta wiyacushäta musyanga. Cananga aywacushun. Jatariy-llapa.»

Übas yürawan Jesús
tincuchicushan

15 ¹Chaypita tincuchiypa willapar Jesús niran: «Übas yüra cä. Papäni sumaj

ricaman. ²Callapäcuna mana wayuptin, llaumarin. Wayuptinmi ichanga pichan sumaj wayunanpaj. ³Jamcuna shimíta wiyacur, pichash wayuj übas-jina cawarcay-canqui. ⁴Maquiéchu cawaptiqui, mana caçharishayquichu. Juc callapa yüraman mana tanarar, mana wayunmanchu. Chay-jina jamcunapis nuwaman mana tanarämar, Tayta Diosninchipa shungun munashannuy cawayta mana camäpacunquipächu. ⁵Übas yüra cä. Jamcunana callapä canqui. Nuwaman tanarämar, callapäcunapis sumaj alli. Yata cawarmi ichanga, ima ruraytapis mana camäpacunquipächu. ⁶Shimíta mana wiyacuptiqui, mana wayuj callapata-jina Tayta Diosninchichi llaumashunquipaj. Mana wayuj callapata llaumarin. Chaquiptin shuntarcur, ninaéchu ruparachin. ⁷Maquiéchu cawaptiqui, shimíta wiyacuptiqui, Tayta Diosninchipi llapan mañacushayquita tarichishunquipaj. ⁸Shimíta wiyacur, manchapacur cawar, Papänita alliéchu jurgunqui. Chaynuypa maquiéchu cawashayqui musyacanga. ⁹Papäni alli ricamashan-jina jamcunatapis alli ricashayqui. Maquiéchu cawaptiqui, alli ñawüwan ricashayqui. Yächänacushunpäpis. ¹⁰Shimíta wiyacuptiqui llaquipar, mana caçharishayquichu. Papänipis shiminta wiyacupti, llaquimar mana caçharimanachu. ¹¹Llapantapis willapaycaj nuwa-jina shacya-shacyalla cawanayquipaj. Shunguyquipis achicyacäcungapaj. ¹²Ichanga ama junganquimanachu. Llaquipäshaj-jina jucniqui-jucniquipis llaquipänacärinquiman. ¹³Tantiyacunquiman.

Pipis rasunpa llaquipäcuyta yachar, yaçhänacushanta yanapänan-cashan wañuymanpis échan. ¹⁴Shimïta wiyacuptiqui, yaçhänacunchi. ¹⁵Mana uyway runachu carcay-canqui. Manchäga sumaj yaçhänacunchi. Uyway runata imata yarpashanchitapis mana willanchichu. Jancunatam ichanga Papäni imallata nimashantapis willashcaj.

¹⁶«Mana quiquillayquipitachu éhasquicamashcanqui. Manchäga quiquimi camacächishcä. Canan übas alli wayushan-jina allita ruraw cawanqui, ari. Alli cawashayquita ricacur waquin-cunapis éhasquicamar, mana yamacällar alli cawanga. Chaymi yupachicamashayqui-janan imata mañacuptiquisi, Papäni wiyashunquipaj. ¹⁷Shimïta ama jungaychu. Jucniqui-jucniquipis sumaj llaquipänacäriy.»

Jesústapis, purishijnincunatapis runacuna chiquishan

¹⁸«Runacuna chiquimashan-jina jancunatapis chiquishunquipaj. ¹⁹Juchata aparicushan-jina cawaptiquim ichanga, paycuna alli ñawinpa ricashunquipaj. Jancunatam ichanga wamrachacushcaj. Chaypita juchaçu arujcuna chiquishunqui. ²⁰Nishajta ama junganquichu. Uyway runa patrunninta manash apäinmanchu. Chaymi maquiçu purishayquipita waquin runa chiquir jaticächashunquipaj. Nuwatapis jaticächaycäman. Waquin runam ichanga shimïta wiyacushan-jina shimiQuitapis wiyacunga.

²¹«Purishimashayquipita chiquijcuna chiquishunquipaj. Paycunaga caçhamajnïpa shungunta mana musyanchu. ²²Cay pachaman shamur, Tayta Diosninchipa shungun munashanta willapashcä. Shimïta wasguirmi ichanga, runacuna juchata aparicun. Paycuna mana chapacunmanchu: «Tayta Diosninchipa shiminta mana imaysi wiyashcächu» nir.

²³«Pipis chiquimar, Papänitapis chiquin. ²⁴Cay pachaman shamupti, jishyaçhucunata allchacächishäta, supaycunata jargushäta, chaychicajta jarashäta, wañushcunata cawarachishäta ricasha. Ricaycarpis, mana éhasquicamashachu. Chaymi juchayuj ricarisha. Jananmanpis chiquiman. Papänitapis chiquin. ²⁵Llapanpis camacaycan Moiséspa shimin çarcucänanpaj. Paypa shimin nin: «Juchaynaj caycaptisi, chiquimasha.»* ²⁶Ima captinpis, Tayta Diosninchipita Espiritu Santuta caçhamushaj yanagäshunayquipaj. Payga Tayta Diosninchipita caycar, shungun yarpashantapis musyachishunquipaj. Nuwapitapis tantiyachishunquipaj. ²⁷Chay-jina jancunapis waquin runacunata nuwapita willapäcunqui. Unaypitapacha purishimashcanqui.»

16 ¹«Wawacuna, runacuna chiquishuptiquisi, mana yamacällar yupachicamanquiman. Llapanta sumaj willapaycaj mana wasguimänayquipaj. ²Chiqui runacuna shuntacäna wasicunapitapis jargushunquipaj. Wañuchishushpayquipis ninga: «Tayta Diosninchipa ricay

* 15.25 Salmo 35.19.

ñawinchu allita ruraycä.» ³Ichanga Tayta Diosninchí pï cashantapis, pï cashätapis mana musyashpan llapanta ruranga. ⁴Rimashäman chayar, yarpänayquipaj llapanta willapaycaj. Ñaupata iwal purish-panchi mana willaparajchu.»

Espíritu Santupita tantiyachicushan

⁵«Cananga caçhamajniman cuticushaj. Chaypis maygani-quipis mana tapumanquirächu: «¿Maymantaj aywanqui?» nir. ⁶Shimïta wiyar, ¿imanirtaj llaquish mayarpaycanqui? ⁷Sumaj tantiya-cunquiman. Allipaj aywacushaj. Aywacur, Espíritu Santuta caçhamushaj yanagäshunayquipaj. Manchäga mana shamungapächu. ⁸Paymi llapan ricay tantiyachinga ima jucha cashantapis, pï juchaynaj cashantapis, pï imaman chayanantapis. ⁹¿Imataj jucha? Juchaga nuwaman mana yupachicuy. ¹⁰¿Pitaj juchaynaj? Juchaynajga nuwallam cä. Cananga Papäniman aywacushaj. Mana ricamanquipänachu. ¹¹¿Pitataj imamanpis chayahisha? Cay pachaçu mayur supay ñacananpäga mayna Tayta Diosninchí camacächisha.»

¹²«Achcaraj caycan willapänajpaj. Ichanga tantiyacuyta mana atipanquirächu. ¹³Espíritu Santu shamurmi ichanga, Tayta Diosninchí ima-imata yarpashantapis, camacächinantapis tantiyachishunquipaj. Mana quiquinpa yarpayllanpitachu tantiyachishun-quipaj; manchäga Tayta Diosninchipita wiyashallanta. ¹⁴Espíritu Santu allïchu jurgamanga. Shimïta wiyar, musyachishunquipaj. ¹⁵Tayta

Diosninchíwan juc shungulla cawä. Chaymi nishcä: «Shimïta wiyar, musyachishunquipaj.» ¹⁶Manasi aycällata aywacushaj. Mana ricamanquipänachu. Ichanga manasi aycällata cutimupti, yapay ricaman-quipaj.» ¹⁷Chaura purishijnincuna tapunacuran: «¿Imatataj rimaycan: «Manasi aycällata mana ricamanquipächu. Ichanga manasi aycällata yapay ricamanquipaj» nir? ¿Imanirtaj: «Papäniman aywacushaj» niycan? ¹⁸¿Imanirtaj: «Manasi aycällata cutimushaj» nimanchi? Imata rimashantapis mana tantiyan-chichu» nir.

¹⁹Yarpaçhacurir tapucuyta munashanta musyar, Jesús niran: «¿Cananpita manasi aycällata mana ricamanquipächu. Chaypita manasi aycällata yapay tincushunpaj» nishäpitachu tapunacurcaycanqui? ²⁰Sumaj tantiyacunquiman. Llaquimashpayqui wagaptiquisi, ataptiquisi, mana çhasquicamajcuna jatunpa cushicunga. Yapay tincuptinchim ichanga, atash caycarpis, jatunpa cushicunquipaj. ²¹Warmipis nanay chariptin, llaquicuywan atan. Jishyacurirmi ichanga, jatunpa cushicun: «Ima allish wawäta tarishcä» nir. Nanashantapis mana yarparannachu. ²²Chay-jina aywacupti, jamcunapa shunguyquipis sumaj nananga. Yapay tincuptinchim ichanga, shunguy-quipis jatunpa cushicunga. Pipis mana llaquicuyman çhurashunquipänachu. ²³Tincuptinchi, imatapis mana tapumanquipänachu. Sumaj tantiya-cunquiman. Yupachicamashayqui-janan mañacuptiqui, Tayta Diosninchí imatapis tarichishunquipaj. ²⁴Yupachicamashayqui-janan mana imatapis mañacushcanquirächu. Mä,

mañacuy. Mañacur, éhasquinqui.
Chayraj jatunpa cushicunquipaj.

²⁵«Tincuchiyllapa willapashcaj.
Cananmi ichanga Tayta Diosnin-
chipita llap-llapanta tantiyachi-
shayqui. ²⁶Tincushanchi junaj
mana jayarämanquipänachu.
Yupachicamashayqui-janan quiqui-
quicunana Tayta Diosninchita
mañacunquipaj. ²⁷Payga llaquipä-
shunqui éhasquicamashayquipita,
paypita shamushäta yupachicu-
shayquipita. ²⁸Paypita shamushcä.
Paymi cay pachaman shamunäpaj
camacächisha. Cananga janaj
pachaman cuticushaj. Tayta Diosnin-
chiwan cawashaj.»

²⁹Chaura purishijnincuna niran:
«Cananmi ichanga mana chapacullar
willacuyanqui. Tincuchipayllapa
mana rimanquinachu. ³⁰Runacuna
yarpashantapis musyanqui. Llapanta
tantiyanqui. Chaymi mana tapupaj-
manchu. Manchäga Tayta Diosnin-
chipita shamushayquita éhasquicüna.»

³¹Jesúsna niran: «¿Rasunpachu
éhasquicamanqui? ³²Manasi aycällata
llapaniqui wasiquiman-caman
jishpicärinquipaj. Japalläta jaguiy-
camanquipaj. Tayta Diosninchim
ichanga mana imaypis jaguimanchu.
³³Llapallanta willapashcaj sumaj
yupachicamänayquipaj. Maquichu
juyar ñacayman éhayaptiquisi,
yanapashayqui allilla cawanayquipaj.
Mana éhasquicamajcunatapis mandaj
supaynintinta mayna ichipushcä.
Chaymi cushish cawanquiman.»

Llapan irmänupaj Jesús mañacapushan

17 ¹Llapanta willapariycur
janaj pachaman ricärir,
wiyächipaypa Jesús niran: «Papä,

cananllapaj cashcä. Wawayquim
caycä. Allichu jurgaycamay, ari.
Nuwapis allichu jurgushayqui.
²Llapan runata maquiman éhurash-
canqui. Éhasquicamajcunata imayca-
manpis cawachinäpaj camacächish-
canqui. ³Éhasquicamaptinchi,
imaycamanpis cawanga. Jamlla
Tayta Diosninchita canqui. Nuwana
Washäcuj Jesús caycä. Washäcuj
canäpaj cay pachaman caçhamash-
canqui. Chaymi maquinchichu
purir, pipis imaycamanpis cawanga.
⁴Papä, cay pachaçu allichu jurgur,
shimiquita llap-llapanta éharcushcä.
⁵Ñaupayquimanna shuntacamay,
ari. Allichu jurgaycallämay. Cay
pacha manaraj captillan, alli
ricanacushanchi-jina yapay alli
ricanacushun.

⁶«Cay pachaçu waquin runacuna
purishimänanta camacächishcanqui.
Wawayqui captinpis, maquiman
éhurashcanqui purichinäpaj.
Pï cashayquitapis paycunata
sumaj tantiyachishcä. Shimiquita
willapashäta llapanta wiyacusha.

⁷⁻⁸«Jamllapita cawashäta
musyanna. Shimiquita willacupti,
éhasquicushana. Cay pachaman
caçhacamashayquitapis aunisha.
⁹Purishimajcunapaj mañacamuj.
Paycuna wawayquim. Maquiman
éhurashcanqui. Chaypita
mañacamuj. Shimäta mana
wiyacujcunam ichanga imanuy-
pis cawacullächun. ¹⁰Papä, shiminchita
wiyacujcuna nuwanchipa caycan.
Purishimajcuna allichu jurgamaptin,
munayniyuj cashä musyacanga.

¹¹«Papällau papä, cay pachata
jaguishäna. Cuticamushäna.
Chaymi purishimajcunapaj
mañacuj. Paycuna cay pachaçhüraj

juyanga. Papä, sumaj alli canqui. Juc shungulla cawananchipaj camacächishayqui-jina paycunapis juc shungulla cawanapaj ricay-cullay. ¹² Camacächishayqui-jina iwal purishäcaman sumaj ricashcä. Maquíchu purichishäcaman mayganpis ushyacayman mana chayashachu. Judas Iscariotilla ushyacayman chayasha shimi qui çharcucänapaj.

¹³ «Papä, janaj pachaman cuticamushpä jatunpa cushicü. Chaypis cay pachaçu cashpä mañacushayqui. Nuwa-jina cushish cawanapaj purishimajcunata ricay-cullay. ¹⁴ Shimiquita mayna willapashcä. Nuwa-jina maquiquíchu cawan. Juchata mana aparicushä-jina wawayquicunapis juchaçu mana arunchu. Chaymi shungun munashanta mana ruräshiptin, shimi- quita mana wiyacujcuna chiquin.

¹⁵ «Purishimajcunata cay pachapita ama jurgunquichu. Manchäga cay pachaçu cawashancaman supaypita washaycunqui, ari. ¹⁶ Maquiquíchu cawä. Purishimajcunapis maquiquíchu cawan; mana supaypa maquinchüchu. ¹⁷ Shimiquiga shunguyqui yarpashanwan tincun. Shimiqui imata rimashantapis llap- llapanta purishimajcunata willapashcä. Chaymi sumaj tantiyaycächü shunguyqui munashannuy cawanapaj. ¹⁸ Cananga cay pachaman cáhamashayqui-jina nuwapis cáhacushaj shimiquita llapan runata willapäcunapaj. ¹⁹ Llapan shungüwan shimiquita wiyacushä-jina paycunapis shimi- quita wiyacunman.

²⁰ «Papä, mana purishimajcu- nallapächu mañacuj. Manchäga

paycunapa shiminta wiyar waquin éhasquicamajcunapäpis mañacuj. ²¹ Nuwanchi juc shungulla cawashanchi-jina éhasquicamaj- cunapis juc shungulla cawanman. Llapani juc shungulla cawananchita munä. Chayrächi waquin runapis cáhamashayquita éhasquicunga.

²² «Alli ricamashayqui-jina éhasqui- camajcunatapis alli ñawíwan ricä. Alli ricanacushanchi-jina paycunapis alli ricanacunman juc shungulla cawanapaj.

²³ «Papä, juc shungulla cawashanchi-jina éhasquicamaj- cunawan juc shungulla cawä. Chaynuypa paycunapis juc shungulla cawanga. Juc shungulla cawaptin, llaquipäcuj cashay- quita waquin runacunapis tanti- yacunga. Llaquipäcuj cashpayqui cay pachaman cáhamash- canqui. Llaquipämashpayqui alli ricamashayqui-jina éhasqui- camajcunatapis llaquipar alli ricanqui. Chayta llapan runa tantiyacunman.

²⁴ «Papä, acrapamashayqui runacunawan juturpayta munä. Achic-achicaycajta ricamangapaj. Cay pachapis manaraj caycaptin, llaquipämashpayqui alliman éhuramarayqui. ²⁵ Papä, jamlla allillata ruranqui. Runacunam ichanga alli shungu cashayquita mana musyaranchu. Nuwam ichanga alli shungu cashayquita musyá. Cáhamashayquita éhasqui- camajcunapis musyan. ²⁶ Pi cashay- quitapis tantiyachishcä. Sumajraj tantiyaycächü. Chayrämi alli ricama- shayquita tantiyacunga. Nuwapis mana cácharishächu. Quiquin-pura alli ricanacunapäpis yanapäshaj.»

Jesústa rïsu charishan*San Mateo 26.47–56;**San Marcos 14.43–50;**San Lucas 22.47–53*

18 ¹Tayta Diosninchita mañacurir, purishijnin-cunawan-ima Jesús aywacuran «Cedron» nishan rajra chimpanman. Juc chacraman chayay, yaycuran. ²Shuntacanan pacha captin, chay chacrata Jesústa wañuyman jitarpuj Judas Iscariotipis ricsiraran. ³Chaymi Jesústa charinanpaj murucucunata Judas chayachiran. Mayur cüracunawan fariseucuna cächaptin, Roma marcapa mandaj murucuncunapis, Tayta Diosninchipa wasinta täpajcunapis achquincunawan-caman, cuchilluncunawan-caman chayaran. ⁴Charij chayananta Jesús mayna musyaran. Chaymi tariparcu chayajcunata tapuriran: «¿Pitataj ashircaycanqui?» nir. ⁵Murucucunana niran: «Nazaret runa Jesústa.» Jesúsna niran: «Nuwa cã.» Jesústa wañuyman jitarpuj Judaspis caycaran. ⁶«Nuwa cã» niptin, llapan runa jipapa tunicuran. ⁷Jesús yapay tapuran: «¿Pitataj ashircaycanqui?» nir. Murucucunana niran: «Nazaret runa Jesústa.» ⁸Jesúsna niran: «Mayna willashcaj. Nuwata ashimar, quiquillata apaman-quiman. Purishimajñicunata ama yatanquimanachu.»

⁹Jesús rimashan charcucananpaj nish caran: «Jammi llapan runata maquiman churashcanqui. Jucpis mana ushyacayman chayashachu.»

¹⁰Simón Pedruna cuchilluwan juc runapa diricha-caj rinrinta rugupariran. Ruguparishan runapa jutin caran Malco. Payga mayur cürapa uywaynin

caran. ¹¹Jesúsna niran: «Cuchilluta ama jugariychu. Cashgallaman churaycuy. Papani camacächiptin, ¿ñacaypita jishpishachuraj?»

**Mandaj cürapa ñaupanman
Jesústa apashan***San Mateo 26.57–58;**San Marcos 14.53–54; San Lucas 22.54*

¹²Chaura murucucuna mandajnintin Tayta Diosninchipa wasinta täpaj Israel runacuna-ima Jesústa charircu, watarcärriran. ¹³Nircu Anás pa wasinman aparan. Anásga mayur cürä Caifás pa suydun caran. ¹⁴Caifás mi waquin mayur runacunata willapash caran: «Alli canman juc runalla llapan-chipa rucanchi wañuptin» nir.

Jesústa Pedro wasguishan*San Mateo 26.69–70;**San Marcos 14.66–68; San Lucas 22.55–57*

¹⁵Chaura Jesústa apaycaptin, caru jipallanta aywaran juc purishij-masinwan Simón Pedro. Chay purishijga mayur cürawan ricsinacuran. Ricsinacur, Jesús pa jipanta sawan rucicaman yaycuran. ¹⁶Pedrun ichanga puncu wajtapita mana yaycuranchu. Chaymi ruriman yaycu purishijga puncu quichaj warmita ruwacuran Pedrutapis ruriman yaycuchinanpaj. ¹⁷Puncu quichaj warmi Pedruta tapuran: «¿Manachu chay Jesús pa purishijnin canqui?» nir. Pedruna niran: «Mana.»

Mayur cürä Jesústa tapupashan*San Mateo 26.59–66;**San Marcos 14.55–64;**San Lucas 22.66–71*

¹⁸Juyupa jasaptin, ninata ratarcachir uywaycunapis, Tayta Diosninchipa wasinta täpajcunapis

mashacurcaycaran. Pedrupis masha-cuycaran. ¹⁹Mayur cürana Jesústa tapuycaran imata yačhachishantapis, purishijnincuna pï cashantapis.

²⁰Jesúsna niran: «Llapan wiyay Tayta Diosninchipa shiminta willapäcushcă. Shuntacăna wasicunächüpis, Tayta Diosninchipa wasinčhüpis tantiyachicushcă. Israel-masinchicuna llapanmi chay wasicunächu jutucan. Mana pacay-llapachu willapäcushcă. ²¹¿Imanirtaj tapumanqui? Shimita wiyaj-cunata mă, tapuy. Paycuna imata rimashätapis musyan.»

²²Chaynuy niptin, Tayta Diosninchipa wasinta täpaj runa Jesústa cutariran: «¿Imanirtaj mayur cürapaj shimiquita jugarishcanqui?» nir.

²³Jesúsna niran: «¿Imatataj llutanta rimashcă? Mă, nimay. Llutanta mana rimaycapti, ama magamanquimanchu.» ²⁴Chaypita mayur cüra Caifásmanna watashta Jesústa Anás apachiran.

Pedro yapay Jesústa wasguishan

San Mateo 26.71–75;

San Marcos 14.69–72;

San Lucas 22.58–62

²⁵Jinallaraj Simón Pedro masha-cuycaran. Mashacuycaptin, waquin runa tapuran: «Jesúspa purishijnin canqui, ¿au?» nir. Pedruna chapa-curan: «Mana.» ²⁶Mayllanta mayur cürapa uywayninpis niran: «Chacračhu Jesústawan ishcaniquita ricashcăj.» Tapuj runapa yawar-masinpä rinrinta Pedro rugush caran. ²⁷Chaynuy niptin, yapay Pedro Jesústa wasguiran. Niycap-tillan, gällu cantariycuran.

Mandaj Pilatupa dispächunman Jesústa apashan

San Mateo 27.1–2, 11–14;

San Marcos 15.1–5; San Lucas 23.1–5

²⁸Manaräpis pacha waraptillan, mandaj cüra Caifáspa wasinpita mandaj Pilatupa dispächunman Jesústa aparan. Mandaj Pilatuta Roma marca mandaj čhuran Jerusalem marcačhu mayur auturdä cananpaj. Israel runacunam ichanga dispächunman mana yaycuranchu: «Roma runapa wasinman yaycur, juchata apari-cushun. Tayta Diosninchipis juyu ñawinwan ricamäshun. Pascua fiesta micuyta mana micushunpächu» nir. ²⁹Chaymi dispächunpita llucshirir, mandaj Pilato tapuran: «¿Imačhütaj juchata aparicush dispächüman apamunayquipaj?» nir. ³⁰Runacunana niran: «Jatunpa juchata aparicusha captin, apamushcă. Juchaynaj captinga, mana apamümanchu caran.» ³¹Mandaj Pilatuna niran: «Jucha aparicush caycaptin, quiquiquicuna yarpashayquita ruray.»

Chaura Israel runacuna niran: «Israel runacuna pitapis mana wañuchinmanchu.»

³²Llapanpis camacaran Jesúspa shimin čharcuptin, imanaypapis wañuyman čhayananpaj.

³³Dispächunman cutircur, mandaj Pilato Jesústa tapuran: «¿Rasun-pachu Israel runacunapa mandajnin canqui?» nir.

³⁴Jesúsna niran: «¿Yarpayllay-quipitachu rimaycanqui? ¿Jucchu willashcashunqui?»

³⁵Mandaj Pilatuna niran: «Mana Israel runachu că. Marca-

masiquicunawan cüracunapa mandajnin cuna apamushcashunqui. ¿Imataj juchayqui?»

³⁶Jesúsna niran: «Mana cay pachañhüchu mandaj cayta ashiycä. Mandaj cayta ashipti, mayur Israel runacunapita alli ricamajcuna tucuy-jinanpa washämanman caran. Washämänan-janan maganacuyta jallaycärinman caran. Ichanga mana cay pachañhüchu runacunata maquiñchu purichï.»

³⁷Mandaj Pilatuna tapuran: «¿Chaura rasunpachu mandaj canqui?» nir. Jesúsna niran: «Rasunpa cä. Quiquiqui rimash-canqui. Tayta Diosninchipa shiminta willacunäpaj cay pachañchu yurishcä. Paypa shungun munashanta rurajcuna shimita çhasquicun.»

³⁸Mandaj Pilatuna niran: «¿Piraj Tayta Diosninchipa shungunta musyan?»

Jesústa ruschu wañuchinanpaj aunishan

San Mateo 27.15–31;

San Marcos 15.6–20;

San Lucas 23.13–25

Jesústa tapupärir, mayur Israel runacunatana mandaj Pilato niran: «Cay runapa juchanta mana tarichu. ³⁹Ichanga imaypis Pascua fiestañchu juc runata cacharishäta musyanqui. ¿Jesústa cacharinäta munanquichu? Paypa maquinñhüshi cawanqui.»

⁴⁰Chaura llapan runa japararan: «Mana. Jesústa ama cachariychu. Barrabásta cachariy» nir. Barrabásga asaltanti caran.

19 ¹Chaura mandaj Pilato Jesústa sumaj wascachiran.

²Wascariycur murucucuna cashapita curünata pilltarcur, Jesúspa

umanman jatiparan. Mandajpa punchunta-jina puca punchutapis ushtuparan. ³Asipänan cashpan: «Israel runacunapa mandajnin alli ricash caycullächun» nir, lajyar ushyaran.

⁴Runacunaman llucshircur, yapay mandaj Pilato niran: «Ima juchatapis Jesús mana aparicushachu. Caçhariycushun.» ⁵Jinarcu casha curünan jatishta, puca punchushta Jesústa jurgamuran: «Cay runata mä, ricay» nir. ⁶Jesústa ricar, mayur cüracunawan Tayta Diosninchipa wasinta täpajcuna ullgucururan: «Ruschu wañuchicächun. Ruschu wañuchicächun» nir.

Japarpaptin, mandaj Pilato niran:

«Ricapti, cay runa juchata mana aparicushachu. Wañuchiya

munar, quiquiquicuna imatapis ruracullay.» ⁷Israel runacunana niran: ««Tayta Diosninchipa

Wawan cä» nishanpita wañunman. Moiséspa shiminta çharcunan.»

⁸«Tayta Diosninchipa Wawan cä» nishanpita llapan runa ullguptin, mandaj Pilatupis mancharicäcuran.

⁹Chaymi dispächunman yaycurir,

Jesústa tapuran: «¿Maypitataj caycanqui?» nir. Paymi ichanga upällalla cacuran. ¹⁰Chaura

mandaj Pilato niran: «Tapuycaptij, ¿manachu imatapis rimacunqui?

Caçharinäpäpis, ruschu wañuchishu-nayquipaj auninäpäpis maquiñhümi caycanqui.» ¹¹Jesúsna niran: «Llapan-tapis Tayta Diosninchipa camacächin. Manchäga imata ruramänayquipäpis munayniqui mana canmanchu.

Chaypis wañuyman jitarpamaj runa jatunpa juchata aparicusha.»

¹²Mandaj Pilato imanayllapapis Jesústa caçhariyta munaran. Israel



San Juan 19.17-18

runacunam ichanga chigaypa japar-
paran: «Mandaj-tucur mandamaj-
ninchi Césarta pampaman churasha.
Chaymi Jesústa cacharir, jampis
mandamajninchi Césarta pampaman
churanquipaj» nir. ¹³Chaura
dispächunpita mandaj Pilato Jesústa
jurgamuran. Pusharan Gábbata
läsaman. Mandajpa jamananman
jamachiran. Hebreo rimaychu:
«Gábbata läsa» ninanga: «Läja
rumicunawan pirgasha» ninanmi.

¹⁴Chay junaj Pascua fiestapa
wispiran caran. Lasdüsi caran.
Mandaj Pilatuna Israel runacunata
niran: «Catay mandajniqui.»

¹⁵Runacunana ullgucäcuran:
«Wañuchun. Wañuchun. Ruschu

wañuchicächun» nir. Mandaj
Pilatuna niran: «¿Rasunpachu
mandajniquita wañuchinäta
munarcaycanqui?» Chaura mayur
cüracuna niran: «Mandamajnin-
chiga Césarllam. Juc mana canchu.»
¹⁶Chaura chaynuy niptin, Jesústa
inchigaran ruschu wañuchinanpaj.

Jesústa ruschu wañuchishan

San Mateo 27.32-44;

San Marcos 15.21-32;

San Lucas 23.26-43

¹⁷Chaura rusnin matancashta
«Calabira» nishan pataman Jesústa
aparan. «Calabira» ninanta hebreo
rimaychu: «Gólgota» nin. ¹⁸Pataman
chayaycachir, ruschu wañuchiran.

Ishcaj runatapis ruschu wañuchiran: jucninta juc-caj lădunman, jucnintana juc-caj lădunman, Jesústana cháupichu. ¹⁹Mandaj Pilato ruspa puntanman litiruta éhurachiran: «Cay runa Nazaret marca Jesús, Israel runacunapa mandajnin» nir. ²⁰Marca washlăllanču captin, éhurachishan litiruta achcaj runa ricăcuran. Hebreo rimaychüpis, latín rimaychüpis, griego rimaychüpis isquirbiraycaran. ²¹Israel mayur cüracunam ichanga mandaj Pilatuta niran: «Israel runacunapa mandajnin» nir ama isquirbirăchunchu. Manchăga: «Israel runacunapa mandajnin-tucun» nir isquirbirăchun.» ²²Mandaj Pilatuna niran: «Isquirbishăta mana rucashăchu.»

²³Rusman lâbaycur, murucucuna Jesúspa jacunta éhuscuman račiran. Jucta-caman apacărian. Müdanantam ichanga pampam mana captin, račhiyta mana camăpacuranchu. ²⁴Chaymi ninacuran: «Ama račishunchu. Manchăga surtita jitashun mayganinchisi apacunanchipaj.» Chaynuypa Tayta Diosninchipa shimin éharcucăchiran. Shiminču nin:

«Müdanăta jichunacusha.

Mayganpis müdanăta
apacunanpăpis surtita
jitasha.»*

Nishannuylla murucucuna rasunpa ruraran.

²⁵Ruschu lâbarashan lădullanču Jesúspa mampis ñañantin ricaparcaycaran. Cleofăspa warmin Marăpis, Magdalena marcapita Marăpis ricaparcaycaran. ²⁶Chaymi yăhănacushan purishitawan mamanta ricărir, Jesús niran: «Mamallau mama, paymi wawayqui.» ²⁷Purishijnintana niran:

«Paymi mamayqui.» Chaypita-pacha chay purishijninga Jesúspa mamanta wasinman pushacuran ricananpaj.

Jesús wañushan

San Mateo 27.45–56;

San Marcos 15.33–41;

San Lucas 23.44–49

²⁸Chaypita Jesús yarparan: «Llapantana éharcushcă» nir. Chaymi Tayta Diosninchipa shiminta éharcucăchinanpaj niran: «Yacunaycă.» ²⁹Juc puyñuchu shigui binu wiñaraycaran. Chaymi jirupa puntanman shaputa watarcur binuman ushmarcachir, Jesústa shuguchiran. ³⁰Shugurcur, Jesús niran: «Llapanta éharcushcă.» Chaynuy nir uysucăcur wañucăcuran.

Jesústa tucsishan

³¹Waranin junaj diyawarda captin, Israel runacuna ruschu wañushcuna lâbarănanta mana munaranchu. Chay junajga Pascua fiestapis jallariycaran. Chaymi mandaj Pilatuta niran: «Juclla wañucunanpaj ruschu lâbarajcunapa éhancanta paquirachinquiman. Ruspita jurgachinquiman.» ³²Auniptin, murucucuna Jesúspa lădunču ishcaj lâbaraj runapa éhancancunata paquipariran. ³³Jesústam ichanga wañushtaricar, mana yataparanchu. Éhancantapis mana paquiparanchu. ³⁴Juc murucum ichanga llicllacchun éhaquinpa tucsiriran. Tucsiptin, yawarwan yaculla llucshimuran. ³⁵Chaymi ñawīwan ricashăta willacü. Ricashăta rasunpa rimă Tayta Diosninchiman llapanchi sumaj yupachicunanchipaj. ³⁶Llaпанpis

* 19.24 Salmo 22.18.

camacaran Tayta Diosninchipa shimín charcucänanpaj. Shimínchu nin: «Juc tullullantapis mana paquin-gachu.» * ³⁷Jananmanpis nin: «Tucsi-shantapis runacuna ricanga.» *

Jesústa pampashan

San Mateo 27.57–61;

San Marcos 15.42–47;

San Lucas 23.50–56

³⁸Chaypita Arimatea marca José mandaj Pilatuta mañacuran: «Jesústa pampachicushaj» nir. Josépis Jesús pa purishijnin caran. Ichanga mayur Israel-masincunata manchacushpan mana musyachicuranchu. Mañacuptin, mandaj Pilato auniran. Chaura Jesús pa ayanta pampananpaj José apacuran. ³⁹Nicodemupis quimsa arüba aya chaquichicuna pirjümita apacurcur, aywäshiran. Nicodemuga ñaupata Jesús wan parlay chacaypa aywarunaj. Apashan pirjümi caran mīrapita, áloipita. ⁴⁰Israel runacuna pamparashan-jina Joséwan Nicodemo pirjümita murtäjiman pičhuriycur, ayata pituran. ⁴¹Jesústa ruschu wañuchishan ñaupallanču murupacuna chakra caran. Chayllaču runa pampacunapaj mushuj uchu caran. Pitapis manaraj pamparanrachu. ⁴²Diyawarda junaj jallarinanpaj captin, chay uchcullaman Jesústa pamparan.

Jesús cawarimushanpita willacushan

San Mateo 28.1–10;

San Marcos 16.1–8; San Lucas 24.1–12

20 ¹Dumingu tuta chacachacalla Jesús pamparashanman Magdalena marcapita María

aywaran. Pamparashanman chayar, chaparaj rumi witraycajta tariran. ²Chaymi juclla cutircur Simón Pedrutawan Jesús pa yačhānacushan purishijninta willaran: «Ayata apacusha. Mayman apacushantapis mana musyanchichu.» ³Chaynuy niptin, purishij-masinwan Pedrupis Jesús pamparashanman aywaran. ⁴Ishcan juclla aywarpis, juc-cajga Pedruta llallishpan ñaupata chayaran. ⁵Uhcuman watgaycuptin, pitushan bayita juturaycajllata ricaran. ⁶Jipanta Simón Pedro chayaran. Ruricaman yaycur, paypis pitushan bayita juturaycajllata ricaran. ⁷Jesús pa uman watashanpis juclachu lluylluraycaran. ⁸Pedro uchu rurinman yaucushan-pitaraj ñaupata chayarjispis rurincaman yaycuran. Llapanta ricar, Jesús man yupachicuran. ⁹Chay wichan Jesús pa purishijnincuna Tayta Diosninchipa shiminta mana tantiyacuranrachu. Shimínchu nin: «Wañushcunapita cawarimunan camacan.» Chaymi pitushan bayita juturaycajllata tarir, Jesús cawarishanta tantiyacuran. ¹⁰Chaymi wasiman cuticäriran.

Magdalena marcapita Maríata Jesús ricaripushan

San Marcos 16.9–11

¹¹Maríam ichanga pamparashan puncullanču wagaycaran. Wagaräcur, uhcuman watgaycuran. ¹²Ricäriptin, ishca anjil yuraj müdanash caycaran. Juc-caj anjil aya churarashanpa jawananču jamaraycaran; juc-cajna jaytacunču. Ayam ichanga mana carannachu. ¹³Anjilcunaga Maríata tapuran: «Mamallau

* **19.36** Éxodo 12.46; Números 9.12. * **19.37** Zacarías 12.10.

mama, ¿imanirtaj wagaycanqui?» nir. Tapuptin, niran: «Taytä Jesús mana canchu. Ayanta mayman apacushantapis mana musyächu.» ¹⁴Rimayta ushyarcur ticräiptin, Jesús íchiraycaran. Maríam ichanga Jesústa ricaycashanta mana tantiyacuranchu. ¹⁵Jesúsna tapuran: «Mamallau mama, ¿imanirtaj wagaycanqui? ¿Pitataj ashiycanqui?» nir. Chacra aruj runa cashanta yarpar, María niran: «Tayta, ayata maymanpis apash carga, willaycamay, ari. Shuntacushaj.» ¹⁶Jesúsna niran: «Maríallau María.» Chaura Jesús caycashanta ricsircurna, niran: «Taytallau tayta.» «Taytallau tayta» ninanta hebreo rimaychu: «Rabboní» nin. ¹⁷Jesúsna niran: «Papāniwan tincuj aywanāta ama mičhāmaychu. Paywan manaraj tincurachu. Cananga purishimajñincunata Papāninchivan tincuj aywaycashāta willamuy.* Papāninchiga Tayta Diosninchí. Paypa maquinchu cawanchi.» ¹⁸Chaynuy niptin, Jesúsna purishijnincunata Magdalena María willaj aywariycuran. Tayta Jesústa ricashantapis, imata nishantapis llapanata willaran.

**Purishijnincunata Jesús
ricaripushan**

San Mateo 28.16–20;

San Marcos 16.14–18;

San Lucas 24.36–49

¹⁹Chay junajlla captin, dmingu chacay Jesúsna purishijnincuna

juc wasiman jutucaran. Mayur Israel runacunata manchacur, puncutapis sumaj wíchgaran. Jesúсна ñaupallanchu ricaripuran: «Allilla juyaycullay, ari» nir. ²⁰Nircur maquintawan lliellacchun cháquinta ricachiran. Purishijnincunana Tayta Jesústa ricaycur, jatunpa cushicuran. ²¹Jesúsna yapay niran: «Allilla juyaycäriy. Tayta Diosninchí cačhamashanjina jamcunatapis cačhacushayqui shimita willapācunayquipaj.» ²²Jinarcu llapanman pücarir, niran: «Espíritu Santupa maquinchūna cawarcaycanqui. ²³Jamcunapitana shimita wiyanga. Pipis jucha aparicushanpita wanacuptin, shacyächinqui: «Juchayquita Tayta Diosninchipis mayna jungasha» nir. Mana wanacuptinmi ichanga piñapanqui: «Juchayquita Tayta Diosninchipis yarparaycanraj» nir.»

Jesúsna Tomás tincushan

²⁴Jesús ricaripuptin purishijnin carsi, millish Tomás mana caranchu. ²⁵Chaymi purishijmasincuna willaran: «Tayta Jesús ricaripamasha» nir. Tomásna niran: «Rasunpa cawarishanta yupachicunāpaj maquinman läbus yaycushanta ricanā. Yatashāraj. Maquīwanraj lliellacchun cháquintapis yatanā.»

²⁶Chaypita pusaj junajta wasíchu Jesúsna purishijnincuna yapay jutucaran. Tomásna chaychu caycaran. Puncu sumaj wíchgash caycaptinsi, Jesús yaycuriran. Llapampa cháupínchu ricaripuran:

***20.17** Griego rimaychu: «wauguicuna» nir tincuchiypa riman purishijnincunapaj alli ricanacushanpita.

«Allilla juyaycäriy» nir. ²⁷Tomástana niran: «Tomás, maquita mä, yatay. Mä, ricay. Llicllacchü éhaquinpa tucsimashantapis yatay. Ama llutäpacunquinachu. Manchäga cawarimushäta yupachicunquiman.» ²⁸Chayraj jatunpa cushicur, Tomás niran: «Taytallau, Tayta. Cananga Tayta Diosninchí cashayquita yupachicü. Maquiquichüna caycä.» ²⁹Jesúsna niran: «¿Cawarimushäta ricarrächu yupachicunqui? Mana ricaycämar yupachicujcunam ichanga cushicärinman.»

**Librunta imapaj
isquirbishantapis
tantiyachishan**

³⁰Chaura purishijnincunapa ricay ñawinchu Tayta Diosninchí camacächiyinpa Jesús achcaj jishyaéchucunata allchacächiran. Supaycunatapis jarguran. Cay libruchu mana llapanachu isquirbiraycan. ³¹Manchäga Tayta Diosninchípa Wawan Jesús cashanta sumaj tantiyacunanchipaj isquirbishcä. Washäcuj Jesúsman yupachicuptinchi, maquinchu imaycamanpis cawachimanchi.

**Janchis purishijnincunata
Jesús ricaripushan**

21 ¹Chaypita Tiberíades püsu cantunchu Jesús purishijnincunata ricaripuran. Ricaripushanpita tantiyachishayqui. ²Simón Pedrupis, millish Tomás, Natanaelpis juturaycaran. Natanaelga Galilea quinran Caná marcapita caran. Zebedeupa ishcan wamrancunapis, ishcaj purishijnincunapis caycaran. ³Purishij-masincunata Simón Pedro niran: «Canan chacay

piscädu charij aywä.» Waquinpis niran: «Nuwacunatapis pushamay.» Chaynuy nir bütiman jigarcu llapan aywacäriran. Chay chacayga warayllata piscäduta ashirsi, jucnayllatapis mana chariranchu.

⁴Pacha wararcuptinna, püsu cantunchu Jesús íchiraycaran. Purishijnincunam ichanga mana ricsiranchu. ⁵Jesúsna jayacuran: «Wawacuna, ¿piscäduta charishcanquichu?» nir. Paycuna niran: «Mana.» ⁶Jesúsna niran: «Bütiquipa diricha-caj lädunman ridiquita jitay. Charinquipaj.» Niptin, shiminta wiyacuran. Chay-chica piscäduta chariran. Chutaytapis mana jushnachu. ⁷Jesúsman yačhänacuj purishijna Simón Pedruta niran: «Payga Tayta Jesús.» ⁸Wiyar, jala pačha-niraj mana cananpaj camsanta ushtucurcur, Pedro yacullanpa Jesústa tariparan. Waquillan piscädun jančhash püsu cantunman chayaran. Bütí wampucashanpita püsupa cantuncaman sujta chunca sujtanwan (66) ricralla caran. ⁹Bütipita llucshirir, püsu cantunchu tullpata tariran. Piscädutawan tantata cancaycaran. ¹⁰Jesúsna niran: «Charimushayqui piscäduta juc-ishcayllata apamuy.» ¹¹Chaura Simón Pedro bütiman jigarcu, llapan piscäduta püsu cantunman jančhamuran. Jatusajlla pačhac pichga chunca quimsawan (153) caran. Chay-chica carsi, ridita mana račhiranchu. ¹²Jesúsna niran: «Miculläshun.» Purishijnincuna Jesústa ricarsi, tantiyacuyta mana atiparanchu. Chaypis manchacur mana tapuparanchu. ¹³Jesúsna tantata aptacurcur, llapanta aypuran. Piscädutapis aypuran.



San Juan 21.1-14

¹⁴Wañushanpita cawarircamur, quimsa cutipana Jesús purishijnin-cunata ricaripuran.

**Simón Pedruta Jesús
piñapashan**

¹⁵Micuyta ushyarcu, Juanpa wamran Simón Pedruta Jesús tapuran: «Tayta Simón, ¿waquin purishimajñicunapita maschu llaquipämanqui?» nir. * Pedruna niran: «Au, Tayta. Llaquipäshajta musyanqui.» Jesúsna niran: «Uysha mallwata michishan-jina wawäcunata sumaj ricay.»

¹⁶Yapay Jesús tapuran: «Juanpa wamran Simón, ¿llaquipämanquichu?» nir. Pedruna niran: «Au, Tayta. Llaquipäshajta musyanqui.» Jesúsna niran: «Uyshata ricashan-jina wamräcunata sumaj ricay.»

¹⁷Quimsa cutipana Jesús tapuran: «Juanpa wamran Simón, ¿rasun-

pachu llaquipämanqui?» nir. Chaynuy quimsa cuti tapuptin, Pedro llaquicäcuran. Chaymi niran: «Llapanta musyanqui, Tayta. Llaquipäshajtapis musyanqui.» Jesúsna niran: «Uyshata michishan-jina wamräcunata sumaj ricay.

¹⁸Sumaj tantiyacunquiman. Müsu caycar quiquillayqui müdanayquita ushtucur, quiquillayqui watacurayqui. Munashayquimanpis aywacurayqui. Auquisyar, ricayquita quiquiqui mashtaptiquipis, jucmi watashunquipaj. Mana munaycaptiquipis, jucläman apashunquipaj.»

**Yächänacushan
purishijninpita rimashan**

¹⁹Pedro imanuyta wañuyman échanantapis, Tayta Diosninchita alliman échuranantapis tincuchiylapa Jesús willaparan.

* **21.15** Griego rimayéchu piñapar, papäninpa jutinta jugarij. Chaymi castillänuéchu nin: «Juanpa wamran Simón.»

Tayta Diosninchita mana wasguir
wañuyman chayarsi, Tayta
Diosninchita alliman churaran.
Jinarcu Pedruta niran: «Llupilläpa
jatinquiman.»

²⁰Pedruna Jesús pa yačhänacushan
purishijta ricapaycaran. Paymi
Pascua micuychu Jesús ta jagacu-
shalla tapurunaj: «Tayta, ¿pitaj
wañuyman jitarpushunquipaj?»
nir. ²¹Pedruna Jesús ta tapuran:
«Tayta, yačhänacushayqui
purishijniqui, ¿imamantaj
chayanga?» nir. ²²Jesús na niran:
«Munaptiga, cutimunäcamanpis
cawaycangačhari. Chaypis, ¿imata

jucushunqui? Llupilläpa aywan-
quiman.» ²³Jesús pa shiminta
wiyar, irmänucuna yarparan
Jesús pa yačhänacushan runa
imaypis mana wañunanta.
Jesús mi ichanga nish caran:
«Munaptiga, cutimunäcamanpis
cawaycangačhari. Chaypis, ¿imata
jucushunqui?»

²⁴Jesús pa yačhänacushan runa
cashpä cay libruta isquirbishcă.
Ricashätapis, wiyashätapis willacur
puriycă. Llapantapis rasun-cajta
rimă. ²⁵Jesús pa willapan achca
caycan. Llap-llapanta isquirbiptin,
cay pachaču papilpis pishinmanmi.

Jesúspa caéchancuna imatapis rurashan

Tantiyacunanchipaj:

Bibliachu ishca y libruta tayta Teófilupaj Lucas isquirbiran: cay Hechos librutawan San Lucas libruta. San Lucas libruchu Washäcuj Jesúspita isquirbiran. Hechos librucháuna Jesúspa caéchancuna imatapis rurashancunapita, paypa shiminta willapäcushanpita isquirbiran. Achcaj runa Jesúspa shiminta éhasquicurán. Paycunapa willapanta cay Hechos libruchu isquirbiraycan.

Lucas isquirbiran:

- Jesúspan yupachicucuna juturashanpita, Espíritu Santu charicircushanpita, paycuna willapäcushanpita, irmänu Estebanta wañuchishanpita: **Hechos 1.1–7.60.**
- Caéchancuna Jerusalén marcachu, Israel marcacunaachu, jäpa runacunapa marcacunaachu willapäcushanpita, Israel runacunapis, jäpa runacunapis Jesúspa shiminta éhasquicärishanpita: **Hechos 8.1–12.25.**
- Jäpa runacunapa marcacunaachu waquin irmänucunawan Pablo willapäcushanpita: **Hechos 13.1–28.31.**

Espíritu Santuta caéchamunanpaj Tayta Jesús aunishan

1 ¹Tayta Teófilo, yapay cartacallämuj. Ñaupata cartacamurä Jesús willacushancunata, rurashancunata musyanayquipaj. Llapanta willacamurä. ²⁻³Jesús wañushanpita cawarcamur janaj pachaman Tayta Diosninchi shuntacushancaman éhucu éhunca (40) junajcamanraj achca cuti caéchancunata ricaripurán. Paycunata quiquin acracusha. Espíritu Santu yanapaptin, imata rurananpäpis willaparan. Rasunpa cawarishantapis tucuy-jinanpa musyachicurán. Tayta Diosninchipa maquinchu cawananpäpis sumaj willaparan.

⁴Juc junaj caéchancunallawan juturpaycashanchu Tayta Diosninchi

aunishanta yarpächir, Jesús niran: «Espíritu Santu mana charishushayquicaman cay Jerusalén marcapita ama aywacärinquirächu. ⁵Ñaupata Tayta Diosninchipa maquinchu cawayta munajcunata yacullawan Juan ushyachiran. Ichanga waracunallana Espíritu Santuwan Tayta Diosninchi ushyachishunquipaj shungun munashannuy cawanayquipaj. Mayna llapanta tantiyachishcaj.»

⁶Chaura llapan juturpajcuna tapucuran: «Tayta Jesús, jäpa runacunapa maquinpita, ¿cananchuraj Israel marcantita jishpichimanqui? ¿Imayraj maquiquichu purichimanqui marcanchi yapay munayniyuj cananpaj?» nir.

⁷Jesúsna niran: «Musyanayqui mana camacanchu. Tayta Diosninlanchi musyan imay junaj

camacächinantapis. Munayninchu caycan. ⁸Sumaj wiyacuy. Espíritu Santu maquinchu charäshuptiquim ichanga, munayniyuj ricacunquipaj. Shungun munashanta ruranay-quipaj yanapäshunquipaj. Nuwapita willapäcunquipaj Jerusalén marcachu, Judea quinranchu, Samaria quinranchu, chay-tucuy marcacunachu.»

Janaj pachaman Jesús cuticushan

⁹Parlayta ushyaruptin cačhancuna ricapaycaptillan, Tayta Diosninchí Jesústa shuntacuran. Janaj pachaču pucutay chapacurcuran. Mana ricarannachu. ¹⁰Jesús janaj pachaman aywacushanta ricaraycaptin, achic-achicyaycaj müdanash ishcaj runa ñaupanchu ricariparcur ¹¹niran: «Galilea runacuna, janaj pachaman ama ricaraynachu. Aywacujta ricashay-quinuylla janaj pachapita Jesús cutimungapaj.»

Matíasta acracushan

¹²Chaypita Jesúspa cačhancuna Ulibus puntapita Jerusalén marcaman cuticuran. * Chay puntapita Jerusalén marcaman pullan liwalla caran. Chayllata diyawardachu Israel runacuna purij. ¹³Jerusalén marcaman chayaycärir, pacharashan altusman jigaran. Jigaran: Pedro, Juan, Santiago, Andrés, Felipe, Tomás, Bartolomé, Mateo, Alfeupa wamran Santiago, «Marcanj nanachicuj» nishan Simón, Santiagupa wamran Judas.

¹⁴Chay wasíchu jutucay Tayta Diosninchita mañacunanpaj. Jutucay Jesúspa wauguincunapis, maman Maríapis, waquin warmicunapis.

¹⁵Chay junajcuna irmänucuna pächac ishcaj éhuncawan-ima (120) shuntacaran.

Llapan juturpaycaptin, Pedro niran: ¹⁶«Irmänucuna, Espíritu Santu musyachiptin, mandaj David rimashan charcucaycan. Rimashan charcucänanpaj Judas Iscariote runacunata pusharan Jesústa charinanj. ¹⁷Judasga caran purishimaj-masinchí, willacäshimaj-masinchí. ¹⁸Chaypis Jesústa wañuyman jitarpusha. Jillayta échasquishanwanna juc éhacrata rantisha. Chaychu uray-singaypa tunir, wañucurisha. Pächan pashtaptin, chinchilluncunapis mashtaypa-mashtacaran. ¹⁹Chayta musyar, Jerusalén marca runacuna chay éhacrata jutichaparan: «Yawar pata» nir. Rimayninchu: «Yawar pata» ninanta: «Hakeldamá» nin.

²⁰«Judaspaj rimar, Salmos libruchu isquirbiraycaran:

«Wasinpis ragäyächun. Pipis ama tiyachunchu» nir.*

Juc Salmuchüna nin:

«Aruyninmanpis jucta éhurachun.»**

²¹⁻²²Chaymi paypa aruyninman juctana éhurashuwan. Jesúswan puriyta jallaycushanchipita-pacha purishimajninchicuna caycan. Juan ushyachicushanpita-pacha janaj pachaman Jesús aywacushancaman purishimajninchicuna caychu juturpaycan. Paycunapita jucta acrashun Tayta Jesús cawarishanta willacäshimänanchipaj.»

* **1.12** Runa shimiču: «cacha» nin; castillänuchüna: «apóstol» nin. * **1.20** Salmo 69.25.

** **1.20** Salmo 109.8.



Hechos 2.1–13

²³Chaynuy niptin, ishcajta acaran. Acaran: «Justo» nishan José Barsabástawan Matíasta. ²⁴Ishcanta acrarcur, Tayta Diosninchita mañacuran: «Taytallau Tayta, llapanipa shungüta musyanqui. Maygan acracushayquitapis canan musyayca-chillämay, ari. ²⁵Acracushayqui runana willacäshimanga. Purishimanga. Judasga juchata aparicur, Jesús pa maquinchu puriycarpis, witicurisha. Chaynuypa shungun apashanman aywacusha» nir.

²⁶Mañacuriycur, surtita jitasha. Jitaptin, surti llucshimuran Matías paj. Chaymi Matías wan chunca ishcaywanna (12) Jesús pa cáhancuna caran.

Janaj pachapita Espíritu Santu shamushan

2 ¹Chaura Pentecostés junaj Jesústa wiyacuj irmānucuna juc pachallaču juturpaycaran.*

²Illajpita shucucuy wayra japaraycaj-jina janaj pachapita chayamuran. Llapan wiyaran. ³Ratataycaj nina-jina račhicar-račhicar llapan juturaj-cunaman aypucaran. ⁴Espíritu Santu charicurcuptin, juclä marcacunapa rimaynintana llapanpis rimaran. Espíritu Santu rimachishanmantupulla rimaran.

⁵Chay wichan Tayta Diosninchita manchapacuj Israel runacuna chay-tucuy marcapita sharcamur, Jerusalén marcaču juturpaycaran. ⁶Shucucuy wayra japaraycaj-jina wiyarga, llapan runa shuntacaran. Chayaptin, irmānucuna juclä marcacunapa rimaynincunata rimarcaycaran. Chaura runacuna yarpachacuran: «Imaniraj rimayninchita riman, ¿au?» nir.

⁷Mancharishpan quiquin-pura parlanacäriran: «Cay runacuna, ¿manachu Galilea marcallapita?

⁸Juc marcallapita caycar, ¿imanirtaj

*2.1 Pascua fiestapita pichga chunca (50) junajta Pentecostés fiesta caran.

marcanchi rimashanta riman?
⁹Caychu juturpaycanchi Partia
 marcapita, Media marcapita, Elam
 marcapita, Mesopotamia marcapita,
 Judea marcapita, Capadocia
 marcapita, Ponto marcapita, Asia
 marcapita, ¹⁰Frigia marcapita,
 Panfilia marcapita, Egipto
 marcapita, Cirene marca washlänin
 Libia quinranpita, Roma marcapita.
 Waquinninchina yurishanchipita-
 pacha Israel runa canchi. Waquin-
 ninchim ichanga jäpa runa
 caycar, Israel runaman tigrash-
 canchi. * ¹¹Waquinninchi Arabia
 marca quinranpita, Creta marca
 quinranpita shamushcanchi. Chay-
 tucuy marcachu yurish caycarpis,
 quiquinchipa shiminchichu wiyay-
 canchi munayniyuj Tayta Diosninchi
 imatapis rurashancunata.»

¹²Chaymi tantiyacuyta mana
 camäpacur, quiquin-pura
 tapunacärisha: «¿Imaraj, au?» nir.
¹³Waquin runacunam ichanga ashllir
 niran: «Chaycuna machacäcusha.
 Ima rimashantapis mana
 musyanchu» nir.

Jesúspita Pedro willacushan

¹⁴Chaura Pedro chunca jucwan
 cacha-masincunawan jutur-
 paycashanchu jatarcu, niran:
 «Jerusalén runacuna, Israel-
 masicuna, jäpa runacunapis, sumaj
 wiyacäriy. ¹⁵Llutanta yarpaycanqui.
 Mana machashchu carcaycä. Chayraj
 runacunapis aruj yacusha. Chajcha
 intipis mana chayamunrächu.
 ¿Imanuytataj machash
 carcaycäman? ¹⁶Manchäga unay

willacuj Joel rimashan charcuycan.
¹⁷Tayta Diosninchi rimachiptin,
 Joel niran:

«Tayta Diosninchi nin: «Cay
 pacha mana ushyacap-
 tillan, Espíritu Santuwan
 llapan runata charicur-
 cushaj. Wamrayquicuna
 warmi ullgupis shimita
 willapäcunga. Jipashcuna-
 tapis, müsucunatapis ricapa-
 cachishaj shungü munashäta
 rurananpaj. Auquincunatapis
 suyñuyninchu musyachishaj
 shungü munashanta.

¹⁸Chay wichan Espíritu Santuta
 cachamushaj wiyacamajcu-
 naman. Chaymi paycuna
 warmi ullgupis shimita
 willapäcungapaj.

¹⁹Cay pacha mana ushyacapti-
 llanraj, janaj pachaähüpis
 mana imaypis ricashan-
 cunata ricachishaj. Cay
 pachaähüpis mana ricashan-
 cunata ricanga. Ricangapaj
 yawarta, ninata, jushtayta.

²⁰Inti wañucäcunga. Quilla
 wañucäcur yawarman ticra-
 curinga. Chaypitaraj Tayta
 Diosninchi munashanta
 camacächinga. Chay junaj
 sumaj manchariypaj canga.

²¹Pipis: «Taytallau Tayta,
 washaycallamay» nir
 mañacuptin, llapanta Tayta
 Diosninchi jishpichinga.»»*

²²«Israel marca-masicuna,
 wiyamay. Nazaret marca Jesústa
 quiquin Tayta Diosninchi
 acracusha. Pi cashantapis tantiya-

*2.10 «Jäpa runa Israel runayasha» niptin, tantiyanchi Israel runacuna yarpashanta
 yachacushanta, Tayta Diosninchitapis manchapacushanta.» *2.17–21 Joel 2.28–32.

chimashcanchi. Tayta Diosninchi caçhamushanta tantiyacunanchipaj ricay ñawinchiçu tucuyta Jesús rurasha. Tayta Diosninchi camacächiyninpa runacunata micuchisha. Jishyächucunatapis allchacächisha. Wañushcunatapis cawarachisha. Supaycunatapis jargusha. Wayratapis çhawachisha. ²³Ichanga Tayta Diosninchi camacächiptin, rusçu wañuchinanpaj juyu runacunapa maquinman Jesústa çhurashcanqui. ²⁴Wañuchish caycaptinsi, Tayta Diosninchi cawarachisha. Chacaj pachaçu ushyacänan mana camacaranchu. ²⁵Chaymi unay mandaj Davidpis Jesúspaj yarpar isquirbiran:

«Imay-imaypis ricay ñawíçu
Washämajni dirícha-caj
lädunçu caycan.

Yanagämaptin, imatapis mana
manchacüchu.

²⁶ Manchäga jatunpa cushicü.
Cushicuyllawan Tayta Diosnin-
chita alliman çhurä.

Wañucush carpis, jamllaman
imaypis yupachicushaj.

²⁷ Wañushllata chacaj pachaçu
mana jaguiycamanquipächu.
Acramashayqui mincayniqui
caycapti, ayä ismunantapis
mana camacächinquipächu.

²⁸ Alli cawayta tarichimashcanqui.
Ricay ñawiquiçu juyar, cushi-
cushilla cawashaj.»*

²⁹«Marca-masicuna, sumaj tantiya-
cunquiman. Mandaj David unayna
wañucusha. Pamparaycan. Pampa-
rashantapis canancaman ricsinchi.
³⁰Payga Tayta Diosninchipa willa-

cujnin caran. Willacujnin captin,
quiquin Tayta Diosninchi musya-
chicuran: «Juc willcayqui Israel
marcapa mandajnin cangapaj» nir. *
³¹Mandaj David musyachicuran
Washäcujta wañushllata chacaj
pachaçu mana jaguinanta, pampa-
rashallançu mana ushyacänanta,
ayanpis mana ismunanta.

³²«Musyachicushannuylla
Washäcuj Jesústa Tayta Diosninchi
cawarachimusha. Cawarishtana
llapani ricashcä. ³³Janaj pachaman
shuntacusha. Alliman çhurar,
mandäshinanpaj jamarashanman
jamachisha. Quiquin Jesúspis
Tayta Diosninchi camacächiptin
Espíritu Santupa maquinçu car,
camacächisha nuwacunatapis
Espíritu Santu charimänanpaj.
Aunishan-jina llapanita chari-
carcamashanta musyanquina.
Ñawiquiwan ricarcaycanqui. Rinri-
quiwan wiyarcaycanqui.

³⁴«Sumaj tantiyacuy. Mandaj David
mana janaj pachaman aywashachu.
Chaypis quiquin isquirbiran:

«Tayta Diosninchi

Washäcujnita nisha:

«Mandäshimänayquipaj
lädüchu jamacuy

³⁵cunçharyuyquicunata
pampaman çhuranäcaman.
Nishayqui-nishayqui
munashayquita rurachin-
quipaj.»*

³⁶«Israel-masicuna, sumaj tanti-
yacuy. Rusçu wañuchishayqui
Jesústa cawarcachir, Tayta
Diosninchi çhurasha Washäcujninchi
cananpaj. Payga Taytanchi caycar,
maquinçu purichimanchi.»

³⁷Chaura llapan runa juyupa llaquicur, Pedrutawan waquin caçhacunata tapuran: «Marca-masicuna, cananga, ¿imatataj ruräman?» nir. ³⁸Pedruna llapanta piñapar, niran: «Llapan jucha apari-cuypita wanacäriy. Washäcuj Jesússpa shiminta çhasquicur, ushyacäriy. Chaura Tayta Diosninchichi juchayquita jungaycur mana yarparanganachu. Pay camacächiptin, Espíritu Santupis maquinchu purichishunquipaj. ³⁹Espíritu Santu mana nuwacuna-llatachu maquinchu purichiman. Manchäga Tayta Diosninchichi aunisha llapaniquipis Espíritu Santupa maquinchu purinayquipaj. Payga maquinchu purichishunquipaj jamcunatapis, wamrayquicunatapis, Israel runa captiquisi, jäpa runa captiquisi. Pí-maytapis acracushancunata maquinchu purichinga.»

⁴⁰Tucuy-jinanpa llapan runata Pedro piñaparan: «Waquin runa juchata aparicullar cawaptinpis, ama juchata aparicuychu. Manchäga ñacaypita jishpicäriy» nir.

Irmänucuna juc shungulla cawashan

⁴¹Pedro willapashanta çhasquicucuna quimsa waranga-ima (3,000) caycaran. Chay junajlla ushyacuran. Ushyacur niran: «Ima allish Tayta Diosninchichi Washäcuj Jesúswan jishpichimanchi» nir.

⁴²Paycuna Jesússpa caçhancuna willapashanta wiyacuj. Juc shungulla cawaj. Tantata paquipanacur mallichinacärij. * Tayta Diosninchichi mañacärij.

⁴³Jesússpa caçhancuna Tayta Diosninchichi camacächishanta ruraptin, pipis tantiyayta mana atiparanchu. Chaymi llapan runa Tayta Diosninchichi manchapacuran.

⁴⁴Jesústa wiyacuj irmänucuna juc shungulla cawaj. Imancunatapis raquipänacuj. ⁴⁵Çhacrancunatapis, imancunatapis ranticuycur, pishipacushanman-tupulla tarichij.

⁴⁶Waran-waran Tayta Diosninchichi wasinchu jutucuj. Wasincunaçhüpis shuntacaycur-shuntacaycur cushi-cushilla micupacärij. Juc shungulla cawaj. ⁴⁷Tayta Diosninchichi alliman çhuraj. Chaymi llapan runa alli ñawinpa ricaran. Chaynuypa waranmaylla Jesússpa shiminta çhasquicuran. Sumaj achcayjaran.

Cumllu runata Silaswan Pablo allchacächishan

3 ¹Juc junaj mallway intina Pedruwan Juan Tayta Diosninchichi wasinman aywaycaran Tayta Diosninchichi mañacuj. Chay üra Israel runacuna Tayta Diosninchichi mañacärij. ²Cumllu runapis Tayta Diosninchichi wasinchu «Cuyayllapaj» nishan puncunchu mañapacuycaran. Payga yuriyninpita-pacha cumllu caran. Chaymi waran-waran yawar-masincuna apaj mañapacunanpaj.

³Tayta Diosninchichi wasinman Pedruwan Juan çhayaptin, jillayta mañacuriran. ⁴Mañacuriptin cumllu runata ricapärir, Pedro niran: «¿Ricäramanquimanchu?» ⁵Chay runa: «¿Aycataraj jillayta jumanga?» nishpan ricaraycaran. ⁶Pedruna niran: «Jillayta mana charächu. Ichanga Nazaret

*2.42 Chay wichan tantallawan runacuna cawaj. Chaymi tantapaj rimaptin, Eucaristíapaj, Santa Cenapaj waquin yarpän.



Hechos 3.1–10

marca Washäcuj Jesúsman yupachicü. Paypa maquinchu cawä. Paymi yanapashunqui. Jatariy. Puripacuyna.»⁷Chaynuy nir diricha-caj maquinpita jatarcachiran. Jatarcachiptin, llapan muguncunapis allchacäcuran.

⁸Ichishpan puriranna.

Wancacachar Tayta Diosninchita alliman churar, wasinmanpis yaycuran Pedruwan, Juanwan.

⁹Tayta Diosninchita alliman churar purishanta llapan runacuna

ricaran. ¹⁰Chaypis tantiyacuyta mana atipar, quiquin-pura tapuna-cuycaran: «¿Tagay runa manachu <Cuyayllapaj> nishan puncuchu mañapacuj? ¿Imanuyparaj puriy-canna?» nir.

**Tayta Diosninchipa wasinchu
Pedro willacushan**

¹¹Allchacaj cumllu runa Pedru-tawan Juanta mana cachariranchu. Chaymi runacuna mancharir

ricäcunanpaj juclla shuntacaran
«Salomón» nishan puncuman.

¹²Runacunata ricar, Pedro niran:
«Israel-masicuna, ¿imanirtaj
mancharish ricaparcaycämanqui?
«Alli cayninwanchi, munayniyuj
cayninwanchi allchacächisha» nir
yarpaptiquisi, mana nuwacunachu
allchacächishcä. ¹³⁻¹⁴Manchäga
Jesúsman yupachicuptin, Tayta
Diosninchi allchacächisha. Unaypita-
pacha auquillunchicuna Tayta Diosnin-
chita manchapacuj. Auquillunchi
Abrahampis, Isaacpis, Jacobpis
manchapacuran. Tayta Diosninchi
mandu-rurajnin Jesústa alliman
churasha. Chaypis jamcuna mandaj
Pilato: «Jesústa caçhariycushaj» niptin,
mana munashcanquichu. Manchäga
Tayta Diosninchipa shungun
munashanta ruraptinsi, allillata rurap-
tinsi wasguipashcanqui. Wañuchicuj
runata caçhariycachir Tayta
Diosninchi caçhamushan Washäcujta
wañuchishcanqui. ¹⁵Quiquin
cawachimajninchita wañuchish-
canqui. Wañuchish captiquipis, Tayta
Diosninchi cawarachisha. Cawarachi-
shanta ñawiwan ricashcä. ¹⁶Jesúsman
yupachicur, cay cumllu runapis allcha-
casha. Ricay ñawiquichu ichiraycan.
Cumllu runawan ricsinacunqui.
Jesúsman yupachicur llapan ricapay-
captin, allchacasha.

¹⁷«Israel-masicuna, upa cayni-
quiwan Jesústa wañuchishcanqui.
Mayur runacunapis upa cayninwan
llapanta camacächisha. ¹⁸Chaynuypa
unay willacujnincunawan Tayta
Diosninchi musyachicushan charcu-
casha. Paycuna niran: «Washäcuj
wañungaraj.»

¹⁹«Cananga Tayta Diosninchita
wiyacäriy. Jucha aparicushay-
quipita wanacäriy. Wanacuptiqui,
Tayta Diosninchi juchayquita
jungaycur, mana yarparanganachu.

²⁰Maquinchu cawaptiqui, shunguy-
quitapis shacyächinga. Unaypita-
pacha aunishan-jina Washäcuj
Jesústapis yapay caçhamunga.

²¹Cananga janaj pachallaçhüraj
Washäcuj Jesús caycan Tayta
Diosninchi llapanta camacächishan-
caman. Chaynuy cananpaj unay
acracushan willacujnincunawan
musyachicush caran.

²²«Moisésip auquillunchicunata
willapash caran:

«Jamcunapita nuwata-jina
juc willacujninta Tayta
Diosninchi acracusha.
Paypa shiminta wiyacunqui.

²³Mana wiyacujcunatam
ichanga marcanpita illara-
chinga» nir.*

²⁴«Canan wichanpaj Tayta
Diosninchipa unay willacujnin
Samuel cashanpita-pacha llapan
willacujcuna musyachicuran.

²⁵Nuwanchi-raycur unay willacujnin-
cunawan Tayta Diosninchi shiminta
musyachicuran. Nuwanchi-raycur
auquillunchicunawan parlanacuran.
Auquillunchi Abrahamta niran:

«Willcayquicunapita junta
acracushaj. Payga llapan
runata sumaj yanapanga alli
cawanapaj.»*

²⁶«Chaymi acracushan Jesústa
cawarircachimur, nuwacunamanraj
caçhamusha. Juchaçu cawashan-
chipita wanacunanchipaj sumaj
yanapämashun.»

* 3.22–23 Deuteronomio 18.15–19. * 3.25 Génesis 22.18.

Pedrutawan Juanta charishan

4 ¹Pedruwan Juan runacunata willapaycaptillan, cüracunawan Tayta Diosninchipa wasinta täpajcunapa capitanninpi, saduceucunapis éhayapuran. ²Pedruwan Juan yaéhaycächiran: «Cananga quiquin Jesús cawarishan-jina nuwanchisi cawarishun» nir. Chaypita mayur runacuna ullgush éhayapuran. ³Ullgur, charicarcäiran. Pacha chacanaycaptin, warannin tuta tapunanpaj carsilman wiéghaycuran. ⁴Waquinmi ichanga Tayta Diosninchipa shiminta wiyar, llapan shungunwan éhasquicuran. Ullgullata yupaptin, pichga waranga-yupay (5,000) yapacaran.

⁵⁻⁶Chaura pacha wararcuptin, Jerusalén marcaéchu shuntacaran mayur cüra Anás, mandäshij-masin Caifáswan, Jonatánwan, Alejandruwan. Shuntacaran waquin mayur runacunapis, Moiséspa shiminta yaéhajcunapis. * ⁷Jinarcu Pedrutawan Juanta carsilpita jurgarcachimur, dispächunchu tapupäcuran: «¿Pipa munaynin-wantaj allchacächishcanqui? ¿Pitaj caéhamushcashunqui?» nir.

⁸Chaura Espíritu Santu rimachiptin, Pedro niran: «Tayta cüracuna, Tayta mayur runacuna, sumaj wiyaycallamay, ari. ⁹Canan allita rural, cay cumllu runata allchacächishäpita tapuparcaycämanqui. Imanuy allchacächishätapis musyayta munarcaycanqui, ¿au? ¹⁰Israel-masicuna,

llapaniqui musyanayquipaj willashayqui. Cay cumllu runata Nazaret marca Jesucristu camacächiyinpa allchacächish caran. Jesús ta ruséchu waéuchishcanqui. Tayta Diosninchim ichanga cawarachisha. ¹¹Jesúspaj tincuchiypa isquirbiraycan:

«Wasi rurajcuna:

«Cay rumi mana allichu» nir

wicapashantapis Tayta

Diosninchim simintuta jallarchinanpaj éhurasha» nir. *

¹²«Tayta Diosninchim Jesúsllata washämänanchipaj éhurasha. Cay pachaéchu juc mana canchu jishpichimänanchipaj.»

¹³Chaura Pedruwan Juan liguiyta sumaj mana yaécharpis mana manchacullar willapäcuptin, mayur Israel runacuna äyacash ricacuran. Jesúswan purishantapis tantiyacuriran. ¹⁴Cumllu runapis allchacashana Pedruwan Juanwan ichiraptin, mayur runacuna ima ruraytapis mana camäpacuranchu.

¹⁵Chaura Pedrutawan Juanta dispächunpita wajtaman jargurir, quiquin-puralla parlanacuran:

¹⁶«¿Cay runacunata imanäshuntaj?

Jerusalén marca runacuna musyanna Tayta Diosninchim camacächiyinpa cumllu runata allchacächishanta. Chapaytapis mana camäpacunchichu. ¹⁷Ichanga chay Jesúspita wacéchu-cayéchu mana willacunanpaj sumaj ullgupäshun. Mancharachishun pitapis mana willapänanpaj» nir.

¹⁸Jinarcu wajtapita jayarcachir, Jesús pa caéhancunata äñir sumaj

* 4.5-6 Waquin Bibliacüchu mana «Jonatán» ninchu; manchäga, «Juan» nin.

* 4.11 Salmo 118.22.

ullgüparan. Ullgüparan Jesúspita mana willacunanpaj, mana tantiyachicunanpaj.

¹⁹Ullgüpaptin, Pedruwan Juan niran: «Taytacuna, sumaj wiyacäriy. Tayta Diosninchipa shiminta jungaycur jamcunapa shimillay-quita rurapti, mana allichu canman, ¿au? ²⁰Jesúswan purishcä. Chaymi ricashäta, wiyashäta pi-maytapis willapänä. Mana upällacushäpächu.»

²¹⁻²²Chaynuy niptin juchanta mana tarir, Pedrutawan Juanta mayur runacuna ullgüparillar cáchariycuran. Ullgüpush carsi llapan runa Tayta Diosninchita alliman éhuraptin, mana wascaranchu. Cumllu runa allchacäcushanpita runacuna Tayta Diosninchita alliman éhuraycaran. Allchacaj runa éhuscu éhunca (40) wata-imatana aywaycaran.

Irmänucuna Tayta Diosninchita mañacushan

²³Chaura mayur runacuna cáchariycuptin, Pedruwan Juan irmänucuna juturashanman cuticuran. Éhayarcu, mayur cüracuna, mayur runacuna ullgüpushanta willaparan.

²⁴Willapashanta wiyaycur, juc shungulla Tayta Diosninchita mañacuran:

«Taytallau Tayta, munayniyuj canqui.

Llapanta camaj canqui.

Cay pachatapis, janaj pachatapis, lamar yacutapis, llapan imaycacunatapis camashcanqui.

²⁵Tayta, Espíritu Santu musyachiptin, mandu-rurajniqui Davidpis niran:

«¿Imanirraj may-chaychépis runacuna ullgucäcun?

¿Imanirraj ticrapunanpaj parlanacun?

²⁶Llapan jatun mandajcuna parlanacushana.

Auturdäcunapis jutucushana.

Llap-llapanmi Tayta Diosninchitapis, acracushan

Washäcujtapis ticrapuyta yarpaycan.»*

²⁷«Cananga mandaj David musyachicushan änir éharcucaycan. Acracushayqui Jesústa Washäcuj cananpaj éhuraptiquisi, mandaj Herodes, mandaj Poncio Pilato, llapan jäpa runacuna, Israel runacuna chiquipacurcusha. ²⁸Chaynuypa paycuna unaypita-pacha camacächishay-quita éharcucächisha. ²⁹Tayta, cananga ricay ñawiquichu llapan mayur runacuna manchaycächiman. Chiquimaptinsi, mana manchacullar shimiquita willapäcunäpaj yanapaycallämay, ari. ³⁰Munayniyuj cashayqui musyacänanpaj yanapaycallämay. Yanapaycallämay acracushayqui Jesúspa camacächiyinpa imatapis ruranäpaj, jishyachucunatapis allchacächinäpaj, supaycunatapis jargunäpaj.»

³¹Tayta Diosninchita mañacuyta ushyarcuptin, juturashan wasi sicsic-yasharaj. Chaura llapaninta Espíritu Santu maquinchu charaptin, mana manchacullar Tayta Diosninchipa shiminta willacuran.

Irmänucuna yanapänacushan

³²Chaymi chay-chicaj irmänucuna carpis, juc yarpaylla cawaj.

* 4.25-26 Salmo 2.1-2.

Imallata charashantapis llapanin raquipänacärj. Juc shungulla cawaj. ³³Espíritu Santu yanapaptin, Jesús pa cañhancuna sumaj musyachicuy-caran Taytanchi Jesús cawarimushanta. Llapan irmänucunatapis llaquipashpan Tayta Diosninchichi sumaj yanaparan.

³⁴Mayganinpis pishipacuychu mana cawananj chacrancunata, wasincunata ranti-cuycur, ³⁵Jesús pa cañhancunapa maquinman churaran. Paycunana pishipacushanman-tupulla aypuran. ³⁶⁻³⁷Chipre marca Josépis chacranta ranticuran. Payga Leví pa yawar-masin caran. Chacrampa chaninta llapanta Jesús pa cañhancunapa maquinman churaran. Paycuna Joséta jutichaparan: «Shacyächicuj» nir. «Shacyächicuj» ninanta: «Bernabé» nin.

Safirawan Ananías llullacushan

5 ¹Warmin Safirawan Ananías pis chacranta ranticuycur, llutanta ruraran. ²Sumaj parlanacurir, chacrampa chaninta puchuchicuran. Waquillanta Jesús pa cañhancunapa maquinman churaran. ³Chaura waquillanta chayachishanta musyar, Pedro tapuran: «Ananías, ¿imanirtaj Supay maquichacushunayquita aunishcanqui? ¿Imanirtaj Espiritu Santuta llullapaycanqui? ¿Imanirtaj: «Chacräpa chaninta llapanta apamushcä» nir waquinta puchuchicushcanqui? ⁴Chacrayqui quiquiquipa casha. Chacrayquipa chaninpis quiquiquipa casha. Quiqui-

quipa caycaptin, ama llullacunqui-manchu caran. Mana nuwatachu llullapämashcanqui. Manchäga quiquin Tayta Diosninchita llullapashcanqui» nir.

⁵⁻⁶Nishanta wiyar, Ananías wañucäcusha. Müsucuna yaycurcur, ayanta pituran. Jinarcu pampaycäri. Ananías wañucäcushanta mayar, llapan runa juyupa manchapacuran.

⁷Chaypita ishca-qui-ma ürata Ananías pa warmin Safirapis chayaran. Payga runa wañushanta mana musyarachu. ⁸Chayaptin, Pedro tapurir: «¿Rasunpachu majayqui willamashanuylla chacray-quita ranticushcanqui?» nir. Chaura Safira niran: «Au, chaylla chümi ranticushcä.» ⁹Pedruna niran: «¿Imanirtaj majayquiwan parlanacushcanqui Espiritu Santuta llullapänayquipaj? Majayquita pampaj müsucuna yaycaycämunna. Jamtana pampaj apacushunquipaj.»

¹⁰Niycaptillan, Pedrupa ricay ñawinchu Safira wañucäcuran. Müsucuna chayar, wañushta tariran. Wañushta tarir, apacuran majanwan jaganacushllata pampaycäri. ¹¹Ananíaswan Safira wañushanta mayar, jutucay irmänucunapis, mana irmänucunapis sumaj mancharicäcuran.*

Jishya chucunata Pedro allchacächishan

¹²Jesús pa cañhancuna Tayta Diosninchichi camacächiptin, runacunata sumaj yanaparan.

*5.11 «Irmänucuna» niptin, griego rimaychu: «ekklesia» nin; castellänuchüna: «iglesia» nin. Ichanga mana wasipächu riman; manchäga Tayta Diosninchipa shiminta wiyacur juturajcunapaj.»

Ricashanta tantiyayta mana atiparsi, runacuna sumaj cushicäriran: «Tayta Diosnillanchi chay-niraj jishyaächucunata allchacächin» nir. Irmänucunapis Tayta Diosninchipa wasinman yaycur, Salomónpa puncunchu jutucaj. ¹³Waquin runacuna irmänucunata alli ñawinpa ricarsi, tallupayta manchacuran. ¹⁴Chaynuy captinsi, warmi ullgupis waran-waran Tayta Diosninchipa shiminta chasquicurán. Payman yupachicuran. Chasquicujcuna achcajmi yapacaran. ¹⁵⁻¹⁶Jerusalén marcachu Pedro puriptin, mashtacuntinta, jirgantinta jishyaächucunata wajtaman jurguran: «Pedrupa llantuyllanwansi allchacangam» nir. Chimpan marcacunapitasi chay-chicaj shuntacaran. Apamuran jishyaächucunata, supay pucllacushan runacunata. Jesús pa cañhancuna llapallanta allchacächiran.

Jesús pa cañhancunata charishan

¹⁷Chaura mayur cürawan achcaj saduceucunapis juyupa ullgucaycäriran.

¹⁸Chaymi Jesús pa cañhancunata charicurcur, carsilman wiñhgachiran.

¹⁹Wiñhgaraycächiptin, Tayta Diosninchipa cañhamushan anjil chacaypa çhayar, carsil puncuta quiçhariran. Jesús pa cañhancunata jurgurir, niran: ²⁰«Tayta Diosninchipa wasinman ayway. Llapan runata sumaj willapay Tayta Diosninchipa maquinchu cawananjaj.»

²¹Warannin tuta anjil nishannuylla Jesús pa cañhancuna Tayta Diosninchipa wasinman yaycurir, llapan runata willapaycaran.

Chaycaman yanapajnincunawan mayur cürä jayachiran llapan mayur Israel runacunata sisuyunta rurapacunanjaj. Jinarcu: «Jesús pa

cañhancunata apamuy» nir carsilman cañharan. ²²Carsilman çhayarmi ichanga, Jesús pa cañhancunata mana tariranchu. Chaymi cutircur, willaran: ²³«Taytacuna, carsil puncuta sumaj wiñhgaraycajtä tarishcä. Puncuchüpis täparcaycashä. Puncuta quiçharirmi ichanga, ruriçhu pitapis mana tarishcächu» nir.

²⁴Chaura Tayta Diosninchipa wasinta täpaj murucucunapa capitanninwan mayur cüracuna: «¿Imaraj canga, au?» nir mancharicäcuran.

²⁵Upatash caycaptin, juc runa çhayaran: «Carsilman wiñhgachishayqui runacuna Tayta Diosninchipa wasinchu carcaycan. Runacunata willapaycan» nir. ²⁶Chaynuy niptin, Tayta Diosninchipa wasinta täpajcunapa mandajnin murucuncunata pushacurcur, Tayta Diosninchipa wasinman aywaran Jesús pa cañhancuna ashij. Tarirga, mana yatapällar aparán: «Runacuna sajmaramäshun-ima» nir.

²⁷Llapan mayur Israel runacuna juturpashanman çhayachiptin, mayur cürä niran: ²⁸«Rinriquiçu willaraj chay Jesús pa shiminta mana willapacunayquipaj. Rinriquiçu willaycapti, çimanirtaj mana wiyacamashcanquichu? Cananga Jerusalén marcachu llapan runata tantiyachishcanqui. Jinarcupis jítapaycämanqui: «Paycuna Jesústa wañuchisha» nir.»

²⁹Chaura cañha-masincunawan Pedro niran: «Jamcuna mana munaptiquisi, Tayta Diosninchita wiyacunä. Runapa shiminta mana wiyacümanchu. ³⁰Jamcuna rusçu wañuycachiptiquisi, unay auquillunchicuna manchapacushan Tayta Diosninchipa Jesústa

cawarachimusha. ³¹Jinarcur diricha-caj lädunman éhurasha mandäshinanpaj. Jesústa éhurasha maquinchu cawachimänanchipaj, washämänanchipaj. Chaymi Israel runacuna wanacuptin, jucha aparicushantapis jungaycur mana yarpa-ranganachu. ³²Rimashäta musyá. Espíritu Santupis musyan. Paypa maquinchümi llapan wiyacujcunata Tayta Diosninchí purichin.»

³³Chaynuy niptin, sisyun ruraj mayur Israel runacuna juyupa ullgucaycärran. Jesúspa cáchancunata wañurachiyta munaran. ³⁴Mandaj-masin Gamalielmi ichanga wañuchinanta mičharan. Payta fariseu runa captin, yačhaj captin, llapan Israel runacuna alli ricaran. Paymi Jesúspa cáchancunata wajtaman jurgurachiran.

³⁵Jurguriptin, llapan mayur Israel runa-masincunatana niran: «Taytacuna, cay runacunata imatapis ruranayquipaj sumajraj yarpačhacunquiman. ³⁶Teudaspa willapanta musyanqui, ¿au? Payga: «Mandaj cá» nirshi auturdäcunata ticrapuran. Maquinchüpis éhuscu pačhac (400) runatash purichiran. Chay Teudasta wañuycachiptinshi ichanga, mashtaypa-mashtar jatirajncunaywacärran. Llapallan illaricäcuran. ³⁷Jipatapis llapan runata yupachishan wichanshi Galilea marcapita Judas auturdäcunata ticrapuran. Payta achcaj runash jatirpararan. Judasta wañuycachiptinshi ichanga, llapan mashtaypa-mashtar aywacärran. Llapallan illaricäcuran. ³⁸Taytacuna, sumaj wiyaycallamay. Cay runacunata imatapis ama rurashunchu. Imata ruracuptinpis, ama mičhähunchu. Umallanpita jurgurcur willapäcuptin, jungacaypa

aywangapaj. ³⁹Tayta Diosninchipa shiminta willacuptinmi ichanga, imanuyta jungacächiyta munarpis, mana camäpacushunpächu. Chaymi sumaj yarpačhacushun. Tayta Diosninchita ima chapatapis rurarusuwän.»

Gamaliel piñacuptin, llapan mayur Israel runa-masincuna wiyacuran. ⁴⁰Chaypita Jesúspa cáchancunata yapay ruriman jayachiran. Jinarcur sumaj wascarillar, cáchariycuran: «Cananpita shimiquita amucuy. Jesúspita ama willacunquinachu» nir.

⁴¹Jesús-janan wascaptinsi, pampaman éhuraptinsi, cushicuran. Sisyunpita mayur Israel runacuna ricapaycaptin, cushishallana llucshicuran. ⁴²Miçhaycaptinsi, Jesúspa cáchancuna Tayta Diosninchipa wasinchüpis, wasicunačhüpis waran-waran willapäcuran: «Jesús-ga Washäcujninchí. Payta Tayta Diosninchí cáchamusha jishpichimänanchipaj» nir.

Jánchezis yanapäcujta acracushan

6 ¹Chay wichan Tayta Diosninchipa shiminta éhasquicujcuna sumaj achcayaran. Ichanga hebreo rimaj irmänucunawan griego rimaj irmänucuna micuy-janallan ticshaparänacuran. Hebreo rimaj irmänucunata jamurparan: «Waran-waran griego biyüdacuna ichic-ichicllata micuyta éhasquiyca» nir.

²Chaymi Jesúspa éhunca ishcaýwan cáchancuna llapan irmänucunata jayarcachir, niran: «Jamcunapa pačhayquita, janayquita ricallar cawanä mana camacanchu. Tayta Diosninchipa shiminta willacunäpaj mana atipashänachu. ³Irmänucuna, chaymi jančhis runata acray. Alli ricashcunata, Espíritu Santupa

maquinchu cawajcunata, yarpay-sapacunata acray. ⁴Nuwacuna Jesúsapa shiminta willapăcullar, Tayta Diosnin-chita mañacullar cawashaj.»

⁵Chaynuy niptin, llapan auniran. Chaymi jančhista acrarán. Acraran Estebanta. Payga llapan shungunwan Tayta Diosnin-chita wiyacuj. Espíritu Santupa maquinchu cawaj. Chaynuypis acrarán Felipita, Prócoruta, Nicanorta, Timóna, Pármenasta, Nicolásta. Payga Antioquía runa caycarpis, Israel runaman ticrarán. ⁶Jančhis runacunata acrarcur, Jesúsapa cačhancunaman pusharan. Jesúsapa cačhancunana maquina umanman čhuraycur paycunapaj mañacuran: «Taytallau Tayta, cay runacuna aruyninta čharcunanpaj yanapay-cullay, ari» nir.*

⁷Chaura Tayta Diosninchipa shiminta willacuptin, Jerusalén marcachu Tayta Diosninchipa shiminta čhasquicujcuna achcayaycaran. Tayta Jesúsman yupachicuran. Israel cūracunapis achcaymi payman yupachicuran.

Estebanpa willapan

⁸Estebanta Tayta Diosninchi llaquipar, alli ricaran. Sumaj yanaparan. Maquinchu purichir, Tayta Diosninchi runantapis musyachicuran. Llapampa ricay ñawinchu munashantapis camacăchiran. ⁹Chaypis waquin runacuna Estebanta ticrapuran. Ticrapuran Cirene runacuna, Alejandría runacuna, Cilicia runacuna, Asia runacuna. Paycuna Israel runa caran. Jutucaj

«Cačharishcuna shuntacăna wasi» nishanču. ¹⁰Espíritu Santu yanapaptin, Esteban yarpay-sapa caran. Chaymi tincupajcuna imata rimarpis, Estebanta mana ichipuranchu. ¹¹Chaymi jillayta juycur, llullacujcunawan tumpachiran: «Esteban Tayta Diosnin-chitapis, Moiséstapis pampaman čhuraycan» nir.

¹²Chaynuy niptin, llapan runa ullgucaycăriran. Ullgucaycăriran mayur runacunapis, Moisésapa shiminta yačhăjcunapis. Ullgur, mayur Israel runacunapa sisynninman Estebanta aparán. ¹³Tumpajcunatapis pusharan. Tumpacujcuna niran: «Cay runa Tayta Diosninchipa wasintapis, Moisésapa shimintapis pampaman čhuraycan. ¹⁴Tayta Diosninchipa wasintapis Nazaret marca Jesússhi juchurachinga. Moisésapa shimintapis jungaycachingash. Llapantapis quiquinpa shiminpita musyanchi.»

¹⁵Chaura llapan mayur Israel runacuna ricăpăriptin, anjilpa jajllan achic-achicyashan-jinaraj Estebanpa jajllan achic-achicyaycaran.

Esteban chapacushan

7 ¹Chaura mayur cūra Estebanta tapuran: «¿Rasunpachu juchayqui?» nir. ²Estebanna niran: «Israel-masicuna, taytacuna, tanti-yacunquiman. Musyashanchinuy-pis auquillunchi Abraham Mesopotamia quinranču tiyaycaptillan Jarán marcaman manaraj aywaptillanshi, munayniyuj Tayta Diosninchi ricaripuran. ³Ricaripaycurshi, niran: «Marcayquita, yawar-

*6.6 Chay wichan cargunman čhurar runapa umanman maquina čhuraycur, Tayta Diosnin-chita mañacuran. Runacuna yarpaj: «Tayta Diosninchipa maquinchu cawaj runacuna yatamaptin, quiquin Tayta Diosninchi yanapămanga» nir.

masiquicunata jaguiycur, ricachinaj éhacraman aywacuy.* ⁴Chayshi Caldea quinranpita Jarán marcaman Abraham aywacuran. Chay marcachu tiyaycaptinshi, papänin wañucuran. Chaypita cay marcammannash Tayta Diosninchí Abrahamta pushamuran. Chay marcachüna cawanchi.

⁵⁻⁶Cayman éhayachimurpis, quiquinpaj éhacrata manash ricachiranchu. Mana ricachirpis Abrahampa wamran mana captillan, willcancunata éhacrata junanpaj Tayta Diosninchí auniran. Willcancunapis jäpa marcachu éhuscu paçhac wata (400) jurpay-tucullar juyänanpaj musyachiran: «Willcayquicunata jäpa runacuna sumaj ñacachinga. Maquillanchu purichinga» nir.

⁷Jananmanpis Tayta Diosninchí niran: «Ñacachicuj runacunata marcantinta sumaj ñacachishaj. Chay marcapita shacamurmi ichanga, willcayquicuna taytachacamar alliman éhuramanga.»* ⁸Nircur parlanacushan mana jungacänanpaj Abrahamta jirucachiran.* Chayshi Abrahampis ullgu wamran Isaacta churiyäcur, pusaj junajyujllata jiruran. Isaacpis ullgu wamran Jacobta jiruran. Jacobpis ullgu wamrancunata jiruran. Jacobpa éhunca ishçaywan (12) ullgu wamrancuna cashanman-tupu Israel runacunapis éhunca ishçaywan marca. Auquillunchicuna Jacobpa éhunca ishçaywan wamrancunapita miraran.

⁹«Auquillunchi Jacobpa wamrancunana chiquicuywan

Egipto marcaman shullcan Joséta ranticaycärran. Juclä marcaman ranticuptinsi, Tayta Diosninchí Joséta mana caçhariranchu. ¹⁰Egipto marcachu sumaj ñacachiptinsi, washaran. Yaçhaj-sapa cananpaj yanaparan. Yarpay-sapa captinshi, Egipto marca mandaj Faraón Joséta alli ricaran. Chayshi Egipto marcacunatapis, wasi ruraynincunatapis Josépa maquinman éhuraran.

¹¹«Chay wichanshi Egipto marcachüpis, Canaán marcachüpis muçhuy captin, juyupa ñacaran. Auquillunchicunapis paçhanpaj pishiptin, juyupa yargaran. ¹²Chaura Egipto marcachu micuy juturashanta mayar, micuy rantij wamrancunata Jacob caçharan. Chayräshi auquillunchicuna Egipto marcaman aywaran. ¹³Auquillunchicuna yapay micuy rantij cutiptinshi ichanga, José ricsichicuranna: «Wauguiquim caycä» nir. Chaynuypash mandaj Faraónpis Josépa yawar-masincunata ricsicurán. ¹⁴Chaypita Egipto marcaman papänin Jacobta, llapan yawar-masincunata José jayachiran. Chayshi jançhis éhunca pichgajwan (75) Israel-masinchicuna Egipto marcaman aywaran.

¹⁵Chaynuypash Jacob Egipto marcachu tiyacuran. Jinallancho Jacobpis, auquillunchicunapis wañucuran.

¹⁶Tulluncunatash ichanga Siquem marcaman apaycur-apaycur pamparan. Siquem éhacrata Hamorpa wamrancunapitash auquillunchi Abraham jillaywan rantish caran llapan yawar-masincuna pampacunanpaj.

¹⁷«Abrahampa willcancunata jishpichimunapaj Tayta Diosninchí

*7.3 Génesis 12.1. *7.5-7 Génesis 17.8; 15.13-14; Éxodo 3.12. *7.8 Israel runacuna ullgu yurijta jiruj: «Tayta Diosninchí llaquipar, wamrachacushunqui» nir. Wamran sinçhiyaptinga, Tayta Diosninchipa shiminta yaçhachij sumaj wiyacunanpaj.

aunishan wallcana pishiptin, Egipto marcachu yawar-masinchicuna sumaj achcayaran. ¹⁸Chay wichanshi Egipto marca juc runapa maquinchu caycaran. Payga José pi cashantapis mana musyaranchu. ¹⁹Chayshi auquillunchicunata llullaparcu-llullaparcu aruchiran. Ñacachiran. Ullgu wamrancunatapis yurircuptillan, wicapachiran. ²⁰Moisés pis chay wichanshi yuriran. Payta sumaj camarajlla captin, mamentayan pacayllapa uywacuran quimsa quillacaman. ²¹Chaypita jaguycushallanta mandaj Faraónpa jipashnin tarir, wamrachacurcuran. ²²Chaynuypash Moisés Egipto runacunapa yarpashanta yachacuran. Yarpay-sapayar, imatapis alli ruraran. Alli rimaran.

²³«Moisés chuscu chunca (40) watata aywaycarnash, Israel-masincunawan tincuyta munaran. ²⁴Watucuj chayaptin, juc Egipto runa Moiséspa marca-masin Israel runata magaycaran. Payta washashanchüshi Egipto runata Moisés wañuycachiran. ²⁵Marca-masinta washar, Moisés yarparan: «Israel-masincuna ñacaypita jishpichinapaj Tayta Diosninchi caçhamashanta tantiyacungaçi» nirshi. Chaynuy yarpaptinsi, Israel-masincuna mana tantiyacuranchu. ²⁶Chaypita Egipto runata wañuchishan warannin Israel-masincuna quiquin-purana maganacurcaycaran. Paycunata raquirshi, Moisés piñacuran: «¿Imanirtaj maganacurcaycanqui Israel-masilla caycar?» nir. ²⁷Chaura magacuj runa Moisésa tangariycuran: «Raquimānayquipaj, ¿pitaj canqui? Mana maquiquichüchu


juyaycä. ²⁸¿Nuwatapis wañuchimaytachu munaycanqui? Egipto runataçi janyan wañuchirayqui» nir. ²⁹Chaynuy niptinshi, Madián marcaman Moisés jishpicuran. Chay marcachu jurpaytucullar juyaycashanchüshi ishcayllu wamranta churiyäcuran.

³⁰«Chuscu chunca (40) watapitanash chunyaj Sinaí punta quinranchu Moisésa Tayta Diosninchi ricaripuran ratataycar shira-shiraçu. * ³¹Ricaripuptin, manchapayllapa Moisés aywapuran. Yaycapuycaptinshi, Tayta Diosninchi nimuran: ³²«Unay auquilluyqui Abrahampa, Isaacpa, Jacobpa Tayta Diosnin caycä. Paycuna manchapacamaranmi.» Chayta wiyarshi, Moisés manchariwan sicsicyaran. Ricariytipis manchacuran. ³³Tayta Diosninchina niran: «Íchirashayqui pacha nuwamam. Llanguiquita llushtiy. ³⁴Egipto runacuna Israel wawäcunata ñacachishanta ricashcä. Llaquicuywan mañacamashantapis wiyashcä. Chaymi jishpichinapaj yarpamushcä. Canan sumaj wiyacamay. Egipto marcaman caçhashayqui.»*

³⁵«Yawar-masincuna Moisésa: «Mana maquiquichüchu juyä» nir wasguipash caycaptinsi, shira-shiraçu ricaripaycur Tayta Diosninchi caçharan Israel-masincunata maquinchu purichinanpaj, jishpichinanpaj. ³⁶Unayllatana Moisés Israel runacunata Egipto marcapita rasunpa jishpichisha. Chuscu chunca (40) watantin Tayta Diosninchi camacächiyinpa sumaj yanapasha Egipto marcachüpis,

* **7.30** Israel runacuna Tayta Diosninchita sumaj manchapacuj. Jutintapis mana rimajchu. Chaymi Tayta Diosninchi ricaripuptin: «Anjil ricaripamasha» nij. Ricay Éxodo 3.1–21. Chaychu nin: «Tayta Diosninchipa anjilnin» quiquin Tayta Diosninchipaj rimar.

* **7.30–34** Éxodo 3.1–6.



Hechos 7.44–45

Puca yacu püsućhüpis, chunyaj pachaćhüpis. ³⁷Israel-masincunatana Moisés niran: «Jamcunapita nuwata-jina juc willacujninta Tayta Diosninchi jatarachinga.» ³⁸Chunyaj pachaćhüshi Israel-masinchicunawan Moisés juturpaycaran. Sinaí puntaćhu Tayta Diosninchi llapan yarpashanta Moiséssta willaparan. ^{*} Moisésna auquillunchicunata willaparan. Paypa shiminta pipis wiyacur, alli cawayta tarinan caran.

³⁹«Auquillunchicunash ichanga wiyaytapis mana munaranchu. Wasguiparirshi, Egipto marcaman cuticuyta munaran. ⁴⁰Chayshi Aarónta niran: «Egipto marcapita jurgamajninchi Moisés, ¿mayparaj aywacusha? Illari-cusha. Juctana manchapacushun pusharämānanchipaj. Yaya jircaman ricchacujta rurapāmay.» ⁴¹Chaynuy niptin, manta tūrituman ricchacujta rurapuran. Rurashan manta tūritutapis manchapacur, uywacunata jararan. Rurashan ushya-

payninta tūnapācuran. ⁴²Chayshi Israel runacunapita Tayta Diosninchi witicuriran. Camacāchiran intillaman, quillallaman, istrillacu-nallaman manchapacunanpaj. Jipata willacujnincunawan piñacachir, musyachicuran: «Israel runacuna, ćhuscus ćhunca (40) wata chunyaj pachaćhu puriycarpis, uywacuna-tapis, cuyachicuyniquitapis mana jaramashcanquichu. ⁴³Manchāga yaya jirca Molocsta manchapacur, capillantinta yaya Molocman ricchacujta matancashcanqui. Yaya jirca Refāntapis manchapacur, istrillaman ricchacujta jipirpashcanqui. Manchapacunayqui-cashan yaya jircaman ricchacujcunata rurash-canqui. Chaypitam Babilonia marca wajta quinranman jargushayqui» nir. ^{*}

⁴⁴«Chunyaj pachaćhüpis unay auquillunchicuna purichina jiru ćhaqui capillata purichiran Tayta Diosninchiwan ricanacunanpaj. Capillata Moisés ruraran

^{*}7.37 Deuteronomio 18.15. ^{*}7.38 Castellānućhu: «angel» niptinpis, quiquin Tayta Diosninchi ricaripushanta tantiyanchi. Chaynuy cashanta tantiyanchi Hechos 7.30-ćhüpis.

^{*}7.40 Éxodo 32.1, 23. ^{*}7.42–43 Amós 5.25–27.

Tayta Diosninchichi tantiyachishan-nuylla. * ⁴⁵ Josuépis auquillunchi-cunapa capillanta matancash éhayachiran Tayta Diosninchichi acrashan éhacraman. Acrashan éhacraman yaycuptinshi, llapan jäpa runacunatapis Tayta Diosninchichi jarguran. Marca-masinchicunapis mandaj Davidpa maquinéchu cawashan wichan-camanshi purichina jiru échaqui capillata chararäcuran. ⁴⁶ Mandaj Davidwan Tayta Diosninchichi sumaj yačhänacuran. Chayshi David tapuran: «Taytallau Tayta, ¿Jacobpa willcancuna jarashunay-quipaj wasiquita rurämachu?» nir. ⁴⁷ Munaptinsi, mandaj Davidpa wamran Salomónräshi Tayta Diosninchipa wasinta rurachiran. ⁴⁸ Llapanta Camaj Tayta Diosninchim ichanga mana runa rurashan wasicunačhüchu tiyan. Chayshi juc willacujta musyachir, Tayta Diosninchichi unayna niran:

⁴⁹ «Janaj pacha jamanä.

Cay pacha échaquita
éhurarächinalläpaj.

Chaynuy caycaptin, ¿wasita
rurapämanquimanthuraj?

¿Tiyänäpaj
camacächinquimanthuraj?

⁵⁰ Mana. Quiquí llapantapis
camashcă.*

⁵¹ «Tayta cüracuna, jamcuna auquilluyqui-jina rumi shungu canqui. Upa canqui. Tayta Diosninchipa wawan caycarpis, mana wiyacunquichu. Juchallaču arunqui. Wiyacunayquipaj Espíritu Santu shacyächishuptiquipis, wasgui-

panqui. ⁵² Auquilluyquicunapis: «Tayta Diosninchipa shungun munashallanta ruraj runa shamunga» nir willacuptin, llapan willacujcunata wañuchiran. Tayta Diosninchichi acracushan runa, änir ricarimuptin, ticrapur wañuycachishcanqui. ⁵³ Unaypis cácha-anjilnincuna Tayta Diosninchipa shiminta willapäcuran. Chay willapata musyarpis, wasguipashcanqui.»

Estebanta wañuchishan

⁵⁴ Chaura Estebanpa shiminta wiyar, mayur Israel runacuna chigaypa ullgur, sijéhicurcuranraj. ⁵⁵ Estebannam ichanga Espíritu Santu maquinéchu charaptin, janaj pachaman ricärishanéchu Tayta Diosninchichi achic-achicyaycämujta, Jesúspis diríchan lädunéchu íchiraycämujta ricaran. ⁵⁶ Ricar, wiyacächipaypa niran: «Mä ricay. Janaj pachapa puncun quícharaycämun. Cačhamushan Jesústapis, Tayta Diosninchita-ima ricaycă.»

⁵⁷ Niptin, wiyayta mana munar, rinrintapis chapacarcäiran. Japarir, Estebanta llapan ačhcucarcäiran. ⁵⁸ Marca wajtanman jurgurir, sajmar ushyan. Tumpar ñauquijcunapis Estebanta sajmananpaj punchunta paytacuran müsü Sauluman.

⁵⁹ Sajmaycaptin, Esteban mañacuran: «Tayta Jesús, shuntacallämay, ari» nir.

⁶⁰ Jungurpacuycur japariypa niran: «Tayta, cay runacunapa juchanta ama yarparaychu.» Nircur, wañucäcuran.

*7.44 Israel runacunata yanagar, purichina jiru échaqui capillaču Tayta Diosninchichi purij.

*7.49–50 Isaías 66.1–2.

8 ¹Estebanta wañuycachiptin, Saulupis aunir cushicurán. Chay junaj Jerusalén marcachu jutucay irmānucunata runacuna chiquicarcāiran. Tucuy-jinanpa jaticāchar ushyaran. Irmānucunana mashtaypa-mashtar jishpicāiran Judea quinranpa, Samaria quinranpa. Jesús pa cañhancunam ichanga Jerusalén marcallaachu juyaran. ²Waquin Tayta Diosninchita manchapacuj runacunana Estebanpa ayanta pampaycāiran. Llaquicuywan sumaj wagaran. ³Saulumi ichanga jutucay irmānucunata wasin-wasin jaticācharan. Charir, warmitapis, ullgutapis jančhacurcur carsilman aparán.

Samaria quinranchu Felipe willacushan

⁴Jerusalén marcapita jishpij irmānucuna may-chaymanpis aywacuran Jesús pa shiminta willacuraycar. ⁵Felipipis Samaria marcaman chayar, Washācupita willapācuran. ⁶Achcay runa wiyacāiran. Tayta Diosninchicamacāchishanta Felipe ruraptinpis, cushish juturpaycaran. ⁷Tucuy-niraj jishyačhucunata, cumllucashcunata, wijrucunata, supay pucllacushancunata Felipe allchacāchiran. Jarguptin, supaycuna japarpaycar jishpicuran. ⁸Chaynuypa Samaria marcachu llapan runa sumaj cushicāiran.

Rüju Simón chapata rurashan

⁹Chay marcachu Simónpis caycaran. Payga chapata rurar unaypita-pachana llapan Samaria runata riguichiran: «Musyapacuj cā» nir. ¹⁰«Musyapacuj cā» niptin, runacuna llapan-yupay shiminta

wiyacuran. Warmi ullgupis niran: «Cay runa rasunpa Tayta Diosninchipa maquinchu cawan. Munayninwan imatapis ruraycan.»

¹¹Unaypita-pacha Simónpa shiminta runacuna wiyacuran musyapacuj cayninwan riguichiptin.

¹²Felipim ichanga tantiya-chicurán: «Tayta Diosninchishuyaraycāmanchi. Maquinchu cawashun. Washācuj Jesús pis jishpichimānanchi-raycur wañuymān chayasha» nir. Chaura shiminta chasquicur, warmi ullgupis ushyacuran. ¹³Quiquin musyapacuj Simónpis Jesús pa shiminta chasquicur, ushyacuran. Felipe jishyačhucunata allchacāchir, supaycunata jargur, tucuy-jinanpa Tayta Diosninchimunayniyuj cashanta musyachicuycaran. Chaymi Simónpis cushish ricaparan. Mana cačhariranchu.

¹⁴Samaria runacunapis Tayta Diosninchipa shiminta chasquicushanta mayar, Jesús pa cañhancuna Jerusalén marcapita Pedrutawan Juanta cačharan. ¹⁵Paycuna Samaria marcaman chayar, llapan irmānucunapaj mañacapurān Espiritu Santupa maquinchu cawanānpaj. ¹⁶Samaria marcachu irmānucunata Tayta Diosninchipa maquinchu purinanpaj Espiritu Santu manaraj chariranrāchu. Manchāga Jesús pa maquinchu cawayta munar, ushyacushalla caran. ¹⁷Chaymi irmānucunapa umanman maquina churaycur: «Tayta, cay runacunata yanapaycullay» nir Pedruwan Juan mañacuptin, Espiritu Santu charicurcuran.

¹⁸Jesús pa cañhancuna runacunapa umanta yataycur mañacuptin,

Espíritu Santu charicurcushanta musyapacuj Simónpis ricaran. Chaymi jillayta munachiran: ¹⁹«Munayniquita nuwatapis ranti-caycallämay. Nuwapis runapa umanta yataycupti, Espíritu Santu charicurcunanta munä» nir.

²⁰Pedruna niran: «Jillaynintiqui ñacayman ayway. Tayta Diosninchi jaramashanchita mana ranticunchichu. ²¹Tayta Diosninchi shunguy-quita musyaraycan. Juchallapaj yarparaycanqui. Chaymi Espíritu Santupa maquinchu cawanayqui mana camacanchu. Ama purishimay-napishchu. ²²Cananga jucha apari-cushayquipita wanacuy. Wanacur mañacuptiqui, Tayta Diosninchi juchayquita jungaycur manañchi yarparanganchu. ²³Chiqui runa cashayquita musyã. Jucha cañariyta mana junquichu.» ²⁴Chaura musyapacuj Simón niran: «Nuwapaj Tayta Diosninchita mañacuy, ari. Nimashayquicuna ama chayaycamächunchu.»

²⁵Chaypita Pedruwan Juan willapäcuran Jesústa ricashan-tapis, shimintapis. Jinarcu Samaria uranpa Jesús pa shiminta willapäcuräcur Jerusalén marcaman cuticäiran.

Etiopía marcapita runa Jesús pa shiminta éhasquicushan

²⁶Chaypita Tayta Diosninchipa anjilnin ricariparcu, niran: «Felipe, cananga Jerusalén marcapita Gaza chunyaj pacha quinranpa yarpuj caminupa ayway.» ²⁷Chaymi Felipe aywaran. Caminucho Etiopía marca runata tariparan. Payga mandaj

warmi Candacespa jillay charajnin caran. Jerusalén marcaman Tayta Diosninchita manchapacuj aywarunaj. ²⁸Cärünwan cutir, Tayta Diosninchipa willacujnin Isaías isquirbishanta liguiycaran.

²⁹Chaymi Espíritu Santu Felipita shacyächiran: «Tagay cäruyujta taripay. Tariparcu, cäruyujta yanagay» nir. ³⁰Chaura juclla aywaran. Cäruyujta taripar, unay willacuj Isaías isquirbishanta liguijta wiyar, tapuran: «¿Liguishayquita tantiyanquichu?» nir. ³¹Payna niran: «Pipis mana tantiyachi-maptin, ¿imanuy paraj tantiyashaj? Jigamuy. Tantiyacächillämay, ari.» ³²Liguiycashan librucho isquirbiraycaran:

«Pishtapaj uyshata apashan-yupay payta apasha. Millwanta rutuptin mana japarashan-yupay, mana rimacushachu. ³³Pampaman churaptinsi, pipis mana nanachicushachu. Wamran mana captin, ¿piraj imalla-tapis rimarcunman? Cay pachapita illaricunanpaj wañuycachisha.»*

³⁴Liguiyta ushyarcu, Etiopía runa Felipita tapuran: «Tayta, tapucushayqui. Willacuj Isaías, ¿pipäta isquirbiran? ¿Quiquinpachu, jucpachu?» nir. ³⁵Chaymi quiquin liguishallanwan: «Alli willapata willapashayqui» nir Jesús pi cashan-tapis tantiyachiran.

³⁶Aywarcaycashancho yacuta tarir, Felipita niran: «Caycho yacu caycan. ¿Manachu ushyay-cachillämanquiman?» ³⁷(Felipina

* 8.32–33 Isaías 53.7–8.



Hechos 8.26–40

niran: «Llapan shunguyquiwan chasquicuptiqui, ushyachishayqui.» Etiopía runana niran: «Au. Jesúsga Tayta Diosninchipa Wawan. Llapan shungüwan chasquicü.»*

³⁸Chaura cärunta içhiycachir, ishcanin yacuman yarpuran. Felipe ushyachiran. ³⁹Yacupita llucshircuptin, Espíritu Santu Felipita apacuran. Etiopía runa Felipita mana ricaran-nachu. Ichanga cushish aywacuran.

⁴⁰Chaypita Felipe Azoto marcachhuna ricacuran. Marcan-marcen Jesúspa shiminta willapäcuräcur, Cesarea marcacaman chayaran.

Saulo Jesústa chasquicushan

9 ¹Chay wichan Tayta Jesústa wiyacuj irmänucunata wañuchiya munar, Jerusalén

mayur cürawan Saulo parlanacuran.

²Payga warmi ullgutapis charircur-charircur Jerusalén marcaman apamuyta munaran. Chaymi mayur cüra urdinta juran Damasco marcachu shuntacäna wasipita irmänucunata charinanpaj.

³Damasco marcaman yaucuy-captillan, janaj pachapita mana yarpashpita Sauluman achqui chillap-chillapyaramuran.

⁴Chaura Saulo: tunicuran. Janaj pachapitana nimuran: «Saulullau Saulo, imanirtaj chiquir jaticachaycämanqui?» ⁵Chayta wiyar, Saulo tapuran: «Tayta, ipitaj canqui?» nir. Chaura nimuran: «Tayta Jesúsmi caycä. Chiquir jaticachaycämanqui. ⁶Cananga Damasco marcaman ayway.

*8.37 Birsiculu 37 waquin Bibliachu caycan; waquinchu mana.

Chaychüna imata ruranayquipäpis willashunquipaj.»

⁷Sauluta aywäshijcuna rimamujta wiyaran. Ichanga pitapis mana ricar, juyupa manchariran. ⁸Sauluna japrayash jatarcuran. Ñawin imatapis mana ricarannachu. Chaymi aywäshijcuna charishalla Damasco marcaman chayachiran. ⁹Chaychu quimsa junaj japrayashalla caturan. Micuytapis, yacutapis mana malliranchu.

¹⁰Damasco marcachu Tayta Jesústa manchapacuj Ananías tiyaran. Payta ricariparcu, Tayta Jesús niran: «Ananías.» Ananíasna niran: «¿Imallaraj, Tayta?» ¹¹Tayta Jesúsna niran: «Ananías, <Dirichu> nishan cälliman ayway. Judaspa wasinman chayar, Tarso marca Saulupaj tapucunqui. Payga Tayta Diosninchita mañacuycan. ¹²Ricapacuyninchu ricashurayqui. Ñawin allchacänapaj yatashayqui-tapis ricashurayqui.»

¹³Ananíasna niran: «Taytallau Tayta, payga juyush. Juyu cashanta llapan runa musyan. Jerusalén marcachu irmänucunata llapanta-yupayshi juyupa ñacachisha.

¹⁴Cananga mayur cürapita urdinta jurgurcu shamusha pipis taytachacushuptiqui, carsilman apananpaj.»

¹⁵Chaura Tayta Jesús niran: «Ama manchacuychu. Chay runata willacujni cananpaj acracushcä. Auturdänintinta jäpa runacunatapis, Israel runacunatapis shimita willapanga. ¹⁶Nuwa-janan juyupa ñacanga. Quiqui llapanta tantiyachishaj.»

¹⁷Chaura Saulo pachacushan wasiman Ananías aywaran. Yaycurir, Sauluta yataycur niran:


«Irmänu Saulo, shaycämuptiqui, ricaripushushayqui Tayta Jesús caçhamasha ñawiquita quiéchanäpaj. Espíritu Santupis charicircushun-quipaj.» ¹⁸Chaynuy niptin, Saulupa ñawinpita carca shicwacuriran. Ricaranna. Jatarcu, ushyacuran. ¹⁹Chaypita micupacuranna. Janan-cunapis ancashyacacuran. Tayta Jesústa wiyacuj irmänucunawanpis Damasco marcachu ishca-y-quimsa junaj juyapärian.

Damasco marcachu Saulo willacushan

²⁰Damasco marcachu juyar, shuntacäna wasicunachu Saulo willapacuran: «Jesús Tayta Diosninchipa Wawanmi» nir. ²¹Saulupa shiminta wiyar, runacuna tanti-yayta mana atiparanchu: «Cay runa, ¿imanacäcushaj? Jesústa çhasquicujcunata Jerusalén marcachu chiquicur jaticacharan. Caymanpis shamusha irmänucunata charircu-charircu mayur cüraman apananpaj» nir.

²²Saulum ichanga mana manchacullarna tantiyachicuran: «Tayta Jesús rasunpa Washämajninchi» nir. Damasco marcachu tiyaj Israel runacunam ichanga tantiyacuyta mana camäpacuranchu.

²³Chaypita unayllata Sauluta wañuycachinanpaj waquin Israel runacuna parlanacuran. ²⁴Parlanacuriycur, pagas-junaj Sauluta marca wajtancunachu shuyarpararan. Parlanacushanmi ichanga quiquin Saulupa rinrinmanpis çhayaran. ²⁵Chaymi purishijnincuna canistaman wiñarcu, warcuyllapa sawan wajtanpa chacaypa jishpichiran.



Hechos 9.20–25

Jerusalén marcachu Saulo willacushan

²⁶Jerusalén marcaman chayay, irmānucunawan tincuyta Saulo munaran. Munaptinsi, Jesúspa shiminta rasunpa chasquicushanta mana tantiyar, tincuyta manchacuran. ²⁷Bernabími ichanga Jesúspa cañancunaman Sauluta pusharan. Chayarcachir, niran: «Damasco marcaman aywaycaptin, Tayta Jesús Sauluta ricaripusha. Parlapasha. Damasco marcachūsi mana manchacullar Tayta Jesúspita willapācusha.» ²⁸Chaynuypa Saulo Jerusalén marcachu irmānucunawan juyapāriran. Mana manchacullar llapanpa ricay ñawinchu puriran. Tayta Jesúspitapis willapācuran.

²⁹Griego rimaj Israel runacunam ichanga tincuparan. Sauluta wañurachiyta munaran. ³⁰Chayta mayar, Cesarea marcammanna irmānucuna Sauluta jishpichicāriran. Jinarcur Tarso marcaman cañarcuran.

³¹Chay wichan jutucay irmānucuna allilla juyaran. Judea quinranchu, Samaria quinranchu, Galilea quinranchu Tayta Diosninchita manchapacur cawapācuran. Espiritu Santu shacyāchiptin, Tayta Jesúspa shimin shungunmanpis chayaran. Waran-waran yapacayaran.

Irmānucunata Pedro watucushan

³²Chay wichan Pedro irmānucunata watucur chay-tucuyta puriycaran. Chaymi Lida

marcamanpis éhayaran. ³³Chaychu Eneasta tariran. Payga pusaj watana cumllucash wiguraycaran. ³⁴Chaymi Pedro niran: «Eneas, Jesucristu allchacächishunqui. Jatariy. Mashtacuyquita shuntay.» Chaura juclla jataricurcusha. ³⁵Puriycajta ricar, Lida marcaçhüpis, Sarón marcaçhüpis Tayta Jesúspa shiminta runacuna chasquicurán.

Dorcasta cawarachishan

³⁶Chay wichan Jope marcachu Tayta Jesústa wiyacuj warmi tiyaran. Jutin caran Tabita. Griego rimaychu: «Dorcas» nir ricsiran. Payga Tayta Diosninchita manchapacuj car, cuyay-munaypaj cawaj. Pishipacujcunatapis yanapaj. ³⁷Juc junajmi ichanga jishya chariptin, wañucuran. Wañucuptin armaraycachir, chutaycuran. ³⁸Chaura washlänin Lida marcallaçu Pedro caycaptin, waquin irmänucuna ishcaj runata caçhacuran: «Tayta Pedro, Jope marcaman shamuy, ari. Ama juyapacämunquichu» nir.

³⁹Caça willaptin, juclla Pedro aywäshiran. Éhayaptin, aya chutarashan altusman pusharan. Biyüda warmicunapis juntapaycur Dorcas jirapushan müdanacunata wiguinpawan ricachiran. ⁴⁰Chaura Pedro llapan täpajcunata wajtaman jargurir jungurpacuycur, Tayta Diosninchita mañacuran. Mañacurir, ayata niran: «Tabita, jatariy.» Niptin, cawaricurcuran. Pedruta ricärir, jamacurcuran. ⁴¹Pedruna maquinpita jatarecachiran. Biyüdacunatapis, irmänucunatapis

jayachiran. Llapanta jayarcachir, Tabitawan tincuchiran.

⁴²Tabita cawarishanta Jope marcachu llapan musyaran. Chaynuypa achcaj runa Tayta Jesúspa shiminta chasquicärian. ⁴³Chaypita unaylla suyalaruraj Simónpa wasinçu Pedro pachararan.*

Pedruta Cornelio jayachishan

10 ¹Chay wichan Cesarea marcachu Cornelio tiyaran. Payga «Italia batallun» nishan murucucunata mandaran. ²Wasinpa Cornelio Tayta Diosninchita manchapacuran. Manchapacushpan Israel runacunatapis yanapaj. Tayta Diosninchitapis mañacuj.

³Juc junaj jatun mallway inti mañacuycaptin anjil ricariparcur, jayacuran: «Cornelio» nir. ⁴Chaura mancharish ricapaycashançu niran: «¿Imallaraj, Tayta?» Anjilna niran: «Cornelio, mañacushayquita Tayta Diosninchita wiyashcashunqui. Wacchacunata yanapashayquitapis alli ñawinwan ricasha. ⁵Cananga Jope marcaman caçhacuy «Pedro» nishan Simónta pushamunanpaj. ⁶Payga suyalaruraj Simónpa wasinçu pacharaycan. Wasin yacu cantullançu caycan.»

⁷Anjil illaricäcuptin, Cornelio ishcaj mincaynintawan juc murucuta jayachiran. Chay murucu Corneliuta ricaj. Tayta Diosninchitapis manchapacuj. ⁸Jayarcachir llapanta willapariycur, Jope marcaman caçharan.

⁹Warannin junaj Corneliupa caçhancuna Jope marcaman éhayar-

*9.43 Israel runacuna suyalarurajta sumaj millanäcuj: «Wañushcunata yataptin, Tayta Diosninchitapis millanäcun» nir.



Hechos 10.1–33

caycaptin, Pedro Tayta Diosninchita mañacuycaran. Mañacunanpaj mirinday ũra wasi altusman jigaran.

¹⁰Micuy mana chayaptillan, yarganaycashanĉhu Pedro ricapacuran.

¹¹Ricaran janaj pachapa puncun quichacācamujta, jatun jacu ĉuscun puntan icsish yarpaycāmujta.

¹²Ñaupanman chayamuptin, tucuy-niraj uywacunata, paĉhanpa purijcunata, altullapa pärijcunata ricaran. ¹³Ricapaycaptin, janaj pachapitana nimuran: «Pedro, micunay-quipaj llapanta pishtay.»

¹⁴Pedruna niran: «Mana micūmanchu, Tayta. Millanācushayqui, asyāchicushayqui uywacunata imaypis mana micushcāchu.» ¹⁵Chaura yapay nimuran: «Tayta Diosninchi alli

ricashanta ama millanācunquichu.»

¹⁶Chaynuylla quimsa cutiparaj nimuran. Jinarcu jacuta janaj pachaman chutacurcuran.

¹⁷Ricapacushanta Pedro yarpaĉhacuycaptillan, Corneliupa caĉhancuna tapucurir-tapucurir ĉhayaran suyla-ruraj Simónpa wasi puncuncaman. ¹⁸Puncupita jayacuriran: ««Pedro» nishan Simón, ¿cayĉhūchu pacharaycan?» nir.

¹⁹Ricapacushanpita yarpaĉhacuycaptillan, Espiritu Santu niran: «Pedro, quimsaj runa ashiycāshunqui.

²⁰Juella yarpuy. Mana manchacullar aywāshiy. Quiquī caĉhamupti, shamusha.»

²¹Chaura altuspita yarpuriycur, caĉhacunata Pedro niran: «¿Nuwatachu ashiycāmanqui?

¿Imallapäräj ashiycämanqui?»

²²Paycuna niran: «Capitan Cornelio caçhacamasha. Payga Tayta Diosnin-chita manchapacun. Israel runacunapis alli ñawinpa rican. Jayachishunayquipaj Tayta Diosninchipa anjilninshi willapasha. Wasinmanshi aywanqui shimiquita wiyananpaj.»

²³Chay chacay Corneliupa caçhancunata Pedro pachächiran. Warannin tuta aywacäiran. Aywacuptin, Jope marcaçu irmänucunapis yanagaran.

²⁴Waranninna Cesarea marcaman çhayaran. Cornelio shuyaraycaran waquin ricsinacushancunata, yawar-masincunata shuntaycur.

²⁵Wasinman çhayaptin, manchapacushpan Pedrupa ñaupanman jungurpacuycuran. ²⁶Pedrum ichanga jatarecachiran: «Alliman ama çhuramaychu. Nuwapis runamasillayquim cä» nir.

²⁷Chaypita Corneliuwan wamayänacur wasi ruriman yaycur, chay-chicaj runata tariran.

²⁸Paycunata Pedro niran: «Musyashayquinuypis Israel runacuna Moiséspa shiminta wiyacun. Tayta Diosninchivan alli ricanacuyta munar, jäpa runacunawan mana jutucanchu. Wasinmanpis mana yaycunchu. Tayta Diosninchim ichanga tantiyachimasha pitasi mana millanäcunäpaj, mana asyächicunäpaj. ²⁹Chaymi jayachimaptiqui, juclla shamushcä. Cananga mä, willamay. ¿Imapätaj jayachimashcanqui?»

³⁰Corneliuna niran: «Tayta Diosnin-chita mañacuycapti, caynuy üra achic-achicyaycaj müdanash runa ricaripamasha. Jatun mallway inti caycasha. Ricaripamashan

çhuscu junajna. ³¹Ricaripamaj runa nimiran: «Cornelio, mañacushayquita Tayta Diosninchu wiyasha. Wacchacunata yanapashayquitapis ricasha. ³²Cananga Jope marcaman caçhacuy. «Pedro» nishan Simóna jayachimuy. Pacharaycan suyla-ruraj Simónpa wasinçu. Wasin yacu cantullançu caycan.» ³³Chaynuy nimaptin, juclla caçhacamushcä. Allipaj shamushcanqui. Tayta Diosninchipa ñaupançu juturpaycanchi. ¿Imata willapämänayquipätaj Tayta Diosninchu caçhamushcashunqui? Mä, willamay.»

Corneliupa wasinçu Pedro willacushan

³⁴Chaymi Pedro niran: «Tayta Diosninchu pï-maytapis llaquipashanta tantiyacüna. ³⁵May-chayçu juyaptinpis llaquipashpan manchapacujcunata, shungun munashanta rurajcunata wamrachacun. ³⁶Israel runacuna Jesúsapa shiminta wiyacuptin, allilla cawachinga. Shiminta willapäcunanpaj Washäcuj Jesústa caçhamuran. Taytanchi cashpan llapan runata maquinçu purichin. ³⁷Juan ushyachicur willapäcushanpita-pacha Galilea quinranpita Judea quinrancaman Jesúsapa willapan purishanta musyanqui. ³⁸Tayta Diosninchu camacächiptin, Nazaret marca Jesústa Espíritu Santu charicurcuran. Chaymi munayniyuj ricacuran. Marcan-marcen purir, allita ruraran. Supay pucllacushan runacunatapis allchacächiran. Tayta Diosninchipa maquinchüpis cawaran. ³⁹Judea quinran marcacunaçhüpis, Jerusalén marcaçhüpis nuwacuna Jesúswan

purishcä. Chaynuypa Jesús ima-
imata rurashantapis willacü.
Ruschu wañuycachishantapis
ricashcä. ⁴⁰Ichanga quimsa junajta
Tayta Diosninchichi cawarachimusha
runacunawan tincunanpaj. ⁴¹Mana
llapan runatachu ricaripusha;
manchäga unaypita-pacha Tayta
Diosninchichi acracushan runacuna-
llata. Nuwacunata ricaripamasha
paypita willapäcunäpaj. Chaymi
cawarcamuptinpi, Jesúswan
micupacushcäraj. ⁴²Chaypita pi-
maytapis willapäcunäpaj Tayta Jesús
caçhacamasha: «Wañushcunapa,
cawajcunapa juchantapis
jurgapänäpaj Tayta Diosninchichi
çhutamasha» nir. ⁴³Tayta Dios-
ninchichi unay willacujnincunapis
Jesúspita willacuran: «Pipis shiminta
çhasquicuptin, Tayta Diosninchichi
juchancunata mana yarparanga-
nachu. Runacunata washänan-raycur
shamur, llapanta camacächin» nir.»

Jäpa runacunata Espíritu Santu charicurcushan

⁴⁴Pedro rimaycaptillan, Corne-
liupa wasinchu juturpaycäcunata
Espíritu Santu charicurcuran. ⁴⁵Jäpa
runacunatapis Espíritu Santu chari-
curcuptin, Jope marcapita yanagaj
Israel irmänucuna tantiyacuyta
mana atiparanchu. ⁴⁶Espíritu Santu
charicurcushanpita jäpa runacuna
juc-niraj rimaytapis rimaran. Tayta
Diosninchitapis alliman çhuran.

⁴⁷Tantiyayta mana atipaptin,
yanagajcunata Pedro niran:
«Jäpa runacunatapis nuwanchita-
jina Espíritu Santu charicurcush
caycaptin, juclla ushyachishun.»
⁴⁸Chaynuy nir Jesucristupa jutinchu
ushyachiran. Ushyacujcunana

Pedruta mañacuran: «Tayta, ishçay-
quimsa junajllapis juyapärishun,
ari» nir.

Jerusalén marcaman Pedro cutishan

11 ¹Chaura Judea quinranchu
Jesúspa caçhancunapis,
irmänucunapis mayaran waquin
jäpa runacunapis Tayta Dios-
ninchichi shiminta çhasquicushanta.
²Chaymi Jerusalén marcaman Pedro
çhayaptin, Israel-masin irmänucuna
jamurpar niran: ³«¿Imanirtaj
jäpa runacunapa wasinchu
pachacushcanqui? ¿Imanirtaj
micupacärishcanqui?»

⁴Jamurpaptin, llapallanta willar,
Pedro niran: ⁵«Jope marcachu Tayta
Diosninchichi mañacuycashächu
ricapacurä. Janaj pachapita
jatun jacu çhuscun puntan icsish
yarpaycämuran. Ñaupäman
çhayamuran. ⁶Sumaj ricapärir,
ricarä tucuy-niraj uywacunata,
micucuj uywacunata, paçhanpa
purijcunata, altullapa pärijcunata.
⁷Ricapaycapti, janaj pachapita
nimaran: «Pedro, jatariy. Ricashay-
quita llapanta pishtay micunay-
quipaj.» ⁸Chaura nishcä: «Mana
micümanchu. Tayta Diosninchichi
millanäcushan, asyächicushan
uywacunata imaypis mana
micurüchu.» ⁹Yapay janaj pachapita
nimaran: «Tayta Diosninchichi alli
ricashanta ama millanäcunquichu.»
¹⁰Chaynuy quimsa cutipa nimaran.
Jinarcu janaj pachaman jipita
chutacurcuran.

¹¹«Niycaptillan, Cesarea marcapita
quimsaj jäpa runacuna ashimar,
pacharashäman çhayamuran.

¹²Chaura mana manchacullar

aywanäpaj Espíritu Santu shacyächimaran. Chaymi sujtaj irmänunchicunawanpis aywarä. Cesarea marcapita jayachimaj runapa wasinman éhayarä. ¹³Wasiyujna willamaran: «Wasichu anjil ricariparcamar, nimasha: «Jope marcaman caçhacuy. «Pedro» nishan Simónta jayachimuy. ¹⁴Pay willapäshunquipaj llapaniqui Tayta Diosninchipa maquinchu cawanay-quipaj.» »

¹⁵«Willapaycaptilläna, nuwanchita ñaupata charicarcamashanchi-jina paycunatapis Espíritu Santu charicurcusha. ¹⁶Chayraj Tayta Jesúsapa shiminta yarpärirä. Pay niran: «Ushyachicuj Juan yacullawan ushyachicusha. Jamcunatam ichanga Espíritu Santuwan Tayta Diosninchi ushyachishunquipaj shungun munashannuy cawanay-quipaj.» ¹⁷Chaura Tayta Jesúsapa shiminta çhasquicuptinchi, Espíritu Santu yanapämashanchi-jina paycunatapis yanapaycan. Tayta Diosninchi camacaycachtin, mana miçhämachu.»

¹⁸Chaynuy Pedro willaptin, pipis mana jamurparannachu; manchäga Tayta Diosninchita alliman çhuran: «Jäpa runacuna wanacunantapis Tayta Diosninchi camacächin. Paycunasi wanacuptin, maquinchu imaycamanpis cawachinga» nir.

Antioquía marcachu Jesúsapa shiminta çhasquicushan

¹⁹Canan tantiyacushun. Estebanta wañuycachishan wiche Jesúspa shiminta wiyacuj irmänucunata

jaticáchar ushyaptin, aywacärran Fenicia marcacunaman, waquin Chipre marcacunaman, waquinna Antioquía marcaman. Chay marcacunaçu Israel-masincunallata Jesúspita willaparan. ²⁰Waqin irmänucunam ichanga jäpa runacunatapis willaparan. Willacujcuna caran Chipre marcacunapita, Cirene marcapita. Paycunana Antioquía marcachu jäpa runacunatapis Tayta Jesúspita willaparan. ²¹Willapäcunanpaj Tayta Diosninchi sumaj yanaparan. Chaymi achcaj jäpa runa jucha aparicuy pita wanacuran. Jesúsapa shiminta çhasquicuran.

²²Chayta mayar, Jerusalén marcachu jutucuj irmänucuna Antioquía marcaman Bernabíta caçharan. ²³Éhayar, jäpa runacuna Jesúspa shiminta wiyacushanpita sumaj cushicuran. Paycunata Tayta Diosninchi llaquipashanta tantiyacuran. Chaymi shacyächiran mana yamacällar Jesúspa shiminta wiyacunanpaj. ²⁴Achcaj runa Jesúspa shiminta wiyacärran Bernabé alli runa captin, Tayta Diosninchita manchapacuptin, Espíritu Santupa maquinchu puriptin.

²⁵Antioquía marcapita Tarso marcamanna Bernabé aywaran Saulo ashij. ²⁶Tarir, Antioquía marcaman pushacuran. Jutucuj irmänucunawan ishcan juc wata juyapärran. Tayta Diosninchipa shiminta achcaj runata tantiyachiran. Chay marcaçhüraj Jesúspa maquinchu cawajcunata «Cristianucuna» nirshi jutichaparan.*

²⁷Chay wiche Tayta Diosninchipa willacujnincuna aywaran Jerusalén

* 11.26 «Cristianucuna» nin Washäcuj Jesúspa llupinpa aywashanpita.

marcapita Antioquía marcaman.
²⁸Chay marcachu Espíritu Santu rimachiptin, willacuj Agabo jatarcu musyachiran: «Chay-tucuychu juyupa muýchuy cangapaj» nir. Chaura musyachishannuylla änir éharcucaran. Roma marca-cunata mandaj Claudio maquinéchu purichishan wichan änir muýchuy caran. ²⁹Muýchuy captin, Antioquía marcachu irmänucuna parlanacuran Judea marcachu irmänucunata taripacushan-tupulla tarichinanpaj. ³⁰Chaymi cuyachicuynincunata shuntariycur, Sauluwan, Bernabíwan Jerusalén marcaman apachiran. Chayachirga, mayur irmänucunapa maquinman inéhgaycuran.*

**Santiaguta wañuchishan,
 Pedruta carsilman
 wíchgachishan**

12 ¹Chay wichan mandaj Herodes ishca-y-quimsa irmänucunata charichisha ñacachinanpaj. ²Juanpa wauguin Santiagupa cuncanta ruguriptin, ³waquin Israel runacuna jatunpa cushicuran. Chaymi Libadüraynaj tantata micuna fiestata rurashan wichan Pedrutapis chariran. ⁴Charircur, carsilman wíchgaran: «Pascua fiesta ushayrayj llapan runa ricay tapushun» nir.* Chuscu jutuy murucucunapa maquinman éhuran. Täparanpis éhucuj murucu-caman. ⁵Pedruta sumaj täparcaycaran. Chaypis jutucuj irmänucuna Pedrupaj mana yamacällar Tayta Diosninchita mañacurcaycaran.

Carsilpita Pedruta jishpichishan

⁶Chaura mandaj Herodes ñauquinan warämuj Pedro ishcaj murucupa éhaupínchu puñuycaran. Ishcaj cadinawan wataraycächiran. Waquin murucucunapis puncuachu täparcaycaran. ⁷Täparcaycaptin, Tayta Diosninchipa anjilnin achic-achicyaycar ricaripuran. Pedruta tapsirir: «Juella jatariy» niptin, wataraycächishan cadinapis pascacäcuran. ⁸Jinarcu niran: «Pedro, juella cinturunniquita watacu. Llanguiquitapis jaticuy.» Anjil nishanta änir Pedro ruraran. Jatarcuptin, niran: «Punchuyquita ushtucurcur, jipalläta llucshimuy.» ⁹Chaura anjilpa jipallanta Pedro llucshiran. Ichanga mana tantiyacur, yarpaçhacuran: «¿Rasunpachu llucshiyca? ¿Nuspaycachu?» nir. ¹⁰Ruri puncucunata täpaycaj murucucunatapis éhancarir-éhancarir jawa puncuman éhayaran. Jawa puncuman éhayaptin, jiru puntu quiquillan quíçhacäcuran. Chaura wajtaçhüna ricacuran. Carunijcaman pusharcu, anjil illaricäcuran. Quiquillanna Pedro ricacuran. ¹¹Tantiyacurir, Pedro niran: «Cananmi ichanga Tayta Diosninchí anjilninta cáçhamushanta rasunpa musyá. Mayur Israel runacuna-pita, mandaj Herodespita jishpí-rachimasha. Wañuchimänapita washämasha.» ¹²Chaura carsilpita llucshi-shanta sumaj tantiyacurir, Maríapa wasinman aywacuran. Paymi «Marcos» nishan Juanpa

* **11.30** Griego rimayéchu yupachicushan mayur runacunata ricsij: «presbíteros» nir.

* **12.4** Griego rimayéchu: «Pascua» ninanta: «Jananpa çancasha» ninan.

maman caran. Maríapa wasinchu irmānucuna Pedrupaj Tayta Diosnin-chita mañacurcaycaran. ¹³Chaura sawan puncupita Pedro jayacuriptin, pi cashantapis musyananpaj yanapacuj jipash Rodesa llucshiriran. ¹⁴Pedrupa shiminta wiyar, jatunpa cushicuran. Puncu quichapuytapis jungaycur, cuticuran: «Pedro chayamusha» nir. ¹⁵Willaptin, llapan niran: «Supaychi pucllacushca-shunqui.» Niptinpi, yapayraj niran: «Mana llullacüchu. Rasunpa Pedro.» Chaura niran: «Alman-imatachi wiyapacushcanqui.»

¹⁶Puncuta mana quichapuptin, yaparir-yaparir Pedro jayacurcaran. Puncuta quicharir, Pedruta ricashpan tantiyacuyta mana atiparanchu. ¹⁷Chaura Pedro upällachiran. Jinarcu carsilpita Tayta Diosninchi jurgushanta willacuran. Chaypita jucläpa aywacuran: «Llucshimushäta waquin irmānunchi-cunatapis, Jesúsapa wauguin Santia-gutapis willanqui» nir.

¹⁸Chaura carsilchu Pedro mana warāmuptin, quiquin-puralla täpaj murucucuna ullgüpānacuran «¿Mayraj Pedro?» nir. ¹⁹Pedro mana captin, wacpa-caypa mandaj Herodes ashichiran. Täpacuj murucucunatapis sumaj tapuran. Pedruta mana tariptin, quiquin täpaj murucucunata wañuycachiran. Jinarcu Judea quinranpita Cesarea marca-manna Herodes tiyaj aywacuran.

Mandaj Herodes wañucushan

²⁰Mandaj Herodes Tiro marca runacunatapis, Sidón marca runacunatapis juyupa chiquipacurcuran. Chiquipaptin, parlay aywariycur Blastuta mañacuran: «Tayta Blasto,

capuralnin cashpayqui mandaj Herodeswan yačhānacunqui. Ullguynin jasacānanpaj parlapaycallāmay, ari. Marca-masipaj micuyta apapti, ama mičhāmanmanchu» nir. Chaymi Blasto parlapaptin, änir mandaj Herodespa ullguynin jasacaran. Juc junajpaj jitaparan: «Tiro runacunawan, Sidón runacunawan parlanacunāpaj shamuchun» nir.

²¹Sisyunpaj jitapashan junaj chayamuptin, achic-achicyaycaj müdananta ushtucurcur, runacunapa ñaupanchu mandaj Herodes jamacucuran. Cushichipayllapa rimaran. ²²Rimashanta wiyar, japarir-japarir runacuna niran: «Taytallau Tayta, Munayniyuj Tayta Diosninchi canqui. Imaypis mana ushycanquipächu.» ²³Runacuna alliman churaptin, Herodes sumaj cushicuran. Quiquin Tayta Diosninchiwan tincuchiptinsi, mana mičharanchu. Chaypitam Tayta Diosninchipa anjilnin wañurachiran. Mandaj Herodes aycha curu ushyaypa wañucuran.

²⁴Tayta Diosninchita wiyacucunam ichanga Jesúsapa shiminta chay-tucuychu willapācuycaran. Runa achcajmi Tayta Jesúsapa shiminta chasquicuran. ²⁵Chay wichan Bernabíwan Saulo cuyachicucunata Jerusalén marcaman chayachiran. Jinarcu «Marcos» nishan Juanta pushacurcur, Antioquía marcaman cuticuran.

Jesúspita willacunanpaj Sauluta cačhacushan

13 ¹Chaura chay wichan Antioquía marcačhüpi irmānucuna jutucaycaran. Waquin

caran willacujcuna, waquinna yaćhajcuna. Chayćhu Bernabípis, «Yana Runa» nishan Simeónpis, Cirene marca Lucipis, Saulupis, Manahempis caycaran. Irmänu Manahemga Galilea marcacunata mandaj Herodespa wiñay-masin caran.

²Juc junaj irmänucuna Tayta Diosninchita manchapacurcay-captin, ayünarcaycaptin, Espíritu Santu musyachiran: «Bernabítawan Sauluta shimíta willacur purinanpaj raquicushcä. Jamcuna caćhacuy» nir. ³Chaura ayünayta, mañacuyta ushyarcur, ishcanta Tayta Diosninchipa maquinman ćhuran. Umanta yataycur, niran: «Taytallau Tayta, cay runacuna aruyninta ćharcunanpaj yanapaycullay, ari.» Jinarcu, Bernabítawan Sauluta caćharcuran willapäcur purinanpaj.

Chipre marcaćhu Pablo willapäcushan

⁴Chaura Espíritu Santu pushaptin, Bernabíwan Saulo Seleucia marcaman ćhayan. Chaypita bütüwan Chipre quinranman ćhayan. ⁵Chipre quinranćhu Salamina marcaman ćhayar, Israelcunapa shuntacäna wasincunaćhu Jesúsapa shiminta willapäcuran. Juan Marcospis yanapar puríshiyaran.

⁶Jesúsapa shiminta willacur Chipre quinranćhu puriyacashanćhu Pafos marcamanpis ćhayan. Chayćhu musyapacuj Bar-Jesúsawan tincusha. Paypis Israel runa caran. Achcaj runata riguichiran: «Tayta Diosninchipa willacujnin cä» nir. ⁷Chipre marcapa mandajnin Sergio Pauluwanpis yaćhänacuran. Mandaj Sergio Pauluga yarpay-sapa runa

caran. Tayta Diosninchipa shiminta wiyayta munar, Bernabítawan Sauluta jayachiran. ⁸Musyapacuj runam ichanga mandaj Sergio wiyacunanta mana munar, tucuy-jinanpa chapata ruraran. Griego rimajcuna musyapacujta: «Elimas» nir ricsiran.

⁹⁻¹⁰Chapata ruraptin Espíritu Santupa maquinćhu purir, Saulo musyapacuj runata ullgüparan. Saulullata griego rimajcuna: «Pablo» nir ricsiran. «Pablo» nishan Saulo musyapacujta ullgüpar, niran: «Llulla runa canqui. Pingacuytapis mana yaćhanquichu. Supaypa wawan canqui. Tayta Diosninchitapis tucuy-jinanpa chapata ruray-canqui. ¿Imaycamanraj llullacunqui: «Taytanchipa shiminta rimä» nir? ¹¹Chay-niraj cashayquipita Tayta Diosninchipa ñacachishunquipaj. Achicyaj pachatapis unaylla mana ricanquipächu.» Chaynuy niptin, Elimas japrayacäcuran. Puriyta mana camäpacur, tumaycaćhaycaran pipis maquinpita purichinanta munar. ¹²Japrayashta ricar mancharir, mandaj Sergio tantiyacuran Tayta Jesús munayniyuj cashanta. Juclla shiminta ćhasquicuran.

Pisidia quinranćhu Pablo willacushan

¹³Chaypita Pablo llapan yanaguincunawan bütüwan aywacuran Pafos marcapita Panfilia quinran Perge marcaman. Juanmi ichanga paycunata jaguiriycur, Jerusalén marcaman cuticuran. ¹⁴Pabluna yanaguincunawan Perge marcapita Pisidia quinran Antioquía marcaman ćhayan. Diyawarda captin, Israelcunapa shuntacäna wasinman

aywaran. Chayar ruriman yaycurir, jamacuycuran.

¹⁵Shuntacäna wasichu yachajcuna Moiséspa shiminta, willacujcunapa shiminta liguiycaran. Liguiyta ushyaruptin, mayur runacuna Pablutawan Bernabíta niran:

«Irmänuçuna, shacyächimayta munar, juella willapäramay, ari.»

¹⁶Chaura jatarcur llapan runata upällaraycachir, Pablo niran: «Israel-masicunapis, Tayta Diosninchita manchapacujcuna jäpa runacunapis, mä, shimíta wiyaycallämay. ¹⁷Unay Israel-masinchicunallatach Tayta Diosninchita wamrachacuran. Chayshi Egipto marcachu jurpay-tucullar puriptinpis, sumaj achcayänanpaj camacächiran. Chaypita munay-niyuj cayninwan unay auquillunchicunata Egipto marcapita jishpichimuran. ¹⁸Chunay pachachu chuscu chunca (40) wata purir llutanta ruraptinpis, Tayta Diosninchita manash yamacaranchu. ¹⁹Manchäga Canaän marcaman chayachimuran. Chaychüshi jançhis marca runacunata ushyaran. Llapanta ushyariycurshi, çacrantapis auquillunchicunata raquipuran.

²⁰Wamrachacushanpita-pacha chuscu pachac pichga chuncawan (450) watataräshi Canaän marcachu mirar shillaran. Chaypita Israel runacunata ricananpäshi mayur runacunata çhurapurán. Paycunapa maquillançu juyaran willacuj Samuel cawashan wichancaman.

²¹Chay wichan unay auquillunchicuna Tayta Diosninchita mañacuran: «Llapaníta ricamänanpaj juc mandaj runallata çhuraray. Llapani

cawashaj paypa maquillançu» nir. Chayshi mandananpaj Tayta Diosninchita Saúlta çhurarán. Papänin caran Cis, auquillunnash Benjamín. Saúlga chuscu chunca (40) watash Israelcunata maquinçu purichiran. ²²Chaypita Saúlta jargurir, David-tanash mandaj cananpaj çhurarán. Manaräsi mandaj cayman çhayaptillan, Tayta Diosninchita musyachicuran:

«Jesépa wamran David shungüman tincun. Payraj shungü munashanta ruranga» nir. *

²³«Chaura Tayta Diosninchita aunishanta çharcursi, Davidpa willcanpita jucta çhurarán Israelcunata washänanpaj. Çhurashan runa Jesúsmi caran. ²⁴Tayta Jesús manaraj ricarimuptillanshi, Ushyachicuj Juan llapan Israel runacunata anyaparan wanacunapaj, ushyacunanpaj. ²⁵Chaypita wafucunanpaj wallcana pishiycaptin, Ushyachicuj Juan niran: «Yarpaptiquipis, mana Washäcujchu cä. Jipätam ichanga munayniyuj shamunga. Munayniyuj captin, llanguinta llushtipuyllatapis manchapacü.»

²⁶«Israel-masicuna, Abrahampa willcan carpis, Tayta Diosninchita manchapacuj jäpa runa carpis, shimíta wiyaycallämay. Tayta Jesús pa shiminta çhasquicuptinchi, llapanchita washämäshun. ²⁷Tayta Jesús Washäcuj cashanta Jerusalén marca runacunapis, mayur runacunapis manash tantiyacuranchu. Diyawardacunaçu unay willacujcunapa shiminta liguiycarsi, manash tantiyacuranchu. Chayshi willa-

* 13.22 Salmo 89.20; 1 Samuel 13.14.

cujcunapa shimin rimashanmantupu Jesústa wañuycachisha.

²⁸Wañuchiya munar juchan manacaycaptinsi, ullgur mandaj Pilatuta mañacuran: «Jesústa wañuycachiy» nirshi. ²⁹Willacujcunapa shimin rimashan-tupu ruschu wañuchiran. Jinarcu pampaycäiran.

³⁰«Wañush pamparaycaptinsi, Tayta Diosninchi cawarachimusha.

³¹Cawarcamur, Galilea marcapita Jerusalén marcaman aywäshijcunata achca cutish ricaripuran. Aywäshijcunanash Israel-masinchicunata Jesúspita willapäcurcaycan. ³²Unay auquillunchicunata Tayta Diosninchi auniran: «Washäcujta cächamushaj» nirshi. Cananga Tayta Diosninchi aunishanta éharcucächishana.

Chay alli willapata willacurcaycä.

³³Shiminta éharcushpan Tayta Diosninchi Jesústa cawarachisha. Jesús cawarinanpaj ishcay-caj Salmuchu nin:

«Wawämi canqui. Nuwapita cawanqui.»*

³⁴«Tayta Diosninchi nishannuylla äñir Jesústa cawarachimusha. Yapay wañuymän éhaya ayan ismunanta mana camacächingachu. Shiminchu nin:

«Jamcunata sumaj yanapashaj. Mandaj Davidta aunishäta llapanta éharcushaj» nir.*

³⁵Juc Salmuchüpis isquirbiraycan:

«Acrashayqui runapa ayan ismunanta mana camacächinquipächu» nir.*

³⁶Chaura mandaj David äñirshi, Tayta Diosninchipa shungun munashannuylla Israel-masincunata mandaran. Wañucuptinshi, unay

yawar-masincuna pamparashallanman pampaycusha. Ayanpis ismur, ushyacaran. ³⁷Jesústam ichanga Tayta Diosninchi cawarachiran. Ayanpis mana ismuranchu.

³⁸⁻³⁹«Israel-masicuna, sumaj tantiyacushun. «Tayta Diosninchi alli ricamänanchipaj Moiséspa shimintaraj éharcushun» nir llapanta éharcuyta mana atipaptinchi, juchanchitapis Tayta Diosninchi yarparaycaranraj. Juchanchi jungacash cananpämi ichanga quiquin Jesús camacächisha. Paypa shiminta éhasquicuptinchi, juchanchita Tayta Diosninchi mana yarparanganachu. Alli ñawinpana ricamäshun. ⁴⁰Chaymi unay auquillunchicuna éhayashanman éhayarunquiman. Unay willacujnincunawan Tayta Diosninchi musyachicuran:

⁴¹«Wasguipämajcuna, wiyamanquiman.

Mancharinquipämi.

Illarinquipämi.

Munayniwan imatapis camacächishaj.

Camacächishäta willashuptiquipis, mana tantiyacunquipächu» nir.»*

⁴²Willacuyta ushyarcu, shuntacäna wasipita Pabluwan Bernabé llucshicuran. Llucshicuptin, llapan shungunwan runacuna mañacurcaycan: «Shamuj diyawardapis willapämänayquipaj yapay cutimunqui, ari» nir. ⁴³Shuntacäna wasipita llapan llucshicur, Israelcunapis, Tayta Diosninchita manchapacuj jäpa runacunapis Pablutawan Bernabíta aywäshiran. Aywäshijcunata shacyächiran

llaquipäcuj Tayta Diosninchipa shiminta mana yamacällar éharcunanpaj.

⁴⁴Chaymi shamuj diyawarda junaj éhayamuptin, Tayta Diosninchipa shiminta wiyananpaj llapan-yupay runacuna shuntacaran. ⁴⁵Chay-chicajta ricar, Israel runacuna ullgucarcärian. Pabluta tincuparan. Ashllir ushyaran. ⁴⁶Chaura Pabluwan Bernabé mana manchacullar niran: «Taytacuna, Israel runacar, Israel-masinchicunataraj Tayta Diosninchipa shiminta willaparä. Cananga shiminta wasguipashayquijina mana ushyacaj cawaytapis wasguipaycanqui. Chaymi cananpita-pacha jäpa runacunata willapäcushaj. ⁴⁷Tayta Diosninchi llapan runata willapänäpaj musyachicuran:

«Jäpa runacunata shimita willapäcunayquipaj éhurashcaj.

May-chayéhüpis willapäcushayquita éhasquicuptin, washäshaj» nir.»*

⁴⁸Chayta wiyar, jäpa runacuna jatunpa cushicuran: «Tayta Diosninchi llaquipäcuj. Allipaj Jesúspa shiminta wiyashcanchi» nir. Mana ushyacaj cawayta tarinanpaj Tayta Diosninchi acracushancuna Jesúspa alli willapanta éhasquicärian. ⁴⁹Chaynuypa chay marcacuna chu Jesúspa shiminta willacurcaycaran.

⁵⁰Waquin Israelcunam ichanga ullgucarcärian. Chaymi waquin Tayta Diosninchita manchapacuj

mama-warmicunatawan mayur runacunata shimiyaran Pablu-tawan Bernabíta chiquipacurcunanpaj. Chiquipayllawan marcanpitasi jarguran. ⁵¹Jarguriptin: «Wasguimashayquipita ñacayman éhayanquipaj» nir éhaquinta pichacurir, Iconio marcaman aywacärian. ⁵²Aywacuptinsi, Tayta Jesúspa shiminta éhasquicujcuna cushi-cushilla cawarcaycaran. Maquinéhüpis Espíritu Santu puriyacächiran.

Iconio marcachu Bernabíwan Pablo willapäcushan

14 ¹Iconio marcaman éhayarna, Pabluwan Bernabé Israelcunapa shuntacäna wasinman aywaran. Paycuna willapäcuptin, Israel runacunapis, jäpa runacunapis Jesúspa shiminta éhasquicuran. ²Waquin Israel runacunam ichanga Jesúspa shiminta wasguir, waquin jäpa runacunata shimiyaran irmänucunata chiquipänanpaj. ³Imanuy captinpis, unaylla Iconio marcachu Jesúspa caçhancuna juyapärian. Tayta Jesúsman yupachicur pitasi mana manchacullar willapäcuran: «Tayta Diosninchi llaquipäcuj car, acracushan Jesústa caçhamusha washämänanchipaj» nir. Tanti-yachishannuylla willapäcur, jishyaçhucunata allchacächir, supaycunata jargur, tucuy-jinanpa Tayta Diosninchi munayniyuj cashantapis, llaquipäcuj cashantapis musyachicuycaran.

* 13.47 Isaías 49.6. Griego rimaychu Tayta Diosninchipa shiminta wiyacur alli cawajcunata: «achqui» nin. Achquiwan llapanta ricashanchi-yupay Tayta Diosninchipa maquinchu cawaj runacunata ricar, tantiyacunchi Tayta Diosninchi llaquipäcuj cashanta.»

⁴Iconio marca runacuna quiquin-puralla ticrapanacuran. Waquin runa Jesúspa caéhancunata éhasquicuran; waquinmi ichanga mana. Mana wiyacuj Israelcunapa shiminta wiyacur, mana éhasquicuran. ⁵Mana éhasquicujcuna mayur Israel runacunapis marca-masintin, jäpa mayur runacunapis marca-masintin parlanacuran Pablutawan Bernabíta sajmar ushyananpaj. ⁶Parlanacushanta mayar, jishpicärian. Aywaran Licaonia quinran Derbe marcaman, Listra marcaman, waquin marcacunamanpis. ⁷Chay marcacunaman éhayar, Tayta Diosninchipa shiminta willacur Jesúspita willapäcuran.

**Listra marcachu
Pabluta sajmarshan**

⁸Listra marcachu cumllu runawan tincuran. Yuriyninpita-pacha cumllucar, puriyta mana camäpacuranchu. ⁹Payga Pablo willacushanta wiyaraycaran. Chaura cumlluta ricärir tantiyacuran: «Cay runa allchacayta munar, llapan shungunwan Tayta Diosninchiman yupachicun» nir. Chaymi Pablo niran:

¹⁰«Muguyquicunata chutapacuy. Jatariy.» Niptin, cumllu runa juella jataticurcuran. Allina puriran.

¹¹Chaura Pablo allchacächishanta ricar, quiquincunapa rimayninchu Licaonia runacuna ninacuran: «Yaya taytanchi runa-tucullar watucamashcanchi.» ¹²Manchapacur, Bernabípaj niran: «Caymi yaya taytanchi Zeus.» Pablupäna willacuj captin, niran: «Caymi yaya taytanchi Hermes.»

¹³Listra marca yaucunachu caycaran yaya tayta Zeuspa capillan. Chay capillaču aruj cüra marca-masintin

Jesúspa caéhancunata cuyachicuy-nincunata jarayta munar, waytan wallgash türucunata apamuran.

¹⁴Chaura: «Yaya tayta» nir jarayta munaptin, Pabluwan Bernabé juyupa mancharicäcuran. Müdanantapis račir ushyarir, runacunapa échapinpa ushtucuycur wiyacächiypa llapan runata niran:

¹⁵«Taytacuna, yaya taytayquiman ama tincuchimaychu. Nuwacunapis runa-masillayquim caycä. Rasunpacaj Tayta Diosninchica chamasha shiminta willapänäpaj. Payga cawan. Camasha janaj pachatapis, cay pachatapis, yacucunatapis, llapan imacunatapis. Chaymi manacaj jircacunaman ama manchapacunquimanchu. Manchäga quiquin Tayta Diosninchita manchapacunquiman. Paylla munayniyuj. ¹⁶Unayga quiquin yarpashannuylla runacuna cawaran. Imanuy cawaptinpis, Tayta Diosninchica mana mičharanchu. ¹⁷Jamcunapis chaynuy cawaptiquisi, Tayta Diosninchica llaquipäshurayqui. Llaquipäcuj car, tamyachimun micuyni quicuna sumaj wačhananpäpis, sumaj wayunanpäpis. Yanapaycäshunqui cushi-cushilla cawanayquipaj.»

¹⁸Runacuna jarayta munaycaptin, Pabluwan Bernabé tucuy-jinanpa tantiyachirraj mičharan.

¹⁹Listra marcachu caycaptin, chiquicuj Israel mayur runacuna éhayaran Pisidia quinran Antioquía marcapita, Iconio marcapita. Paycuna Jesúspa caéhancunata chiquichinan-cashallan runacunata shimiyan. Shimiyaptin, Pabluta sajmar ushyaran. Wañush-jina jitacäcuptin: «Wañuycachirunchi» nir marca wajtanman jančharcur



Hechos 14.8–20

wicapariran. ²⁰Chaypis irmānucuna jutuparaycaptin, cawarcamuran. Jinarcur marcaman Pablo cutiran. Warannin Bernabíwan ishcanin Derbe marcaman aywacuran.

**Antioquía marcaman
Bernabíwan Pablo cuticushan**

²¹Derbe marcachu willapäcuptin, achcaj runa Tayta Jesúspa shiminta chasquicurán. Paycunata sumaj willapariycur, aywashan caminullapa cuticuran Listra marcapa, Iconio marcapa, Antioquía marcacaman. ²²Chay marcacunaman chayay, Tayta Diosninchita mana yamacānanpaj irmānucunata shacyächir niran: «Tantiyacunquiman. Tayta Diosninchipa ñaupanman mana chayashanchicaman runacuna chiquir ushyamāshunpaj.» ²³Cutishan

marcacunaman chayay, jutucaj irmānucunata ricananpaj mayur irmānucunata churaran. Ayūnar Tayta Diosninchita mañacuran: «Taytallau Tayta, mayur irmānucuna aruyninta charcunanpaj yanapaycullay, ari. Paycuna maquiquichūmi cawan» nir.

²⁴Chaypita Pisidia quinranpa aywaycur, ishcanin Panfilia quinranman chayaran. ²⁵Jinarcur Perge marcachu Jesúspa shiminta willapäcuriycur, Atalía marcammanna yarpamuran. ²⁶Willapäcuyta ushyarcu, bütíwan Antioquía marcaman cuticuran. Chay marcapita llaquipäcuj Tayta Diosninchipa maquinman churaycuptin, Pabluwan Bernabé willacuj llucshipäcuran.

²⁷Chaura llucshishan marcaman chayay, jutucaj irmānucunata

jayarcu, willaparan: «Jesúspa shiminta willacupti, sumaj Tayta Diosninchichi yanapämasha. Chaymi jäpa runacunapis shungun shacyäcuptin, Tayta Jesúspa shiminta éhasquicärran. Paycuna Tayta Diosninchichi maquinchu cawarcaycan» nir.
²⁸Llapallanta willapariycur, wiyacuj-masincunawan unaylla juyapärran.

Jerusalén marcachu parlanacushan

15 ¹Chay wichan Judea quinranpita Antioquía marcaman aywarcu, waquin Israel irmänucuna willapäcuyaran: «Jäpa runacuna, Tayta Jesúspa shiminta éhasquicush carsi, Moisésapa shimintaraj éharcunquiman. Jirucunquiman. Chayraj maquinchu Tayta Diosninchichi purichishunquipaj» nir. ²Pabluwan Bernabími ichanga paycunawan sumaj tincupänacuran. Chaymi Antioquía mayur irmänucuna Pablutapis, Bernabítapis, waquin irmänucunatapis Jerusalén marcaman cácharan. Cáchaptin, Jesúspa cáhancunawan, mayur irmänucunawan parlanacuj aywaran.

³Chaura Antioquía marcachu jutucuj irmänucuna cáchaptin, Fenicia uranpa, Samaria uranpa aywacärran. Waquin irmänucunawan tincur, willaparan: «Jäpa runacunapis Tayta Diosninchichi shiminta éhasquicun» nir. Willapaptin, jatunpa cushicärran.

⁴Pabluwan Bernabé Jerusalén marcaman éhayaptin, Jesúspa cáhancunapis, mayur irmänucunapis, jutucuj irmänucunapis cushi-cushilla

éhasquicärran. Chaura Pablo tucuy-jinanpa Tayta Diosninchichi yanapashanta willaparan. ⁵Waquin Tayta Jesúspa shiminta éhasquicuj fariseucunam ichanga niran: «Jäpa runacuna Tayta Jesústa éhasquicupis, Israel ullgucuna-jina jirucuchun. Moisésapa shimintaraj llapanta éharcuchun.»

⁶Chaynuy niptin, Jesúspa cáhancunawan llapan mayur irmänucunaima parlanacärran. ⁷Sumaj apaycáhcunacuptin, Pedro jatarcu niran: «Irmänucuna, jäpa runacunata willapänäpaj Tayta Diosninchichi acracamashanta musyanqui. Acracamasha Jesúspa alli willapanta willapapti, jäpa runacunapis éhasquicunapaj. ⁸Tayta Diosninchichi llapan runapa shungunta musyapan. Chaymi yanagämashanchi-jina jäpa runacunatapis acracushpan Espíritu Santu maquinchu puriycächin. ⁹Jesúspa shiminta éhasquicup-tinchi, Israel runacunatapis, jäpa runacunatapis maquinchu Tayta Diosninchichi purichimanchi. Paypäga llapanchipsis jucnaylla caycanchi. Jäpa runacunapa juchantapis jungashana. Alli ñawinpana rican.

¹⁰Chaymi Tayta Diosninchichi chapata ama rurashunchu. Jesúspa shiminta wiyacuptin, jäpa runacunata ama nishuwanchu: «Moisésapa shimintaraj éharcuy.» Moisésapa shiminta unay auquillunchicuna mana éharcunachu. Nuwanchipsis éharcuyta mana camäpacunchichu.

¹¹Tayta Diosninchichi ichanga llaquipäcuj cashpan washämanchi. Washämänanchi-raycu Tayta Jesús wañuyman éhayashanpita nuwanchitapis, jäpa runacunatapis alli ricamanchi.»

¹²Chaypita Pabluwan Bernabé Tayta Diosninchí imanuy-imanuy yanapashantapis willaran: «Jäpa runacunata willapäcupti, Tayta Diosninchí camacächiyinpa jishyachucunata allchacächishcä. Supaycunatapis jargushcä» nir. Chaynuy niptin, llapan runa wiyarpararan.

¹³Llapanta willaptin, Santia-gupis niran: «Irmänucuna, mä, wiyaycallamay. ¹⁴Simeón Pedro cananraj willapämashcanchi jäpa runacunatapis unaypita-pacha Tayta Diosninchí llaquipaycashanta. Paycunatapis acracusha maquinchu cawananj. ¹⁵Chaynuy cananraj Tayta Diosninchí unay willacujnin-cunapis musyachicur niran:

¹⁶ «Tayta Diosninchí nimanchi:

«Juc junaj cutimushaj.
Mandaj Davidpa marcan
ushyacash captinsi,
mandajnin mana captinsi,
yawar-masillanpita juc
mandajta churashaj.

Maquillanchu marca-
masincunata purichishaj.

Ushyacash marcantapis
quiquin-purallapita yapay
marcayächishaj.

¹⁷Chaynuy camacächipti, llapan
runa ashimanga.

Acracushä jäpa runacunatapis
maquichu purichishaj.

¹⁸Chaynuy cananraj quiquin Tayta
Diosninchí unaypita-pacha
auniran.» *

¹⁹«Irmänucuna, chaymi jäpa
runacunapa umanta alläpa
ama nanächishunchu. Ama
pantacächishunchu. Quiquincuna

yarpashannuylla Tayta Diosnin-chita wiyacunman. Israel runacuna yarpashantapis llapallanta ama charcunmanchu. ²⁰Manchäga Tayta Diosninchíwan alli ricanacunanj cartacushun: «Jircacunata jarashanta ama micunquimancho. Ricashayqui warmitapis ama yatapanquimancho. Ricashayqui runatapis ama chasqui-panquimancho. Maticuyta wänush uywatapis, yawartapis ama micunquimancho» nir. ²¹Chaycunata unaypita-pacha Moiséspa shiminta liguiycur, willapäcuran. Canan wichanpis diyawarda junajcunachu marcan-marcan shuntacäna wasicunachu Moiséspa shiminta willapäcun.»

Jerusalén marcapita cartacushan

²²Chaura chaynuy niptin,
Jesúspa cañancunapis,
mayur irmänucunapis, llapan
jutucay irmänucunapis cushish
chasquicärisha. Pabluwan Bernabé
Antioquía marcaman cutiptin,
aywäshinanpäpis juc-ishcay mayur
irmänucunata acrarán. Acraran
«Barsabás» nishan Judastawan
Silasta.

²³Paycunawan cartata apachiran
Antioquía marcaman, Siria
quinranwan Cilicia quinran marca-
cunaman. Tayta Jesúspa shiminta
chasquicuj jäpa runacunata
cartacuran. Cartaachu niran:
«Irmänucuna, ¿allillachu juyapar-
caycanqui? Jesúspa cañancu-
nawan mayur irmänucunawan-
ima cartacaycämü. ²⁴Waquin
irmänunchicuna umayquita

* 15.16–18 Amós 9.11–12.

nanächinallanpaj cashanta mayashcä. Mana caçhaycämuptisi, sharcamur willapashcashunqui: «Moiséspa shimintaraj çharcur. Janayquitapis jirucuy» nir. ²⁵Chaymi sumaj parlanacuriycur, juc-ishcay irmänunchicunata caçhaycämü. Shaycämün yaçhänacushanchi Bernabíwan Pablo. ²⁶Paycuna wañuytapis mana manchacullar, Taytanchi Jesucristupa shiminta willapäcurcaycan. ²⁷Chaynuypis irmänunchi Judastawan Silasta caçhamushcä. Cartacamushäta shiminwanpis tantiyachishunquipaj.

²⁸«Espíritu Santupis, nuwacunapis chapata mana rurämanchu. Ichanga Espíritu Santu shacyächimaptin, ichicllatapis anyapärishayqui.

²⁹Jircacunaman jarashanta ama micunquimanchu. Uyshata pishtar, yawarninta shutuchinquiman. Ima yawartapis ama micunquimanchu. Ricashayqui warmiwanpis, ricashayqui runawanpis ama cacunquimanchu. Willapashäcunata çharcur, allina cawanquipaj. Chayllata cartacamü.»

³⁰Chaynuypa carta apajcuna Antioquía marcaman aywacuran. Çhayar, llapan irmänucunata shuntaycur, cartata juycuran. ³¹Cartata liguiptin shacyächishanta wiyar, jatunpa cushicäriran. ³²Silaswan Judaspis Tayta Diosninchipa willacujnin car, shiminpawanraj llapan irmänucunata sumaj shacyächiran. ³³Chaypita unayllata carta apajcuna Jerusalén marcaman cuticäriran. Cuticuptin, niran: «Allilla cutiycullay, ari. Jerusalén marcachu irmänunchicunatapis wamayapämanqui, ari.»

³⁴Jucnin cuticuptinsi, Silas mana cuticuranchu.

³⁵Pabluwan Bernabípis mana cuticuranchu. Manchäga waquin irmänucunawan Antioquía marcachu juyar, Tayta Diosninchipa shiminta willapäcuran. Jesúspita tantiyachicuran.

Jesúspita willacunanpaj Pabluta yapay caçhacushan

³⁶Chaypita unayllata Pablo niran: «Bernabé, irmänunchicuna watucuj cutishun. Tayta Diosninchipa willacuyinta willapäcur purishanchi marcacunata watucushun. Mä, çimanuyshi caycan?»

³⁷«Cutishun» niptin, Bernabé niran: ««Marcos» nishan Juantapis pushashun.» ³⁸Pablum ichanga mana munaranchu ñaupata Panfilia quinranpita cuticushanpita, mana purishishanpita. ³⁹Chay janan Pabluwan Bernabé apaycaçhänacur raquicaran. Bernabíwan Marcos ishcanin bütiwan Chipre marcaman aywacuran. ⁴⁰Pablum ichanga purishinanpaj Silasta pushacuran. Chaymi Antioquía irmänucuna imaçhüpis yanapaycunanpaj Tayta Diosninchipa maquinman çhurarán. ⁴¹Chaura Siria quinrançhüpis, Cilicia quinrançhüpis jutucuj irmänucunata shacyaycächir Pabluwan Silas puriran.

Timoteuta Pablo pushashan

16

¹Chaypita Derbe marcaman, Listra marcaman çhayan. Listra marcachu Tayta Jesústa wiyacuj Timoteuwan tincuran. Timoteupa maman Israel warmi caran. Tayta Jesústapis manchapacuj. Papäninmi ichanga griego runa caran. ²Listra

marcachu irmānucunapis, Iconio marcachu irmānucunapis Timoteuta allipa ricaran. ³Griego runapa wamran carmi ichanga, jirucūni caran. Chaymi purishinanta munar Israel-masincuna mana jamurpānanpaj Timoteuta Pablo jirucachiran.

⁴Chaypita Pabluwan-ima marcan-marcan purir, willaparan: «Jerusalén marcachu Jesúsca cachancunawan mayur irmānucuna parlanacushanta wiyacunqueiman» nir. ⁵Chayta wiyar jutucay irmānucuna sumaj shacyācuran. Waquin runacunapis waranmaylla Tayta Jesúsca shiminta chasquicāriran.

Macedonia runata Pablo ricapacushan

⁶Chaypita Asia quinranachu Pablo willapācunanta Espíritu Santu miçhaptin, Frigia quinranpa, Galacia quinranpa aywar, ⁷Misia marcapa mujunninman chayaran. Bitinia marcaman aywayta munaran. Munaptinsi, Tayta Jesús caçhamushan Espíritu Santu miçharan. ⁸Chaymi Misia uranpa yarpuran Tróade marcacaman.

⁹Chay marcachu puñuycaptin, Pabluta Tayta Diosninchita ricapacachiran. Macedonia marca runa mañacuycaran: «Yanapaycallamay. Macedonia marcaman shaycallāmuy, ari» nir ¹⁰Ricapacuyninchu shiminta willacunāpaj Tayta Diosninchita pushaycāmashanta tantiyacārishcā. Chaymi Macedonia marcaman aywanāpaj juella camaricārirā.

Filipos marcachu Pablo willacushan

¹¹Chaura Tróade marcapita aywacur, Samotracia marcaman

bütiwan chayashcā. Warannin Neápolis marcaman chayashcā.

¹²Chaypita Filipos marcamanna chayashcā. Filipos marca Macedonia quinranpa jatun marcan car, Roma runacunapa marcan caran. Chay marcachu juyapārishcāraj.

¹³Diyawarda junaj captin, Tayta Diosninchita mañacunanpaj Israelcuna jutucānanta yarpur, mayu cantunman aywarā. Warmicunallata jutucashta tarir, Tayta Diosninchita shiminta willaparā.

¹⁴Chaychu juturaycaran mama Lidiapis. Payga Tiatira marcapita caran. Achic-achicyaycay rusillaman tiñish bayitacunata ranticuj. Manchapacuj warmi captin, Tayta Diosninchita shacyāchiran Jesúsca shimin shungunman chayanpaj. Chaymi Pablo willapācushanta cushish chasquicuran. ¹⁵Chaymi llapan yawar-masintin ushyacuran. Jinarcuq nimiran: «Tayta Jesúsca llapan shungüwan wiyacushata musyanqui. Wasiman aywashun. Pachāchishayqui» nir imanaypapis wasinman pushamaran.

Pablutawan Silasta carsilashan

¹⁶Juc junaj Tayta Diosninchita mañacuj aywarcaycashachu supay maquichacushan jipashwan tincurā. Supaypa maquinchu purir, llapanta musyaj. Tucuyta musyapacur, mandajnincunata chay-chica jillayta gānachij.

¹⁷Chay jipash jipata japaraycar puriran: «Paycuna Llapanta Camaj Tayta Diosninchita maquinchu cawan. Tayta Diosninchita jishpichishunayquipaj willacuycan» nir. ¹⁸Chaynuylla waran-waran umāta nanāchiran. Allāpa umāta nanāchiptin, ichiycur,

Pablo piñacuran: «Supay, cay jipashta caçharyi. Jesucristu nishannuylla jarguj» nir. Jarguptin, jipashta supay caçharyicuran.

¹⁹Chaura jipashpa mandaj-nincuna mana gänarannachu. Jillay maquinman mana çhayaptin Pablutawan Silasta charircur, auturdäpa dispächuman aparan. ²⁰Auturdäman çhayarcachir, niran: «Caycuna Israel runa. Marca-masinchicuna ticrapanacunanpaj shimiyaycan. ²¹Yarpashanchita pampaman çhurar, quiquin yarpashanta yaçhacunan-chita munan. Munaptinpis, mana çhasquishunpächu. Roma runa caycar, çimapätaj wiyaycäshunpis?»

²²Niptin, llapan runa Pablutawan Silasta chiquipacarcäiran. Ullgucaycäiran. Chaymi auturdäcunapa shiminta wiyaycur, jalapaçhaycur Pablutawan Silasta sumaj wascaran. ²³Wascayta ushyariycur, carsilman wiçhgaycuran. Carsil täpaj runapa maquinman çhuran: «Sumaj ricanqui. Jishpirunman» nir. ²⁴Chaymi carsil täpaj Pablutawan Silasta sumaj rurimanraj wiçhgaran. Çaquincunatapis jirucunawan amurcachiran.

Carsilpita Silastawan Pabluta jishpichishan

²⁵Pullan-pagasna carsil junta Pabluwan Silas alabansacunata cantaycaran. Tayta Diosninchitapis mañacuraycaran. Llapan wiçhgarajcunapis wiyaycaran. ²⁶Niycaptillan, illajpita pacha sicsicyaran. Pacha sicsicyaptin, carsiltapis cuyurachiran. Llapan puncucunapis quiçhacäcuran. Carsilçu wiçhgarajcunata watarächishan cadinacunapis pascacäcuran.

²⁷Carsil täpaj runa ricchapacurir, llapan puncu quiçharaycajta ricaran. Chaymi wiçhgarajcuna jishpicushanta yarpar, cuchilluwan tucsi-curiyta munaran. ²⁸Wañuchicuyta munaycaptin, Pablo jayacuriran: «Ama tucsi-cuychu. Pipis mana jishpi-shachu» nir.

²⁹Niptin, täpaj-masincunata niran: «Achquita ratachimuy.» Achquita ratachipuvinga, sicsic-yaycar juella aywarcur, Pablupa Silaspa ñaupanman jungurpacycuran. ³⁰Jinarcu, jucläman pusharcu tapuran: «Taytacuna, çimataraj ruräman Tayta Diosninchipa maquinçu cawanäpaj?» nir. ³¹Paycuna niran: «Tayta Jesúsapa shiminta çhasquicuptiqui, Tayta Diosninchipa jishpichishunquipaj. Llapan yawar-masintiqui Tayta Diosninchipa maquinçu cawanquipaj.»

³²Chaynuy nir wasinpa carsil täpaj runata Tayta Diosninchipa shiminta willaparan. ³³Willapaptin, Pablupawan Silaspa janan raçhir ushyash captin, juella jampipuran. Chay chacaylla wasinpa ushyacuranpis. ³⁴Wasinman pusharcu jararan. Tayta Diosninchipa shiminta çhasquicushanpita cushicuywan juc shungulla micupacäiran.

³⁵Pacha wararuptin, auturdäcuna carsilman murucucunata caçharan Pablutawan Silasta caçharyicunapaj. ³⁶Chaura carsil täpaj runa Silastawan Pabluta willaran: «Caçharyicunajpaj auturdäcuna willachimasha. Chaymi mana manchacullar lluchicuy» nir.

³⁷Pablum ichanga çhayaj murucucunata niran: «Nuwacuna Roma runa caycä. Mana tapumällar, llapan runapa ricay ñawinçu

wascar ushyamasha. Wičhgachi-masha. Jinarcu pacayllapa cačhariy-camayta munaycäman, ¿au? Munaptinpi, mana llucshishächu. Wičhgachimashannuylla quiquincunara jurgamächun.»

³⁸Chaynuy niptin, cutircu auturdäcunata willaycuran. Roma runa cashanta mayar, auturdäcuna mancharicäcuran. ³⁹Chaymi Pablutawan Silasta carsilpita jurgurcu, niran: «Taytacuna, mana musyayniwan llutanta rurashcä. Cananga cay marcapita aywacuy, ari.»

⁴⁰Carsilpita llucshirir, mama Lidiapa wasinman chayaran. Llapan irmänucunata shacyächipärir, aywacuran.

Tesalónica marcachu Pabluta ticrapushan

17 ¹Aywacu, Pabluwan Silas Anfípolis marcaman, Apolonia marcaman chayaran. Chaypita Tesalónica marcaman chayaran. Chaychu Israel runacunapa shuntacäna wasin caycaran. ²Yächacash car, shuntacäna wasiman Pablo aywaran. Quimsanin diyawarda junajcunachu Tayta Diosninchipa shiminta tantiyachicuran: ³«Washäcu wañunanraj, cawarimunaranraj caran» nir. Chaycunata sumaj tantiyachicur niran: «Jesúsmi Tayta Diosninchi cačhamushan Washäcu caycan. Paypita willapashcay.»

⁴Sumaj willapaptin, waquin Israel runacuna Jesúspa shiminta chasquicuran. Pabluwanpis, Silaswanpis jutucaran. Paycunawan waquin mama-warmicunapis, achcay jäpa runacunapis jutucaran.

Jäpa runacuna Tayta Diosnin-chita manchapacuj. ⁵Jesúspa shiminta mana chasquicuj mayur Israel runacunam ichanga chiquicuywan juyupa ullgucaycärran. Chaymi jilla runacunatawan chiqui runacunata mincacuran: «Llapan runata shimiyay Pablupawan Silaspa cunchan jatarinanpaj» nir. Mincacushan runacuna Jasónpa wasinman chayapuran. Pablutawan Silasta chariyta munaran ullgush caycay runacunapa maquinman churananpaj. ⁶Chaura pacha-rashanchu mana tarir, wasiyuj Jasóntawan waquin irmänucunallata jancharcu-jancharcu auturdäcunaman aparar. Chayaycächir, japariypa niran: «Cay runacuna marcan-marcan runacuna ticrapanacachiylächu aruyan. Marcanchimanpis chayamushana. ⁷Jucshi mandamajninchi. Jesús nishanshi mandamajninchi» nircaycan. Roma mandamajninchipa shimintapis pampaman churar-caycan. Chay ticrapanacachicujta cay Jasónraj pachächishapis.»

⁸Chaynuy niptin, mandajnintin llapan runa ticrapanacuran. Ullgucarcärran. ⁹Chaymi jillayta jutupaycuptinraj, irmänucunatapis, Jasóntapis, auturdäcuna cačhariran.

Berea marcachu Silaswan Pablo willapacushan

¹⁰Chaura chacarcuptillan, Berea marcaman irmänucuna Pablutawan Silasta cačharcuran. Berea marcaman chayar, Israelcunapa shuntacäna wasinman aywaran.

¹¹Tesalónica runacuna juyu captinsi, Berea runacuna alli shungu caran. Pablo willapacushantapis cushish

wiyaran. Ichanga waran-waran Tayta Diosninchipa shiminta liguiran tincuchinanpaj. Willapashan rasunpa cashantapis, mana rasunpa cashantapis sumaj tincuchiran. ¹²Chay marcachu Israel runacunapis achcajmi Tayta Diosninchipa shiminta chasquicärriran. Jäpa mama-warmicunapis, jäpa mayur runacunapis chasquicurän.

¹³Chaura Berea marcachu Pablo willacushanta mayar, Tesalónica marcapita mayur Israel runacuna aywapuran. Chayar, runacunata shimiyan Pabluta ticrapunanpaj. ¹⁴⁻¹⁵Chaymi irmänucuna Pabluta jishpirachiran lamarpa cantullanpa aywacunanpaj. Yanagajnincunapis Atenas marcacaman aywäshiran. Berea marcachümi ichanga Silaswan Timoteo juyapärriran. Chaymi Atenas marcapita cutircamur, Pablupa yanagajnincuna niran: «Silas, Timoteo, jucllash Atenas marcaman aywanqui.»

Atenas marcachu Pablo willapäcushan

¹⁶Atenas marcachu Silastawan Timoteuta shuyar, Pablo ricapacur puriyaran. Jircapa jaracunanta achcata ricar, juyupa llaquicurän. ¹⁷Chaymi shuntacäna wasichu Israelcunawanpis, Tayta Diosninchita manchapacuj jäpa runacunawanpis tapunacuj. Läsaähüpis waran-waran tincushan runata tantiyachij.

¹⁸«Epicüreos» nishan yaähajcunawanpis, «Estoicos» nishan yaähajcunawanpis tapunacuj. Chaura Tayta Jesúspita Pablo willapäcuptin, wañushcuna cawarinanta willapäcuptin, apaycähänacuran: «¿Imataraj cay runa rimacunsi?»

nir. Waquinnam ichanga niran: «Mana ricsish jircacunapitaachi willacucuycan.»

¹⁹Chaura «Areópago» nishan pachaachu sisyunman pusharcur, tapuran: «¿Ima willapatataj puriyächinqui, unaypita-pachachu, jipatarächu? ²⁰Rimashayquita imaypis mana wiyarüchu. ¿Tantiyachimanquimanchu?» nir. ²¹Chay Atenas marcachu jinan runapis, jäpa runacunapis jipa willapäcunata ashillar cawaj.

²²Chaymi Areópago sisyunchu llapanta tantiyachir Pablo niran: «Atenas taytacuna, mä, sumaj wiyaycallämay. Jamcuna jircacunata sumaj manchapacunqui. ²³Marcayquipa purir, jircapa jaracunantapis, capillancunatapis ricapashcä. Juctapis tarishcä. «Mana ricsishanchi Taytanchipa capillan» nir isquirbiraycan. Chaura pi cashantapis mana musyaycarsi, manchapacuycanqui. Cananga paypita willapäcuycä. ²⁴Cay pachatapis, llapan imacunatapis Tayta Diosninchipa camaran. Paypa maquinchümi janaj pachapis, cay pachapis caycan. Chaymi runa rurashan wasita mana wasichacunchu. ²⁵Runacuna yanapänanpaj imacunapis mana pishinchu. Quiquinmi cawachimajninchi. Paypita cawanchi. Alli cawananchipaj llapanta tarichimanchi.

²⁶«Tayta Diosninchipa juc runallapita chay-tucuychu marcayächisha. Maychu yurinanchipäpis, imaycaman cawananchipäpis camacächin. ²⁷Llapantapis camacächiran yarpaähacurir-yarpaähacurir pi cashantapis musyananchipaj. Yatayllapa ashishanjina tantiyacuyta munar, rasunpa

Tayta Diosninchichi cashanta tanti-yacushun. Payga ricaycāmanchi.
²⁸Yurinanchipāpis, arunanchipāpis, cawananchipāpis, paymi camacāchin. Chaychi unay willapa rimajniquicunapis niran: «Chay tayta-llapita caycanchi.»
²⁹Rasunpa Tayta Diosninchichi wamran caycar, runa rurashancunata ama taytachacu-shunchu. Runacuna yarpačhacurir-yarpačhacurir jircapa wasintapis tucuy-nirajta ruran jurillapita, jillay-llapita, rumillapita.

³⁰«Ñaupata runacuna mana musyay-ninwan juchata ruraptinpi, Tayta Diosninchichi mana rimacuranchu. Cananmi ichanga may-chaychūpis runacuna jucha aparicushanpita wanacunanta, shiminta wiyacunanta munaycan.»
³¹Juc junaj llapan runapa juchanta Tayta Diosninchichi jurgapanga. Juchanchita jurgapāmānanchipaj shuyninpa Jesústa acracusha. Acracushanta musyananchipaj wañushanpita cawarachimusha.»

³²«Wañushanpita cawarachimusha» niptin, waquin runa asipar ushyaran. Waquinna juc junaj wiyananpaj jitapuran.
³³⁻³⁴Waquin runacunam ichanga Pablo willapācuptin, Tayta Jesúspa shiminta chasquicuran. Chaura Pablo sisyunpita llucshicuptin, aywāshiran yačhaj Dionisiupis, mama Damarispis, waquin irmānucunapis. Dionisiuga «Areópago» nishan pachaču llapan runata tantiyachij.

Corinto marcaču Pablo willapācushan

18 ¹Chaura Atenas marcapita aywacur, Corinto marcaman Pablo chayaran. ²Israel-masin

Aquilawan tincuran. Aquilapa warmin caran Priscila. Aquilaga Ponto marcapita caran. Chaypis mandaj Claudio llapan Israel runacunata Italia quinran Roma marcapita jarguchiptin, aywacuran. Chayraj Corinto marcaman chayash caran. ³Aquila purichina jiru čaqui wasi tulduta jiraj. Pablupis wasi tulduta jiraptin, iwal juyar Aquilawan yanapānacuran.
⁴Diyawardacunačhūna Israelcunapa shuntacāna wasinman aywaycur, Tayta Jesúspa shiminta Pablo sumaj tantiyachiran. Israel runacunatapis, jāpa runacunatapis aunichiya munaran.

⁵Macedonia marcapita Silaswan Timoteo chayamuptin ima ruray-nintapis cačhariyurna, Israel runacunata Pablo willaparan: «Jesúsga Tayta Diosninchichi acracushan Washācujninchichi» nir.
⁶Willapaptinpi Israel runacuna wiyacuyta mana munar, Pabluta ashllir ushyaran. Ashllir ushyaptin, müdananta tapsir ushyashpan piñacuran. «Cananga quiquiquicunapita ñacaymanpis čayan-quipaj. Imaman chayaptiquipis, ama jitapamanquichu. Cananpita jāpa runacunata Tayta Diosninchichi shiminta willapāshaj» nir aywacuran.

⁷Shuntacāna wasipita aywacur, Pablo chayaran Tito Justupa wasinman. Payga Tayta Diosninchichi manchapacuj runa caran. Wasinpi shuntacāna wasi wajtallanču caran. ⁸Chay shuntacāna wasipa mayur runa Crispupis wasinpa Tayta Jesúspa shiminta chasquicāriran. Waquin Corinto runacunapis Pabluta wiyar, Tayta Jesúspa shiminta

chasquicäriran. Payman yupachicur, ushyacäriran.

⁹Juc chacay ricapacuyñillanču Pabluta Tayta Jesús niran: «Pablo, imatapis ama manchacuychu. Shimiquita ama amucurcuychu. Shimita willapäcamuy. ¹⁰Maquiču puriptiqui, pipis mana imanäshunquipächu. Cay marcaču acracushä runacuna achcajmi.» ¹¹Chaymi wata pullanninraj Corinto marcaču Pablo juyapäriran Tayta Diosninchipa shiminta tantiyachicur.

¹²Mandaj Galiónpa maquinču Acaya marcacuna caycashan wichan Israel runacuna Pabluta ticrapacurcuran. Charircur, Galiónpa dispächunman aparän: ¹³«Cay runa: «Tayta Diosninchita alliman çhurashun» nirpis, mandajninchipa shiminta pampaman çhuraican» nir.

¹⁴Chaura Pablo chapacunanpaj caycaptin, Mandaj Galión niran: «Israel runacuna, cay runa llutanta rurash captin, wañuchicush-ima captin, shimiquita wiyäman.

¹⁵Ninshi-ninshi-jananmi ichanga, Moiséspa shimin-janan

piñanacushayqui-jananmi ichanga, wiyaytapis mana munächu. Quiqui-quicunalla ushyacächinquiman.»

¹⁶Chaynuy nir dispächunpita llapanta jarguriran. ¹⁷Jarguriptin, dispächu puncullaču Sóstenesta magapäcuran. Payga shuntacäna wasiçu mayur runa caran. Chaypis mandaj Galión mana imasi jucuranchu.

Antioquía marcaman Pablo cutishan

¹⁸Corinto marcaču unaylla Pablo juyapäriran. Chaypita llapan irmänucunata wamayaycur, Cencreas marcaman aywacuran. Cencreas marca lamar cantullanču caran. Aquilapis warmin Priscilawan aywäshiran. Siria quinranman mana llucshillar, Cencreas marcallaču Pablo ajchanta rutucuran: «Tayta Diosninchiwan parlanacushäta çharcushcäna. Payga sumaj washämasha» nir. Chaynuy nir bütiman jigarcu, aywacäriran. ¹⁹Éfeso marcaman çhayar, warmintinta Aquilata jaguiycuran.



Hechos 18.18–22

Chay marcachu shuntacäna wasichu Israel runacunawan Pablo tapunacuran. ²⁰Israel runacuna Pablo unaylla juyapärinanta munaran. ²¹Munaptinsi, Pablo niran: «Juyayta mana camäpacüchu. Tayta Diosninchichi camacächiptinmi ichanga, imayllapis cutimushaj.» Chaynuy nir Éfeso marcapita bütiwan aywacuran. ²²Cesarea marcaman éhayar, Jerusalén marcaman aywaran jutucay irmänucunata wamayaj. Jinarcur Antioquía marcaman cuticuran.

**Jesúspita willacunanpaj
Pabluta yapay cáchacushan**

²³Antioquía marcachu unaylla juyapäriran. Chaypita unay éhayashan marcacunaman yapay watucuj Pablo cutiran. Galacia quinranmanpis, Frigia quinranmanpis cutiran. Marcan-marcen purir, llapan irmänucunata sumaj shacyächiran.

²⁴Chay wichan Alejandría marcapita Éfeso marcaman Apolo jutiyuj runa éhayaran. Payga Israel runa caran. Rimaytapis sumaj yačhaj. Tayta Diosninchichi shimintapis sumaj tantiyaj. ²⁵Tayta Jesúspita sumaj yačhacuran. Chaymi llapan shungunwan Jesús pï cashan-tapis tantiyachicuran. Ichanga Ushyachicuj Juanpa shimillantaraj Apolo musyaran.

²⁶Juc cuti shuntacäna wasichu Apolo llapan shungunwan willapäcuyecuran. Chayta wiyar, Aquila warmintin shuyninpa wasinman pusharan. Aquilapa warmin caran Priscila. Jinarcur mana musyashancunata sumaj tantiyachiran. Tayta Diosninchichi

maquinchu imanuy-imanuy cawananpäpis willaparan. ²⁷Chaypita Acaya quinranman Apolo aywacuyta munaptin, irmänucuna shacyächiran. Acaya quinranchu irmänucunamanpis cartacuran: «Apolo Tayta Diosninchichi shiminta sumaj tantiyachicun. Llapan shunguyquiwan éhasquicäriy, ari» nir. Allipaj chay marcaman Apolo éhayaran. Tayta Diosninchichi yanapaptin, irmänucunata sumaj shacyächiran. ²⁸Israel-masincunam ichanga tincuparan: «Jesús mana Washäcujninchichu» nir. Chaypis llapanpa ricay ñawinchu Tayta Diosninchichi shiminta liguipar, Apolo tantiyachiran: «Jesúsga rasunpa Washäcujninchichi» nir.

**Éfeso marcachu Pablo
willacushan**

19 ¹Chaura Corinto marcachu irmänu Apolo juyashan wichan Pablo puntan-puntan quinranpa aywar, Éfeso marcaman éhayaran. Irmänucunawan tincur, tapuran: ²«Tayta Jesúspa shiminta éhasquicuptiqui, ¿Espíritu Santu charicircushcashunquichu?» nir. Chaura paycuna niran: «Espíritu Santu runacunata charishanta mana imaypis wiyarüchu.» ³Pabluna tapuran: «Chaura, ¿pipa shiminta wiyacushpayquitaj ushyacushcanqui?» nir. Paycuna niran: «Ushyachicuj Juanpa shiminta willapämaptillan, ushyacärishcä.»

⁴Chaura Pablo niran: «Ushyachicuj Juan runacuna juchapita wanacup-tinraj, ushyachiran. Ichanga quiquin Juan niran: «Mana Washäcujchu cä; payga jipätaraj shamunga. Paypa shiminta éhasquicunquiman.»

Chaynuy nir Tayta Jesús shamunanjay rimaycaran.» ⁵Chaura Pablupa shiminta wiyacur, Tayta Jesús nishannuylla ushyacuran.

⁶Jinarcu irmänucunapa umanman maquina churaycur, Tayta Diosninchita Pablo mañacuran. Mañacuptin, Espíritu Santu charicucuran. Charicucuptin, juc casta rimaycunata rimaran. Tayta Diosninchi yarpächishantapis musyachicuran. ⁷Runacunaga chunca ishchaywan-yupay (12) juturpaycaran.

⁸Chaura Éfeso marcachu juyar shuntacäna wasiman aywarcu-aywarcu, quimsa quillantín Pablo tantiyachicuran Tayta Diosninchipa maquinchu cawananjay. Mana manchacullar imanuy-papis aunichiyta munaran.

⁹Tincupäcujcunam ichanga chapata ruray, llapan runata shimi-yan: «Chay mushuj willapawan pantachishunquipaj.» Chaynuy niptin llapan irmänucunata pushacurcu, «Tiranupa» nishan runapa shuntacäna wasinman Pablo witicuran. ¹⁰Ishchay watantin willapäcuptin, Asia quinran llapan Israel runacunapis, jäpa runacunapis Tayta Jesús pa shiminta wiyash caran.

¹¹Tayta Diosninchi camacächinyinpa Pablo jishyachucunata allchacächiran. Supaycunatapis jarguran. ¹²Chaymi Pablupa müdananta imallantapis apacuran jishyachucunata allchacächinanpaj. Chayachiptin, jishyachucuna allchacäcuran. Supaycunapis cächariycuran.

¹³Chay wichan ishcaj-quimsaj Israelcuna supayta jargur puriran. Paycunapis Tayta Jesús nishannuylla

supaycunata jarguyta munar, niran: «Pablo willacushan Tayta Jesús pa jutinwan jargushayqui. Cay runata cächariy» nir.

¹⁴Chayta ruraycaran cüra Escevaspa janchis ullgu wamrancuna. Escevasga Israel runacunapa mayur cüra caran.

¹⁵Juc junajmi ichanga Jesús pa shiminchu jarguyta munaycuptin, supay niran: «Jesústa ricsi. Pablo pi cashantapis musy. Jamcuna, ¿pitaj canqui jargumänayquipaj?»

¹⁶Chaynuy nir supay pucllacushan runa ullgucäcuran. Llapanta charircu, magari ushyaran.

Chaura Escevaspa wamrancuna jalapachalla, yawarlla wasipita jishpicäriran. ¹⁷Éfeso marcachu chaynuy cashanta mayar, Israel runacunapis, jäpa runacunapis llapallan manchariran. Tayta Jesús sumaj munayniyuj cashanta tantiyaycur, alliman churaycäriran.

¹⁸Chaymi waquin irmänucuna jucha aparcushanta mana chapacurachu. Llapan wiyay willacuran.

¹⁹Musyapacujcunapis llapan runapa ricay ñawinchu chapata ruracunan libruncunata rupachiypa ushyaran. Chay libruncunapa chaninta yupaptin, pichga chunca waranga (50,000) junaj runa arushanpa chaninman chayaran.

²⁰Chaynuy pa Tayta Jesús pa shimin chay-tucuychu mayacuran. Munayniyuj cashantapis runacuna sumaj tantiyacuran.

²¹Chaypita Pablo yarpaachacuran: «Macedonia quinranchüpis, Acaya quinranchüpis irmänucunata watucurishaj. Jinarcu Jerusalén marcaman cutishaj. Chaypita Roma marcaman aywayta camashaj» nir.

²²Chaynuy yarpay, willacäshij-masin Timoteutawan Erastuta ñaupachiran Macedonia marcacunaman. Quiquin Pablum ichanga Asia marcacuna allachhura juyapäriran.

Éfeso marcachu Pabluta ticrapushan


²³Chay wichan Jesúsapa shimin-janan Éfeso runacuna apaycachänacur, ullgucaycäiran. ²⁴Ullgucarcäiranpaj jillay tacaj Demetrio juchayuj caran. Payga jillaypita tacaj acapalla Artemisapa capillanta-niraj. Tacapacujcuna jillayta sumaj tariran. ²⁵Juc junaj arüshijnincunatawan llapan tacaj-masincunata shuntaycur, Demetrio niran: «Tacapacushanchi jillay-llawan cawashanchita musyanqui. ²⁶Canan ricay ñawiquichu Pablo willapäcuycan: «Runa rurashan capillaga mana munay-niyujchu» nir. Willapäcushanta cay Éfeso marcanchichüpis, Asia marcacuna chüpis mayna runacuna aunisha. Rurashanchi capillata mana manchapacunnachu. ²⁷Yargayman chayachimashun. Acapalla capilla rurashanchicunata pipis mana rantinganachu. Mamanchi Artemisatapis, capillantapis runacuna mana manchapacunganachu. Payta llapan runa manchapacuj Asia marcanchicuna chüpis, may-chaychüpis.»

²⁸Demetrio chaynuy niptin, tacaj-masincuna juyupa ullgur japarpararan: «Mamanchi Artemisallata alliman churashun. Payga munayniyujmi. Éfeso runacunapa mamanmi» nir. ²⁹Jarpapartin, llapan runa ullgucaycäiran. Tincuyapa-tincucashanchu Aristarcutawan Gayuta charircur, läsan

jancharan. Macedonia marcapita Aristarcuwan Gayo Pabluta yanagämuran.

³⁰Yanaguincunata charishanta mayar, nanachicunapaj Pablupis aywayta munaran. Munaptinpis, purishijnincuna micharan. ³¹Asia marcapa waquin mandajnincunapis Pabluwan yachänacur, imamanpis mana jaticänanpaj willachiran. ³²Chaura läsa chu waquin runa wichaypa-uraypa jarpapartin, marca runacuna imapita tincuyapa-tincushantapis mana tantiyaranchu. ³³Chaymi waquin mayur Israel runacuna Alejandro jutiyuj runata ñaupaman jayaycur, rimachiran. Chaura Alejandro llapan runata tantiyachinanpaj maquinwan upällachiran. ³⁴Alejandro Israel runa cashanta musyar, ishca yura-ima juc shimilla llapan Éfeso runacuna japarpararan: «Mamanchi Artemisallata alliman churallashun. Payga munayniyuj. Éfeso runacunapa maman» nir.

³⁵Chaura Éfeso auturdäcunapa isquirbänun llapanta upällaraycachir, niran: «Marca-masicuna, wiyaycallamay. Marcanchichu Mamanchi Artemisa juyashanta llapan runa musyan. Capillantapis sumaj rican. Mamanchi-niraj janaj pachapita shicwamushantapis musyan. ³⁶Pipis mana wasguipanmanchu. Chaymi manacajllapaga ama tincupänacushunchu. Imata rurananchipäpis sumajrayarpa chachushun. ³⁷Jan chamushayqui runacuna Mamanchi Artemisapa capillanta mana suwashachu. Pampamanpis mana churashachu. ³⁸Demetriuwan tacaj-masincuna piwanpis dimandanacuyta munar,



Hechos 19.21–41

auturdäcunaman aywachun.

Quiquincuna nanachicuchun.

³⁹Manchäga shuyninpa auturdäcunata jayarcachir, imatapis parlanacärichun.

⁴⁰Canan tincuyapa-tincushanchi mana allichu. Mayur mandajnin-chicuna mayar, ticrapanacushanchita yarpanga. Tapumaptinchi, imanuyapa chapacuytapis mana camäpacushunpächu.» ⁴¹Chaynuy piñacuriycur, llapan runata wasinman-caman cutircachiran.

Macedonia quinranpa, Grecia quinranpa Pablo purishan

20 ¹Chaura runacuna tincuyapa-tincushan chawacäcuptin, llapan irmänucunata jayaycachir,

Pablo anyaparan. Jinarcur: «Aywallä» nir Macedonia quinranman aywacuran. ²Aywacur, chayashan marcacunachu Tayta Jesústa wiyacuj irmänucunata sumaj shacyächiran. Chaypita Grecia quinranman chayaran. ³Chay marcachu quimsa quilla juyapäriran. Chaypita Siria quinranman bütiwan aywacunanpaj caycashanchu, mayur Israel runacuna wañuchinanpaj yarpapashanta mayaran. Chaymi chaquillapana Macedonia quinranpa Pablo cuticuran.

⁴Cuticupti, yanagämaran Sópátros, Aristarco, Segundo, Gayo, Timoteo, Trófimo, Tíquico. Sópátrosga Berea marcapita caran. Papäninpa jutin caran Pirro. Aristarcuwan Segundo, Tesalónica marcapita caran. Gayo, Derbe marcapita. Trófiguwan Tíquico, Asia quinranpita caran. ⁵Yanaguicuna Tróade marcaman ñaupacuran. Chayllaachu Pablutawan ishcanita shuyarämaran.

⁶Libadüraynaj tanta micuna fiesta ushyacäcuptinraj, Filipos marcapita bütiwan aywacärirä. * Pichga junajllata yanaguicunata tariparä. Tariparcu, Tróade marcachu juc simäna juyapärirä.

Troas marcachu Pablo willacushan

⁷Chaura dumingu chacay irmänucunawan jutucarä micupacunäpaj, tantata paquipacur mallichinacärinäpaj. * Warannin aywacunan captin, pullan-pagascaman Pablo willapäcuran. ⁸Juturashä wasiga

* **20.6** Israel runacuna Egipto marcapita Tayta Diosninchi jishpichishanta yarpärir: «Ima allish Tayta Diosninchi washämanchi» nir libadüraynaj tantata micuj. * **20.7** Griego rimaychu: «Simäna jallarij junaj» niptin, waquin runa tantiyan sábadu junaj cashanta, waquinna dumingu junaj cashanta. Israel runacunam ichanga sábadu junaj chacanaycaptin, inti jigarpuycaptin: «Juc junaj jallariyanc» nir ricsij.

¹⁰Chaura Pablo yarpuriycur,
müsuta margacurcuran. Irmänucuna-
tapis niran: «Ama llaquicuychu.
Cawaycanmi.» ¹¹Jinarcur altusman
jigarcur, Pablo tantata paquircur-
paquircur mallichimaptin, llapani
micurä. Payga pacha warashancaman
willapäcuran. Chaypita aywacuran.
¹²Waqin irmänucunana cawaycajta
müsuta wasinman pushacuran.
Chaypita lllapan irmänucunapis jatunpa
cushicäriran.

¹³ Jinarcur bütüwan ñauparcur, Aso marcachu Pabluta shuyarparä. Payga yarpashanta éharcur, échaquillapa shamuran. ¹⁴Aso marcachu Pabluwan tincur, bütüwan llapani Mitilene marcaman aywacäriä. ¹⁵Warannin Quíos marca chimpanman échayarä. Chaypita büti ichinan Samos marcaman échayarä. Waranin Trogilón marcachu ichipäri, Mileto marcaman échayarä.

**Éfeso marcachu mayur
irmänucunata Pablo
willapashan**

¹⁷Chaura Mileto marcallapita Éfeso
marcachu mayur irmänucunata

22 «Cananga Espíritu Santu
apamaptin, Jerusalén marcaman
aywaycä. Imaman éhayanätapis
mana musyärächu. 23 Maypa
puriptipis, Espíritu Santu musya-
chiman ñacanalläta, carsilman
éhayanalläta. 24 Ñacanäta musyarpis,
mana llaquicüchu. Wañuyman
éhayarpis, Tayta Jesús nimashanta
éharcunä. Chaymi cawashácaman
Tayta Diosninchi llaquipäcuj
cashanta pi-maytapis willapänä.

²⁵«Marcayquicunapa purir, Tayta Diosninchipa maquinchu cawanay-quipaj willaparä. Cananpitam ichanga mana ricamanquipänachu. ²⁶Llapaniquita willapashcaj. Cananga quiquiquipitana imamanpis chayanquipaj. ²⁷Tayta Diosninchipa yarpashancunata llapanta willapashcaj. Imatapis mana pacashcächu. ²⁸Irmänucuna, quiquiquicunapis wiyacunquiman. Mayur irmänu captiqui, uyshata alli ricashan-jina jutucaj irmänucuna-

tapis ricanquiman. Maquiquichu cawan. Sumaj ricanayquipaj carguy-quiman Espíritu Santu éhurashca-shunqui. Paycunata Tayta Diosninchita wamrachacusha Wawan Jesús wañuyman éhayayninpa.

²⁹«Aywacupti, micucuj liyun-jina pantachicujcuna shamunga irmänucunata ñacachir ushyacächinanpaj. ³⁰Waquin panta-chicujcuna irmänu-masillayquipita jataringa. Maquillanéhu purichinanpaj: «Allita rimä» nir irmänucunata riguichinga. ³¹Chaymi quiquiqui-pura sumaj michinacunqui. Quimsa watantin pagas-junajta wiguipawan willapashäcunata jungarunquiman. Llapaniquita willapashcaj.

³²«Irmänucuna, Tayta Dios-ninchita maquinman éhuraycaj. Paypa shiminta sumaj willapashcaj. Sumaj llaquipäcuj cashpan yanapamäshun shungun munashannuy cawananchipaj. Aunishan irinsata tarichimash-panchi ñaupallanéhu llapan wawan-cunata cawachimäshun.

³³«Nuwa mana pipa jillaynin-tapis, jurintapis, müdanantapis munapashcächu. ³⁴Manchäga quiqui arushcä. Chaymi yanaguicunatapis, quiquitapis mana imapis pishimashachu. Llapantapis musyanqui. ³⁵Nuwa-jina arur, pishi-pacujcunatapis yanapänayquipaj willapashcaj. Quiquin Tayta Jesús-pis tantiyachimashcanchi: «Mañapacur, llaquicunchi. Tarichicurmi ichanga, cushicunchi» nir.»

³⁶Pablo rimayta ushyariycur, irmänucunawan jungurpacaycärir, Tayta Diosninchita mañacuran.

³⁷«Aywallä» niptin, llapan

macallanacurcur-macallanacurcur wagapäcuran. ³⁸«Cananpita mana ricananquipänachu» nishanpita llapan llaquicuran. Llaquicursi, büti caycashan-cajcaman yanagaran.

Jerusalén marcaman

Pablo cutishan

21 ¹Chaura irmänunchicunata: «Aywallä» nir bütiman jigarcur, aywacurä. Cos marcaman éhayarä. Warannin junaj Rodas marcaman éhayarä. Chaypita Pátara marcaman éhayarä. ²Pátara marcapita Fenicia marcaman büti llucshiycajta tarir, jigacarcärirä. ³Siria quinranman aywar, wac chimpanéhu Chipre marcata ricarä. Chaypitaraj Tiro marcaman éhayarä. Chayéhu apashan jipicunata büti jaguiycuran. ⁴Irmänunchicunawan tincurmi ichanga, janéhis junaj juyapärishcä. Paycuna Espíritu Santu musyachiptin, Pabluta miéharan: «Jerusalén marcaman ama aywaychu, ari» nir.

⁵Chaura juyanä junaj éharcuptin, irmänunchicuna warmintin, wamrancunawan marcanpita lamar cantuncaman yanagämaran. Paycunawan jungurpacaycärir, Tayta Diosninchita mañacurä. ⁶Jinarcur: «Aywallä» nir bütiman jigarä. Paycunam ichanga wasinman-caman cuticäriran.

⁷Chaypita Tiro marcapita aywacur, Tolemaida marcaman éhayarä. Chaycamalla yacupa aywarä. Chay marcaéhu irmänunchicunawan wamayänacur, juc junaj juyapärishcä. ⁸Warannin junaj aywacur, yanaguicunawan Cesarea marcaman éhayarä. Chay marcaman éhayar, Jesús-pita willacuj Felipipa

wasin'chu pachacushcä. Paytapis Jerusalén marca'chu jan'chis irmänucunata acrar, acracurunaj micuyta aypucunanpaj. ⁹Felipipa 'chuscuj jipashnincuna Tayta Diosninchipa willacujnin caran. Paycuna Tayta Diosninchipa shungun yarpa-shanta musyachicuj.

¹⁰Ishcay-quimsa junaj juyaycapti, Judea quinranpita 'chayamuran Tayta Diosninchipa willacujnin Agabo.

¹¹Payga Pablupa sinturunninta pascapiriran. Sinturunninwan maquin-'chaquinta watacurcur, niran: «Espiritu Santu nin: 'Sinturunyuj runata caynuy Jerusalén marca'chu mayur Israel runacuna wancunga. Jinarcu, jäpa runacunapa maquinman 'churanga.»

¹²Chayta wiyar, llapan irmänunchicunawan mañacurä: «Pablo, Jerusalén marcaman ama aywaychu, ari» nir.

¹³Pabluna nimiran: «¿Imanirtaj waganqui? Wagaptiqui, shungüpis ishquicäcun. Jerusalén marca'chu wascamaptinsi, 'chasquicushaj. Tayta Jesús-janan wañuchimaptinsi, mana chapacushächu.» ¹⁴Chaura imanaypapis chapayta mana camäpacur: «Tayta Diosninchi camacächishannuy cayculläcun» nir imatapis mana rimaparänachu.

¹⁵Chaypita llapanta sumaj camari-curicur, Jerusalén marcaman aywacärirä. ¹⁶Aywacupti, Cesarea marcapita waquin irmänunchicuna Jerusalén marcaman yanagämaran. 'Chayapti, Chipre runa Nasónpa wasinman pachächimarän. Nasónga unaypita-pacha Tayta Jesústa wiyacuran.

Santiago Pablo watucushan

¹⁷Chaura Jerusalén marcaman 'chayapti, cushi-cushilla

irmänunchicuna 'chasquicamaran.

¹⁸Warannin junaj Santiaguta watucuj Pablo aywaptin, nuwacunapis aywäshirä. Mayur irmänucunatawan tarirä. ¹⁹Paycunata wamayaycur, jäpa runacunapa marcan'chu purishanta, ima-imatapis rurashanta, Tayta Diosninchi ima'chüpis yanapashanta Pablo willaparan. ²⁰Llapallanta willaptin, Tayta Diosninchita alliman 'churaran. Jinarcu niran: «Irmänu Pablo, Israelcuna achcajmi Jesúspa shiminta 'chasquicuyan. Chayta quiquiquipis musyanquina. Chaypis Moisés'pa shiminta 'charcunanchitaraj munaycan. ²¹Jäpa runapa marcancuna'chu tiyaj Israel runacuna sharcamurmi ichanga willacusha: 'Moisés'pa shiminta 'charcunanchitapis, iti ullgu wamran-chicunata jirunanchitapis, auquillunchicunapa shiminta 'charcunanchitapis Pablo mana munanchu» nir. ²²Waquin Israel-masinchicuna llutanta yarpaptin, ¿imanaypataj chapacushun? 'Chayamushayquita mayanga.

²³«Chaymi llapan runapa ricay ñawin'chu alli llucshinayquipaj sumaj yarpa'chacushun. Cay'chu 'chuscuj runacuna Tayta Diosninchi aunishanta 'charcuyan. Ichicllana pishin. ²⁴Aunishanta 'charcushan musyacänanpaj 'chuscunwan ushacamuy. Ajchantapis rutuchiy. Rutushayquipa 'chanintapis 'churanqui. Chaynuy ruraptiqui, Israel-masinchicuna ninga: 'Manacajllapita Pabluta tumpasha. Paypis Moisés'pa shiminta llapanta 'charcuyan. Tayta Diosninchipis alli ñawinwan rican.»

²⁵«Sumaj yarpa'chacurir jäpa irmänucunata mayna cartacushcä:

«Jircacunaman jarashanta ama micunquichu. Uyshata pishtarpis yawarninta shutuchinqui. Yawartapis ama micunquichu. Ricashayqui warmiwan, ricashayqui runawan ama cacunquichu» nir.»

²⁶Chaura warannin junaj Moisés pa shiminta charcur, anir chuscun runawan Pablo ushyacuran: «Tayta Diosninchi allina ricamashun» nir. Jinarcu imay junaj ajchan pa chaninta churananpapis Tayta Diosninchipa wasinman willaj aywaran.

Tayta Diosninchipa wasinchu Pabluta charishan

²⁷Janchis junajta aywaycaptin Tayta Diosninchipa wasinchu Pabluta ricar, Asia quinranpita shamuj waquin Israel runacuna ullgucaycariran. Tincuypa-tincur, Pabluta charicarcariran: ²⁸«Israel-masicuna, yanapaycallamay. Cay runacuna chay-tucuya willapacuyan marcanchita pampaman churananpaj, Moisés pa shimintapis mana charcunanpaj. Tayta Diosninchipa wasintapis pampaman churar, japa runacunata yaucuchisha» nir.

²⁹Paycuna Pabluta ricarunaj Efeso runa Trófiguwan marcachu puriycajta. Chaychi yarparan: «Tayta Diosninchipa wasinmanpis japa runata yaucuchisha» nir.

³⁰Chaymi llapan runa tincuypa-tincuran. Shuntacaycu Pabluta charicarcarir, wajtaman jancharan. Nircu Tayta Diosninchipa wasin puncuntapis wichgaycariran.

³¹Pabluta wañuchinanpaj caycaptin, Roma murucucunapa cumandantita willaran: «Israel runacuna tincuypa-tincurcaycan» nir. ³²Chaura cumandanti capitancunatawan murucucunata shuntariycur, runacunaman juella aywaran. Paycunata ricar, magarcaycashanchu Pabluta cachariycuran.

³³Cachariycurtin, murucucunapa cumandantin Pabluta charicurcuran. Ishcay cadinawanraj watachiran. Jinarcu runacunata tapuran: «¿Pitaj cay runa? ¿Imatataj rurasha?» nir.

³⁴Tapuptin, ima niytapis mana camapacuranchu. Wichaypa-uraypa rimacariran. Chaymi murucucunapa capitannin ima juchanta taripuyta mana camapacur, cuartilman Pabluta apacuran. ³⁵Apaycaptin runacuna magayta munaptin, wintucurcellar cuartilpa patac-patacninta jigachiran. ³⁶Runacuna ullguyllawan japarpaycaran: «Pabluta wañurachiy» nir.

Pablo willapashan

³⁷Chaura cuartilman yaucuchinanpaj caycaptin, murucucunapa cumandantinta Pablo niran: «¿Ichicllatapis parlaparishuwanchu?» Chaynuy niptin, cumandanti niran: «¿Griego rimayta yañanquichuraj?»

³⁸Egipto marcapita canqui, ¿au?

Juc cuti auturdäninchita ticrapur, chuscu waranga (4,000) runacunata shuntaycu purishcanqui, ¿au? Wañuchicunayquipaj chunyaj pachaChu purishcanqui, ¿au?»

³⁹Pabluna niran: «Mana. Israel runa cä. Cilicia quinran jatun Tarso marcachu yurishcä. Cay ullguj marca-masicunata tantiyaycachishaj, ari.»

⁴⁰Chaura cumandanti auniptin cuartilpa patacninChu ichicuycu, llapan runata upällachiran. Jinarcu llapan runa tantiyananpaj hebreo rimayninChu niran:

22 ¹«Taytacuna, Israel marca mayur runacuna, chapacur rimashäta mä, wiyaycallämay.»
²Chaura hebreo shimipa rimajta wiyar, llapan upällacaycäriaran.
³Upällacaycäriptin, Pablo niran: «Nuwapis Israel runa cä. Cilicia quinran jatun Tarso marcachu yurishcä. Cay Jerusalén marcachu wiñashcäpis. Unay auquillunchicuna-jina cawanäpaj yaçhaj-sapa Gamalielpa shiminpita imatapis yaçhacushcä. Juncuna-jina Tayta Diosninchipa shiminta çharcucyä. ⁴Paypa shiminta çharcur, Jesúsapa shiminta çhasquicuj irmänucunata wañuy-caway jaticáchar ushyarä. Warmi ullgutapis watacurcur, carsilman apachirä. ⁵Imata ruranäpäpis mayur cüra, mayur Israel runacuna sisyunchu aunimasha. Paycuna llapanta musyan. Quiquincuna Damasco marcachu Israel mayur-masinchicunapaj urdinta jumaran. Chaywanraj Tayta Jesúsapa shiminta wiyacuptin, pitapis charinä caran. Wascanapäpis Jerusalén marcaman apamunä caran.

⁶«Chaymi Damasco marcaman lasdüsi yaycupaycapti, janaj pachapita achqui illajpita chillap-yamuran. ⁷Chaura pampaman tunicurä. Jitaraycashächu wiyarä: «Saulo, Saulo, ¿imanirtaj chiquimar jaticáhaycämanqui?» nimujta.
⁸Nimuptin, tapurä: «¿Pitaj canqui, Tayta?» nir. Chaura nimuran: «Nazaret marca Jesúsmi cä. Chiquimar jaticáhaycämanqui.»

⁹«Yanaguicunapis achqui chillap-yamujta ricaran. Parlapämashantam ichanga mana wiyaranchu.

¹⁰Nuwana nirä: «¿Imataraj ruräman,

Tayta?» Chaura nimaran: «Jatariy. Damasco marcaman ayway. Chaychu imata ruranayquipäpis willashunquipaj.»

¹¹«Achqui chillapyamashanpita japrayacäcurä. Puriytipis mana camäpacurächu. Chaymi maquilläpita yanaguicuna Damasco marcacaman apamaran. ¹²Chay marcachu Israel runa Ananías juyaran. Moisésapa shiminta wiyacur Tayta Diosninchita manchapacuj captin, jinanächu tiyaj Israel-masincuna alliparicaran. ¹³Lädüman sharcamur, pay nimaran: «Irmänu Saulo, japrayash ñawiqui quichacangana.» Chaymi ñawí quichacäcuptin, Ananíasta ricarä. ¹⁴Pay nimaran: «Manaräsi yuriptillayqui, unay auquillunchicuna manchapacushan Tayta Diosninchita acracushurayqui shungun munashanta ruranayquipäpis, Tayta Jesúsapa ricanayquipäpis, shiminta wiyanayquipäpis. ¹⁵Chaymi ricashayquitapis, wiyashayquitapis chay-tucuychu willapäcunquipaj. ¹⁶Cananga Tayta Jesúsapa shiminta çhasquicuy. Ushyacuy. Tayta Diosninchitapis mañacuy jucha aparicushayquita jungacaycur mana yarparánanpaj.»

¹⁷«Chaypita Jerusalén marcaman cutimur, Tayta Diosninchipa wasinman aywarä. Tayta Diosninchita mañacuycashächu ricapacurä. ¹⁸Ricapacuyñichu Tayta Jesús nimaran: «Jerusalén marcapita juella jishpicuy. Shimita willacuptiquisi, runacuna mana çhasquishunquipächu.» ¹⁹Nuwana nirä: «Tayta, shimiquita çhasquicuj-cunata ñacachishäta, shuntacäna wasicunapita jurgurcur-jurgurcur

carsilman apashäta, magar ushyashäta musyan. ²⁰Willacujniqui Estebanta wañuycachiptinpi, aunirä. Wañuchicujcunapa müdanantapis ricapurä.» ²¹Paymi ichanga nimiran: «Caypita aywacuy. Jäpa runacunata willapäcunayquipaj carupa cáchacushayqui.»»

²²Chaynuy niptin, runacuna ullgucarcäiran. Mana wiyaran-nachu. Manchäga japarparan: «Pabluta juella wañurachishun. Ama cawachishunchu» nir. ²³Chigaypa ullgur müdanancunatapis llush-ticuycaptillan, allpacunatapis aspiicur-aspiicur wicapaycaptillan, ²⁴murucucunapa cumandantin niran: «Carsilman wíchgarcur, Pabluta sumaj wascay. Runacuna ullgünanpaj imallapis achäqui cangam. Juchanta pashtapacunanpaj wascay.»

²⁵Chaura wascananpaj wataraycächiptin, capitanta Pablo tapuran: «Juchayuj cashätapis, mana juchayuj cashätapis mana musyallar Roma runa caycapti, ¿wascamänayqui camacanchu?» nir. ²⁶Niptin, cumandantinta willaran: «Cumandanti, cay runa Roma runash. ¿Canan imataraj runanqui?» nir. ²⁷Chaura cumandanti aywarcu, Pabluta tapuran: «¿Rasunpachu Roma runa canqui? Mä, willamay» nir. Tapuptin niran: «Au. Rasunpa Roma runa cá.» ²⁸Cumandantina niran: «Chay-chica jillaywanraj Roma runa cayman chayashcä.» Pabluna niran: «Nuwam ichanga yuriynipita-pacha Roma runa cá.»

²⁹Chaynuy niptin, Pabluta wascananpaj caycashanchu witicäiran.

Cumandantipis mancharicäcuran: «¿Roma runatarächu cadinawan wancushcanchi?» nir.

Israel runacunapa sisyunninchu Pablo chapacushan

³⁰Warannin junaj cadinawan wataraycächishanchu Pabluta pascaran. Mayur Israel runacuna imapita dimandashantapis sumaj musyayta munar, llapan mayur Israel runacunata, mayur cüracunata cumandanti jayachiran. Chayaptin, Pabluta carsilpita jurgurcur, tincuchiran.

23 ¹Chaura Pablo mana chapacullar llapan mayur Israel runata ricärir niran: «Marca-masicuna, canancaman Tayta Diosninchipa ricay ñawinchu alli cawashcä. Chaymi allilla cawaycä.» ²Chaynuy niptin, mayur cüra Ananías Pabluta shimiüchu cutachiran. ³Chaura Pablo shiminta jugarir niran: «Ishcay cära runa, jamtapis Tayta Diosninchi cutashun-quipaj. Moiséspa shiminman tupurraj juchayuj cashäta, mana cashätapis ashipämanquiman. Juchäta tarirraj wascamanquiman. Mayur Israel runa caycar juchäta mana tarillar cutachimarga, quiquiqui juchata aparicuycanqui.» ⁴Chaynuy niptin, runacuna Pabluta ullgüparan: «Tayta Diosninchi acracushan mayur cürata ashllishcanqui» nir. ⁵Pabluna niran: «Taytacuna, mayur cüra cashanta mana musyayniwan rimarcushcä. Tayta Diosninchipa shiminpis nin: «Mayur runata ama ashlliychu.»» *

⁶Chaura Israel mayur runacuna ishca yarpayyuj runacuna caran:

* 23.5 Éxodo 22.28.

fariseucunawan saduceucuna. Chayta musyar, Pablo wiyacächiypa niran: «Israel-masicuna, taytäpita-pacha fariseu runa cä. Chaymi wañushcuna cawarinanta yupachicushäpita mayur Israel runacunapa sisynninman apaycamar dimandarcaycamanqui.»

⁷Wañushcuna cawarinanta rimaptin, fariseucunapa shungun Pabluman tircacurcuran. Chaymi fariseucunawan saduceucuna piñacuyta jallaycäricha. Quiquin-puralla mayur Israel runacuna tircapanacuran. ⁸Saduceucunapa yarpashan fariseucunapa yarpashanwan mana tincuranachu. Saduceucuna yarpan: «Wañushallanchiwan ushyaräcunchi. Anjilpis, almapis mana canchu» nir. Fariseucunana yarpan: «Wañushanchipita cawarimushun. Anjilpis, almapis caycan» nir. ⁹Chaura wichaypa-uraypa jayapänacuycaptin, waquin Moiséspa shiminta yaçhaj fariseucuna niran: «Cay runa juchallicushanta mana tarinchichu. Almacunapis, anjilcunapis cay runata ricaripushachi.»

¹⁰Chaynuy niptinsi, runacunapa ullguynin mana jasacaranachu. Alläpa ullguptin, cumandanti manchariran: «Pabluta wañuchirunman» nir. Chaymi murucunata niran: «Cuartilman jishpichiy.»

¹¹Chay pagas ricapacuyninchu Pabluta Tayta Jesús niran: «Ama imatapis manchacunquichu. Cay marcachu shimita willacushayquinuylla Roma marcaçhüpis willapacunquipaj.»

Pabluta wañuchinanpaj parlanacushan

¹²Chaura warannin junaj waquin Israel runacuna parlanacuran:

«Pabluta mana wañuchishanchicaman micuytasi, yacutasi ama mallishunchu. Shiminchita mana çharcuptinchi, Tayta Diosninchi ñacachimäshun» nir. ¹³Chaynuy parlanacuran çhuscu çhunca-yupay (40) runacuna. ¹⁴Parlanacuriycur, mayur cüracunata, mayur runacunata willaj aywaran. Çhayaycur, niran: «Nuwacuna parlanacushcä: «Pabluta mana wañuchishanchicaman micuytasi, yacutasi ama mallishunchu. Shiminchita mana çharcuptinchi, Tayta Diosninchi ñacachimäshun» nir. ¹⁵Taytacuna, canan cumandantita mañacunqui: «Sumaj tapunäpaj Pabluta caçhamuy. Ima juchan cashantapis sumaj musyayta munä» nillar. Manaräsi çhayamup-tillan, nuwacuna wañuchinäpaj shuyaraycäshaj.»

¹⁶Chaynuy parlanacärishanta Pablupa paninpa wamranpis wiyaran. Wiyar cuartilman aywarcur, willaycuran. ¹⁷Chaura juc capitanta jayarcur, Pablo niran: «Cay müsuta cumandantiman pushay. Shungun musyashanta willamuchun.» ¹⁸Niptin, cumandantiman çhayaycachir, niran: «Wichgaraj Pablo jayarcachimar, cay müsuta pushamunäpaj mañacamasha. Shungun musyashantash willashunqui.»

¹⁹Niptin, yatalla pusharcur, cumandanti tapuran: «¿Imatataj musyaraycanqui?» nir. ²⁰Chaura müsü willaran: «Waqin Israel runacunawan mayur runacuna parlanacärisha. Paycuna mañacushunquipaj: «Sumaj tapunäpaj sisynninman Pabluta caçhapaycallamay, ari» nillar.

²¹Chaynuy nishuptiqui, ama aunin-quichu. Chuscu chunca-yupay (40) runacuna parlanacusha: «Pabluta mana wañuchishanchi-caman micuytasi, yacutasi ama mallishunchu. Shiminchita mana charcuptinchi, Tayta Diosninchi ñacachimäshun» nir. Paycuna caçharcunallayquita shuyarpaycan.»
²²Chaura cumandanti niran: «Shimi-quita pashtapacurunquiman. Upällalla cuticunqui, ari.»

**Mandaj Félixman
Pabluta apachishan**

²³Jinarcu cumandanti ishcaj capitanta jayarcachir niran: «Sumaj chacarcuptin, Cesarea marcaman Pabluta apanayquipaj camaricuy. Camaricuchun ishcaj paçhac (200) murucucuna chaquipa aywananpaj, jançhis chunca (70) cawallun muntash aywananpaj, ishcaj paçhac (200) tucsicunanwan-caman aywananpaj. ²⁴Pablo munta-cunanpäpis cawalluta camariy. Cawaycajta mandaj Félixman chayachinayqui.»

²⁵Pabluta apaj murucucunawan cartatapis apachiran. Cartaçu niran: ²⁶«Tayta Félix, nuwa mayur mincayniqui Claudio Lisias cartacallämü. ¿Allillachu juyapay-canqui? ²⁷Israel runacuna charircur, cay runata wañuchinanpaj caycaran. Chaymi Roma runa cashanta musyar, murucucunawan washashcä. ²⁸Jinarcu imapitasi tincupänacushanta musyayta munar, mayur Israel runacuna sisuyunta rurashanman aparä. ²⁹Chayçu quiquincunapa yarpashan-janallan tincupänacushanta tantiyacurä. Wañuchicänanpäpis, carsilçu

wiçgaränanpäpis achäqui mana caranchu. ³⁰Canan mayur Israel runacuna wañurachinanpaj parlanacushan rinriman chayamuptin, apaycächimü. Chiquij runacuna natapis ñaupayquiçu juchanta jurgapänanpaj nishcä.»

³¹Chaura murucucuna capitantin wiyacur, chay chacaylla Antípatris marcaman Pabluta chayachiran. ³²Warannin junaj chaquipa aywaj murucucuna cuartilninman cuticärran. Cawalluwan aywajcunalla Cesarea marcaman chayachiran. ³³Cesarea marcaman chayay, cartatapis, Pablutapis mandaj Félixpa maquinman churaran. ³⁴Chaura cartata liguircur, maypita cashantapis Pabluta tapuran. Cilicia marca runa cashanta willaptin, niran: ³⁵«Chiquishujniqui runacuna chayamuptinraj, shimiquita wiyashaj.» Chaynuy nir wañucuj mandaj Herodespa wasillançu Pabluta täpachiran.

**Mandaj Félixpa ñaupanchu
Pablo chapacushan**

24 ¹Chaypita pichga junajta mayur cüra Ananíaswan waquin mayur Israel runacunapis, yaçhaj Tértuluta pushacurcur, Cesarea marcaman aywaran. Mandaj Félixman chayaran Pabluta ñauquinanpaj. ²Mandaj Félixna Pabluta jayachiran. Dispächunman chayachiptin, yaçhaj Tértulo niran: «Mandaj Félix, ima allish allilla juyächimanqui. Tantiyay-sapa cayni-quipa marcäcuna alli cawananpaj imatapis rurashcanqui.

³«Tayta Félix, allilla cawachimashayquipita chay-tucuyçu alli

cawapäcurcaycä. Jatunpa cushicullä.
⁴Alli shungu captiquipis, alläpa mana jamarächicümanchu. Chaymi juc-ishcayllatasi wiyaycallamay, ari.
⁵Cay runash aypäcuj jishya-yupay chay-tucuychu Israel runacunata ticrapanacaycächin. Payga Nazaret marca Jesústa éhasquicuj-cunapa mayur runash. ⁶Jerusalén marcachüpis Tayta Diosninchipa wasintash pampaman éhurasha. Chaymi nuwacuna risu charirä. Quiquicuna yarpashänuylla llapan-tapis ushyacächiyta munarä. *
⁷Ichanga ushyacächinäpaj charir-paycapti, cumandanti Claudio Lisias jaticämusha. Jíchuramasha.
⁸Jinarcu ñaupayquichu ñauquinäpaj cáchamasha. Tayta Félix, quiquiquisi sumaj tapurga, rimashänuyllam juchanta taripanquipaj.»
⁹Tértulo rimashallanta waquin Israel runacunapis rimarcäiran: «Rasunpam» nir.
¹⁰Chaura: «Shimiquita wiyashun, Pablo» nir mandaj Félix rimachiran. Rimachiptin, Pablo niran: «Tayta, ima allish rimachicamanqui. Unaypita-pacha marcäcunata alli ricanqui. Chaynuypa manacajta jitapämashanpita chapacushaj.
¹¹Chayraj échunca ishcaýwan (12) junaj Jerusalén marcaman Tayta Diosninchita alliman éhuraj aywashäpis. Shimi rasunpa cashanta musyanayquipaj, pitapis tapunquiman. ¹²Mana piwanpis piñanacuycajtachu, pitapis piñanacaycächijtachu tarimasha. Tayta Diosninchipa wasinchüsi, shuntacäna wasichüsi, jinan

marcachüsi mana pitapis ticrapanacachishcächu. ¹³Manchäga cay runacuna tumpaycäman. Rasunpa juchallicush capti, jajllächu mä, nimächun.

¹⁴«Jesúspa shiminta éhasquicushäpita: «Pantacash» nimaptinsi, Tayta Diosninchipa maquinchu cawaycä. Payllata manchapacü. Moiséspa shimin nishannuylla, unay willacujcunapa shimin nishannuylla, auquillunchicuna cawashannuylla cawaycä. * ¹⁵Israel-masicuna wañushcunata Tayta Diosninchicawarachinanta yupachicushanjina nuwapis yupachicü. Payga shiminta wiyacujcunatapis, mana wiyacujcunatapis cawarachinga. ¹⁶Chaymi jucha aparicuyta mana munächu Tayta Diosninchipa ricay ñawinchüpis, runa-masicunapa ricay ñawinchüpis.

¹⁷«Unayga achca juclällachu juyar, pishipacujcunata yanapänäpaj cuyachicunñicunatapis Tayta Diosninchipaj apar, Jerusalén marcäman cutirä. ¹⁸⁻¹⁹Chaypita Tayta Diosninchipa wasinman ushyacuj aywarä. Ushyaurä Tayta Diosninchita alli ricamänapaj. Jinarcu ruriman yaycurä. Juc-ishcaj runallawan Asia quinranpita shamuj Israel-masicuna tarimasha. Piwanpis mana piñanacuycarächu. Paycunaraj shamunman ñauquimänapaj. Llutanta ruraycajta tarimash carga, juchäta jurgapämänapaj shamuchun. ²⁰Manchäga cay runacuna jajllächu nimächun. Jerusalén marcachu mayur Israel runacunapa sisynninchu ñauqui-

* **24.6** Waquin unay Bibliachu 24.6c-8a nishan mana taricanchu. * **24.14** Hechos 9.2-ta ricanquiman.

marpis, mana ima juchätapis tarishachu. ²¹Nuwapa juchä shimïta jugarishallä. Shimïta jugarir, nirä: «Wañushcuna cawari-nanta yupachicü.» Chaypita ñauquircaycämanqui.»

²²Chaynuy niptin, Tayta Jesúspita rimashanta sumaj musyar, juc junajpaj mandaj Félix jitaparan: «Cumandanti Lisias shamup-tinraj, imapita ñauquinacushay-quitapis sumaj tapucushayqui» nir. ²³Jinarcu mandaj Félix täpaj murucunta niran: «Pabluta ama wíchgaychu. Manchäga täpaylla sumaj täpay. Ricsinacushancuna watucunantapis, imata apapämunan-tapis ama miçhanquichu.»

²⁴Warannincuna warmin Drusi-lawan ishcanin mandaj Félix çhayamuran. Warmin Drusila Israel warmi caran. Ishcanin Pabluta jayar-cachir, rimashanta wiyapararan: «Washäcuj Jesústa wiyacushun» nir willapaptin. ²⁵Pablo willaparan: «Llapan runa allillata ruranman. Shungun munapashallanta ama ruranmanchu. Cay pacha ushycaptin, Tayta Diosninchí llapan runapa juchanta jurgapanga» nir. Chayta willapaptin, mancharicäcur Félix niran: «Chayllapäna. Jäcur, yapay jayachishayqui.» ²⁶Chaynuypa parlaj tumpaylla achca cutipa Pabluta jayachiran: «Caçhariycunäpaj jillayta jutupämanga» nir.

²⁷Jillayta mana jutupaptin, Pabluta mana caçhariranchu. Chaypita ishca watata cargunpita mandaj Félix llucshicur. Porcio Festuna cargunta çhasquiran. Mandaj Félix mayur Israel runacunawan alli ricanacuyta munar, Pabluta wíchgabaycajllata jaguycuran.

Mandaj Festupa ñaupanchu Pablo chapacushan

25 ¹Chaura cargunta çhasquircu, Cesarea marcaman mandaj Porcio Festo çhayaran. Quimsa junajta Jerusalén marcaman aywaran. ²Çhayaptin, mayur cüracunapis, mayur Israel runacunapis Pablupita willaparan. ³Yaparir-yaparir mañacuran: «Tayta Festo, Israel runacunata llaquipar, Pabluta apachimuy, ari» nir. Rasunpa apachiptin caminuçhüshi shuyaycu, wañurachinan caran. ⁴Chaura mandaj Festo niran: «Cesarea marcaçu murucunawan Pabluta sumaj täpaycächí. Waracunallana aywashaj. ⁵Mayganiquipis jäcuptiqui, Cesarea marcaman aywashun. Chay runa llutanta rurash captinga, ñaupächu ñauquinquiman.»

⁶Pusaj junajlla-yupay Jerusalén marcaçu juyapärir, Cesarea marcaman Mandaj Festo cuticuran. Warannin dispächunman Pabluta jayachiran. ⁷Pabluta çhayachipu, Jerusalén marcapita aywaj mayur Israel runacuna tucuyta jitaparan. Ichanga juchanta mana taripuran. ⁸Chaymi chapacur Pablo niran: «Imaçuypis mana juchallí-cushcächu. Moiséspa shimintapis llapanta wiyacushcä. Tayta Diosninchípa wasintapis mana pampamanchu çhurashcä. Roma marcaçu mandaj Césarpa shimintapis çharcushcä.»

⁹Chaynuy niptin, mayur Israel runacunawan alli ricanacuyta munar, mandaj Festo Pabluta tapuran: «¿Jerusalén marcapa aywashuwanchu? Llapan

jitapāshushayquipita quiqui
ashipushayqui» nir. ¹⁰Pabluna
niran: «Pi-maypa dimandun-
tapis ushyacāchinayquipaj Roma
marcachu mandajninchí César
churashcashunqui. Chaymi
cay dispāchullachu imapitasi
ushyacāchinquiman. Musyashayqui-
nuypis Israelcuna chiquipāmānanpaj
mana ima achāquillatapis
rurashcāchu. ¹¹Juchallicush
caycar wañuchimaptin, mana
chapacūmanchu. Mana imatapis
rurash caycaptimi ichanga, Israel
runacunapa maquinman pipis
mana churamanmanchu. Mandaj
Césarman apachimay.»

¹²Chaura tantiyachijnincunawan
parlanacuriycur, mandaj Festo
niran: «Pablo, mandaj Césarpa
maquinman chayayta munaptiqui,
Roma marcaman apachishayqui.
Payraj shimiquita wiyanman.»

¹³Chaypita mana aycāllatana
mandaj Festo cargunta chasqui-
shanpita Cesarea marcaman
warmin Bereniciwan mandaj
Agripa ishcanin wamayaj aywaran.
¹⁴Achca junaj juyapacaptin Pabluta
täpaycāchishanta willar, mandaj
Festo niran: «Tayta Agripa, mandaj
Félix cargunpita llucshicur, juc
rīsu runata mana cachariranchu.

¹⁵Chaymi Jerusalén marcaman
aywapti, mayur cūracunawan
mayur Israel runacuna maquicha-
camayta camar mañacamasha.
Juclla munasha: «Chay runa rasunpa
wañunman juchanpita» nināta.

¹⁶Munaptinsi, nirā: «Roma runacuna
mana sumaj tapucachállar, pitasi
mana wañuchinchu. Chiquina-
cushanwan ñauquinacunantaraj
shuyan.» ¹⁷Chaymi Israel runacu-

nawan shamur, warannin junajlla
chay runata dispāchūman jayachirā.

¹⁸Rasunpa juchan cashanta
yarpashcā. Ñauquijcunam ichanga
yarpashānuychu mana ñauquisha.

¹⁹Manchāga cawashan-janan,
wañush Jesús-janan tincupānacuran.

«Wañush» niptinsi, Pablo: «Jesús
cawaycan» nin. ²⁰Ima ruraytapis
mana camāpacur, tapushcā:
«¿Juchayquita sumaj ashināpaj
Jerusalén marcaman aywashunchu?»

nir. ²¹Chay Pablum ichanga
mana munashachu. Manchāga
mañacamasha: «Roma marcachu
mayur mandajninchí Augusto
Césarraj juchāta ashipamāchun»
nir. Chaymi Roma marcaman
apachinācaman täpaycāchi.»

²²Chaynuy niptin, mandaj Agripa
niran: «Tayta Festo, chay runapa
shiminta nuwapis wiaycūman.»
Festuna niran: «Yā. Wara jayachi-
mushun shiminta wiyananchipaj.»

²³Warannin junaj dispāchuman
mandaj Agripa warmin Bereniciwan
chayaran. Llapam cumandanticu-
napis, jinan marca auturdācunapis
aywāshiran. Achic-achicyaycay
müdanash aywaran. Llapam shunta-
carcuptin, mandaj Festo Pabluta
jayachiran.

²⁴Chayachiptin, mandaj Festo
niran: «Tayta Agripa, llapallay-
quita willashayqui. Israel runacuna
Jerusalén marcachūpis, caychūpis
cay runata wañuchināta munan.
Pabluta wañurachināta munar
ullgurcaycan. ²⁵Sumaj tapucacharmi
ichanga, juchallicushanta mana
taripushcāchu. Roma marcachu
mandajninchí Augusto Césarman
apachināpaj quiquin mañacamaptin,
aunishcā. ²⁶Taytacuna, llapaniqui

yanapaycallamay. Cay runapa juchanta mana tarir, mandaj Césarman imata nir cartacuy-tapis mana camäpacüchu. Tayta Agripa, ¿imata nirtaj cartacüman? Tapüshimay ari, imata nir cartacunäpäpis. ²⁷Jucha aparicu-shanta mana tariycar apachipti, pingaypaj canga, ¿au?»

**Mandaj Agripapa ñaupanchu
Pablo chapacushan**

26 ¹Chaura mandaj Agripa Pabluta niran: «Mä, quiquiqui rimarcuy. Mä, willamay.» Chaynuy niptin, Pablo niran: ²«Tayta Agripa, ima allish wiyamanqui. Israel runacuna tucuyta jitapämashanpita shimiwan chapacushaj. ³Tayta, Israel runacuna yarpashantapis, imapita apaycachänacushantapis sumaj musyanqui. Chaymi mana yamacällar wiyaycallamay, ari.

⁴«Tacsha cashäpita-pacha marcächu juyashätapis, Jerusalén marcachu juyashätapis Israel-masïcuna musyan. ⁵Tacshäpita-pacha fariseucuna yarpashanta çharcushätapis musyan. Fariseucunalla Moiséspa shiminta llapanta sumaj çharcun. Sumaj musyayta munar, maygantapis tapucun-quiman. Munar, rasullanta willashun-quipaj. ⁶Cananga auquillücunata Tayta Diosninchi aunishanman yupachicushäpita auturdäcunaman çhayachimasha. ⁷Tayta Diosninchi aunishan çharcucänanta çhunca ishçaywan castantï llapani shuyarpaycä. Chaymi pagas-junajpis mana yamacällar Tayta Diosninchita alliman çhurarcaycä. Shungun munashantapis llapanta

rurarcaycä. Chaypis, Tayta Agripa, wañushcunata Tayta Diosninchi cawarachinanta mana çhasquir, waquin mayur Israel-masïcuna tumparpaycäman. Tayta Diosninchi aunishanman nuwapis yupachicü. ⁸¿Imanirtaj jamcunapis Tayta Diosninchi wañushcunata cawarachinanta mana çhasquipäcunquichu?

⁹«Ñaupata quiquipis, Nazaret marca Jesústa çhasquicu jirmänucunata juyupa chiquiparä. «Allita ruraycä» nir wañuy-caway chiquipar jaticächar ushyarä. ¹⁰Chaymi mayur cüra aunimaptin, irmänucunata Jerusalén marcachu charircur-charircur carsilachishcä. Wañuchiptinpis, aunirä. ¹¹Jesústa wasguipanan cashpan achca cuti shuntacäna wasiman yaycurir, irmänucunata ñacachir ushyashcä. Chigaypa ullgur juclä marcacuna-manpis aywarcur, Jesústa wiyacuj irmänucunata jaticächar ushyarä.

¹²«Chaynuypa mayur cüracuna aunir urdinta jumaptin, Damasco marcamanpis aywaycarä. ¹³Tayta Agripa, aywaycapti, lasdüsi-ima janaj pachapita chillapyamuran. Chillapyamushanman intipis mana tincurancho. Aywäshimaj-cunata llapanita achicyäramaran. ¹⁴Chaura llapani pampaçu jitaraycashächu hebreo rimaychu jayacamujta wiyarä: «Saulo, Saulo, ¿imanirtaj chiquipämashpayqui jaticäçhaycämanqui? Picayujta jaytar, quiquillayqui nanächicunqui» nir.

¹⁵«Chaura nuwapis tapurishcä: «¿Pitaj canqui, Tayta?» nir. Tapupti, quiquin nimiran: «Tayta Jesúsmi cä. Nuwallata chiquir jaticäçhaycämanqui. ¹⁶Chaypis juclla

jatariy. Cačhä canayquipaj ricari-pushcaj. Chaymi shimïta willacur, canan ricashayquitapis, wara-warantin ricachinajtapis, llapanta willapäcunqui. ¹⁷Israel runacunapa maquinpitapis, jäpa runacunapa maquinpitapis washäshayqui. Paycunaman aywanayquipaj cačhaycaj. ¹⁸Willapäcur tantiyachinqui jucha aparicuypita wanacunanjapaj, mayur supaypa maquinpita Tayta Diosninchipa maquinman ashucunanpaj. Shimïta éhasquicuptin, jucha aparicushantapis Tayta Diosninchin jungaycunga. Chaynuypis acracushan wawancuna maquinchu cawashan-jina paycunapis maquinchu cawanga.»

¹⁹«Tayta Agripa, ricariparcamar Tayta Jesús cačhamashanta mana wasguipashcächu. ²⁰Manchäga Damasco marcačhüpis, Jerusalén marcačhüpis willaparä. Jinarcu Judea quinran runacunata willaparä. Chaypitaraj jäpa runacunata willaparä. Llapanta willaparä: «Tayta Diosninchipa maquinchu cawanquiman. Jucha aparicushayquipita wanacunquiman. Wanacushayqui musyacänapaj runa-masiquita llaquipar yanapanquiman» nir. ²¹Chayllapita Israel runacuna Tayta Diosninchipa wasinchu charircamar, wañurachimayta munasha. ²²Chaypis Tayta Diosninchin yanapämaptin, mayur runacunatapis, pampa runacunatapis Tayta Jesúspita willapaycä. Willapäcushä tincun Moiséspa shiminwanpis, unay willacujcunapa shiminwanpis. Tayta Diosninchipa shiminchüpis nin: ²³«Cačhamushan Washäcuj wañungarämi. Ichanga wañushcunapita payllaraj puntata cawarimunga. Cawarcamur,

Israel runacunatapis, jäpa runacunatapis willapäcunga. Achqui achicyäpamashanchi-jina Tayta Diosninchipa shungun yarpashantapis tantiyachimäshun.»»

²⁴Pablo rimayta mana ushyap-tillan, wiyächipaypa mandaj Festo upällachiran: «Supaychi puellacushcashunqui. Alläpa yačhaptiqui, umayqui tumariycan» nir. ²⁵Pabluna niran: «Mana puellacamashachu. Tayta Festo, umäpis allita yarpaycan. Rasun-cajllata rimaycä. ²⁶Willapäcushäta llapan runa musyan. Mandaj Agripapis musyan. Mana upa-tucunmanchu. Chaymi shimïta mana amucurcümmanchu. ²⁷Tayta Agripa, unay willacujcuna rimashanta éhasquicunqui, ¿au? Éhasquicushayquita musyä.»

²⁸Chaura mandaj Agripa niran: «¿Juc-ishcay shimillayquiwanchu Tayta Jesúspa shiminta juclla éhasquicunäta yarpashcanqui?» ²⁹Pabluna niran: «Juclla éhasquicuptiquisi, wara-warantinraj éhasquicuptiquisi, quiquiquipita. Llapaniqui Tayta Jesústa wiyacunayquita shungü munan. Nuwa-jina cadinawan watash purinayquitam ichanga, mana munächu.»

³⁰Chaura llapan jurpacunapis, mandaj Festupis, mandaj Agripapis, warmin Bereniciwan llucshicuran. ³¹Llucshicucashanchu quiquin-puralla parlanacuran: «Cay runa mana juchallicushachu. Wañuchinanchi mana camacanchu. Wičgarächinallanchisi mana camacanchu» nir. ³²Chaymi mandaj Agripa mandaj-masin Festuta niran: «Cay runata mayna cačhariyucshuwan caran. Ichanga: «Mandaj-ninchin Césarman apachimay» nishallanpita mana cačhariycangarächu.»

**Roma marcaman
Pabluta apachishan**

27 ¹Chaura auturdäcuna Roma marcaman apachimänapaj yarpaçhacuriycur, Pablutawan waquin wiçhgarajcunata capitan Juliupa maquinman çhuraran. Capitan Juliuga mandaj Augustupa murucuncunata maquinçu purichij. * ²2 Chaura A drumeto marcapita bütiman jigashcä. Chay bütü Asia quinran lamar cantuncunaçu ichiycur-ichiycur aywanan caran. Bütüwan aywacupti, Aristarcupis yanagämaran. Payga Macedonia quinran Tesalónica marcapita caran. ³Warannin junaj Sidón marcaman çhayarä. Chayçu capitan Julio alli shungu cashpan irmänucuna Pabluta watucunanta mana miçharanchu. Jaraptinpis, mana miçharanchu. ⁴Sidón marcapita aywacupti, alläpa wayraycaran. Chaymi mana wayra-shallanpa aywar, lamar çhaupinçu Chipre marca cantullanpa aywarä. ⁵Chaypita Cilicia quinran, Panfilia quinran chimpallanpa aywarä. Licia quinrançu Mira marcaman çhayarä. ⁶Mira marcaçu Alejandría marcapita Italia quinran Roma marcaman llucshiycaj bütita capitan Julio tariran. Chay bütimanna jigachimaran.

⁷Chay bütüwan pasinsalla aywar, achca junaj ñacarä. Cnido marca ñaupanman çhayanäpaj sumaj sasa caran. Juyupa wayrämuptyn, lamar çhaupinçu Creta marca cantullanpa aywar, Salmón punta ñaupanman

çhayarä. ⁸Chaypita ñacarpis, «Buenos Puertos» nishan marcaman çhayarä. Chay marca Lasea marca wacallañchu caran.

⁹Chay marcaman çhayanäpaj achca junajraj ñacashcä. Juchapita shujpicuy fiestapis ushyacashana caran. * Tamya quilla jallariptin, bütüwan purijcuna ticraj. Chaymi bütü purichijcunata Pablo niran: ¹⁰«Taytacuna, ama aywashunchu. Chiquipaj aywar, imamanpis çhayashuwan. Bütüpis llapan cargantin-ima challpucanga. Quiquinchicunapis wañuyta-ima tarishuwan.» ¹¹Chaynuy niptinpis, capitan Julio mana wiyaj-tucuranchu. Manchäga bütüyujpa shiminta, bütü purichijpa shiminta wiyacuran. ¹²Chaymi Buenos Puertos marcaçu tamya quilla captin, juyänäpaj mana alli-niraj captin, llapani Creta marcaçu bütü ichiräcunan Fénix marcaman çhayayta munarä. Chay marcaga janamanpis, uramanpis ricacaycan.

**Lamarçu Pabluta chicchinpa
manchachishan**

¹³Chaura urapita wall-wallyayllapa wayrämuptyn: «Fénix marcaman çhayashun» nir bütü purichijcuna cushicäriran. Chaymi Creta marca cantullanpa bütüwan aywacärirä. ¹⁴Aywarcaycapti, janapita «Euroaquilón» nishan shucucuy wayra çhayamuran. Juyupa wayra-curcuran. ¹⁵Bütitapis uraypa apacuran. Chaymi wayra shamushanpa aywayta mana camäpacur, wayra apashallanpa aywacärirä.

* **27.1** Roma marca Italia marcacunapa jatun marcan. * **27.9** Shujpicuy fiestaçu runacuna mana micujchu.

¹⁶Lamar cháupinchu Cauda marcapa cantullanpa apamaran. Mana alläpa wayraptin, büti mallwata jatun bütiman jitapäcurä. Ichanga sumajraj ñacapäcurä.

¹⁷Aywashä bütitapis, watucunawan chanaj watapäcurä. «Sirte» nishan chucru aguman tacacunanta manchacur, wayrallana bütita apananpaj bayitapapis shucutaparä. Wayra apashallanpana aywacäriä.

¹⁸Warannin junaj wayra mana chawaptin, bütipa cargancunata lamarman wicaparirä. ¹⁹Quimsa-caj junajchu bütipa llapan jiruncunatawan imancunatapis wicaparirä. ²⁰Juyupa chicchinpa chacaraptin, intitapis istrillacunatapis achca junaj mana ricaränachu. Chicchinpa wacpa-caypa purichimaptin, cawaytapis mana yarparänachu.

²¹Achca junaj mana micurächu. Chaymi llapan runata Pablo niran: «Taytacuna, wiyacamanquiman caran. Creta marcapita mana llucshimullar, mana ujrapiacushu-wanchu caran. Mana ñacashuwan-pishchu caran. ²²Imanuy carpis, ama manchacushunchu. Büti ushyacaptinsi, mayganchipis mana wañushunpächu. ²³Manchapacushä Tayta Diosninchipa anjilnin chacay ricaripamasha. Cañan capti, Tayta Diosninchi willachimasha: ²⁴«Pablullau Pablo, ama manchariychu, ari. Mandaj Césarpa dispächunchu ñauquicänayqui camacan. Aywarcaycashayqui runacunatapis jam-raycur Tayta Diosninchi washanga» nir.

²⁵Chaynuy willachimash caycaptin, cushicärinquiman. Tayta Diosninchi willachimashan camacänanta yupachicü. ²⁶Büti ushyacap-

tinsi, lamar cantunman yacu jitaramäshun.»

²⁷Chaura ishca y simäna Adriático lamar quinranpa aywapti, bütita wacman-cayman wayra purichiran. Chaypita pullan-pagas pallgaman bütü yaycapaycashanta purichijcuna mayaran. ²⁸Chaymi may ruriçhüpis allpa cashanta tupuptin, ishca y chunca (20) ricralla caycaran. Yapay tupuptin, chunca pichgawan (15) ricrallana caycaran. ²⁹Chaura rumicunaman tacacunanta manchacur, bütita ichichinanpaj watarcur chuscu ayshucunata lamarman jitarpuran. Jinarcu pacha wararcunapaj Tayta Diosninchita mañacuycarä. ³⁰Büti purichijcunam ichanga jishpicuyta munaycaran. Chaymi büti ñaupanman ayshucunata wataj tumpaylla jishpicunapaj büti mallwata yacuman jurguycaran. ³¹Chayta ruraptin, capitantapis, llapan murucucunatapis Pablo willaran: «Büti purichijcuna jishpicuptin, llapaniqui wañunquipaj» nir. ³²Niptin, büti mallwapa watunta murucucuna cuchurachiran. Lamarman jaycurachiran.

³³Pacha waranaycaptin, micuyta mallinanpaj Pablo shacyächiran: «Taytacuna, cananwan ishca y simänana llaquish puriycanchi: ¿Cawashunchuraj, wañushunchuraj?» nir. Micuytapis mana mallinchirächu. ³⁴Cawananchipaj ichicllatapis micupärishun, ari. Mayganchisi mana wañushunpächu. Mana imamanpis chayashunpächu» nir. ³⁵Jinarcu llapanpa ricay ñawinchu tantata aptacurcu, Tayta Diosninchita niran: «Taytallau Tayta, ima allish



Hechos 27.39–44

tarichillämashcanqui» nir. Tantata paquircur micuran. ³⁶Shacyäcur, nuwacunapis micupäcurä. ³⁷Llapani ishca y pachac janchis chunca sujtawan (276) runacuna bütiächu aywarcaycarä. ³⁸Llapan sacsashan-caman micuran. Jinarcu büti ancashyarcunanpaj apashan riguta lamarman jaycuriran.

Lamarächu büti ushyacashan

³⁹Chaura pacha sumaj warar-cuptin, büti mayman chayayca-shantapis mana musyaranchu. Mana musyarpis, rumiynaj pallgata ricar, büti chayachiyta munaran. ⁴⁰Chaymi watuncunata cuchurir, ayshucunata lamarächu jaguiycuran.

Büti tangacunan jirucunatapis jullgarachiran. Jinarcu ricashallanpa aywananpaj büti pa shucutapashan bayitacunatapis mashtaran. Chaymi wayra apaptin, pallgaman büti llucshiran. ⁴¹Aywaycashänchu büti pa uman chucru aguman jaticäcuran. Mana aywarannachu. Yacu jipapita juyupa jaytaycaptillan, büti pa jipan paquicäcuran.

⁴²Chaura apashan runacunata wampuylapa jishpicärinanpita murucucuna wañurachiyta munaran. ⁴³Wañurachiyta munaptin, capitan Julio Pabluta washayta munaywan micharan: «Wampuy yachajcuna lamar cantunman jishpicuchun. ⁴⁴Mana wampuy

yaćhajcunam ichanga bütipa paquipan jirucunallawan, imanuylla-papis llucshichun» nir. Chaynuypa mayganipis mana wañurächu. Llapani allpaman ćhayarä.

**Malta marcaman
Pablo llucshishan**

28 ¹Chaura llapani lamarpita jishpircur, Malta marcaman llucshicaycashäta tantiyacurirä. Chay marca lamar ćhaupinćhu caycaran. ²Jinan runacuna llapanita allipa ricamaran. Tamyawan jasächicuycapti jatun jullputa rataraycachir, mashacunäpaj llapanita jayamaran. ³Pablupis chaqui capshucunata ashircur-ashircur, ninaman jaycuycaran. Jaycuycaptin curu ninapita jishpir, maquinpita Pabluta amucurcuran. ⁴Pablupa maquinćhu curu warcuraycajta ricar, Malta runacuna quiquin-puralla parlanacäbiran: «Cay runa wañuchicujmi canga. Lamarpita jishpish captinsi, yaya jirca wañurachiyta munaycan» nir. ⁵Pablum ichanga canishan curuta ninaman jaycuriran. Canishanga mana imanaranpishchu. ⁶Runacunam ichanga curu canishanpita Pablo jacacurcunanta, wañucäcunanta shuyarpaycaran. Pablo mana mayaptinmi ichanga, runacuna niran: «Cay runa quiquinchari yaya jirca. Mana runa canmanchu.»

⁷Juturpaycashä washlällanćhu mayur runa Publiupa ćhacran caycaran. Paypa maquinćhu Malta runacuna cawaran. Alli runa cashpan quimsa junaj pachächimaran. ⁸Publiupa papänin wayllaywan, curiduswan jishyaycaran. Watucur maquinwan Pablo yataycur Tayta Diosninchita mañacuptin,

allchacäcuran. ⁹Allchacajta ricar, chay marcaćhu jishyaćhu runacunapis Pabluman shamuran. Shamuptin, allchacächiran. ¹⁰Chaura allipa ricamar, cuyachicuy-nincunata jarallämaran. Jucläpa aywacuptipis, llapan pishimajcunata camapämaran.

**Roma marcaman
Pablo ćhayashan**

¹¹Tamya quilla ćhawashancaman Alejandría marcapita shamuj runacunapis, pacharashä marcallaćhu pachacuran. Quimsa quilla juyarcu, paycunapa bütillanwan aywacurä. Bütipa singanćhu yaya Cástorman ricchacuj, yaya Póluxman ricchacuj caycaran. ¹²Chaypita aywacur Siracusa marcaman ćhayar, quimsa junaj juyarä. ¹³Jinarcu lamar cantullanpa Regio marcacaman ćhayarä. Warannin urapita sumajlla wayräramuran. Chaypita warannin Pozzuoli marcaman ćhayarä. ¹⁴Chay marcaćhu waquin irmänucunawan tincurä. «Juyapärishun» nir mañacamaptin, janćhis junaj juyapärirä. Chaypitaraj Roma marcaman ćhaquillapa aywacurä. ¹⁵Roma marcaćhu irmänucuna ćhayaycashäta mayaran. Chaymi «Foro de Apio» nishan marcaman taripämaran. Waquinna «Tres Tabernas» nishan marcaćhu shuyarämaran. Irmänucunata ricar, Pablo shacyäcuran. Tayta Diosninchitapis alliman ćhuran. ¹⁶Roma marcaman ćhayapti, Pabluta yatalla tiyachiran. Juc murucullawan täpachiranpis.

**Roma marcaćhu Pablo
willacushan**

¹⁷Chaura ćhayashanpita quimsa junajta Roma marcaćhu tiyaj mayur

Israel runacunata Pablo jayachiran. Shuntacarcuptin, niran: «Taytacuna, mana juchallicushcăchu. Unay auquillunchicuna yačhachicushantapis, marca-masinchicunatapis mana pampamanchu čhurashcă. Imatapis mana ruraycapti Jerusalén marcačhu charircamar, Roma runacunapa maquinman čhuramasha. ¹⁸Roma auturdăcuna sumaj tapumar, wañuchimănanpaj ima juchătapis mana tarir, cačharaycamayta munaran. ¹⁹Mayur Israel runacunam ichanga mana munaranchu. Chaymi mandaj Césarman apachimănanpaj imanuy papis mañacură. Imanuy captinpis, Israel-masinchicunata imapitasi mana dimandashăchu.

²⁰«Jamcunawan parlayta munar, jayachishcaj. Israel masinchicuna-jina Washăcujta shuyarashăpita cadinawan watashta purichiman.»

²¹Chayta wiyar, mayur runacuna niran: «Judea marcapita mana pipis cartacamashachu. Juyu runa cashay-quita pi irmănupis mana willamashachu. Pipis mana shamushachu. ²²Mushuj willapata willapăcushayquiptam ichanga, chay-tucuyčupis: «Pantacash willapata puriycăchin» nir rimapăcun. Chaymi mushuj rimay imanuy cashan-tapis wiyayta munarcaycă.»

²³Chaura juc junajpaj jitapănacur jitapănacushan junaj čhayamuptin, chay-chicaj runa Pablo pacharashan wasiman aywaran. Paycunata Tayta Diosninchipa maquinčhu cawananpaj juyayllata willaparan. Jesúspita willapashan rasunpa cashanta auninanpaj Moiséspa shiminwanpis, unay willacujcunapa shiminwanpis

tincuchiran. ²⁴Tantiyachiptin, waquin mayur runacuna Jesúspa shiminta čhasquicuran. Waquinnam ichanga wasguiparan. ²⁵Chaura quiquin-pura apaycačhănacur aywacunanpaj caycaptin, Pablo niran: «Rasullantačhi Espiritu Santu willacuj Isaíasta rimachir, unay auquillunchicunata niran:

²⁶«Rinriquiwan wiyaycarpis, mana tantiyacunquipăchu.

Ñawiquiwan ricaycarpis, mana tantiyacunquipăchu.

²⁷Israel runacuna chucru shungu. Shimita mana wiyayta munaywan rinrinta chaparăchicun.

Rurashăcunatapis ricayta mana munar, ñipchirăcun.

Mana chucru shungu carmi ichanga, imata rurashătapis ñawinwan ricanman.

Shimătapis rinrinwan wiyacunman.

Llapan shungunwan tantiyacunman.

Chaura allipa ricăman.»*

^{28–29}«Taytacuna, Tayta Diosninchipa shiminta marca-masinchicuna wiyacuyta mana munashanpita jăpa runacunatana willapaycă. Paycuna wiyacuptin, juchantapis mana yarparanganachu.»*

³⁰Ishcay wata-ima mañacuy wasillačhu Pablo juyaran. Pipis watucuptin, chay wasillačhu čhasquiran. ³¹Tayta Diosninchipa maquinčhu cawananpaj tantiyachicur, Taytanchi Jesucristupita willapăcur juyaran. Willapăcuptin, pipis chapata mana ruraranchu.

*28.26–27 Isaías 6.9–10. *28.29 Waquin Bibliachu yapash: «Chaura Pablo rimayta ushycaruptin quiquin-pura apaycačhănacur, Israel runacuna aywacăriran» nir.

Roma marcachu irmānucunaman San Pablo cartacushan

Tantiyacunanchipaj:

Pablo cay cartata isquirbiran. Payga Asia quinran Tarso marcachu yuriran. Roma runa caran. Maman-taytanpitam ichanga Israel casta caran. Israel runa cashpan auquilluncunapita sumaj yačhacuran. Yačhachicujninpis caran Gamaliel. Fariseu runa cayman chayarpis, Tayta Diosninchipa shiminta sumaj-sumaj čarcuyta munaran. Chaypitam Jesúsman yupachicujcunata chiquiparan. Llaquipashpan Jesús ricariparcuptinmi ichanga, tantiyacuran Jesús Tayta Diosninchipa Wawan cashanta. Chaypita-pacha cačan cashpan Jesús pa alli willapanta chay-tucuychu willapacuran. Chaypämi Tayta Diosninchi acracuran.

Pablupita musyayta munar, liguinqui: Hechos 8.1–3; 9.1–39; 11.25–26; 13.1–28.31. Cay cartata isquirbiran Roma marcachu jutucay irmānucunaman.

Pablo isquirbiran:

- Llapan runa juchaču cawashanpita: **Romanos 1.1–3.20.**
- Jesucristuman yupachicuptinchi, Tayta Diosninchi juchanchita jungashanpita, alli ñawinwan ricamashanchipita, imaycamanpis maquinču cawachimashanchipita: **Romanos 3.21–8.39.**
- Unaypita-pacha Israel runacunata acracushanpita, jipata llapan runa maquinču cawanapita: **Romanos 9.1–11.36.**
- Jesús pa shimin shungunchiman chayashanpita, shungun munashannuy cawananchipita, wiyacunanpita: **Romanos 12.1–15.13.**
- Roma marcaman Pablo aywananpita, irmānucunata wamayānanpita: **Romanos 15.14–16.27.**

Pablo wamayashan

1 ¹Roma marca irmānucuna, nuwa Pablo cartacallämi. Washäcuj Jesús pa mandu-rurajnin caycä. Paypita willapācunāpaj Tayta Diosninchi acracamasha. Cačhacamasha: «Alli willapāta willacur purimuy» nir. ²Unaypita-pacha Washäcujninchi Jesús shamunanta Tayta Diosninchi musyachicuran. Alli willapanta musyachicur, shiminchüpis unay willacujcuna

llapanta isquirbiran: ³«Tayta Diosninchi cačhamushan Wawan cay pachaču yuringapaj. Unay mandaj-ninchi David pa willcan canga» nir. ⁴Chaymi Wawan cashanta musyachicur, Espíritu Santuwan Tayta Diosninchi wañuypita Jesústa cawarachimuran. Jinarcu munayniyuj cayman čuraran. Cananga maquinču Taytanchi Jesucristu puriycachimanchi. Payga Washāmajninchim. ⁵Llaquipamar, nuwatapis čuramasha shiminta

* 1.2–3 «Tayta Diosninchipa shimin» ninanta castillānuču ricsin: «Santa Escrituras» nir.

willapäcunäpaj. Llapan runa shiminta éhasquicunanta munar, maquinchu cawananta munar, caéhascamasha: «Jäpa runacuna-tapis nuwaman yupachicamänapaj shimita willapäcunqui. Paycunapis éhasquicunman» nir. * ⁶Roma irmänuçuna, jamcunatapis Tayta Diosninchichi acracushcashunqui Washäcuj Jesússpa maquinchu cawanayquipaj. ⁷Chaymi cartacamü. Tayta Diosninchichi llaquipäshunqui. Paymi acracushcashunqui. Wamrachacushcashunqui maquinchu cawanayquipaj.

Tayta Diosninchipis, Tayta Jesucristupis alli ñawinwan ricayculläshunqui. Allilla cawaycachilläshunqui.

**Roma marcaman watucuj
aywayta Pablo yarpashan**

⁸Irmänuçuna, Washäcuj Jesúsman yupachicur maquinchu alli cawashayquita may-chaychüpis rimaptin, jatunpa cushicü. Chaymi llapaniquipita Tayta Diosninchichi alliman éhurä. ⁹Waran-waran jamcunapaj mañacapushätapis quiquin Tayta Diosninchichi musyaraycan. Caéhascamashannuylla Wawan Jesússpa alli willapanta llapan shungüwan willapäcuyä. ¹⁰Pay camacächiptin, watucuj shamushaj. Unaypita-pacha sumaj mañacuyä. ¹¹Jamcunawan tincuyta sumaj munayä. Tincur, Espiritu Santu tantiyachimashannuylla anyapäshayqui Tayta Diosninchiman sumaj yupachicunayquipaj. ¹²Chaymi shimin shungunchiman

sumaj échayanapaj jucninchichi-jucninchipis shacyächinacushun.

¹³Irmänuçuna, achca cuti watucuj shamuyta munaptisi, chapa mana pishimashachu. Marcan-marcen purishä-jina marcayquichüpis sumaj willapäcunä. Marca-masiquicunapis Tayta Jesússpa shiminta éhasquicunanta munayä. ¹⁴Tayta Diosninchichi camacächiptin, llapan runata Jesússpa shiminta willapäman. Willapäshaj Roma marca-masiqui captinsi, jäpa runa captinsi, yaéhaj runa captinsi, pampa runa captinsi. ¹⁵Chaymi alli willapata willapänäpaj marcayquicamanpis juella échayämüman.

**Tayta Diosninchichi
jishpichinanpita willapashan**

¹⁶⁻¹⁷Washäcuj Jesússpa shiminta éhasquicuptinchi, Tayta Diosninchichi jishpichimanchi. Imaycamanpis maquinchu cawachimanchi Israel runa captinchisi, jäpa runa captinchisi. Chaymi mana pingacullar llapanpa ñaupanchu pi-maytapis willapäman: «Jesúsipa shimin alli willapa» nir. Llapanchi juchata aparicush captinchisi Jesúsipa shiminta éhasquicuptinchi, alli ñawinwan Tayta Diosninchichi ricamanchi. Shiminchüpis isquirbi-raycan: «Pipis nuwallaman yupachicamaptin, alli ñawüwan ricashaj. Imaycamanpis cawachishaj» nir. *

**Tayta Diosninchipa ricay
ñawinchu llapan runa juchayuj**

¹⁸Waquin runacuna Tayta Diosninchipa shiminta wiyacuyta

* 1.5 Israel runacuna pitapis: «jäpa runa» nij mana Israel casta captin. Castillänuçu nin: «Gentiles.» * 1.16-17 Habacuq 2.4.

munan. Chaypis juchallaachu arujcunawan mana manchapacujcuna wiyacunanta micchan. Micchar, janaj pachaachu tiyaj Tayta Diosninchita ullgüchin. Ullgüchiptin, llapan runapa juchanta jurgapanga. ¹⁹⁻²⁰Llapan runa musyan Tayta Diosninchipi pi cashantapis. Quiquinmi musyachimashcanchi. Payga cay pachatapis, janaj pachatapis camaran. Chaypis quiquinta mana ricanchichu. Camashancunata ricarmi ichanga, imaycamanpis munayniyuj cashantapis, shungun alli cashantapis tantiyacunchi. Chaymi pipis chapacuyta mana camäpacungachu: «Tayta Diosninchipi, ¿piraj cacullanpis?» nir.

²¹Juchallaachu arujcuna Tayta Diosninchipi pi cashantapis musyan. Ichanga mana manchapacunchu. Camashancunata ricaycarsi, alliman mana éhuranchu. Shungunpis chucru. Umanpis mana yarpaçhacunchu. Tayta Diosninchipi shungun munashantapis tantiyayta mana munanchu. ²²«Yarpay-sapa cä» nirsi, upa runa. Pishi-yarpayyuj. ²³Tayta Diosninchipi munayniyuj caycaptinsi, imay-imaycaman cawacuj caycaptinsi, juchaachu arujcuna mana manchapacunchu. Manchäga jircacunata manchapacun. Ushyacajilla captinsi, runacuna ricchacujmanpis, uywacuna ricchacujmanpis, pichuy-sacuna ricchacujmanpis, curucuna ricchacujmanpis manchapacun.

²⁴Upa cayninwan juchallaachu aruyta munaptin, Tayta Diosninchipi mana miccharanchu. Paycuna shungun munapashanuylla juchallicur, marca-pingay cawan. ²⁵Marca-pingay cawar Tayta

Diosninchita jungaycur, ushyacajcunallaman yupachicun. Ñawin ricashancunallata manchapacun. Camacuj Tayta Diosninchitam ichanga mana manchapacunchu. Rasunpa payllam imay-imaypis alliman éhurash canman. Chaynuy caycullächun. ²⁶Chaymi juchallaachu arushanpita Tayta Diosninchipi caçhariyucuptin, acaripacur shungun munapashallanachu arun. Warmicunapis runanta mana munar, pingaypaj warmi-masillanwan cacun. ²⁷Chay-jina runacunapis warmita mana munar, ullgumasillanwan cacun. Pingaypaj ullgu-puralla sumaj munapänacun. Chaymi jucha aparicushanman-tupu Tayta Diosninchipi ñacaycächin.

²⁸Chaura mana manchapacuj caycar pampaman éhuraptin, Tayta Diosninchipi caçhariyucuran shungun munapashanta ruracunanpaj. Chaynuy paycuna chucru shungun car, marca-pingay cawan. ²⁹Juyu car, llutancunallapaj yarpan. Runa-masincunata chapata rurana. Imancunatapis munapan. Imamanpis éhayachiyta munan. Yargaj. Wañuchicuj. Chiquipäcuj. Achäquita ashij. Washa rimaj. ³⁰Tumpacuj. Tayta Diosninchitapis chiquipan. Runa-masinta ashllin. Pampaman éhuranacun. Jatun-tucun. Mana ricsish juchacunata rurananpäpis yarpaçhacun. Maman-taytantapis mana wiyacunchu. ³¹Upa cayninwan imatapis tantiyacuyta mana munanchu. Aunishantapis mana éharcunchu. Runa-masincunata chiquipan. Mana llaquipäcunchu. ³²Chaynuy juchaachu arushanpita Tayta Diosninchipi wañuyman éhayachinanta musyaycarsi, mana

wanacunchu. Manchäga runa-masincunapis juchaçu aruptin, sumaj cushicun. Shacyächin.

**Israel runacunapa
juchantapis Tayta Diosninchi
jurgapānanpita willapashan**

2 ¹Chaynuy cawaptinpis, runa-masiquipa juchanta ama jurgapanquichu. Jucta jurgapar, quiquipis juchallaçu aruyanqui. Chaymi chapacuyta mana junquipächu. ²⁻³Tayta Diosninchim ichanga juctapis mana pacallar, llapan runapa juchanta jurgapanga. Jucha aparicushanman-tupu ñacaymanpis jaycunga. Chaymi: «Alli ñawinwan Tayta Diosninchi ricamashpan jishpichimanga» nirpis runa-masiquita pampaman éhurarga, chapacuyta mana junquipächu. Paycuna-jina juchaçu cawashayquipita Tayta Diosninchi sumaj ñacachishunquipaj.

⁴¿Alli cayninçu caycaptinchu, llaquipäcuj caycaptinchu, tantiyacuj caycaptinchu, Tayta Diosninchita wasguiycanqui? Payga wanacärinayquita munar, llaquipäshunqui maquinchu cawanayquipaj. ⁵Jamcunam ichanga chucru shungu canqui. Juchaçu aruypita wanacuytapis mana munanquichu. Mana wanacuptiqui, ñacayman échayanquipaj. Tayta Diosninchtapis ullguycächinqui. Chaymi llapan runapa juchanta jurgapānan junaj échayamuptin, mana chapäshunquipächu. Manchäga juchayquita jurgapar, sumaj ñacachishunquipaj.

⁶Llapanchitapis imanuy cawar rurashanchiman-tupu maymanpis éhayachimäshunpaj. ⁷Allillaçu

arujcunata imaycamanpis cawachinga. Paycuna Tayta Diosninchi alli ricananta munar, maquillançu cawayta munar, shungun munashallanta imatapis ruraran. ⁸Juyu juchaçu arujcunatam ichanga jatun-tucushanpita, shiminta wasguishanpita Tayta Diosninchi imamanpis éhayachinga. Sumaj ullgüchishanpita llaquipaypaj ñacachinga.

**Juchayuj cashanchita
shungunchi musyacächishan**

⁹Paycunata llap-llapanta juyu ñawinwan ricar, imamanpis éhayachinga. Sumaj ñacachinga Israel runa captinsi, jäpa runa captinsi. ¹⁰Tayta Diosninchipa shungun munashannuy cawajcunatam ichanga alli ñawinwan ricanga. Alliman éhuranga. Allillaçu cawachinga Israel runa captinsi, jäpa runa captinsi. ¹¹Llapan runatam juc ñawillawan Tayta Diosninchi rican. Pitapis mana chapangapächu.

¹²Jäpa runacuna: «Moisés isquirbishanta imaypis mana wiyarüchu» nir chapacurpis, ñacaypita mana jishpingachu. Jucha aparicushanpita Tayta Diosninchi jurgapanga. Israel runapis: «Moisés isquirbishanta musyá. Llap-llapanta wiyashcä» nir chapacurpis, ñacaypita mana jishpingachu. Jucha aparicushanpita Tayta Diosninchi jurgapanga. ¹³Payga rinrillanwan shiminta wiyajcunata ricaytapis mana munanchu. Llapan shungunwan wiyacujtam ichanga alli ñawinwan rican. ¹⁴Waquin jäpa runacunapis Moisés isquirbishanta mana musyaycarsi, Tayta Diosninchipa shiminta wiyacun.

¹⁵Manchapacur cawaptin, Tayta Diosninchipa shimin shungunman éhayashanta musyachimanchi. Allita rurash caycaptin, shungunpis: «Allim» ninga. Juchata rurash captinmi ichanga, shungullan jitarpunga. ¹⁶Chaymi runacunapa shungun yarpashantapis Tayta Diosnillanchi musyacächinga. Camacächishan junaj éhayamuptin, juchayuj, mana juchayuj cashanchitapis jurgapämänanchipaj Jesucristuta éhuranga. Paymi llapan runapa shungun yarpa-shanta musyapan. Chaynuy cananta willapaycay.

**Israel runacunata Tayta
Diosninchí juchanta
jurgapashan**

¹⁷Waquinniqui chapacur ninqui: «Israel runa caycä. Moisés isquir-bishantapis llapanta musyá. Alli ricamar, marca-masintita Tayta Diosninchí acracamasha jishpichimänanpaj. ¹⁸Shungun munashantapis musyá. Shiminta éharcu, allillata rurar cawaycä.» ¹⁹Jatun-tucur, jäpa runacunatapis ninqui: «Japracunata-jina allipa pushaj Tayta Diosninchí pī cashantapis musyanayquipaj. Chacajchujina puriptiquisi, achquipäcuj-jina Tayta Diosninchipa shungun munashanta tantiyachij» nir. ²⁰Yachaj-tucur ninqui: «Jäpa runacuna pishi-yarpayyuj. Mallwa-jina mana imatapis tantiyanchu. Chaymi Tayta Diosninchipa shiminta llapallanta tantiyachí.» ²¹Sumaj tantiyacunqueiman. Jäpa runacunata: «Ama suwacuychu» nir tantiya-

chirpis, ¿imanirtaj suwacunqui? ¿Imanirtaj shimiquita mana éharcun-quichu? ²²«Majayquita ama janan-pachinquichu» nir tantiyachirpis, ¿imanirtaj quiquiquicuna majay-quita jananpachinqui? «Jircacunata ama manchapacushunpishchu» nirpis, ¿imanirtaj jarashancunata yatapanqui? ²³«Tayta Diosninchipa shimin sumaj alli» nirpis shiminta mana éharcu, quiquinta pingayman éhurarcaycanqui. ²⁴Chaypita jamcunapaj shiminchu isquirbi-raycan: «Israel runacuna-janan jäpa runacuna Tayta Diosninchita pingayman éhuraycan» nir. *

²⁵Israel runacunata Moiséspa shiminta éharcuptinchiraj, jirucush captinchiraj, Tayta Diosninchí alli ñawinwan ricamanchi: «Wamrämi canqui» nir. Shiminta mana éharcuptinchim ichanga wasgui-manchi: «Pī cashayquitapis mana musyächu» nir. ²⁶Jäpa runacuna mana jirucush captinsi Moiséspa shiminta éharcuptin, alli ñawinwan ricar Tayta Diosninchí wamrachacun. ²⁷Chaynuypa jäpa runacuna mana jirucush caycarsi, Tayta Diosninchipa shiminta éharcushanpita ñauquishunquipaj: «Israelcuna captiquisi, jurgapashunayquipaj achäqui caycan. Tayta Diosninchí jamcunallata shiminta musyachish-cashunqui. Ichanga mana éharcun-quichu. «Wamräpaj acracushcay» nir jirucachishcashuptiquisi, wasgui-pashcanqui.» ²⁸Chaymi shiminta jan-an-janallan éharcuptiqui, Israel runa captiquisi, jirucush captiquisi, Tayta Diosninchí mana wamrachacushunquipächu. ²⁹Payga shungun

* 2.24 Isaías 52.5.

munashallanta éharcuptin chiraj, wamrachacamanchi. Shungunchi shungunwan tincuptin, alli ñawinpa ricamanchi runacuna pampaman éhuramaptinchisi.

Israel runacuna Tayta Diosninchipa ricay ñawinchu alli cashan

3 ¹Chaymi ama ninquichu: «Yuriynipita-pacha Israel runa captipis, ¿manaچی imananchu? ¿Imapäräj papäni jirucachimaran?» ²Allipämi Israel runa yurishcanchi. Unay auquillunchicunallawan Tayta Diosninchipa parlanacuran: «Shiminta wiyacuptiqui, sumaj yanapashayqui» nir.

³Chaura waquin Israel-masinchi Tayta Diosninchipa shiminta chasquicuyta mana munaptinsi, ¿Tayta Diosninchipis aunishanta jungaycungachuraj? ⁴Mana imaysi jungangachu. Payga shiminta éharcun. Llapan runa tumpaptinsi, shiminta éharcun juchanchita jurgapämashunpaj. Tayta Diosninchipaj rimar, shiminchüpis nin:

«Mana llullacunchu.

Runacunapa juchantapis jurgapanquipaj.

Paycuna chapacuyta munar tumpashuptiquisi, llullacushanta taripunquipaj» nir.*

⁵Waquin Israel runa jucha aparicushanta tucuy-jinanpa chapacur nin: «Tayta Diosninchipa allita rurananpaj imatapis ruräman. Juchata aparicuptisi, aunishan-jina shiminta éharcun. Shiminta éharcunan alli. Chaymi shiminta éharcüshiycapti, wascamänan mana camacan-

manchu, ¿au?» ⁶Ichanga runa chapacuyta mana camäpacungachu. Tayta Diosninchipa llapan runata iwal rican. Israel runacunapa juchantapis, jäpa runacunapa juchantapis llapan jurgapanga. ⁷Chaypisi waquin runa chapacur ninmanچی: «Shiminta mana éharcuptisi, Tayta Diosninchipa juchäta mana jurgapämanmanchu. Jurgapämaptinmi ichanga, waquin runacunapis Tayta Diosninchipa manchapacunga: «Ima allish Tayta Diosninchipa shiminta sumaj éharcun» nir. Chaynuy Tayta Diosninchipa manchapacuptin, allipäچی jucha aparicushäpisi, ¿au?» ⁸Chaynuypisi chapacun: «Rasunpa llutanta rurapti, Tayta Diosninchipa llaquipämashpan alliman éhayachimanga. Pablush chaynuy willapäcuycan» nir. Chaynuy tumpacujcunata quiquin Tayta Diosninchipa llapan juchanta jurgapanga.

Llapan runa juchallicushan

⁹Chaymi ama nishuwanchu: «Israel runacunalla Tayta Diosninchipa shungunman tincun.» Llapallanchi juchallicushcanchi. Israel runacunapis, jäpa runacunapis shungunchi munapashanta rural, juchaču cawaycanchi. ¹⁰Tayta Diosninchipa shimin isquirbirashanču nin:

«Tayta Diosninchipa ricay ñawinču llapan runa juchayuj.

¹¹ Llapan pishi-yarpayyuj.

Tayta Diosninchipäga mana imasi jucunchu.

¹² Llapan runa Tayta Diosninchipa wasguipasha.

* 3.4 Salmo 51.4.

Pantacash purin.

Mayganpis allita mana
ruranchu. *

¹³ Runa-masinta asyächicun.
Llullacullar cawan.

Wañuchicuj curu-yupay cawar,
pitapis ashllir ushyan. *

¹⁴ Chiquicur, runa-masinta
pampaman éhuran.

Jagayächicuyllaéchu arun. *

¹⁵ Pipis mana imanaycaptin,
ñacayman éhayachin.

Wañuchicuymampis éhayachin.

¹⁶ Maypa purirpis, runa-masinta
wañuchir ushyan.

Ushyapacaymampis éhayachin.

¹⁷ Allilla cawananjapaj mana imasi
jucunchu. *

¹⁸ Tayta Diosninchi pï cashantapis
mana imasi jucunchu.

Imanillarpis, mana
manchapacunchu.» *

¹⁹ Chaynuy Tayta Diosninchipa
shimin Israel runacuna-janan
isquirbiraycan. Paycunalla
Tayta Diosninchipa shiminta
éhasquiran. Chaymi sumaj-sumaj
wiyacunman caran. Éharcuyta
mana camäpacurmi ichanga,
Israelcunapis, jäpa runacunapis
mana chapacushunpächu Tayta
Diosninchi jurgapämashanchi
junaj: «Mana imačhüpis jucha-
llicushcächu» nir. ²⁰Tayta
Diosninchipa shiminta pipis
sumaj-sumaj mana éharcunchu.
Llapallanta éharcuptinchiraj,
Tayta Diosninchi alli ñawinwan
ricamanchi. Chaypis éharcuyta
mana camäpacunchichu. Chaymi
juchayuj cashallanchita musyanchi.

Jesúsman yupachicushanpita willacushan

²¹⁻²² Canan alli ñawinwan Tayta
Diosninchi ricamänanchipaj
mana Moisésa shimintarächu
sumaj-sumaj éharcunanchi.
Unaypita-pacha Tayta Diosninchipa
shiminwan Moisésa, willacujcu-
napi piñapämashcanchi. Chaypis
mana sumaj éharcuyta camäpacun-
chichu. Cananmi ichanga Jesucris-
tuman yupachicushallanchipita
Tayta Diosninchi alli ñawinwan
ricamanchi: «Juchaynaj canqui» nir.
Chaymi ama chapacushuwanchu:
«Israel runa caycä» nirpis: «Mana
Israel runachu caycä» nirpis.
²³ Llapanchi juchata aparicushcanchi.
Mana mayganchisi Tayta Dios-
ninchipa shungun munashannuychu
cawanchi. ²⁴ Tayta Diosninchim
ichanga llaquipäcuj. Jishpichicuj.
Nuwanchi-raycur wañuyman
Washäcuj Jesús éhayashanpita alli
ñawinwanna ricamanchi payman
yupachicuptinchi. Jucha aparicu-
shanchitapis mana yarparannachu.
²⁵ Alli ricamänanchipaj Washäcuj
Jesústa cachamuran. Juchanchi
jungacänan-raycur wañuyman
éhayachiran. Jesús juchaynaj car,
quiquinpa caway-bidanta jararan
Tayta Diosninchipa ullguyninta
jasacächinanpaj. Chaymi payman
yupachicuptinchi, alli ñawinwan
Tayta Diosninchi ricaycämanchi.
Unay runacunatapis jucha apari-
cushanta mana jurgaparanchu.
Manchäga paycunapäpis cawayninta
Jesús jaranan captin, juchanta mana

* 3.10–12 Salmo 14.1–3; 53.1–3. * 3.13 Salmo 5.9; 140.3. * 3.14 Salmo 10.7.

* 3.15–17 Isaías 59.7–8. * 3.18 Salmo 36.1.

jurgaparanchu. ²⁶Paycunatapis llaquiparan. Chaynuypa unay runacunatapis, nuwanchitapis Jesúsman yupachicuptinchi, alli ñawinwan Tayta Diosninchichi ricamanchi.

²⁷Chaymi alli ñawinpa ricamänanchipaj ama alli-tucushuwanchu: «Tayta Diosninchichi shiminta llapallanta éharcü. Shungun munashallanta rurä» nir. Alli ricamänanchipaj Washäcuj Jesúsmanraj yupachicunanchi. ²⁸Imatapis éharcushanchipita ama alli-tucushuwanchu. Tayta Diosnillanchi nimäshuwan: «Juchaynaj canqui» nir. Jesúsman yupachicuptinchoraj, alli ñawinwan ricamanchi. ²⁹Israel-masicuna, chaymi ama yarpäshunchu: «Israel runacunalla Tayta Diosninchichi shungunman tincun» nir. Tayta Diosninchichi llapan runata llaquipan. Jäpa runacunapis shungunman tincun. ³⁰Tayta Diosninchichi jucnaylla. Washäcuj Jesúsman yupachicuptin, llapan runata alli ñawinwan rican Israel runa captinsi, jäpa runa captinsi. ³¹Chaura yupachicullar Tayta Diosninchichi ricay ñawinchu alli cawar, ¿Moisésapa shiminta pampaman éhurashuwanchu? Mana. Manchäga allipaj Moisésapa shimin caran. Chaymi pampamanpis ama éhurashuwanchu.

Abraham Tayta Diosninchiman yupachicushan

4 ¹⁻²Cananga Abrahampita tantiyacushun. Israel runacuna allitucur riman: «Abrahamga marcanchipa unay taytan. Paytaga Tayta Diosninchichi alli ñawinwan ricaran»

nir. Abraham alli cawaptin, marcasincunapis alli ñawinwan ricaran. Tayta Diosninchichi ichanga mana alli cawashanpitachu alli ñawinwan ricaran; manchäga yupachicusha-llanpita. ³Shiminéhpis isquirbi-raycan: «Yupachicushallanpita Abrahamta alli ñawinwan Tayta Diosninchichi ricaran» nir. *

⁴Canan mä, tantiyacushun. Arupacur éhasquishanchi mana jarayninchichu; manchäga callpanchipa éhaninmi. ⁵Tayta Diosninchichi ichanga alli ñawinwan ricamanchi mana imatapis arushanchipitachu, mana imatapis rurar cawashanchipitachu. Manchäga juchachu cawaycaptinchisi payllaman yupachicuptinchi, alli ñawinwan ricamanchi. ⁶Unaypis chaynuy caran. Yupachicushallanpita Tayta Diosninchichi runacunata alli ñawinwan ricaran; mana ima allitapis rurar cawashanpitachu. Shungunman tincuptin, cushish cawaran. Chaymi unay mandaj David cantaran:

⁷«Cushicärishun.

Tayta Diosninchichi shungunman tincunchi.

Jucha aparicushanchita jungasha.

Llutan rurashanchita mana yarparannachu.

⁸Cushicärishun.

Alli ñawinwan Tayta Diosninchichi ricamanchi.

Juchanchita mana imaysi jurgapämäshunnachu» nir. *

⁹Chaynuy captin, yarpaçhacushun. Tayta Diosninchichi, ¿pitataj alli ñawinwan rican? ¿Jirucush Israel runacunallatachuraj? Mana.

* 4.3 Génesis 15.6. * 4.7-8 Salmo 32.1-2.

Musyanchi Abrahamta yupachicushallanpita Tayta Diosninchi alli ñawinwan ricashanta. ¹⁰Alli ñawinwan ricananpaj, ¿Abraham jirucushachu? Mana. Jirucuyta mana yačhaycarsi, Tayta Diosninchiman yupachicuran. Jipataraj jirucusha. ¹¹⁻¹²Jirucunanpaj Tayta Diosninchi niran: «Abraham, yupachicamar, jirucuy. Yupachicamashayquipita shungüman tincunqui.» Chaymi waquin auquillunchicuna mana yuriptillanräsi, auquillunchi Abrahamta alli ñawinwan ricaran. Payga Tayta Diosninchipa maquinchu cawanapaj, äñir jirucusha. Chaynuypa Abraham Tayta Diosninchiman yupachicujcunapa taytan-yupay caycan. Chaymi mana jirucush jäpa runa captinchisi, jirucush Israel runa captinchisi, Abraham-jina yupachicuptinchi, alli ñawinpa Tayta Diosninchi ricamanchi.

Tayta Diosninchi aunishanpita willacushan

¹³Unayga Abrahamta aunir, Tayta Diosninchi niran: «Abraham, yupachicamashayquipita pïmaytapis alli ricashaj. Jam-raycur, willcayquicuna-raycur, pïmaytapis sumaj yanapashaj.» Chaura mana Moiséspa shiminta čharcushanpita tachu auniran; manchäga yupachicushallanpita. ¹⁴Chaymi: «Moiséspa shiminta čharcujcunalla Tayta Diosninchi aunishanta čhasquina» nimaptiqui, ¿imapäraj Tayta Diosninchiman yupachicunchi? ¿Imapäraj Tayta Diosninchipis auniran? ¹⁵Jäpa runacuna Tayta Diosninchipa

shiminta mana čhasquiranchu. Chaymi wiyacushanpitapis, mana wiyacushanpitapis Tayta Diosninchi juchanta mana jurgapanmanchu. Waquin runacunam ichanga Tayta Diosninchipa shiminta čhasquirsi, mana čharcunchu. Chaymi mana wiyacushanpita, Tayta Diosninchita ullgüchishanpita, unyanta cutichinan camacan. ¹⁶Payman yupachicuptinchim ichanga, aunishanta Tayta Diosninchi čharcun. Llaquipämashpanchi alli ñawinpa ricamanchi. Chaymi Moiséspa shiminta wiyacuj Israel runa carsi, jäpa runa carsi, Abraham-jina yupachicushun. Yupachicujcunaga Abrahampa wawanwan tincun. ¹⁷Aunishanta unayna Tayta Diosninchi musyachicuran. Shiminčhüpis isquirbiraycan: «Abraham, chay-chica marcapa taytan canayquipaj jamta acracushcaj» nir.*

Tantiyayta mana atiparsi, Abraham sumaj yupachicuran. Tayta Diosninchi wañushcunata cawarachinantapis, mana ricashancunata camacächinantapis musyaran.

¹⁸Tantiyayta mana atiparsi, Tayta Diosninchi aunishanman Abraham sumaj yupachicuran. Payta aunishcaran: «Abraham, willcayquicuna chay-chicaj cangapaj. Yupaytasi mana atipaypaj miranga. Chay-tucuyčhüpis marcayangapaj» nir.*

¹⁹Auninacushan wichan Abraham pačhac (100) wata-yupayta aywaycaran. Churiyácunanpaj alläpa chachana caran. Warmin Sarapa quilla jishyanpis čharcushana caran. Chaypis Tayta Diosninchi

* 4.17 Génesis 17.5. * 4.18 Génesis 15.5.

aunishanman Abraham yupachicuran. ²⁰Ishcay yarpayta mana yarparanchu. Manchäga sumaj yupachicuran. Tayta Diosninchi-tapis alliman éhuran: «Taytallau Tayta, ima allish wamrata tarichimanquipaj» nir. ²¹Aunishanta Tayta Diosninchi camacächinantapis musyaran. ²²Chaynuy yupachicuptin, alli ñawinwan Tayta Diosninchi juchaynajta ricaran. ²³Mana Abrahamllatachu yupachicushanpita alli ñawinwan rican. Manchäga isquirbirashanchu nuwanchipäpis rimaycan. ²⁴Yupachicuptinchi, alli ñawinpa Tayta Diosninchi ricamanchi. Paymi Taytanchi Jesústa wañuy-pita cawarachimuran. ²⁵Juchanchi-janan jishpichimänanchi-raycur Jesús wañuyman éhayanapäpis Tayta Diosninchi camacächiran. Jinarcu cawarachimuran: «Jucha aparicushayqui-janan Jesús caway-bidanta éhuraptin, shimita éhasquicujcunata alli ñawipa ricä» nir.

Alli ñawinpa Tayta Diosninchi ricamashanchi

5 ¹Chaymi Taytanchi Jesucristuman yupachicuptinchi, alli ñawinwan Tayta Diosninchi ricamanchi. Jesucristu wañuyninpa juchaynajta ricamashpanchi maquinchépis allilla cawachimanchi. ²Jesucristu camacächisha Tayta Diosninchipa shungunwan tincunanchipaj. Payga llaquipämashpanchi maquinchu purichimanchi. Janaj pachaman apacamänanchita musyarpis, cushish cawaycanchi. Ñaupallanchu cawashunpaj. ³Runacuna ñacachimaptinchisi, cushish cawanchi.

Ñacaywan Tayta Diosninchipa shungun munashannuy cawayta sumaj yaéhcunchi. ⁴Shungun munashannuy cawayta yaéhcuptinchi, shungunwan tincunchi. Shungunwan tincuptinchi, ñaupanman apacamänanchita mana yamacaypa shuyaraycanchi. ⁵Chaymi ñacayman éhayaptinchisi, shungunchi mana llaquicunchu. Manchäga maquinchu Espíritu Santu purichimaptinchi, Tayta Diosninchi llaquipämashanchitapis sumaj tantiyacunchi.

⁶Llapanchi juchaéchu cawaptinchisi, wañuy-pita jishpiyta mana camäpacuptinchisi, nuwanchi-raycur Washäcuj Jesús wañuyman éhayananta Tayta Diosninchi camacächiran. ⁷Alli runata, Tayta Diosninchipa shiminta éharcuj runata pipis wañuy-caway washanman. ⁸Tayta Diosninchim ichanga sumaj llaquipämanchi. Wasguiptinchisi, juchaéchu aruycaptinchisi, jishpichimänanchi-raycur Washäcuj Jesús wañuyman éhayananta camacächiran.

⁹Wañur, caway-bidanta éhurasha alli ñawinwan Tayta Diosninchi ricamänanchipaj. Washämaptinchi, Tayta Diosninchipa ullguynin jasacäcusha. Ñacaymanpis mana éhayachimäshunpänachu.

¹⁰Chiquiptinchisi, shungunwan shungunchi tincunanta munaran. Chaymi nuwanchi-raycur Wawan Jesús wañuyman éhayanapaj camacächiran. Cananmi ichanga cawarimusha. Cawarish caycar, sumaj yanapaycämanchi Tayta Diosninchipa maquillanchu cawananchipaj. Chaymi alli ricanacunchi.

¹¹Chaypitam shiminchita mana

amucurcunchichu. Manchäga alli ñawinwan Tayta Diosninchi ricamashanchipita, washämänanchi-raycur Tayta Jesucristuta caçhamushanpita sumaj cushicunchi.

**Adánwan Jesucristuta
tincuchishan**

¹²Sumaj tantiyacushun. Unayga Tayta Diosninchita mana wiyacur, Adán juchata aparicuran. Chaypita wañuran. Wañuran juchata aparicushanpita. Cananpis Adán-jina llapanchi juchata aparicushanchipita wañuyman éhayashunpaj. ¹³Moisés mana willapäcuptillan, unay runacunapis juchallaçu cawaran. Chaymi paycuna chapacuyta mana camäpacuranchu: «Shimiquita mana musyashcächu» nir. Chaynuy chapa-cuptinsi, llapanpa juchanta Tayta Diosninchi jurgaparan. ¹⁴Chaymi Adán cawashan wichanpita Moisés cawashan wichancaman llapan runa juchata aparicushanpita wañuran. Quiquin Adán juchata aparicushan-jina llapan runa wañuyman éhayan Tayta Diosninchipa shiminta mana musyarpis. Chaymi tincuchiypa tantiyachimanchi: Adán llapan runata wañuyman jancharan. Washäcuj Jesúsmi ichanga llapan runata alli cawayta tarichinanpaj camacächiran.

¹⁵Jesucristu Tayta Diosninchita wiyacuran. Adánmi ichanga mana wiyacuranchu. Adánpita llapanchi wañuyman éhayashunpaj juchata aparicushanchipita. Jesucristupitam ichanga sumaj llaquipämashpanchi alli ñawinwan Tayta Diosninchi ricamanchi. Tayta Diosninchipa maquinman éhayachimänanchi-raycur caway-bidanta Jesús

éhuraran. ¹⁶Tayta Diosninchi llapanchita jurgapämashunpaj ima juchata aparicushanchitapis. Jurgapämashun Adán juchata aparicushanpita. Paypa juchan llapanchita aypämashcanchi. Juchayuj caycar, ñacayman éhayananchi camacan. Chaypis llaquipämashpanchi alli ñawinwan Tayta Diosninchi ricamanchi: «Juchaynaj canqui» nir. ¹⁷Adán mana wiyacushanpita llapanchi wañuyman éhayananchi. Jesucristu washämaptinchim ichanga, Tayta Diosninchiwana allina ricanacunchi. Sumaj llaquipämashpanchi alli ñawinwan ricamanchi. Chaymi janaj pachaçu imaycamanpis Jesucristuwan cawashunpaj.

¹⁸Chaymi Adánlla juchata aparicush captinsi, llapanchitana Tayta Diosninchi jurgapämashunpaj: «Jucha-sapa canqui» nir. Jesúsata wiyacuptinchim ichanga, alli ñawinpa ricamashpanchi imaycamanpis cawachimashunpaj. ¹⁹Adán mana wiyacushanpita llapanchi juchata aparicushcanchi. Jesúsata wiyacushanchipitam ichanga alli ñawinwanna Tayta Diosninchi ricamanchi. ²⁰Unayga Moiséswan Tayta Diosninchi shiminta musyachicuran runacuna allíchu cawanapaj. Runacunam ichanga éharcuyta mana camäpacur, juchaçu arushanta tantiyacuran. Juchata aparicuptinsi, Tayta Diosninchi mana yamacaranchu. Manchäga unay runacunatapis, nuwanchitapis sumaj llaquipaycämanchi. ²¹Mayganinchipis juchata aparicushanchipita wañuyman éhayananchi caran. Llaquipämashpanchi Taytanchi Jesucristu

washämaptinchim ichanga, alli ñawinwan Tayta Diosninchicamanchi. Janaj pachachu imaycamanpis cawananchipaj shuntacamäshunpaj.

**Ushyacushpanchi
Jesucristuwan cawanchi**

6 ¹Chaura Tayta Diosninchillaquipämashanchita willapaptij, llutanta yarparunquiman. Ama nimanquimanchu: «Juchata aparicushäman-tupu Tayta Diosninchillaquipämaptin, juchaçhüchi sumaj arushaj.» ²⁻⁴Juchata ama aparicushuwanchu. Jesús wañuyman çhayashanta musyanchi. Ayantapis pampaycuran. Tayta Diosninchim ichanga munayninwan cawarachimuran mushuj cawaychu cawanapaj. Nuwanchipis Washäcuj Jesúsman yupachicunchi. Maquinchu cawar, ushyacunchi. Ushyaur, pampacuycay-yupay ricacunchi. Aya imatapis mana munashanjina nuwanchipis juchata ama munapäshuwannachu. Manchäga Jesúsma maquinchu cawaycar, mushuj cawaychüna cawashun. ⁵Payga wañuyman çhayar, cay pachaçu cawaytapis jaguiycuran. Tayta Diosninchim ichanga mushuj cawayman cawarachimuran. Nuwanchipis Jesúsman yupachicur ushyacurmi, jucha rurayta jaguishcanchina. Chaymi Jesústa cawarachimushan-jina nuwanchitapis mushuj cawayman çhuramanchi. Jesúswanna cawanchi.

⁶Mä, tantiyacushun. Ñaupata juchaçu aruyta mana munaptinchisi, jucmi maquichacamashcanchi llutanta ruranchipaj. Cananmi

ichanga Jesúsman yupachicushanchipita mana maquichacamanchichu. Jesús ruschu wañuyman çhayashan-jina nuwanchipis wañush-yupay ricacushcanchi. Mana juchallaçhünachu cawaycanchi.

⁷Pipis wañur, juchata mana aparicunnachu. Chay-jina nuwanchipis jucha rurayta jaguishcanchi.

⁸Wañuyman çhayashanchi-yupay caycaptinchisi Washäcuj Jesúsman yupachicuptinchi, imaycamanpis Tayta Diosninchicawachimäshun. Payga Jesústa cawarachimushan-jina nuwanchitapis mushuj cawayman çhayachimashcanchi. ⁹Cawarish caycar, Washäcuj Jesús yapay mana wañungachu. Wañuyman mana çhayangachu. Tayta Diosninchicawarachisha. ¹⁰Juchapita washämänanchipaj juc cutilla wañuyman çhayaran. Juchayuj caycaptinchisi, nuwanchi-raycur wañuyman çhayaran. Cawarmurpis, Tayta Diosninchipa shungun munashallanta rurarcawaycan.

¹¹Aya juchata mana aparicushan-jina nuwanchipis jucha aparicuyta jaguiy-cushcanchi. Mushuj cawaychüna Washäcuj Jesús cawaycächimanchi. Chaymi Tayta Diosninchipa shungun munashallanta rurarcawaycanchi.

¹²Chaymi wañucujlla caycar, juchaçu ama arushunnachu. Llukan rurayta munaparsi, juchata ama aparicushunnachu. ¹³Imachüpis ama juchallicushunnachu. Jesús-jina nuwanchipis Tayta Diosninchipa maquinchu cawashun. Shungun munashannuy cawar, allillata rurashun. Payga wañuy-pita cawarimushta-yupayna ricamanchi. Chaymi shungunwan tincushallanta rurarcawashun. ¹⁴Tayta Diosninchicawachimäshun.

alli ñawinwan ricamanchi mana Moiséspa shiminta éharcup-tinchichu. Manchäga llaquipä-mashpanchi paypa maquinchüna cawaycanchi. Yanapämaptinchi, shungun munashannuy cawashun. Jucha ruraytapis ama munapäshunnachu.

**Tayta Diosninchipa
shungunman tincushanta
rurananchipaj**

¹⁵Sumaj tantiyacushun. «Llaquipä-mashpanchi alli ñawinwan Tayta Diosninchipa ricamanchi shiminta mana éharcuptinchisi» nir willapaptij, llutanta yarpapun-quiman. Ama jitapämanquichu: «Alli ñawinwan ricamashpanchi jishpichimaptinchiga, juchaçu arucushaj» nir. ¹⁶Musyanchi uyway runa taytanpa shiminta wiyacushanta. Nuwanchipis uyway-yupay caycanchi. Chaymi: «Tayta Diosninchipa maquinchu cawä» nirga, shimintapis sumaj wiyacushuwan. Shungun munashallanta rurashuwan. Chaynuy cawap-tinchi, alli ñawinwan ricamanchi. Mana wiyacuptinchim ichanga, supaypa maquinchu cawar juchata aparicushanchipita wañuyman éhayashunpaj.

¹⁷Cananga supaypa maquinchu mana cawanchichu. Manchäga Tayta Diosninchipa maquinchüna cawaycanchi. Ima allish willapäcushäcuna shunguyquiman éhayasha. Llapan shunguyquiwan wiyacuyanqui.

¹⁸Jucha aparicuyta jaguinayquipaj Tayta Diosninchipa jishpichishcashunqui. Cananga maquinchu cawar, uywaynin-yupay shungun munashallanta ruranguiman. ¹⁹Ushyacajlla

caycanchi. Chaymi sumaj tantiyacunayquipaj uyway runawan tincuchiypa willapaycaj. Tayta Diosninchipa maquinchu mana cawar, llutan rurayllata, jucha aparicuyllata yarpashcanchi. Cananmi ichanga paypa maquinchu cawar, allillata rurashun. Shungunman tincushallanta rurashun.

²⁰Tayta Diosninchipa maquinchu mana cawarraj shungunchi munapashallanta ruray, juchata aparicushcanchi. Mana pipis piñapämaranchichu: «Tayta Diosninchipa shungun munashallanta ruray» nir.

²¹Munapashallanchita ruray, pingayllaman éhayashcanchi. Pingayman éhayar, Tayta Diosninchipawan imaysi mana tincushuwanachu caran.

Manchäga wañuyman éhayashuwan caran. ²²Tayta Diosninchim ichanga maquinchu purichimanchi: «Jamta acracushcaj» nir. Shungunchitapis tigrachiran: «Jucha aparicuyta ama munapanquichu. Manchäga shungü munashallanta rurankui» nir. Shiminta wiyacuptinchi, alli ñawinwan ricamashpanchi janaj pachaman shuntacamashun imaycamanpis cawananchipaj.

²³Chaymi Taytanchi Jesucristuman yupachicur maquinchu cawaptinchi, Tayta Diosninchipa imaycamanpis cawachimashun. Juchallaçu arujcunam ichanga wañuyman éhayanga.

**Moiséspa shiminpita
willapäcushan**

7 ¹Irmänucuna, Moiséspa shiminta sumaj musyanchi, ¿au? Llapallantapis éharcunanchi; wañurmi ichanga manana. Chaymi tincuchiypa tantiyacushun. ²⁻³Majayuj warmi

majanpa maquinchu cawan. Shimitapis wiyacun. Majayuj caycar jucwan cacurga, majanta jananpachin. Majan wañucuptinmi ichanga, japallanna ricacun. Jucwan majachacar, wañuj majanta mana jananpachinnachu.

⁴Irmānucuna, llapanchi juchata rurur purishcanchi. Nuwanchi-raycur Washäcuj Jesús wañushanman yupachicurmi ichanga, wañush-yupay ricacushcanchi. Jucha ruraypitapis jishpichimashcanchi. Chaymi alli ñawinwan Tayta Diosninchi ricamānanchita munar, mana Moisés pa shimintarāchu éharcunanchi. Manchäga Jesús pa maquinchūna cawananchi. Paytana wiyacunanchi. Wañushanpita Tayta Diosninchi cawarachimusha. Paypa shungun munashannuyna cawashuwan. ⁵Ñaupata supaypa maquinchu cawar Moisés pa shiminta éharcuyta munaptinchisi, supay imačhūpis jucha aparicuyta munapāchimaranchi. Juchachu cawaycaptinchi, wañuyman éhayananchi caran. ⁶Cananmi ichanga Tayta Diosninchipa maquinchu cawananchipaj mana Moisés pa shimintarāchu wiyacunanchi. Wañush-yupay caycar, Moisés pa shiminta wiyacunanchi mana camacannachu. Juchata rurur mana cawanchinachu. Manchäga Espíritu Santu yanapāmaptinchi, Tayta Diosninchipa shungun munashallanta rurur cawaycanchi.

**Moisés pa shiminpita juchayuj
cashanta tantiyacushan**

⁷Chaynuy captinsi, ama yarpāshunchu: «Moisés wan Tayta

Diosninchi isquirbirächishan shiminsasa. Éharcuyta mana camāpacupti, wañuyman éhayachiman» nir. Paypa shiminsalli. Jucha ima cashantapis tantiyachimanchi. Nuwanchi-raycur Tayta Diosninchi musyachicun: «Runa-masiquipa imancunatapis ama munapanquichu» nir. ^{*}Chayraj imatapis munapar: «Juchata aparicushcanqui» nir jurgapāmānanchita tantiyacunchi. ⁸«Ama munapanquichu» nimaptinchisi, yargaj canchi. Runa-masinchipa imancunatapis sumaj munapanchi. Ichanga Tayta Diosninchipa shimins mičhāmaptinchiraj, jucha cashanta tantiyacunchi. Shimins mana mičhāmaptinchim ichanga, ima juchatasi mana aparicushuwanpishchu.

⁹Ñaupata Moisés pa shiminta mana musyar, imasi mana jucushcāchu. Shiminta musyarmi ichanga juchachu cawashātapis, ¹⁰Tayta Diosninchipa maquinchu mana cawashātapis tantiyacushcā. Moisés pa shiminta éharcur imaycamanpis cawayta yarpashcā. Shimins juchachu cawashāta musyachimaptinmi ichanga, imaypis wañuyman éhayanāta tantiyacushcā. ¹¹Chaypis llutanta yarpar nishcā: «Juchachu cawarsi Moisés pa shiminta llapanta éharcurga, imaycamanpis Tayta Diosninchipa maquinchu cawashaj.» Chaynuy nirpis, Tayta Diosninchipa maquinpita witicushāpita wañuyman éhayachimānan caran. ¹²Chaypis Moisés pa shiminsalli. Payga Tayta Diosninchipa shiminta willacuran. Ima-imata rimashanpis sumaj alli. Wiyacushanpis alli.

^{*}7.7 Éxodo 20.17; Deuteronomio 5.21.

¹³Chaynuy captin, ama yarpämanchu: «Moisésa shimin alli captinsi wañuyman éhayar, Tayta Diosninchivan mana imaysi tincushächu» nir. Mana Tayta Diosninchipa shimin-jananchu wañuyman éhayashaj. Manchäga paypa shiminta éharcuyta mana munarmi, wañuyman éhayashaj. Juchallaáchu aruyta munaparmi, juchata aparicü. Juchallicur, juchallaáchu cushish arushäta tantiyacü. Jucha-sapa cashäta Moisésa shimin musyacächin.

¹⁴Musyanchi Moisésa shimin Tayta Diosninchipa shimin cashanta. Nuwam ichanga wañuj runa car, juchata aparicullar cawä. Mana wiyacur, shungü munapashallanta rurä. ¹⁵Tantiyayta mana atipächu. Llutanta rurarpis, mana pingacüchu. Alli rurayta munarsi, chucru shungu cä. Llutancunata juella rurä. Allita ruraytam ichanga sasächicü. ¹⁶Chaynuy jucha ruray janéhamaptinsi, ichipuyta mana camäpacuptisi, Moisésa shimin alli. ¹⁷Éharcuytapis munä. Chaypis mana camäpacüchu. Shungüga munapashallanta ashir, juchaman janéhaman. ¹⁸Wañuj runa capti, juchallaáchu purichiman. Allillata rurayta munarsi, mana camäpacüchu. ¹⁹Alli rurayta munarsi, llutanta rurä. Jucha rurayta wasguiyta munarsi, juchata aparicü. ²⁰Jucha aparicuyta mana munarsi, juchata aparicü. Ichanga mana quiquipitachu aparicü; manchäga shungü janéhamaptin.

²¹Cananraj sumaj tantiyacü. Tayta Diosninchipa shimin nishallanta rurayta munaptisi, shungü jucha aparicuytaraj munapan. Alli rurashäpita chapäman. ²²Tayta

Diosninchipa shungunman shungü tincunanta munä. Shimintapis wiyacuyta munä. ²³Wiyacuyta sumaj munaptisi, shungü juchata munapan. Munapashanta camacächiptin, jucha rurayman éhayä. ²⁴Wañuj runa carmi, sumaj llaquicü. Imamanpis éhayashaj. Juchallicush capti, ¿piraj wañuytita jishpichimanga? ¿Piraj Tayta Diosninchivan tincuchimanga? ²⁵Chaypis sumaj cushicü. Tayta Diosninchitapis alliman éhurä. Ima allish Taytanchi Jesucristuta cáchamusha llapaninchita jishpichimänanchipaj.

Chaymi ama jungashunchu. Tayta Diosninchipa shiminta éharcushuwan. Shiminta éharcuyta munarsi wañuj runa caycar, juchatapis aparicunchi.

**Espíritu Santu
charimashanchipita
willacushan**

8 ¹Washäcuj Jesúsapa maquinchu cawaptinchi, mana juyu ñawinwanchu Tayta Diosninchiricamanchi. Ñacaymanpis mana jaycamanchichu: «Juchayuyjmi canqui» nir. ²Manchäga Washäcuj Jesúsapa maquinchu cawaptinchi, Espíritu Santu cawachimanchi. Payga jucha munapaypita jishpichimanchi. Wañurpis, chacaj pachaman mana éhayashunchu. Manchäga Tayta Diosninchipa ñaupanman éhayashunpaj. ³Paymi nuwanchiraycur llapanta camacächiran. Ñaupataga shungunchi munapashallanta ruray wañuj runa caycar, Moisésa shiminta éharcuyta mana camäpacushcanchichu. Chaymi wañuyman éhayananchi

caran. Chaynu y captinchisi, Wawan Jesústa Tayta Diosninchicañamuran. Jesúsga wañuj runa yuriran. Ichanga nuwanchi-jina runa caycarsi, juchata mana apari-curanchu. Chaypis nuwanchi-janan runacuna ñacachiran. Nuwanchi-raycur wañuymansis éhayachiran. Chaypitam juchaynajtana Tayta Diosninchicaycämanchi.

⁴Cananraj paypa shiminta éharcuy-canchi. Ñaupata shungunchi munapashallanta rurashunchi. Cananmi ichanga Espiritu Santu shacyächimaptinchi, Tayta Diosninchipa shungun munashannuylla cawaycanchi.

**Espíritu Santu
pusharämashanchipita
willapashan**

⁵Juchallañchu arujcuna shungun munapashallanta ashin. Tayta Diosninchipa shungun munashanta ashijcunam ichanga Espiritu Santuta wiyacur cawan. ⁶Juchañchu arujcuna shungun munapashallanta ashir, wañuymansis éhayan. Tayta Diosninchipa ñaupansis imaypis mana éhayangapächu. Espiritu Santuta wiyacurmi ichanga, allilla cawanchi. Tayta Diosninchipa ñaupanchüpis cawashunpaj. ⁷Juchañchu arujcuna shungun munashallanta ashir, Tayta Diosninchita ticrapun. Shiminta wiyacuyta munarsi, éharcuyta mana camäpacunchu. ⁸Chaymi shungunchi munapashanta rurashunchi, Tayta Diosninchipa shungun munashanta rurayta mana camäpacunchichu.

⁹Jamcunam ichanga shunguyqui munapashanta mana ruranchi-nachu. Manchäga Espiritu Santuta

wiyacuycanqui. Washäcuj Jesús camacächiyinpa shiminta éhasquicushayquipita Espiritu Santupa maquinñchu cawarcaycanqui.

Mana éhasquicujcunatam ichanga maquinñchu mana charanchu.

¹⁰Maquinñchu Washäcuj Jesús purichimaptinchi, Tayta Diosninchipis: «Juchaynaj caycanqui» nir alli ñawinwan ricamanchi.

Chaymi juchata aparicushanchipita wañuymansis éhayarsi, mana ushyacaj cawayñhuna Tayta Diosninchipuriyächimanchi.

¹¹Sumaj tantiyacushun. Runacuna Washäcuj Jesústa wañuchiptinsi, Espiritu Santuwan Tayta Diosninchicawarachimusha. Wañushanpita Jesústa cawarachimushan-jina nuwanchitapis Espiritu Santuwan cawarachimäshunpaj. Paymi maquinñchu charämanchi.

¹²Irmänucuna, sumaj tantiyacushun. Espiritu Santu charämaptinchi, Tayta Diosninchipa shungun munashanta rurashun. Quiquinchi munashanchinuylla ama cawashunchu. ¹³Shungunchi munashallanta ashiptinchi, wañuyllaman éhayashunpaj. Espiritu Santu yanapämaptinchim ichanga jucha aruypita witicur, imaycansis Tayta Diosninchipa ñaupanchu cawashunpaj.

¹⁴Espiritu Santu shacyächimashanchinuylla cawashpanchi Tayta Diosninchipa wawan caycanchi.

¹⁵Chaymi mana manchacunchinachu. Mandu-rurajcuna jucpa maquinñchu cawar imata mañacuritapis manchacun. Nuwanchim ichanga Tayta Diosninchipa wawan cashpanchi imatapis mañacunchi: «Papäninchi» nir. ¹⁶Shungunchipis

shungunwan tincuptin, Tayta Diosninchipa wawan cashanchita Espíritu Santu sumaj musyachimanchi. ¹⁷Chaymi wawan captinchi, imaypis mana pishichimashunchu. Washäcuj Jesústa ricashan-jina nuwanchitapis ricamashunpaj. Runacuna Jesústa ñacachishan-jina nuwanchita ñacachimaptinchisi, achicyaj pachaman Tayta Diosninchicha yachimashunpaj. Jesústa-jina nuwanchitapis alli cayman churamashunpaj.

Tayta Diosninchipa ñaupanchu sumaj cushicuyпита willapashan

¹⁸Chaymi ñacayman chayarpis, ama imasi jucushunchu. Tayta Diosninchipa ñaupanman chayaptinchi, achic-achicyaycay pachachu cawachimashunpaj. Chay wichanga ima cushicuymañraj chayachimashunpaj. ¹⁹⁻²¹Chaypis ñaupanman shuntamänanchi junaj mana chayamunrächu. Tayta Diosninchipa camashancuna llapanpis uticash cashpan shuntamänanchitaraj shuyäcuyan. Camashancuna quiquillanpita alliman ticrayta mana junchu. Manchä ismucäcun. Wañucurin. Tayta Diosninchipa camacächiptin, manacajmanpis chayan. Shuntacamänanchi junajmi ichanga llap-llapanta jishpichinga. Camashancunata shungun munashanman cutichinga. Wamrancunatapis ricsichicur, alli cawaychu cawachinga.

²²Jishyay warmi nanaywan japaraptin, jishyacuycashanta musyanchi. Chaynuymi Tayta Diosninchipa camashancunapis cananllaga alliman jishpichinanta munar, japaraycan. ²³Nuwanchipis

ñacaychu cawar, sumaj llaquicunchi. Janaj pachaman mana chayallarpis, Espíritu Santupa maquinchu cawaycanchi. Shuntamashpanchim ichanga Tayta Diosninchipa ricsichicamashun: «Wawämi canqui» nir. Juc-niraj cawaychüna cawachimashunpaj. Mana wañucujnachu imaycamanpis cawachimashunpaj. Chaynuycawananchita shuyarpaycanchi.

²⁴Jucha aparicuyпита Tayta Diosninchipa jishpichimashanchipitapacha shuyarpaycanchi janaj pachaman shuntacamänanchita. Chaypis mana shuntacamashanchicaman Tayta Diosninchiman yupachicuycänanchi. ²⁵Janaj pachaman chayash caycar, ¿shuntacamänanchita yupachicushungarächu? Mana. Chaymi ima ñacayman chayarsi, Tayta Diosninchiman yupachicur shuyarpaycanchi.

²⁶⁻²⁷Llutäpacuptinchisi, Espíritu Santu yanapämanchi. Llutäpacur mañacuyta mana camäpacuptinchisi, tantiyamanchi. Quiquinmi Tayta Diosninchita mañacapamanchi. Llapan wawancunapa shungun munashanta tantiyachin. Tayta Diosninchipa shungun munashannuylla larlapämanchi.

Llaquipämashpanchi Tayta Diosninchipa mañacäharimänanchipita willapashan

²⁸Ima ñacaychu captinchisi, Tayta Diosninchipa yanapaycämanchi. Payta manchapacuptinchi, imatapis allipaj camacächin. Chaycuna tantiyachimanchi shungun munashannuy cawananchipaj. Chaypämi acrac-

mashcanchi. ²⁹Cay pachata mana camallarraj, llapan shiminta wiyacujcunatapis, nuwanchitapis Tayta Diosninchi acracamashcanchi Wawan Jesúsman llucshinanchipaj. Jesúsga Tayta Diosninchipa jichpa wamran-yupay caycan, nuwanchina shullca wamran-yupay. ³⁰Chaymi shungun yarpashannuy camacächir, acracamashcanchi. Wamracha-camashcanchi. Alli ñawinwan ricamanchi. «Juchaynajmi canqui» nir achic-achicyaycaj pachamanpis shuntacamäshunpaj.

³¹Sumaj tantiyacushun. Tayta Diosninchi tucuy-jinanpa yanapaycämanchi. Chaymi runacuna ñacachimaptinchisi, chapata ruramaptinchisi, ama llaquicushunchu. ³²Sumaj llaquipä-mashpanchi nuwanchi-raycur quiquinpa Wawan Jesústapis wañuyrita mana jishpichishachu. Manchäga jucha aparicushanchipita jishpichimänanchi-raycur wañuyman chayachisha. Cawarcachimur, janaj pachamanpis shuntacusha. Cananga alli ñawinwan ricamashpanchi tucuy-jinanpa yanapaycämanchi. ³³Runacuna: «Jucha-sapa» nimaptinchisi, Tayta Diosninchi chapaycämanchi. Acracamashpanchi alli ñawinwan ricaycämanchi: «Juchaynaj carcaycanqui» nir. ³⁴Chaymi pipis mana jurgapämäshunnachu: «Juchachu arushcanqui» nir. Jishpichimänanchi-raycur mayna Jesús wañuyman chayasha. Cawarcachimur, mandäshinanpaj Tayta Diosninchi janaj pachaman shuntacusha. Diricha-caj lädunchu

jamachiran. Chaychüna Washäcuj Jesús parlapaycämanchi.

³⁵Washäcuj Jesús sumaj llaquipämanchi. Maquillanču chararämanchi. Chaymi tucuy-jinanpa ñacaptinchisi, yargaptinchisi, pishipacuptinchisi, llaquicuptinchisi, wañuchimaptinchisi, mana jungamanchichu. ³⁶Tayta Diosninchipa shiminchüpis nin:

«Maquiquichu cawashäpita jaticáhar ushyarcaycäman.

Uyshata pishtashan-jina wañuchimayta ashircaycan.»*

³⁷Chaypis Washäcuj Jesús llaquipä-maptinchi imaman chayarsi, allichu llucshinchi. ³⁸⁻³⁹Maquinpitapis Tayta Diosninchi mana cácharimäshunchu. Cay pachaču cawaypis, wañuytis, janaj pachaču munayniyujcunapis, pacha rurinču munayniyujcunapis, canan wichan tincupacaycunapis, wara-warantinpaj yarpačhacuycunapis mana wasguichimäshunchu. Mana imapis maquinpita jurgamäshunchu. Tayta Diosninchi mana cácharimäshunchu. Taytanchi Jesucristuta cáhamuy-ninpa sumaj llaquipämashanchita musyachimaranchi. Cananga paypa maquinchüna cawanchi.

Israel runacuna Tayta Diosninchiman mana yupachicushan

9 ¹Irmänucuna, Israel-masícuna Washäcuj Jesúsman mana yupachicuptin, llaquish cawä. Mana llullacüchu. Washäcuj Jesúsman yupachicupti, Espíritu Santu yanapäman rasullanta rimanäpaj.

* 8.36 Salmo 44.22.

²Sumaj-sumaj llaquicü. Waran-waran shungüpis nanan. ³Israel-masícuna Washäcuj Jesúsman yupachicunan-raycur, imamanpis éhayäman. Juyu ñawinpa Tayta Diosninchi ricamänan captinsi, mana llaquicümanchu. ⁴Israel runacunaga Jacobpa willcallan caycanchi. Israel runacunallata Tayta Diosninchi wamrachacuran. Chunyaj pachaüchu purishan wichanpis achic-achicyaycar ricari-punyan. Parlanacunyan. Sinaí puntaüchu shimintapis musyachiran. Quiquinmi wasinüchu imanuy-imanuy alliman éhurananpäpis, jarananpäpis tantiyachiran. Yawar-masillanpita Washäcuj yurinantapis auniran. ⁵Unay auquillunchicuna caycan Abraham, Isaac, Jacob. Paycunapa willcallanpita Washäcuj yurinantapis Tayta Diosninchi camacächiran. Yawar-masillan Jesús caycaptinsi, Israel-masícuna wasguiparan. Washäcujninchi Jesúsmi ichanga cay pachatapis, llapan imacunatapis maquinüchu charan. Payga Tayta Diosninchim. Payllata imaypis alliman éhurashun. Chaynuy caycullächun.

⁶⁻⁷Israel-masícuna Washäcujta wasguipänapaj, ¿Tayta Diosnin-chichuraj aunishanta cutiricuran? Mana. Tayta Diosninchi mana Abrahampa, Jacobpa llapan willcancunatachu wamrachacuran. Mana Israel runacunallatachu wamrachacuran. Manchäga shungun munashallanta wamrachacuran. Quiquin Abrahamtapis niran: «Isaacnillay-quita wamrachacushaj. Payllapita

willcayquicuna miranga.»* ⁸Tayta Diosninchi mana Abrahampa llapan wamrancunatachu wamrachacuran. Manchäga aunishan-jina jucnayllata wamrachacuran. ⁹Abrahamta aunir, Tayta Diosninchi niran: «Watan caynuy wichan cutimupti, majayqui Sara wamrayujna caycanga. Llapanta camacächishaj.»*

¹⁰Auquillunchi Isaacpapis warmin Rebecaüchu ishca y wamran caran. ¹¹⁻¹³Ichanga wamrancuna mana yuriptillan, allita, mana allita rurananpis mana musyacaptillan, Tayta Diosninchi Rebecata niran: «Jichpa wamrayqui shullcanpa maquinüchu cawanga.» Tayta Diosninchipa shiminüchüpis isquirbiraycan:

«Shulla captinsi Jacobta llaquipar, wamrachacushcä. Esaütam ichanga jichpa captinsi, wasguishcä.»*

Tayta Diosninchi shungun munashallanta wamrachacun. Payga allita, mana allita rurashantapis mana ricanchu. Manchäga munashallanta camacächin.

Tayta Diosninchi allillata rurashan

¹⁴¿Chaymi: «Tayta Diosninchi llutanta ruraycan» nishuwan-churaj? Mana. ¹⁵Moiséstapis marca-masinpaj mañacauptin, quiquin Tayta Diosninchi niran: «Manacaj captinsi munar, pitapis wamrachacushaj. Shungü munashan-cajllata llaquipashaj.»* ¹⁶Tayta Diosninchi wamrachacamänanchipaj mana quiquinichu callpachacunanchi.

*9.6-7 Génesis 21.12. *9.9 Génesis 18.10, 14. *9.11-13 Génesis 25.23; Malaquías 1.2-3.
*9.15 Éxodo 33.19.

Manchäga llaquipashpan shungun munaptin, pitapis wamrachacun.
¹⁷Shiminchüpis Egipto marca mandajta Tayta Diosninchi nin:
 «Faraón, munayniyuj canayquipaj camacächishcä. Chaymi nishä-nishäta rurachishayqui nuwalla munayniyuj cashäta llapan runa musyananpaj. May-chaychüpis nuwallata manchapacamanga.»^{*} ¹⁸Tayta Diosninchi munar, pipa shunguntapis chucruyächin ullgujyänanpaj. Llaquipayta munar, pitapis llaquipan.

¹⁹Sumaj tantiyacushun. «Tayta Diosninchi shungun munashallanta camacächin» nipti waquinniqui llutanta yarpay, niranmanquiman:
 «Juchata aparicuptinchisi, Tayta Diosninchi mana piñapämashunchu. Paypa shungun munashanta mana tircachishuwanchu» nir. ²⁰¿Pitaj canchi Tayta Diosninchita ashipänanchipaj? Mitu manca-yupay caycanchi. Mitu manca quiquin manca-rurajta mana ninmanchu: «¿Imanirtaj cay-nirajta ruramashcanqui?»²¹ Manca-rurajga yarpashanta mitupita rurán. Chay mitullapita waquin mancata rurán cuyayllapaj; waquina mana. Chay-jina Tayta Diosninchipis yarpashanta nuwanchiwan rurán.

²²⁻²⁴Chaymi juchallachu arujcunata ushyacächinan camacan. Ushyacächimänanchi captinsi, juchanchita jurgapämänanchi captinsi, Tayta Diosninchi llaquipämänanchi camacan. Paypa maquinchu cawaycanchi. Israel runa captinchisi, jäpa runa captinchisi, unaypita-pacha acracamashcanchi llaquipämashanchita tantiyacunanchipaj. Llapanin-

chita acracamashcanchi imaycamanpis janaj pachachu cawananchipaj. ²⁵Chaymi Oseas isquirbishan libruichüpis Tayta Diosninchi nin:

«Jäpa runacunata wajta runajina ricaj carsi, acracushaj wamrachacunäpaj. Wasguishcunata llaquipar, sumaj llaquipashaj.»^{*}

²⁶¿Piraj cacullanquipis? nishä runacunata wamrachacushaj.»

Jananmanpis nin:

««Jamcunata mana ricsijpishchu. Mana wamrachu canqui» nish captisi, runacuna jinallancho auninga: «Cawaj Tayta Diosninchipa wamrancuna carcaycanqui» nir.»^{*}

²⁷⁻²⁸Israel runacunapaj Isaías niran:

«Israel runacuna agu-jina chay-chicajmi. Chaypis jucha aparicushanpita Tayta Diosninchi llapanta-yupay ushyacächinga. Mana llaquipar, juclla ushyaypa ushyarachinga. Auquillunchicunata aunishanta charcurmi ichanga, waquin-waquillanta jishpichinga.»^{*}

²⁹Jananmanpis Isaías niran:

«Auquillunchicunata waquin-waquillanta Munayniyuj Tayta Diosninchi mana jishpichtin, Sodoma marcawan Gomorra marca ushyacashan-jina nuwanchipis pasaypa illarishuwan caran.»^{*}

^{*}9.17 Éxodo 9.16. ^{*}9.25 Oseas 2.23. ^{*}9.26 Oseas 1.10. ^{*}9.27-28 Isaías 10.22-23.

^{*}9.29 Isaías 1.9.

³⁰Canan sumaj tantiyacushun. Jäpa runacunata mana imatapis ruraycaptin, alli ñawinwan Tayta Diosninchi rican Jesús pa shiminta éhasquicushallanpita. ³¹⁻³²Israel runacunatam ichanga Jesús pa shiminta mana éhasquicushanpita wasguiparan. Paycuna Tayta Diosninchi alli ricananta munar, Moisés pa shimin nishannuylla tucuyta ruraran: «Paypa shiminta llapanta éharcupti, alli ñawinwan Tayta Diosninchi ricamanga» nir. Chaymi Jesús ta tunichicuj rumita-jina ricar, shimintapis mana éhasquicuranchu.* ³³Israel runacuna Washäcujta wasguinanpaj shiminchu Tayta Diosninchi musyachicuran:

«Sión marcachu juc runa yuringa pitapis llutäpacachinanpaj. Tunichicuj rumita-jina runacuna ricanga. Achcajmi wasguipanga. Pingaymanpis éhayanga Paypa shiminta éhasquicurmi ichanga, alli cawayta taringa. Imaypis mana pingayman éhayangapächu» nir.*

Israel runacuna Moisés pa shiminta éharcuyta munashan

10 ¹Irmänucuna, Israel-masícuna Tayta Diosninchipa maquinchu cawananta llapan shungüwan munä. Jishpichinanta munar, waran-waran Tayta Diosninchita mañacapi. ²Israel-masícuna tucuyta rurán

Tayta Diosninchi alli ricananpaj. Sumaj manchapacunpis. Shungun munashanta mana tantiyacurmi ichanga, pantacash purircaycan. ³Alli ricananpaj Tayta Diosninchi mayna camacächish caycaptinsi, wasguipan. Quiquin yarpashanta rurar, Moisés pa shimillanta éharcuyta munan. ⁴Chaypis Tayta Diosninchi juchaynajta alli ñawinpa ricamanchi mana Moisés pa shiminta éharcushallanchipitachu; manchäga Washäcuj Jesús pa shiminta éhasquicuptinchi. Chaymi Israel-masícuna Moisés pa shiminta éharcuyta yarpar, pantapacun.

⁵Unay isquirbishanchu quiquin Moisés niran: «Cawayta munar, Tayta Diosninchipa shimintaraj llap-llapanta éharcushuwan.»* Chaura Tayta Diosninchi juchaynajta ricamänanchipaj shiminta wiyar, llapallanta sumaj-sumaj éharcunanchi. ⁶Jesús pa shiminta éhasquicujcunatam ichanga yupachicushallanchipita juchaynajta Tayta Diosninchi ricamanchi. Chaymi ama nishuwanchu: «Janaj pachapita Washäcujta pushamushun.» Washäcujninchi Jesús mayna yanapaycämanchi. ⁷Chaynuypis ama nishuwanchu: «Yanapämänanchipaj chacaj pachapita cawarachimushun.» Jishpichimänanchipaj mayna Washäcujninchi Jesús shamusha. Wañushanpitapis mayna cawarimusha. ⁸Payllaman yupachicuptinchi, jishpichimanchi. Shiminchüpis nin:

***9.31-32** Griego rimaychu tunichij rumipita rimar Jesús pita rimaycan. Israelcuna nuwanchiraycur Jesús wañuyman éhayashanta mana auniranchu. Chaymi juchu chapämashanchi-jina yarpayninpis chapash caran. ***9.33** Isaías 28.16. Israel runacunapa jatun marca ishca yutiyuj caran. Waquin runa nin: «Sión marca» waquinna: «Jerusalén marca.» ***10.5** Levítico 18.5.

«Tayta Diosninchipa shimin
mayna shunguyquiman
éhayasha.

Shimintapis willapäcuycanqui.»*

Nuwacunapis Washäcuj
Jesúsman yupachicunallanchipita
willapäcurcaycä. ⁹Chaymi llapan
shunguyquiwan yupachicur:
«Washäcuj Jesúsga Taytanchim.
Maquinchu purichimanchi.
Wañuyptapis Tayta Diosninch
cawarachimusha» nir willapäcuptiqui,
jamcunatapis Tayta Diosninch
jishpichishunquipaj. ¹⁰Tayta Diosninch
alli ricamänanchipaj Washäcuj
Jesúsman llapan shungunchiwan
yupachicushun. Jishpichimänanchipaj
Jesústa taytachacushun. Pi-maytapis
willapäshun. Ama upällacushunchu.

¹¹Isaías isquirbishanchüpis nin:
«Yupachicujcunata pingayman Tayta
Diosninch mana échurangachu.»*

¹²Israel runa captinchisi, jäpa
runa captinchisi, Tayta Diosninch
llaquipämanchi. Payman yupachi-
cuptinchi, llapanchita maquinchu
purichimanchi. Jayacuptinchi, sumaj
yanapämanchi. ¹³Shiminchüpis
nin: «Jayacujcunata pitapis Tayta
Diosninch jishpichinga.»*

¹⁴Tayta Diosninch pi cashantapis
mana musyarmi ichanga, ¿imanay-
paraj runacuna jayacunman?
¿Imanayparaj shiminta wiyacunman
paypita mana wiyaycar? ¿Imanay-
paraj shiminta éhasquicunman
pipis mana willapaycaptin? ¹⁵¿Piraj
willapäcunman Tayta Diosninch
mana cachaptin? Pipis alli willapata
éhayachimuptin, cushicuypaj canga.

Tayta Diosninchipa shiminpis nin:
«Pipis alli willapata éhayachimuptin,
cushicuypaj.»* ¹⁶Ichanga mana llapan
runachu shiminta éhasquicun. Chayéhi
unay willacuj Isafäspis niran: «Tayta,
shimiquita willapapti, pipis mana
éhasquicushachu.»* ¹⁷Waquin runa
wiyacuyta mana munaptinsi, Jesúspita
willapäcurcaycä. Willacushäta
éhasquicujcuna Washäcuj Jesúsman
yupachicurcaycan.

¹⁸Chaynuy caycaptin, ¿Israel-
masicuna manachuraj Tayta Dios-
ninchipa shiminta wiyasha? Au.
Wiyasham. Shiminchüpis nin:

«Shimin may-chaychüpis
willacucashana.

Shiminta llapan marcachüpis
wiyashana.»*

¹⁹Willapäcuptin, ¿willacushan
shungunman éhayashachuraj? Mana.
Wiyarsi, mana éhasquicuranchu. Israel
runacunata willacujnin Moiséswan
Tayta Diosninch musyachiran:

«Jäpa runacunata: «Paycuna
runachi» niptiquisi,
wamrachacushaj.

Wamrachacupti, chiquinquipaj.
Pampaman échurash runacunata
alliman éhurapti, ullgun-
quipaj» nir.*

²⁰Isaías libruchüpis Israel
runacunata piñapar, Tayta
Diosninch niran:

«Jäpa runacuna pi cashätapis
mana tantiyaycarsi,
éhasquicamasha.

Mana tapucuycap-
tinsi, pi cashätapis
musyachicushcä.»*

* **10.6–8** Deuteronomio 30.11–14. * **10.11** Isaías 28.16. * **10.13** Joel 2.32.

* **10.15** Isaías 52.7. * **10.16** Isaías 53.1. * **10.18** Salmo 19.4. * **10.19** Deuteronomio 32.21.

* **10.20** Isaías 65.1.

²¹Israel runacunapämi ichanga niran:

«Mana wiyacamaptinsi,
chucru shungu captinsi,
mana yamacashcächu.
Manchäga maquiüchu cawananta
munashcä.»*

**Israel runacunata Tayta
Diosninchi mana wasguishan**

11 ¹Chaura mä, tapushayqui.
¿Acracuynin caycaptinchu,
llapan Israel runacunata Tayta
Diosninchi wasguipasha? Mana.
Mana llapallantachu wasguipasha.
Nuwapis Israel runa cä. Abrahampis,
willcan Benjamínpi auquillü.
²Unaypita-pacha acracushan Israel-
cunata Tayta Diosninchi mana
wasguiparanchu. Shiminchüpis
Elías pita riman. Paymi juc cuti
jagayar, niran: ³«Taytallau Tayta,
acracushayqui runacuna willacuj-
masícunata llapanta wañuycachisha.
Jarashunayqui tullpacuna-
tapis llapanta juçhurachisha.
Nuwatapis wañuchimānanpaj
ashircaycāman. Quiquillāna
jamman yupachicuycä.»* ⁴Tayta
Diosninchim ichanga niran: «Mana
jamllachu yupachicaycāmanqui.
Manchäga acracushäcuna jančhis
waranga (7,000) nuwallaman
yupachicaycāman. Paycuna manacaj
yaya Baalman mana yupachi-
cunchu. Yaya Baalta mana mancha-
pacunchu.»* ⁵Canan wichanpis
Tayta Diosninchi acracushan
Israel runacuna caycanraj.
Yupashalla caycaptisi, llaquipä-
mashpan camacächin payllaman

yupachicärinäpaj. ⁶Ichanga mana
allita rurashäpitachu wamracha-
camasha; manchäga alli shungu
cashpan. Llaquipämashanman alli
rurashäcuna mana tincunchu.

⁷Chaymi Israel runacuna Tayta
Diosninchiwan alli ricanacuyta
munarsi, mana camäpacushachu.
Acracushancunalla Tayta Diosnin-
chiman yupachicun. Waquinta
chucru shungu cananpaj
camacächisha. ⁸Shiminchüpis nin:

«Upa cananpaj Tayta Diosninchi
camacächisha.

Ñawiyuj carsi, rinriyuj carsi,
canancamanpis Tayta
Diosninchipa shungun
munashanta mana
tantiyacunchu.»*

⁹Unay mandaj Davidpis chiqui
runacuna imaman échayananta
munar, Tayta Diosninchita
mañacuran:

«Tünancuna ñacayman apachun.
Imamanpis échayachun.
Unyanta cutichir, llapallanta
illarachiy.

¹⁰Ñawin ricaycaptinsi, japra-jina
cacuchun.

Tantiyayninpi jasacächun.
Sumaj ñacananpaj jucpa
maquinman échuray» nir.*

**Jäpa runacunata Tayta
Diosninchi washashan**

¹¹Chaypis ama nishuwanchu:
«Jesústa mana échasquicushanpita
Tayta Diosninchi Israel runacunata
pasaypa wasguipasha. Ricaytapis
mana munanchu» nir. Manchäga
Israel runacunata wasguipashan-

* 10.21 Isaías 65.2. * 11.3 1 Reyes 19.10, 14. * 11.4 1 Reyes 19.18.

* 11.8 Deuteronomio 29.4; Isaías 29.10. * 11.9–10 Salmo 69.22–23.

janan jäpa runacunatana Tayta Diosninchi wamrachacusha. Juchan-tapis mana yarparanganachu. Jäpa runacunata yanapaptinraj, Israel runacunapis juchanpita wanacunga. Tayta Diosninchiman yupachicunga. ¹²Israel runacuna wasguipayninpa jäpa runacunata Tayta Diosninchi sumaj yanapasha. Allipaj wasguipash caycaptin, llapan Israelcunata maquinman Tayta Diosninchi shuntangapaj. Chay wichan llapallanchita Tayta Diosninchi sumaj yanapämäshun.

¹³Jäpa runacuna, canan jamcunatapis tantiyachishayqui. Washäcuj Jesúspita willapänajpaj Tayta Diosninchi caçhacamasha. Llapan shungüwan willapäcuycä. ¹⁴Jamcunata willaparsi, Israelmasïcunata mana jungächu. Jamcunata ricacushushpayqui Tayta Diosninchiman yupachicunanta munä. Yupachicuptin, Tayta Diosninchi jishpichinga. ¹⁵Israel runacuna wasguishanpita jäpa runacunatana Tayta Diosninchi alli rican. Ima alliraj canman Israelcunapis Washäcuj Jesústa çhasquicuptin. Çhasquicuptin, cawarishtayupay Tayta Diosninchi ricanga.

¹⁶Sumaj tantiyacushun: «Juc tantata jaraptinchi, llapan tantata alli ñawinpa Tayta Diosninchi rican. Paypa maquinman yürapa sapinta çhuraptinchi, callapantin yürapis maquinchu ricacun.» Chaynuypa tantiyanchi llapan Israelcunata Tayta Diosninchi wamrachacunanta unay auquilluncuna maquinchu cawashanpita.

¹⁷Tincuchiypa tantiyacushun. Alli ulibus yüra Israel runacunawan tincun. Jäpa runacunana

jaçha ulibus yürawan tincun. Alli ulibusta llaumarir, jaçha ulibuspa callapanta Tayta Diosninchi tanachisha. Tanachiptin, alli ulibuspa cullullançhüna jaçha ulibuspa callapan chillguin. Alli ulibuspa sapillanwan cawan. ¹⁸Chaypis jatun-tucur, Israelcunata pampaman ama çhurashuwanachu. Callapanga sapinta mana cawachinchu. Manchäga sapinmi callapancunata cawachin. Chayjina jamcunapis Israel runacunapita Tayta Diosninchipa maquinchu cawarcaycanqui. ¹⁹Chaymi allitucur ama ninquimancho: «Alli ulibusta llaumarir, chay culluman tanachimasha jaçha ulibus-jina caycaptisi.» ²⁰Rasullanta rimaycanqui. Ichanga sumaj tantiyacuy. Alli ulibusta llaumariycur wicaparij-jina mana yupachicushanpita Israel runacunata Tayta Diosninchi jargurisha. Cananga jäpa runa captiquisi, Jesúspa shiminta çhasquicushayquipita maquinchu puriyçächishunqui. Chaymi ama alli-tucunquichu. Ama witicunquichu. Manchäga Tayta Diosninchita manchapacur cawanquiman. ²¹Alli ulibuspa callapanta mana cuyapaycarga, jamcunatapis mana cuyapäshunquipächu maquinpita witicuptiqui. ²²Sumaj tantiyacushun. Tayta Diosninchi waquin runata llaquipan; waquina mana. Wasguipäcuj Israelcunata mana llaquipashachu. Payman yupachicuptiquim ichanga, llaquipashcashunqui. Mana yupachicuptiquim ichanga, callapata llaumarij-jina wicaparishunquipaj. ²³Jesúspa shiminta çhasquicuptin, Israelcunatapis yapay maquinchu Tayta

Diosninchi purichinga. Llaumash carsi, quiquinpa callapanta tanachishan-jina cutichinga. Tayta Diosninchi munayniyuj llauma-riycur, cashganman cutichinanpäpis. ²⁴Pipis ja'cha ulibuspa callapanta alli ulibus yüraman mana tanachiy-captinsi, Tayta Diosninchi jäpa runacunata wamrachacusha. Pipis alli ulibuspa callapanta juclla tanarächinman. Chay-jina Tayta Diosninchi acracushan Israel runacunata shuntangapaj.

Israel runacunata Tayta Diosninchi washänan

²⁵Irmänucuna, mana ya'chaj-tucunanchipaj Tayta Diosninchi yarpashanta sumaj tantiyacushun. Wamrachacushanta jäpa runa captinsi, llapanta Tayta Diosninchi ricsiraycan. Israelcunam ichanga chucru shungu cashpan wasguipay-cangaraj llapan ricsirashan jäpa runacunata maquinman shuntanan-caman. ²⁶Chaypitaraj llapan Israel runacunatapis maquinman Tayta Diosninchi shuntanga. Shiminchüpis nin:

«Washämänanchipaj jucmi Sión marcapita ricarimunga.
Jucha'chu cawashanpita
Jacobpa willcancunata
wanacachinga.»

²⁷Jananmanpis nin:

«Parlanacushäta éharcur,
jucha aparicushanta mana
yarparäshänachu.

Llapanta jungaycushaj.»*

²⁸Chaypis Jesúsapa alli willapanta wasguipashanpita Israel runacunata juyu ñawinwan Tayta Diosninchi

rican. Jamcunatam ichanga jäpa runa captiquisi, Jesúsapa alli willapanta éhasquicushayquipita alli ñawinwan ricashunqui. Chaypis unay auquilluncunata acracuy-ninpa Israelcunata llaquipay-canraj. ²⁹Acracushancunata Tayta Diosninchi mana wasguingapächu. Manchäga aunishanta éharcurpis, yanapangapaj. ³⁰Ñaupata jamcuna mana wiyacurayquichu. Chaypis Israelcuna wasguipaptin Tayta Diosninchi llaquipar, jamcunatana maquin'chu puriyächishunqui. ³¹Llaquipäshushayqui-jina Israel-cunatapis llaquipanga cananlla mana wiyacuptinsi. ³²Llapanchita llaquipämänanchi-raycur Tayta Diosninchi camacächisha upa-tucunanchipaj. Chaymi Israel runacuna captinchisi, jäpa runacuna captinchisi, shiminta mana wiyacuranchichu.

³³Chaynuy caycaptin, Tayta Diosninchi yarpashanta, ¿piraj tantiyanman? Yarpay-sapa cayninman, ¿piraj tincunman? Yarpashanta pipis mana tantiyanmanchu. Yarpay-sapa caynintapis mana ricsinmanchu.

³⁴Shiminchüpis nin:

«Tayta Diosninchi yarpashanta pipis mana tantiyanchu.
Pipis mana willapanmanchu.

³⁵Pipis mana challishachu:

«Cutichimay» ninanpaj.»*

³⁶Tayta Diosninchi quiquinmi llap-llapanta camasha. Maquin'chu llapantapis purichin. Payllapaj llapanpis caycan. Chaymi payllata llapanchi imay-imaycamanpis alliman éhurashun. Chaynuy caycüllächun.

* 11.26–27 Isaías 59.20–21. * 11.34–35 Isaías 40.13; Job 41.11.

**Tayta Diosninchipa
shungun munashannuy
cawanapaj willapashan**

12 ¹Irmänucuna, llaquipä-mashpanchi tucuy-jinanpa Tayta Diosninchipa yanapaycämanchi. Cananga nuwanchipita. Unay auquillunchicuna uywata pishtaricur jarashan Tayta Diosninchipa shungunman tincusha. Chay-jina nuwanchipis quiquinchipa caway-bidanchita jarashuwan shungunman tincunanpaj. Payllata manchapacur, maquillanchu cawashuwan. Wañushanchi-caman shungun munashallanta rurashuwan. Chaynuy cawananchi sumaj camacan. ²Chaymi runacuna yarpashannuylla ama cawashunchu. Shungun munashantapis ama rurashunchu. Manchäga shungunman tincunanchipaj Tayta Diosninchipa shungunchita ticrachinman. Ticrachiptin, shungunman tincushallanta rurashun. Shungun munashannuylla cawashun. Allillata rurashun.

³Tayta Diosninchipa llaquipä-mashpan caçhacamasha llapaniquita piñapänajpaj. Mayganiquipis ama alli-tucunquichu. Manchäga sumaj tantiyacunquiman. Ima-imata ruranayquipäpis Tayta Diosninchipa yaçhayta camapushushayquimantupu imatapis ruranquiman.

⁴Mä, tantiyacushun. Runapa muguncuna achca caycan. Ichanga juc-niraj-juc-nirajta ruran. ⁵Nuwanchipis Washäcuj Jesúsapa maquinchu cawar juc-niraj-juc-nirajta yaçharpis, juc shungulla cawaycanchi. Mugucuna yanapänacushan-jina nuwanchipis

yanapänacushuwan. ⁶Shungun munaptin, Tayta Diosninchipa yanapaycämanchi ima-imata yaçhananchipäpis. Chaymi shiminta willapäcuyta yaçhar, tantiyachimashanchita llapan shungunchiwan willapäcushuwan. ⁷Yanapäcuyta yaçhar, sumaj yanapäcushuwan. Tantiyachicuyta yaçhar, tantiyachicushuwan. ⁸Shacyächiyta yaçhar, irmänunchicunata shacyächishuwan. Tarichicuyta yaçhar, puchuy-puchuy tarichishuwan. Irmänunchicunata ricayta yaçhar, llapan shungunchiwan ricashuwan. Pishipacujcunata yanapayta yaçhar, cushicushilla yanapäshuwan.

Llaquipänacuypita willapashan

- ⁹ Irmänucuna, ama janan shungulla llaquipänacärishunchu. Manchäga llapan shungunchiwan llaquipänacur, allillata rurashuwan. Manacaj rurashanchicuna llapanpis asyächicuypaj.
- ¹⁰ Llapaninchi wasi-pura-jina alli ricanacärishuwan. Pampaman ama çhuranacushunchu. Manchäga alliman çhuranacärishuwan.
- ¹¹ Tayta Diosninchipa munashanta rurananchipaj ama jillanäshunchu. Manchäga shungun munashallanta llapan shungunchiwan rurashuwan.
- ¹² Tayta Diosninchiman yupachicushuwan. Cushi-cushilla cawashuwan. Ñacayman çhayarsi, ama jagayäshunchu.

Tayta Diosninchita mañacuycar
cawashuwan.

¹³ Irmänucuna pishipacuptin,
tarichishuwan.

Pachacuyta ashiptin,
pachächishuwan.

¹⁴ Pipis ashipämaptinchi, chapata
ama rurashunchu. Manchäga Tayta
Diosninchita mañacapushuwan
sumaj yanapänapaj. ¹⁵ Pipis
llaquicur wagaptin, wagäshishuwan.
Alliman chayar cushicuptin,
cushicäshishuwan. ¹⁶ Jucninch-
jucninchipis juc shungulla
cawashuwan. Ama alli-tucushunchu.
Ama yaçhaj-tucushunchu. Manchäga
llapanwan alli ricanacärishuwan.

¹⁷ Pipis nanächimaptinchi, unyanta
ama cutichishunchu. Manchäga
llapanpa ricay ñawinçu allillata
rurar cawashuwan. ¹⁸ Llapan
runawan allilla cawananchipaj
imanuypapis camacächishuwan.
¹⁹ Wawacuna, pipis chiquir imatapis
rurashuptiqui, unyanta ama
cutichinquichu. Manchäga Tayta
Diosninchipa maquinman çhuray.
Paywan çhuracächun. Paypa
shiminçu nin:

«Imatapis rurashuptiqui,
maquiman çhuray.

Ama yatapaychu.

Ñacachinä camacan.»

²⁰ Jananmanpis nin:

«Chiquipäshushayqui yargaptin,
micuyta tarichiy.

Yacunaptin, yacuta macyay.

Chayrämi pingayman çhayanga.

Pingacurraj, wanacunga.»*

²¹ Pipis imatasi rurashuptiqui,
unyanta ama cutichinquichu.
Manchäga mana yamacällar

alli ñawiquiwan ricaptiqui, juyu
cayninpis ushyacanga.

Auturdäcunata

wiyacunanchipaj cashan

13 ¹ Irmänucuna, auturdäcunata
wiyacushun. Auturdäcuna

çhuracänapaj quiquin Tayta
Diosninchipa camacächin. Mana
camacächiptin, pipis auturdä
cayman mana çhaymanchu.

² Chaymi auturdäcunata ticrapur,
quiquin Tayta Diosninchipa ticra-
punchi. Ticrapushanchipita
ñacayman çhayashunpaj.

³ Auturdäcunata ama mancha-
cushunchu. Allita ruraptinchi,
mana ñacachimäshunchu.

Mana wiyacujcunatam ichanga
ñacayman çhayachinga.

Chaymi mana mancharish
juyänanchipaj auturdäcunata
manchapacur cawashun. Chayraj

alli ricamäshun. ⁴ Paycuna
Tayta Diosninchipa maquinçu
caycan alli ricamänanchipaj.

Chaypaj cargunman çhayasha.
Paypa maquinçu cashpanchi
mana allita ruraptinchi,

llutanta rurashanchiman-tupu
ñacachimäshun. Auturdäcunata
puellacuyta mana jushunpächu.

Paycuna Tayta Diosninchipa
shungun munashallanta rurar, llutan
rurajcunata ñacayman çhayachinga.

⁵ Chaymi Tayta Diosninchita
manchapacur, auturdäcunatapis
wiyacushun. Ñacaypita jishpiyllata
ama yarpäshunchu.

⁶ Tayta Diosninchipa camacächish
caycaptin, auturdäcuna mañashan
jillayta çhurashun. Paycuna Tayta

* 12.20 Proverbios 25.21-22.

Diosninchipa mandu-rurajnin.
⁷Chaymi manchapacur alli ricashun.
 Imatapis mañaptin, churashun.
 Aruchimaptinchi, arushun.

⁸Jaga-tucush-imarga, juclla
 cutichir ushyacächishun. Runa-
 masinchita llaquipänanchim ichanga
 ama imaysi ushyacanmanchu.
 Llaquipashpanchi alli ricarga, Tayta
 Diosninchipa shimintapis llapantana
 charcushcanchi. ⁹Paypa shiminta
 musyanchi. Moiséswan musyachi-
 curan: «Majayquita ama janampa-
 chiychu. Ama wañuchicuychu. Ama
 suwacuychu. Jucpa imancunatapis
 ama munapaychu» nir. Moisés
 isquirbishancuna llapan jucnay-
 llaman jucllachacan: «Quiquiqui alli
 ricacushayqui-jina runa-masiquitapis
 alli ricanquiman» nishallanman.*

¹⁰Llaquipäcujcuna runa-masinta
 alli rican. Pitapis mana juyu
 ñawinwanchu rican. Chayraj Tayta
 Diosninchipa shiminta llapanta
 charcun.

Tayta Diosninchipa shiminta wiyacunanpaj cashan

¹¹Irmänucuna, cay pachachu
 yupash junajlla cawanchi. Chaymi
 piñapashajta wiyacunquiman. Ama
 upa-tucunquimancho. Manchäga
 Tayta Diosninchipa shimin
 nishannuylla cawashun. Unayga
 Jesúsapa shiminta chasquicur:
 «Juclla shuntacamäshun» nir
 mana yarpashcanchichu. Cananmi
 ichanga jishpichimänanchipaj
 wallcana pishin. ¹²Chacaj
 cashantapis, junaj cashantapis
 musyanchi. Cay pachaachu cawayga
 chacajchu caway-jina. Runacunapis

juchallaachu arun. Tayta Diosninchipa
 jishpichimänanchi junaj chayamup-
 tinmi ichanga, achicyaj junajchüna
 cawashunpaj. Chaymi juchata
 ama aparicushunchu. Manchäga
 Tayta Diosninchipa shungun
 munashannuylla cawashuwan.
¹³Achicyaycaj cawaychu-jina mancha-
 pacur cawashuwan. Upyallaachu,
 tünallaachu ama purishunchu.
 Allgu-jina warmin-warmin, runan-
 runan ama purishunchu. Marca-
 pingay ama cawashunchu. Ama
 jayapänacushunchu. Ama chiquina-
 cushunchu. ¹⁴Shungunchi munasha-
 llanta imatapis ama rurashunchu.
 Manchäga Tayta Jesucristupa
 maquillancho cawashuwan. Llapa
 ricay shungun munashallanta
 rurashuwan.

Juc-niraj yarpaj irmänucunata tantiyacunanchipaj

14 ¹Tayta Diosninchiman
 yupachicur, sumaj tanti-
 yanacushun. Irmänunchicunapa
 yarpayninwan yarpayniqui mana
 tincuptinsi, ama pampaman churana-
 cunquichu. Yarpayniqui-janan ama
 chiquinacunquichu. Chiquinacur,
 yatayayman pipis chayan. ²Waquin
 irmänunchi tarishanta micun.
 Waquinna Tayta Diosninchipa alli
 ricananta yarpay, ricsish-ricsish-
 llata micun. ³Ricsish-ricsishllata
 micuptiqui Tayta Diosninchipa
 alli ricashushayquita yarpaypispis,
 tarishanta micujcunata pampaman
 ama churanquichu. Tarishayquita
 micuptiqui Tayta Diosninchipa alli
 ricashushayquita yarpaypispis, ricsish-
 ricsishllata micujcunata pampaman

* **13.9** Éxodo 20.13–17; Deuteronomio 5.17–21; Levítico 19.18.

ama éhuranquichu. Llapantapis Tayta Diosninchichi wamrachacusha. ⁴Llapanchi Tayta Diosninchichi maquinéchu cawaycanchi. Sumaj tantiyacushun. ¿Juc runapa uywayninta tincupänanichi camacanchuraj? Mana. Quiquin wasiyuj musyan uywaynin alli arushantapis, mana alli arushantapis. Chay-jina Tayta Diosninchichi allita ruranchipaj yanapaycämanchi. Munashanta ruraptinichi, pingayman éhayanan-chitapis mana camacächingachu.

⁵Waquin irmänunchi ricsish junajllaéchu jutucar, Tayta Diosninchichi alliman éhuran. Waquinna waran-waran jutucan alliman éhuranapaj. Imanuy yarpapis, llapan shungunchiwan Tayta Diosninchichi alliman éhurashun. Quiquinchichi-pura ama tincupänacushunchu. ⁶Waquin irmänunchi ricsish junajta acran Tayta Diosninchichi alliman éhuranapaj. Waquinna tarishan micuyta micun. Llapantapis rurana Tayta Diosninchichi alliman éhurashpan: «Ima allish micunäpaj tarichimanqui» nir. Waquinninichi ricsish micuyllata micurpis, Tayta Diosninchichi alliman éhurashpanichi micunchi: «Ima allish micunäpaj tarichimanqui» nir. Ima-imata micurpis, rurarpis, mana llutantachu ruraycanchi.

⁷Mayganinchichi mana quiqui-llanchipächu cawanchi. Mana ushyaräcunallanchipächu wañunchi. ⁸Cawarpis, wañucurpis, Tayta Jesústa alliman éhuranchi. Cawarpis, wañucurpis, Washäcuj Jesúspa maquinéchu cawaycanchi.

⁹Nuwanchi-raycur Washäcuj Jesús wañuyman éhayasha. Ichanga cawarimusha cawajcunatapis, wañushcunatapis maquinéchu charänanpaj.

¹⁰Chaymi llapanchichi maquinéchu Tayta Jesús puriyächimaptinichi, ¿imanirtaj irmänucunata waquinta jamurpanqui? ¿Imanirtaj pampaman éhuranqui? Llapanchichi ima-imata rurashanchitapis Tayta Diosninchichi jurgapämäshunpaj. ¹¹Shiminéhöpis isquirbiraycan:

«Cawaycay Tayta Dios caycä.
Shimi éharcucanga.
Munayniyuj cashäta tantiyacur
llapan runa manchapacamar,
ñaupäman jungurpacunga.
Shiminwanpis alliman
éhuramanga» nir.*

¹²Sumaj tantiyacushun. Tayta Diosninchichi alli ñawinwan ricamänanchipäpis, juyu ñawinwan ricamänanchipäpis quiquinchichi ima-imatapis rurashanchipita canga. Paymi llapan runata imata rurashantapis jurgapanga.

¹³Chaymi ama tincupänacushunchu. Tincupänacup-tinichi, irmänunchichuna micushanchi-janan, upushanchi-janan juchata aparicurunman. Juchata aparicur, Washäcuj Jesústapis wasguirunman. ¹⁴Tayta Jesúsman yupachicuptinichi, ima micuypis juchaman mana janéhamanchichu. «Waquin micuycuna mana allichu» nijcuna quiquillanpita yarpan. Chaymi: «Mana allichu» niptin, ama micuchishuwanchu. Ama tincupäshuwan-pishchu. ¹⁵«Mana allichu» nij

* 14.11 Isaías 45.23.

irmänucunapa ricay ñawinchu micur, tincupaj-yupay caycanchi. Mana llaquipäcuj-yupay pampaman éhuraycanchi. Micushanchi-janan pipis Washäcuj Jesústa ama wasgui-panmanchu. Payga llapanchita washämänanchi-raycur wañuyman éhayasha. ¹⁶Chaymi shungunchi munashanta micur, Tayta Diosninchita pingayman ama éhurashunchu. ¹⁷Paypa maquinchu cawanchi mana ricsish-ricsishllata micushanchipitachu, mana tarishanchita micushanchipitachu. Manchäga shungunchi shungunman tincunman. Paypa shungun munashanta rurashun. Llananwan alli ricanacur, allilla juyäshun. Cushishalla cawashun. Llananpäpis Espíritu Santu yanapaycämanchi. ¹⁸Washäcuj Jesústa manchapacur alli cawap-tinchi, Tayta Diosninchiman sumaj cushicun. Runa-masinchipis alli ricamäshun. ¹⁹Chaymi irmänunchicunawan imaypis alli ricanacushun. Tayta Diosninchiman sumaj yupachicunanchipaj shacyächinacushun.

²⁰Micuy-janan Tayta Diosninchipa maquinchu cawajcunata ama mashtacächishunchu. Ima micuypis allitaga allim. Ichanga micushanchi-janan irmänunchicunata mashtacächir, marca-pingayman éhayanchi. ²¹Chaymi irmänunchi: «Cayga jucha» nir yarpap-tin, ricay ñawinchu ima aychatapis ama micushuwanchu. Binutapis ama upushuwanchu. Achäqui cananpaj imatapis ama rurashuwanchu.

²²«Mana imananchu» nir quiquillayqui yarparanquiman. Tayta Diosninchiman llapanchipa

shungunchita musyapämanchi. «Imata micuptinchisi, Tayta Diosninchiman mana juyu ñawinwan ricamäshunchu» nir yarpap, shungunchi munashanta micur, upur cawashun. ²³«¿Allichuraj, manachuraj?» nir micurmi ichanga, juchata aparicunchi. Tayta Diosninchipa shungunman tincushanta mana sumaj musyaycar rurap-tinchi, imapis jucha.

Washäcuj Jesúspa llupinpa jatnanchipaj cashan

15 ¹Llanan shungunchiwan Tayta Diosninchiman yupachicur, wichaypa-uraypa yarpaj irmänunchicunata llaquipäshuwan. Quiquillanchipaj ama yarpäshunchu. ²Tayta Diosninchiman sumaj yupachicunanpaj irmänunchicunapa ricay ñawinchu alli purishun. ³Washäcuj Jesúspis mana quiquillanpachu yarpasha. Manchäga runacuna ashlliptinsi, Tayta Diosninchipa shungun munashanta rurasha. Chaypaj Tayta Diosninchipa shiminchu nin: «Taytallau Tayta, runacuna ashllishuptiquipis, éhasquicushcä.» ⁴Ima captin-pis, paypa shimin tantiyachimanchi shacya-shacyalla cawananchipaj, mana yamacällar sumaj yupachicunanchipaj. Shimin shungun-chiman éhayap-tin, payman sumaj yupachicunchi.

⁵Llaquipäcuj Tayta Diosninchiman yanapayculläshunqui, ari. Ima captinsi, paymi shacyächishunqui Washäcuj Jesúspa maquinchu cawar juc shungulla cawanayquipaj. Tayta Diosninchiman imaypis mana

* 15.3 Salmo 69.9.

cacharishunquipächu. ⁶Chayraj juc shungulla, juc shimilla Tayta Diosninchita alliman churanquipaj. Payga Taytanchi Jesucristupa Taytan.

⁷Chaura Washäcuj Jesús alli ricamashanchi-jina jucninchijucninchipis alli ricanacushun. Chaynuy cawashpanchi Tayta Diosninchitapis alliman churaycanchi. ⁸Sumaj tantiyacushun. Washäcuj Jesús yanapäcuj cananpaj cay pachaman shamuran. Israel-masincunata washänan-raycur Tayta Diosninchicaçhamuran unay Israel auquillunchicunata aunishanta charcucächinanpaj. ⁹Jäpa runacunatapis washänan-raycur caçhamuran. Jesús llaquipaptin, jäpa runacunapis Tayta Diosninchita alliman churaycan. Paycunapaj Tayta Diosninchipa shiminpis nin:

«Taytallau Tayta, jäpa runacunawan juturparpis, alliman churashayqui.

Cantar alliçu jurgushayqui.» *

¹⁰Chaynuypis nin:

«Tayta Diosninchia acracushan runacuna cushicuptin, llapan runa may-chayçu juyarpis, cushicuchun.» *

¹¹Jananmanpis niran:

«Llapan jäpa runa Tayta Diosninchita alliman churaycullächun.

Llapan runa manchapacur, alliçu jurgullächun.» *

¹²Willacuj Isaiäspis niran:

«Jesépa willcancunapita juc munayniyuj yuringa.

Llapan jäpa runacunata maquinçu purichinga.

Payman jäpa runacunapis yupachicunga.» *

¹³Irmänucuna, Tayta Diosninchia yanapayculläshunqui payman yupachicunayquipaj, sumaj allilla juyänayquipaj, cushishalla cawanayquipaj. Payga shiminta charcun. Mana yamacällar yupachicunayquipaj Espíritu Santupis yanapayculläshunqui.

Jesúspita willapäcur

Pablo purishan

¹⁴Irmänucuna, quiquiqui-pura alli ricanacushayquita, yarpay-sapa cashayquita, tantiyanacur cawashayquita musyá. ¹⁵Chaypis shacyäcamur cartacamü mana tantiyashayquicunapita willapärinäpaj. Llaquipämar, Tayta Diosninchia mincacamasha anyapäcur purinäpaj. ¹⁶Jäpa runacuna-raycur Washäcuj Jesúsapa alli willapanta willapäcunäpaj caçhacamasha. Paycunapaj cüra-jina mañacapucä. Tayta Diosninchipa shiminta willapäcucä. Shiminta chasquicuptin, Tayta Diosninchipa shungunwan tincun. Allinnin uywata jarashanta ricashan-jina alli ñawinpa rican. Espíritu Santuwanpis yanapan shungun munashannuy cawanapaj.

¹⁷Nuwapis Washäcuj Jesúsapa maquinçu cawar, Tayta Diosninchipa shungun munashanta rural, cushicunä camacan.

¹⁸Washäcuj Jesúspita willapäcupti, jäpa runacunapis Tayta Diosninchiman yupachicun. Chaypita cushicü. Mana shimilläwanchu willapashcä. ¹⁹Manchäga Tayta

* 15.9 2 Samuel 22.50; Salmo 18.49. * 15.10 Deuteronomio 32.43. * 15.11 Salmo 117.1.

* 15.12 Isaiás 11.10.

Diosninchi camacächiyinpa runacunata sumaj yanapashcă. Runa mana imaysi ricashan-cunata ruranăpaj Espiritu Santu camacăchisha. Tayta Diosninchi munayniyuj cashanta tucuy-jinanpa tantiyachishcă. Jerusalén marcapita Ilirico marca quinrancaman Washăcuj Jesúspa alli willapantapis willapăcushcă.

²⁰Willapăcuj aywar, juc willacushan jananman mana yaycushcăchu. Manchăga pipis mana čhayashan marcacunallaman yaycushcă. Mă, tanti-yacushun. Wasi ruraj runa quiquin pirgashanman tapyan; mana juc pirgashanmanchu. Chay-jina pipis mana willapăcushancunaman Washăcuj Jesúpita willapăcushcă. ²¹Tayta Diosninchipa shiminchăpis nin:

«Paypita unay mana willa-cucash caycaptinsi, shimin shungunman čhayanga. Pî cashantapis mana tantiya-chish caycaptinsi, sumaj tantiyacunga.»

**Jerusalén marcaman
cuyachicucunata
Pablo apashan**

²²⁻²³Chaymi wacpa-caypa purir unaypita-pacha watucuj shamuyta munarpis, mana camăpacushcăchu. Cananga cay quinranpa willapăcuyta čharcushcă. Waquin marcacunaman čhayanăpis mana cannachu. ²⁴Watucuyta munar España marcapa aywar, yagara-mushaj. Ricanacuptinchi, imalla-wanpis yanapămanqui willapăcur purinăpaj.

²⁵Ichanga imallatapis apacurcur, Jerusalén marcaparaj aywarishaj irmănunchicuna

chaywan cawananpaj. ²⁶Acaya quinrančhu, Macedonia quinrančhu irmănunchicuna shungun shacyaptin, cuyachicuyinta shuntasha Jerusalén marcačhu pishipacuj irmănucunata yanapănanpaj. ²⁷Shungun shacyaptin, shuntar allita rurasha. Jăpa irmănunchicuna Israel runacunapita Washăcuj Jesústa tarisha. Jaga-tucush-yupay ricacusha. Chaymi Jerusalén marcačhu pishipacuj Israel irmănunchicunata yanapăshun pačhanpăpis, jananpăpis. ²⁸Jerusalén marcaman cuyachicuy-nincunata čhayarcachir, España marcapa llucshishaj. Aywar, yayca-ramushaj. ²⁹Čhayamupti, Washăcuj Jesús sumaj-sumaj yanapămăshun cushishalla shacyăchinacunanchipaj.

³⁰Irmănucuna, maquinčhu Taytanchi Jesucristu llapanchita charămanchi. Espiritu Santupis llaquipănacunan-chipaj yanapaycămanchi. Chaymi ama jungamanquichu. Llapan shunguyquiwan Tayta Diosninchita maăacapanqui, ari. ³¹Maăacunqui Judea quinrančhu Jesúspa shiminta wasguipaj Israelcuna mana imatapis ruramănanpaj, cuyachicucunata apashătapis Jerusalén marcačhu irmănucuna cushi-cushilla čhasquinanpaj. ³²Chaynuypis maăacunqui Tayta Diosninchi camacăchiptin, watucuj čhayamunăpaj. Tincushpanchi cushirishămi. ³³Tayta Diosninchi llapaninchita yanapaycămăshun allilla cawananchipaj. Chaynuy caycullăchun.

**Irmănucunata Pablo
wamayashan**

16 ¹Cananga cartăwan mama Febe čhayamuptin, čhasquinqi, ari. Cencreas marcačhu

irmänanchi Febe jutucaj irmänunchi-cunata rican. ²Payga Tayta Jesús pa maquinchu cawaycan. Chaymi jamcunapis Tayta Diosninchipa wawan cashpayqui alli ñawiquiwan ricanayqui camacan. Pishipacushan-tapis tarichinayqui camacan. Mama Febe achcajta yanapasha. Nuwatapis sumaj yanapämasha.

³Mama Priscilatapis majan Aquilatapis wamayapämay. Paycuna Washäcuj Jesúspita willapäcupti, purishimasha. ⁴Wañuy-caway imapitapis washämasha. Chaymi jäpa runacunapa marcancunachu jutucaj irmänucunapis sumaj cushicärin. Nuwalläpis sumaj cushicü. ⁵Mama Priscapa wasinchu jutucaj irmänunchicunatapis wamayapämay. Yächänacushä Epénetuta wamayapämay. Paymi Asia quinranchu Washäcuj Jesúspa shiminta puntata chasquicusha. ⁶Mama Maríatapis wamayapämay. Payga tucuy-jinanpa yanapash-cashunqui. ⁷Marca-masi Andrónicotapis, mama Juníastapis wamayapämay. Paycunawan iwal carsilchu wichgarashcä. Jesúspa cachan cashanta llapan runa musyan. Paycuna puntata Washäcuj Jesúspa shiminta chasquicush caran; chaypitaraj nuwa. ⁸Ampliatutapis wamayapämay. Tayta Jesús-janan paywan sumaj yächänacü. ⁹Washäcuj Jesúspita willacäshimaj Urbanutapis, yächänacushä Estaquistapis wamayapämay. ¹⁰Apelestapis wamayapämay. Washäcuj Jesúsman yupachicushan-janan sumaj ñacasha. Aristóbulucunatapis wamayapämay. ¹¹Marca-masi Herodión-tapis, Narciso castacuna-tapis wamayapämay. Paycunapis

Tayta Jesúsman yupachicun.

¹²Chay ñañalla Trifenatapis, Trifosatapis wamayapämay. Paycuna Jesús-raycur sumaj yanapäcuycan. Mama Pérsiditapis wamayapämay. Paypis Tayta Jesús-raycur sumaj yanapaycaran. ¹³Irmänu Rufutapis wamayapämay. Payga Tayta Jesúspa acracuynin. Maman-tapis wamayapämay. Mamanga wamranta-yupay ricamasha. ¹⁴Asíncritutapis, Flegóntapis, Hermestapis, Patrobastapis, Hermastapis, paycunawan juturaj irmänucunatapis wamayapämay. ¹⁵Filólogutapis, mama Juliatapis, Nereutapis, Nereupa panintapis, Olimpastapis, paycunawan juturaj irmänucunatapis wamayapämay. ¹⁶Juturashpayqui jucniqui-jucniquipis llapan shunguyquiwan wamayänacärinqui. Washäcuj Jesúsman yupachicushpan jutucaj irmänunchicuna chay-tucuy pita wamayäshunqui.

Irmänucunata Pablo piñapashan

¹⁷Irmänucuna, Jesúspita willapäshushayquita ama jungaychu. Pipis quiquinpa yarpashanman jançhayta munashuptiqui, witichiya munashuptiqui, ama chasquipanquichu. Paycuna llutanta willapäcuycan. ¹⁸Quiquin munashallanta ashircaycan; mana Taytanchi Jesucristu munashan-tachu. Paycuna paçhallanta ashin. Alli-tupayllapa, cushichipayllapa lluta runacunata pantachin. ¹⁹Jamcuna Tayta Diosninchita wiyacuj cashayquitapis, alli rurashayquitapis chay-tucuychu musyaptin, jatunpa cushicü. Chaypis Tayta

Diosninchita manchapacur cawan-quiman. Juchata ama aparicun-quimanchu. ²⁰Tayta Diosninchí allilla cawaycächimanchi. Supay-tapis íchipur, ushyaypa ushyaringa. Pampaman éhuraptin, maquiquíchüna canga.

Taytanchi Jesucristu alli shungucashpan yanapayculläshunqui, ari.

²¹Irmänucuna, willacäshimaj Timoteo wamayäshunqui. Marca-masí Luciupis, Jasónpis, Sosípatrupis wamayäshunqui.

²²Nuwa Tercio, Pablupa isquirbänun caycä. Tayta Jesúsman yupachicur, llapaniquita wamayaj. ²³⁻²⁴Irmänu Gayupis wamayäshunqui. Paypa wasinóchu pacharpaycä. Wasinóhüpis irmänunchicuna jutucan. Erastupis, Cuartupis wamayäshunqui. Irmänu Erastuga cay marcapa jillay charajnin.

Tayta Diosninchita alliman éhurashan

²⁵Tayta Diosninchita llapallanchi alliman éhurayculläshun. Washäcuj Jesús-pita willapapti, yanapäshunqui alli willapanta sumaj tantiyacunay-quipaj. Unaypita-pacha Jesús-wan jishpichimänanchipaj shungullanóchu yarpasaran. ²⁶Ichanga cananraj willacuycä. Imaycamanpis cawaj Tayta Diosninchí camacächiptin, unay willacujnincuna jishpichicujpita isquirbirächishanóchu musyachicuran. May-chayóhüpis llapan runa Washäcuj Jesúsman yupachicunanj, payllata wiyacunanpaj Tayta Diosninchí camacächiran. ²⁷Washäcuj Jesús yanapaycämaptinchi, imaycamanpis Tayta Diosninchita alliman éhurayculläshun. Payllam Tayta Diosninchí. Sumaj yarpay-sapa. Chaynuy cayculläshun.

Corinto marcachu irmänucunaman San Pablo cartacushan 1

Tantiyacunanchipaj:

Pablo cay cartata isquirbiran Corinto marcachu jutucay irmänucunaman. Corinto jatun marca caran. Chay marcachu runacuna tucuy-niraj jircacunata manchapacuycaran. Manchapacur, tucuy-niraj juchata aparicuran. Yachacash cashpan waquin irmänucunapis juchaču cawaycaran. Chaypitam Tayta Diosninchipa shungun munashannuy cawananpaj Pablo piñacuran. Corinto marcachu Pablo willapäcushanpita musyayta munar, liguinqui: Hechos 18.1–18.

Pablo isquirbiran:

- Irmänucuna quiquin-pura llaquipänacur cawananpita, Tayta Diosninchipa shungun munashannuy cawananpita: **1 Corintios 1.1–4.21.**
- Juchaču cawaj irmänuta sumaj piñacunanpita: **1 Corintios 5.1–13.**
- Irmänu-puralla imacunatapis ushyacächinanpita, majanta ashircurraj cacunanpita: **1 Corintios 6.1–20.**
- Majayujcunata anyapashanpita, majachacarcu mana majachacarcu alli cawananpita: **1 Corintios 7.1–40.**
- Jircacunata jarashanpita, mushuj irmänucunata llutäpacachishanpita: **1 Corintios 8.1–13.**
- Tantiyachicushanpita, Tayta Diosninchita manchapacur cawashanpita: **1 Corintios 9.1–27.**
- Jircacunata manchapacushanpita: **1 Corintios 10.1–33.**
- Irmänucuna jutucashanču warmicuna majanta wiyacunanpita: **1 Corintios 11.2–16.**
- Pascua micuyupita: **1 Corintios 11.17–34.**
- Espiritu Santu yachayta camapushanpita: **1 Corintios 12.1–14.40.**
- Wañushcunata Tayta Diosninchi cawarachinanpita: **1 Corintios 15.1–58.**
- Cuyachicuyninta churananpita, irmänucunata wamayashanpita: **1 Corintios 16.1–24.**

Pablo wamayashan

1 ¹⁻²Corinto marcachu jutucay irmänucuna, nuwa Pablo, irmänunchi Sósteneswan ishcani cartacallämü. Tayta Diosninchi acracamar, cachacamasha Washäcuj Jesúspita willapäcunäpaj.

Washäcuj Jesúsman yupachicushay-quipita Tayta Diosninchi wamracha-

cushcashunqui. Acracushcashunqui maquinchu purinayquipaj, shungun munashanta rural cawanayquipaj.

Irmänucuna may-chaychu jutucarpis, Jesucristuta jayaranchi. Payga Taytanchim.

³Tayta Diosninchipis, Tayta Jesucristupis llaquipäshushpayqui sumaj yanapayculläshunqui. Allilla cawaycachilläshunqui, ari.



1 Corintios 1.1–3

Tayta Diosninchita alliman éhurashan

⁴Jamcunapaj sumaj cushiciü. Chaymi mana yamacällar nï: «Taytallau Tayta, ima allish Corinto marca irmänucunata yanapashcanqui. Llaquipashpayqui Washäcuj Jesústa cáchamushcanqui.» ⁵⁻⁶Shiminta tantiyacunayquipaj yanapashcashunqui. Shiminpis shunguyquiman éhayasha. Chaymi manchapacur cawarcaycanqui. Llaquipäshushayquitapis willapäcurcaycanqui. ⁷Taytanchi Jesucristu cutimunanta mayaj-mayajlla shuyaptiquipis, Tayta Diosninchichi mana cácharishunquipächu. Manchäga ima-imata yáhayta camapur, yanapaycäshunqui shungun munashannuylla cawanayquipaj. ⁸Shacyächishuptiqui, Taytanchi Jesucristu cutimunan junaj achäqui mana cangachu pipis ñauquishunayquipaj. ⁹Tayta Diosninchichi aunishanta éharcucanga. Paymi acracamash-

canchi Wawan Jesúspa maquinéchu cawar, juc shungulla cawananchipaj. Washäcuj Jesúsga Taytanchim.

Ticshaparänacushanpita Pablo piñapashan

¹⁰Irmänucuna, Taytanchi Jesucristupa maquinéchu llapanchi cawanchi. Chaymi juc shungulla cawashun. Apaycähänacur, ama raquicäshunchu. Tantiyanacullar cawashun. Juc yarpaylla cawashun. ¹¹Imanuy cawashayquitapis mama Cloipa castancunapita mayashcä. ¹²Apaycähänacurshi, waquinniqui nircaycanqui: «Nuwaga Pablupa maquinéchu cawä.» Waquinniquinash ninqui: «Apolupa maquinéchu cawä.» Waquinniquipis ninqui: «Kefaspa maquinéchu cawä.» Waquinniquipis ninqui: «Washäcuj Jesúspa maquinéchu cawä.» ¹³Washäcujninchichi Jesús jucnayllam. Paypa maquillanéchu cawananchi. Washänajpaj manam nuwatachu ruséchu wañuchimasha. Mana nuwapitachu ushyacushcanqui. ¹⁴Allipaj mayganiquitapis mana ushyachishcaychu. Irmänunchi Crisputawan Gayullatam ushyachishcä. ¹⁵Chaymi pipis mana ninmanchu: «Quiquin Pablo ushyachimasha. Paypa maquinéchu cawä.» ¹⁶Estefanáspa castancunata ushyachishätapis yarpärishcä. Juccunata ushyachishätam ichanga mana yarpächu.

Tayta Diosninchipa shungun yarpashanta runa tantiyayta mana atipashan

¹⁷Chaypis Washäcuj Jesús mana cáchamashachu ushyachicunäpaj; manchäga alli

willapanta willapäcunäpaj.
Mana caçhamashachu alli-
tupayllapa rimanäpaj; manchäga
washämänanchi-raycur Jesús rusçu
wañushanta willapäcunäpaj.

¹⁸«Washämänanchipaj Jesús
rusçu wañusha» nir willapaptinchi,
mana wiyacujcuna pampaman
çhuramanchi: «Upata yarpanqui»
nir. Paycuna ñacayman çhayanga.
Washämänanchi-raycur Jesús
wañushanta yupachicuptinchim
ichanga, alli ñawinpa ricamash-
panchi Tayta Diosninchi jishpichi-
manchi. Munayniyuj car, maquinçu
charaycämanchi. ¹⁹Mana wiyacuj-
cunapäga Tayta Diosninchipa shim-
nin: «Yaçhajcunata upayächishaj.
Alli-tupayllapa mana rimangachu.»*

²⁰Cay pachaçu yaçhajcunapis,
yaçhachicujcunapis, yarpay-
sapacunapis mana imatapis
yaçhanchu. Paycuna Tayta Dios-
ninchipa ricay ñawinçu upa.
²¹Quiquillanpita mana pipis Tayta
Diosninchiwan yaçhänacunmanchu.
Chaymi jishpichimänanchi-
raycur Tayta Diosninchi llapanta
camacächisha. «Washämänanchi-
raycur Jesús wañuyman
çhayasha» nir willapapti, waquin
runa wasguipan: «Upa yarpay»
nir. ²²Israel runacuna nin:
«Auninäpäga Tayta Diosninchi
imatapis camacächinman
ricanäpaj.» Griego runacunana
nin: «Auninäpäga sumaj-sumajraj
imatapis tantiyachimäshuwan.»
²³Nuwacunam ichanga willapäcü:
«Washämänanchi-raycur Washäcuj
rusçu wañusha» nir. Chaymi
Israel runacuna ullgüpäman, griego

rimaj runacunana asicärin. ²⁴Tayta
Diosninchim ichanga munayniyuj
cashanta, yarpay-sapa cashanta
musyachicur, Washäcujta wañuy-
pita cawarachimusha. Payman yupachi-
cuptinchi, Israel runa caycaptin-
chisi, Griego runa captinchisi,
wamrachacamanchi. ²⁵Chaymi
runacuna: «Tayta Diosninchi
pishi-yarpay» niptinsi, pay yarpa-
shanman runacunapa yarpaynin
mana tincunchu. «Washäcuj Jesús
wañuyman mana çhayanmanchu
caran» niptinsi, Tayta Diosninchi
munayniyuj cashanman runacunapa
munaynin mana tincunchu.

²⁶Irmänucuna, sumaj tanti-
yacushun. Waquin runa: «Upa
yarpayyuj. Pampa runa. Manacaj
runa» nimaptinchisi, Tayta
Diosninchi acracamashcanchi.
²⁷Chaynuypa: «Upa» nimaptinchisi,
Tayta Diosninchi wamrachacamash-
canchi yaçhaj-tucujcunata pampaman
çhurashpan. «Manacaj» nimaptin-
chisi, Tayta Diosninchi wamracha-
camashcanchi munayniyujcunata
pampaman çhurashpan. ²⁸Alli-
tucujcuna upa cashanchita yarpap-
tinsi, pampaman çhuramaptinchisi,
Tayta Diosninchi wamrachacamash-
canchi. Alli-tucujcunatam ichanga
pampaman çhurasha. Manacajman
çhayachisha runa-masincuna alli
ricaptinsi. ²⁹Chaymi quiquillan-
chipita mayganinchipis Tayta Dios-
ninchipa shungunman mana tincu-
shuwanchu. ³⁰Chaypis quiquin Tayta
Diosninchi camacächisha Washäcuj
Jesús pa maquinçu cawananchipaj.
Maquinçu cawaptinchi, yarpay-sapa
cayman Tayta Diosninchi çhuramash-

* 1.19 Isaías 29.14.

canchi. Alli ñawinpana ricamanchi. Quiquinmi yanapaycämanchi shungun munashannuy cawanan-chipaj. Jucha aparicushanchipitapis jishpichimashcanchi. ³¹Chaypämi Tayta Diosninchipa shiminchu nin: «Pipis cushicur, Tayta Diosninchilapanta camacächishanpita cushicunman.»*

2 ¹Irmänucuna, Tayta Diosninchipa shungun yarpashanta willapäcur, mana alli-tupayllapachu willapashcaj. Mana yaćhaj-tucushcächu. ²Manchäga Washäcuj Jesúsllapita willapäcushcaj. Jishpichimänanchi-raycur ruschu wañuyman chayashanpita sumaj tantiyachishcaj. ³Ima rimapacuy-tapis sumaj mana camäpacushcächu. Jamcunata manchacupti, janäcunapis sicsicyacäcuranraj. ⁴Rimar, mana yaćhaj-tucushcächu. Manchäga Espiritu Santu munay-niyuj cashpan willapashäta shunguyquiman chayachisha. ⁵Mana runapa shimintachu chasquicushcanqui. Manchäga Washäcuj Jesúsman yupachicunayquipaj Tayta Diosninchilapanta camacächisha.

Tayta Diosninchilapanta Espiritu Santu musyachicushan

⁶Mayur yaćhaj irmänucunawan parlar, yaćhaj cashäta pashtapacüna. Ichanga mana wañuj runa yarpashallantachu willapäcuycä. Auturdäcuna, yaćhajcuna yarpashan jungacajlla. ⁷Tayta Diosninchipa shungun yarpashanmi ichanga imaypis mana jungacangachu. Jishpichimänanchipäga cay pachata mana camallarmi, mayna yarparan.

⁸Auturdäcuna yaćhaj carpis, mana tantiyacurachu. Tantiyacur, Munay-niyuj Tayta Jesústa mana ruschu wañuchinmanchu caran. ⁹Chaychi Tayta Diosninchipa shiminpis nin:

«Manchapacamajcunapäga
ñawin mana ricashantasi,
rinrin mana wiyashantasi,
shungunman mana
chayashantasi llapallantam
camacächishcä.»*

¹⁰Camapämashanchita Espiritu Santuwan Tayta Diosninchilapanta tantiyachimanchi. Espiritu Santu llap-llapanta musyan. Tayta Diosninchipa shungun yarpashantapis llapanta musyan.

¹¹Sumaj tantiyacushun. Runacuna jucpa shungun imata yarpashantapis mana musyanchu. Quiquinmi ichanga imata yarpashantapis musyan. Tayta Diosninchipis quiquillan imata yarpashantapis musyan. ¹²Nuwanchi mana quiquillanchipitachu cawanchi. Manchäga Tayta Diosninchiman yupachicup-tinchi, shungun yarpashantapis, llaquipämashpanchi tucuy-jinanpa yanapämashanchitapis Espiritu Santuwanmi tantiyachimanchi. Payman mana yupachicujcunam ichanga quiquillanpita imatapis tantiyayta mana atipanchu. ¹³Nuwacuna Espiritu Santu tantiyachimashallanta willapäcä. Mana shungü yarpashantachu rimä. Chaymi Espiritu Santupa maquinchu cawaptinchiraj Tayta Diosninchipa shungun yarpashantapis, imata camapämashanchitapis tantiyacunchi.

¹⁴Pipis Tayta Diosninchiman mana yupachicur, shungun yarpashantapis mana tantiyanchu. Mana

* **1.31** Jeremías 9.23–24. * **2.9** Isaías 64.4.

tantiyashpan pampaman éhurar:
«Upa yarpay» nin. Shungun
yarpashanta Espíritu Santuwanraj
Tayta Diosninchichi tantiyachicun.
¹⁵Chaymi maquinchu cawajcunalla
Tayta Diosninchichi shungun yarpa-
shanta tantiyan. «Upa yarpay»
nijcuna imata rimashantapis mana
musyanchu. ¹⁶Tayta Diosninchichi
shiminpis nin:

«Tayta Diosninchichi shungun
yarpashanta, ¿piraj
musyanman? ¿Piraj payta
tantiyachinman?»*

Nuwanchim ichanga Washäcuj
Jesúspa shungun yarpashanta musya-
panchi Espíritu Santu musyachimap-
tinchichi.

**Maqui-maquilla Tayta
Diosninchichi shungun
munashanta rurananchipaj
tantiyachicushan**

3 ¹⁻⁴Irmánucuna,
apaycachänacuyllaçu, chiqui-
nacuyllaçu arushayqui rinriman
éhayamusha. Sumaj mana tanti-
yacur, shunguyqui yarpashallançu
cawarcaycanqui. Sapu wamra-
yupay apaycachänacurcaycanqui:
«Nuwa Pablupa maquinchu cawä»
nir. Waquinniqui nircaycanqui:
«Nuwa Apolupa maquinchu cawä.»
Chaypita alli shimilläpa willapashcaj
Washäcuj Jesúspita sumaj tantiya-
cunayquipaj. Sumaj tantiyacushun.
Wamra itilla cashancaman lichillata
chuchun. Chucru micuyta mana
micunrächu. Chaymi jamcunatapis
pishi wamrata-yupay alli shimilläpa
tantiyachishcaj. Chaura, ¿imanirtaj
jucta taytachacunqui? ¿Shunguyqui

munashallantachu imatapis
munarcaycanqui?

⁵Apolutapis, nuwatapis ama tayta-
chacamanquimanachu. Nuwacunata
Tayta Diosninchichi mincacamasha
Jesúspita willapäcunäpaj. Jucni-
jucnipis Tayta Diosninchichi nimasha-
llanta rurashcä Jesúsman yupachicu-
nayquipaj. ⁶Mincacamaptin, muruta
machij-yupay willapäcur purishcä.
Apoluna parguj-yupay llapanta ricar
purisha. Tayta Diosninchichi ichanga
muruta wiñachij-yupay cawachi-
manchi. ⁷Chaymi willacujtapis, ricaj-
tapis ama taytachacushuwanchu.
Manchäga cawachicuj Tayta Diosnin-
chichi taytachacushuwan.

⁸Mincaycunapis muruj-yupay,
parguj-yupay ima-imata rurarsi,
jucpa maquinchu cawan. Tayta
Diosninchichi ichanga pitapis
arushanman-tupu alliman éhuranga.
⁹Apolupis mincay-masillä. Ishcani
Tayta Diosninchichi maquinchu
cawarcaycä. Jamcunanana Tayta
Diosninchichi murupacushan-yupay,
Tayta Diosninchichi tiyanan wasi-yupay
caycaycanqui.

¹⁰⁻¹¹Tayta Diosninchichi llaquipä-
mashpan mincacamasha tiyanan
wasita jatarachinäpaj. Chaymi
simintu rumita jamachij-yupay
Washäcuj Jesúspita willapäcuyta
jallarishcä. Jucna wasita pircaj-
yupay Tayta Diosninchichi shiminta
sumaj tantiyachicun. Tantiyachi-
cujpis, willacujpis mana shungunchi
munashallantachu ruranchi.
Manchäga Jesúsllaman yupachi-
cushpanchi payllapita tantiyachi-
cunanchi. Payga simintu jallarij
rumi-yupaymi.

*2.16 Isaías 40.13.

¹²⁻¹³Chaymi simintu aywasha-llanpa wasita jatarachij-yupay Jesúspa llupillanpa pipis aywanman. «Jesúspa llupinpa aywä» nir Tayta Diosninchipa shungun munashannuylla cawar, shiminta tantiyachicärinman. Tantiyachicushanman-tupu llapan ricay Tayta Diosninchipa jurgapanga. Wasita nina ushyashan-jina ushyacay junaj imanuy cawashanpis, imata tantiyachicushanpis ricsicanga. Pay munashannuylla cawar tantiyachicushanpis juri-jina, jillay-jina, cuyayllapaj rumi-jina mana ushyacangachu. Janan shungulla cawar tantiyachicushanmi ichanga jiru-jina, shugush-jina, ucsha-jina ushyacanga.

¹⁴Shungun munashannuylla cawar tantiyachicushan mana ushyacaptin, llapan wiyacushanpita Tayta Diosninchipa alli cawayta tarichinga. ¹⁵Ushyacaptinmi ichanga, ushyapacayman chayachinga. Imatapis mana chasquingapächu. Imata mana chasquirsi, Tayta Diosninchipa ñaupman chayanga ninapita jishpij-yupay.

¹⁶Sumaj tantiyacushun. Tayta Diosninchipa wasin-yupay carcaycanchi. Paypa wawan cashpanchi Espíritu Santuwan maquinchu purichimanchi. ¹⁷Chaymi wawancunata pipis llutanta tantiyachiptin, ushyacayman Tayta Diosninchipa chayachinga. Payga wawancunata sumaj rican quiquillanpaj captin. Nuwanchi paypa wawan caycanchi.

¹⁸Chaymi sumaj tantiyacushun. May-jina yačaj carpis, ama yačaj-tucushunchu. Manchäga Tayta

Diosninchipa shungun yarpashanta tantiyacushun. Chayraj yarpaysapa cashunpaj. ¹⁹Shungun yarpashanta mana musyaptin, Tayta Diosninchipa pitapis pampaman churan. Chaymi shiminchüpis nin: «Yačaj-tucujcunapa upa cayninta quiquincunapa shimillanpita Tayta Diosninchipa jurgapan.»* ²⁰Jananmanpis nin: «Yačaj-tucujcunapa upa yarpayninta Tayta Diosninchipa musyan.»*

²¹⁻²²Chaymi maygan tantiychicujtapis ama taytachacunquimanachu. Jamcuna-raycur Apolutapis, Kefastapis, nuwatapis Tayta Diosninchipa churamasha. Canan wichanpis, shamuj watacunapis, cay pachaču cawaypis, wañuypis mana manchachishunquipächu. Llap-llapanta allipaj maquiquiman churasha. ²³Llapanchi Washäcuj Jesúspa maquinchu cawarcaycanchi. Washäcuj Jesúsna Tayta Diosninchipa maquinchu cawaycan.

Jesúspa cačhancuna imatapis rurashan

4 ¹Nuwacuna Washäcuj Jesúspa mincaynillan carcaycä. Chaymi Tayta Diosninchipa unaypita-pacha shungullanchu yarpashancunata willapäcurcaycä. ²Mincaycuna imatapis mana jungallar, mandajnin nishallanta llapanta charcunan. ³Chaymi pampaman churamänayqui mana camacanchu. Mana runapa shiminwanchu cawä. Allilla juyä. ⁴Mana imapitapis chapacüchu. Ichanga imanuy cawaptipis, Tayta Diosninchipa ricapaycäman. ⁵Chaymi Jesús mincacushancunata

* 3.19 Job 5.13. * 3.20 Salmo 94.11.

pampaman ama éhuranquichu. Cutimur, quiquin Tayta Jesús llapan runata imata rurashantapis jurgapanga. Pacayllapa rurashantapis mayacächinga. Jesúslla llapan runapa shungunta musyapan. Shiminta wiyacushanchiman-tupu Tayta Diosninchichi allimanpis, mana allimanpis éhura-mäshunpaj.

⁶Irmänucuna, sumaj tantiyacunayquita munar, piñapashayqui. Apoluwan ishcani arushäta sumaj ricacunquiman. Tayta Diosninchichi shiminta jungaycur, yarpashayquita ama tantiyachicunquimancho. Irmänuyquita pampaman ama éhuranquimancho quiquiqui allitucunayqui cashallan. ⁷Yächaj-tucushpayqui ama apaycächänacunquimancho. Pampaman ama éhuranacunquimancho. Ima-imachu arunanchipäpis Tayta Diosninchichi camacächin. Shungun munashanman-tupu rurananchipäpis quiquin yanapämanchi. Quiquillayqui allichu llucshiyta ama ashinquichu. Ima-imamanpis Tayta Diosninchichi éhura-manchi.

⁸Jamcunam ichanga: «Llapanta yächä» nir yächachinajta mana munanquinachu. «Tayta Diosninchichi ñawinchu allina cawä» nir ricamaytapis mana munanquinachu. «Tayta Diosninchichiwan yächänacü» nir wasguiparcaycämanqui. Ima alliraj canman Tayta Diosninchichi shungunman sumaj tincuptiqui. Chaura shungunchi tincunman. ⁹Tayta Diosninchichi cacchan caycaptisi, pampaman éhuraraycämanqui. Asipämar ushyaraycämanqui. Runacuna wañuchimayta munamaptinpis, washämayta mana-chi munanqui-

mancho. Cay pachachüpis, janaj pachachüpis chiquimaj-yupay wasguipämashayquita llapanmi ricaj-ricajlla carcaycan.

¹⁰Washäcuj Jesúsman yupachicushä-janan pishi-yarpayta-yupay ricaraycämanqui. Quiquiquicunam ichanga yächaj-tucurcaycanqui. Washäcuj Jesús-pita willapacushä-janan upata-yupay ricaraycämanqui. Quiquiquicunam ichanga sumaj llapanta musyaj-tucurcaycanqui. Allichu jurgushuptiqui, sumaj cushicärinqui. Nuwacunata ashllir ushyamaptinpis, cushicärinqui.

¹¹Canancamanpis pächäpaj mana aypancho. Janäpäpis pishin. Runacunapis ashllir ushyaman. Wasipis mana cancho. ¹²Imatapis mana tarichimaptiqui, maqui arushallanwan cawä. Runa ashllimaptinsi, Tayta Diosninchichi yanapänanta munar mañacapi. Tumpamaptinsi, mana jagayachu.

¹³Washäta rimaptinsi, shimäta mana jugarichu. Manchäga alli shimilläpa cutichi. Canancamanpis llapan runa asyächicaman. Ricamaytapis mana munancho.

¹⁴Irmänucuna, wawäta-jina llaquipar, tucuy-jinanpa tanti-yachiyta munaj. Cartacaycämü mana pingayman éhuranajpächu.

¹⁵Washäcuj Jesús-pita tantiyachicujcuna mana pishishunquipächu. Wawanta-yupay ricashujcunatam ichanga mana tarinquipächu. Nuwalla wawäta-yupay alli ricaj.

Tayta Diosninchiman yupachicunayquipaj Jesús-pa alli willapanta willapashcaj. Willapashäta wiyacushayquipita wawäta-yupay ricaj.

¹⁶Chaymi wamracuna taytanman llucshishan-jina jamcunapis nuwaman llucshinquiman.

¹⁷Tayta Diosninchipa ricay ñawinchu manchapacur cawanay-quita munar, Timoteutapis caçhamushcä. Payga cuyay wamrä-yupaymi. Tayta Jesús munashannuylla cawan. Jutucaj irmänunchicunata may-chaychüpis willapashä-jina Washäcuj Jesúspita willapashunquipaj.

¹⁸Waquinniqui alläpa yaçhaj-tucur chapacunqui: «Pablo manaçhi shamungachu» nir. ¹⁹Chaypis Tayta Diosninchicamachiptin, watucushayqui. ¿Mä, yaçhaj-tucujcuna shiminman-tupuchush cawarcaycan? ¿Mä, Tayta Diosninchicayapaycanchuraj, manachuraj? ²⁰Tayta Diosninchimana shimillanchipitachu alli ricamanchi; manchäga shungunman tincuptinchiraj, munashallanta ruraptinchiraj. ²¹Irmänucuna, ¿imatataj munaycanqui? Çhayamur, ¿alli ñawiwancanajtachu, juyu ñawiwancanajtachu? Jamcunapita.

Marca pingay cacujta jargunanpaj piñapashan

5 ¹Irmänucuna, jatunpa pingay-tucuycä. Jucniqui märishtayquiwan juyar cacushayqui rinñiman çhayamusha. Märishtanwan cacujta marca-pingay. Chaytaga Tayta Diosninchimana manchapacuj runacunasi mana ruranmanchu. ²Chaypis jamcuna mana pingay-tucunquichu. Manchäga: «Mana imanan-pishchu» nir alli-tucurcaycanquiraj. Märishtanwan cacuj runata juella jargurinquiman. ³Caruchu caycarpis, yarpashäta willaycaj. Shungüman mana tincuptin: «Jarguy» niycaj. ⁴Taytanchi Jesús nimashannuylla willapaycapti, parlanacurir chay

runata jargurinquiman. Jargunayquipaj munayniyuj Jesús shacyächishunquipaj. ⁵Märishtanwan cacujta supaypa maquinman çhuraycunquiman. Supay ñacachir ushyaptin, wanacungapishchi. Chayraj Tayta Jesús cutimur, jishpichicunga.

⁶Alli-tucunayqui mana camacanchu. Musyanchi libadüra juchaman tincushanta. Rimaypis purin: «Chay-chica maçhcata ichiella libadürash jacachin» nir. ⁷Chaymi chay märishtanwan cacujta juella jargurinquiman juchan mana aypashunayquipaj. Tayta Diosninchipa shungun munashannuylla cawanquiman. Pascua fiestaçu libadüraynaj tanta-yupay juchaynaj cawanquiman. Tayta Diosninchipa ricay ñawinchu juchaynajmi carcaycanqui. Pascua fiestaçu cashnita pishtashan-jina Washäcuj Jesúspis mayna jishpichimänanchi-raycur wañuyman çhayasha. Chaypita juchaynaj carcaycanqui. ⁸Chaymi Pascua fiestaçu cushicushan-jina: «Tayta Diosninchicaj jishpichimashcanchi» nir sumaj cushicärishuwan. Libadürata wicapashanchi-jina jucha aparicuytita witicärishuwan. Tayta Diosninchipa shungun munashannuylla cawashuwan.

⁹Ñaupata cartacamurä: «Pí-maywanpis cacujcunawan ama çhayanacunquichu» nir. ¹⁰Juchaçu arujcunapita witicuytam ichanga mana camäpacunchichu. Pí-maywanpis cacujcuna, mallajcuna, suwacuna, jircacunaman manchapacujcuna mana pishinchu. Paycunawan ricanacuyta mana munar, cay pachapitarächi witicushuwan. Chaytachu mana yarpashcä.

¹¹Manchäga ama éhayanacunquichu: «Nuwapis Tayta Diosninchiman yupachicü. Irmänu cä» niycar pï-maywanpis cacuptin, mallaj captin, jircacunaman manchapacuptin, ashlllicuptin, upyallaçu cawaptin, suwacuptin. «Tayta Diosninchiman yupachicü» niptinsi, chay-nirajcunawan ama micupacunquishchhu. ¹²Irmänu captiquim, jamcunata piñacuj. Mana irmänu captiquiga, mana piñacujman-pishchhu. Chaymi juc irmänu juchata aparicuptin, jamcunapis sumaj piñacunquiman. ¹³Mana yupachicuj runacunata quiquin Tayta Diosninchichi juchanta jurgapanga. Märishantanwan cacuj irmänutam ichanga juclla jargurinquiman. *

Irmänu-puralla imatapis ushyacächinanpaj willapashan

6 ¹Canan juctana rimashun. Quiquiqui-pura jagayächinacur, ¿imanirtaj jatunman éhayachinacunqui? ¿Imanirtaj auturdäcunaçhürä j dimandancunqui? Jutucaj irmänucunapa ricay ñawillançu ushyacächinquiman. ²Washäcuj Jesús cutimur, nuwan-chita éhuramäshun auturdä cananchipaj. Llapan runata maquinchiçu purichishunpaj. Chaynuy caycaptin, ¿imanirtaj ninshi-ninshillata quiquiqui-pura mana ushyacächinquichu? ³Jesústa mandäshir, anjilcunatapis maquinchiçu purichishunpaj. Chaymi cay pachaçu cawashanchicaman imatapis quiquinchipuralla ushyacächishuwan. ⁴Cay pachaçu llapanchi imallapitapis

nanächinacunchi. Chaypis ichic-llapita marcapa auturdänincunaman ama éhayachinacushunchu. Paycuna Tayta Diosninchiman mana yupachicur, shungun yarpashantapis mana musyanchu. Chaymi auturdäcunaçhürä j imatapis ushyacächinanchi mana camacanchu. ⁵Llapantapis piñapaj pingay-tucunayquipaj. Irmänucuna, ¿llapaniqui pishi-yarpayyujchu canqui? ¿Mayganiquipis manachu tantiyachinacuyta junqui?

⁶Jamcuna irmänu-purapis jagayächinacuyllaçu arurcaycanqui. Jananmanpis auturdäcunaçhürä j dimandanacurcaycanqui. Paycuna Tayta Diosninchitasi mana manchapacunchu. ⁷Quiquiqui-pura nanächinacur, pingayllaman éhayashcanqui. Tayta Diosninchipa ricay ñawinçu alli cawayta munar, ima captinpis ama tics hacäcunquiman. Suwapäshuptiquipis, caçhaparinquiman. ⁸Chaypis waquinniqui llutanta rurarcaycanqui. Irmänuyquicunapa imantapis suwapaycanqui.

⁹⁻¹⁰Tayta Diosninchichi juchaçu arujcunata ñaupanman mana éhayachingachu. Chaymi sumaj tantiyacunquiman. Pï-maywanpis cacujcunata, jircacunaman manchapacujcunata, majanta jananpachijcunata, warmi-pura ullgu-pura cacujcunata, mallajcunata, upyallaçu arujcunata, ashlllicujcunata, suwacujcunata janaj pachaçu Tayta Diosninchichi mana cawachingachu.

¹¹Waquinniqui chay-niraj juchaçu unay arushcanqui. Ichanga Espíritu Santu shacyächishuptiqui, Taytanchi

* 5.13 Deuteronomio 13.5; 17.7; 21.21.

Jesucristupa shiminta éhasquicush-canqui. Chaymi Tayta Diosninchilla lapan juchayquita jungasha. Mana yarparannachu. Shungun munashallanchu cawanayquipaj acracushcashunqui. Alli ñawinwan ricaycäshunqui.

**Jucwan-jucwan
cacushanpita piñapashan**

¹²Waquin irmänucuna nin: «Shungü munashanta ruracüman.» Chaypis mana lapan rurashanchichu Tayta Diosninchipa shungunman tincun. Nuwapis shungü munashanta ruracüman. Ichanga shungü munashallanta ama ruracümanchu. ¹³Waquin irmänucuna warminar, runanar, nin: «Micuy paçhallanchiman échayan. Paçhanchipis micuyllata shuyan. Ushyacajlla canchi.» Chaypis Tayta Diosninchipa runata mana camashachu warmi-paça cananpaj, runa-paça cananpaj. Manchäga camacächimashcanchi shungun munashannuylla cawananchipaj. ¹⁴Tayta Diosninchipa munayniyuj cashpan Tayta Jesústa cawarachishan-jina nuwanchitapis cawarachimäshunpaj.

¹⁵Nuwanchiga Washäcuj Jesúswan chay shungulla cawanchi. Paywan juc shungulla cawaycar, ¿runan-runan puricuj warmiwanpis cacushuwan-churaj juc shungulla cawananchipaj? Chayga mana camacanchu. ¹⁶Pipis runan-runan puricuj warmiwan cacur, juc shungulla ricacun. Tayta Diosninchipa shiminpis nin: «Ishcan chay shungulla canga.» ¹⁷Warmiwan runa yatanacur, juc shungulla cawan. Washäcuj Jesúswanmi ichanga juc shungulla cawanchi shiminta éhasquicushallanchipita.

¹⁸Chaymi runan-runan puricuj warmipita witicuy. Waquin jucha runapa shungunman mana échayanchu. Runan-runan puricuj warmita yataparmi ichanga, jucha aparicushan shungunman échayan. ¹⁹Sumaj tantiyacushun. Runa wasinöchu juyashan-jina Tayta Diosninchipis camacächisha Espíritu Santu nuwanchiöchu juyänanpaj. Payga maquinöchu purichimanchi. Chaymi quiquinchipitanachu mana cawanchi. ²⁰Rantishtayupay Tayta Diosninchipa ricamanchi. Maquinöchu purichimänanchipaj Jesús wañuyninparaj rantimashcanchi. Chaymi ima-imatapis rurar, Tayta Diosninchipa shungunman tincushallanta rurashuwan.

Majayujcunata willapashan

7 ¹Jamcuna cartacamashcanqui: «¿Allichuraj pipis mana majachacaptin?» nir. Chaymi cartacamashayquipita willapäshayqui. Pipis mana majachacaptin, alli canman. ²Ichanga pi-maywanpis mana cacunanpaj warmi ullgupis majachacanman. ³Majachacar, warmi ullgupis mishquilla juyanman. Ujllanacunman. Ama jishpipänacunmanchu. ⁴Ama miçhänacunmanchu. Warmiga runanpa maquinöchu juyan. Runapis warminpa maquinöchu juyan. ⁵Chaymi majayujcuna ama miçhänacunmanchu. Jamaycur Tayta Diosninchita mañacuyta munarmi ichanga, majanwan parlanacurir yata juyapärinman. Jinarcu yapay majanwan mishquilla puñunman. Ujllanacunman. Manchäga Supay jucta ricachinga. ⁶Majanwan yata-yata juyapärinanpaj mana Tayta Diosninchipa shiminpitachu rimä, manchäga quiquilläpita.

⁷Ima alliraj canman llapaniquipis nuwaman llucshiptiqui. Japallä cushish cawanäpaj Tayta Diosninchí yanapäman. Llaquipämashpanchi llapaninchita yanapämanchi imanuyypis cawananchipaj.

⁸Japallacuna, biyüdacuna, nuwajina japalla juyäcunman. ⁹Majanayta mana ichipurmi ichanga, majachacaptin alli canman. Majachacar, majanaypita mana wañunganachu.

¹⁰Majayujcunatam ichanga Tayta Jesúspa shiminpita willapëshaj; mana quiquilläpitanachu. Warmiga majanta ama jaguirinmanchu.

¹¹Warmi ullgupis majanta jaguirir, jucwan ama majachacanmanchu. Majanar jaguirishan majallanwan shuntanacurcur, yapay juyäcunman.

¹²Cananga Tayta Jesúspa shimínchu mana rimacuptinsi, shungü yarpashanta willapärishayqui. Warmiqui Tayta Jesúsman mana yupachicur jaguiriyta mana munashuptiqui, ama jaguirinquimanchu. ¹³Chaynuypis runayqui Tayta Jesúsman mana yupachicur jaguiriyta mana munashuptiqui, ama jaguirinquimanchu. ¹⁴Majayuj captiqui jucniqui Tayta Jesústa mana wiyacuptiquisi, ishcaniquita alli ñawinwan ricashunqui. Wamrayquicunatapis acracusha. Mana cačharingapächu. Llapanchita Tayta Diosninchí wamrachacamanchi.

¹⁵Tayta Jesústa wiyacushayquijanan majayqui aywacuyta munaptin-imarga, ama mičhanquimanchu. Tayta Jesústa mana wiyacur, aywacunan camacan. Tayta Diosninchí allilla cawananchita munan. ¹⁶Chaypis juclla ama raquicanquichu. Mana raquicar,

majayquitapis Tayta Diosninchipa ñaupanmanché chayachinquipaj.

¹⁷Tayta Diosninchí runa piwan majachacänanpäpis, japallan cacunanpäpis camacächin. Chaymi Tayta Diosninchipa shiminta čhasquicur, ama yarpačhacunmanchu: «¿Piwanraj juyëshaj? ¿Mayčhüraj juyëshaj? ¿Imawanraj cawashaj?» nir. Cayta maychayčhüpis jutucay irmänucunata willapä.

¹⁸Jirucush caycar Jesúspa shiminta čhasquicush caycar, ama chäpacunquichu. Jirucüni caycar Jesúspa shiminta čhasquicush carpis, ama jirucunquichu. ¹⁹Jirucush carsi, jirucüni carsi, Tayta Diosninchipäga mana imananchu. Payga shiminta wiyacunanchita munan. ²⁰Chaymi Tayta Jesúspa shiminta čhasquicushan junaj cawashannuylla pipis cawanman. ²¹Chaynuypis patrunpa maquinchu caycar Jesúspa shiminta čhasquicush car, chayllaču juyanman. Patrun cačhariyta munaptinmi ichanga, jina llucshicunman.

²²Patrunpa maquinchu caycaptiqui Tayta Diosninchí acracushcashuptiquipis, Jesúspa mandunta ruranayquita pipis mana chapëshunquipächu. Patrunniynajta Tayta Diosninchí acracushcashuptiqui, Washäcuj Jesúspa mandunta ruranayqui. ²³Llapan runapis Tayta Diosninchipa maquinchu cawan. Jesús wañuyninpa rantishcashunqui. Chaymi runa-masiquita wichaypuraypa ama purichinquichu.

²⁴Irmänucuna, pï captiquipis, imanuy juyaptiquipis, Tayta Diosninchí wamrachacushcashunqui. Chaymi ricay ñawínchu alli cawanayquipaj waquin runa

wichaypa-uraypa yarpashanta ama ruranquinachu.

Japallacunata willapashan

²⁵Japallacunata willapänäpaj Tayta Jesús mana rimacush captinsi, quiqui yarpashäta tantiya-chishayqui. Nuwata llaquipämar, willacujnin canäpaj churamasha. Canan nuwamanpis yupachicaman-quiman. ²⁶⁻²⁷Nuwapita alli canman japalla-cajcuna mana majachacaptin, majayujcunapis mana raquicaptin. Ñacaychu juyaycanchi. Chaymi japallacunapis, majayujcunapis cacushannuylla cacunman. ²⁸Chaypis maja ashiy mana juchachu. Majayujcunam ichanga ñacay captin, llaquipaypaj cawanga. Mayganiquipis ñacayman chayanayquita mana munächu.

²⁹Irmänucuna, yupash watalla juyaj aywanchi. Chaymi majayuj carpis, japalla carpis, ³⁰wañupacurpis, cushish cawarpis, ima-aycayuj carpis Tayta Diosninchipa shungun munashallanta ruranquiman. ³¹Alli cawayllata ama ashishunchu. Manchäga cawashanchicaman Tayta Diosninchipa shungun munashallanta rurashun. Cay pacha ushyacangapänam.

³²Nuwallapita warmi ullgupis japalla juyaptin, alli canman. Japalla runa llapan shungunwan imatapis ruran Tayta Diosninchipa ricay ñawinchu alli llucshinanpaj. ³³Majayuj runam ichanga sumaj yarpaçhacun majanpa ricay ñawinchu alli llucshinanpaj. Shungunchu ishcayta yarpan. Tayta Diosninchipa ricay ñawinçhüpis, majanpa ricay ñawinçhüpis alli llucshiya munan.

³⁴Japalla warmipis sumaj yarpaçhacun Tayta Diosninchipa ricay ñawinchu alli llucshinanpaj, juchaynajlla cawanapaj. Majayuj warmicunam ichanga yarpaçhacun wamrancunata ricanallanpaj, runanta alli ricanallanpaj.

³⁵Llapantapis rimä mana majachacänayquita miçharchu; manchäga Tayta Diosninchipa shungun munashanta rurar alli cawanayquita munar.

³⁶Chaymi pipis parlay-masinwan ashinacunan junaj chayamuptin shungun munaptin, ashinman. Maja ashiy mana juchachu. ³⁷Pipis parlay-masinwan ashinacunan junaj chayamuptin shungun mana munaptin, ama ashinmanchu.

³⁸Mana ashirga, allita ruraycan. Ashiptinpis, alli caycan.

³⁹Warmicuna majan cawashan-caman runanpa maquinchu cawan; runan wañucuptinmi ichanga manana. Yapapacuyta munar, yapapacunman Tayta Diosninchipa maquinchu cawaj runallawan. ⁴⁰Chaypis nuwapita alli canman mana yapapacuptin. Cushish cawanga. Chayta yarpä Espiritu Santu yarpächimaptin.

Jircacunapita rimashan

8 ¹Irmänucuna, canan jircacunata jarashan micucunapita rimashun. «Chayta musyarcaycanchi» nir allita rimaycanqui. Chaypis musyaj-tucujcuna allitucuyman chayan. Llaquipäcujcunam ichanga alli rurayman chayan. ²Musyaj-tucujcuna rasunpa imatapis mana musyanchu. ³Tayta Diosninchim ichanga llaquipäcujcunapa shungunta musyapan.

⁴Cawaj Tayta Diosninchi jucnaylla. Jircacuna mana cawanchu.

¿Chaura jircacunata manchapacur, jarashan micuyacunata micushuwanchuraj? ⁵Runacuna riman: «Cay pachaćhüpis, janaj pachaćhüpis munayniyujcuna achca. Jircacunapis achca» nirshi. ⁶Nuwanchipämi ichanga Tayta Diosnillanchi rasunpa munayniyuj. Payga Taytanchi. Paypitam cawanchi. Shungun munashannuy cawarcaycanchi. Taytanchi Jesucristu-ima llapanta camasha. Nuwanchitapis camamashcanchi maquinchu cawananchipaj.

⁷Tayta Diosninchi jucnaylla cashanta mana llapanchu musyan. Chaymi waquin irmänucuna: «Tayta Diosnillanchiman yupachicü» nir jircacunata jarashancunata micur, shungullancho yarpan: «Juchata aparicushcă» nir. Paycuna jircacunata manchapacuycanraj.

⁸Chaypis sumaj tantiyacushun. Tayta Diosninchi mana imatapis micushanchipitachu alli ricamanchi. Micuy mana allimanchu churamanchi. Juchamanpishchu mana jančhamanchi. ⁹Ichanga jircaman jarashan micuyta ama micunquichu mushuj irmänucunata Tayta Diosninchipa maquinpita mana witicăchinayquipaj. ¹⁰Waquin runa jircacunata jarariycur micuyta mallichishushayquita mushuj irmänupa ricay ñawincho ama micunquimanchu. Ricashushpayqui jircacunata yapay manchapacunga jarashanta micushpan. ¹¹Chayta rural jircacunata manchapacur, Tayta Diosninchipita witicunga. Witicunga chay mushuj irmänucuna-raycur Washăcuj Jesús wañush caycap-tinpis. ¹²Mushuj irmänucunata

llaquicuymán churar, Washăcuj Jesústapis llaquicuymán churaycanqui. Juchatapis aparicuycanqui. ¹³Chaymi micushanchi-janan mushuj irmänucuna juchaman aywananpita, jircacunata jarashan micuyta ama imaypis micushuwanchu.

Mana yupay-tucunanpaj piñapashan

9 ¹Irmänucuna, sumaj tanti-yacunquiman. Mana pipis maquichacamanmanchu. Tayta Diosninchi acracamasha cačan canăpaj. Taytanchi Jesúspis ricaripamasha. Paypa shiminta willapăcupti, chasquicărishcanqui. ²Waquin runacuna pampaman churamaptinsi, jamcunapaj Tayta Diosninchipa cačan caycă. Chaymi willapashajta chasquicur, Taytanchi Jesúspa maquincho cawarcaycanqui.

³Pampaman churamajcunapis sumaj tantiyacunman. ⁴Nuwacunapis micush-upush purinä camacan. ⁵Tayta Diosninchiman yupachicuj warmiwan majachacănăpis camacan. «Kefas» nishan Pedrupis, waquin Taytanchi Jesúspa cačhancunapis, paypa wauguincunapis warmintin purircaycan. ⁶Ichanga Bernabítawan nuwata micush-upush purinäta mičharcaycămanqui. Nuwacunalla arunăta munarcaycanqui. ⁷Llapanchi musyanchi murucunapis micush-upush purishanta, chacra arujpis chacrapa wawanpita cawashanta, uywa michijcunapis uywanpita cawashanta.

⁸Rimashăga mana runapa yarpayllanchu. Manchăga Moiséspa shiminpita rimă. ⁹Shimincho isquirbiraycan: «Türuta yargaycajta

ama aruchiniquichu» nir. Chaynuy niycaptin, ¿türucunallatachuraj Tayta Diosninchí llaquipaycan? ¹⁰Mana. Nuwacunapaj isquirbi-chiran. Chay-jina éhacra arujcunapis, pallapacujcunapis arushanpita cawan. ¹¹Nuwacuna murupacuj-yupay Tayta Diosninchipa allí willapanta willapashcáj. Chaymi éhacra arujcunata-jina imatapis tarichimānayqui camacan. ¹²Waquin cáhacunata tariycachir, nuwacunatapis tarichimanquiman. Taytayqui-yupaymi caycá. Ichanga canancamanpis ñacaychu cawarsi, mana imatapis mañacushcájchu. «Paćhan-raycullar Washäcuj Jesúsapa allí willapanta willapäcun» nir pipis jamurpāmānanpita mana imatasi ashishcächu.

¹³Tayta Diosninchipa wasinchu aruj cüracunapis arushanpita cawan. Uywata rupachij cüracunapis Tayta Diosninchita jarashanpita waquinta micun. ¹⁴Tayta Jesúsapis tantiyachicusha: «Allí willapäta willapäcujcuna micush-upush purinan camacan» nir. ¹⁵Chaypis mana imatapis mañacushcájchu. Cartacamursi, mana imatapis ashichu. Paćhalläta ashinäpita jina wañucūmanpis. Imata nimaptinpis, shimita mana cutiricushächu.

¹⁶Mana allí ricash caytachu ashiycá. Manchäga imanuy-papis Jesúsapa allí willapanta willapäcūman. Jamacuyta munarpis, mana camäpacūmanchu. Allí willapanta mana willapäcupti, ñacaymanchi jaycamangapaj. ¹⁷Chaymi quiquilläpita mana willapäcupti, imata ashinäpis mana camacanchu. Tayta Diosninchí cáhamaptin, shiminta éharcuycá.

¹⁸Tayta Jesúsapa allí willapanta willapäcushalläwan cushish cawä. Mana imatapis shuyänachu. Chaymi cáćhan carsi, imatapis mana mañacüchu.

¹⁹Runacunapis mana maqui-chacamanchu. Chaypis Jesúsapa willapänä-raycur llapan runapa maquinchu-yupay cawaycá. Jesúsapa shiminta éhasquicärinanta munaycá. ²⁰Chaymi Israel runacunata willapänä-raycur Israel runacuna-jina cawashcá. Paycuna-jina Moisésapa shimintapis éharcushcá. Ichanga mana Moisésapa shiminta éharcushanchipitachu Tayta Diosninchí allí ñawinwan ricamanchi. ²¹Chaynuypis jäpa runacunata willapänä-raycur, jäpa runacuna-jina cawashcá. Washäcuj Jesúsapa shiminta éhasquicush carsi, Tayta Diosninchipa shimintapis éharcuycá. ²²Mushuj irmānucunata willapänä-raycur paycuna-jina cawashcá. Pī-maypis Tayta Diosninchipa shiminta llapan shungunwan éhasquicunanta munar, imatapis rurashcá. Llapanwan-yupay paycuna-jina cawashcá. ²³Nuwata jishpichimānanpäpis Jesúsapa allí willapanta pī-maytapis willapashcá. Imatapis llapan shungüwan rurashcá.

Llapan shungunchiwan Tayta Diosninchita manchapacushun

²⁴⁻²⁵Musyashanchinuypis llallinacujcuna llapan shungunwan llallinacun. Llallinacunanpaj waran-waran yaćhacun shungun mana ushyacānanpaj. Pipis puntata éhayaptin, allí ñawinwan ricar: «Llallishcanqui» nir umanman jaćhapita pilltash curünallata



1 Corintios 9.24–25

jatipan. Ichanga chaquicäcushpan ushyacan. Llallijcuna yačhacushan-jina Tayta Diosninchipa shungun munashannuy cawashun. Chaynuy cawaptinchi, Tayta Diosninchichi alli ricamäshun. Mana ushyacaj cawaytapis tarichimäshun. ^{26–27}Chaymi ushyacajcunata mana yarpächu. Manchäga waran-waran Tayta Diosninchipa shungun munashannuy cawä. Ñacaychu juyarpis, mana llaquicüchu. Maquinpita mana witicüchu. Witicupti Tayta Diosninchichi mana shuntamaptin, willapäcur purishäpis manacajllapächichi canga.

10 ¹Irmänucuna, unay Israel auquillunchicunapa willapanta jungarunquiman. Paycunata Tayta Diosninchichi pucutay rurinchu purir, washaran. Puca yacu püsupa chimpanmanpis jishpichiran.

²Llapanpis Moiséspa maquinchu puriran pucutay rurinchu purishanpita, yacu püsuta chimpachishanpita. ³Chunyaj pachachu micuy mana captinpis, Tayta Diosninchichi ricarachishan micuyta micuran. ⁴Yacu mana captinpis, rumipita Tayta Diosninchichi pashtachimushan

yacuta upuran. Chay rumi Washäcuj Jesúsman tincun. ⁵Chaypis auquillunchicuna Tayta Diosninchipa shungun munashannuy mana cawaranchu. Chaymi chunyaj pacha quinranachu llapan-yupay wañur ushyacaran.

⁶Llapanpis camacasha ricacunananchipaj. Paycuna jucha aparicuyta wañuy-caway munapashan-jina jucha aparicuyta ama munapashunchu. ⁷Auquillunchicuna manchapacushan-jina jircacunatapis ama taytachacushunchu. Jircacunata manchapacushanpita Tayta Diosninchipa shiminpis nin: «Jamacaycärir, llapan micupacäriran. Upyapäcuran. Shungun munashanta rural, cushish jachwar juyaran.»

⁸Warmi-pächa cashan-jina ama pi-maywanpis cacushunchu. Warmi-pächa cashanpita juc junaj Tayta Diosninchichi ishcaychunca quimsawan warangayupayta (23,000) wañurachiran.

⁹Auquillunchicuna-jina Tayta Diosninchichi maquichacuyta ama camashunchu. Maquichacuyta camashanpita Tayta Diosninchichi curuwan canichiyta wañurachiran.

¹⁰Tayta Diosninchitapis ama jamurpashunchu. Jamurpashanpita waquin auquillunchita Tayta Diosninchichi wañuchicuj anjilninwan wañurachiran.

¹¹Cananga wallcallana pishin cay pacha ushyacananpaj. Chaymi auquillunchicuna juchata rurashan-jina juchata ama rurashunchu. Willapancuna Tayta Diosninchipa shiminchüpis isquirbiraycan payllata manchapacunananchipaj. ¹²Chaymi: «Tayta Diosninchipa maquinchu cawaycä» nir ama witicushuwanchu.

Witicur, ushyacayman chayaru-shuwan. ¹³Cay pachachu ñacaypis, jucha aparicuypis mana pishinchu. Maquinchu cawaptinchim ichanga, Tayta Diosninchichi yanapamanchi. Chaymi juchaman janchayta munamaptinchisi, washämashun. Ima ñacayman chayaptinchisi, yanapämashun shungun munashannuy cawananchipaj.

¹⁴Irmänucuna, llapaniquita llaquipaj. Chaymi jircacunata ama taytachacunquimanchu. Ama manchapacunquimanchu. ¹⁵Sumaj yarpaçhacushun. Willapacushäta tantiyacunayquipaj yarpayyujmi canqui. ¹⁶Cüpata upunanchipaj jutucar, cushish çhasquinchi: «Taytallau Tayta, ima allish washämänanchi-raycur Washäcuj Jesús wañuyman çhayasha. Yawar-nintapis jichasha» nir upunchi. Tantata paquipanacurpis: «Ima allish washämänanchi-raycur Jesús wañuyta tarisha. Caway-bidanta jarasha» nir micunchi. ¹⁷Chay-chicaj carpis, juc tantallata paquipanacur micunchi. Juc shungulla cawanchi juc tantallata micushpanchi.

¹⁸Mä, yarpärishun. Israel runacuna jarashan aychata waquinta rupachir jumuyñinta Tayta Diosninchita jararan. Waquintana quiquin-purapis mallichinacuran Tayta Diosninchiwapis juc shungulla cawanapaj. ¹⁹Ichanga sumaj tantiyacushun. Jircacuna mana cawanchu. Jarashan aychacunapis cashgan aychalla. ²⁰Jircacunata jarar, mana Tayta Diosninchitachu jaraycan; manchäga supaycunallata. Supaycunawan juc shungulla cawanayquita mana munächu.

²¹Chaymi Tayta Jesúswan juc shungulla cawanayquipaj cüpatapis, tantatapis mallichinacur, jircacunata jarashanta ama micunquimanchu. Chaycunata micur, supaycunawan juc shungulla cawanquipaj. ²²Chaymi Tayta Diosninchita ama ullgüchinquichu. Payga sumaj munayniyuj. Mana ichipushuwanchu.

Irmänucunata piñapashan

²³Waqin irmänucuna nin: «Shungü munashanta imatapis ruracüman.» Chaypis irmänunchicunata llutäpacachiptin, rurananchi mana camacanchu. «Imapis quiquipitam» niptinsi, waquin rurashanchicuna irmänunchicunata llutäpacachin. ²⁴Pipis quiquillanpaj ama yarpaçhacunmanchu. Manchäga waquin irmänunchicunata yarpas, ama llutäpacachishuwanchu. ²⁵Chaymi llapan casta ranticushan aychata micunquiman. Ama tapupanquichu: «¿Cayga jircacunata jarashanchuraj?» nir. ²⁶Cay pachata llapantinta Tayta Diosninchichi camasha. Paypita llapan imacunapis caycan.*

²⁷Juc runa mana irmänu cashpan micuyta mallichishuptiqui, mana tapupällar micunquiman. Ama llutäpacunquichu. ²⁸«Cay aycha jircacunata jarashämi» nishuptiquim ichanga, ama çhasquinquimanchu. Jucha cashanta musyarçhi willaycäshunqui. ²⁹Quiquiquicuna mana yarpaptiquisi, waquin irmänucuna jucha cashanta yarpanga. Chaymi imatapis ama rurashuwanchu

* 10.26 Salmo 24.1.

nishanchi-nishanchi irmänunchi-cunata llutanta yarpächir.

³⁰Chaymi: «Taytallau Tayta, ima allish tarichillämashcanqui» nir cushish micüman. Ichanga llapanta mana micümanchu waquin runa jucha aparicushäta yarpär jamurpämänapita. ³¹Manchäga imata rurarpis, imata micurpis, imata upurpis, Tayta Diosninchita alliçu jurgushun. ³²Chaymi llapanpa ricay ñawinçu alli cawanquiman. Israel runacunapa ricay ñawinçhüpis, jäpa runacunapa ricay ñawinçhüpis, jutucaj irmänucunapa ricay ñawinçhüpis alli cawanquiman. ³³Quiquilläpita llapan runata llaquipä. Chaymi Tayta Diosninchipa shungun munashanta rurä. Willapashäta wiyacuptin, pitapis Tayta Diosninchita washanga.

11 ¹Nuwa Washäcuj Jesúsapa llupinpa jatishä-jina jamcunapis ricacamanquiman.

Irmänacuna imanuy cawanapäpis willapashan

²Ima allish yarpärämanqui. Chaymi llapan willapashajtapis mana junganquichu. Yaçhachima-shannuylla llapantapis willapashcaj.

³Chaypis justa tantiyachishayqui. Washäcuj Jesús Tayta Diosninchipa maquinçu cawan. Ullgucuna Washäcuj Jesúsapa maquinçu cawan. Warmicuna runanpa maquinçu cawan. ⁴Chaymi ullgucuna Tayta Diosninchita mañacurpis, shiminta willacurpis, chucunta jurgunman Tayta Jesústa pampaman mana çhurananpaj. ⁵Warmina majanta pampaman mana çhurananpaj Tayta Diosninchita mañacurpis, shiminta willapäcurpis,

shucutacunman. Shucutacuyta mana munarmi ichanga, sipra warmi-jina puricunman. ⁶Chaypis warmipita. Majanpa maquinçu cawayta mana munar, jina pingaypäpis puricunman. Mama-warmi cayta munarmi ichanga, majanpa maquinçu cawanman. Umantapis shucutacunman.

⁷Ullguga ama shucutacunmanchu. Paycuna Tayta Diosninchiman ricchacun. Chaymi Tayta Diosninchita alliçu jurgunman. Warmina runanta alliçu jurgunman.

⁸Ullguta mana warmipitachu Tayta Diosninchita ricarachisha; manchäga ullgupita warmita.

⁹Runatachu mana camasha warmita yanagänapaj. Manchäga warmita camasha runata yanagänapaj.

¹⁰Chaymi warmicuna runanpa maquinçu cawar, umanta shucutacunman. Runanpa maquinçu cawaptin, anjilcunapis cushicunga.

¹¹Tayta Jesúsapa shiminta çhasquicush car, warmitapis, ullgutapis pampaman ama çhurasuwanachu. Warmi mana captin, ullgu mana yurinmanchu. Ullgu mana captin, warmipis mana canmanchu. ¹²Warmita ullgupita Tayta Diosninchita ricarachisha. Ullgupis warmipita yurin. Warmipis, ullgupis, ishcan Tayta Diosninchipita cawan. Paymi llap-llapanta camacächisha.

¹³Irmänucuna, sumaj yarpaçhacuy. Warmicuna shucutacünilla Tayta Diosninchita mañacuptin, ¿allichuraj? ¹⁴Ullgucuna ajchanta wiñachishan marca-pingay cashanta llapanchi musyanchi. ¹⁵Warmicunam ichanga ata ajchayujraj sumaj camaran. Ata ajchanga

umanta shucutaraj-yupay. ¹⁶Chaymi pipis tincupämayta munar, sumaj yarpaçhacunman. Tayta Diosnin-chita mañacur warmi shucutacunallanta nuwacunapis, jutucaj irmänunchicunapis musyan.

Purishijnincunawan Pascua micuyta Jesús micushan

¹⁷Canan nanaj-nanajna piñapashayqui. Quiquiqui-pura jutucar çhapçhunacuylaçhüshi arurcaycanqui. ¹⁸Rimaypis puriycan: «Corinto marcaçu jutucaj irmänucuna jagayächinacuylaçhüshi juyarcaycan. Manash juc shungullachu cawarcaycan» nir. Wiyashäta riguij-nirämi. ¹⁹Chayta rurarcaycanqui quiquillayqui alliçu llucshiyta munarçi, çau? Shunguy-quitam ichanga Tayta Diosninchi musyapan.

²⁰Tayta Jesústa yarparäcur jutucash caycar tantata micurpis, bñuta upurpis ticshaparänacur, çallitachuraj rurarcaycanqui?

²¹Waquinniqui achca-achcata micunqui. Waquinniquina yargaypita wañunqui. Waquinniqui maçhashayquicaman upunqui. ²²Jitacashayquicaman upyayta munar, achca-achcata micuyta munar, wasiquiman aywacärinquiman. Quiquillay-quipaj imatapis ashir, waquin irmänucunata pampaman çhurarcaycanqui. Pishipacuj irmänucunatapis pingayman çhurarcaycanqui. Chaynuy cawar: «Tayta Diosninchiman yupachicur jutucashcanchi» niptiquisi, çalli ñawñwan ricashayquichuraj? ÇCushicushächuraj? Mana. Manchäga nanaj-nanaj piñacunajmi camacan.

Pascua micuypita willapashan

San Mateo 26.26–29;

San Marcos 14.22.25;

San Lucas 22.14–20

²³Ñaupata Tayta Jesúspita yaçhacushalläta willapashcaj. Tayta Jesús wañuyman jitarpunan chacaylla purishijnincunawan micupäcuran. Tantata aptarcucur, niran: ²⁴«Taytallau Tayta, ima allish tarichillämashcanqui.» Tantata paquircur-paquircur, purishijnincunata aypuran: «Cay tanta quiquimi caycä. Jamcuna-raycur wañuyman çhayashaj. Chaymi tantata paquipanacur, yarparämanqui» nir. ²⁵Micuriycur bñuyuj cüpata aptacurcur, niran: «Cay bñu yawarnimi. Yawarnñwanraj parlanacushanta juctana Tayta Diosninchi çharucaycächin. Chaymi imaypis cüpapita bñuta upur, yarparämanqui» nir.

²⁶Canan sumaj tantiyacunquiman. Jutucaycur tantata micurga, bñuta upurga, nuwanchi-raycur Jesús wañuyman çhayashanta cutimnancaman musyachicuycanchi.

²⁷Chaymi ticshaparänacushalla tantata micur, bñuta upur, Jesústa pampaman çhurarcaycanqui nuwanchi-raycur wañush caycap-tinpis, yawarninta jichash caycap-tinpis. Payta wañuchij-yupay juchayuj ricarinqui. ²⁸Chaymi Jesústa yarparäcur tanta micuyta munar, bñuta upuyta munar, shungunchitaraj tapushuwan.

²⁹Mana wanacullar micur, upur, pampaman çhuranchi irmänunchicunatapis, Jesústapis nuwanchi-raycur wañush caycaptin. Chaynuy cashan-chipita ñacayman çhayashunpaj.

³⁰Chaymi waquin irmänucuna jishya-yasha. Waquinna wañuyta tarisha.

³¹Shungunchita sumaj tapur wanacushaga Tayta Diosninchipis juchanchita mana jurgapämashunpächu.

³²Juchanchita jurgapämashpanchim ichanga wanacunanchipaj piñapämanchi. Wanacuptinchi, juchaçu arujcunata-jina mana ñacachimashunpächu.

³³Irmänucuna, chaymi micupacunayquipaj jutucar, shuyänacäriquinman. ³⁴Pipis paçhallanta ashir, wasinçu micucunman. Chaura jutucaycur juc shungulla micupacuptiqui, Tayta Diosninchichi alli ñawinwan ricashunquipaj. Manchäga ñacachishunquipaj. Waquin tapucuyñiquicunata shamurna, tantiyachishayquipaj.

**Espíritu Santu ima-imata
rurananchipäpis yaçhayta
camapämashanchi**

12 ¹Irmänucuna, cananga ima-imatapis yaçhananchipaj Espíritu Santu yanapämashanchipita tantiyachishayqui. ²Jesúspa shiminta mana çhasquicushayqui wichan jircacunata tucuy-jinanpa jayarashcanqui mana wiyaj captinsi. ³Cananga sumaj tantiyacunquiman. Espíritu Santuwan Tayta Diosninchichi rimachiptin, mana pipis Jesústa pampaman çhurangachu. Manchäga Espíritu Santu rimachiptin: «Jesúsqa Taytanchi» nir jayaranga.

⁴Espíritu Santuga jucnaylla. Chaypis tucuy-tucuyta yaçhananchipaj camacächin.

⁵Irmänunchicunata yanapayta munaptinchi, tucuy-jinanpa yanapänanchipaj caycan. Mayganta rurarpis, Tayta Jesúslata mancha-

pacuycanchi. ⁶Tucuy-jinanpa yanapaptinchisi, Tayta Diosnillanchi llapanchita yanapaycämanchi. Ima-imata rurananchipäpis quiquin camacächin.

⁷Espíritu Santu shacyächimanchi jucninchichi-jucninchisi yanapänacunanchipaj. ⁸Quiquin Espíritu Santulla waquin irmänunchita yaçhayta camapun yaçhaj cananpaj, waquintana sumaj tantiyacurir willapäcunanpaj.

⁹Waquintana Espíritu Santu yaçhayta camapun Tayta Diosninchiman sumaj yupachicunanpaj. Waquintana yanapan jishyaçhucunata allchacächinanpaj.

¹⁰Waquintana yanapan Tayta Diosninchichi camacächishancunata rurananpaj, waquintana Tayta Diosninchipa shiminta willapäcunanpaj, waquintana supay maquichacushancunata ricsinanpaj, waquintana juc-niraj rimaycunata rimananpaj, waquintana juc-niraj rimaycunata tantiyachicunanpaj. ¹¹Imata rurananchipäpis, musyananchipäpis quiquin Espíritu Santu shungun munashanman-tupu yaçhayta camapämanchi.

**Juc shungulla cawananchipaj
tantiyachicushan**

¹²Sumaj tantiyacushun. Runa achca tulluyuj carsi, jucnaylla. Washäcuj Jesúspa maquinçu cawaj irmänucuna achcaj carsi, juc shungulla cawanchi. ¹³Espíritu Santu jucllachamashcanchi Israel runacunatapis, jäpa runacunatapis, uywaycunatapis, wasiyujcunatapis. Ushyacäriptinchi, Espíritu Santu llapanchita yanapämanchi chaychicaj carsi, juc shungulla cawan-

chipaj. Llapanchitapis maquinéchu purichimanchi.

¹⁴Runa mana juc tullullapitachu; manchäga achca tulluyujmi.

¹⁵Runapa janan mana maqui-llanchu, mana échaquillanchu.

Chaymi échaquiwan maqui mana apaycächänacunmanchu. Runaga maquin échaquinwanraj camaran.

¹⁶Chaynuypis runapa janan mana ñawillanchu, mana rinrillanchu.

Chaymi ñawiwana rinri mana apaycächänacunmanchu. Runaga ñawiyujraj, rinriyujraj camaran.

¹⁷Runapa ñawillan captin, ¿imanay-paraj wiyanman? Rinrillan captin, ¿imawanraj asyashanta mayanman?

¹⁸Tullunchicunatapis, imanchicunatapis Tayta Diosninchi munashan-nuylla camacächisha. ¹⁹Juc tullu-llapita car, runapa janan mana camarajchu canman. ²⁰Sumaj tantiyacushun. Jananchi chay-chica tullupita camacächish caycarsi, jucnaylla. Mana yata-yatachu caycan.

²¹Chaymi ñawiwana maqui pampaman mana échuranacunmanchu. Umawan échaquipis pampaman mana échuranacunmanchu. ²²Manchäga pishi-yataycunawanraj runapa janan camaran. ²³Mana ricachicuna jananchitapis alli müdanata ushtucunchi camarajlla ricacänanpaj. Pingaypaj captin, sumaj chapacunchi.

²⁴Ricacaj jananchitam ichanga mana alläpa chapacunchichu. Chaypis Tayta Diosninchi camasha pishi-yatay-caj jananchitapis, mana ricachicuna jananchitapis, pingaypaj-cajcunatapis runapa janan sumaj camarananpaj. ²⁵Chaymi mana apaycächänacullar runapa

tulluncuna, mana ricachicuna janancuna nanachinacunman.

Quiquin-pura alli ricanacunman.

²⁶Runapa maquin nanächicuptin, llapan janan nanächicun. Maquin alli ricash captin, llapan janan alli ricash canga.

²⁷⁻²⁸Nuwanchipis Washäcuj Jesúspa maquinéchu cawaycar, janan-yupay ricacunchi. Llapanchi payman tanaraycanchi. Chaymi Tayta Diosninchi yaéhayta camapämashanchiman-tupu imatapis rurashun. Paymi jutucaj irmänucunata waquinta yaéhayta camapusha shiminta willacuj caçhananpaj, waquinta shungun yarpashanta musyachicunanjaj, shiminta tantiyachicunanjaj, waquinta imatapis rurar munay-niyuj cashanta musyachicunanjaj, waquinta jishyaéhcunata allchacächinanpaj, waquinta yanapäcuj cananpaj, waquinta irmänucunata sumaj ricananpaj, waquinta juc-niraj rimaycunata rimananjaj. ²⁹Ichanga mana llapan irmänucunatachu caçhan cananpaj yaéhayta camapusha. Mana llapanchu willapäcullar purin. Mana llapanchu tantiyachicun. Mana llapanchu Tayta Diosninchi camacächiyinpa imatapis ruran munayniyuj cashanta musyachicunanjaj. ³⁰Mana llapanchu jishyaéhcunata allchacächin. Mana llapanchu juc-niraj rimaycunata riman. Mana llapanchu juc-niraj rimaycunata tantiyachicun. ³¹Chaypis Espíritu Santuta mañacunuquiman mas alli yaéhayta camapushunayquipaj. Cananga willapäshayqui mas alli yaéhaypita sumaj llaquipänacärinayquipaj.

**Llaquipänacuyпита
tantiyachicushan**

13 ¹Ima alliraj canman anjilcuna rimashanta rimapti, chay-tucuy marcacuna rimashanta rimapti. Llapanta yačarpis runa-masita mana llaquipar, imatapis mana jurgushächu. Rimashalläwan ushyaranga. ²Ima alliraj canman llap-llapanta musyapti, Tayta Diosninchipa shiminta sumaj musyachicupti, llapan shungüwan yupachicur puntacunapis wiyacaptin. Chaypis runa-masita mana llaquipar, imatapis mana jurgushächu. ³Ima alliraj canman llapan pishipacujcunata tarichipty, alliçu llucshinäpaj runa-masita washänä-raycur wañuyman chayapti. Chaypis runa-masita mana llaquipar, imatapis mana jurgushächu.

⁴Runa-masinchita llaquiyta yačhar, imapitapis tantiyacur upällacunchi. Llaquipayta yačhar, yanapanchi. Mana chiquicunchichu. Mana jatuntucunchichu. Mana alli-tucunchichu. ⁵Mana ashllicunchichu. Quiquillanchipaj imatapis mana ashinchichu. Pitapis mana ashipanchichu. Pitapis mana nanaparanchichu. ⁶Pitapis mana cushipanchichu. Manchäga Tayta Diosninchipa shungunman tincuptinchi, cushicunchi. ⁷Runa-masinchita llaquipayta yačhar ñacachimaptinchisi, čhasquicunchi. Ima captinsi, alli ñawinchiwan ricanchi. Llutanta ruraptinsi, wanacunanta shuyaranchi. Ticrapamaptinchisi, mana jaguircunchichu. ⁸Rasunpa llaquipayta yačhar, imaycamanpis llaquinchu. Llaquipa-

shanchi mana ushyacanchu. Tayta Diosninchipa shiminta willacuymi ichanga ushyacanga. Juc-niraj rimaycunapis, musyaj caypis ushyacanga. ⁹Runaga imatapis janan-janallan musyan. Tayta Diosninchipa shiminta willacunanpäpis janan-janallan musyan. ¹⁰Chaymi Tayta Diosninchipa shuntacamänanchi junaj čhayamuptin, caycuna ushyacanga. Payga shungun munashanta llap-llapanta camacächin.

¹¹Wamra cashä-wichan wata-wata rimarä. Shimiman čhayashanta rimarä. Pishi-yarpay carä. Runayaptimi ichanga, wamra caynıpis ushyacasha. ¹²Chay-jina yarpayninchı pishiptin, cananllaga Tayta Diosninchipa imanuy cashan-tapis mana tantiyanchirächu. Tincurmi ichanga, sumaj tantiyacushunpaj. Musyapämashanchinuylla nuwanchıpis musyapäshun.

¹³Sumaj tantiyacushun. Cay pachaču llap-llapanpis ushyacajllam. Chaypis Tayta Diosnillanchiman yupachicushun. Aunishanta čharcunanpäpis shuyaräshun. Runa-masinchitapis llaquipäshun. Quimsan yarpay alli captinpis, runa-masinchitaraj llaquipäshun.

**Juc-niraj rimaycunapita
tantiyachicushan**

14 ¹Chaymi sumaj llaquipä-nacärinquiman. Espıritu Santutapis mañacärinquiman tucuy yačhayta camapushunayquipaj. Llapan shunguyquiwan mañacärinqui Tayta Diosninchipa shiminta willapäcunayquipaj. ²Espıritu Santu juc-niraj rimaycunata rimachishuptiqui Tayta Diosninchipa tantiyaptinsi,

irmānucuna mana tantiyan-gachu. Rimashayquita quiqui-llayqui shungullayquichu tantiyanqui. Irmānucunam ichanga mana tantiyangachu Tayta Diosninchipa shungun yarpashanta juc-niraj rimaychu rimaptiqui. ³Rimashanchinuylla willapācuptiquim ichanga irmānucuna sumaj tantiyaur, Tayta Diosninchipa shungun munashannuylla cawanga. Anyapaptiqui Tayta Diosninchita wiyaur, cuyay-munaypaj cawanga. Imaman chayarsi, shungun shacyācunga. ⁴Tayta Diosninchipa shiminta willacujcuna jutucaj irmānucunata tantiyachin. Juc-niraj rimaycunata rimajcunam ichanga quiquillanpaj riman. Rimashanta pipis mana tantiyanchu.

⁵Alli canman llapaniquipis juc-niraj rimaycunata rimaptiqui. Ichanga jatunpa cushicūman llapaniquipis Tayta Diosninchipa shiminta willapācuptiqui. Pipis juc-niraj rimayta munaptin, alli canman runa tantiyananpaj tichachiptiqui. Chayraj jutucaj irmānucuna tantiyanga.

⁶Irmānucuna, mă, tantiyacushun. Watucurshi juc-niraj rimaycunachu yačhachijman. Manash willapajmanchu Tayta Diosninchipa shiminta. Chayta rurapti: ¿«Ima alliraj watucallāmanqui» nimanquimanjuraj? Tayta Diosninchipa shiminta mana tantiyachicur, manacajllapāchi watucujmanpis.

⁷Canan tincuchiypa tantiyacushun. Quīnapis, arpapis suynashanpa suynacuptin, ¿tunādan llucshingachuraj? ⁸Murucunapis curnita suynashanta mana tantiyar, ¿capitanpa yarpashanta ruranga-churaj? ⁹Jamcunapis juc-niraj rimay-

cunata rimaptiqui, pipis mana tantiyashunquipāchu. Manchāga shiushuiyaycaj wayra-jina caycanqui. Chaynuy caycar, ¿imapāraj juc-niraj rimaycunata rimanqui? ¹⁰Chaypis cay pachachu runacuna juc-nirajta-juc-nirajta riman. Rimajmasincunawan llapanmi tantiyanacun. ¹¹Juc imata rimashantapis mana tantiyar, upa-pura-jina ricacushuwan. ¹²Chaymi Espiritu Santuta ama mañacunquimanchu juc-niraj rimayllata rimachishunayquipaj. Manchāga jutucaj irmānunchicunata Tayta Diosninchipa shungun yarpashanta tantiyachicunayquipāpis, shiminta wiyaur cawanayquipāpis mañacunquiman. ¹³Chaypis juc-niraj rimaycunata rimar, Tayta Diosninchita mañacunquiman rimashayquita tichachinayquipaj. Chayraj irmānucunapis rimashayquita tantiyacunga.

¹⁴Juc-niraj rimaycunachu mañacupti, shungullā cushicun. Yarpaynīmi ichanga illaricācun. Ima rimashātapis mana tantiyāchu.

¹⁵Chaynuy rurapti, ¿allichuraj caycan? Mana. Manchāga juc-niraj rimaycunachu Tayta Diosninchita mañacur, alabansacunata cantar, shungūpis cushicunman. Yarpaynīpis tantiyacunman. ¹⁶Irmānucuna, shunguyqui cushicuptinsi wajta runa juturashayquiman chayamur, rimashayquitapis, cantashayquitapis mana tantiyangachu. Rinrinwan wiyarpis shungunman mana chayaptin: ¿«Chaynuy caycullāchun» ningachuraj? Mana. ¹⁷Wajta runa mana imatapis jucungachu. Mana imatapis tantiyacungachu rimashayqui, cantashayqui shunguyquita sumaj cushicachiptinsi.

¹⁸Ima allish Tayta Diosninchí yanapämasha juc-niraj rimaycunata rimanäpaj. ¹⁹Ichanga pipis mana tantiyanchu. Chaymi irmänunchi-cunawan jutucar juc-ishcayllata rimarpis, tantiyashallanta rimäman. Juc-niraj rimaycunata ama rimämanchu.

²⁰Irmänucuna, wamracuna-jina ama pishi-yarpay canquichu. Paycuna shungun munashallanta ashir, cushish cawan. Jucha apari-cuytapis mana yarpanchu. Chaymi jamcunapis sumaj tantiyacurir, imatapis ruranquiman mayur runacuna-jina.

²¹Tayta Diosninchipa shiminchu nin:

«Shimita wiyacunanta munar, jäpa runacunawan Israel runacunata willacachishaj. Wajta runacunapa shiminwan willachishaj.

Juc-niraj rimaycunachu willaycächiptisi, mana wiyacamangachu.»

²²Chaymi juc-niraj rimaycunata rimanchi Tayta Diosninchiman mana yupachicujcuna yarpaçhacunanpaj, mana juturaj irmänucunapächu. Irmänucunata Tayta Diosninchipa shungun yarpa-shanta willapänanchi; mana yupachicujcunatam ichanga mana.

²³Mä, yarpaçhacushun. Jutucaj irmänucunash juc-niraj-juc-niraj rimaycunallaçu rimaycanman. Tayta Diosninchiman mana yupachicuj runa çhayar, wajta runa çhayar, çimaningaraj? «Llapanmi lücyasha» ninga. ²⁴Llapan irmänucuna Tayta Diosninchipa shiminta sumaj willapäcuptinmi ichanga mana yupachicuj runapa

shungunmanpis, wajta runapa shungunmanpis çhayanga.

Juchayuj cashantapis tantiyacunga.

²⁵Shungullançu pacarächishan-cunata chapacuyta mana camäpacur, wanacunga. Jungurpacuycur, Tayta Diosninchitapis alliman çhuranga: «Tayta Diosninchipa maquinçu cawashayquita sumaj tantiyacucä» nir.

²⁶Chaura irmänucuna, çimatataj rurashun shacyächinacunanchipaj? Jutucar, waquinniqui cantanquiman. Waquinniqui Tayta Diosninchipa shiminta willapäcunquiman. Waquinniquina paypa shungun yarpashanta tantiyachicunquiman. Waquinniquina juc-niraj rimaycunata rimanquiman. Waquinniquina juc-niraj rimaycunata tigrachinquiman llapan runa tantiyacunanpaj. Llapanta rurarpis, shacyächinacunquiman Tayta Diosninchipa shungun munashannuylla cawanayquipaj.

²⁷Juc-niraj rimaycunata rimayta munar, ishcaj-quimsaj-imalla rimanquiman. Ichanga ichic-ichic-llata rimanquiman tigrachij runa captinraj. ²⁸Juturaj irmänupa çhaupinchu tigrachij mana captin, juc-niraj rimaycunata ama rimanquimanchu. Shimiqui amucuyta mana camäpacurmi ichanga, quiquillayquipaj rimacunquiman. Tayta Diosninchí tantiyashunquipaj.

²⁹Tayta Diosninchipa shiminta willacujcunapis ishcaj-quimsajlla willapäcunquiman. Waquinniqui tapunacunquiman ima-imata rimashantapis Tayta Diosninchipa shimin cashantapis, mana cashantapis musyanayquipaj.

³⁰Tayta Diosninchí camacächiptin-imaptinga, rimaycaj upällacunman

jucniquina Tayta Diosninchipa shiminta willapäcunayquipaj.
³¹Llapaniqui tantiyacunayquipaj, shacyäcunayquipaj juc-caman-juc-caman Tayta Diosninchipa shiminta willapäcunquiman. ³²Espíritu Santu rimachishuptiqui, waquin willacujcunapis wiyacärinquiman. ³³Tayta Diosninchipa mana munanchu shinri-shinri juturpänanchita. Manchäga allilla cawananchita munan.

Jutucaj irmänucuna may-chaychüpis juturashanchu
³⁴warmicuna shimin chayashanta ama rimanmanchu. Manchäga Moisés isquirbishanta wiyacur, majanpa maquinchu cawanman.
³⁵Llapan juturaj irmänucunapa ricay ñawinchu majanta tapuypa-tapunan mana camacanchu. Imatapis tapucuyta munar wasinman cutiycur, majanta tapucunman.

³⁶Irmänucuna, ¿imanirtaj yarpanqui: «Nuwacunallapita Tayta Diosninchipa shimin ricarisha. Nuwacunallata willapämasha» nir? ³⁷Mayganiquipis: «Tayta Diosninchipa willacujnin caycä. Espíritu Santu shacyächimaptin, llapanta tantiyä» nir cartacamushätapis chasquicunquiman. Tayta Diosninchipa shungun munashallanta cartacamushätapis musyanquiman.
³⁸Pipis wiyamayta mana munaptin, ama chasquiquimanachu. Chaynuy captin, Tayta Diosninchipis mana ricsij-tucungapachu.

³⁹Irmänucuna, pipis juc-niraj rimaycunata rimaptin, ama miçhanquimanachu. Ichanga ima alliraj canman Tayta Diosninchipa shiminta willapäcur cawaptiqui.
⁴⁰Imatapis rural, shinri-shinri ama juturpanquichu. Manchäga sumaj

tantiyacurir, juc shungulla cawanquiman.

**Washäcuj Jesús
 cawarimushanpita
 tantiyachicushan**

15 ¹Irmänucuna, Tayta Jesúsipa shiminta ama junganquimanachu. Ñaupata Jesúsipita willapaptij, chasquicärishcanqui. Maquillancho cawarcaycanqui. Cananga ama witicunquichu.
²Chayraj Tayta Diosninchipa maquincho imaycamanpis cawanquipaj. Witicutiquim ichanga Jesúsipa shiminta chasquicushayquipis yangallapaj canga.

³Nuwapis alli willapata wiyashätam willapashcaj.

Tayta Diosninchipa shimin rimashannuylla juchanchi jungacänapaj Washäcuj Jesús wañuyman chayasha.

⁴Ayantapis pampaycusha.

Wañushanpita quimsa junajta shimin rimashannuylla Tayta Diosninchipa cawarachimusha.

⁵Cawarircur, Pedrutapis, chunca ishchaywan (12) purishijnincunatapis ricaripusha.

⁶Chaypita pichga pachac-ima (500) irmänunchicunata ricaripusha.

Waquin irmänunchicuna cawarcaycanraj. Waquinmi ichanga wañucusha.

⁷Chaypita Santiaguta ricariparcur, llapan cächancunatana ricaripusha.

⁸Chaypitaraj ricaripamasha. Chaymi ñi: «Jesúsipa cächan carpis, ushyapillanna caycä.» ⁹Chaymi: «Jesúsipa cächan caycä» niytapis pingacü. Waquin cächancunamanpis

mana tincüchu. Jananmanpis jutucay
irmänucunata chiquir jaticacáhashcä.
¹⁰Chaypis Tayta Diosninchi llaquipä-
mashpan camacächisha shiminta
willapäcur purinäpaj. Sumaj
yanapämasha. Waquin cachancuna
mana aypämashachu. Ichanga
mana quiquilläpitachu rurashcä.
Manchäga llaquipämashpan Tayta
Diosninchi llapanta camacächisha.
¹¹Llapanimi Tayta Diosninchipa
shimillanta willapäcushcä.
Chay alli willapata jamcunapis
chasquicärishcanqui.

**Wañushcunata
cawarachimushanpita
tantiyachicushan**

¹²Nuwacuna willapäcärishcä:
«Washäcuj cawarisha» nir. Chaypis
waquinniqui mana auniniquichu:
«Wañushcuna mana cawaringachu» nir.
¹³Chaymi tapushayqui: «Wañushcuna
mana cawaringachu» niptinchi,
¿Washäcuj Jesúspis chaura manaچی
cawarishachu? ¹⁴Washäcuj Jesús mana
cawarish caycaptin, manacajllapächi
willapäcurpis puriyä. Jamcunapis
yangallapächi shimita chasquicur,
Jesúsman yupachicuyanqui.

¹⁵Washäcuj Jesús rasunpa mana
cawarish caycaptin, llullacurچی
puriyä. «Washäcuj Jesústa cawara-
chimusha» niptäsi Tayta Diosninchi
wañushcunata mana cawarachiptin,
quiquin Tayta Diosninchitachi
tumpaycä. ¹⁶«Wañushcunata mana
cawarachimungachu» niptinchi,
Washäcuj Jesústapis manaچی
cawarachimushachu. ¹⁷Washäcuj
Jesústa mana cawarachimush
caycaptin, manacajllapächi Tayta
Diosninchimanpis yupachicuy-
canchi. Jucha aruyllačhürächi

cawaycanchi. ¹⁸Washäcuj Jesústa
mana cawarachimush caycaptin,
wañush irmänunchicunapis
ushyacäcushanaچی. ¹⁹Nuwanchipis
llaquicuypäچی cawashunpaj
Washäcuj Jesús cay pachallaču
ushyacash caycaptin.

**Washäcuj Jesús
ñaupapämashanchi**

²⁰Runacuna tucuyta yarpaptinpis,
Tayta Diosninchi rasunpa Washäcuj
Jesústa cawarachimusha. Payga
llapan wañushcunata ñaupapar,
puntata cawarimusha. Cawara-
chimush carmi, wañushcunata
cawarachimunantapis musyachi-
manchi. ²¹Adán-janan llapan runapis
wañuyman čayan. Cananga
Washäcuj Jesúspita llapan runapis
cawaringa. ²²Adánpa llupinpa
aywar, llapan runa wañuyta
tarin. Washäcuj Jesústa chasqui-
curmi ichanga, imaycamanpis
cawayta tarishunpaj. ²³Llapanta
Tayta Diosninchi camacächisha.
Washäcuj Jesús cawariyta
ñaupapämashanchi. Pay cutimup-
tinraj, shiminta chasquicujcu-
napis cawarishunpaj. ²⁴Chaypita
cay pacha ushyacanga. Washäcuj
Jesús llapan munayniyujcunatapis,
mandajcunatapis, auturdäcunatapis
illarachinga. Nircur maquinču
llapan purichishancunata Tayta
Diosninchipa maquinman čuranga.
²⁵Washäcuj Jesús llapallanta
maquinču purichinga cuncharyun-
cunata ichipur ushyacächishan-
caman. ²⁶Chaypita wañuytapis
illarachinga. ²⁷Chaura shiminču
isquirbiraycächishannuylla llap-llapa-
llanta maquinču purichinanpaj
Tayta Diosninchi camacächisha.

Quiquin Tayta Diosninchim ichanga Washäcuj Jesúspa maquinéchu mana purinchu. Manchäga Tayta Diosninchipita llapanpis cawan. ²⁸Chaura maquinman llapanta éhurashanpita Wawan Jesúspis Tayta Diosninchipa maquinman llapanta éhuran-gapaj. Chaypita llap-llapantapis maquillanéhüna Tayta Diosninchipurichinga

²⁹Mä, yapay tapushayqui: «¿Imapäraj wañushcunapa juchan-janan ushyacärinqui?» Wañushcunata cawarachimunan mana caycaptin, yangallapächi ushyacärinquipis. ³⁰Nuwacunapis wañuy-caway willapäcur, yangallapächi puri. ³¹Irmänucuna, achca cuti wañuy-pita jishpishcä. Ichanga willapäcupti Taytanchi Jesucristupa shiminta éhasquicup-tiqui, jatunpa cushicü. ³²Willapäcur puripti, Éfeso marcaéhüpis tucuy-jinanpa wañuchimayta munasha. Micucuj uywacuna-yupay ushyamayta munasha. Wañucur mana cawarinanchi caycaptin, ¿imapäraj willapäcüpis? Waquin runacuna-jinaéchi nïman:

«Micur, upur puricushun.

Warasi-chicasi

ushyacäcushunganaéchi.»*

³³Irmänucuna, pantachicuj-cunapa shiminta ama éhasquipanquimanachu. Rimaypis purin: «Juchaéchu arujcunash juchaman éhayachimanchi» nir. ³⁴Sumaj tantiyacunquiman. Juchata ama aparicunquimanachu. Waquinniqui Tayta Diosninchipa shungunta mana musyar, yarpashantapis mana musyanquichu. Chaymi wanacunay-

quita munar, piñapashpä pingay-mansi éhayachishayqui. Llapaniquita piñapaj pingayman éhayaptiqui, wanacunayquita munar.

Wañushcuna cawarimuptin, juc-niraj cashanta tantiyachicushan

³⁵Sumaj tantiyachiyta munaptisi, waquinniqui yarpaéhcacurcaycanqui: «¿Imanayparaj wañushcunata cawarachimunga? Cawarachimush caycaptin, ¿ima-nirajraj janan canga?» nir. ³⁶Upa canqui-llapa. Llutanta yarpacaycanqui. Murutapis pampanchiraj wiñamunanpaj. ³⁷Mana rigupa tulluntachu allpaman jatinch. Manchäga murullanta murunchi. ³⁸Chaypita murunmantupu Tayta Diosninch. wiñachimun. Llapam muruta murunmantupu wiñamunanpaj camacächin.

³⁹Cay pachaéchu juc-niraj-juc-niraj cawanchi. Runawan uywa mana tincunchu. Pichuysacunawan piscädupis mana tincunchu. ⁴⁰Cay pachaéchu cawaywan janaj pachaéchu cawaypis mana tincunchu. Cay pachaéhüga Tayta Diosninch. camacächishannuylla llap-llapan cawan. Janaj pachaéchu cawajcunatapis juc-niraj-juc-nirajta camasha. ⁴¹Musyanchi intipa, quillapa achicyayninpis juc-niraj-juc-niraj cashanta. Istrillacunapis juc-niraj-juc-niraj achicyämun. ⁴²Chaymi Tayta Diosninch. cawarachiptin, cawarijcunapis juc-niraj-juc-niraj cawarimunga. Cawajcuna imayllapis wañur, pampacunga. Cawarimujcunam ichanga imaycamanpis cawacunga. ⁴³Cawajcuna wañucur, millanaypaj. Cawarimujcunam

* 15.32 Isaías 22.13.

ichanga cuyayllapaj. Cawajcuna wañunächí. Cawarimujcunam ichanga mañaypa-mañaycar cawacunga. ⁴⁴Wañuptinchi, ayallanchita pampan. Tayta Diosninchi cawarachimaptinchim ichanga, juc-nirajna ricacushunpaj. Chaymi cay pachachu cawashanchi-jina janaj pachaçhüpis cawashunpaj.

⁴⁵Tayta Diosninchipa shiminchu nin: «Cay pachaçu runa ricarinnanpaj Adánta puntata Tayta Diosninchi camaran. Adánmi cawayta chasquisha.»* «Jipa-caj Adán» nishan Jesúsmi ichanga cawachicuj. Paymi wañushcunata cawarachin. ⁴⁶Chaypis cawarinanchipaj wañunanchiraj. ⁴⁷Ñaupacaj Adánta allpapita ruraran. Ushyacajlla caran. «Jipa-caj Adán» nishan Jesúsmi ichanga janaj pachapita shamusha. ⁴⁸Allpapita-cajcuna Adánjina llapanchi wañuyta tarishun. Janaj pachaman shuntacamaptinchi, Jesúsmanna ricchacushunpaj. ⁴⁹Cananga wañucuj Adánman ricchacunchi. Jesús shuntacamaptinchim ichanga, paymanna ricchacushunpaj.

Wañushcuna cawarachimushan junajpita tantiyachicushan

⁵⁰Irmānucuna, sumaj tantiyacushun. Jananchiga ushyacajllam. Ayanchipis ismunga. Ushyacaj jananchicunata janaj pachaman Tayta Diosninchi mana shuntangapachu. Wañucujcunaga imaycamanpis mana cawangapachu. ⁵¹Chaymi Tayta Diosninchipa shungun imata yarpashantapis tantiyacushun. Mana llapanchichu wañuyta tarishun. Chaypis llapanchita juc ñipchiyllachu Tayta

Diosninchi juc-niraj cawayman tigrachimashunpaj. ⁵²Jesús cutimuptin curnita suynaramuptin, wañushcuna cawaricarcamunga imaypis mana wañunanpäna. Cawaycajcunatapis juc-niraj cawaymanna tigrarachimashunpaj.

⁵³Ushyacaj cashanchipita mana ushyacajmanna tigrachimashunpaj.

⁵⁴Wañucuj cashanchipita mana wañucujman tigrasharaj Tayta Diosninchipa shimin charcucash canga. Paypa shiminchu nin:

«Ima cushicuyraj wañuyta ichipushapita.

Wañuyta illarachishcä.

⁵⁵Cananga pipis mana

llaquicunganachu:

«¿Wañuy apacamangachuraj?»

«¿Ñacachimangachuraj?» nir.»

⁵⁶Juchata aparicur, wañuyta manchacunchi. Wañuyman chayananchi cashantapis tantiyananchi Tayta Diosninchipa shiminta mana wiyacushanchipita. ⁵⁷Tayta Diosninchim ichanga Washäcuj Jesústa cachamusha wañuy pita washämānanchipaj. Jesúsmi nuwanchi-raycur wañuyman chayar, wañuyta ichipusha. Ima allish Taytanchi Jesucristuwan Tayta Diosninchi llapanta camacächisha.

⁵⁸Irmānucuna, llapaniquita llaquipaj. Chaymi Tayta Diosninchiman sumaj yupachicushun. Ama llutāpacunquichu: «¿Imamanraj chayahash?» nir. Manchäga Taytanchi Jesús pa maquinchu cawar, shungun munashanta ruracushun. Chaynuy cawaptinchi, ima-imata rurashanchitapis Taytanchi Jesús sumaj mirachinga.

* 15.45 Génesis 2.7.

Irmānucunata wamayar piñapashan

16 ¹Cananga justa tanti-yachishayqui. Jutucaj irmānucunata yanapānayquipaj Galacia quinranchu willapashä-jina cuyachicuyniquicunata shuntan-quiman. ²Taripacushayquiman-tupu dumingun-dumingun yata churan-quiman. Chaynuy rurar chayamupti, mana shuntacáharcaycanquipachu. ³Chayamur, imallatapis shuntashayquita Jerusalén marcaman apachishun. Mayganiquipis aywaptiqui, cartanpawan apachishayqui. ⁴«Pablo, jampis aywanquiman» nimaptiqui, aywāshishämi.

Chay-tucuyta purinanpaj Pablo yarpashan

⁵Watucuj shamur, Macedonia marca quinranparaj tumaramushaj. ⁶Chaypitaraj watucushayqui. Tamyá wichan-ima chayamupti, juyapārishunraj. Maypapis aywapti, purināpaj imallawanpis yanapāmanquiman. ⁷Ricaycunallāpaj watucuyta mana munachu. Tayta Diosninchicamacāchiptinmi ichanga, unaylla juyapāriyta munä. ⁸Chaypis Éfeso marcachūraj juyapārishaj Pentecostés fiestata rurashan wichancaman. ⁹Cay marcachu juyu runacuna mana pishiptinsi, willapānāpaj Tayta Diosninchisumaj yanapaycāman. Jesús pa shiminta willapācupti, achcaj runa chasquicuyan.

¹⁰Timoteo chayamuptin, alli ricanqui, ari. Payga quiqui-yupay Taytanchi Jesús pa shiminta willapācur puriycan. ¹¹Pampaman

ama churanquichu. Manchäga watucamaj shamunanpaj yanapanquiman. Caychu ricaj-ricajlla irmānunchicunawan-ima shuyarpaycä.

¹²Irmānunchi Apoluta parlaspashcä: «Waquin irmānucunawan-ima Corinto irmānucunata watucamuy» nir. Ichanga manash shamungarachu. Juc junajrächi watucushunquipaj.

¹³Irmānucuna, Jesús cutimunanta ricaj-ricajlla shuyashun. Mana yamacällar Tayta Diosninchiman yupachicushun. Ima ñacayman chayarpis, ama manchacushunchu. Llapan shungunchiwan Tayta Diosninchipa shungun munashallanta rurar cawashun. ¹⁴Imaypis sumaj llaquinacārishun. Yanapānacushun.

¹⁵Acaya marcachu irmānu Estefanás wasinpa Tayta Jesús pa shiminta chasquicārisha. Paycuna irmānunchicunata sumaj yanapan. ¹⁶Nuwanchipis chay-niraj mayur irmānucunata wiyacushuwan. Llupinpa jatishuwan. Jucninchijucninchipis yanapānacushuwan.

¹⁷Ima allish irmānunchi Estefanás, Fortunato, Acaico watucallāmasha. Watucuyta mana camāpacuptiquipis, ¹⁸paycuna watucallāmasha. Shacyächishushayqui-jina sumaj shacyächimasha. Chay-niraj irmānucunata alli ñawinchiwan ricashun.

Cartapa ushyanan

¹⁹Asia quinranchu jutucaj irmānunchicunapis Taytanchi Jesús man yupachicur, wamayashunqui. Warmin Priscilawan irmānunchi Aquilapis, wasinchu jutucaj irmānucunapis

wamayäshunqui. ²⁰Llapan
irmänucuna wamayäshunqui.
Quiquiquicunapis sumaj
wamayänacärinqui, ari.

²¹Irmänucuna, nuwa Pablo
cartacallämü. Jancunata
wamayämur, maquiwan
isquirbiycämü.

²²Tayta Jesucristuta mana mancha-
pacujcunata Tayta Diosninchi
ñacayman éhayachichun. Tayta
Jesús, cutimuyna, ari.

²³Llaquipäcuj Tayta Jesús sumaj
yanapayculläshunqui, ari. ²⁴Washäcuj
Jesúspa maquinchu cawashpä llapani-
quita sumaj llaquipaj. Chayllana.

Corinto marcachu irmānucunaman

San Pablo cartacushan 2

Tantiyacunanchipaj:

Pablo cay cartata isquirbiran Corinto marcachu jutucay irmānucunaman. Corinto jatun marca caran. Chay marcaman Pablo juella cutiyta mana atipaptin, irmānucunata watucunanpaj Tituta cacharan. Cutir, Pabluta willaran: «Irmānucuna willapashayquinuylla cawarcaycan. Waquin irmānucunam ichanga pampaman churaycāshunqui» nir. Chaymi paycunaman yapay cartacuran.

Chay marcachu Pablo willapācushanpita musyayta munar, liguinqui: Hechos 18.1–18; 1 Corintios.

Pablo isquirbiran:

- Llaquipashpan juella mana watucushanpita, wanacush runata alli ñawinwan ricananpita: **2 Corintios 1.1–2.11.**
- Ñacayman chayashanpita, shacyācushanpita, Tayta Diosninchipa shungun munashannuy cawashanpita: **2 Corintios 2.12–6.18.**
- Ñaupata piñapashanpita, Tito willaptin cushicushanpita: **2 Corintios 7.1–16.**
- Cuyachicuyninta cushish churananpita: **2 Corintios 8.1–9.15.**
- Shiminta willapācunanpaj Jesús caçhacushanpita: **2 Corintios 10.1–13.13.**

Pablo wamayashan

1 ^{1–2}Corinto marcachu, Acaya quinranchu jutucay irmānucuna, nuwa Pablo, Washācuj Jesúspa caçhan cashpā irmānunchi Timoteuwan ishcani cartacallāmi. Tayta Diosninchi camacāchiyninpa Jesúspa shiminta willapācur puriyā. Tayta Diosninchipis, Tayta Jesucristupis yanapaycullāshunqui. Allilla cawaycachillāshunqui.

Llaquipācuj Tayta Diosninchita alliman churashan

³Tayta Diosninchita alliman churaycullāshun. Payga Taytanchi Jesucristupa Taytan. Alli shungu cashpan sumaj llaquipāmanchi. Shacyāchimanchi. ⁴Tucuy-jinanpa ñacaptipis, shacyāchiman.

Shacyāchimashan-jina ñacajcunatapis shacyāchinā camacan.

⁵Washācuj Jesús-janan sumaj ñacachimashan-tupu nuwacunata Tayta Diosninchi sumaj shacyāchiman. ⁶Shacyācāchिमaptin, jamcunata shacyāchinajpis camacan. Jamcuna-raycur ñacayman chayashcā. Tayta Diosninchim ichanga llaquipāmashpan shacyāchiman. Canan jamcunatapis llaquipar, shacyāchijman Tayta Diosninchiman sumaj yupachicunayquipaj, jishpichishunayquipaj. Chaymi jamcunapis ñacayman chayar, ama yamacanquichu. ⁷Washācuj Jesús-janan llapanchi ñacayman chayashcanchi. Tayta Diosninchim ichanga llaquipāmashpanchi shacyāchimanchi. Chaymi shacyāchishunayquita sumaj musyā.

⁸Irmānucuna, Asia quinranchu imanuy-imanuy ñacashätapis willashayqui. Juyupa ñacachimaptin, mana ichipushcächu. Cawaytapis mana yarpashcächu. ⁹Wañuy janächu caycasha. Chaycuna chayapamaptin, cawaynïpis, wañuynïpis mana nuwapitachu cashanta tantiyacushcä. Chayraj Tayta Diosninchiman sumaj yupachicuyta yaçhacushcä. Payga wañushcunatapis cawarachin. ¹⁰Quiquinmi wañuytipapis washämasha. Washämashannuylla imaypis jishpichimanga. Cananga imaman chayarpis, jishpichimānanta sumaj yupachicü. ¹¹Washämānanpaj Tayta Diosninchita mañacärinqui, ari. Mañacärishayquita wiyaptin, achcaj runapis Tayta Diosninchita ninga: «Taytallau Tayta, ima allish Pablutawan Timoteuta sumaj yanapashcanqui» nir.

**Corinto marcata Pablo
watucuyta mana camäpacushan**

¹²Irmānucuna, tincupāmajcuna imata rimamaptinsi, mana llullacushcächu. Shungüpis musyan. Ricay ñawiquichüpis alli cawashcä. Tayta Diosninchipa maquinchu cawar, mana alli-tucüchu. Mana runacuna ashishantachu willapäcur puriyä. Manchäga llaquipāmashanpita Tayta Diosninchipa shiminta willapäcuyä. ¹³Cartacamurpis, shungü yarpashanta mana pacallar cartacamushcä. Cartacamushäta liguir, sumaj tantiyacärinquiman. ¹⁴Waquinniqui mayna shungüta musyapashcanqui. Chaymi Taytanchi Jesús cutimuptin, nuwacunapaj ninquipaj: «Ima allish Jesúspita willapāmasha.»

Jamcunapāna nishaj: «Ima allish Jesúspa shiminta çhasquicusha.»

¹⁵⁻¹⁶Jamcunata musyapajmi.

Chaymi ishca cutipa watucuyta yarparsi Macedonia quinranpa aywar, çhayamuyta yarpashcä. Cutimurpis, çhayamuyta munashcä. Chaypitaraj Judea quinranpa cuticūman caran. Cuticupti, jamcunapis yanapāmanquiman caran.

¹⁷Mana çhayamuptimi ichanga, ama yarpanquichu: «Chay runa shiminta mana çharcunchu» nir. Nuwa mana ishca-quimsatachu rimä.

¹⁸Tayta Diosninchipa shiminta çharcushan-jina nuwapis shimita çharcü. Aunir, mana jipaman cutiricüchu. ¹⁹Washäcuj Jesúspis Tayta Diosninchipa Wawan cashpan shiminta çharcuran. Paypita willapäcurcaycä Timoteuwan, Silvanuwan quimsan. ²⁰Washäcuj Jesús Tayta Diosninchipa aunishanta llapallanta çharcun. Aunishanta çharcushanpita: «Chaynuy caycullächun» nir Tayta Diosninchita alliman çhuranchi. ²¹Paymi acracamashcanchi Washäcuj Jesúspa maquinchu cawananchipaj. Shungun munashannuy cawananchipäpis yanapaycāmanchi. ²²Canan wawan cashanchi musyacānanpaj Espiritu Santu maquinchu puriyäcchimanchi.

²³Irmānucuna: «Watucushayqui» nirpis llaquicuymān çhayanayquita mana munar, Corinto marcaman mana shamushcächu. Jamcunawan alli ricanacuyta munashäta Tayta Diosninchipis musyan. ²⁴Tayta Jesúspa maquinchu cawaycaptiqui, maquichacunaj mana camacanchu. Manchäga alli shimillāpa imatapis tantiyachishayqui llapan shunguy-quiwān Tayta Diosninchipa

maquinchu cushishalla cawanay-quipaj.

2 ¹Chaymi watucuyta munarpis: «Corinto irmänucunata llaquicuyman éhurarüman» nir mana shamushcächu. ²Jamcuna sumaj shacyächimashcanqui. Chaymi piñapar llaquicuyman éhuraptij, ¿piraj shacyächimanga? ³Jamcuna shacyächimänayqui camacan. Llaquicuyman éhuramänayquim ichanga mana camacanchu. Chaymi cartallata apachimushcä. Tantiyacup-tiqui, shacyächinacur cushishalla cawashunpaj.

⁴Piñapaypa cartacatur, juyupa llaquicur wagashcäraj. Mayganiquitapis llaquicuyman éhurayta mana munashcächu. Manchäga sumaj llaquipäshajta tantiyacärinayquita munashcä.

⁵Ahcaman éhayachiyta mana munächu. Chaypis mana upällacümanchu. Tincupämaj runa mana quiquillätachu llaquicuyman éhuramasha. Manchäga jamcunatapis llaquicuyman éhurashcashunqui. ⁶Ima captinpis, juyu ñawiquiwan ama ricaynachu. Mayna piñapashcanqui. ⁷Wanacush captin, juchanta ama yarparaynachu. Manchäga shacyächinquiman. Mana shacyächiptiqui, pingay-tucushchi ushyacanga. ⁸Chay runata alli ñawiquipana ricaycäriy. Llaquipaycäriy, ari.

⁹Chaynuypis shunguyquita musyapayta munar, mayna cartacamushcä: «¿Mä, jucpa shimintachush échasquicunga? ¿Shimillatachush wiyacunga?» nir. ¹⁰Chay runapa juchanta mana yarparaptiqui, nuwapis mana yarparäshänachu. Juchacush captinsi, jamcuna-raycur

juchanta mayna jungaycushcä.

Washäcuj Jesúspis musyaraycanna.

¹¹Chaynuy ruraptinchi, Supay mana maquichacamäshunchu. Supayga lllapanchita juchaman janéhayta munaycamanchi.

Washäcuj Jesúspa shiminta cushish échasquicushan

¹²Tróade marcachu Washäcuj Jesúspa alli willapanta willapäcuj éhayapti Tayta Diosninchicamacächiptin, llapan runa cushishalla échasquicallämasha.

¹³Chaypis irmänu Tituwan mana tincur, llutäpacushcä. Chaymi: «Aywacucäna» nir Tróade marcapita Macedonia quinranpa aywacushcä.

¹⁴Canaga Tayta Diosninchita alliman éhurayculläshun. Washämänanchi-raycur Washäcuj Jesústa cáchamusha. Payga lllapallanta íchipur, Tayta Diosninchipa maquinchu puriyächimanchi. Chaymi Jesúspita willapäcur puripti, may-chaychüpis runacuna wiyarcaycan. ¹⁵Tayta Diosninchicamacächiptin, nuwanchi-raycur Jesús wañuyman éhayasha. Chaymi Washäcuj Jesúspita willapäcur puripti, shiminta échasquicujcunata jishpichinga. Mana échasquicujcunatam ichanga ushyacayman éhayachinga. ¹⁶Paycunaga Jesúspa shiminta wasguipan. Chaypita wañuymanpis éhayanga. Échasquicujcunam ichanga Jesúspa shiminta wiyacärin. Chaypita mana ushyacaj cawaymanpis éhayanga. Chaymi Tayta Diosninchipa shiminta sumaj willapäcuycaptisi, runacuna échasquicunanpis, wasguinanpis mana nuwapitachu. Tayta Diosnillanchi musyaraycan. ¹⁷Waquin

runa paćhan-raycellar willapäcur purin. Nuwacunam ichanga llapan shungüwan willapäcuycă. Tayta Diosninchichi caćhacamaptin, Washäcuj Jesúspita willapäcur puriycă. Rimashäta quiquin Tayta Diosninchipis musyaraycan.

**Washäcuj Jesúspa
caćhancunapita rimashan**

3 ¹Llapantapis rimä mana jatun-tucushpächu. Čhayamur, numramintu papilta mana ricachish-cajchu: «Cay runa Washäcuj Jesúspa caćhan» nimänayquipaj. Jucläpa aywanäpäpis: «Papilta rurapämay» nir mana mañacush-cajchu. Waquinmi ichanga alli-tucur, numramintu papil-ninwanraj purin. ²Nuwacunam ichanga papilwanrächu mana puri. Manchäga jamcuna numramintu papil-yupay carcaycanqui. Washäcuj Jesúspita willapaptij shunguyquiman čhayaptin, shungun munashannuyna cawarcaycanqui. Chaynuy cawashay-quita ricar, Washäcuj Jesúspa caćhan cashäta runacuna tantiya-cunga. ³Shungun munashannuy cawanayquipaj quiquin Washäcuj Jesús camacächisha. Nuwacunawan shiminta willacachisha. Shiminta mana papilčhüchu, mana läja rumičhüchu isquirbichisha. Manchäga Espíritu Santuwan cawaj Tayta Diosninchichi shunguyquiman čhayachisha.

⁴Tayta Diosninchichi nuwacunata rasunpa caćhacamasha. Jamcunapis Washäcuj Jesúspa shiminta čhasquicur, Tayta Diosninchichi shungun munashannuy cawarcaycanqui. ⁵Chaynuy cawanay-quipaj mana quiquilläpitachu

willapäcü; manchäga Tayta Diosninchichi yanapämaptin. ⁶Paymi camacächisha alli willapata willapäcunäpaj. Alli willapa mana Moiséspa shiminchu. Moiséspa shiminta mana čharcujcunata wañuchipäcuj. Alli willapata čhasquicuptinchim ichanga, Espíritu Santu imaycamanpis cawachimanchi.

⁷Unay Israel runacunawan parlanacuptin, läja rumičhu Tayta Diosninchichi shimin isquirbiraran. Isquirbisan shiminta Moisés čhayachiptin, jajllanpis achic-achicyaycan.

Chaymi runacuna cushicuran: «Ima allish Tayta Diosninchichiwan tincusha. Tincushanpita jajllanpis achic-achicyaycan» nir. Chaypis achicyashan cashgallanman cuticuriran. Chay-jina Moisés čhayachishan shiminta čharcuyta mana camäpacur, runacunapis alli cawaypita wañuyman čhayaran.

⁸Tayta Diosninchichi shiminta musyachicur, Moiséspa jajllantapis achic-achicyächiran. Chayta ricar, unay runacuna sumaj cushicuran. Cananga Espíritu Santu paypa shiminta musyaycächimanchi.

Chayga sumaj-sumaj cushicuypämi.

⁹Unayga Tayta Diosninchichi shiminta čhasquicur, runacuna sumaj cushicuran: «Cananga Tayta Diosninchichi ricay ñawinčhu allina cawashunpaj» nir. Chaypis shiminta čharcuyta mana camäpacur, juchačhu cawashanpita wañuyman čhayaran. Cananmi ichanga Washäcuj Jesústa čhasquicuptinchi, juchaynajta alli ñawinpa Tayta Diosninchichi ricamanchi. Chaypita jatunpa cushicunchi. ¹⁰⁻¹¹Sumaj tantiyacushun. Unay parlanacushan sumaj alli carsi, yupash watacu-

nallapaj caran. Washäcuj Jesús pa shiminta éhasquicuptinchim ichanga, imaycamanpis maquinchu Tayta Diosninchi cawachimanchi. Chaymi Washäcuj Jesús pa shiminman unay parlanacushan mana tincunchu.

¹²Tayta Diosninchipa ñaupanman éhayayta yupachicur, imatapis mana manchacullarna shiminta willapäcur puriyä. ¹³Tayta Diosninchiwan tincushanpita Moisés pa jajllan achicyacäcuran. Chaymi Israel marca-masincuna mana ricananpaj chapacurcuran. Ichanga yupash junajlla achicyaptin, unay parlanacushanpis yupash watallapaj cashanta tantiyacunchi.

¹⁴⁻¹⁶Unay Israel runacuna chayta mana tantiyaranchu. Rumi shungu caran. Canancamanpis Tayta Diosninchipa shiminta liguir, mana tantiyanchu. Ñawin chapash-yupay cawan. Washäcuj Jesús man yupachicuptinchim ichanga, Tayta Diosninchi tantiyachimanchi. Shiminpis shungunchiman éhayen. ¹⁷Chaymi: «Tayta Diosninchi tantiyachimanchi» nir Espíritu Santuwan yanapaycämashanchita musyanchi. Paymi jishpichimanchi. Shungun munashannuy cawananchipäpis yanapämanchi. ¹⁸Chaynuy cawap-tinchi, ricamashpanchi runacuna ninga: «Paycuna rasunpa Tayta Diosninchipa maquinchu cawan.» Paypa maquinchu cawar manchapacur, shungunman-tupu cawashunpaj. Chaypämi waran-waran Espíritu Santu yanapaycämanchi.

Mitu mancawan tincuchishan

4 ¹Chaymi Tayta Diosninchipa shiminta willapäcur, mana yamacächu. Llaquipämashpan

payga nuwacunata caéhascamasha. ²Pitapis mana chapata rurashcächu: «Pampaman éhuramasha» nir. Mana cushichipayllapachu willapäcushä. Manchäga runacunapa ricay ñawinchüpis Tayta Diosninchipa shimillanta willapäcü. Chayta pi-maypis musyar, nuwacunaman yupachicamanman.

³Jesús pa alli willapanta llapan runata willapaycä. Shungunman mana éhayaptinmi ichanga, shiminta mana éhasquicushanpita Tayta Diosninchi mana jishpichingachu. ⁴Paycunata supay maquichacusha rumi shungu cananpaj. Chaypita Washäcuj Jesús pa alli willapanta mana tantiyacunchu. Washäcuj Jesús quiquishllan car, Tayta Diosninchipa shunguntapis musyachimanchi. ⁵Nuwacuna mana jatun-tucurchu willapäcü. Manchäga Taytanchi Jesucristuta alliman éhuraycä. Paypa maquinchu cawanchi. Jancunata llaquipaywan willapäcur purircaycä. ⁶Tayta Diosninchi cay pachata camar achqui mana caycaptinraj, niran: «Achicyächun.» Chay-jina Washäcuj Jesús pa shimin shungunchiman éhayaptin, shungunchipis achicyacäcun. Quiquin Washäcuj Jesús nam musyachimanchi Tayta Diosninchi sumaj alli cashanta, munayniyuj cashanta, llaquipäcuj cashanta.

⁷Mitu manca ushyacajlla caycashan-jina nuwanchipis ushyacajlla caycanchi. Chaypis Tayta Diosninchipa shimin shungunchimanraj éhayasha. Quiquinmi yanagaycämanchi. Chaymi shiminta willapäcupti, waquin runapa shungunman

chayanapaj mana nuwacunachu camacächi. Chaytaga quiquin Tayta Diosninchichi camacächin. Paylla munayniyuj. ⁸Chaymi ima ñacayman runacuna chayachimaptinsi, mana ushyacächimanchu. Tantiyayta mana atiparsi, mana llutäpacüchu. ⁹Chiquir ushyamaptinsi, imaman jitarpamaptinsi, Tayta Diosninchichi mana cacharimanchu. Willapäcunäpäpis tucuytita washäman. ¹⁰⁻¹¹Maypa puriptipis, Jesús-janan runacuna ñacaycächiman. Jesústa wañuchishan-jina nuwacunatapis wañuchimayta munan. Jesúsmi ichanga munayniyuj cayninwan washäman. Maquinchu cawachimashanchitapis runacuna tantiyacunga. ¹²Wañuy janächu caycaptinsi, jamcunata Jesús cawaycächishunqui.

¹³Salmos libruchu nin: «Tayta Diosninchiman yupachicü. Chaymi mana upällacüchu.» Chay runa yupachicushan-jina nuwacunapis Tayta Diosninchiman yupachicü. Shimintapis willapäcuyä. ¹⁴Paymi Taytanchi Jesústa cawarachimusha. Chaynuy nuwacunatapis cawarachimanga. Jesúspa ñaupanchu cawananchipaj nuwacunatapis, jamcunatapis shuntamashunpaj. ¹⁵Allipämi jamcuna-raycur ñacayman chayashcä. Shiminta wiyar, Tayta Diosninchichi llaquipäcuj cashanta tantiyacushcanqui. Jamcunapitapis achcaj runa tantiyacäringa. Tantiyacur, chay-chicaj runa cushicuywan Tayta Diosninchichi alliman churanga.

Janaj pacha wasipita tantiyachishan

¹⁶Chaymi ñacachimaptinsi, mana yamacächu. Janä ushyacaypa aywap-

tinsi, shungü mañaj-mañajlla caycan Tayta Diosninchiman yupachicunapaj. ¹⁷Cay pachaçu yupash watalla ñacanchi. Janaj pachaçhümi ichanga achic-achicaycaj pachaçu imaycamanpis cawashunpaj. Cushi-cushilla juyashunpaj. ¹⁸Cay pachaçu ñacaycunapis, llapan ricashanchicunapis ushyacajlla; janaj pachaçhümi ichanga mana. Chaymi ushyacänäta musyar, janaj pachaçu camapämashanman yarparaycä.

5 ¹Cay pachaçu chuella wasi ushyacaj-jina nuwanchipis ushyacajlla caycanchi. Runa rurashanpis ushyacajlla. Wañur ushyacaptinchim ichanga, Tayta Diosninchichi camacächishan wasiçu cawachimashunpaj. Janaj pachaçu wasiga mana ushyacajmi. ²⁻³Cay pachaçu cawar, ñacanchi. Juyupa llaquicunchi: «Maynapis janaj pachaman aywacüman. Wasiynaj mana juyämanchu» nir. ⁴Cay pachaçu juyar, juyupa llaquicunchi. Sumaj ñacanchi. Chaypis wañuyman chayayta mana munanchichu. Manchäga mana wañujmanna juclla Tayta Diosninchichi tircachimashun. ⁵Janaj pachaçu cawananchita mayna shuyaraycanchi. Camacächishanta Espiritu Santuwan Tayta Diosninchichi musyachimashcanchi.

⁶Chaymi ima captinpis, Tayta Diosninchiman sumaj yupachicunchi. Cay pachaçu cawashanchi-caman Tayta Jesúswan mana ricana-cushunrächu. Yata-yata-yupaymi juyaycanchi. ⁷Mana ricarsi, llapan shungunchiwan payman yupachicunchi. ⁸Maynapis wañucushuwan Tayta Jesúswan tincunanchipaj. ⁹Chaymi cay pachaçu cawarpis,

wañuy jananchichu captinpis, Tayta Jesúspa shungun munashallanta rurashunchu. ¹⁰Janaj pachaächüga Washäcuj Jesús ima-imatasi sumaj tapumäshunpaj. Llapanchita imatapis rurashanchiman-tupu allimanpis, mana allimanpis chayachimäshunpaj.

**Tayta Diosninchiwan
alli ricanacushanchipita
willapashan**

¹¹Chaymi Tayta Jesús tapumänanchita musyaycar, manchapacur cawashuwan. Runa-masinchitapis tantiyachishuwan Tayta Jesúspa maquinchu cawanapaj. Nuwacunapa shungüta Tayta Diosninchi sumaj musyapan. Juncunapis musyapämanquiman. ¹²Waquin runa chayamuptinpis, shunguntaraj musyapanquiman. Paycuna janan shungulla imatapis rurashunchu; nuwacunam ichanga mana. Chaypis mana jatun-tucuycächu. Manchäga Tayta Diosninchipa shungun munashanta rurapti, alli ricananquiman: «Palcuna rasunpa Tayta Diosninchita manchapacun» nir. ¹³Waquin runa riman: «Purishij-masincunawan-ima Pablo lücuycash caycan» nir. Juncunam ichanga mana lücuycash caycashäta musyanqui. Juncunaraycur maquinchu Tayta Diosninchi purichiman.

¹⁴⁻¹⁵Washäcuj Jesúspis llaquipämashpanchi maquinchu charaycämanchi. Nuwanchi-raycur wañuytapis tarisha. Chaymi nuwanchisi wañush-jina juchata ama aparicushunchu. Jesúsga llapan runata washänan-raycur wañuyman chayasha. Tayta Diosninchim

ichanga cawarachimusha. Chaymi shungunchi munashallanta amarashunchu. Manchäga Tayta Jesúllata wiyacushun. Payga llapanchipaj wañuyman chayasha. Paytam Tayta Diosninchi cawarachimusha.

¹⁶Ñaupata runa-masinchitapis, Jesústapis: «Wañucujlla» nir ricashcanchi. Cananmi ichanga Washäcuj Jesús mana wañucuj cashanta tantiyacushcanchi. ¹⁷Cananga Washäcuj Jesúspa maquinchu cawar, mana unay cawashanchinuychu cawar-caycanchi. Manchäga Tayta Diosninchipa shungun munashannuylla cawaycanchi. Shungunchipis jucha aparicuyta mana munanchu. ¹⁸Alli shungu cawananchipaj quiquin Tayta Diosninchi camacächisha. Chaymi Washäcuj Jesústa cáchamusha. Alli ricanacunanchipaj Jesús wañuyman chayasha. Llapa runawan alli ricanacuyta munar, nuwacunatapis shiminta willapäcuj cáchacamasha.

¹⁹Washäcuj Jesúspita llapan runawan Tayta Diosninchi alli ricanacun. Juchata aparicushantapis mana yarparannachu. Chay willapata willapäcunäpaj nuwacunatapis cáchacamasha. ²⁰Chaymi Washäcuj Jesúspa shiminta willapäcuycä. Shiminta willapäcupti, quiquin Tayta Diosninchi willapaycäshunqui. Chaymi Washäcuj Jesústa wiyacushpayqui wanacur, Tayta Diosninchiwan alli ricanacunquiman. ²¹Jesús ima juchatapis mana aparicuranachu. Chaypis nuwanchi-janan juchayujta-yupay Tayta Diosninchi ricaran. Cananga Jesúspita juchaynajta ricaycämanchi.

6 ¹Nuwacuna Tayta Diosninchipa cáchan carcaycä. Llaquipaycämaptinchi, shiminta

wiyacushuwan. Camapämashanchita ama jungashuwanchu. ²Shiminchu nin:

«Jitapashä junajchu
mañacamashayquita wiyashcaj.
Jishpichinä camacaptin,
chay junaj washashcaj.»

Sumaj tantiyacushun. Cananpis mañacushanchita Tayta Diosninchi wiyaycan. Washämänanchi junajpis chayamushana.

**Jesúspa cáchan cashpan
Pablo ñacashan**

³Irmänucuna, Washäcuj Jesúspita willapäcushä-janan pipis pampaman ama churamanmanchu. Achäqui mana cananpaj Tayta Diosnin-chita manchapacur cawarcaycä.

⁴Caçhan cashpä llapanpa ricay ñawinchu Tayta Diosninchipa shungun munashallanta rurarcaycä. Chaymi ñacayman chayarsi, llaquicuyman chayarsi, tincupacayman chayarsi, mana yamacächu.

⁵Runacuna wascar ushyamaptinpis, carsilarächimaptinpis, jargur ushyamaptinpis, mana jamaypa arurpis, mana puñuyta tarirpis, paçhäpaj mana tarirpis, Tayta Diosnin-chita mana jungächu. ⁶Manchäga paypa shungun munashannuylla cawarcaycä. Shungun yarpashanta musyapar, pitapis tantiyapä.

Llaquipä. Chayta runapäpaj Espiritu Santu shacyächiman. Chaynuypis llapan shungüwan pitapis llaqui.

⁷Tayta Diosninchipa shimillanta willapäcü. Munayniyuj cashpan shacyächiman. Llapantapis rurarcaycä Tayta Diosninchiman runacuna yupachicunanpaj. Wasguiyta munaptinpis, achäquita mana churapashcächu.

⁸Waquin runa alli ricamaptinpis, waquinga juyu ñawinpa ricaman. Waquin alliçu jurgamaptinpis, waquinga ashllir ushyaman. Tayta Diosninchipa shimillanta willapäcuptipis, waquinga llullata-yupay ricaman. ⁹Ricsish runa captipis, waquinga jäpa runata-yupay ricaman. Illarachimayta munaptinpis, cawaycäraj. Wascar ushyamarpis, mana wañuchimanrächu. ¹⁰«Llaquish cawan» nimaptinpis, shungü mana llaquicunchu. «Pishipacuj» nimaptinpis, achcajta yanapashcä. «Jalapaçha» nimaptinpis, imapis mana pishimashachu.

¹¹Corinto marca irmänucuna, imatapis mana pacallar cartacaycämü. Llapan shungüwan willapaycaj. ¹²Jamcunata llapan shungüwan llaquij. Jamcunam ichanga ricamaytapis mana munanquichu. ¹³Chaypis wawä-yupay carcaycanqui. Llaquishaj-jina llaquimänayqui camacan. Chaymi llaquipänacur cawashuwan.

**Juchata aparicuypita
witicunanpaj willapashan**

¹⁴Tayta Diosninchita wiyacur, juchaçu arujcunapa llupinpa ama jatishunchu. Paycunawan shungunchi mana tincunchu. Mä, tapushayqui. ¿Rasun rimajwan llulla rimajpis tincungachuraj? Mana. ¿Chacajwan achicyajpis tincungachuraj? Mana. ¹⁵¿Washäcuj Jesúswan Supaypis tantiyanacungachuraj? Mana. ¿Tayta Diosninchita wiyacujcunawan wasguipajcunapis juc shungulla cawanmanchuraj? Mana. ¹⁶¿Juc wasillaçu Tayta Diosninchitapis, jircacunatapis manchapacushuwanchuraj? Mana.

Sumaj tantiyacushun. Wasi wamracuna taytanpa maquinchu cawan. Chay-jina nuwanchipis Jesúspa shiminta éhasquicuy-ninchipa Tayta Diosninchipa maquinchu cawaycanchi. Payga cawanmi. Quiquinmi niran:

«Paycunawan juyäshaj.
Waran-waran yanagäshaj.
Tayta Diosnin

caycapti, nuwallata
manchapacamanga.

Paycunata maquiüchu
purichishaj.»*

¹⁷Jananmanpis niran:

«Juchaüchu arujcunapa llupinpa
ama jatinquichu.

Paycunawan ama juturanquichu.
Marca-pingay ama cawanquichu.
Chayraj alli ñawipa ricashayqui.*

¹⁸Warmitapis, ullgutapis llapani-
quita wamrachacushayqui.

Jamcunapis

Taytachacamanquipaj.

Nuwallam Tayta Diosniqui caycä.

Nuwallam munayniyuj caycä.»*

7 ¹Irmänucunallau irmänu,
Tayta Diosninchipa wamra-
chacamänanchipaj mayna aunimash-
canchi. Chaymi juchata ama
rurashunchu. Shungunchichüpis
ima llutancunatasi ama
pacarächishunchu. Manchäga Tayta
Diosninchita manchapacushun.
Shungun munashallanta rural
cawashun.

**Corinto irmänucunawan
Pablo yächänacushan**

²Irmänucuna, llaquinacur
cawashuwan. Nuwacuna mana
mayganiquitapis pampaman échurash-

cajchu. Mana jagayächishcajchu.
Mana imayquicunatapis ushyapash-
cajchu. ³Llapantapis rimä mana
nanapararchu. Jamcunata wañuy-
caway llaquishayqui. ⁴Chaymi jamcu-
naman sumaj yupachicü. Jamcu-
napita sumaj cushicü. Jamcuna-
raycur ñacayman éhayaptipis,
llaquicuymän éhayaptipis, shungü
ancashyärin. Jatunparaj cushicuri.

⁵Macedonia marcaman
éhayamushäpita-pacha jamayta
mana tarishcächu. Manchä tucuy-
jinanpa ñacashcä. Runacuna ticipa-
mashanpita llaquicushcä. Jamcuna-
raycur yarpaçhacur llutäpacushcä.
⁶Tayta Diosninchim ichanga
llutäpacujcunata shacyächin.
Tituwan tincuchimar, nuwatapis
shacyächimasha. ⁷Tito éhayamur,
cushicushpan nimasha: «Corinto
marca irmänucuna manchapacur
cawarcaycan. Ichanga ñaupata
ticshaparänacushayquipitash
jatunpa llaquicun. Cananga jamwan
tincuytash munaycan.» Chaynuy
willamaptin, jatunpa cushicushcä.

⁸Ñaupata cartacamushä llaqui-
cuymanshi échurashcashunqui, ¿au?
Quiquípis llaquicurishcärä; cananmi
ichanga, mana. ⁹Manchäga jatunpa
cushicü. Pingayman échuraypa
piñacuptijraj, wanacushcanqui.
Cananga llapan shunguyquiwan
Tayta Diosninchiman yupachicurcay-
canqui. Chaymi cushicunquiman:
«Piñacamänanchipaj allipächi
Tayta Diosninchipa camacächisha»
nir. ¹⁰Tayta Diosninchipa camacayca-
chiptin, piñacamashanchicunatapis
éhasquicushuwan. Piñacamashan-
chicuna alli caycan llaquicuymän

* **6.16** Levítico 26.12. * **6.17** Isaías 52.11. * **6.18** 2 Samuel 7.14.

éhayananchipaj. Llaquicur wanacup-tinchi, jishpichimashpanchi Tayta Diosninchichi alli cawayta tarichimanchi. Llaquicur mana wanacup-tinchim ichanga, wañuymanpis éhayashunpaj. ¹¹Chaymi rasullanta rimashcanqui: «Pingayman éhuramánanchipaj allipächichi Tayta Diosninchichi camacächisha» nir. Chaynuy captin, allipaj piñacushcaj. Cananga alli ñawiquiwan ricarcaycämanqui. Ticrapamaj runa pampaman éhuramaptinsi, sumaj nanachicamashcanqui. «Paycuna chay-niraj» nir rimay puriptinpi, sumaj llaquicushcanqui. Tayta Diosninchichi manchapacur, chay runatapis sumaj piñacushcanqui. Cananga paypa shungun munashannuy cawaptiqui, sumaj cushicü. ¹²Cartacamurpis, mana wiyächipashcajchu. Manchäga Tayta Diosninchichi ricay ñawinchu nuwacunapaj yarpaçhacunayquipaj cartacamurä. ¹³Mana jungamaptiqui, shungüpis jatunpa cushicusha.

Titupis cutimur, shacyächillämasha. Ima allish jamcunapis payta shacyächishcanqui. ¹⁴Allipaj Tituta nirä: «Corinto marcachu irmänunchicunata alli ñawipa ricä.» Quiquinpi allichu jurgushcashunqui. Jamcunata willapähaj-jina Titupis chaynuylla willamasha: «Paycuna rasunpa Tayta Diosninchichi shungun munashannuylla cawarcaycan» nir. ¹⁵Jamcunaga Titupa shungunman sumaj tincunqui. Manchapacur éhasquicushayquipita, shiminta wiyacushayquipita paypis jatunpa cushicun. ¹⁶Chaynuy cawashayquipita jamcunaman sumaj yupachicü.

Jerusalén marca irmänucunapaj cuyachicuyninta shuntashan

8 ¹Cananga Macedonia quinranachu jutucaj irmänucuna imanuy cawashantapis willapärishayqui. Paycuna Tayta Diosninchichi llaquipäcuj cashanta tantiyacusha. Chaymi cuyay-munaypaj cawarcaycan. ²Juyupa ñacarpis, pasaypa pishipacurpis, cushishalla cuyachicuynincunata achcanpa Tayta Diosninchipaj éhurasha. ³Taripacushanman-tupu cuyachicuynincunata éhurashanta quiquipis ricashcämi. Achca-achcatam éhurasha. Shungun shacyäcuptin, nimasha: ⁴«Cuyachicuynincunata éhuranäta ama miçhämaychu, ari. Waquin irmänunchicunata yanapänä camacan.»

⁵«Taripacushayquiman-tupulla éhuranqui» niycaptisi, achca-achcataraj éhurasha. Éhuraycur, nimiran: «Nuwacunapis Tayta Diosninchichi maquinchu cawarcaycä. Maquinchu cawar, munashantapis rurashaj. Tayta Jesústa wiyacur, jamcunatapis yanapähayqui.» ⁶Chaynuy nimaptin, Titutapis caçhamushcä: «Corinto marca irmänucuna éhurashan cuyachicuynincunata shuntaraycamuy waquinta shuntamushayqui-jina» nir.

⁷Jamcuna Tayta Diosninchiman sumaj yupachicurcaycanqui. Shimintapis sumaj tantiyacurcaycanqui. Llapa shunguy-quiwana éhasquicärishcanqui. Chaymi shacya-shacyalla runa-masiquicunatapis yanaparcaycanqui. Alli ricashaj-jina nuwacunatapis alli ricarcaycämanqui. Chaymi cuyachicuyniquicunatapis llaipa shunguy-quiwana éhuranquiman.

⁸Ichanga taripacurraj éhuran-quiman. Chaypis waquin irmänunchi imanuy éhurashantapis ricacunquiman. Alli shunguyquiwan éhuraptiquiraj, llaquipäcuj cashay-quita llapan musyanga. ⁹Taytanchi Jesucristupis llaquipämashpanchi allilla cawaycashanchu nuwanchi-raycur ñacananpaj shamusha. Cananga yanapämaptinchi, alli cawayta tarishcanchi.

¹⁰Jamcuna janyan watapita llapan shunguyquiwan cuyachicuyniquicunata éhurashcanqui. Cananga shimita wiyacunayqui camacan.

¹¹Éhurayta jallarishayqui-jina taripacushayquiman-tupulla éhuran-quiman. «Alli canman éhuraptiqui» nipti, llapan shunguyquiwan aunimashayqui-jina cushishalla éhuran-quiman. ¹²Taripacushanchiman-tupu llapan shungunchiwan éhuraptinchi, cuyachicuyninchita Tayta Diosninchicashquin. Imanchisi mana caycaptinga: «Éhuray» mana nimanchichu.

¹³Ichanga ushyapacayman éhayarushuwan junta-junta yanapashanchijanan. Llapanchipis juc shungulla yanapänacushuwan. ¹⁴Cananga jamcuna puchuy-puchuy cawar-caycanqui. Chaymi yanapänayqui camacan. Wara-warrantin pishipacujcuna puchuy-puchuy cawanga. Chaura ushyapacayman éhayaptiqui, paycunana yanapäshunayqui camacanga. Chaymi yanapänacur, juc shungulla cawashun. ¹⁵Tayta Diosninchipa shiminpis nin:

«Achca-achcata shuntarpis,
mana puchupacushachu.
Ichicllata shuntarpis, mana
pishipacushachu.»*

Irmänu Titupaj mañacapushan

¹⁶Tito llaquipäshushayquita musyar, cushicunquiman: «Taytallau Tayta, ima allish Pablo llaquipämashan-jina Titupis llaquipämanchi» nir. ¹⁷Irmänu Tituta: «Corinto marcachu irmänucunata watucurishun» nipti, juclla aunimasha. Alli ricashushpayqui quiquillanpita shaycämün.

¹⁸Juc irmänuwan-ima Tituta cáchaycämü. Chay irmänuta Tayta Jesúsapa alli willapanta willapäcushanpita may-chaychépish juturaj irmänunchicuna alli ñawinpa rican. ¹⁹Chaymi payta acracusha: «Cuyachicuycunata Pablo shuntaptin, ayway. Yanapämuy» nir. Cuyachicuyta shuntaycä Tayta Diosninchita alliman éhurashpä, pishipacujcunata llaquipashpä. ²⁰Quimsan shuntapti, runacuna mana jamurpämangachu: «Quiquillanpächi chay-chicata shuntaycan» nir. ²¹Chayta mana rurämanchu. Manchäga Tayta Diosninchipa ricay ñawinchüpis, runa-masinchicunapa ricay ñawinchüpis alli llueshiman.

²²Paycunawan juc irmänunchitapis cáchaycämü. Payga shacyashacyalla imatapis ruran. Jamcunatapis alli ricashunqui. ²³Tituga yanagämajñimi. Jamcuna-raycur arupti, sumaj yanapäman. Tituwan ishcaj yanagämujtapis waquin irmänunchicuna cáchaycämün. Paycuna Tayta Diosninchipa shungun munashannuylla cawar, Washäcuj Jesúsata alliman éhuran. ²⁴Chaymi cay quinranchu juturaj irmänunchicuna ricacunapaj

* 8.15 Éxodo 16.18.

quimsanta llaquipar, alli rican-quiman. Irmänunchicuna chayraj cushicunga: «Pablo willama-shanchinuyllya Corinto marcachu irmänucuna rasunpa Tayta Diosninchita manchapacur cawan» nir.

**Cuyachicuynincunata
shuntashanpita yarpächishan**

9 ¹Jerusalén marcachu irmänunchicunapaj cuyachicuyniquita éhuranayquipaj alläpa mana rimacümanchu. Chayta musyanqui. ²Alli shungu cashayquitapis musyä. Chaymi Macedonia quinran irmänucunata jurgapashcä: «Janyan watapita-pacha Acaya quinran Corinto irmänucuna shacya-shacyalla cuyachicuynincunata camaricuycan» nir. Jancunata jurgapapti, paycunapis yanapamayta munarcaycan. ³Cananga alli shungu cashayquita ricananpaj quimsaj irmänunchicunata caçhaycämü. Manchä: «Pablo llullacun» niranmanquiman. Chaymi camaricushalla shuyanqui. ⁴Macedonia quinranpita yanagämäjcunawan éhayamupti cuyachicuyniquita mana éhuraptiqui, pingaychu llucshishunpaj. Mana quiquillächu pingaychu llucshishaj. Manchäga quiquiquicunapis pingay-tucush llucshinquipaj.

⁵«Pishipacujcunapaj cuyachicuynincunata éhurashaj» nir aunimaptiqui, yanagämäj irmänucunata caçhaycämü. Imatapis llutäpacuptiqui, paycuna yanapäshunquipaj. Chaymi cuyachicuyniquicunata éhurar, achca-achcata éhuranqui; ama ichic-ichiçllataga. Achca-achcata

éhuraptiqui: «Alli shungu» nishunquipaj. Ichic-ichiçllata éhuraptiquim ichanga: «Miéha» nishunquipaj.

⁶Mä, sumaj yarpaçhacushun.

«Ichiçllata murur, ichiçllata pallanchi.

Ahcata mururmi ichanga, ahcata pallanchi.»

⁷Cuyachicuyninchita éhurayta munar, shungunchi munashannuyllya éhurashuwan. Llaquish caycar, ama éhurashuwanchu. Pipis piñapaypa: «Mä, éhuray» nimaptinchi, ama éhurashuwanchu. Tayta Diosninchishacya-shacyalla éhurajcunallata alli rican. ⁸Payga tarichicujmi. Sumaj yanapämäshunpaj imanchicunapis mana pishimänanchipaj. Aypäpacushunpaj pitapis tarichinanchipaj.

⁹Tayta Diosninchipa shiminchu nin:

«Pishipacujcunata puchuy-puchuyta tarichin.

Puchuy-puchuyta tarichishanpita imay-imaypis mana jungangapächu.»*

¹⁰Tayta Diosninchilapançhüpis yanapämanchi. Murutapis, micuytapis tarichimanchi. Pishipacujcunata puchuy-puchuyta tarichinanchipäpis sumaj yanapämäshunpaj. ¹¹Puchuy-puchuyta tarichimaptinchi, puchuy-puchuyta éhurashun. Cuyachicuyniquita éhayachipti, irmänunchicuna jatunpa cushicunga. Tayta Diosninchitapis sumaj alliman éhuranga. ¹²Cuyachicuyniquita éhayachipti, irmänucuna pishipacushanta tarichinquipaj. Chaura cushicushpan llapan shungunwan Tayta

*9.9 Salmo 112.9.

Diosninchitapis alliman éhuranga:
¹³«Ima allish Tayta Diosninchí
 mana jungamanchichu. Corinto
 irmānucunapis llapan shungunwan
 Washäcuj Jesúspa shiminta
 éhasquicusha. Chaymi puchuy-
 puchuytapis apaycächillāmun.
 Waquincunapāpis tariycächin»
 nir. ¹⁴Chaymi jamcunapaj llapan
 shungunwan mañacunga: «Taytallau
 Tayta, ima allish Acaya quinranchu
 irmānucunata llaquipar sumaj
 yanapashcanqui» nir. ¹⁵Ima allish
 llaquipäcuj Tayta Diosninchí
 yanapaycāmanchi. Tantiyayta mana
 atiparsi, sumaj-sumaj cushicunchi.

**Jesúspa cañan cashanta
 Pablo chapacushan**

10 ¹⁻²Irmānucuna, sumaj
 tantiyacunquiman.
 Washäcuj Jesús llaquipāmashanchi-
 jina nuwapis alli shimillāpa
 piñacushayqui. Waquin runam
 ichanga tincupāmar nin: «Pablo
 quiquillanpaj imatapis ashir
 purin.» Jananmanpis nin: «Ricay
 ñawinchiču rimaytapis mana
 camāpacunchu; carullapita
 ullguy-tucun.» Nuwaga piwanpis
 éhuracayta mana ashycāchu.
 Watucuj shamur, alli shimillāpa
 piñacushayqui. Tincupāmajcu-
 natam ichanga sumaj piñacushaj.
³Wañucuj runa carsi, Jesúslapita
 willapäcur puriyca. Runacuna
 alli-tucur tincupāmaptinsi, mana
 chapacushächu. ⁴Runacuna shungun
 munashallanta ashir, pitapis
 ashipan. Nuwam ichanga Tayta
 Diosninchí tantiyāchimashannuylla
 willapäcuyca. Payga munayniyuj
 cashpan alli-tucujcunata ichipun.
 Yarpay-sapa-tucuptinpis, pampaman

éhayachin. ⁵Alli-tucujcunaga
 runacuna Tayta Diosninchita wiyacu-
 nanta mana munanchu. Chaypis
 shiminta éhasquicur wiyacunanpaj
 tucuy-jinanpa Washäcuj Jesúspita
 willapäcushaj. ⁶Chaymi llapaniqui
 sumaj wiyacärinquiman. Éhayamur,
 mana wiyacujcunata piñacushaj.

⁷Mä, tantiyacushun. Pipis:
 «Llapan shungüwan Washäcuj
 Jesúsman yupachicu» nir nuwacu-
 natapis alli ñawinwan ricamanman
 Washäcuj Jesúspa maquinchu
 cawarcaycapti. ⁸«Pablo nishan-
 nishan purichimanchi» niptiquisi,
 mana pingacüchu. Tayta Jesústa
 wiyacunayquipaj maquiču purichij;
 mana pingayman éhuranajpächu.
⁹Chaymi cartäta liguir, ama mancha-
 rinquichu. ¹⁰Waquinniqui rimarcay-
 canqui: «Cartallanču Pablo sumaj
 ullguy-tucun. Ricay ñawinchičhüga
 wañunächi. Rimaytapis panta-
 pacun.» ¹¹Chaynuy niptiquisi, sumaj
 wiyamanquiman. Watucuj shamur,
 cartächu isquirbimushānuylla sumaj
 piñapāshaj.

¹²Alli-tucujcuna pampaman
 éhuramaptinsi, mana imananchu.
 Jucta pampaman éhurar, imata
 rimashantapis mana musyanchu.
 Upa cashpan quiquin-pura alli-
 tucun. ¹³Nuwacunaga tantiyaycellar,
 imatapis rimashaj. Tayta Diosninchí
 camacächisha marcayquimanpis
 éhayamunāpaj. Paymi camacächisha
 may-chaychüpis willapäcunāpaj.

¹⁴Musyashayquinuypis ñaupata
 alli willapata willapäcuj shamushcä.
 Ichanga mana alli-tucushcächu.
 Mana willapaptij, Washäcuj
 Jesúspa shiminta mana wiyān-
 quimanchu caran. ¹⁵Nuwacuna
 mana jucpa arushallanwanchu

alli-tucü. Manchäga Tayta Diosninchí camacächishannuylla shiminta willapaycaj payman sumaj yupachicunayquipaj. Shimin shunguyquiman sumaj éhayaptin, aruynipis achcajman éhayman.
¹⁶Juclä marcacunaéhüpis Jesúspita willapäcunämi. Juc willacuj aywash captin, ama aywämanchu. Pipis mana jamurpämānanpaj juc willacushanman mana jaticällar purishaj.
¹⁷Tayta Diosninchipa shiminéhüpis nin: «Pipis alli ricash cayta munar, Tayta Diosnillanchita alliman éhuranman.»
¹⁸Runata mana alli-tucushanpitachu alli ricanchi. Manchäga quiquin Tayta Diosninchí alli ñawinwan ricaptinraj, nuwanchipis alli ñawinchiwan ricanchi.

**Pantachicujcunapita
Pablo rimashan**

11 ¹Irmānucuna, wichaypayaypa rimacuptipis, tanti-yaycallāmay, ari. ²Runa chayraj ashishan warmita llaquipashan-jina jamcunatapis sumaj llaquipaj. Alli cawanayquita munar, sumaj ricaycaj. Chaymi warmi majanpa maquinchu cawashan-jina jamcunapis Tayta Diosninchipa maquinchu cawan-quiman. Washäcuj Jesúslaman yupachicunquiman. ³Evata-jina supay maquichacushunayquitam ichanga manchacü. Supay maquichacushuptiqui, Washäcuj Jesúsman llapan shunguyquiwan mana yupachicunquipächu.

⁴Jamcunata mayna Jesúspita willapashcaj. Shimintapis éhasquicushcanqui. Espíritu Santupis maquinchu puriyacächishunqui. Chaypis ricashayqui runata wiyarcay-

canqui: «Caymi rasunpa Jesúspita willacuycan» nir. Chay pantachicujcuna purin: «Cay-niraj, wac-niraj ruraptiquiraj, Tayta Diosninchí yanapāshunqui. Ricay ñawinchu alli cawanayquipaj caynuy-caynuy ruranquiman» nir. Llutanta yaéhachishuptiquipis, cushishalla éhasquicuycanqui.

⁵Nuwata Tayta Diosninchí caéhacamasha shiminta willapäcunāpaj. Alli-tucuj caéhacunam ichanga: «Tayta Diosninchipa caéhan cā» nirpis llullacur pantachicun. ⁶Nuwaga rimayta sumaj mana yaécharpis, llapanta tantiyä. Llapan tantiyashäta, alli cawashäta jamcunapis musyanqui.

⁷Chaymi Jesúspa shiminta willapashcaj Tayta Diosninchí alli ñawinwan ricashunayquipaj. Chaymi arushallāwan cawashcä. Mana imatapis mañacushcajchu. ¿Cananga chayllapitachuraj jamurpaycamanqui? ⁸Ima allish Jesúspa shiminta willapäcunāpaj juclä marcachu juturaj irmānunchicuna yanapāmasha. ⁹Marcayquichu juyarpis pishipacushcä. Chaypis mana mañacushcajchu. Macedonia marca irmānunchicuna yanapallāmasha pishipacushäcunata rantināpaj. Jamcunata imatapis mana mañacushayquipächu.

¹⁰Imaman éhayaptipis, Washäcuj Jesús shungüta musyan. Mana jillay-raycullarchu shiminta willacuycä. Chaymi Acaya quinranchu pipis shimita mana chapangapächu.

¹¹Imata rimarpis, llapan shungüwan jamcunata llaquipaj. Tayta Diosninchipis shungüta musyan.

¹²Irmānucuna manchapacärinanta munar, pantachicujcuna achca-

achcata mañacun. Chaynuy llalli-mayta munamaptinsi, mana jillay-raycullarchu Tayta Diosninchipa shiminta willapäcushaj. Mana yamacällar imaypis willapäcushaj. ¹³Paycunam ichanga Washäcuj Jesús pa cañhan-tucun. Willapäcur pantachicun. Quiquillanpita cañhaman tincuchicun. ¹⁴⁻¹⁵Supaypis pantachicunanpaj: «Achquita apamuj anjil caycä» nir Tayta Diosninchipa cañhan-tucun. Supaypa maquinchu cawajcunapis alli-tucun. Ichanga juchata aparicushanmantupu ñacaymanpis chayanga.

**Washäcuj Jesús-janan
ñacayman Pablo chayashan**

¹⁶Sumaj tantiyacäriquinman. Mana shimiman chayashantachu rimaycä. Upa-jina rimaptisi, sumaj wiyacäramanquinman. Alli ñawiquipa ricamanquinman. ¹⁷Alli-tucur rimanätañchi ichanga Tayta Jesús mana auningachu. ¹⁸Waquin runa alli-tucuptin, nuwapis alli-tucunä camacan.

¹⁹Jamcuna yarpay-sapa canqui, ¿au? Chaypis pantachicujcuna shiminman chayashanta rimaptin, cushi-cushilla wiyaparanqui.

²⁰Paycuna maquichacushuptiquisi, jillayniqita jichushuptiquisi, llullapashuptiquisi, pampaman churashuptiquisi, ashllir ushya-shuptiquisi, mana rimacunquichu.

²¹Nuwacunam ichanga rimarcuy-llatapis mana camäpacushcächu chay-niraj canäpaj. Chaymi waquin alli-tucuptin, nuwapis alli-tucüman.

²²Alli-tucujcuna Israel runa cashanman, Moisés pa shiminta charcushanman, Abrahampa willcan cashanman yupachicun. Nuwapa

papänipis Israel runam. Yañhachimashanchicunatapis llapanta charcü. Abrahampis auquillümi.

²³Upa-yupay shimita mana jugarimanchu. Ichanga: «Washäcuj Jesús pa shiminta willapäcushcä» niptinsi, nuwarämi chay-tucuychu purir willapäcushcä. Willapäcur purishäpita carsilächu achca cuti wiñgarächimasha. Wascar ushyamasha. Achca cuti wañuchimaytapis munamasha. ²⁴Israelcuna yawar-masi caycarsi, pichga cutipa quimsa chunca isgunwan (39) maqui wascamasha. ²⁵Quimsa cutipa Roma marca pa murucun-cunapis wirumasha. Juc cutichu chiqui runa sajmamasha. Quimsa cuti bütiwanpis tigrashcä. Ichic-llapita yacu chu mana wañushcächu. Lluçhiyta mana camäpacur, lamar yacu chu pagas-junaj wampushcä. ²⁶Chay-tucuy pa purishcä.

Chimpaycapti, mayupis apamayta munamasha. Asaltanticunapis ichic-llapita mana charimashachu. Yawar-masïcunapis, jäpa runacunapis sumaj wañuchimayta munasha. Chacracuna chüpis, marcacuna chüpis juyu runacuna wañuchimayta yarpasha. Lamar yacu chu puriptipis, janächu wañuy caycasha. Janan shungulla yupachicuj irmänu-tucujcunapis wañuchimayta munasha. ²⁷Sumaj arushcäpis. Ñacashcäpis. Puñuytapis mana tarishcächu. Pañhäpaj mana captin, yargaypita, yacunaypita sumaj ñacashcä. Janäpaj mana aypäpacur, jasaypita juyupa ñacashcä.

²⁸Chay-tucuychu jutucuj irmänunchicunapäpis waran-waran yarpañhacur llaquicü. ²⁹Jishya charishuptiqui, shungüpis nananraj.

Juchaman tunichishuptiqui, ullgü.
³⁰Chaymi alli-tucur, alli-tucüman
 wañunächi-jina cashäpita. ³¹Mana
 llullacushäta Tayta Diosninchipis
 musyaycan. Payga Tayta Jesús pa
 Taytan. Chaymi payllata imaypis
 alliman éhurashun. ³²Damasco
 marcachu Aretaspa mandajninshi
 niran: «Pabluta marcapita llucshiy-
 cajllata risu charicuncunqui.»
³³Chaypis waquin irmänunchicuna
 marca wajtallanpa jishpichimaran.
 Canistawan warcuylapa mandajpa
 maquinpita jishpichimaran.

**Tayta Jesús ricaripushanpita
 Pablo willacushan**

12 ¹Alli-tucur, imatapis mana
 jurgushächu. Chaypis
 Tayta Jesús ricapacachimashanta
 willacunä camacan. Payga tucuyta
 tantiyachimasha. ²Janaj pachaman
 apamashan éhunca éhucuwan
 (14) watana. Ichanga rasunpa
 aywashätapis, almallä aywashan-
 tapis mana musyächu. Tayta
 Diosnillanchim musyaraycan.
³⁻⁴Imanuy carpis, rasunpa paypa
 ñaupman apamasha. Chaychu
 pipis mana wiyashancunata willa-
 masha. Willacunämi ichanga mana
 camacanchu.

⁵Tayta Diosninchivan tincush
 carpis, mana alli-tucümanchu.
 Ima captinpis Tayta Diosninchí
 yanapämaptillan, cawä; mana
 quiquilläpitachu. ⁶Alli-tucur,
 allita ruräman. Ichanga ama
 rimacümanchu: «Pablupa shimillan.
 Shungun yarpashallanta ruran.
⁷Tayta Diosninchitapis jucchush
 ricanman» nimänapita. Alli-
 tucunäpita ñacay charimänanta
 Tayta Diosninchí camacächisha.

Juyupa ñacachimasha. Cashawan
 tucsiycämaj-jina shapshicu-
 masinwan Supay ñacaycächiman.
⁸Chaymi quimsa cutipa Tayta
 Jesústa mañacushcä: «Ama ñacachi-
 maychu, ari» nir. ⁹Paymi ichanga
 nimasha: «Ñacaptiquisi, llaqui-
 pashpä mana jungajchu. Imata mana
 camäpacuptiquipis, munayniyuj
 cashpä sumaj yanapaycaj.» Chaymi
 mana alli-tucüchu. Manchäga
 yanapämänapaj Washäcuj Jesús pa
 maquillanchu cawä. ¹⁰Washäcuj
 Jesúsman yupachicushä-janan
 ñacarpis, ashllir ushyamaptinpis,
 pishipacurpis, jaticächar ushyamap-
 tinpis, cushish cawaycä. Wañunächi-
 jina cashäpita llapan runa
 pampaman éhuramashanman-tupu
 Tayta Diosninchí yanapaycäman.

¹¹Irmänucuna, quiquiquicuna
 ashipämashcanqui shimi
 éhayashanta rimanäpäpis.
 Jamcuna allíchu jurgamap-
 tiquiraj, alli-tucüman. Alli-
 tucuj cáchacuna nuwata mana
 imačhüpis aypämanchu.

¹²Rasunpa cáchan caycashäta
 tantiyacunayquipaj quiquin Tayta
 Diosninchí sumaj yanapämasha.
 Cáchacamar, yanapämasha
 ñacaytapis íchipunäpaj, quiquin
 camacächiyinpa tucuyta ruranäpaj.
 Pay sumaj munayniyuj cashanta
 ricaycarsi, tantiyayta mana atipash-
 canquichu. ¹³May marcachu purir
 willapäcunäpäpis yanapallämasha.
 Jamcunatam ichanga imatapis
 mana mañacushcajchu. ¿Mana
 mañacushalläpitachuraj
 chiquircaycämanqui? ¿Nuwachuraj
 juchallicushcä? Rasunpa
 aparicush caycapti, juchäta ama
 yarparanquimanchu.

**Corinto irmänucunata Pablo
watucuyta yarpashan**

¹⁴Cananwan quimsa cutipana watucushayqui. Ichanga mana jillayniqui-raycullarchu shamushaj; manchäga jamcunata llaquipar. Chaymi imatapis mana mañacushay-quichu. Sumaj tantiyacushun.

Papänin wamrancunata mana mañacunchu. Manchä yanapan.

¹⁵Chaymi jamcunata willapänä-raycur imätapis ushyashaj. Ushya-pacaptisi, mana llaquicüchu. ¿Llapan shungüwan llaquipaycap-tijchu, wasguiparcaycämanqui?

¹⁶Jamcunapa umayquita mana nanächishcächu. Imatapis mana mañacushcächu. Chaypis waquin-niqui tumparcaycämanqui:

«Pablo ardiyllapa jillayta mañacusha» nir. ¹⁷Nuwaga mana pitapis cañhacamushcächu: «Jillayta apachimuy» nir.

¹⁸Tituta cañhamurpis, ishcajwan yanagächimushcä. Paycunata cañhacamushcä alli cawashay-quita musyananpaj. Ichanga mana mañacushcashunquichu: «Jillayta jumay» nir. Nuwacunapis imatasi mana mañacushcajchu. Manchä alli cawashayquita musyanäpaj chayamushcä.

¹⁹Nuwacuna mana alli llucshiya munarchu imatapis rimä. Tayta Diosninchi shungüta musyan. Payman yupachicur, Washäcuj Jesús pa maquinchu cawaycä. Wawallau, llapan shunguyquiwan Tayta Diosnin-chiman yupachicunayqui-raycur llapantapis ruraycä. ²⁰Watucuj shamuyta manchacü: «¿Shungü tincungachuraj?» nir. Chayamur,

¿imanïmanraj chiquinacuycajcunata, imatapis munapajcunata, jagayash caycajcunata, warmish ullgush caycajcunata, ticshaparänacuy-cajcunata, washata rimaycaj-cunata, tumpacuycajcunata, alli-tucuycajcunata, shungun munashallanta ruraycajcunata tarishpä? Jatunpa llaquicushaj. ²¹Juchayquita Tayta Diosninchi jurgapämaptin, chapacuyta mana camäpacushächu. Waquinniqui pingayman çhurarcaycämanqui. Juchapita mana wanacunquichu. Waquinniqui marca-pingayshi cawarcaycanqui. Waquinniquinash allgu-jina jucwan-jucwan cacurcaycanqui. Waquinniquinash shunguyqui munashallanta rurarcaycanqui. Chaypita sumaj llaquicü. Shungüpis mana shungü-nirajnachu.

**Irmänucunata yapay
piñacushan**

13 ¹Cananwan quimsa cutipana watucushayqui. Pitapis: «Juchayuj» ninanchipaj Tayta Diosninchipa shimintaraj wiyashuwan. Paypa shimin nin: «Juchayuj» ninayquipaj ishcaiquimsa tistiguraj canman. ²Mayna willaparaj. Yapay watucur: «Juchaçu arujcunata piñacushaj» nir. Canan watucur, rasunpa juchaçu arujcunata piñacushaj. Waquintapis juchaçu aruptin, piñacushaj. Mana upällacushänachu. ³Quiquiquicunash ashiparcaycämanqui: «Pablo, ¿rasunpachuraj Jesús pa cañhacuynin?» nir. Juchata aparicuptiqui, Washäcuj Jesús mana upällacunchu. Ñacachishunayquipäpis munayniyujmi. ⁴Runacuna rusçu wañuchiptin,

Jesús mana rimacushanta musyanchi. Ichanga wañushanpita Tayta Diosninchichi cawarachimusha. Chaymi: «Pablupa shimillan» nimaptiquisi, munayniyuj Tayta Diosninchipa maquinchu cawaycä. Chaymi jamcunata piñacunajpaj caçhamasha.

⁵Tayta Diosninchipa shungun munashannuylla cawashayquita musyanayquipaj mä, quiquiqui-cunapa shunguyquita tapuy. Washäcuj Jesúspa maquinchu cawashayquitapis, mana cawashay-quitapis shunguyqui willashunqui. Mana willashuptiquim ichanga, janan shungullaçhi yupachicur-caycanqui. ⁶Nuwacuna llapan shungüwan Tayta Diosninchiman yupachicushäta llapaniqui musyan-quiman. ⁷Runacuna pampaman çhuramaptinpis, mana imananchu. Manchäga Tayta Diosninchita mañacü manchapacur cawanay-quipaj. Allichu, mana allichu jurga-maptiquipis, mana imananchu. Alli cawashayquita ricarmi ichanga, Tayta Diosninchipa maquinchu cawashayquita llapan runa musyanga. ⁸Nuwacuna ima chapatapis mana rurämanchu. Manchäga Tayta Diosninchipa shimillanta wiyacunä. Yanapämaptin, shungun munashallanta rurashaj. ⁹Chaymi

Tayta Diosninchipa maquinchu cawaptiqui runacuna tumpa-maptinpis, mana imasi jucüchu. Manchäga Tayta Diosninchita mañacü: «Corinto runacuna manchapacur cawananjapaj yanapaycullay, ari» nir.

¹⁰Imata rimanätapis musyanayquipaj cartacamuj. Manchapacur cawaptiqui, alläpa mana piñacushayquichu. Piñacurpis, mana pampaman çhurarchu piñacuj. Manchäga Tayta Jesúspa ricay ñawinchu alli cawanayquipaj munä.

Cartapa ushyanan

¹¹Irmänucuna, chayllata cartacallämuj. Cananga Tayta Diosninchita manchapacur caway, ari. Juchata ama apari-cuychu. Shacyächinacäriy. Juc shungulla allilla caway. Llaquipäcuj Tayta Diosninchichi yanapayculläshunqui. Allilla cawaycachilläshunqui. ¹²Quiquiqui-purapis sumaj wamayänacäriy. ¹³Caychu juturaj irmänucunapis llapanmi wamayämushunqui. ¹⁴Llaquipäcuj Tayta Jesucristupis yanapayculläshunqui. Tayta Diosninchipis llaquipayculläshunqui. Espíritu Santupis juc shungulla maquinchu puriycachilläshunqui. Chayllana.

Galacia marcachu irmānucunaman San Pablo cartacushan

Tantiyacunanchipaj:

Pablo cay cartata isquirbiran Galacia quinranchu jutucay irmānucunaman. Chay quinranchu marcacunata maquinachu Roma marca pa mandajnin purichiran. Chuscu marca jatun caran: Iconio, Listra, Derbe, Antioquia. Chay marcacuna chu Pablo willapacuptin, achcaj runa Jesupa shiminta chasquicuran.

Chay quinranpita Pablo aywacuptin, pantachicuj Israel runacuna yaycapuran. Paycuna willapacuran: «Alli ñawinwan Tayta Diosninchi ricamananchipaj Moisés pa shimillanta sumaj charcunanchi» nir. Chaypis Pablo mayna tantiyachish caran: «Llaquipamashpanchi Tayta Diosninchi Washacuj Jesupa cachamuran. Payman yupachicuptinchi, alli ñawinwan Tayta Diosninchi ricamanchi. Imaycamanpis maquinachu cawachimashun» nir. Chaymi Galacia quinranchu irmānucuna mana pantananpita cartacuran.

Pablo isquirbiran:

- Pantachicujcunapa shiminta mana chasquipananpita: **Gálatas 1.1–10.**
- Jesús ricariparcur tantiyachicushanpita: **Gálatas 1.11–2.21.**
- Moisés pa shiminpita, Jesu man yupachicur Tayta Diosninchipa maquinachu cawananchi: **Gálatas 3.1–4.31.**
- Jirucuy pita, llaquipanacuy pita: **Gálatas 5.1–6.18.**

Pablo wamayashan

1 ¹⁻²Galacia quinran marcacuna chu jutucay irmānucuna, nuwa Pablo, Tayta Diosninchipa cachan cashpa waquin irmānunchicunawan-ima cartacallamü. Nuwata Washacuj Jesu wan quiquin Tayta Diosninchi churamasha shiminta willapacur purinapaj. Tayta Diosninchi Jesupa cawarachijmi. Paycuna acracamasha; mana runa masinchichu. ³Tayta Diosninchipis, Tayta Jesucristupis llaquipaycullashunqui. Maquinachu allilla puriyca-chillashunqui, ari.

⁴Cay pachachu jucha mana pishinchu. Chaypis Tayta Diosninchi

camacachiptin, Washacuj Jesús wañuyta tarisha juchata aparicushan-chipita jishpichimānanchipaj. ⁵Tayta Diosninchi munayniyujmi. Payllata llapan runa imaycamanpis alliman churanman. Chaynuy caycullachun.

Jesupa shiminta ticrapushanpita Pablo llaquicushan

⁶Irmānucuna, Tayta Diosninchi llaquipamashpanchi maquinachu cawananchi-raycur Washacuj Jesupa cachamusha. Chaymi: «Galacia marca irmānucuna Jesupa shiminta chasquicursi, Tayta Diosnin-chita wasguipaycan» nimaptin, tantiyacuyta mana atipachu. ¿Piraj shimi yashcashunqui jucpa

shiminta éhasquicunayquipaj?
⁷Jesúslla Washäcuj. Juc mana canchu. Chaypis pantachicujcuna llutanta willapashcashunqui Jesústa ticrapunayquipaj, shimintapis wasguinayquipaj. ⁸Pipis Washäcuj Jesústa pampaman éhurar: «Moiséspa shimintaraj éharcushun» nir yaéhachicurga, ñacayman éhayachun. Llutanta rimaptin, willacuj-masicunatasi, anjilcunatasi chacaj pachaman Tayta Diosninchi jitarpunga. ⁹Mayna piñacushcaj. Chaymi sumaj wiyacäriy. Pipis jucpa shiminta willapar Washäcuj Jesúspa shiminta ticrapur, ñacayman éhayangapaj.

¹⁰Mä, tapushayqui. ¿Piwantaj alli ricanacuyta munanqui: Tayta Diosninchiwanchu, runa-masiquiwanchu? Runacuna alli ricamänanta mana ashichu. Manchäga Tayta Diosninchi alli ricamänanta munä. Chaymi maquinchu cawar, Washäcuj Jesúspa shimintapis wiyacü.

**Tayta Diosninchi
 cáchacushanpita Pablo
 tantiyachicushan**

¹¹Irmänucuna, mana runa yarpa-shallantachu willacur puriycă; manchäga Jesúspa alli willapanta.

¹²Mana runachu Washäcuj Jesúspa shiminta willamasha. Manchäga quiquin Jesúswan tincushcă. Ricari-pamasha. ¹³Ñaupata Israel-masicuna cawashannuylla cawarä. Jutucaj irmänucunatapis jatitacáchar ushyarä. Llapanta illarachiyta munarä.

¹⁴Israel runacuna yarpashanta wiñay-masicuna janan shungulla éharcuptinsi, llapan shungüwan éharcurä. Auquillücuna yaéhachima-

shantapis mana juctapis jungarächu. ¹⁵⁻¹⁶Ima-niraj captisi, llaquipäcuj cashpan mana yuriptillä, Tayta Diosninchi acracamasha Wawan Jesústa ricsicunäpaj, jäpa runacunatapis willapänäpaj. Jesústa ricsichimaptin, pi runatapis mana ashishcăchu Tayta Diosninchipa shiminta tantiyachimänanpaj. ¹⁷Jerusalén marcachu punta-caj cáchancuna juturaptinsi, mana tapucuj aywashcăchu. Manchäga Arabia quinranman aywashcă. Chaypita Damasco marcaman cuticushcă.

¹⁸Chaypita quimsa watataraj Jerusalén marcaman Pedruwan tincuj aywashcă. Tincur, ishca simänalla juyapäriä. ¹⁹Jerusalén marcachu mana llapan cáchacunawanchu tincushcă; manchäga Jesúspa wauguin Santiagullawan. ²⁰Irmänucuna, cartacur rasullanta willapaycaj. Tayta Diosninchipis musyan. ²¹Jerusalén marcapita Siria quinranmanpis, Cilicia quinranmanpis aywashcă. ²²Judea quinranchu jutucaj irmänucunam ichanga mana ricsimashachu. Paycunawan mana tincushcăpishchu. ²³Chaypis nuwapaj rimaran: «Unayga chay runa jatitacáchar ushyamashcanhi. Cananmi ichanga Jesúspa shiminta willapäcur puriycan» nir. ²⁴Juyu cashäpita Tayta Diosninchi alli cayman ticrachimaptin, paycuna Tayta Diosnin-chita sumaj alliman éhurarcaycan.

**Pabluta cácha-masincuna
 alli ricashan**

2 ¹Chaypita éhunca éhusecun (14) watataraj Jerusalén marcaman Bernabíwan Tituwan

cutirä. ²Tayta Diosninchi ricari-
 pamar: «Ayway» nimaptin,
 Jerusalén marcaman aywarä.
 Israel-masï irmänucunata willarä:
 «Jäpa runacunata Jesúspa alli
 willapanta willapashcä» nir.
 Mayur irmänucunatapis yata
 jayaycur, allipaj willacur purishäta
 willaparä. Chasquicamänanta
 munarä. ³Chay junaj griego runa
 car jirucüni captinsi, Tituta mana
 jirucachiranchu. Payga Jerusalén
 marcaman aywäshimaran. ⁴Waquin
 runacunam ichanga irmänu-tucullar
 pantachicucaran. Chaymi mayur
 irmänucunawan sumaj parla-
 nacurä. Chay pantachicucuna
 Washäcuj Jesúspa maquinéchu
 cawaptinchisi, Moiséspa shimintaraj
 éharcunanchita munan. ⁵Ichanga
 pantachimänanchipita shiminta ama
 éhasquipäshuwanchu. Manchäga
 Jesúspa alli willapällanta éhasqui-
 cshuwan. ⁶Parlanacuptipis waquin
 mayur irmänucuna sumaj yaéharpi,
 yarpashäpita mana imatapis rimacu-
 shachu. Sumaj tantiyacushuwan.
 Shungunchipitam Tayta Diosninchi
 alli ricamanchi; mana runa yarpa-
 shancunata éharcushanchipitachu.
⁷Mayur irmänucuna quiquincuna
 niran: «Tayta Diosninchi Pabluta
 éhurasha jäpa runacunata Jesúspita
 willapänanpaj; Pedrutana Israel
 runacunata willapänanpaj.» ⁸Chaura
 Israelcunata willapänanpaj Pedruta
 cáchacushan-jina nuwatapis Tayta
 Diosninchi cáchacamasha jäpa
 runacunata Jesúspa shiminta
 willapänäpaj. ⁹Chaymi Santiagupis,
 Pedrupis, Juanpis nimiran: «Juc
 shungulla cawashun. Jamcunapis
 Tayta Diosninchipa cáchan carcay-
 canqui. Bernabíwan ishcaniqui jäpa

runacunata willapämunqui, ari;
 nuwacunana Israel-masinchicunata.»
 Paycuna quimsanin mayur
 cáchacuna caran. Maquinéchu jutucay
 irmänucunata purichiran. ¹⁰Rimayta
 ushyaycur, nimiran: «Jerusalén
 marcaéchu irmänunchicuna pishi-
 pacuyéchu juyarcaycan. Paycunata
 ama junganquichu, ari.» Mañacama-
 shanta llapanta cushi-cushilla
 éharcushcä.

**Pedruwan Pablo
 tincupänacushan**

¹¹Chaypita unayllata Antioquía
 marcaman Pedro éhayamuptin,
 piñacurä. Mana allitachu ruray-
 caran. Ishcay cára runa caran.
¹²Ñaupataga jäpa irmänucunawan
 micupacärij. Santiago cáchamushan
 Israel irmänunchicuna éhayamup-
 tinmi ichanga, ashucuriran.
 Juturaytapis mana munaranchu.
 Israel-masincuna jamurpänanta
 alläpa manchacuran. Chaymi jäpa
 runacunawan mana juturarannachu.
¹³Waquin Israel irmänunchicunapis
 Pedro-jina quiquin-pura alli ricana-
 cuyta munar, jäpa irmänunchicu-
 napita ashucuriran. Bernabípis Pedro
 rurashanta ricar, llutanta ruraran.
¹⁴Chaymi Jesúspa alli willapanta
 mana éharcuptin, llapanpa ricay
 ñawinéchu Pedruta piñacurä: «Israel
 runa caycar jäpa irmänucunawan
 alli ricanacur, micur upur jutur-
 pashcanqui. Cananmi ichanga jäpa
 irmänucunapis Israel runacuna-
 jina cawananta munaycanqui,
 ¿au? Llutanta ruraycanqui» nir.
¹⁵Jäpa runacuna Moiséspa shiminta
 mana ricsir, mana wiyacunchu.
 Nuwanchim ichanga Israel runacuna
 cashpanchi yuríninchipita-pacha

wiyacushcanchi. ¹⁶Chaypis mana Moisés pa shiminta éharcushanchipitachu alli ñawinpa Tayta Diosninchi ricamanchi; manchäga Washäcuj Jesús pa shiminta éhasquicushanchipita. Mana Moisés pa shiminta wiyacushanchipitachu alli ñawinpa ricamanchi; manchäga Washäcuj Jesús pa shiminta éhasquicur maquillanču cawashanchipita. Moisés pa shiminta éharcuyta munajcuna Tayta Diosninchipa shungunman mana tincunchu. ¹⁷⁻¹⁸Washäcuj Jesús pa shiminta éhasquicushanchipita Tayta Diosninchi alli ricamaptinchisi, waquin Israel-masinchicuna jamurpämanchi: «Washäcuj Jesús pa llupillanpa jatir, juchata aparicuy-canqui» nir. Jamurpämashpanchisi llutanta yarpaycan. Juchaman mana Jesús chu jančhamanchi. Moisés pa shimillanta wiyacuyta munaptinchim ichanga, juchasapa cashanchita llapan musyanga. ¹⁹Moisés pa shimin allitaga allim. Chaypis éharcuyta mana camäpacur, Tayta Diosninchipa ricay ñawinču jucha-sapa caycä. Chaymi Moisés pa shimillanman mana yupachicüchu. Manchäga Washäcuj Jesús pa shimintana wiyacuycä. Maquinču cawar, shungun munashanta rurä. ²⁰Cananga mana shungü munashantachu ruraycä. Mana quiquilläpitachu cawaycä. Manchäga Washäcuj Jesús man yupachicupti, cawachiman. Llaquipämashpanchi washämänanchi-raycur Tayta Diosninchipa Wawan wañuytapis tarisha. ²¹Chaymi Tayta Diosninchi llaquipämashanta pampaman mana

éhurämanchu. Jamurpämajcuna nin: «Moisés pa shiminta éharcup-tinchiraj, Tayta Diosninchi alli ricamanchi.» Chaynuy nir nuwanchi-raycur Washäcuj Jesús wañushantapis manacajman éhurarcaycan.

**Jesúsman yupachicuptinchi,
jishpichimäshun**

3 ¹Galacia irmänucuna, upam canqui. ¿Piraj chapata rurashcashunqui Washäcuj Jesús ta wasguipänayquipaj? Nuwanchi-raycur Jesús ta ruschu wañuchishanta sumaj willaparaj. ²Canan mä, willamay. ¿Espíritu Santupa maquinču cawanay-quipaj Moisés pa shimintachuraj éharcushcanqui? Mana. Manchäga Jesús pa shiminta éhasquicushallayquipita maquinču Tayta Diosninchi cawachishunqui. ³Upam canqui. Shiminta éhasquicushallanchipita Tayta Diosninchi alli ricaycämaptinchi, Moisés pa shiminman ama yupachicushuwanchu. ⁴¿Tayta Diosninchi yanapaycäshushayquita tanti-yaycarchu, jipaman cuticunqui? Chayta ama ruranquiman. ⁵Payga Espíritu Santupa maquinču puriycächishunqui. Munayniyuj cashanta musyachicur, tucuy-jinanpa yanapaycäshunqui. Mana Moisés pa shiminta wiyacushayquipitachu maquinču purichishunqui; manchäga Jesús pa shiminta éhasquicushayquipita. ⁶Unayga Tayta Diosninchi Abrahamta alli ñawinpa ricaran shiminta éhasquicushallanpita.* ⁷Chaymi sumaj tantiyacunquiman.

* 3.6 Génesis 15.6.

Tayta Diosninchipa shiminta wiyacujcunaga Abrahamta willcan-yupaymi. ⁸Tayta Diosninchipa shiminchu nin: «Jäpa runacunapis shiminta éhasquicunanta musyar, Tayta Diosninchipa Abrahamta niran: «Alli willapata willapäshayqui. Jam-raycur pi-maytapis alli ñawíwan ricashaj. Sumaj yanapäshaj.»» *

⁹Chaymi sumaj tantiyacunquiman. Pipis Jesúspa shiminta éhasquicuptin, Abrahamta alli ricashan-jina Tayta Diosninchipa alli rican. Sumaj yanapan.

¹⁰Moisésipa shiminta éharcu-shallanwan alli ricash cayta munajcunam ichanga ñacayman éhayanga. Chapata rurashpan Tayta Diosninchipa shiminchu nin: «Pipis Moisésipa shiminta sumaj-sumaj mana éharcuptin, juchata aparicushanpita ñacayman éhayachun.» * ¹¹Chaymi Moisésipa shiminta éharcuyta munashallanpita mana pitapis Tayta Diosninchipa alli ricangachu. Shiminchüpis nin: «Shimíta éhasquicujcunallata alli ricashaj.» * ¹²Moisésmi ichanga niran: «Shimíta wiyacujcuna llapallapanta éharcunan. Chayrämi alli ñawinpa ricar, maquinchüpis Tayta Diosninchipa cawachinga.» *

¹³Washäcuj Jesúsmi ichanga Moisésipa shiminta mana wiyacuj-jina wañuytapis tarisha. Washämänanchi-raycur juchanchitapis jugaricusha. Tayta Diosninchipa shiminchu nin: «Ruschu wañujcuna jucha aparicushanta tarin.» * ¹⁴Chaypis Washäcuj Jesúspa shiminta éhasquicuptinchi, Abrahamta alli ricashan-jina

nuwanchitapis Tayta Diosninchipa alli ricamanchi. Jäpa runa captinchisi, Espíritu Santupa maquinéchu puriyächimanchi.

¹⁵Irmänucuna, tincuchiypa tantiyachishayqui. Juc runa tistamintucur, jipaman mana cutiricunnachu. Tistamintutapis mana rucannachu.

¹⁶Canan Tayta Diosninchipa tantiyacushun. Payga Abrahamtapis, Abrahamta willcantapis alli ricananpaj auniran. Isquibishanéchu mana achcaj willcanpächu riman; manchäga jucnayllapaj. Abrahamta: «Willcayqui» nirga, Washäcuj Jesúspämi rimaycan. ¹⁷Sumaj tantiyacunquiman. Abrahamwan Tayta Diosninchipa parlanacushanta éharcushanam. Abrahamwan auninacushanpita éhucsu paçhac quimsa éhunca (430) watataraj Israel-masincunata Tayta Diosninchipa shiminta Moisés willaparan. Chaypis Moisésipa shimin Tayta Diosninchipa unay parlanacushanta mana pampaman éhuranmanchu. Aunishanta mana rucanmanchu. ¹⁸Tayta Diosninchipa Abrahamta llaquipar, alli ricananpaj auniran. Cananpis aunimashanchita éhasquicunchi quiquinpa shiminta éhasquicur; mana Moisésipa shiminta wiyacurrächu.

Moisésipa shiminpita tantiyachicushan

¹⁹Chaura, ¿imapätaj Moisésipa shimin alli? Shimin alli caran runacuna jucha aparicushanta tantiyacunanpaj; ichanga Washäcuj Jesús éhayamunancamalla. Washäcujta

* 3.8 Génesis 12.3. * 3.10 Deuteronomio 27.26. * 3.11 Habacuq 2.4.

* 3.12 Levítico 18.5. * 3.13 Deuteronomio 21.23.

caćhamunanpaj Tayta Diosninchí auniran. Moisésmi ichanga mana Washäcujchu caran. Anjilnincunallawan Tayta Diosninchí shiminta willaparan. Jinarcurraj Israel-masincunata Moisés willaparan. Payga parlapäcujlla caran. ²⁰Runacuna imatapis auninacunanpaj parlapäcujnintaraj ashin. Tayta Diosninchim ichanga pitapis mana ashinchu. Quiquillan imatapis aunin.

²¹Ima captinpis, Moiséspa shiminta mana pampaman éhurashuwanchu. Chaypis sumaj tantiyacushun. Moiséspa shiminwan Tayta Diosninchipa shimin mana apaycaćhänacunchu. Chaypis Moiséspa shimin alli cawayman éhayachimänanchi captin, maynaćhi Tayta Diosninchí alli ricamáshuwan caran. ²²Ichanga shiminćhu nin: «Llapan runa jucha aparicuyllapaj wañun.» Chaymi Washäcuj Jesús pa shiminta éhasquicurraj, Tayta Diosninchí aunishanta éhasquicushunpaj.

²³Washäcuj Jesús mana shamushancaman Moiséspa shimillanman yupachicushcanchi. Shimintapis éharcunanchi caran. ²⁴Mandu-rurajta-jina purichimashcanchi Washäcuj Jesús éhayamunancaman. Tayta Diosninchipa ricay ñawinćhu alli cawayman éhayachimänanchi caran. Moiséspa shiminta éharcuytam ichanga mana camäpacunchichu. ²⁵Chaymi shiminmanpis mana yupachicunchichu. Manchäga Washäcuj Jesús pa shimintana éhasquicushcanchi. ²⁶Payman yupachicushanchipita Tayta Diosninchí wamrachacamashcanchi. ²⁷Washäcuj Jesús pa shiminta

éhasquircur, ushyacushanchipitapacha maquillanćhu cawanchi. Pay-jinana cawanchi. ²⁸Shiminta éhasquicuptinchi, Washäcuj Jesús pa éhasquicamanchi: «Wawämi canqui» nir. Éhasquicun Israel runacunatapis, jäpa runacunatapis, warmicunatapis, ullgucunatapis, mandu-rurajcunatapis, quiquincunallapita cawajcunatapis, uywaycunatapis juc shungulla cawananchipaj. Llapanchitana alli ñawinwan ricaycämanchi. ²⁹Washäcuj Jesús pa maquinćhu cawar, Abrahampa willcan-yupay ricacunchi. Tayta Diosninchí aunishantapis llapanta éhasquicushunpaj.

4 ¹Yapaypis tincuchiypa tantiyacushun. Wamra tacsha cashancaman wasiyujpa wamran cashanpis, uyway wamra cashanpis mana musyacanchu. ²Tacsha cashancaman jucmi imatapis jaran. Jucmi rican, ichanga papänin jitapashan junajcallaman. Chayrämi irinsanta ricachin. ³Nuwanchicunapis pishi-yarpay cashanchicaman munayniyuj jircapa maquinćhu cawashcanchi. ⁴Yarpashan junaj éhayamuptinmi ichanga, Wawan Jesús yurinanta Tayta Diosninchí camacächiran. Warmipita yuriran. Runa cashpan Moiséspa shiminta wiyacunan caran. ⁵Nuwanchipis Moiséspa shiminta wiyacunanchi caran. Mana camäpacuptinchim ichanga, jishpichimänanchi-raycur Jesúslla wiyacuran. Camacächiran Tayta Diosninchipa wawan cananchipaj. ⁶Cananga Tayta Diosninchipa wawanna caycanchi. Maquinćhu purichimänanchipaj Espíritu Santuta caćhamuran. Mañacunanchipäpis Espíritu

Santu shacyächimanchi. Chaymi llapan shungunchiwan jayaranchi: «Taytallau Tayta, Papänimi canqui» nir. ⁷Cananga mana uywaynachu canchi; manchäga quiquin Tayta Diosninchipa wawanna. Wawan car, irinsanchitapis llapanta éhasquishunpaj.

⁸Unayga Tayta Diosninchipi cashantapis mana musyar, mana manchapacushcanquichu. Manchäga munayniynaj caycaptinsi, jircacunapa maquinchu purishcanqui. ⁹Cananga: «Tayta Diosninchipa shungunta musyá» nir allita yarpanchi. «Quiquin Tayta Diosninchipi shungüta musyapan» nirmi ichanga, allitaraj yarpanchi. Payllata manchapacushun; jircacunata ama. Jircacuna manacajllam. Munayninpis mana canchu. Chaynuy caycaptin, ¿jircapa maquinchu cawayta munarcaycanquichuraj? ¹⁰Llutantaraj rurarcaycanqui. «Diyawardachu fiestata rurashun. Chayrämi alli ñawinwan Tayta Diosninchipi ricamashun» nir diyawardacunata sumaj yarparaycanqui. Ricsish junajtapis, llullu quillatapis, watatapis yarparanqui. Maygantapis mana junganquichu. ¹¹Chaypitam llaquicü: «¿Tayta Diosninchipi shiminta manacajllapächuraj willapashcaj?» nir.

Irmänucunapaj Pablo llaquicushan

¹²⁻¹³Irmänucuna, sumaj ricacamanquiman. Israel runa caycar Moiséspa shiminta jungaycur, jamcuna-jina juyashcä. Jesúsapa alli willapanta willapashcaj. Jishyar, mana maypapis llucshishcächu. Chaypis alli ñawiquipa ricamashcanqui.

¹⁴Jishyar llutäpacachiptipis, mana

yamacämashcanquichu. Manchäga Tayta Diosninchipa anjilninta-jina, quiquin Washäcuj Jesúsapa-jina alli ricamashcanqui. ¹⁵Canan, ¿imanirtaj ticschaparaycämanqui? Unayga cushicur, alli ñawiquipa ricamashcanqui. Llapanta tarichimashcanqui. Ñawí chacacäcuptinsi, ñawiquicunatapis jurgaparamanquimanmi caran. ¹⁶¿Piñapashalläpitachu ticschaparaycämanqui? Mana tumpaycajchu. Manchäga llutancunaman éhayashayquipita musyachishcaj. ¹⁷«Moiséspa shiminta éharcushun» nijcuna alli ricanayquita munar, cushichipayllapa shimiyashcashunqui. Shungunmi ichanga junta yarpaycan. Cunchä jatarinayquita munaycan quiquincunallata alli ricanayquipaj. ¹⁸Piwanpis alli ricanacuyga allim. Ichanga ricay ñawillächu alli-tucullar ama rurancuimancho. Manchäga shunguyquipita llucshinman. ¹⁹Wawacuna, Tayta Jesúsapa wasguipaptiqui, jatunpa llaquicü. Shungüpis nananraj: «¿Imayraj llapan shungunwan Galacia runacuna Jesúsapa shiminta éhasquicunga?» nir. ²⁰Chaymi jamcunawan tincuyta sumaj munä. Ricarrächi tucuy-jinanpa tantiychijman. Sumaj llaquicucä. Ichanga ima ruraytapis mana camäpacüchu.

Sarawan Agarpita rimar tincuchishan

²¹Mä, tapushayqui. ¿Rasunpacuraj Moiséspa shiminta éharcuyta munanqui? ¿Shiminta tantiyanquichu? ²²¿Abrahampa willapanta liguishcanquichu? Tayta Diosninchipi shiminchu Abrahampa ishcaj wamran cashanta willamanchi. Juc wamrata uywaynin Agarchu tariran; juc-cajtana majan Saraçu. Majan

Sara mana pipapis uywayninchu caran. ²³Uywaynin Agarga runapa callpallanpita wawanta tariran. Chacha Saram ichanga aunishanta Tayta Diosninchichi camacächiptin, wawanta tariran. ²⁴⁻²⁵Cay willapata tincuchiypa tantiyacushun. ¿Mayganpa wamran-yupaytaj caycanqui? Unayga Israel runacunanawan parlanacur, Arabia quinran Sinaí puntachu Tayta Diosninchichi willaparan: «Alli ricanajpaj shimita charcunqui» nir. Chaymi uyway cashpan Arabia marcapita Agarpis, wamranpis jucpa shiminta charcuran. Canan wichanpis Israel runacuna uyway Agar-yupay Moisésipa shimillanta wiyacurcaycan; ²⁶nuwanchim ichanga manana. Sarata wamranta tarichishan-jina Tayta Diosninchichi wamrachacamashcanchi. Saraga wasiyujmi caran. ²⁷Chaymi Tayta Diosninchipa shiminpis nin:

«Wasiyuj warmi, wawaynaj carsi, cushicunquiman.

Wamrata mana tarip-tiquiräsi, shunguyqui achicyacacunman.

Uyway warmi runawan cacursi, chay-chica wamrata mana taringapachu.

Jammi ichanga achca wamrata tarinquipaj.»*

²⁸Irmänucuna, wasiyuj Sarapa wawan Isaacwanmi tincunchi. Payga yuriran aunishanta Tayta Diosninchichi camacächiptin. ²⁹Uyway Agarpa wamranga Isaacta chiquir ushyaran. Cananpis maquichacamayta munamashpanchi waquin runa Moisésipa shiminta charcunanchita munaycan. Chiquir ushyamanchi.

³⁰Chaynuy captinsi, Tayta Diosninchipa shiminchu nin: «Uyway warmita wamrantinta jarguy. Wamran ima irinsantapis mana chasquingapachu. Manchäga wasiyuj warmipa wamrallanmi irinsanta chasquina.»

³¹Irmänucuna, mana uyway Agarpa wamranwanchu tincunchi; manchäga wasiyuj Sarapa wamranwanmi.

5 ¹Washäcuj Jesús jishpichimashcanchi Tayta Diosninchipa shungun munashannuylla cawananchipaj. Chaymi shimillanta wiyacushuwan. Moisésipa shimillanman ama yupachicushuwannachu. Paypa shimin maquichacush-yupay charämaranchi.

²Sumaj wiyacushun. «Jirucunquiman» nishuptiqui aunirga, Washäcuj Jesúsapis pampaman churarcaycanqui. ³Mana jirucushallanchipitachu Tayta Diosninchichi alli ricamashun; manchäga Moisésipa shiminta llap-llapanta charcuptinchiraj. Ichanga sumaj charcuyta pipis mana camäpacunchu. ⁴Chaymi charcuyta camaj-tucujcuna Washäcuj Jesúsapa pampaman churaycan. Llaquipäcuj Tayta Diosninchitapis wasguipaycan. ⁵Jesúsipa shiminta chasquicushanchipitam ichanga Tayta Diosninchichi alli ricamanchi. Chasquicunanchipaj quiquin Espíritu Santu yanapämanchi. Canan alli cawayta shuyaraycanchi. ⁶Washäcuj Jesúsapa wiyacuptinchi, jirucush cashanchipis, mana jirucush cashanchipis mana imananchu. «Jesúsapa shiminta chasquicushcä» nirga, runa-masinchitapis alli ricashuwan. ⁷Chaura Jesúsapa maquinchu alli cawaycaptiqui, ¿pitaj llullapashcashunqui ashucunay-

* 4.27 Isaías 54.1.

quipaj? ⁸Chayta Tayta Diosninchí mana camacächinmanchu caran. Payga wamrachacamashcanchi. ⁹Pantachicujcuna allita rimarcu-shanchitapis llapanta pampaman éhuran. Rimaypis purin: «Libadüra ichiclla arinatapis achcamanshi jacachin» nir. Juc runa juchata aparicuptinpis, achcaj llupinpa aywan. ¹⁰Jamcunatam ichanga maquinchu Tayta Diosninchí puriyacächishunqui. Chaymi shimita tantiyacunquiman. Juc shimiyäshuptiquipis, ama éhasquipanquiman. Pantachicujcunata Tayta Diosninchí sumaj ñacachinga. ¹¹Irmänucuna, Israel-masícuna chiquiman: «Ama jirucuy-nachu» nir willapäcushäpita. «Allipaj jirucunchi» niptimi ichanga, mana chiquimanmanchu. «Jirucunanchi alli» nirga, nuwanchi-raycur ruschu wañuchish caycaptin, Washäcuj Jesústa pampaman éhuranchi. ¹²Chay pantachicujcunam ichanga purircaycan: «Jirucushunraj Tayta Diosninchí alli ricamänanchipaj» nir. Chaymi ni: «Jirucuyta munar, quiquincuna capacurinmanpis.»

**Jishpichish caycanchi Tayta
Diosninchipa shungun
munashannuy cawananchipaj**

¹³Irmänucuna, mana runapa maquinchünachu puriyanchi. Chaypis shungunchi munashanta ama rurashunchu. Manchäga jucninchí-jucninchipis llaquinacushun. Yanapänacushun. ¹⁴Tayta Diosninchipa shimín nin: «Quiquiqui alli ricacushayqui-jina runa-masiquitapis alli ricanquiman.» Llaquinacushpanchi Tayta Diosninchipa shiminta llapanta éharcuycanchi. ¹⁵Chapchupänacurmi ichanga, ticshaparänacurmi ichanga,

mashtacar ushyacanquipaj. Chayman ama échayanquiman. ¹⁶Chaymi Espíritu Santupa maquinchu cawashun. Shungunchi munaptinsi, juchata ama rurashun-nachu. ¹⁷Tayta Diosninchipa shungun munashanwan shungunchi munashan sumaj apaycaähänacun. Chaymi shungunchi munashallanta ama rurashunchu. ¹⁸Espíritu Santupa maquinchüna cawaycanchi. Chaymi ama nishunchu: «Tayta Diosninchí alli ricamänanchipaj Moiséspa shimintaraj llapanta éharcushun.» ¹⁹Shungun munashallanta rurajcuna ricsipallam. Paycuna jucwan-jucwan puricun. Warmillata, runallata munapan. Imata rurarpis, mana pinga-cunchu. ²⁰Tayta Diosninchita mana manchapacur, jircacunata manchapacun. Chapata rural, jircata jaran. Chiquicun. Chapchupänacun. Yargaj. Imallapitapis alläpa warmin. Alläpa ullgun. Piwanpis ticshaparänacun. ²¹Imapitapis jagayan. Upyallachu arun. Paçhallanta ashir purin. Sumaj tantiyacunquiman. Mayna willapashcaj. Chay-niraj runacuna mana Tayta Diosninchipa maquinchüchu cawan. Irinsantapis mana éhasquingapächu. ²²Espíritu Santupa maquinchu cawarmi ichanga, llaquipänacunchi. Cushi-cushilla purinchi. Jaucalla cawanchi. Tantiyanacunchi. Alli shungu canchi. Manchapacur cawanchi. Rimashanchita éharcunchi. ²³Cuyapänacunchi. Shiminchita chapacunchi. Chaynuy cawaptinchi, pipis mana imatapis jurgapämashunchu. ²⁴Washäcuj Jesúspa maquinchu cawajcuna quiquinpa shungun munashanta mana ruranchu. Jucha aparicuytapis mana yarpanchu.

²⁵Espíritu Santupa maquinchu cawar, shacyächimashanchita rurashuwan. ²⁶Ama allitucushunchu. Ama jagayächinacushunchu. Ama chiquinacushunchu.

Irmänucunata Pablo piñapashan

6 ¹Irmänucuna, pipis juchaman chayaptin, wanacunanpaj yanapanquiman. Espíritu Santupa maquinchu puriyar, alli shimillayquipa tantiyachinquiman. Cawaycar, nuwanchipis juchaman chayarusuwan. ²Washäcuj Jesús pa shiminta wiyacur, jucniqui jucniquipis tantiyanacärinquiman. Yanapänacärinquiman. ³Pipis: «Llap-llapanta charcü» nirga, quiquillan alli-tucuycan. Llutanta yarpaycan. ⁴Nuwanchim ichanga yarpaçhacushun. Imanuy cawashanchitapis quiquinchi musyanchi. Tayta Diosninchipa shiminta wiyacur, cushishalla cawashuwan. Pampaman çhuranayqui-cashallan pitapis amaricanpanquichu. ⁵Quiquinchipita alli cawaytapis, ñacaytapis tarishunpaj. ⁶Tayta Diosninchipa shiminta willapäcuj runata charashanchimantupu imatapis tarichishuwan. Ama miçha cashuwanchu.

⁷Tayta Diosninchita ama llullapashuwanchu. Pampaman ama çhurashuwanchu. Payga imatapis rurashanchimantupu alli cawaymanpis, ñacaymanpis çhuramäshunpaj. ⁸Jucha aparicuyllaçu arujcuna juchanpita ñacayta taringa. Espíritu Santupa maquinchu cawajcunam ichanga imaycamanpis alli cawayta taringa. ⁹Chaymi imaypis Tayta Diosninchita manchapacur cawashun. Mana yamacaptinchi, alli cawayman

çhuramäshunpaj. ¹⁰Chaymi piimaywanpis yanapänacushun. Irmänunchi captin, sumajraj yanapashun. Ama jungashunchu.

Washäcuj Jesús-janan Pablo cushicushan

¹¹Irmänucuna, sumaj ricanayquita munar, jatusaj litrawanraj isquirbiycämü. Jatusaj litracunata quiqui maquiwan isquirbishcä. ¹²«Jirucuy» nijcuna llapanwan alli ricanacuyta munallar purin. Jananmanpis Washäcuj Jesús rusçu wañushanta willapäcushanpita jaticächar ushyananta mana munanchu. ¹³Jirucurpis, Moisés pa shiminta mana çharcunchu. Alli-tucunallanpämi: «Jirucuy» niycäshunqui. ¹⁴Nuwam ichanga imapitapis mana alli-tücüchu. Washäcuj Jesús pa maquinchu cawashpä alli cawä. Paymi Taytanchi. Nuwanchi-raycur rusçu wañuyta tarisha. Nuwa-raycur wañush caycaptin, shungü munashanta mana ruränachu. Manchäga Tayta Diosninchipa munashallantana rurä. ¹⁵Jirucuptinchipis, mana jirucuptinchipis, mana imananchu. Llapan shungunchiwan jucha aparicuyypita wanacuptinchim ichanga, Tayta Diosninchipa allina ricamanchi. ¹⁶Willapashajta çhasquicushayquipita Israel runacunata-jina Tayta Diosninchipa llaquipayculläshunqui. Allilla cawaycachilläshunqui.

¹⁷Canan mayganiquipis umäta ama nanächinquimancho. Rasunpa Jesús pa shiminta willacur puriycä. Chaypita wascatapis çhasquishcä.

¹⁸Irmänucuna, llapaniquitapis Tayta Jesucristu llaquipayculläshunqui, ari. Chaynuy caycullächun.

Éfeso marcachu irmānucunaman San Pablo cartacushan

Tantiyacunanchipaj:

Pablo cay cartata isquirbiran Éfeso marcachu jutucay irmānucunaman. Éfeso cuyay-llapaj jatun marca caran. Jatun cashpan chay-tucuy-pita runacuna rantipacuj, ranticuj aywaran. Irmānucunapis irmānu-masincunata watucujnuy aywaran. Éfeso marcapita musuyta munar, liguinqui: Hechos 18.19–19.41; 20.17–38; Apocalipsis 2.1–7.

Éfeso marcaman chayay, quimsa wata Pablo juyaran. Tayta Diosninchipa shiminta willapācuptin, achcaj runa Jesúsman yupachicuran. Aywacurpis, Éfeso marca irmānucunata mana jungaranchu. Roma marcachu auturdā wíchgachiptinpis, mana jungaranchu. Manchäga waran-waran paycunata yarparaycaran. Chaymi carsilpita-pacha cartacuran.

Pablo isquirbiran:

- Jesucristu Washäcuj cashanpita, acracushancunata Tayta Diosninchi wamrachacushanpita: **Efesios 1.3–3.21.**
- Tayta Diosninchipa wawancuna cuyay-munaypaj cawananchita: **Efesios 4.1–6.24.**

Pablo wamayashan

1 ¹Éfeso marcachu irmānucuna, nuwa Pablo cartacallāmü. Tayta Diosninchi camacächiptin, Washäcuj Jesús cačhacamaptin, shiminta willapācur puriyä. Jamcuna Tayta Diosninchipa wawan caycanqui. Llapan shunguy-quiwān Washäcuj Jesús pa shimintapis chasquicushcanqui. ²Tayta Diosninchipis, Taytanchi Jesucristupis yanapaycullāshunqui allilla cawanayquipaj.

Jishpichicuj cashanpita Tayta Diosninchita alliman churashan

³Tayta Diosninchita alliman churaycullāshun. Payga Taytanchi Jesucristupa Taytan. Paymi Washäcuj Jesústa cačhamusha. Washäcuj Jesúsna Tayta Diosninchi camashanta

shungunchiachu camacächin. Maquinchu cawaptinchi, sumaj yanapaycāmanchi. ⁴Cay pachata mana camallarsi, Tayta Diosninchi mayna acracamashcanchi Washäcuj Jesús pa maquinchu cawananchipaj. Acracamashcanchi shungun munashannuylla cawananchipaj, ima juchatapis mana aparicunanchipaj. ⁵Llaquipāmashpanchi unaypita-pacha acracur wamrachacamashcanchi nuwanchi-raycur Washäcuj Jesús shamuy ninpa. Shungun munashanman llapanpis tincuran. Yarpashannuylla camacaran. ⁶Tayta Diosninchi sumaj llaquipāmashpanchi Cuyay Wawanta cačhamushanpita alliman churaycullāshun.

^{7–8}Ima alliraj Jesús nuwanchi-raycur wañuyman chayasha. Cananga jucha aparicuy-pita jishpichimashcanchi. Juchanchitapis

llapantana jungasha. Mana yarpa-rannachu. Tayta Diosninchi sumaj-sumaj llaquipämanchi. Chaymi llapantapis tantiyachimanchi.

⁹Quiquin munarmi, shungullanéchu yarpashantapis tantiyachimashcanchi. Washäcuj Jesús shamuy-ninpaj Tayta Diosninchi unaypita-pacha yarpashan camacasha.

¹⁰Jitashan junaj yarpashanta camacächisha. Tayta Diosninchi yarparan: «Jesúspa maquinmanmi janaj pachatapis, cay pachatapis éhurashaj. Llap-llapantam maquinman éhurashaj» nir.

¹¹Unaypita-pacha nuwanchitapis acracamashcanchi Washäcuj Jesúspa maquinéchu cawananchipaj, irinsanchitapis éhasquinanchipaj. Yarpashantapis, shungun munashantapis quiquin Tayta Diosninchi camacächin. ¹²Acracamänanchipaj camacaycachtin, payllata llap-llapanchi alliman éhurashun. Nuwacunaraj puntata Washäcuj Jesúspa shiminta éhasquicunäpaj camacächisha. Unaypita-pacha Israel marca-masintí Washäcujta shuyashcä. ¹³Cananga jamcunapis Washäcuj Jesúspa maquinéchu cawarcaycanqui. Washämänanchi-raycur wañuyman Jesús éhayashanta willapäshuptiqui, llapan shunguyquiwan éhasquicushcanqui. Wiyacuptiqui, aunishannuylla Espíritu Santu maquinéchu puriyächishunqui. Chaynuypa Tayta Diosninchipa wawan cashayqui musyacan.

¹⁴Espíritu Santupa maquinéchu cawar, Tayta Diosninchipa wawan cashanchita musyanchi. Wawan car alli cawayman éhuramap-tinchi, irinsanchitapis éhasquishunpaj. Munayniyuj cashanpita

llap-llapanchi payllatam alliman éhurashun.

Irmänucunapaj Pablo mañacushan

¹⁵Ima allish Tayta Diosninchipa maquinéchu cawarcaycanqui. Jesúspa shiminta llapan shunguyquiwan éhasquicushayquitapis, irmänu-pura alli ricanacushayquitapis mayashcä.

¹⁶⁻¹⁷Chaymi nuwapis Tayta Diosnin-chita mañacur, mayganiquitapis mana jungajchu. Jamcunata ricsishäpita sumaj cushicü. Llapa-niquipämi mañacucyä. Tayta Jesucristuta caçhamuj Tayta Diosninchita mañacucyä Espíritu Santu alli yarpayta jushunayquipaj, imatapis tantiyachishunayquipaj. Payga Tayta Diosninchipa shungun yarpashanta sumaj tantiyachishun-quipaj. ¹⁸Yarpashan shunguyquiman éhayanman. Tayta Diosninchi acracamashcanchi wawan cananchipaj. Wawan car, llapanchi irinsanchitapis éhasquicushunpaj. Irinsanchiga sumaj-sumaj allim.

¹⁹Maquinéchu cawashanchipita Tayta Diosninchi munayniyuj cashpan sumaj yanapämanchi. ²⁰Sumaj munayniyuj cashpan Washäcuj Jesústa wañuchish captinpis, cawarachimuran. Jinarcu janaj pachachu mandäshinanpaj diricha-caj lädunman jamachiran.

²¹Jesúsna llapan auturdäcunatapis, munayniyujcunatapis maquinéchu purichin. Cay pachaçhüpis, janaj pachaçhüpis Jesúsman pipis mana tincunchu. Payga imaypis llap-llapanpita mas munayniyuj. ²²Tayta Diosninchi Jesúspa maquinman llap-llapantapis éhurasha. Jutucaj irmänucunata ricananpäpis Jesústa

churasha. ²³Cananga warmi runanpa maquinchu cawashan-jina Jesúspa maquinchu cawanchi. Jesús cawachimaptinchiraj, cawanchi.

Llaquipämashpanchi wañuypita jishpichimashanchi

2 ¹Unayga jucha aparicuyllaachu arur, wañush-jina Tayta Diosninchipa ricay ñawinchu cawarayqui. ²Juchachu arujcunapa llupillanpa purishcanqui. Supaypa maquinchu cawashcanqui. Paymi runacunata shacyächin Tayta Diosninchita mana wiyacunanpaj. ³Llapanchipis juchata aparicullar, shungunchi munashanta ashillar cawashcanchi. Chaymi juchachu arujcunawan iwal Tayta Diosninchí ñacachimänanchi camacaran. ⁴Paymi ichanga llaquipäcuj cashpan jishpichimashcanchi. Sumaj-sumaj llaquipämanchi. Llaquipämashanchita Washäcuj Jesúswan musyachimashcanchi. ⁵Juchachu cawar wañush-jina cawaycaptinchisi, Washäcuj Jesústa cawarachishan-jina cawarachimashcanchi. Nuwanchita shungun llaquipämaptinchi, ima ñacaypitapis Tayta Diosninchí jishpichimashcanchi. ⁶Washäcuj Jesústa-jina cawarachimashcanchi. Janaj pachaachu Jesúspa lädunman jamananchipäpis camacächisha paypa maquinchu cawashanchipita. ⁷Llapantapis Tayta Diosninchí camacächisha alli shungu cashanta, llaquipäcuj cashanta pï-maypis tantiyacunanpaj. Washäcuj Jesús nuwanchi-raycur wañuyninpa imay-imaypis tantiyachicush canga. ⁸Payga llaquipämashpanchi jishpichimashcanchi shiminta chasquicushanchipita. Quiquillanchipita jishpiyta

mana camäpacushuwanchu. Manchäga shungun munaptin, jishpichimashcanchi. ⁹Mana imatapis rurashanchipitachu alli ricamanchi; manchäga payman yupachicu-shallanchipita. Chaymi ama allitucushuwanchu. ¹⁰Nuwanchi Tayta Diosninchipita cawanchi. Washäcuj Jesúspa shiminta chasquicuptinchi, wamrachacamashcanchi imatapis allillata ruranchipaj. Payga unaypita-pacha camacächisha imatapis allillata ruranchipaj.

Juc shungulla cawananchipaj willapashan

¹¹Israel runacuna ashllir nishurayqui: «Jirucüni jäpa runacuna juchallaachu arun.» Quiquincunam ichanga alli-tucur niran: «Nuwacuna jirucush car, Tayta Diosninchipa maquillanchu cawarcaycä.» Jirucush carpis, jirucüni carpis, runa ricanallanpämi caran. ¹²Unayga Israel runacunapita yata cawashcanqui. Washäcuj pï cashantapis, Israelcunata Tayta Diosninchí ima-imata aunishantapis mana musyashcanquichu. Paycunata washänantapis mana musyashcanquichu. Jamcunapis Tayta Diosninchiman mana yupachicur, cawashayquiwan cawacushcanqui. ¹³Cananmi ichanga jäpa runa carsi, mana jäpa runanachu canqui. Nuwanchi-raycur Washäcuj Jesús wañuyninpa Tayta Diosninchipa maquinchüna cawarcaycanqui. ¹⁴⁻¹⁵Washäcuj Jesús camacächisha Israel runacunawan jäpa runacuna juc shungulla cawananchipaj, mana chiquinacullar cawananchipaj. Ishcay casta runa captinsi, juclachasha. Alli ricanacunanchi-raycur

quiquinmi wañuyman éhayasha. Moisés pa shimintapis, auqui-llunchi yaéhachicushancunatapis jungaycachir, allina ricamanchi. Ishcay casta runatapis juc castallamanna éhuramashcanchi. ¹⁶Jesús ga wañuyman éhayasha Israelcunawan jäpa runacuna juc shungulla cawananchipaj, Tayta Diosninchi alli ricamänanchipaj. Chiquinacushanchitapis ushyacächisha. ¹⁷Jesús cay pachaman shamur, jäpa runacunatapis, Israel runacunatapis willapämashcanchi allilla cawananchipaj. Jäpa runacuna Tayta Diosninchipita carúchu cawasha. Israel runacunam ichanga Tayta Diosninchipa shiminta sumaj musyan. ¹⁸Jesús nuwanchi-raycur wañuyninpa Espíritu Santu yanapämaptinchi, llapan mañacushanchitapis Tayta Diosninchi wiyamanchi Israel runa captinchisi, jäpa runa captinchisi. ¹⁹Canan mana jäpa runanachu canqui. Mana wajta runachu canqui. Manchäga Tayta Diosninchipa wawanna carcaycanqui. Jesús pa shiminta éhasquicujcuna llap-llapanmi Tayta Diosninchipa maquinéchu cawan. ²⁰⁻²¹Maquinéchu cawananchipäga caéhancunawan, willacujnincunawan yanapämashcanchi. Paycuna Tayta Jesucristupa shiminta tantiyachimashcanchi. Jesús ga wasipa simintuta jallarachij rumi-yupaymi. Quiquin Tayta Diosninchi éhurasha. Jesúspita Tayta Diosninchipa shiminta tantiyacushcanchi. Shiminta wiyacur, paypa maquinéchu cawarcaycanchi. ²²Jamcuna jäpa carsi Jesús pa shiminta éhasquicur, Tayta Dios-

ninchipa maquinéchu cawarcaycanqui. Canan llapanchitana Espíritu Santu ricaycämanchi.

Tayta Diosninchi llapan runata llaquipashan

3 ¹Nuwata wiégharaycächiman jamcunata Washäcuj Jesús pa shiminta willapashä-janan. ²Chayta mayna musyanqui. Jäpa runa captiquisi jamcunata llaquipar, Tayta Diosninchi caéhacamasha shiminta willapänajpaj. ³Quiquin tantiyachimaptin, Tayta Diosninchi yarpashanta tantiyacushcä. Tantiyachimashanpita mayna cartacamushcay. ⁴Cartäta liguir, Washäcuj Jesús yarpashanta sumaj musyashäta tantiyacunquipaj. ⁵Unayga Tayta Diosninchi shungun yarpashanta pitapis mana musyachishachu. Cananraj acracushan caéhancunawanpis, willacujnincunawanpis Espíritu Santu Tayta Diosninchipa shungun yarpashanta musyachicusha. ⁶Sumaj tantiyacushuwan. Washäcuj Jesús pa shiminta éhasquicur, jäpa runacunapis Tayta Diosninchipa wawanna caycan. Israel runacuna-jina Tayta Diosninchi aunishan irinsatapis éhasquina. Washämänanchi-raycur Jesús wañuyman éhayashanpita llap-llapanchi éhasquishunpaj. ⁷Llaquipämar, Tayta Diosninchi éhuramasha shiminta willapäcur purinäpaj. Mana quiquipitachu willapäcur puriyä. Manchäga munayniyuj cashpan Tayta Diosninchi éhuramasha. ⁸Washäcuj Jesús sumaj alli. Tucuy-jinanpa yanapämashanchitapis tantiyayta mana atipanchichu. Nuwaga jipataraj paypa shiminta éhasqui-

cushcä. Chaypis llaquipämashpan Tayta Diosninchí churamasha jäpa runacunata Jesúspa shiminta willapänäpaj, ⁹unaypita-pacha Tayta Diosninchí yarpashanta tantiyachinäpaj. Paymi llapan ricashanchicunatapis camasha.

¹⁰Cananga jutucay irmänucunata ricar, anjilcunapis, supaycunapis Tayta Diosninchí sumaj yarpay-sapa cashanta tantiyacunga.

¹¹Jishpichimänanchi-raycur Taytanchi Jesucristu ricarimuptin, unaypita-pacha yarparashantaga Tayta Diosninchí camacächisha.

¹²Canan paypa maquinchu cawar, llapan shungunchiwan Tayta Diosninchita imatapis mañacunchi.

¹³Chaymi Jesúspita jamcunata willapapti ñacachimaptin, ama llaquicunquichu. Manchäga jatunpa cushicärinquiman.

Irmänucunapaj yapay Pablo mañacushan

¹⁴Llapan runata Tayta Diosninchí llaquipashanta musyar, jungurpa-cuycur jamcunapaj mañacü. ¹⁵Paypa maquinchu cawan janaj pachachu cawajcunapis, cay pachachu cawajcunapis. Llap-llapanta quiquin cawachin. ¹⁶Tayta Diosninchí sumaj munayniyuj. Llaquipäcuj. Chaymi payta mañacü Espíritu Santuwan shacyächishunayquipaj. Espíritu Santu Tayta Diosninchipa shiminta shunguyquiman chayachin pay munashannuy cawanayquipaj.

¹⁷Chaynuypis mañacü Washäcuj Jesúspa shimin shunguyquiman chayaptin, maquinchu cawanay-quipaj, quiquiqui-pura sumaj llaquipänacärinayquipaj. ¹⁸⁻¹⁹Chayraj Washäcuj Jesús sumaj llaquipäcuj

cashanta tantiyacushunpaj. Tayta Diosninchipa wawan captinchi, mayganinchitapis mana jungaman-chichu. Llaquipämashanchitapis sumaj tantiyayta mana atipan-chichu. Chaypis jamcunapaj mañacü llaquipäcuj-cashan shunguyquiman chayananpaj. Mañacü Tayta Diosninchipa maquillanchu cawanay-quipaj. Pay alli shungu cashan-jina nuwanchipis alli shungu cashuwan.

²⁰Canan Tayta Diosninchita alliman churashun. Payga sumaj munayniyujmi. Mañacushanchi-pitapis mas-masraj yanapämanchi.

²¹Washäcuj Jesúspa shiminta chasquicur jutucay irmänucuna llap-llapanchi Tayta Diosninchita alliman churashun. Payllam imay-imaypis munayniyuj. Chaynuy caycullächun.

Jesústa ricacushpanchi juc shungulla cawashun

4 ¹Jesúspa shiminta willapäcushäpita wichgaraycächiman. Chaypis Tayta Diosninchipa maquinchu cawar, juc shungulla cawanquiman. Chaynuy cawanay-quipaj Tayta Diosninchí acracush-cashunqui. ²Chaymi ama allitucunquimanchu. Manchäga alli shungulla cawapäcunquiman. Pampamanpis ama churanacärinquichu. Llaquipänacushpayqui tanti-yanacärinquiman. ³Jucniqui-jucniquipis alli ricanacärinquiman. Espíritu Santupa maquinchu cawar, piwanpis juc yarpaylla cawapäcunquiman. ⁴Jesúspa shiminta chasquicushanchipita juc shungullana carcaycanchi. Espíritu Santupis jucnayllam. Llapanchisi Tayta Diosninchí aunishallanman yupachicunchi. ⁵Taytanchi Jesúspis

jucnayllam. Paypa shimillanta
 éhasquicushcanchi. Llapanchipis
 juc cutilla ushyacushcanchi.

⁶Tayta Diosninchipis jucnayllam.
 Paypita llapanchi cawanchi. Llapan-
 chita maquinéchu charämanchi.
 Maquinéchu purichimanchi shungun
 munashanta rurananchipaj.
 Llapanchi wamran caycanchi.
⁷Yächaytam ichanga Washäcuj
 Jesús camapämanchi shungun
 yarpashanman-tupu ima-imatapis
 rurananchipaj. ⁸Tayta Diosninchipa
 shimínchüpis nin:

«Juc runapa maquinpita achcajta
 jíchusha.

Punta jananman pushasha.
 Waquin runacunata imatapis
 jarasha.

Yächaytapis camapusha.»

⁹¿Imanirtaj: «Punta jananman
 aywasha» nin? «Punta jananman
 aywasha» nishanga tincun janaj
 pachapita chacaj pachaman Jesús
 yarpamushanwan. ¹⁰Janaj pachapita
 yarpamujga janaj pachaman yapay
 cuticusha llap-llapanta maquinéchu
 purichinanpaj. ¹¹Paymi waquinta
 yächayta camapusha shiminta
 willacuj cachananpaj, waquintana
 Tayta Diosninchipa shungun yarpa-
 shanta willacunanpaj, waquintana
 Jesúspita willapäcur purinanpaj,
 waquintana irmänucunata
 ricananpaj, waquintana Tayta
 Diosninchipa shiminta tantiyachi-
 cunanpaj. ¹²Llapantapis churasha
 Washäcuj Jesússpa shiminta sumaj-
 sumaj tantiyachimänanchipaj.
 Tantiyachimäshunpaj Jesússpa
 shungun munashallanta rural
 cawananchipaj. Paypa maquillanéchu
 juc shungulla cawananchita sumaj
 munan. ¹³«Tayta Diosninchipa

Wawan Jesússpa shungun yarpa-
 shanta tantiyämi. Shiminta éhasqui-
 cushcämi» nirga, juc shungulla
 cawayta yächacushuwan. Washäcuj
 Jesús Tayta Diosninchipa shungun
 munashannuy cawashan-jina
 nuwanchipis paypa shungun
 munashannuylla cawashuwan.

¹⁴Chaymi sapu wamracunata-jina
 pipis mana riguichicamäshunpächu.
 Waquin runa shungun munasha-
 llanta yächaycächin. Tucuy-jinanpa
 runacunata riguiycächin. Paycuna
 wayra wacman-cayman imatapis
 apashan-jina jucta-jucta willapar
 munashanta llullapämanchi.

¹⁵Nuwanchim ichanga Tayta Dios-
 ninchipa shiminta sumaj tanti-
 yacushun. Llaquipänacushun.
 Maquillanéchu cawananchipaj
 waran-waran Tayta Jesucristu
 pï cashantapis tantiyacushun.
 Paypitam cawanchi. ¹⁶Yata-yata
 cawaptinchisi, juc-niraj-juc-
 niraj captinchisi, juc shungulla
 cawananchipaj camacächin.
 Yächayta camapämashanchiman-
 tupu imatapis rural, alli ricana-
 cunchi. Llaquipänacunchi. Jesússpa
 maquinéchu cawar, juc shungullana
 cawanchi.

Washäcuj Jesússpa shungun munashannuy cawashun

¹⁷Tayta Jesús nimashannuylla
 willapashajta ama junganquichu.
 Juchaéchu aruj runacuna-jina ama
 cawanquichu. Paycuna Tayta
 Diosninchita mana manchapacur,
 cawashanpa cawacärin. ¹⁸Jucha
 aparicuyllata yarpan. Imatapis
 mana tantiyacunchu. Chucru
 shungu. Chaymi Tayta Diosninchipa
 shiminta mana wiyacunchu.

Maquinchüpis cawayta mana munanchu. ¹⁹Manchapacuyta mana yachar, mana pingacullar allgu-jina jucwan-jucwan cacun. Jucwan-jucwan mana cacushan-caman jamaytapis mana tarinchu. ²⁰Chay rurashancuna Washäcuj Jesús pa shiminwan mana tincunchu. ²¹Shiminta wiyashcanquim. Chasquicushcanquim. Shungun munashanta rural cawanayquipaj willapash-cashunqui. Willapashushayqui Jesús pa shiminwan tincun. ²²Willapashcashunqui unay cawashanchi-jina juchata mana aparicunayquipaj. Unay juchallachu aruptinchi, wañuy jananchichu caycaran. ²³Cananmi ichanga willapämashcanchi Tayta Diosninchipa shungun munashallanta shungunchiman churacunan-chipaj. ²⁴Chaymi ima juchatapis ama rurashunnachu. Manchäga Tayta Diosninchipa maquillanchu cawashun. Payga camamashcanchi shungun munashallanta rural cawananchipaj, runa-masinchivan allillata rural cawananchipaj.

Imata rurananchipäpis

²⁵Jesús pa maquinchu caway-carga, ama llullapänacushunchu. Manchäga rasun-cajllata pi-maywanpis rimashun. ²⁶Warmirpis ullgurpis, juchata ama aparicunquichu. Warmishalla, ullgushalla ama juyanquichu. Manchäga chay junajlla ushyacächinquiman. ²⁷Mana ushyacächiptiqui, jucha aparicuyman supay janchashunquipaj. ²⁸Suwa carga, ama suwacunquinachu. Manchäga imapis mana pishishunay-quipaj sumaj arunquiman. Arucuptiqui, pishipacujcunata tarichi-

nayquipäpis aypanga. ²⁹Runapa washantapis ama rimanquichu. Manchäga alli shimillayquipa imatapis tantiyachinquiman. Allita rimaptiqui, llaquipäcuj cashayquita tantiyacunga. ³⁰Runa-masiquita jagayächirmi ichanga, Espíritu Santutapis jagayächinqui. Chayta ama rurashunchu. Tayta Diosninchipa Espíritu Santuta cáchamusha maquinchu purichimänanchipaj. Maquinchu cawaptinchi cay pacha ushyacaptina, Tayta Diosninchipa jishpichimäshunpaj. ³¹Chaymi ama ticshaparänacunquichu. Ama jagayächinacunquichu. Ama chiquinacunquichu. Ama ashllinacunquichu. Jucpa washashantapis ama rimanquinachu. Ima juchatapis ama ruranquinachu. ³²Manchäga alli ricanacur yanapänacunquiman. Llaquipänacur tantiyanacunquiman. Imasi captina, juella ushyacächinquiman. Washäcuj Jesús pa shiminta chasquicuptinchi, Tayta Diosninchipa llapan juchanchita jungasha. Mana yarparannachu.

Jesús pa maquinchu cawar cuyay-munaypaj cawashun

5 ¹Nuwanchi Tayta Diosninchipa wawan caycanchi. Chaymi shiminta sumaj wiyacushun. Quiquin-jina cawashun. ²Washäcuj Jesús llaquipämashanchi-jina nuwanchipis llaquipänacärishun. Jishpichimänanchi-raycur wañuyman chayar caway-bidanta jaraptin, Tayta Diosninchipa shungunmanpis sumaj tincuran.

³Tayta Diosninchipa wawan caycar, ima juchatapis ama ruranquichu. Jucwan-jucwan ama cacunquichu. Pingaypaj imatapis ama

ruranquichu. Quiquillayquipaj imatapis ama ashinquichu. ⁴Ama ashlllicunquichu. Upa-tucullar ama imatapis rimanquichu. Pingaypaj juc rimashanta ama cutipanquichu. Manchäga Tayta Diosninchichi imanuy- imanuy yanapäshushayquitapis llapanta willapay. ⁵Mayna tanti-yacushcanqui. Jucwan-jucwan cacujcuna, juchallata aparicujcuna, quiquillanpaj imatapis ashijcuna Washäcuj Jesússpa maquinchüpis, Tayta Diosninchipa maquinchüpis mana cawanchu. Irinsatapis mana chasquingachu. Quiquillanpaj imatapis ashijcuna Tayta Diosninchita mana manchapacunchu. Manchäga cay pachachu tarishallanman yupachicun. Chaycunallapana wañun.

⁶Pipis pantachishurunquiman: «Tayta Diosninchipa shiminta mana wiyacushasi mana imananchu» nir. Shiminta mana wiyacujcunata Tayta Diosninchichi sumaj ñacachinga. ⁷Jamcunatapis ñacachishurunquiman. Chaymi chayniraj runacunapa llupinpa ama jatinquichu. ⁸Unay jamcunapis juchata aparicullar cawashcanqui. Cananmi ichanga Jesússpa shiminta chasquicur, Tayta Diosninchipa wawanna caycanqui. Paypa wawan cashayqui musyacänanpaj juchata ama aparicunquichu. Manchäga Tayta Diosninchipa shungun munashallanta rural cawanquiman. ⁹Tayta Diosninchipa wawancuna allillata rurán. Rasullanta riman. Cuyay-munaypaj cawan. ¹⁰Imatapis sumaj tantiyacunquiman Tayta Diosninchipa shungunman tincushallanta ruranyquipaj. ¹¹Pipis juchata aparicuptin, ama juchacäshinquichu.

Manchäga juchanta jurgapar, piñacunqui. ¹²Paycuna pacayllapa juchata rurashanga marca-pingaymi. ¹³Juchanta mana pacäshiptinchi, ima rurashallanpis llapanmi musyacanga. Ima juchantapis mana pacajcuna Washäcuj Jesússta wiyacun. ¹⁴Rimay purishannuypis tantiyacunanchipaj nin:

«Puñurajcuna, ricchapacuyna.
Wañushcunapa cháupinpita
jataripacuyna.

Washäcujmi cawachishunqui.»

¹⁵Chaymi imanuy cawashayquitapis sumaj tantiyacunquiman. Upa runajina ama purinquichu; manchäga yarpay-sapa runa-jina. ¹⁶Allillata imaypis ruranquiman. Canan wichan runacuna juyu. ¹⁷Upa runa-jina ama cawanquichu. Manchäga Tayta Jesússpa shungun yarpashanta sumaj tantiyacunquiman. ¹⁸Mačhashcuna umanman chayashanta imatapis riman. Shungun munashanta rurán. Pingaymanpis chayan. Chaymi upyallaču ama arunquichu. Manchäga Espíritu Santupa maquillanču cawanquiman. ¹⁹Tucuy-niraj alabansacunata cantar shacyächinacunquiman. Tayta Diosninchita alliman churar llapan shunguyquiwan cantanquiman. ²⁰Taytanchi Jesucristupa maquinchu cawar imaman chayarpi, cushicärinquiman. Tayta Diosninchita imaypis ninquiman: «Taytallau Tayta, ima allish yanapaycämanqui.»

Majayujcunata piñapashan

²¹Washäcuj Jesússta manchapacur, jucniqui-jucniquipis wiyanacur cawanquiman.

²²Warmicuna Tayta Jesucristuta wiyacushan-jina majanpa shimin-

tapis wiyacunman. ²³Warmiga majanpa maquinchu cawan. Jutucaj irmānucunapis Washäcuj Jesúspa maquinchu cawanchi. Paymi imapitapis washāmāshun. ²⁴Jutucaj irmānucuna Washäcuj Jesúspa maquinchu cawashan-jina warmicunapis majanpa maquinchu cawanman.

²⁵Jutucaj irmānucunata Washäcuj Jesús llaquishan-jina ullgucunapis majanta sumaj llaquinman. Jesús éhasquicujcunata washānan-raycur wañuytapis tarisha.

²⁶Maquinman shuntamānanchipaj wañuymanpis éhayasha. Chaynuypis maquinchu cawananchipaj shiminta willapāmashcanchi. Yacuwān ushycuptinchi, juchanchitapis illarachisha. ²⁷Jutucaj irmānucunatapis maquinchu purichinga. Paycuna cuyay-munaypaj cawapācun. Shungun munashallanta rurapācun. Alli ricashna cawapācun. Ima juchačhūpis mana cawannachu. Llutantapis mana rurannachu.

²⁸Jutucaj irmānucunata Jesús llaquishan-jina ullgucunapis warminta llaquinman. Majanta alli ricar, quiquinpis alli ricacun. ²⁹Pipis quiquinta mana chiquicunchu. Manchāga alli cawayta munar, micun. Imatapis ushtucun. Washäcuj Jesúspis jutucaj irmānucunata llaquipar, sumaj rican. ³⁰Jesústa éhasquicush carna, paywan juc shungulla cawanchi. ³¹Tayta Diosninchipa shiminchūpis nin: «Majachacar, maman-taytanpa maquinpita runa witicunga. Majallanwanna juc shungulla cawanga.» * ³²Shiminta liguir, Tayta

Diosninchipa yarpashanta achcata yačhacunqui. Canan majachacajwan tincuchishanta sumaj tantiyacushun. Chay-jina jutucaj irmānucuna Washäcuj Jesúswan juc shungulla cawashanta tantiyacunchi. ³³Chaymi runa warminta llaquinman. Warmipis majanta alli ricanman.

Wamracunata piñapashan

6 ¹Wamracuna, Tayta Jesúspa maquinchu cawaycar, mamayquiyaytayquita wiyacunquiman. Wiyacunayqui camacan. ²Runacuna alli cawananta munar, Tayta Diosninchipis auniran: «Mamayquiyaytayquita alli ricanquiman. ³Chayrami chachayashayquicaman cushi-cushilla cawanquipaj» nir.*

Mama-taytacunata piñapashan

⁴Taytacuna, jamcunapis wamrayquicunata ama jagayāchinquimancho. Manchāga Tayta Diosninchipa shiminta wiyacunanjay alli shimillayquipa piñacunquiman.

Mandu-rurajcunata, patruncunata piñapashan

⁵Mandu-rurajcuna, jamcunapis llapan shunguyquiwan patrunniquita wiyacunquiman. Sumaj manchapacunquiman. Washäcuj Jesúspa shiminta rurashayqui-jina patrunniquipa shimintapis ruranniquiman. ⁶Mana ricashuptiquipis, sumaj arunquiman. Washäcuj Jesúspa maquinchu cawaycar, patrunniquita sumaj wiyacunquiman. Sumaj arurga, patrunniquipa shungunmanpis, Tayta Diosninchipa shungunmanpis tincunqui.

* 5.31 Génesis 2.24. * 6.2-3 Éxodo 20.12; Deuteronomio 5.16.

⁷Patrunniqui mandashuptiqui, wiyacunquiman. Cushi-cushilla arunquiman Tayta Diosninchipa ricay ñawinchu alli llucshinayquipaj. Runacunapa ricay ñawillanachu ama aruj-tucunquimanchu.

⁸Mandu-rurajtapis, mana mandu-rurajtapis alli cawayman Tayta Diosninchichi churanga imatapis allita rurashanpita.

⁹Patruncuna, jamcunapis mandu-rurajniquita alli ricanquiman. Ullgüparcur-ullgüparcur ama aruchinquimanchu. Mandu-rurajcunapis, patruncunapis Tayta Diosninchipa maquinchu cawan. Payga llapanchita llaquipämanchi; mana ricsish-ricsishllatachu.

Supaywan ichipanacushanpita willapashan

¹⁰Irmänucuna, mä, wiyamay. Quiquillayquipita ama allitucunquimanchu. Manchäga Tayta Jesúspa maquillanachu cawanquiman. Payga sumaj munayniyuj yanapashunayquipaj. ¹¹Tayta Diosninchita sumaj wiyacushun. Paymi supaypa maquinpita washämashun. Tayta Diosninchipa maquinchu puriptinchi, juchaman mana jančhamashunchu. ¹²Nuwanchita mana runa-masinchichu chiquimanchi; manchäga quiquin supay. Payga, shapshicu-masincuna-ima, jircacuna-ima munan maquinchu cawananchita. ¹³Chaymi Tayta Diosninchipa maquillanachu cawashun. Supay ichipuyta munamaptinchisi, juchaman jančhayta munamaptinchisi, ichipunanchipaj Tayta Diosninchichi yanapämashun. Ichipurpis, Tayta Diosninchipa maquillanachu cawashun. Shungun

munashallanta rurashun. ¹⁴Tayta Diosninchipa maquinchu cawar, shimintapis llapan shungunchiwan chasquicushun. Shungun munashallanta rurashun. ¹⁵Imay-imaypis Jesúspa alli willapanta willapäcur purishun: «Allilla cawachimashun» nir. ¹⁶Ima captinpis, llapan shungunchiwan Jesúsman yupachicushun. Chaura supay mana juchaman jančhamashunchu. ¹⁷Tayta Jesús washämashanchita ama jungashunchu. Tayta Diosninchipa shimintapis wiyacushun. Shiminta wiyacuptinchi, supayta ichipunanchipäpis Espiritu Santu sumaj yanapämashun.

¹⁸Imaypis Tayta Diosninchita mañacuyar cawashuwan. Mañacunanchipäga Espiritu Santuwanmi Tayta Diosninchichi yanapämashun. Llutalla ama cawashunchu. Manchäga irmänunchicunapäpis mañacuyar cawashun. ¹⁹Nuwapäpis Tayta Diosninchita mañacunqui, ari. Alli willapanta willacupti, yanapämachun. «Washämänanchiraycur Jesús shamusha» nir shungun yarpashanta musyachicuptipis, yanapämänanpaj mañacunqui. ²⁰Nuwata jäpa runacunata willapänäpaj Tayta Diosninchichi cachamasha. Chaypita runacuna wičgaraycächiman. Chaymi mana manchacullar willapäcunäpaj mañacunqui.

Cartapa ushyanan

²¹Yačhänacushanchi irmänu Tíquico shamur, imanuy juyashätapis, ima-imata rurashätapis willashunquipaj. Jesúspa shiminta willapäcupti, paymi sumaj yanapämasha. ²²Chaymi

shacyächishunayquipaj, imanuy
juyashätapis willashunayquipaj
caçhaycämü.

²³Tayta Diosninchipis, Tayta
Jesucristupis llapaniquita
yanapayculläshunqui, ari. Shiminta
chasquicush caycar, payllaman

yupachicunquiman. Irmänu-purasi
llaquipänacärinquiman. Allilla
cawanquiman. ²⁴Taytanchi Jesucris-
tuman llapan shunguyquiwan
yupachicuptiqui, llaquipäshush-
payqui Tayta Diosninchis sumaj
yanapayculläshunqui. Chayllana.

Filipos marcachu irmānucunaman San Pablo cartacushan

Tantiyacunanchipaj:

Pablo cay cartata isquirbiran Filipos marcachu jutucay irmānucunaman. Filipos marca Macedonia quinranchu caycaran. Chay marcata Roma runacuna maquinchu purichiran. Unayllata Pablo chay marcaman aywaran Jesúspa alli willapanta willapacunanpaj.

Filipos marcachu Pablo willapacushanpita musyayta munar, liguinqui: Hechos 16.8–40.

Jipataraj carsilchu wíhgaraycaptin, Pabluta yanapananpaj cuyachicuyninta Filipos irmānucuna apachiran. Llaquipashanta musyar, Pablo cushish cartacuran.

Pablo isquirbiran:

- Filipos irmānucunata allichu jurgushanpita: **Filipenses 1.1–11.**
- Carsilchu caycarpis waquin runa Jesúspa alli willapanta willapacushanpita, Jesús-janan ñacajcunata shacyächishanpita: **Filipenses 1.12–30.**
- Jesús alli shungu cashan-jina cawananpita: **Filipenses 2.1–18.**
- Timoteuwan Epafrodito yanapashanpita: **Filipenses 2.19–30.**
- Jesúspa shungunta tantiyacunanpita, shiminta wiyacunanpita, llapan runawan alli ricanacunanpita: **Filipenses 3.1–4.9.**
- Cuyachicuyninta apachiptin Filipos irmānucunapaj cushicushanpita: **Filipenses 4.10–23.**

Pablo wamayashan

1 ¹Filipos marca irmānucuna, Jesúspa shiminta chasquicush car, Tayta Diosnillanchipāna cawar-caycanqui. Nuwa Pablo, Washäcuj Jesúspa mandu-rurajnin cashpä Timoteuwan ishcani cartacallämü. Llapaniquita wamayaj. Mayur irmānucunapis, yanapacujcunapis, ¿imanuyllataj juyaparcay-canqui? ²Tayta Diosninchipis, Tayta Jesucristupis llapaniquita yanapayculläshunqui. Maquinchu allilla cawaycachilläshunqui, ari.

Tayta Diosninchita alliman churashan

³Jamcunapaj yarpärir, ni:
«Taytallau Tayta, ima allish
paycunawan ricsinacachimash-

canqui.» ⁴Jamcunapaj mañacur, cushishalla mañacü. ⁵Jesúspa alli willapanta willacur puripti, sumaj shacyächimashcanqui. Unaypita-pacha mana yamacällar, yanapaycāmanqui. ⁶Chayta rurar cawanayquipaj Tayta Diosninchi camacächisha. Chaynuypis jishpichishunayqui-raycur Washäcuj Jesús cutimunan junajcaman yanapāshunquipaj. ⁷Jamcunata llapan shungüwan llaquij. Imaypis yarparaycāshayquim. Llaquipā-mashpan Tayta Diosninchi cáchacamasha. Chaymi Jesúspa alli willapanta willapäcur puriptipis, auturdäcunapa ñaupanchu chapacuptipis, carsilchu wíhgarächimaptinpis mana junga-manquichu. Mana cachariman-quichu. ⁸Llaquishajta Tayta

Diosninchipis musyan. Washäcuj Jesús alli ricamashanchi-jina jamcunatapish alli ricaj. ⁹Chaymi Tayta Diosninchita mañacapü: «Taytallau Tayta, Filipos marca irmänucunata yanapaycullay. Llaquinacuyta sumaj yaçhacunman. Shimiquita sumaj tantiyacunman. Shunguyqui munashannuy cawanman. ¹⁰Ima captinsi, imaman çhayaptinsi, manchapacullar cawanman. Maquiquichu cawar, juchata mana aparicunmanchu. Chaynuy cawar Washäcuj Jesús cutimuptin, pipis mana tumpanganachu: «Filipos irmänucuna jucha-sapa» nir.

¹¹Washäcuj Jesús yanapaptin, cuyaymunaypaj cawanga. Alli cawaptin, llapan runa alli ñawinpa ricashunquipaj. Alliçu jurgushunquipaj» nir.

Washäcuj Jesús cawachicuj cashan

¹²⁻¹³Irmänucuna, carsilman çhayaptisi, Washäcuj Jesúsapa alli willapanta willacushäta llapan runa mayasha. Rimay puriptin, mandajta täpaj murucucunapis, llapan pampa runacunapis mayasha. ¹⁴Carsilarashäta mayar irmänunchicuna llapan-yupay shacyäcur, Tayta Diosninchiman sumaj yupachicun. Mana manchacullarna may-chaychüpis Washäcuj Jesúsapa shiminta willacurcaycan.

¹⁵Waquin irmänucuna nuwata apärimar, Washäcuj Jesúsapa shiminta willacuycan. Waquinmi ichanga alli shungu car willacäshiman.

¹⁶Alli shungucuna llaquipämashpan willacäshiman: «Jesúsapa alli willapanta willacushan-janan wíchgachisha» nir. ¹⁷Waquinmi ichanga llallipamayta munallar,



Filipenses 1.12-26

alliçu llucshiyta munallar, Washäcujpa shiminta willacurcaycan. Llaquish wíchgabaycaptisi, jagayächimayta munarcaycan.

¹⁸Imata ruracuptinsi, mana llaquicüchu. Janan shungulla willacurpis, llapan shungunwan willacurpis, Washäcujpa shiminta willacurcaycan. Chaypita shungüpis achicyacäcusha. Sumaj-sumaj cushicü. ¹⁹Ima allish Tayta Diosninchita mañacapaycämanqui. Espíritu Santu shacyächimaptin carsilçu caycarsi, alliçu llucshishaj. ²⁰Pingayman çhuramänantapis mana camacächingachu. Manchäga imaypis alli ricamashan-jina cawarpis, wañurpis, llapan ricay Washäcuj Jesúsapa alliçu jurgushaj. ²¹Nuwaga Washäcuj Jesúsapa maquinchümi cawä. Pay-janan runacuna wañuchimaptin, alli cawayta tarishaj. ²²Cay pachaçu cawashäcaman may-chaychüpis Tayta Diosninchipa shiminta willacunä. Ichanga ishcayta

yarpaycä. ²³Ishcayta yarpashäpis alli. Wañurga, Washäcuj Jesúspa ñaupanman chayashaj. Paywan tincuyta sumaj munä. ²⁴Jamcunaraycur cawaptipis, alli canga. ²⁵Chayta musyar, jamcunawan juturayta munä. Shacyächishayqui Tayta Diosninchiman sumaj yupachicur cushishalla cawanayquipaj. ²⁶Cutimupti shunguyqui achicyacäcuptin, Washäcuj Jesústa allichu jurgunquipaj.

**Washäcuj Jesúspa shimin
nishannuylla cawananchipaj**

²⁷Irmänucuna, carsilpita cacharimaptinpis, mana cacharimaptinpis, Washäcuj Jesúspa alli willapanta wiyacärinquiman. Juc shungulla cawanquiman. Ima-imata runanayquipäpis sumajraj parlanacunquiman. Maqui-maquilla Tayta Diosninchipa shiminta sumaj willapäcunquiman. ²⁸Chiquicujcunata ama manchacunquichu. Mana manchacunayquipaj Tayta Diosninchi shacyächishuptiqui, ñacayman aywananta tanti-yacunga. Jamcunatam ichanga Tayta Diosninchi washäshunquipaj. ²⁹Paymi Washäcuj Jesúspan yupachicunayquipäpis, Jesús-janan ñacanayquipäpis camacächisha. ³⁰Washäcuj Jesúspan yupachicup-tinchi, runacuna ñacaycächimanchi. Ñaupatapis ñacashäta willa-rajnäm. Cananpis jinalla ñacashäta musyanqui.

Washäcuj Jesústa ricacushun

2 ¹Washäcuj Jesúsmi ichanga shacyächimanchi. Llaquipä-maptinchi, mana manchacunchi-nachu. Espíritu Santu shacyächimap-

tinchi, juc shungulla cawaycanchi. Llaquipänacur, alli ñawinchiwan ricanacunchi. ²Chaymi cushish cawanäpaj allichu jurgamanquiman. Juc shungulla cawanquiman. Sumaj llaquipänacunquiman. Tayta Diosninchita manchapacur cawanquiman. ³Pampaman churanacullar imatapis ama ruranquichu. Ama apärinacunquichu. Ama alli-tucunquichu. Pitapis ama pampaman churanquichu. Manchäga alli ñawiquiwan ricanacunquiman. ⁴Quiquillayquipaj imatapis ama ashinquichu. Manchäga llaquinacärir-llaquinacärir cawanquiman.

⁵Llapanchipis Washäcuj Jesúspan yupachicur, llupillanpa aywashun.

⁶Payga quiquin Tayta Diosninchi cashpan
mana allichu llucshiytachu ashiran.

⁷Manchäga munayniyuj cayninta jaguiycuran mandururaj cananpaj,
pampa runa cayman chayanapaj.

⁸Runa cashpan Tayta Diosninchipa shiminta sumaj wiyacuran.

Runacuna pingayman churaptinsi,
ruschu wañuchiptinsi, wiyacuran.

⁹Chaypis munayniyuj cayman Tayta Diosninchi churaran.
Payman pipis mana tincunchu.

¹⁰Canan llapan runa Jesústa allichu jurgunga.

Janaj pachachu cawajcunapis,
cay pachachu runacunapis,
wañushcunapis allichu jurgunga.

¹¹Llapan auninga:

«Tayta Diosninchi alli ricash caycullächun.

Payga Washäcuj Jesústa caćhamuran.

Jesúspa maquincháuna cawaycanchi.

Payga Tayta Diosninchim» nir.

¹²Wawallau, wiyacujmi canqui.

Jishpichish caycäshuptiqui, llapan shunguyquiwan Tayta Diosninchipa shiminta wiyacunqueiman. Iwal juyap-tinchisi, carúchu captisi, Tayta Diosninchipa shiminta wiyacärinquiman.

¹³Shungun munashanta ruranan-chipaj quiquin Tayta Diosninchi shacyaycächimanchi. Payta manchapacur cawananchipäpis quiquin yanapaycämanchi.

¹⁴Mayganiquipis ama jamurpänacun-quichu. Ama jayapänacun-

quichu. ¹⁵Chaura pipis mana jurgapäshunquichu: «Juchaçu arun» nir. Llapan runa juchata aparicullar cawaptinsi, Tayta Diosninchipa wawan caycar, manchapacur cawashun. Llapan ricacunanpaj alli cawashun. ¹⁶Chayraj waquin runapis Tayta Diosninchiman yupachicunga. Chaymi Tayta Diosninchipa shiminta ama jungashunchu. Washäcuj Jesús cutimuptin, cushicushaj: «Allipämi willapashcă» nir. ¹⁷⁻¹⁸Shiminta wiyacuptiqui, shungun munashanta ruraptiqui, Tayta Diosninchipa shungunpis jatunpa cushicunga. Nuwatapis willacushä-janan runa wañuchimaptinsi, ama llaquicun-quichu. Manchäga Tayta Diosninchipa shungun munashallanta rural, llapanchi cushi-cushilla cawashuwan.

Pablo caćhacushancuna

¹⁹Alli cawashayquita musyar, jatunpa cushicushaj. Chaymi

imanuy cawashayquita musyayta munar, irmänunchi Timoteuta caćhamushaj; ichanga Tayta Jesús camacächiptinraj. ²⁰Timoteuwan sumaj yaćhänacü. Jancunatapipis mana jungashunquichu. ²¹Waquin runam ichanga quiquillan alliçu llucshiyta ashin. Washäcuj Jesús yarpashanta mana imasi jucunchu.

²²Timoteo alli shungu cashanta musyanqui. Jesúspa alli willa-panta willapäcupti, purishilla-masha. Wawä-yupay imaćhüpis yanapämasha. ²³Carsilpita llucshinätapis, mana llucshinätapis musyarir, juclla Timoteuta caćhamushaj. ²⁴Chaypis sumaj Tayta Diosninchiman yupachicü. Carsilpita caćharimaptin, quiquirämi ricashayqui.

²⁵⁻²⁶Irmänucuna, ima allich Epafrodituwan imasi pishimajcunata apachillämushcanqui. Payga sumaj yanapämasha. Shungümanpis tincusha. Cananga imanuy cawashan-tapis musyanayquipaj caćhaycämü. Epafrodito sumaj llaquipäshunqui. Chaymi: «Jishya charimashanta mayar, Filipos irmänucuna llaquicuycanchi» nir cutimuyta munaycan. ²⁷Rasunpa jishya sumaj charisha. Tayta Diosninchim ichanga llaquipar allchacächisha. Alläpa llaquicunäpita wañunantapis mana camacächishachu. ²⁸Chaymi jancunapis Epafrodituta ricar, cushicunayquipaj caćhaycämü. Shunguyqui cushiriptin, nuwapis jatunpa cushicushaj. ²⁹Chayamuptin, alli ricanqui. Cutimunanpaj Tayta Diosninchi camacächisha. Chaymi paytapis, waquin willacujcunatapipis alliçu jurgushuwan. ³⁰Epafrodito jishya chariptinsi, shiminta mana

chapacushachu. Jamcuna mana camäpacuptiqui, nuwatapis wañuy-cawaymi ricamasha. Llapantapis rurasha Washäcuj Jesúspa shiminta willacurmi.

3 ¹Irmänucuna, llapaniquita llaquij. Ima captinpis, Tayta Diosninchipa maquinchu cawar, shacya-shacyalla cawanquiman.

Moiséspa shiminta éharcuyta munajcunata piñapashan

Mayna cartacamush carsi, yarpächipaycäshayqui sumaj tantiyacunayquipaj. ²Pantachicuj Israel runacunapa shiminta ama éhasquipanquichu. Paycuna: «Moiséspa shiminta éharcushäpitam alli ñawinwan Tayta Diosninchi ricaman» nir jirucurcaycan. ³Chaypis alli ñawinwan Tayta Diosninchi ricamanchi shiminta wiyacushallanchipita, Washäcuj Jesústa taytachacushallanchipita. Mana jananchita jirucushanchipitachu alli ñawinwan ricamanchi. Manchäga Espíritu Santu shacyächimaptinchi, Washäcuj Jesústa allíchu jurgushallanchipita alli ñawinpa ricamanchi. ⁴Alli cashäta jurgapayta munapti, pipis mana aypämanmanchu. ⁵Israel casta capti, pusaj junajyuillata jirumaran. Benjamínpa willcanmi caycä. Llapan auquillucuna Israel runa caran. Moiséspa shiminta éharcuyta munar, fariseu runacunaman jillicurä. ⁶Allíchu llucshiyta munar, Jesústa éhasquicuj irmänucunata jaticachar ushyarä. Moiséspa shimintapis llap-llapanta éharcurä. ⁷Ñaupata yaçhaj cashalläman yupachicurä. Cananmi ichanga Washäcuj Jesúsman yupachicü.

⁸Yaçhaj carpis, cushicuyta cushicurä. Quiquin Tayta Jesucristuwan yaçhänacurmi ichanga, sumaj-sumaj cushicü. Cushicushäga imawanpis mana tincunchu. Unay Tayta Diosninchiwan alli ricancuyta munar, Moiséspa shiminta llap-llapanta éharcurä. ⁹Chaypis cananraj rasun-cajta tantiyacushcä. Washäcuj Jesúsman yupachicuptiraj, alli ñawinwan Tayta Diosninchi ricaman; mana Moiséspa shiminta éharcushäpitachu. Chaymi Washäcuj Jesúspa maquinchüna cawä. ¹⁰⁻¹¹Runa Washäcuj Jesústa ñacachiptinsi, wañuchiptinsi, Tayta Diosninchi cawarachimusha. Nuwata ñacachimaptinsi, wañuchimaptinsi, Jesús-jina éhasquicushaj. Wañushcuna cawarimuptin, Tayta Diosninchi cawarachimänantapis yupachicü. Chaynuypa Washäcuj Jesúsman sumaj yaçhänacushaj.

¹²Irmänucuna, mana alli-tucuycächu: «Jesúsman tincü. Juchaynajna caycä» nir. Manchäga Washäcuj Jesúsman yupachicuycä. Llapinpa puriycä. Cawashannuy cawaycä. Maquinchüna puriycächiman. ¹³Irmänucuna, quiquilläpita mana Jesúspa llupinpa sumaj-sumaj purimanchu. Chaymi llapantapis jipaman jaguiycur, ¹⁴payllamanna yupachicü. Janaj pachamanpis Tayta Diosninchi éhayachimäshunpaj. Washäcuj Jesúsman yupachicushanchipita alli cawayman échuramäshunpaj.

¹⁵Tayta Diosninchipa maquinchu cawaycar, shungunchi munashanta ama rurashuwanchu, Manchäga Jesúsmanna yupachicushuwan. Apaycähänacuptinchisi, llapanta tantiyachimäshunpaj. ¹⁶Ima

captinpis, Tayta Diosninchipa shiminta sumaj wiyacushuwan.

¹⁷Irmänucuna, imanuy cawashätapis sumaj ricacamanquiman. Wiyacuj irmänunchi-cunatapis ricacunquiman.

¹⁸Chiqui runacunapita mayna willapashcaj. Paycuna Washäcuj Jesústa pampaman éhuran. Washämänanchi-raycur ruséchu wañuyman éhayash caycap-tinsi, chiquin. Chaymi canan wiguipawanraj yapay yarpärachij. ¹⁹Paycuna juchata aparicullar cawan. Paéhallanta ashin. Juchata rurarpis, asicaéharraj cawan. Mana pingacunchu. Imayllapis juchata aparicushanpita ushycayman éhayangapaj. ²⁰Nuwanchim ichanga Tayta Diosninchipa wawan caycanchi. Janaj pachaman Washäcuj Jesús shuntacamänallanchita shuyarpaycanchi. ²¹Payga wañuj cashanchipita mana imaysi wañunanchipäna camacächinga. Llap-llapantapis ruranga munayniyuj cashpan quiquin-niraj cawananchipaj.

4 ¹Chaymi wawallau, allíchu jurgamashayquipita jatunpa cushicü. Llapaniquita llaquij. Sumajmi watucuyta munä. Jamcunapita Tayta Diosninchipis alli ñawinwan ricaycäman. Wawallau, chaymi shungun munashannuy cawashayqui-jina mana yamacällar Washäcuj Jesús pa maquillanču cawanquiman.

²Washäcujman yupachicushpan mama Evodiapis, mama Síntiquipis ama apaycähänacuchunchu.

³Paycuna Clemente-ima, waquin irmänunchi-ima sumaj yanapämaran Jesús pa alli willapanta willapäcupti.

Chaymi alli ricanacunanpaj sumaj yanapanquiman. Paycunata Tayta Diosninchichi ricisiraycan. Maquinču imaycamanpis cawan-gapaj. Acta librunču jutincunapis isquirbiraycan.

Irmänucuna cushicunan

⁴Chaymi Tayta Diosninchipa maquinču cawaycar, imaypis cushishalla cawanquiman. Ama llaquicunquimanachu. ⁵Pi-maytapis llaquipanquiman. Washäcuj Jesús warasi-chicas cutimungapäna.

⁶Ima captinpis, alläpa ama yarpaéhacunquichu. Pishipacur-imarga, Tayta Diosninchita mañacunqui. Imallata tarichishuptiquipis, cushishalla éhasquicärinqui. ⁷Washäcuj Jesús pa maquinču cawar payllaman yupachicur, Tayta Diosninchichi allilla cawaycächishunquipaj. Shunguyqui jasillaman éhayashantapis tantiyayta mana atipanquipächu.

⁸Irmänucuna, sumaj yarpaéhacushun. Tayta Diosninchipa shungun munashannuylla cawashun. Alli shungu cashan-jina cuyaymunaypaj cawashun. Shungunman tincushallanta imatapis rurashun. Camacächishannuylla purishun. Alli ñawinwan ricamashanchi-jina runa-masinchitapis alli ricashun. Ricay ñawinčhüpis manchapacullar cawashun. Imaypis runa-masinchipa ricay ñawinču allillata rurashun. Chaynuy cawaptinchi, runacunapis alliman éhuramäshun.

⁹Willapashajta, tantiyachishajta ama junganquichu. Ricamashayquita ruraptiqui, willapashajta wiyacuptiqui, llaquipäcuj Tayta Diosninchipis

mana cacharishunquipächu.
Manchäga maquinchüna allilla
cawachishunquipaj.

Pablo cushicushan

¹⁰Irmänucuna, ima allish
yarpäramashcanqui. Tayta
Diosninchi camacächiptin,
yanapämashcanqui. Ñaupata
yanapämayta mana camäpacush-
canquichu. Cananmi ichanga mana
jungamashayquita musyä. ¹¹Mana
pishipacurchu rimaycä. Taripacu-
shalläwan cawayta yaçhacashcänam.
¹²Puchuy-puchuychu caway-
tapis, pishipacuychu cawaytapis
yaçhacashcä. Micuy jananchu
cawaytapis, yargaychu cawaytapis
yaçhacashcä. ¹³Washäcuj Jesús
shacyächimaptin, llapantapis ichipü.
¹⁴Chaypis pishipacupti yanapamar,
allita rurashcanqui.

¹⁵Tayta Diosninchipa
shiminta willacur Macedonia
quinranpita aywacupti, jamcu-
nalla yanapämashcanqui. Waquin
marcachu jutucay irmänucunam
ichanga mana ricamashachu. Imalla-
wanpis mana yanapämashachu.

¹⁶Tesalónica marca quinranchu
willacur puripti, pishipacurä.
Chaypis mana pipis yanapämashchu.
Jamcunam ichanga ishca-
yquimsa cuti apachillämushcanqui.

¹⁷Cananpis mana yapay apachi-
munayquita munarchu rimaycä;
manchäga yanapämashay-
quipita Tayta Diosninchi sumaj
yanapäshunayquita munar. ¹⁸Nuwa



Filipenses 4.10–20

llapanta sumaj ricaycä. Imapis mana
pishimanchu. Ima allish Epafro-
dituwan apachillämushcanqui.
Cananga imapis mana pishimanga-
nachu. Apachimushayquita
quiquinta jarashayquita-yupay
Tayta Diosninchi cushishalla
chasquisha. ¹⁹Washäcuj Jesús
washämänanchi-raycur jamcuna-
tapis Tayta Diosninchi sumaj tarichi-
shunquipaj. Payga munayniyuj.
Llapanchi maquinchu cawaycanchi.
²⁰Chaymi Tayta Diosninchita imayca-
manpis alliman çhurayculläshun.
Allilla ricayculläshun. Chaynuy
caycullächun.

Cartapa ushyanan

^{21–22}Irmänunchicunata llapantam
wamayapämay, ari. Paycunapis
Washäcuj Jesúsman sumaj
yupachicun. Purishimaj irmänunchi-
cunapis llapanmi wamayäshunqui.
Roma mandajpa wasinchu aruj
irmänunchicunapis wamayäshunqui.

²³Washäcuj Jesús llapani-
quita yanapayculläshunqui, ari.
Chayllana.

Colosas marcachu irmānucunaman San Pablo cartacushan

Tantiyacunanchipaj:

Pablo cay cartata isquirbiran Colosas marcachu jutucay irmānucunaman. Colosas marca Asia quinranchu caycaran. Éfeso marcapita quimsa junajta-ima chaquillapa aywaj. Chay marca jäpa runapa marcan captinsi, Israel runacunapis tiyaycaran. Jesúspa shiminta wiyashpan waquin chasquicuran. Epafraspis Jesúspita sumaj tanti-yachicuran. Payga jinan runa caran.

Colosas irmānucuna Jesúspan yupachicushan wichan cushish jutucaran. Jipatam ichanga waquin Israel runacunapis, jäpa runacunapis llutanta yachachiran. Chaymi Pabluta tapucuj Epafras aywaran. Shiminta wiyar, Colosas irmānucunaman cartacuran.

Pablo isquirbiran:

- Colosas irmānucunata alliachu jurgushanpita: **Colosenses 1.1–8.**
- Washäcuj Jesús Tayta Diosninchipa Wawan cashanpita, Jesúswan Tayta Diosninchiquishllan cashanpita, cay pachatapis janaj pachatapis camashanpita, maquinchu llapan caycashanpita. Chaynuypis Colosas runacunata llaquipashpan Tayta Diosninchiwamrachacushanpita, Jesúspa alli willapanta willapacunanj Pabluta cáchacushanpita: **Colosenses 1.9–2.5.**
- Washäcuj Jesúspan yupachicur Tayta Diosninchipa wawan car, shungun munashannuy cawanapita, pantachicujcunata mana wiyacunapita: **Colosenses 2.6–23.**
- Tayta Diosninchipa wawancuna juchata mana aparicunanpita, llaquipānacunapita: **Colosenses 3.1–4.6.**
- Wamayashanpita: **Colosenses 4.7–18.**

Pablo wamayashan

1¹⁻²Colosas marcachu jutucay irmānucuna, nuwa Pablo, Timoteuwan-ima cartacallämü. Washäcuj Jesúspan yupachicup-tiqui, llapaniquita wamayämuj. Allilla cawanayquipaj imaähüpis quiquin Tayta Diosninchiyānāpāyācullāshunqui. Llaquipāyācullāshunqui. Shungun munāptin, shiminta willācūr purināpaj nuwata cáchacamasha.

Tayta Diosninchita alliman éhurashan

³⁻⁵Jamcunata mana jungajchu. Chaymi imaypis Taytanchi Jesucristupa Taytanta mañacur, jamcunāpāpis mañācuycā: «Taytallau Tayta, Colosas marcachu irmānucunata yanāpāyācullay, ari» nir.

Irmānucuna, Washäcuj Jesúspan yupachicushayquipita, irmānu-māsinchicunata alli ñawiquiwan

ricashayquipita sumaj cushicü.
 Chaynuy cawaycanqui janaj
 pachachu Tayta Diosninchipa
 maquinchu imaycamanpis cawayta
 yupachicur. Tayta Diosninchipa
 shiminta wiyashayquipita yupachi-
 cuyanqui. Paypa shiminga alli
 willapam. ⁶Tayta Diosninchipa alli
 willapanta chay-tucuychu willa-
 cuptin, runacuna yupachicurcayan.
 Paypa shungun munashannuy
 cawarcayan. Jamcunapis paypa
 shiminta wiyar: «Tayta Diosninchi
 rasunpa llaquipamanchi» nir
 chasquicurayqui. ⁷Llapantapis
 yachñanacushanchi irmänu
 Epafrasmi sumaj tantiyachishu-
 rayqui. Payga Washäcuj Jesúspa
 maquinchu purir, nuwatapis sumaj
 yanapämasha. ⁸Espíritu Santu
 yanapäshuptiqui, llaquinacärishay-
 quitapis willamasha.

⁹Alli cawashayquita wiyar,
 mana jamallar Tayta Diosninchita
 mañacushcä: «Colosas marcachu
 irmänucunata Espíritu Santuwan
 yanapaycullay yarpashayquita
 sumaj tantiyacunanpaj, shunguyqui
 munashanta sumaj rurananpaj» nir.
¹⁰Pay yanapämaptinchiga, shungun
 munashannuy cawashunpaj.
 Manchapacur juyäshunpaj.
 Shungun yarpashantapis tanti-
 yacushunpaj. ¹¹Paymi sumaj
 munayniyuj yanapämänanchipaj,
 shacyächimänanchipaj. Chaymi
 ñacay chayapamaptinchisi, runa
 jagayächimaptinchisi, Tayta Diosnin-
 chita cushish mañacushuwan.
¹²Payllata alliman churar
 cawashun. Payga alli ñawinwan
 ricamashpanchi wamrachaca-
 mashcanchi. Janaj pachaachu alli
 cawaymanpis churamäshunpaj.

¹³Supaypa maquinpita jishpichi-
 mashcanchi. Jinarcu Wawan
 Jesúspa maquinman churamash-
 canchi. ¹⁴Paymi jucha aparicuypita
 jishpichimashcanchi. Llapan jucha
 aparicushanchita Tayta Diosninchi
 jungananpäpis nuwanchi-raycur
 wañusha.

Washäcuj Jesúsman pipis mana tincushan

- ¹⁵ Quiquin Tayta Diosninchita
 mana ricanchichu.
 Wawan Jesústa ricarmi ichanga,
 Tayta Diosninchipa shungun
 imanuy cashantapis sumaj
 tantiyacunchi.
 Jesúswan Tayta Diosninchi
 quiquishllan.
 Payman imasi mana tincunchu.
 Imatapis mana camallarraj,
 Tayta Diosninchi
 ricsichicusha.
- ¹⁶ Jesúspa ricay ñawinchu llap-
 lapantapis camasha.
 Washäcuj Jesús-ima Tayta
 Diosninchi cay pachatapis,
 janaj pachatapis camasha.
 Ricashanchitapis, mana ricashan-
 chitapis camasha.
 Munayniyuj anjilcunatapis
 camasha.
 Llapanta maquinchu purichi-
 nanpaj Washäcuj Jesús-ima
 camasha.
 Chaymi Jesústa llapanchi
 alliman churashun.
- ¹⁷ Chaura mana imasi caycaptillan,
 Jesús cawaycaran.
 Paymi Tayta Diosninchi
 camashanta llapantapis
 maquinchu purichin.
- ¹⁸ Jutucuj irmänucunapis
 maquinchu cawanchi.

Tayta Diosninchi cawarachimu-shanpita-pacha maquinchu charämanchi.

Payman mana pipis tincunchu.

¹⁹ Chaymi Tayta Diosninchi shungun imanuy cashantapis Washäcuj Jesúswan sumaj musyachimanchi.

²⁰ Washäcuj Jesúspita Tayta Diosninchi llapan camashan-cunatapis alli ñawinwan rican.

Nuwanchi-raycur ruschu wañushanpita alli ñawinwan rican janaj pachachu-cajcunatapis, cay pachaChu-cajcunatapis.

²¹ Unayga Tayta Diosninchita mana wiyacurayquichu. Payta ticrapur, juchata aparicullar cawarayqui.

²² Chaypis Washäcuj Jesús nuwanchi-raycur wañushanpita Tayta Diosninchipa shungunman tincunchi. Llapantapis rurasha ricay ñawinchu juchaynajta ricamänanchipaj. ²³ Ricay ñawinchu alli cawananchipaj llapan shungunchiwan Jesúsman yupachicushuwan. Alli willapanta wiyacushuwan. Ama yamacashunchu. Alli willapanta may-chaychüpis willacurcaycan. Nuwapis willacuycă.

²⁴ Tayta Diosninchipa shiminta jamcunata willapashä-janan ñacachimaptinsi, cushicü: «Washäcuj Jesústa ñacachishan-jina runacuna wíchgärächimasha jutucaj irmänunchicunata willapashäpita» nir. ²⁵ Jamcunata llaquipar, Tayta Diosninchi éhuramasha shiminta willacur purinäpaj. Chaymi llapan irmänunchicunata maychu juturap-tinpi, Tayta Diosninchipa shiminta sumaj tantiyacunanpaj yanapä.

²⁶ Shungun yarpashanta canancaman

Tayta Diosninchi mana musyachicushachu. Yupachicuptinchim ichanga, musyaycăchimanchi.

²⁷ Camacächishanga sumaj-sumaj alli captin, tantiyayta mana atipanchichu. Chaypis llapan runata llaquipar, nuwanchi-raycur wañunanpaj Washäcuj Jesústa cáchamusha. Payga maquinchu purichimanchi. Tayta Diosninchipa ñaupanmanpis éhayachimäshunpaj.

²⁸ Nuwacuna Washäcuj Jesúspa shiminta willapăci. Pi-maytapis piñapă juchata mana aparicullar cawanapaj. Alli shimillăpa yačhăchăpis Washäcuj Jesúspa shungun munashannuy cawanapaj. ²⁹ Chaymi shiminta llapan runa wiyanan-raycur llapan shungüwan willapaycă. Willapănăpaj Washäcuj Jesús sumaj shacyăchiman.

2 ¹ Sumaj llaquishajta jamcuna musyanqui. Mana jungallar jamcunapăpis, Laodicea marcachu irmänunchicunapăpis, mana ricsimaj irmänunchicunapăpis Tayta Diosninchita mañacapuycă.

² Shacyăchishunayquita mună. Alli ricanacur juc shungulla cawash-payqui Tayta Diosninchi yarpashanta wiyacunayquipăpis, Washäcuj Jesús pi cashanta sumaj tantiyacunayquipăpis mañacı. Paytaga Tayta Diosninchi ricsichimashcanchi. ³ Washäcuj Jesúсна Tayta Diosninchipa shungun yarpashanta tantiyachimăshun.

⁴ Chaymi pipis mana pantachishunayquipaj llapantapis willapaycaj. Panchicujcuna cushichipayllapa imatapis riman. ⁵ Caruchu caycarpis, mana ricarpis, llapaniquipaj yarpačhacuycă. Chaymi Tayta Diosninchita manchapacur cawaptiquipis, Washäcuj Jesústa wiyacuptiquipis, jatunpa cushicü.

**Taytanchi Jesúspa shungunman
tincushanta rurashun**

⁶Washäcuj Jesústa taytacha-cushcanchi. Chaymi shungun munashanta rurashun. ⁷Shiminta wiyashanchi-jina sumaj yupachicushun. Payman tanacushun. Sumaj wiyacushun. Imay-imaypis Tayta Diosnillanchita alliman éhurashun.

⁸Sumaj wiyacunqui. Pantachicuj-cunapa shiminta ama éhasquipan-quichu. Paycuna mana Washäcuj Jesúspa shimintachu willacun. Manchäga llutanta riman. Yaéhaj-tucurpis, runa yarpashallanta riman. Jircacunaman yupachicun. ⁹Nuwanchipämi ichanga Washäcuj Jesús quiquin Tayta Diosninchí. ¹⁰Paypa maquinchu caycan llap-llapan munayniyujcunapis. Nuwanchitapis maquinchu charämanchi. Imaysi mana caéharimäshunchu.

**Ushyachicuypita,
cawarimuypita
tantiyachicushan**

¹¹Unayga Israel runacuna Tayta Diosninchipa maquinchu cawar, jirucuj. Nuwanchim ichanga Washäcuj Jesúsman yupachicushanchipita Tayta Diosninchipa maquinchu cawanchi. Cananga mana: «Jucha-sapa canqui» nimanchichu. Manchäga Jesús-raycur: «Juchaynaj canqui» nir alli ñawinwan ricamanchi. ¹²Juchanchi-janan Jesús wañuyman éhayashantapis, ayanta pampashanta musyanchi. Tayta Diosninchim ichanga cawarachimusha. Chaymi llupinpa aywar juchanchipita wanacur, yacuwän ushyacunchi.

Chaura juchaynajta-jina Tayta Diosninchí ricamanchi. ¹³Unayga juchata aparicullar, wañush-jina Tayta Diosninchipa ricay ñawinchu cawashcanchi. Chaymi Tayta Diosninchí mana jirucushta-jina, jäpa runata-jina ricashcashunqui. Cananmi ichanga Washäcuj Jesús-raycur Tayta Diosninchí llapanchita allina ricamanchi. Llapän juchanchi-tapis jungasha. ¹⁴Unayga Moiséswan Tayta Diosninchí shiminta musyachicuran. Pipis shiminta sumaj-sumaj mana éharcuptin, ñacayman éhayanan caran. Jesúsmi ichanga washämänanchi-raycur ruséchu wañuyman éhayasha. Chaypita juchanchi ushyaraycan. ¹⁵Unayga jircacuna maquichacamashecanchi. Tayta Diosninchim ichanga quiquinpa maquinchu purichimänanchipaj llapan jircacunatapis, supaycunatapis éhipusha. Llapanpa ricay ñawinchu pingayman éhurasha Jesús washämaptinchi.

**Pampaman mana
échuranacunanpaj willapashan**

¹⁶Washash caycaptinchi, pipis mana jitapamäshuwanchu: «Juchata aparicuycanqui» nir imatapis micushanchi-janan, upushanchi-janan, fiestata rurashanchi-janan, diyawardacuna-janan. ¹⁷Chay rurashanchicuna ushyacajlla. Chaypis Washäcuj Jesús camacächinanta musyaycächiran. Payman yupachicuptinchi, Tayta Diosninchí rasunpa allina ricamanchi. ¹⁸Waquin runa alli shungu-tucur, anjilcunatapis taytachacun: «Ricaripamasha» nir. Allitucujcunaga umallanpita imatapis jurgun. Paycunata ama mancha-

pacushuwanchu. ¹⁹Chay-niraj runacuna Washäcuj Jesústa mana taytachacunchu. Washäcujga llapan yupachicujcunata yanapan shiminta sumaj tantiyacunanchipaj, jucninchijucninchipis alli ricanacunanchipaj, Tayta Diosninchipa shungun munashallanta rurananchipaj.

²⁰Cananga jircacunata ama manchapacushunchu. Mana maquinchüchu cawanchi. Manchäga nuwanchi-raycur wañushanpita-pacha Washäcuj Jesúspa maquinchu cawanchi. Paypa maquinchu caway-carga, pantachicujcunapa shimintapis ama éhasquipäshuwanchu. ²¹Paycuna Tayta Diosninchijalli ricananta yarpar, ricsish-ricsishllata imatapis charan. Ricsish micuytapis micun. Ricsish imacunallatapis yatan. ²²Runacuna umallanpita jurgushanga watanmaylla jungacäcun. ²³Runa yarpashanpis allitaga allim. Waquinta allillata ruran. Allichu llucshiyta munar, ñacayta ashin. Chaypis juchallachu arun. Quiquincunalla alli-tucun. Mana Tayta Diosninchitachu alliman échuran.

Washäcuj Jesústa ricacushun

3 ¹Nuwanchitam ichanga Washäcuj Jesús alli cawayta tarichimashcanchi. Chaymi Washäcujninchij Jesús cawashan-jina cawashun. Payta janaj pachaman shuntacur Tayta Diosninchij allichu jurgusha. Munayniyuj cananpaj échurasha. ²Nuwanchipis Tayta Diosninchipa shungun munashallantana imatapis rurashuwan. Juchatapis ama aparicushunchu. ³Shungunchi munashallanta mana ashinchinachu.

Manchäga Washäcuj Jesúspa maquinchüna Tayta Diosninchij purichimanchi. ⁴Chaymi Jesús cutimur, llapanpa ricay ñawinchu janaj pachaman pushacamäshunpaj. Chaychu achic-achicyaycar imaycamanpis cawashunpaj.

⁵Chaura shungunchi munashanta ama rurashunnachu. Majallayquiwan cacunquiman. Jucwan-jucwan ama cacunquichu. Warmi-pächa, runa-pächa ama canquichu. Marca-pingay ama cawanquichu. Imatapis ama munapanquichu. Mallaj ama canquichu. Mallajcunaga jillayman yupachicur, Tayta Diosninchitapis jungaycun. ⁶Chay-niraj juchachu arujcuna-jina ama cawashunchu. Mana wiyacujcunata ullgüpar, Tayta Diosninchij ñacachingapaj. ⁷Unayga Tayta Diosninchita mana wiyacur, paycunapa llupinpa purishcanqui. ⁸Tayta Diosninchipa shiminta wiyaycarga, ama jagayächinacunquichu. Ama piñanacunquichu. Ama tichshaparänacunquichu. Ama jayapänacunquichu. Ama ashllinacunquichu. ⁹Juchachu cawashayqui-jina ama llullapänacunquichu. ¹⁰Cananga juchaynajta Tayta Diosninchij ricamanchi. Shungun munashanta rurananchipäpis, shungunman tincunanchipäpis yanapaycämanchi. ¹¹Payga mana ricayninchipitachu alli ricamanchi. Mana imananchu Israel runa captinchisi, jäpa runa captinchisi, éacra runa captinchisi, chunchu captinchisi, puricuj piyun captinchisi, patrun captinchisi. Llapanchita alli ricamanchi Washäcuj Jesúspa shiminta éhasquicushallanchipita. Paypa maquinchümi llapanchipis cawanchi.

¹²Llaquipämashpanchi Tayta Diosninchí wamrachacamashcanchi. Chaymi llaquipänacushun. Wamayänacushun. Ama allitucushunchu. Ama warminquichu. Ama ullgunquichu. Imapitapis upällacushun. ¹³Irmänunchicunawan tantiyanacushun. Imatapis alli shimillawan ushyacächishun. Juchanchita Tayta Diosninchí mayna jungasha. Chay-jina nuwanchipis irmänunchipa juchanta ama yarpärashunchu. ¹⁴Sumaj llaquinacushun. Llaquinacur, juc shungulla cawashun. ¹⁵Washäcujpa maquinéchu cawaycar, allilla juyäshun. Jaucalla cawananchipämi, juc shungulla cawananchipämi wamrachacamashcanchi. Chaymi imapitapis Tayta Diosninchita alliman éhuralläshun.

¹⁶Washäcuj Jesúsapa shiminta wiyacunqui, ari. Shunguyquiman éhayaptin, Tayta Diosninchipa shiminta tantiyachinacunqui. Anyapänacunqui. Salmucunata cantar, alabansacunata cantar, Tayta Diosninchita alliman éhuranqui. ¹⁷Ima allish nuwanchi-raycur Washäcuj Jesúsapa Tayta Diosninchí caçhamusha. Paypa maquinéchu cawar, shungun munashallanta rurashuwan. Payllapita rimashuwan.

Irmänucuna imanuy cawanapäpis tantiyachicushan

¹⁸Irmänacuna, Tayta Jesúsapa maquinéchu cawashayqui-janan majayquipa maquinéhipis cawanquiman.

¹⁹Irmänucuna, warmiquita llaquinquiman. Nishayqui-nishayqui imatapis ama rurachinquimancho.

²⁰Wamracuna, mamayquityaytaquita wiyacunquiman.

Wiyacuptiqui, Tayta Diosninchipa shungunmanpis tincunqui.

²¹Mama-taytacuna, wamrayquicunata ama jagayächinquimancho. Jagayächiptiqui, llaquish cawanga.

²²Piyun arur purijcuna, sumaj wiyacunquiman. Washäcuj Jesúsapa manchapacushayqui-jina patrunituipa ricay ñawinéchu carpis, juclächu carpis, manchapacunquiman. Ricashunallayquipäga ama aruj-tucunquimancho.

²³Mandunta rurar, Jesúsapa mandunta ruraycay-jina shacyashacyalla imatapis rurancuiman.

²⁴Paypa shiminta wiyacunchi. Chaymi shungun munashallannuy cawaptinchi aunishanta éharcur, Taytanchi Jesucristu alli cawayman éhuramäshunpaj. ²⁵Juchata aparicullar cawaptinchim ichanga, jucha aparicushanchiman-tupu Tayta Diosninchí jurgapäshunquipaj. Payga jucha aparicujcunata mana chapangapächu.

4 ¹Piyunta mincacuj irmänucuna, mincayniquicunata alli ricanquiman. Jamcunapis Tayta Diosninchipa maquinéchu cawarcaycanqui. Payga llapanchita ricaycämanchi.

Irmänucunata Pablo piñapashan

²Irmänucuna, llutalla ama cawacunquichu. Manchäga Tayta Diosninchita mañacur cawanquiman. Imaman éhayaptiquisi, cushicärinquiman. ³Washäcujpa shungun yarpashanta willapäcunäpaj nuwacunapäpis mañacunqui, ari. Jishpichimänanchipaj willacushäpita runacuna wíchgaraycächiman.

⁴Llapan runata sumaj tantiyachinäpaj mañacunqui, ari.

⁵Mana yupachicujcunapa ricay ñawinchüpis cuyay-munaypaj cawashun. Jäcurpis, mana jäcurpis, Tayta Diosninchipa shiminta willapäcunqui. ⁶Pitapis mana nanächipällar willacunqui, ari. Imata tapushuptiquipis, alli shimi-layquipa tantiyachinqui, ari.

Cartapa ushyanan

⁷Imanuy cawashätapis willashu-nayquipaj yačhänacushä irmänunchi Tíquicuta cačhaycämü. Payga Washäcuj Jesúspa mandunta ruran. Washäcujpa shiminta willacuptipis, willacäshimasha. ⁸Chaymi imanuy juyarcaycashäta willashu-nayquipäpis, sumaj shacyächishu-nayquipäpis cačhaycämü. ⁹Tíquicutawan-ima marca-masiqui Onésimutapis cačhaycämü. Paycuna imanuy carcaycashätapis willa-shunquipaj. Onésimuwan sumaj yačhänacü. Payga Tayta Diosnin-chita sumaj wiyacun.

¹⁰Carsilchu wíchgaraj-masí Aristarcupis wamayäshunqui. Bernabípa yawar-masin Marcospis wamayäshunqui. Marcos imata rurashantapis musyanqui. Chaymi chayamuptin, alli ricanqui, ari. ¹¹«Jesús» jutiyuj Justupis wamayäshunqui. Israel casta irmänunchicuna quimsajlla Tayta Diosninchipa shiminta

willacupti, yanapämasha. Sumaj shacyächimasha. ¹²Marca-masiqui Epafaspis sumaj wamayäshunqui. Payga Washäcuj Jesúspa mandunta ruran. Jancunapäpis Tayta Diosninchita mañacun: «Colosas irmänucunata yanapaycullay, ari. Yarpashayqui shungunman chayachun. Munashallayquita rurachun» nir. ¹³Epafras llaqui-shushayquita rinriwan wiyashcä. Laodicea marcachu, Hierápolis marcachu irmänunchicunapis sumaj llaquishunqui. Mana junga-shunquichu. ¹⁴Yačhänacushä jampicuj Lucaspis, Demáspis sumaj wamayäshunqui.

¹⁵Laodicea marcachu jutucaj irmänunchicunatapis wamayapämanqui, ari. Irmäna Ninfatapis, wasinchu jutucaj irmänucunatapis wamayapämanqui. ¹⁶Cay cartata liguircur, Laodicea marcaman apachinqui jutucaj irmänucuna liguinanj. Laodicea marcaman apachishä cartatapis liguinquiman. ¹⁷Yupachicuj-masinchi Arquiputa piñapay: «Washäcuj Jesúspa maquinchu cawar, shiminta charcunanchi» nir. ¹⁸Quiquína cay cartapa ushyananta isquirbiycämü. Llapaniquita sumaj wamayaj. Carsila-rashäta ama junganquichu, ari. Llapaniquitapis Tayta Diosninchipa yanapayculläshunqui. Chayllana.

Tesalónica marcachu irmänucunaman San Pablo cartacushan 1

Tantiyacunanchipaj:

Pablo cay cartata isquirbiran Tesalónica marcachu jutucaj irmänucunaman. Tesalónica marca Macedonia quinranchu jatun marca caran. Chay marcachu Pablo willapäcuptin, Israel runacunapis, jäpa runacunapis Jesúspa shiminta éhasquicuran. Tesalónica marcachu Pablo willapäcushanpita musyayta munar, liguinqui: Hechos 17.1–15.

Tesalónica marcachu Pablo willapäcuptin, waquin Israel-masincuna wañurachiyta munaran. Chaymi juc quillalla willapäcur juyaran. Chaypita juclä marcacunapa willapäcur aywacuran. Chaypis Tesalónica irmänucunata mana jungaranchu. Paycunaga ñacarsi, Jesúsman yupachicurshi cawarcaycaran. Chaynuy cawashanta watucujnuy shamur Timoteo willaran. Chaypitam cushicushpan Tesalónica irmänucunata shacyächinapaj Pablo cartacuran.

Pablo isquirbiran:

- Tesalónica irmänucunata alliuchu jurgushanpita, runacuna ñacachiptinsi Jesúspan yupachicushanpita: **1 Tesalonicenses 1.1–10.**
- Quiquinta ñacachiptinpis, mana yamacällar willapäcushanpita: **1 Tesalonicenses 2.1–3.13.**
- Washäcuj Jesús cutimunanpita, Tayta Diosninchipa shungun munashannuylla cawanapita: **1 Tesalonicenses 4.1–5.28.**

Pablo wamayashan

1 ¹Tesalónica marcachu jutucaj irmänucuna, nuwa Pablo, Silvanuwan, Timoteuwan-ima cartacallämü. Tayta Diosninchipa maquinchu, Tayta Jesucristupa maquinchu cawashayquipita llapaniquita wamayämuj. Paycuna llaquipäshushpayqui yanapaycullashunqui. Allilla cawaycachillashunqui, ari.

Tayta Diosninchita alliman éhurashan

²Waran-waran Tayta Diosninchita mañacur, jamcunapäpis mañacurcaycä. Cushicur, mana yamacällar ni:

³«Taytallau Tayta, ima allish Tesalónica irmänucunata yanapaycanqui. Paycuna llapan shungunwan yupachicushunqui. Runa-masintapis llaquipan. Mana yamacällar Taytanchi Jesucristutapis shuyarpaycan.»

⁴Irmänucuna, Tayta Diosninchi sumaj llaquipäshunqui. Maquinchu cawanayquipäpis quiquin acracushcashunqui. ⁵Jesúspa alli willapanta willapashcaina. Ichanga shimilläpita shunguyquiman mana chayashachu. Manchäga munayninwanraj Tayta Diosninchi tanti-yachishcashunqui. Espíritu Santupis shunguyquiman sumaj chayachisha. Jananmanpis jamcuna-raycur ricay ñawiquichu alli cawapäcushcä.

⁶Chaymi Tayta Jesús pa shiminta éhasquicur alli cawashäta ricar, Jesúsmanpis, nuwacunamanpis ricacäramashcanqui. Jesús pa shiminta éhasquicushayquipita runacuna ñacachishuptiquisi, Espiritu Santu shacyächishcashunqui cushishalla cawanayquipaj. ⁷Chaymi alli cawashayquita llapan irmänucuna musyan. Macedonia quinranchüpis, Acaya quinranchüpis jamcunaman ricacurcaycan. ⁸Jamcunapita maychaychüpis Tayta Jesús pa shiminta musyarcaycan. Ichanga mana Macedonia quinrallanchüchu, mana Acaya quinrallanchüchu, manchäga maychay-tucuy marcacuna chüpis musyarcaycan. Llapan musyan Tayta Diosninchiman yupachicur maquinchu cawarcaycashayquita. Chaymi nuwacuna willapäcur purinä mana camacannachu. Yanga-llapa chi willapäshäpis. ⁹Tayta Diosninchipa shiminta willapashajta llapan musyan. Payta wiyacur, jircacunatapis wasguipashcanqui. Mana manchapacunquinapishchu. Manchäga cawaj Tayta Diosninchimanna yupachicurcaycanqui. Payta manchapacur, shungun munashannuy cawarcaycanqui. ¹⁰Cananga Wawan Jesús janaj pachapita cutimunantapis shuyarpaycanqui. Jesústa wañushanpita Tayta Diosninchipa cawarachimusha. Chaymi llapan runacunapa juchanta jurgapaptin, Jesús jishpichicamäshun.

**Tesalónica marcachu
Pablo willacushan**

2 ¹Irmänucuna, allipaj watucuj shamushäta musyanqui. ²Musyashayquinuypis Filipos marcachu runacuna ashllir ushya-

masha. Sumaj ñacachimasha. Ñacachimash captinsi, Tayta Diosninchiman yupachicur shiminta willapänä-raycur jamcunaman éhayamushcä. Marca-masiquicuna chapata ruramaptinsi, paypa alli willapanta willapashcaj.

³Mana mishquichipallarchu riguichishcaj. Mana pantachicurchu willapashcaj. Yächachirpis, mana llutan-tachu yächachishcaj. ⁴Shungüta Tayta Diosninchipa musyapan. Payga shiminta willapäcunäpaj éhuramasha. Chaymi runacunata mana cushicachinalläpachu willapäcuycä; manchäga Tayta Diosninchipa shungunman tincunanpaj. Payga llapan runapa shungunta musyapan.

⁵Irmänucuna, mana jatun-tucushäta musyanqui. Mana jillay-raycullarchu willapäcushcä. Chaytaga Tayta Diosninchipa musyan. ⁶Runacuna manchapacamar: «Taytallau tayta» nimänanta maychaychusi mana ashishcächu. ⁷Washäcuj Jesús pa cañan caycar, alli-tucuyta alli-tucüman caran. Chaypis mana alli-tucushcächu. Manchäga juc mama wamranta alli ricashan-jina jamcunatapis llaquipashcaj. ⁸Yächänacushpanchi Jesús pa alli willapanta willapänaj-raycur imamanpis éhayäman caran. Mana willapashalläwanchu ushyaranga. Manchäga wañuytasi jina tariman caran.

⁹Irmänucuna, nuwacuna sumaj arushätapis, ñacashätapis ama junganquimanachu. Tayta Diosninchipa alli willapanta willapäcushä wichan sumaj arur, pagas-junajpis jamayta mana tarishcächu. Arushcä mana

runapa-cajllaman ricaränäpächu.
¹⁰Manchapacur cawapäcushäta jamcunapis, Tayta Diosninchipis musyan. Ricay ñawinchüpis, ricay ñawiquichüpis allillata rurar cawapäcushcä. Mana imaçhüpis juchallicushcächu. ¹¹Jamcunata wamräta-yupay ricashcä. ¹²Chaymi shacyächipaycar, willapaycar, anyapaycar, llapaniquiwan juyashcä. Tayta Diosninchipa shungun munashannuy cawanayquipaj yaparir-yaparir willapashcä. Paymi acracamashcanchi maquinchu imaycamanpis cushishalla cawananchipaj.

¹³Irmänucuna, Tayta Diosninchipa shiminta willapapti, çhasquicärishcanqui: «Palcuna Tayta Diosninchipa shiminta willapaycämanchi; mana runapa yarpayllanpitachu» nir. Tayta Diosninchipa shimin captin, shunguyquiman çhayasha. Payman yupachicuptiqui, maquinchüna puriyçächishunqui shungun munashannuy cawanayquipaj. Chaymi jamcunapita mana yamacällar ni: «Taytallau Tayta, ima allish shimiqui shungunman çhayasha. Chaymi çhasquicärishcashunqui.»

¹⁴Chaypis Washäcuj Jesúsman yupachicur Tayta Diosninchipa maquinchu cawashayquipita marca-masiquicuna ñacachish-cashunqui. Judea quinranchu jutucay irmänucunata Israel marca-masincuna ñacachishan-jina jamcunatapis ñacaycächishunqui.
¹⁵Judea marcacunachu Tayta Diosninchipa willacujnincunatapis, Tayta Jesústapis wañuchiran. Nuwacunatapis jaticächämar ushya-

masha. Palcuna chiqui runa. Tayta Diosninchita ullgüchin. Runa-masincunapa cunchan jatarin.

¹⁶Chiquicuj Israel runacuna chapata ruraman. Juclä marcacunachu Tayta Diosninchipa shiminta mana ricsijcunata willapänätapis miçhëman. Maquinchu cawananchipaj Tayta Diosninchipa jishpichinan-tapis mana munanchu. Juchaçu arurpis, juchanta miraycächin. Chay-niraj cashanpita Tayta Diosninchipis ullgur ñacayman jaycurij-jaycurijllana caycan.

Yapay watucuyta Pablo yarpashan

¹⁷Irmänucuna, jamcuna-cajpita aywacur, sumaj llaquicushcä. Jamcunapaj yarparar, llapaniquiwan tincuyta sumaj munashcä.
¹⁸Nuwacuna watucuj shamuyta sumaj munashcä. Quiquipis achca cuti shamuyta munashcä. Chaypis Supay chapata llapanita ruramasha.
¹⁹⁻²⁰Ichanga Tayta Diosninchiman yupachicushayquipita, maquinchu cawashayquipita sumaj cushicü. Jesúspa ñaupanchüpis tincushunpaj. Taytanchi Jesús cutimur arushan-chipita tapumaptinchi, jamcunapita sumaj cushicur, shungüacunapis achicyacäcunga.

Pablo llutäpacushan

3 ¹Irmänucuna, shungü llaquicäcuptin alli carcaycashay-quita musyayta munarä. Chaymi Atenas marcapita ²irmänunchi Timoteuta caçhacamushcä. Payga Washäcuj Jesúspa alli willapanta willapäcupti, willacäshiman. Ima ñacaychu caycaptiquisi, Tayta Diosninchipa shiminta tantiyachishun-

quipaj. Maquillanču cawanayquipäpis shacyächishunquipaj. ³Sumaj shacyäcur ima ñacayman chayarsi, pipis mana witicungachu. Ñacayman chayananchita musyanqui. ⁴Unayna willaparaj: «Ñacayman chayashunpaj» nir. Cananga nishänuylla äñir, ñacarcaycanchi. ⁵Chaymi jamcunata llaquipar imanuy cawarcaycashayquitapis musyanäpaj Timoteuta caçhacamushcä. Juchacachicuj Supay juchaman janéhashunayquita manchacur yarpaçhacushcä: «¿Tayta Diosninchipa maquinéchuichuraj cawarcaycan? ¿Shimintapis manacajllapächuraj willapäcushcä?» nir.

⁶Cananga Timoteo cushish chayamur, nimasha: «Tsalónica marca irmänunchicuna alli carcaycan. Irmänu-masinwanpis llaquipänacur yanapänacurcaycan. Paycunawan tincuyta munashayqui-jina paycunapis sumaj watujyaycäshunqui» nir. ⁷Irmänucuna, Tayta Diosninchiman yupachicur maquinéchu cawashayquita mayar, nuwacuna jatunpa cushicü. Ñacaychu caycaptisi, llaquicuyéchu caycaptisi, jamcuna sumaj shacyächimanqui. ⁸Tayta Jesús pa maquinpita mana witucushayquita musyar, shungüpis achicyacäcun. ⁹Chaymi sumaj-sumaj cushicur ni: «Taytallau Tayta, ima allish Tsalónica irmänucuna cushicuyman çhramasha. Allipaj yanapashcanqui.» ¹⁰Yapay tincunanchipäpis waran-waran llapan shungüwan Tayta Diosninchita mañacurcaycä. Tincurga, shacyächishayqui Tayta Diosninchiman sumaj yupachicärinayquipaj, shungun munashannuylla cawapäcunayquipaj.

¹¹Watucuj shamunäpaj Tayta Diosninchipis, Taytanchi

Jesúspis camacaycachichun.

¹²Irmänucunawanpis, runamasiquicunawanpis mas llaquipänacur cawanayquipaj Tayta Jesús yaçhaycächishunqui. Jamcunata alli ricashä-jina llapanwan alli ricanacärinquiman. ¹³Tayta Jesús yanapayculläshunqui llapan shunguyquiwan Tayta Diosninchiman yupachicunayquipaj, shungun munashannuylla cawanayquipaj. Chaymi Taytanchi Jesús acracushancunawan cutimuptin, juchaynajtana Tayta Diosninchipa ricamäshunpaj.

**Tayta Diosninchipa
shungun munashannuy
cawanapaj willapashan**

4 ¹Irmänucuna, cananga Tayta Jesús nimashannuylla shacyächishayqui. Shimäta wiyacur, Tayta Diosninchipa shungun munashannuy cawayta yaçhacushcanqui. Shungunmanna tincurcaycanqui. Chaypis shungun munashannuylla sumaj-sumaj cawanayquipaj piñapäshayqui.

²Tayta Jesús pa caçhan cashpä yarpashanta mayna willapashcay.

³Tayta Diosninchipa shungun munashannuylla cawanquiman. Juchata ama aparicunquimancho. Warmi ullgupis jucwan-jucwan ama puricunquimancho. ⁴Majachacarraj warmi runanta çhasquinman. Runapis warmillanta yatanman. Jucpa majanwan ama cacunquimancho. Manchäga llapanpa ricay ñawinéchu majayquiwan alli cawanquiman. Tayta Diosninchitapis sumaj manchapacunquiman. ⁵Tayta Diosninchita mana manchapacuj runacuna-jinaga ama canquichu. Paycuna warmi-pächa. Warmipis

runallapaj wañun. ⁶Irmänuyquipa majanman ama yaycapunquichu. Pipis llutanta ruraptin Tayta Diosninchi unyanta cutichir, sumaj ñacachinga. Chaytaga mayna willapashcaj. Piñapashcaj. ⁷Tayta Diosninchi mana acracamashcanchichu juchallata rurar cawananchipaj; manchäga shungun munashannuylla cawananchipaj. ⁸Chaymi shimita mana wiyacur, quiquin Tayta Diosninchitapis wasguiycanqui. Paymi shungun munashannuylla cawananchipaj Espiritu Santuta cáhamusha.

⁹Irmänucuna, quiquiqui-pura alli ricanacunayquipaj Tayta Diosninchi mayna tantiyachishcashunqui. Chaymi nuwa mana rimacümanchu. Mana cartacümanpishchu.

¹⁰Macedonia quinranchu llapan irmänucunawanpis alli ricanacuy-canqui. Chaypis pishishushayquipita wallcallata yarparächishayqui.

¹¹Willapashä-jina cuyay-munaypaj cawanquiman. Jucpa-cajman ama ricananquiman. Manchäga maquiqui arushanwan cawanquiman. ¹²Chaynuy cawap-tiqui, llapan runa alli ricashun-quipaj. Pishipacuymánpis mana chayanquipächu.

Washäcuj Jesús cutimunan captin, ama llaquicushunchu

¹³Irmänucuna, Tayta Diosninchiman mana yupachicujcuna wañupacush car, juyupa llaquicun: «Runa-masiwan manañhi tincushänachu» nir. Nuwanchim ichanga Tayta Diosninchiman yupachicunchi. Chaymi juyupa mana llaquicunayquipaj wañushcunapita rasun-cajta tantiyachishayqui.

¹⁴Musyanchi wañushanpita Jesús cawarimushanta. Chaymi pitapis wañush captinsi, Jesústa cawarachishan-jina payman yupachicushanpita Tayta Diosninchi cawarachinga. Cawarimujcunata Jesúswan ñaupanman pushacunga.

¹⁵Cananga cutimunan junajpita quiquin Tayta Jesús pa shiminta musyachishayqui. Cawaycajcuna wañushcunata mana ñaupapan-gachu. Jesús cutimunan junaj cawaycarpis, wañushcunata mana ñaupapashunchu. ¹⁶Janaj pachapita Tayta Jesús cutimur, wañushcunata cawarachimunga. Tayta Diosninchipa mayur anjilninwan jayachimunga. Juc anjilpis curnitanta tucamunga. Chay junaj wañushcunata payman yupachicush captin, cawarachimunga.

¹⁷Jinarcurraj nuwanchi cawaycajcunatapis illajpita apacamashun paycunawan tincunanchipaj. Pucutay jananchu Tayta Jesúswan tincushunpaj. Tincur, imaycamanpis Tayta Jesús pa ñaupallan chu cawashunpaj. ¹⁸Chaymi cayta musyashpayqui jucniqui-jucniquipis shacyächinacunquiman.

Tayta Diosninchipa shiminta wiyacunanpaj cashan

5 ¹Irmänucuna, Jesús cutimunanta mayna musyanqui. Imay wichan cashantapis, imanuy canantapis tantiyashcanqui. ¿Imapänataj willapashayqui? ²Suwa-jina chacaypa mana yarpashpita Tayta Jesús cutimunanta musyanqui. ³Cutimunan junaj mana wiyacujcuna cushish cawarcaycangapaj: «Cananga allilla cawarcaycanchi. Mana imapis canchu» nir. Niycaptillan, mana yarpashpita

paycunaman ñacay chayapunga. Llapanta ushyaringa. Mayganpis mana jishpingachu. Jishyay warmita mana yarpashpita nanay charishan-jina ñacay chayapunga.

⁴Chaymi chacajchu-jina juchachu ama puriychu. Tayta Jesús suwa-jina mana yarpashpita cutiramunga. ⁵Llapaniqui achquiachu-jina puriy-canqui Tayta Jesús pa maquinchu cawashpayqui. Llapan ricay allillata rurarcawacanqui. Mana chacajchünachu llutanta rurarcapurircaycanqui. ⁶Chaymi ima juchatapis ama aparicunquimanchu. Jucha chu arujcuna mana imasi jucullar, puñucash runa-jina juyäcun. Nuwanchim ichanga Jesús wan tincunanchipaj shungun munashannuy cawar shuyaj-shuyajlla caycäshun. ⁷Jesús cutimunanta mana imasi jucujcuna chacajchu-jina cawan. Puñucash runa-jina cawan. Upyalla chu arun. ⁸Nuwanchim ichanga achquiachu-jina cawar, shuyaj-shuyajlla caycar, allillata rurashun. Tayta Diosninchiman sumaj yupachicushun. Llaquipanacur cawashun. Maquillan chu cawaptinchi, imapitapis jishpichimäshun. ⁹Nuwanchita acracamashcanchi mana ñacayman chayachimänanchipachu; manchäga Washäcuj Jesús wan jishpichimänanchipaj. Payga Taytanchi. ¹⁰Paymi jishpichimänanchi-raycur wañuyman chayasha. Tayta Diosninchipa maquinchu cawaptinchiga, wañushtapis, cawaycajtapis Jesús apacamäshun iwal cawananchipaj. ¹¹Chaymi shacyächinacur, cawaycashayqui-jina shacyächinacunqui. Willapashaj-jina tantiyachinacur cawanqui.

Alli cawananjaj Pablo piñapashan

¹²Irmänucuna, Tayta Diosninchipa shiminta willapäcujcunata alli ñawiquipa ricanquiman. Paycuna sumaj ricashunqui. Tayta Jesús pa maquinchu cawashayquipita piñapashunquipis. ¹³Paycunata sumaj llaquipanquiman. Llapan rurashanpita alli ricanquiman. Quiquiqui-purapis alli ricanacunquiman.

¹⁴Irmänucuna, shimita sumaj wiyacunquiman. Jillacunata piñacunquiman imatapis rurananjaj. Llaquishcunatanata shacyächinquiman. Jishyachucunatapis yanapanquiman. Tantiyanacur, llapan runawan alli ricanacunquiman. ¹⁵Pipis llutanta ruraptin, ayninta ama cutichinquimanchu. Manchäga quiquiqui-purapis, wajta runacunawanpis alli ricanacur yanapanacunquiman. ¹⁶Ima captinpis, cushishalla cawanquiman. ¹⁷Mana yamacällar Tayta Diosninchita mañacunquiman. ¹⁸Imamanpis chayar, ninquiman: «Taytallau Tayta, ima allish Washäcuj Jesús pa maquinchu cawanapaj camacächishcanqui.»

¹⁹Espíritu Santuta chapata ama ruranquimanchu. ²⁰Tayta Diosninchipa willacujnincunapa shiminta pampaman ama churanquimanchu. ²¹Ichanga sumajraj mayapanquiman. Llutanta rimaptin, ama chasquipanquichu. Allita rimaptinmi ichanga, chasquicunquiman. ²²Ima juchapitapis witicunquiman.

²³Cananga allilla cawachicuj Tayta Diosninchipa yanapayculläshunqui shungun munashannuylla cawanayquipaj. Taytanchi Jesucristu cutimunancaman maquillan chu

puriycächishunqui ima juchaman
mana échanayquipaj. * ²⁴Paymi
acracushcashunqui. Shiminta
écharcur, llapanéchu yanapäshunqui.

Cartapa ushyanan

²⁵Irmänucuna, nuwacunapäpis
Tayta Diosninchita mañacärinqui,

ari. ²⁶Irmänu-purapis llapan
shunguyquiwan wamayänacärinqui.
²⁷Tayta Jesús pa cáchan caycapti,
shimäta ama jungaychu. Carta-
camushäta llapan irmänunchicunata
liguipay.

²⁸Llaquipäcuj Taytanchi Jesucristu
yanapayculläshunqui. Chayllana.

* **5.23** Griego rimayéchu runapaj yarpay quimsaman raquin. Chaymi castillänuéchu nin:
«espíritu, alma, cuerpo.»

Tesalónica marcachu irmānucunaman San Pablo cartacushan 2

Tantiyacunanchipaj:

Pablo cay cartata isquirbiran Tesalónica marcachu jutucay irmānucunaman. Ñaupata aywar, Jesúspita sumaj willaparan. Jesúspa shiminta chasquicushanpitaraj cartacuran. Chayta musuyta munar, liguinqui: Hechos 17.1–15; 1 Tesalonicenses.

Jipataraj llaquish caycashanta mayar, llutāpacuycashanta mayar, tantiyachinanj, shacyāchinanpaj cartacuran.

Pablo isquirbiran:

- Tesalónica irmānucunata allichu jurgushanpita, ñacaychu captin Tayta Diosninchita mañacapushanpita, Jesús cutimunanpita: **2 Tesalonicenses 1.1–12.**
- Jesús mana cutimuptillan pantachicuj runa ricarimunanj, irmānucuna Jesúspan yupachicullar cawananj: **2 Tesalonicenses 2.1–12.**
- Maquinchu cawananj Tayta Diosninchi acacushanpita: **2 Tesalonicenses 2.13–17.**
- Irmānucuna mañacapunanj: **2 Tesalonicenses 3.1–5.**
- Jilla irmānucunata piñapānanpita: **2 Tesalonicenses 3.6–15.**
- Wamayashanpita: **2 Tesalonicenses 3.16–18.**

Pablo wamayashan

1 ¹Tesalónica marcachu jutucay irmānucuna, nuwa Pablo, Silvanuwan, Timoteuwan-ima cartacallāmü. Ima allish Tayta Diosninchipa maquinchu, Tayta Jesucristupa maquinchu cawarcaycanqui. ²Tayta Diosninchipis, Tayta Jesucristupis llaquipāshushpayqui yanapaycullāshunqui. Allilla cawaycachillāshunqui, ari.

Tayta Diosninchita alliman churashan

³Irmānucuna, jamcunapita cushicunā camacan. Chaymi Tayta Diosninchita imaypis nī: «Taytallau Tayta, ima allish Tesalónica irmānucunata yanapaycanqui.

Paycuna sumaj-sumaj yupachicurcaycāshunqui. Quiquin-purapis sumaj llaquipānacurcaycan.» ⁴Chaymi juclā marcacuna chūpis jutucay irmānunchicunawan tincur, cushish willapā: «Tesalónica irmānucuna Tayta Diosninchipita mana witicunchu runacuna juyupa ñacachiptinsi, chiquiptinsi» nir. ⁵Llapan ñacaycunata ichipur, Tayta Diosninchi mana cacharishushayquita tantiyacunquipaj. Payga llapan runapa juchanta jurgapanga. Chaymi runa ñacachimaptinchisi, Tayta Diosninchipa shungun munashallanta rurashun.

Taytanchi Jesús cutimunanpita tantiyachicushan

⁶Tayta Diosninchi allillata rurar, ñacachishujniquicunata ñacachinga.

⁷⁻⁸Tayta Jesús ricsichicushan junaj nuwacunata-jina jamcunatapis alli cawayman éhurashunquipaj. Janaj pachapita anjilnincunawanpis, warau-warauyaycaj ninawanpis, Jesús achic-achicyaycar cutimuptin, llapantapis Tayta Diosninchicamacächinga. Juchaçu arujcunata unyanta cutichinga. Mana manchapacujcunatapis, Taytanchi Jesúspa shiminta mana éhasquicujcunatapis ñacayman éhayachinga.

⁹Mana wiyacujcunata ushyaypa illararachinga. Paycuna Tayta Jesúspa ñaupanman imaypis mana éhayangapächu. Achic-achicyaycaj ñaupanchüpis mana cawangapächu.

¹⁰Cutimushan junaj llapan irmänucuna Tayta Jesústa alliçu jurgunga. Shiminta éhasquicujcuna llapanmi alli ñawinpa ricanga. Jamcunapis shiminta willapapti éhasquicush caycar, alliçu jurgunquipaj.

¹¹Chaymi nuwacuna Tayta Diosninchita mañacuycă paypa maquinpita mana witicunayquipaj. Payga yanapëshunqui shungun munashannuy cawanayquipaj. Runa-masiquiwan alli ricanacunayquipäpis shacyächishunqui. ¹²Alli cawaptiqui, llapan runa Taytanchi Jesústa alliman éhura. Chaymi Jesúspis jamcunata sumaj alli ricashunqui. Chaynuy cawananchita munan llaquipäcuj Tayta Diosninchipis, Tayta Jesucristupis.

**Jesústa ticrapuj runa
ricarimunanpita
tantiyachicushan**

2 ¹Irmänucuna, cananga Taytanchi Jesucristu cutimur shuntacamänanchipita

willapëshayqui. Sumaj tantiyacunquiman. ²Pipis: «Washäcuj Jesús shamushana» nishuptiqui, ama éhasquipanquichu. «Jesús cutimushanta Espíritu Santu musyachimasha» nishuptiquipis: «Pablo willamasha. Cartacamusha» nishuptiquipis, ama éhasquipanquichu.

³Ima-imata nishuptiquisi, ama éhasquipanquichu. Tayta Jesús cutimunanj achicay runaraj Tayta Diosninchita ticrapunga. Apäricuj runapis ricarimunga. Apäricujmi ichanga Tayta Diosninchicamacächishannuylla ushyacayman éhayangapaj. ⁴Apäricuj runa llapan yaya jircacunapa cunchan jataringa. Wasincunatapis, jaranancunatapis juéhurachir ushyaringa. Jerusalén marcahüpis quiquin Tayta Diosninchita ticrapunga. Wasinmanpis yaycapunga: «Cay wasi nuwapa. Nuwallata manchapacäramanquiman. Nuwaga Tayta Diosniquicä» nir.

⁵Irmänucuna, jamcunawan caycaptillä, llapanta willashcaj. ¿Manachu yarpanqui? ⁶Cananllaga apäricuj runa manaraj ricarimunanta musyarcaycanquim. Chaparaycanraj. Camacächishan junaj éhayamuptinraj, ricarimunga. ⁷Ichanga mayna runacunata pacayllapa juchacaycăchin. Mana chapattinnam ichanga, llapan ricay ricarimunga. ⁸Ricarimuptinsi, apäricuj runata Tayta Jesús ushyaringa. Achic-achicyaycaj cutimushan junaj pücarir illararachinga.

⁹Sumaj tantiyacuy. Apäricuj runa Supaypa munayninwan ricarimunga. Tucuy-jinanpa runacunata riguichinga. Runacuna manchapacur ninga: «Taytallau tayta, runa

mana ricashantapis ruranqui. Mana rurashantapis ruranqui. Sumaj munayniyuj canqui.» ¹⁰Apärícuj runaga ushyacayman aywanan cashpan runacunata tucuy-jinanpa juchacachinga. Jesús runacunata llaquipashpan washayta munay-captinsi, shiminta mana éhasquicuranchu. Jishpichinantapis mana auniranchu. ¹¹Chaymi Tayta Diosninchipis camacächisha apärícuj runa riguichiptyin, llullapäcushanta éhasquicunanjapaj. ¹²Paycunapa juchanta Tayta Diosninchipis jurgapanga Jesús pa shiminta éhasquicuyta mana munashanpita, juchallaçu cushish cawashanpita.

Irmänucuna wiyacur cawananjapaj anyapashan

¹³Irmänucuna, Tayta Jesús llaquipäshunqui. Chaymi cushicushpä Tayta Diosninchita imaypis nï: «Taytallau Tayta, ima allish Tesalónica marca irmänucunata pirwata-yupay ricashcanqui. Jesúsman yupachicuptin, maquiquíçu cawananjapaj acracushcanqui. Shunguyqui munashannuy cawananjapaj Espíritu Santuwan yanapaycanqui.» ¹⁴Chaymi Jesús pa alli willapanta éhasquicushallayquipita Tayta Diosninchipis acracushcanqui. Taytanchi Jesucristuta alli ricaycar, jamcunatapis alli ñawinwan ricashunquipaj.

¹⁵Irmänucuna, chaymi Tayta Diosninchipita ama witicunquichu. Alli juyänayquipaj willapashajtapis, cartacamushajtapis ama junganquichu. ¹⁶Alli cawanayquipämi quiquin Taytanchi Jesucristutapis, Tayta Diosninchitapis mañacuyca. Paycuna sumaj llaquipäshunqui. Llaquipämashpanchi

yanapaycämanchi imaycamanpis payman sumaj yupachicunanchipaj. Mana yamacällar yupachicunanchipäpis shacyaycächimanchi. ¹⁷Shungunchitapis shacyächin maquínçu cawar allillata rurananchipaj, allillata rimananchipaj.

Irmänucuna mañacapushan

3 ¹Irmänucuna, mañacushayqui. Nuwacunapäpis Tayta Diosninchita mañacunqui, ari. May-chaychüpis Tayta Jesús pa shiminta willapäcupti, waquin runacunapis jamcuna-jina cushish éhasquicärinman. Tayta Jesústapis alliman éhurapäcunman. ²Chaynuypis mañacapamanqui juyu runacunapa maquinpita, chiqui runacunapa maquinpita washämänanjapaj. Paycuna Tayta Jesúsman mana yupachicunchu. ³Mana yupachicuptinsi, shiminta éharcushpan Tayta Jesús imaypis mana cacharishunquipächu. Manchäga payman sumaj yupachicunayquipaj shacyächishunquipaj. Supay imaman éhayachishunayquipitapis jishpichishunquipaj. ⁴Lapanpita willapaptij, tanti-yacushcanqui. Ima allish Tayta



2 Tesalonicenses 3.1-5

Jesús shacyächishunqui willapashajnuylla cawanayquipaj. ⁵Tayta Jesús yanapayculläshunqui, ari. Yanapäshunqui Tayta Diosninchi llaquipäshushayquita sumaj tantiyacunayquipaj. Ima ñacayman chayaptiquisi, yanapäshunqui quiquin-jina cawanayquipaj.

Llapan irmänucuna arunanpaj piñapashan

⁶Irmänucuna, Tayta Jesucristu nimashanta willapaycaj. Shiminta mana wiyacuj irmänucunawan ama talluranquichu. Paycuna jilla runa. Willapashätapis wiyacuyta mana munanchu. ⁷Jamcuna imanuy cawashätapis musyanqui. Mana nishä-nishäta rurarchu puriycačhashcă. Manchäga sumaj arushcă. Chaymi nuwacunaman ricacamanquiman. ⁸Arushäwan cawashcă. Cawanäpaj imallatapis mana mañacushcăchu. «Jucpa arushanwan cawaycan» nimänanpita pagas-junajpis mana yamacällar sumaj arushcă. ⁹Mañacunä camacayta camacasha. Chaypis cawashäta ricacamänayquita munar, mana mañacushcajchu. ¹⁰Llapaniquita rinriquičhu-caman willapashcaj:

«Mana arurga, ama micunmanchu» nir. ¹¹Chaypis waquinniqui shunguyqui yarpashallantash rurarcaycanqui. Jillash carcaycanqui. Jucpa-cajllamanshi ricaraycanqui. ¹²Chay-nirajcunata Taytanchi Jesucristu nimashannuylla piñacü. Jucpa arushanpita ama cawanmanchu. Imallačhüpis arunman. Quiquinpa-cajwan cawanman.

¹³Irmänucuna, jamcuna alli rurayta ama yamacanquichu. ¹⁴Cartacamushäta liguir pipis mana wiyacuptin, juchanta jurgapanqui. Paycuna pingacunanpaj ama talluranquichu. ¹⁵Ichanga ama chiquinquichu. Manchäga yawar-masiquita llaquipäshayqui-jina piñacunquiman.

Cartapa ushyanan

¹⁶Tayta Jesús allilla cawachimanchi. Imaycamanpis llapan imačhüpis yanapayculläshunqui allilla cawanayquipaj. Llapaniquita maquillanču puriycačhishunqui, ari. ¹⁷Nuwa Pablo, cay cartata apaycachimü. Llapan cartacunata apachishä-jina ushyananta maquiwan isquirbishcă. ¹⁸Llaquipäcuj Taytanchi Jesucristu llapallayquita yanapayculläshunqui, ari. Chayllana.

Timoteuman San Pablo cartacushan 1

Tantiyacunanchipaj:

Pablo cay cartata isquirbiran yanagajnin Timoteuman. Timoteupa papänin caran jäpa runa. Mamanna caran Israel warmi. Mamanwan awillanga ñaupatana Jesúspa shiminta éhasquicäbiran. Chaymi Timoteuta wamralla cashanpita-pacha Jesúspa shiminta tantiyachiran. Müsu cashan wichan Pablo chay tucuyta willapäcur puriptin, yanagaran. Éfeso marcamapis ishcanin aywaran. Chay marcachu Pablo willapäcur, unaylla juyapäriran. Aywacurmi ichanga, Timoteuta jaguiycuran. Müsulla cashpansi payna Tayta Jesúspita tantiyachicuran. Timoteupita musayta munar, liguinqui: Hechos 17.14–15; 18.5; 19.22; 2 Timoteo 1.5; 3.15; Filipenses 2.19–22; Hebreos 13.23.

Éfeso marcapita aywacurpis, Timoteuta mana jungaranchu. Chaymi shacyächishpan, anyapashpan Pablo cartacuran.

Pablo isquirbiran:

- Pantachicujcunapa shiminta Timoteo mana éhasquipänanpita: **1 Timoteo 1.1–20.**
- Tayta Diosninchita mañacunanpita, manchapacunanpita: **1 Timoteo 2.1–15.**
- Mayur irmänucuna cuyay-munaypaj cawanapita: **1 Timoteo 3.1–16.**
- Waquin irmänucuna Jesústa wasguinanpita, tantiyachicujcuna cuyay-munaypaj cawanapita: **1 Timoteo 4.1–16.**
- Biyüdacunata yanapänanpita, mayur irmänucunata wiyacunanpita: **1 Timoteo 5.1–25.**
- Tayta Diosninchipa maquinchu cawar cushishalla cawanapita, Washäcuj Jesúsman yupachicur supaypa maquinchu mana cawanapita: **1 Timoteo 6.1–12.**

Pablo wamayashan

1 ¹Timoteo, nuwa Pablo cartacamü. Washäcuj Jesúspa caçhan caycä. Shiminta willapäcur purinäpaj Washäcuj Jesúswan Tayta Diosninchipa caçhacamasha. Paymi jishpichimanchi. Yupachicuptinchi, alli cawayta Jesús tarichimäshun. ²Timoteo, shimita wiyar Jesústa éhasquicushay-quipita wamräta-yupay ricaj. Tayta Diosninchipis, Taytanchi Jesucristupis llaquipayculläshunqui. Yanapayculläshunqui. Allilla cawaycachilläshunqui.

Pantachicujcunapita rimashan

³Timoteo, Éfeso marcapita ama llucshiniquichu. Macedonia quinranman manaräsi aywallar, llapanta willapashcaj. Irmänunchi-cunata ama caçhariniquichu. Pipis llutanta tantiyachicuptin, miçhanqui. ⁴Auquilluyquicuna yarpashan-janan ama tincupänacunquichu. Pí-pí auquilluyqui cashan-tapis ama jurgapänacunquichu. Jurgapänacur, piñanacuyllaman pipis éhayan. Tayta Diosninchipa shungun yarpashanmanpis mana tincunchu. Llapan shungunchiwan

shiminta éhasquicurraj, paypa maquinchu cawanchi.

⁵Chaymi llapan shunguyquiwan llaquipäcuj canayquita munar, willa-paycaj. Llaquipäcuj caycar, llapan shunguyquiwan llaquinacäriyta yačhacunquiman. Shunguyquiču ima juchatapis ama pacarächinqui-manchu. Tayta Diosninchiman yupachicur, ama janan shungulla yupachicunquimanpishchu.

⁶Waquin runa llutanta yarpashpan mana llaquipänacärinchu. Chaymi jurgapänacullar, tincupänacullar cawan. ⁷«Moiséspa shiminta sumaj tantiyá» nir yačhaj-tucurpis, imata rimashantapis mana tantiyanchu.

⁸Imapaj rimashantapis sumaj tanti-yaptinchiga, Moiséspa shimin alli quiquin Tayta Diosninchipa shimin cashpan. ⁹Moiséspa shimin mana Tayta Diosninchipa shungun munashannuy cawajcunatachu piñacun; manchäga mana wiyacujcunata, juyu runacunata, jucha aparicujcunata, Tayta Diosninchita mana manchapacujcunata, quiquinpa shungun munapashanta ashijcunata, runa-masinta wañuchicujcunata, maman-taytanta wañuchicujcunata, ¹⁰jucwan-jucwan cacujcunata, warmi-pura, ullgu-pura cacujcunata, runa-masinta suwajcunata, llullacujcunata, tumpacujcunata, Jesúsapa shiminta ticrapujcunata. Chay-niraj runacunata Tayta Diosninchipiñacun. ¹¹Shiminta willapäcunäpaj cačhacamaptin, Jesúsapa alli willapanta willapäcur puriyä. Munayniyuj Tayta Diosninchita alliman éhurayculläshun.

**Pabluta Tayta Diosninchipi
llaquipashan**

¹²Ima allish Taytanchi Jesucristu shacyächiman shiminta willapäcur

purinäpaj. Payga maquinchümi purichiman. Yupachicamar, munashanta ruranäpaj éhuramasha.

¹³Unayga: «Allita ruraycä» nir Jesúsata ashllir ushyarä. Paypa shiminta éhasquicujcunatapis jaticächar ushyarä. Chiqui runa carä. Chaypis payman mana yupachicuynipa, upa cayniwan rurashäpita Jesús llaquipämar, llapan juchäta jungasha.

¹⁴Llaquipämashpan yanapaycäman llapan shungüwan payman yupachicunäpaj, llapan runa-masitapis llaquipar alli ricanäpaj.

¹⁵Sumaj tantiyacushun. Shungunchimanpis sumaj éhuracushun. Jucha-sapacunata washänan-raycur Washäcuj Jesús cay pachaman shamusha. Llapana runa jucha-sapa caycaptinsi, jucha-sapa cayniwan pipis mana tincurancho. ¹⁶Jucha-sapa cayniwan pipis mana tincuptin, llaquipämashpan Washäcuj Jesúsapa maquinchu cawanäpaj Tayta Diosninchipi camacächisha. Chaynuypa pipis ricacamar, tantiya-cunga: «Jucha-sapa caycaptinchisi, Tayta Diosninchipi llaquipämanchi. Washäcuj Jesúsata éhasquicup-tinchi, imaycamanpis maquinchu cawachimäshun» nir.

¹⁷Tayta Diosnillanchita imay-imaypis alli ricayculläshun. Alliman éhurayculläshun. Mandaj cayninga imaypis mana ushyacajmi. Imay-imaycamanpis cawacujmi. Payga mana ricacajmi. Payllam Tayta Diosninchipi. Chaynuy cayculläshun.

¹⁸⁻¹⁹Wawallau Timoteo, imaman éhayarpis, willapashajta ama jungan-quichu. Imata ruranayquipäpis

Tayta Diosninchi mayna musyachicusha. Chaymi payman llapan shunguyquiwan yupachicunquiman. Shunguyqui shacyächishantapis ruranquiman. Waquin irmänucuna Tayta Diosninchi shungunta musyaycächiptinsi, mana wiyacunchu. Mana imasi jucullar, quiquinpa shungun munashallanta ruracun. ²⁰Mana wiyacushanpita Alejandrutapis, Himeneutapis Supaypa maquinman éhurashcă. Chayrämi Tayta Diosninchita yapay mana apärianapaj tantiyacunga.

Llapan runapaj Tayta Diosninchita mañacapushun

2 ¹Timoteo, Tayta Diosninchita jayaranquiman. Llapan runacunapaj mañacunquiman. Paycunapaj mañacapunquiman: «Taytallau Tayta, ima allish llapan runata ricaycanqui. Llapanta yanapaycullay, ari» nir. ²Jatun auturdäcunapäpis, tacsha auturdäcunapäpis mañacapunquiman. Paycuna alli mandaptin, nuwanchipis jaucalla cawashunpaj. Allilla juyäshunpaj. Tayta Diosninchita manchapacur, shungun munashanuylla cawashunpaj. ³Caynuy mañacapunanchi camacan. Tayta Diosninchipa shungunmanpis tincun. Payga jishpichicujninchi. ⁴Llapan runa maquinchu cawanantapis, shiminta tantiyacunantapis munan.

⁵⁻⁶ Tayta Diosninchi jucnayllam.

Payman échayananchipaj
parlapämajninchipis
jucnayllam.

Parlapämajninchi Washäcuj Jesús.
Payga runa-masinchim.

Washämänanchi-raycur caway-
bïdantapis Tayta Diosnin-
chita jarasha.

Chayta willapäcunanchipaj
shungun munashan wichan
Tayta Diosninchi llapanta
camacächiran.

⁷Tayta Jesús nuwanchi-raycur caway-bïdanta jarashanpita jäpa runacunata willapäcunäpaj Tayta Diosninchi caçhacamasha. Imata nimaptinpis, mana llullacuycăchu. Rasullanta willapäcuycă. Paypa shiminta may-chayçhüpis willapäcuycă. Jäpa runacunatana sumaj tantiyaycăchi.

⁸Chaymi may-chayçu jutucarpis, llapan irmänucuna Tayta Diosninchita mañacärinman. Mañacunanchipaj Tayta Diosninchipa shungun munashanuylla cawashuwan. Piwanpis ama tieshaparänacushuwanchu. Ama tincupänacushuwanchu. ⁹Irmänacunapis warmi cayninchu juyanman. Rucapäcuycăllar, munapächicuycăllar, ama purinmanchu. Juricunallata, achic-achic-yaycaj piñicunallata, échaninyuj müdanacunallata ama ushtucunmanchu. ¹⁰Manchäga Tayta Diosninchita manchapacuj warmicuna-jina allillata rurar cawanman. Alli rurashanmi warmita camarächin.

¹¹Willapashantapis sumaj tantiyacunman. Yächachicujcunata ama ticrapunmanchu. Shimintapis ama jugarinmanchu.

¹²Ullgucunata tantiyachinanpis mana camacanchu. Runantapis ama micuypa micunmanchu. Manchäga upällacunman. Jasilla cacunman. ¹³Musyashanchinuypis Adánta puntata Tayta Diosninchi camaran; jinarcurraj warmin Evata. ¹⁴Mana Adántachu supay llullapasha juchaman échayananchipaj;

manchäga warmin Evata. Llullapashanta éhasquir, Eva juchata aparicussha. ¹⁵Chaypis warmicunata Tayta Diosninchí jishpichinga. Paypa maquinchu cawananjay wamrancunata alli ricanman. Tayta Jesúsman llapan shungunwan yupachicunman. Runa-masinta llaquipanman. Mama-warmicunajina Tayta Diosninchí shungun munashannuylla cawanman.

Mayur irmänucuna imanuy cawananjay tantiyachishan

3 ¹Allitam rimaycä. Pipis mayur irmänu cayta munar, sumaj allita yarpaycan. * ²Mayur irmänu llapan runapa ricay ñawinchu alli ricash runa canman. Juc warmi-llawan juyanman. Alli shungu canman. Yarpayuy canman. Imatapis sumaj tantiyacunman. Jurpanta cushishalla pachächinman. Sumaj tantiyachicunman. ³Upyallaachu, maganacuyllaachu ama arunmanchu. Manchäga llaquipäcunman. Jaucalla cawanman. Jillay-raycullar imatapis ama ruranmanchu. ⁴Warmintapis, wamrancunatapis sumaj ricanman. Wamrancunata yačhachinman wiyacuj cananpaj, pitapis manchapacunanpaj. ⁵Warminta, wamrancunata ricayta mana yačharga, ¿imanuyparaj jutucuj irmänucunata ricanman? ⁶Mayur irmänu cananpaj, sumaj-sumajraj Tayta Diosninchíman yupachicunman. Chaymi mushuj irmänuta ama échuranmanchu mayur irmänu cananpaj. Alli-tucuptin-

ima, supayta ñacachishan-jina Tayta Diosninchí ñacayman jaycuringa. ⁷Mayur irmänuta llapan runa alli ricanman. Tayta Diosninchíman mana yupachicuj runacunapis alli ricanman. Chaura pipis pampaman mana échurangachu. Supaypis achäquita mana taringachu maquichacunanjay.

⁸Yanapäcuj irmänucunapis alli shungu canman. * Shiminta échacunman. Upyallaachu ama arunmanchu. Jillayllapaj ama wañunmanchu. ⁹Jesús pita Tayta Diosninchí musyachicushantapis llapan shungunwan éhasquicunman. Shungullanachu jucha aparicuyta ama yarparanmanchu. ¹⁰Pitapis yanapäcuj irmänu cananpaj échurananpäga shunguntaraj sumaj musyapanman. Imanuy cawashantapis sumajraj ricanman. Alli cawashanta ricarraj, cargunman échuranman.

¹¹Yanapäcuj irmänucunapis alli shungu canman. Pipa washantapis ama rimanmanchu. Manchäga yarpačhacurir-yarpačhacurir imatapis rimanman. Imata aunishantapis échacunman.

¹²Yanapäcuj irmänucunaga juc warmi-llawan juyanman. Warmin-tapis, wamrancunatapis sumaj ricanman. ¹³Yanapäcuj irmänucuna cargunta sumaj échacuptin, llapan runa alli ñawinpa ricanga. Washäcuj Jesúsmanpis sumaj yupachicunga.

Washäcuj Jesús pita musyachicushan

¹⁴⁻¹⁵Timoteo, jamwan sumaj tincuyta munaycä. Chaypis juclla

* **3.1** Mayur irmänuta griego rimaychu nin: «épiscope». Castellänuchu isquirbin: «obispo» nir.

* **3.8** Yanapäcuj irmänuta griego rimaychu nin: «diakonus». Castellänuchu isquirbin: «diáconos» nir.

mana shamupti cay cartata liguir,
jutucay irmānucuna imanuy
juyānantapis musyanquipaj.
Llapanchi cawaj Tayta Diosninchipa
wawan caycanchi. Paypa shungun
munashannuylla cawaptinchi,
Tayta Diosninchipi pi cashantapis
runacuna tantiyacunga. Llapan-
chita éhuramashcanchi pi-maytapis
shiminta tantiyachicunanchipaj.
¹⁶Jesúspita Tayta Diosninchipi musya-
chicushanga tantiyayta mana
atipaypaj caycan.

Tayta Jesús runa yurisha.
Wawan cashanta Espiritu Santu
musyachicuran.
Janaj pachaču anjilcuna Jesústa
ricaran.
Cay pachaču paypa
shiminta may-chaychüpis
willapácun.
Runacunana shiminta
éhasquicurán.
Tayta Diosninchipi ñaupanman
shuntacuran.

Pantachicujcunapita rimashan

4 ¹Canan wichancunapaj Espiritu
Santu mayna musyachimash-
canchi waquin irmānunchicuna Tayta
Diosninchipita witicunan cashanta.
Witicunga supay yarpashanta panta-
chicujcuna willapaptin. ²Paycunapa
pingacuyinpi ushyacasha. Ishcay
cāra cashpan llulla runa. ³Ricsish
micucunallata micunanchita munan.
Majachacánanchitapis mičhāmanchi.
Tayta Diosninchipi ichanga llapan
micuytapis, majachacánanchitapis
camacächisha. Chaymi cushi-
cuywan ninchi: «Taytallau Tayta,
jamllaman yupachicü. Ima allish
micunāpaj camapāmashcanqui.
Majachacánāpāpis camacächish-

canqui. Llapanapis llapan
shungüwan éhasquicü.» ⁴Tayta
Diosninchipi camashanga llapanpis
alli. Chaymi ima micuytapis ama
ticrapāshuwanchu. Manchäga
cushishalla micucushuwan:
«Taytallau Tayta, ima allish
micunāpaj tarichillāmashcanqui»
nir. ⁵Tayta Diosninchipi shiminpita,
mañacushanchipita llapan alli
cashanta musyanchi.

Timoteuta anyapashan

⁶Timoteo, cartacamushānuylla
irmānunchicunata tantiyachin-
quiman. Washäcuj Jesúspa alli
yanapācujnin caycar, quiquiquipis
paypa shiminta waran-waran
yachacunquiman. Yachacushay-
quinuylla shungun munashannuy
cawanquiman. ⁷Runacuna rimasha-
llanta ama éhasquipanquichu.
Paycuna Tayta Diosninchiman
mana yupachicushpan umallanpita
imatapis jurgun. Ninshi-ninshillata
willapácun. Chaynuy niptinpi,
waran-waran yachacunquiman
Tayta Diosninchipi shungun
munashannuy cawanayquipaj.
⁸Tincuchiypa tantiyacushun.
Pucllajcuna gānayta munar, sumaj
yachacārin. May-jina yachacurpis,
callpan ushyacajilla. Tayta Dios-
ninchipi shungun munashannuy
cawayta yachacuymi ichanga
imaypis mana ushyacangachu.
Chaynuy cawaptinchi, cay
pachachüpis, janaj pachachüpis
cawachimāshun.

⁹Rasullanta willapaycaj.
Willapashāta llapan runapis éhasqui-
cunman. Auninman. ¹⁰Nuwanchiga
cawaj Tayta Diosninchiman yupachi-
cunchi. Payman yupachicuptin,

pï-maytapis jishpichinga. Chaymi ñacaytapis mana manchacun-chinachu. Tucuy-jinanpa paypa shiminta willapäcunchi.

¹¹Chaymi willapashäta llapanta willapanqui. Tantiyachinqui.

¹²Mayur runa cayman mana chayap-tiquiräsi, pampaman pipis ama çhurashunquimanchu. Manchäga llapan runa ricacunanjaj alli shimi-llayquipa rimanquiman. Allillata rurar cawanquiman. Irmänucunata llaquipanquiman. Tayta Diosnin-chiman sumaj yupachicunquiman. Ima juchatapis ama aparicunqui-manchu. ¹³Çhayamushäcaman jutucäj irmänucunata Tayta Diosninchipa shiminta liguipaycay. Irmänunchi-cunata shacyächiy. Sumaj tantiyachiy. ¹⁴Shiminta willapäcur purinayquipaj Tayta Diosninchi çhurashcashunqui. Pay musyacächiptinraj, mayur irmänucuna maquina umayquiman çhuraycur Tayta Diosninchita mañacuran. Chaymi carguyquita ama jaguinquichu.

¹⁵Shimäta llapanta wiyacunqui. Chayraj Tayta Diosninchipa ricay ñawinçu alli cawashayquitapis runacuna musyanga. ¹⁶Timoteo, imata rurashayquitapis, imata rimashayquitapis sumaj tantiyacun-quiman. Llapan shunguyquiwan Tayta Diosninchipa maquinçu cawanquiman. Shungun munashanta ruraptiqui, Tayta Diosninchi jishpi-chishunquipaj. Shimiquita çasqui-cujcunatapis jishpichinga.

Llapan irmänucunawan alli ricanacunanjaj

5 ¹Mayur runacunata taytayquita-yupay alli shimillayquipa willapanquiman. Ama ullgüpanquichu.

Müsucunatapis wauguiquita-yupay allilla ricanquiman. ²Mayur warmi-cunatapis mamayquita-yupay alli ricanquiman. Jipashcunatapis paniquita-yupay alli ricanquiman. Ama munapanquimanpishchu.

Biyüdacunata sumaj ricananjaj

³Waccha biyüda captin, irmänucuna yanapanman. ⁴Biyüdapa wamrancuna, willcancuna captinmi ichanga, paycunaraj yanapanman. Tacsha captin, jishpichishanpita chachan-cunata ricanan camacan. Tayta Diosninchipa shungunmanpis tincun. ⁵Waccha biyüdacuna llapan shungunwan Tayta Diosnin-chiman yupachicun. Payllata jayaran. Pagas-junajpis mañacun. ⁶Llapanpa janançu cawayta munaj biyüdacuna ichanga Tayta Diosninchita jungaycun. Chay-niraj biyüdacuna Tayta Diosninchipa ricay ñawinçu wañush-yupay caycan. ⁷Chaymi pipis mana jamurpänanjaj irmänucunata piñapanquiman. ⁸Pipis castancunata, yawar-masincunata mana yanapaptin, Tayta Jesús pa maquinçu cawashanpis mana musyachunchu. Chay-niraj runaga jäpa wamra-yupay caycan. Tayta Diosninchitapis mana manchapacunchu.

⁹Irmänucuna llapan biyüdata ama shuntanmanchu. Manchäga sujta çhunca (60) watayujpita janamanraj shuntanman. Chaypis shuntanman juc majallawan juyash captinraj, ¹⁰allillata rurash captinraj, wamrancunata alli ricash captinraj, pachächicuj cash captinraj, irmänucunata yanapash captinraj, ñacajcunata yanapash

captinraj, Tayta Diosninchita manchapacur cawash captinraj. Chaynuy cawashanpita irmānucuna yanapānan camacan.

¹¹Jipashllaraj biyüdacunata ama shuntanmanchu. Jipashllaraj cashpan majata munar Washäcuj Jesúspa maquinéchu cawaycarpis, witicuringa. ¹²«Mana yapapacushächu» nirpis aunishanta mana éharcu, Tayta Diosninchipa ricay ñawinéchu juchata aparicun. ¹³Waquin jipash biyüdacuna mana imasi ruracuynin captin, jilla cayman éhayan. Wasin-wasin puricun. Wishllanta jaticächillar, imamanpis jatican. Washata rimallar purin. Manacajcunallata rimar chay-tucuyman éhayachin. ¹⁴Chaymi jipash biyüdacuna yapay majachacaptin, nuwapita alli canman. Wamrancuna yuriptin, wasi ruraynincuna mana pishingachu. Chaura achäqui mana cangachu pipis jamurpānanpaj. ¹⁵Waquin jipash biyüdacuna imamanpis runapacajllanman jaticar, Supay munashallanta rurarcayan.

¹⁶Juc irmānapa yawar-masin biyüda captin, wañupacushta yanapanman. Chaura jutucaj irmānucunapa umanta mana nanāchinganachu. Juc biyüdapa pīninpis mana captinraj, waccha captinraj, irmānucuna shuntanman.

Mayur irmānucunata alli ricananpaj

¹⁷Irmānucunata alli ricashanpita mayur irmānucunata sumaj manchapacunquiman. Paycuna Tayta Diosninchipa shiminta sumaj

willapāshunqui. Sumaj tantiyachishunqui. Chaymi alli ricanayquipis, tarichinayquipis camacan. ¹⁸Tayta Diosninchipa shiminéhüpis nin: «Türuta ama aruchinquichu shiminta watarcu.» Jananmanpis nin: «Arapacujcuna arushanpita éhasquinman.»

¹⁹«Mayur irmānush juchata aparicusha» nishuptiqui, ama éhasquipanquichu. Manchäga ishca-quimsa irmānucuna ricash captinraj, éhasquinquiman. ²⁰Rasunpa juchanpita mana wanacuptin, llapan irmānupa ricay ñawinéchu piñacunquiman waquincunapis manchapacunanpaj.

²¹Timoteo, sumaj wiyacamay. Irmānucunata llapantapis juc ñawillawan ricanquiman. Shunguyquiman tincuptinsi, mana tincuptinsi, alli ricanquiman. Caycunata willapaycaj Tayta Diosninchipa ricay ñawinéhüpis, Washäcuj Jesúspa ricay ñawinéhüpis, anjilcunapa ricay ñawinéhüpis.

²²Maygan irmānutapis cargunman éhurar, maquiquita umanman juella ama éhuranquimancho. Manchäga imanuy cawashantapis sumajraj musyapanquiman. Mana musyayniquiwan juchaéchu aruj irmānuta éhuraptiqui, jamtapis jamurpāshunquipaj: «Timoteupis juchacäshiycan» nir. Ima juchamanpis ama jaticaychu. Manchäga Tayta Diosninchipa shungun munashannuylla caway.

²³Jishyaéchu runa cashayquita, paéha nanaywan jishyaycashayquita musyashcä. Chaymi yacullata ama upunquichu. Manchäga ichicllatapis bñuta upunquiman.*

* 5.23 Waquin Bibliaéchu birsiculu 23 witish caycan birsiculu 25 ushyananéchu.

²⁴Waquin irmänucuna unaycaman juchanta pacarächicun. Waquin irmänupa juchanmi ichanga pipis mana jurgapaycaptinsi, juella musyacan. ²⁵Chay-jina waquin irmänucuna allillata rurashan musyacan. Waquin irmänucuna alli rurashanta pipis mana ricanchu. Chaypis imay-imayllapis alli rurashancuna llapanmi ricacanga.

6 ¹Irmänucunapis maquinchu cawashpan patrunninta alli ricanman. Manchäga waquin runa Tayta Diosninchitapis, shiminta tanti-yachishätapis pampaman churanga. ²Patrunnin irmänu captinpi, alli ricanman. Ama taricunmanchu: «Irmänümi» nir. Manchäga sumaj arüshinman: «Irmänu-masiçhümi arucä. Paywan yaçhänacümi» nir.

Jillayllapaj yarpashan

Timoteo, willapashajta llapan irmänuta willapanqui. Imata rurananpäpis sumaj tantiyachinqui. ³Waquin irmänu: «Taytanchi Jesucristupa shiminta willapäcucä» nirsi, umanpita jurgurcellar imatapis riman. Rimashanga Jesúsapa shiminwan mana tincunchu. Tayta Diosninchipa shungun munashannuy cawananchipäpis mana tantiya-chimanchichu. ⁴Paycuna yaçhaj-tucullar, shiminman chayashallanta riman. Upa cayninwan imallatapis tantiyachicun. Tincupänacuyllaçu arur, cushicärin. Chiquinacärin. Nanaparänacärin. Ticshaparänacärin. ⁵Maganacärin. Llapantapis ruran Tayta Diosninchita mana wiyacur. «Tayta Diosninchipa shiminta willacucä» nir llapanpa jananchu cushish cawayta ashillar purin. ⁶Tayta Diosninchipa

maquinchu cawar, rasunpa cushish cawanchi. Ichanga tarichimashallanchiwan cushish cawashuwan.

⁷Llapanchi jinalla yurimushcanchi. Wañucur, imatapis mana apashunchu. ⁸Chaymi micunanchipaj, jananchipaj caycaptin, cushishalla cawacushuwan.

⁹Ricuyayta ashijcunam ichanga, jucha aparicuymän chayan. Quiquillanpaj imatapis ashir, runa-masinta ñacachin. Chaypitam quiquinpi ñacayman chayanganga. Ushyapacanga. ¹⁰Jillayllata ashijcuna jatun juchaman chayan. Jillayllata ashijcuna achcajnam Tayta Diosninchita mana wiyacunchu. Mana wiyacushanpita tucuy-jinanpa ñacarcaycan.

Timoteuta piñapashan

¹¹Timoteo, chay-niraj runacuna-jina ama cawanquiman. Manchäga Tayta Diosninchita manchapacuj runa canquiman. Paypa maquinchu cawar, shungun munashallanta rurar cawanquiman. Waran-waran sumaj yupachicuyta yaçhacunquiman. Runa-masiquitapis llaquipanquiman. Imaman chayarpis, ama yamacanquichu. Llapan runawan tantiyacuj canquiman. ¹²Ima captinpi, llapan shunguyquiwan Jesúsman yupachicunquiman. Paypa maquinchu imaycamanpi alli cawayta tarishana caycar, ama caçharinquiman. Tayta Diosninchipa acracushcashunqui alli cawayman churashunayquipaj. Jampis llapanpa ñaupanchu: «Tayta Diosninchipa maquinchu cawashaj» nir Jesúsata çasquicushcanqui. ¹³Cawachicuj Tayta

Diosninchipa ricay ñawinchüpis, Washäcuj Jesús pa ricay ñawinchüpis willapaycaj. Mandaj Poncio Pilato tapuptinpis, Jesús mana chapacuranchu. Manchäga rasun-cajllata willaran. ¹⁴Chaymi, Timoteo, Taytanchi Jesucristu cutimushan-caman willapashajta ama jungan-quimanchu. Llapanta sumaj-sumaj éharcunquiman.

¹⁵ Tayta Diosninchi camacächishan junaj Jesús cutimunga. Paylla alliman éhurash canan. Quiquillan llap-llapanpaj munayniyuj. Maquinchu llapan mandajcuna cawan. Auturdäcunatapis maquinchu purichin.

¹⁶ Paylla imay-imaycamanpis cawacuj. Achic-achicyaycajchu juyan. Paytaga mana pipis ricashachu. Ricaytapis mana junchu. Tayta Diosninchi alli ricash caycullächun. Imay-imaycamanpis munayniyuj caycullächun. Chaynuy caycullächun.

¹⁷ Llapan imacunapis ushycajlla. Chaymi puchuy-puchuy jananchu cawaj irmänucunata willapanqui mana alli-tucunanpaj, rïcu cashanman mana yupachicu-

nanpaj. Manchäga Tayta Diosnillanchiman yupachicunman. Payga mana pishichimanchichu. Manchäga cushishalla cawananchipaj yanapämanchi. ¹⁸Chaymi puchuy-puchuy jananchu cawaj irmänucuna allillata rurash cawanman. Alli rurashanga mana imaypis ushyacaj canman. Alli shungu cashpan pitapis tarichinman. Yanapanman. ¹⁹Sumaj tantiyacushun. Puchuy-puchuy jananchu cawajcuna alli cawayta munar, allillata imatapis ashin. Alli wasita jatarachinanpäpis simintuta sumaj rurachin. Chayjina puchuy-puchuy jananchu cawaj irmänucunapis allillata rurash cawanman. Chaynuy cawaptin, Tayta Diosninchipis alli cawayta tarichinga.

Cartapa ushyanan

²⁰Timoteo, carguyquita éharcushayquicaman Tayta Diosninchipa shimi-llanta willapäcunquiman. Runacuna umallanpita jurgurcur rimashanta ama éhasquipanquimanchu. Paycuna yaçhaj-tucurpis, manacajllata tantiyachicun. ²¹Waqin irmänucuna yaçhaj-tucujcunapa shiminta wiyar, Tayta Diosninchiman mana yupachicunnachu.

Tayta Diosninchi llaquipayculläshunqui, ari. Chayllana.

Timoteuman San Pablo cartacushan 2

Tantiyacunanchipaj:

Pablo cay cartata isquirbiran Timoteuman. Timoteupita musyayta munar, 1 Timoteupa jallarinenta liguinqui. Cay cartata Roma carsilpita-pacha Pablo isquirbiran. Wañuchinanta mayar, Timoteo watucunanta munaran. Ichanga mana camäpacuranchu. Chaymi sumaj anyapänanpaj cartacuran.

Pablo isquirbiran:

- Mana pingacullar Jesúsqa alli willacuyninta willapäcunanpita: **2 Timoteo 1.1–18.**
- Alli murucu capitanninpa shiminta wiyacushan-jina Jesústa wiyacunanpita: **2 Timoteo 2.1–26.**
- Jipata achcaj pantachicuj ricarimunapita, mana uticällar Tayta Diosninchipa shiminta tantiyachicunanpita: **2 Timoteo 3.1–17.**
- Wañuy jananchu captinsi mana llaquicushanpita, watucuj aywananta munashanpita, janaj pachachu Tayta Jesús alli cawayman churananpita: **2 Timoteo 4.1–22.**

Pablo wamayashan

1 ¹Timoteo, nuwa Pablo cartacamü. Washäcuj Jesúspa cachanmi caycä. Tayta Diosninchica macächiptin, shiminta willapäcur puriyä. Washäcuj Jesúspa shiminta chasquicuptinchi, alli cawayta tarichimänanchi. ²Timoteo, wamrä-yupaymi canqui. Tayta Diosninchipis, Tayta Jesucristupis yanapayculläshunqui. Llaquipayculläshunqui. Allilla cawaycachilläshunqui.

Tayta Diosninchita alliman churashan

³Unay yawar-masïcuna llapan shungunwan manchapacushan-jina nuwapis llapan shungüwan Tayta Diosninchita manchapacü. Shungüchu ima juchatapis mana pacarächichu. Timoteo, pagas-

junajpis jampaj Tayta Diosninchita mañacuyä. Mana jungajchu.

⁴Llaquicur wagashayquita yarpar, yapay tincuyta sumaj munaycä. Tincur, jatunpa cushicushäpaj.

⁵Awillayqui Loidapis, mamayqui Eunicipis llapan shungunwan Tayta Diosninchita wiyacushanta musyä. Chaymi jampis Tayta Diosninchita llapan shunguyquiwan wiyacushayquita tantiyacushcä.

Jesúsqa shiminta willacur, ama pingacushuwanchu

⁶Umayquiman maquita churaycur mañacupti, Tayta Diosninchiyachayta camapushcashunqui. Ama jasacanquimanachu. Manchäga yachacushayquiman-tupu imatapis sumaj ruranquiman. ⁷Tayta Diosninchita Espíritu Santuwan yanapaycämanchi. Chaymi imatapis ama manchacushuwanchu.

Imaman éhayaptinchisi, payga shacyächimanchi. Yanapämanchi runa-masinchitapis llaquinanchipaj, imatapis sumaj tantiyacurir rurananchipaj. ⁸Chaymi Taytanchi Jesús pita willapäcushayqui-janan, carsilman wíchgachimashan-janan pampaman éhurashuptiquisi, ama pingacun-quichu. Manchäga Tayta Diosninchishacyächimashanchiman-tupu shiminta willapäcushun runacuna ñacachimaptinchisi.

⁹ Tayta Diosninchishacyächimashanchi.

Acracamashanchi maquillanachu cawananchipaj

Mana allita rurashanchipitachu acracamashanchi.

Manchäga llaquipämashpanchi shungun munaptin acracamashanchi.

Jishpichimänanchi-raycur

Washäcuj Jesústa cáchamusha.

Mana imasi caycaptillan, llapanta camacächisha.

¹⁰ Tayta Diosninchishacyächimashanchi. llaquipäcuj cashanta tantiyacushanchina.

Washäcuj Jesús ricarimushana.

Payga Washämajninchi.

Wañuytasi illarachisha.

Alli willapatapis tantiyachimashanchi.

Shiminta wiyaptinchi, shungunchipis achicyacäcusha.

Mana ushyacaj cawaytapis tarichimanchi.

¹¹ Caycunata willapäcunäpaj Tayta Diosninchishacyächimashanchi. cargüman éhuramasha. Quiquin acracamasha cáchan canäpaj, shiminta willapäcunäpaj, shiminta tantiyachicunäpaj. ¹² Cananga Tayta Diosninchishacyächimashanchi. shiminta willapäcunäpaj purishäpita carsilchu ñacaycä.

Chaypis mana pingacüchu. Nuwaga Tayta Diosninchishacyächimashanchi. yupachicü.

Paypa maquinchu cawaycä. Cargüta éharcushä junajcaman mana cácharimangachu. ¹³ Chaymi Tayta Diosninchishacyächimashanchi. shungun munashanta ruranayquipaj shimita wiyacunquiman. Washäcuj Jesúsman yupachicur, runa-masiquitapis llaquipanquiman. ¹⁴ Jesús pita willapäcushaga sumaj alli. Chaymi carguyquita éharcunayquipaj Espiritu Santu yanapaycäshunqui. Payga maquinchu purichimanchi.

¹⁵ Musyashayquinuypis Asia marcacunachu irmänucuna llapan-yupay jaguiraycamasha.

Figeluan Hermógenes jaguiraycamasha.

¹⁶ Irmänu Onesíforutam ichanga wasinpa Tayta Jesús sumaj yanapaycullachun. Onesíforuga mana yamacällar shacyächimasha.

Carsilarächimaptinsi, mana pingacushachu. ¹⁷ Manchäga Roma marcacaman shamusha. Mana tarimashan-caman jamaytapis mana tarishachu.

¹⁸ Éfeso marcachu puriptipis, sumaj yanapämasha. Yanapämashanta musyanqui. Chaymi payta llaquipashpan cutimushan junaj Tayta Jesús alli cawayman éhuraycullachun.

Jesús-janan ñacar, ama llaquicushuwanchu

2 ¹ Wawallau Timoteo, Washäcuj Jesúsga llaquipäcujmi. Payga imaächüpis shacyächishunqui.

² Llapan runapa ricay ñawinchu willapäcushäcunata alli shungu runacunata willapanquiman. Paycunapis Tayta Diosninchishacyächimashanchi. shiminta tantiyachicunman.

³ Shiminta willapäcushanchipita tincuchiypa tantiyacushun.

Alli murucucuna ñacashan-jina nuwanchipis Washäcuj Jesús-janan ñacayta éhasquicushuwan. ⁴Murucu cashancaman capitannin alli ricananta munar, éhacranéhipis manash arunchu. ⁵Pucllajpis gñanananjay siñalashan räya éhaupillanéhüshi pucllan. ⁶⁻⁷Éhacra runapis murupacushan puguptin, quiquinräshi puntata micun. Tincuchiypa willapashajcunata tantiyacunquiman. Tayta Dios-ninchipis yanapäshunquipämi sumaj tantiyacunayquipaj.

⁸Unay mandaj Davidpa willcan Washäcuj Jesústa ama jungan-quichu. Payta wañushanpita Tayta Diosninchichi cawarachimusha. Chay alli willapata willapäcur puriyä. ⁹Jesúsapa shiminta willapäcur purishäpita ñacaycächiman. Cadinarcurmi juyu runata-jina carsilaraycächiman. Tayta Diosninchipa shimintam ichanga carsilarächiyta mana camäpacunchu. ¹⁰Chaymi imaman éhayarpis, Tayta Diosninchipa shiminta willacur purinä-cashan mana rimacüchu. Chaynuy rurapti, acracushan runacunatapis Washäcuj Jesús jishpichinga. Shiminta éhasquicuptin, Tayta Diosninchipis ñaupanéchu mana ushyacaj cawayta tarichingapaj.

¹¹Rasuntaéchi rimapäcunpis:

«Jesús-janan wañush carga,
Jesúsmanmi imaycamanpis
cawashunpaj.

¹²Jesús-janan mana yamacällar
ñacarpis,
Jesústa mandäshishunpaj.
Wasguiptinchim ichanga,
Jesúspis wasguimäshunpaj.

¹³Shiminchita mana éharcuptinchisi,
Jesús shiminta éharcun.
Alli shungu cashannuylla imay-
imaypis cawacun» nir.

Mana tincupänacunanpaj willapashan

¹⁴Willapashajta Tayta Dios-ninchipa ricay ñawinéchu irmänucunata willapanqui. Llapanta yarpächinqui. Quiquin-pura ama tincupänacuchunchu. Tincupänacurga, imatapis mana jurgunchu. Wiyajcunapis Tayta Diosninchiman mananaéchi yupachicunganachu. ¹⁵Chaymi Tayta Diosninchipa shungunman tincunay-quipaj alli aruj runa-jina aruyniquita sumaj mirachinqui. Willapäcurpis, Tayta Diosninchipa shimillanta tantiyachinquiman pingayman mana éhayanayquipaj. ¹⁶Tayta Diosninchita wasguipajcuna-jina ama rimanquichu. Paycunaga mana musayninwan shimin atipashallanta riman. Tayta Diosninchitapis mana manchapacunchu. ¹⁷Tincupänacujcunapa yarpashanga jiri-jina miran. Paycunapa llupinpa jatirmi, Himeneuwan Filetupis ¹⁸llutanta rimar puriycan. «Wañushcuna mayna cawarimusha» niptin, waquin irmänunchicunapis Jesúsman manaéchi yupachicunganachu.

¹⁹Tayta Diosninchichi yarpashanmi ichanga mana imaypis rucacanchu. Paypa shiminéchu nin: «Maquinéchu cawajcunata Tayta Diosninchichi ricsin.»* Chaynuypis nin: «Tayta Diosninchita jayarajcuna jucha apari-cuypita ashucunman.»

²⁰Tincuchiypa tantiyacushun.
Puchuy-puchuy jananéchu cawaj runapa

*2.19 Números 16.5.

wasinchu achcash lätuncuna caycan: waquina juripitash, waquinnash jillaypita. Waquinshi ichanga jirullapita, mitullapita. Waquintash alli ñawinpa rican, waquintanash mana. Chay-jina runacunapis caycan. ²¹Juchanpita wanacuptin, alli ñawinpana Tayta Diosninchita pitapis ricanga. Paypa shungun munashannuylla cawar, shungunmanpis tincunga. Shungun munashallanta rurur, cawanga.

²²Müsucuna shungun munapashallanta rurur. Jammi ichanga Tayta Diosninchita shungun munashallanta rururquiman. Payllaman yupachicunquiman. Runa-masiquita llaquiquiman. Llapan irmänucunawan allilla cawanquiman. Paycuna llapan shungunwan jayrar, Tayta Diosninchita manchapacun. ²³Runa tincupänacushanman ama jaticanquichu. Paycuna upa cayninwan, mana musayninwan chiquinacuyllaman chayan. ²⁴Tayta Diosninchita maquinchu cawaj runa runa-masinwan ama tincupänacunmanchu. Manchäga llapanwan alli tantiyacunman. Tantiyayta mana atipaptinsi, alli shimillanpa tantiyachinman. ²⁵Tincupajcunataga alli shimillanpa piñacunman. Capaschäri Tayta Diosninchita camacächiptin, wanacunga. Wanacuptinga, shiminpis shungunman chayanga. ²⁶Chayrämi supaypa maquinchu cawashanpita Tayta Diosninchita jishpichinga. Supaypis maquinchu mana purichinganachu.

Jipata sasa caway cananpaj willacushan

3 ¹Timoteo, sumaj tantiyacunquiman. Jipataga sasa caway canga. ²Waqin runacuna runa-masinta mana llaquipar,

quiquillanpaj yarpaçhacunga. Jillayllapaj wañunga. Sumaj-tucur alli cashanta musyachicunga. Allitucullar puringa. Runa-masinta ashllinga. Maman-taytantapis mana wiyacungachu. Yupay-tucuyllaçu cawanga. Tayta Diosninchita mana manchapacungachu. ³Juyu cashpan cuyapäcuytapis mana yaçhangachu. Jagayash cashpan piwanpis alli ricanacuyta mana yaçhangachu. Tumpacullar puringa. Shungun munashallanta imatapis ruranga. Pasaypa juyu runa canga. Tayta Diosninchita shungun munashannuy rurajcunatapis chiquinga. ⁴Ishcay cära car, shimintapis mana çharcungachu. Pishiyarpayyuj canga. Pingacuyninpis ushyacash canga. Shungun munapashallanta imatapis rurur, Tayta Diosninchipäga mana imasi jucungachu. ⁵Runa ricanallanpämi payta manchapacuj-tucunga. Shimintam ichanga wiyacuytapis mana munangachu. Chay-niraj runacunapita witicunquiman.

⁶Waquincunana yaçhaj-tucur warmicuna-raycullar juc runacunapa wasinman aywan. Warmicunapis pishi-yarpayyuj car, jucacushanpita llaquish car, shungun munapashallanta ashij car, ⁷runapa shimintapis çhasquicuj-çhasquicujlla shuyaycan. Ichanga chay warmicuna Tayta Jesús pï cashantapis mana imaysi tantiyacungachu. ⁸Chay yaçhaj-tucuj runacunaga Janéswan, Jambreswan tincun. Paycuna Moisésta ticrapuran. Chaynuymi yaçhaj-tucujcunapis Tayta Diosninchita ticrapun. Jucha aparicuyllaman chutacun. «Tayta Diosninchiman yupachicü» nirpis, shimillan

riman. ⁹Yaćhaj-tucurpis, allićhüga mana llucshingachu. Upa cashanga llapan ricay musyacanga. Janéswan Jambrés pingayman ćhayashan-jina paycunapis pingayman ćhayanga.

Timoteuta piñapashan

¹⁰Timoteo, jammi ichanga sumaj purishimashcanqui. Llapan shunguyquiwán shimita ćhasquicushcanqui. Nuwa-jina cawashcanqui. Yarpashätapis tantiyacushcanqui. Yupachicushä-jina Tayta Diosninchiman yupachicuycanqui. Tantiyacushä-jina imapitapis tantiyacunqui. Llaquipäcushä-jina pi-maytapis llaquipanqui. Mana yamacashä-jina imaman ćhayarpis, ama yamacanquimanachu.

¹¹Antioquía marcaćhu, Iconio marcaćhu, Listra marcaćhu jaticachar ushyamashantapis, ñacachimashantapis musyanqui. Tucuy-jinanpa ñacachimaptinpis, Tayta Diosninchí jishpichimasha. ¹²Pipis Washäcuj Jesúsapa maquinćhu cawar Tayta Diosninchipa shungun munashanta rurarga, chiquir ushyash cawanga. Ñacaymanpis ćhayanga. ¹³Yaćhaj-tucur juchaćhu arujcunapa shungunmi ichanga waran-waran juyu cayman ćhayanga. Paycunaga yaćhaj-tucursi, rimashanta mana musyanchu. Shiminta ćhasquicujcunatapis llutanta yaćhaycächin.

¹⁴Timoteo, jammi ichanga sumaj yaćhacushcanqui. Shunguyquiman Tayta Diosninchipa shimin ćhayash caycaptin, ama junganquichu. Nuwacuna willapashajta musyanqui. ¹⁵Wamralla cashayquipita-pacha Tayta Diosninchipa shiminta yaćhacushcanqui. Shiminta

yaćhacur, shungun yarpashantapis tantiyacunquipaj. Chaymi Washäcuj Jesúsman yupachicushpanchi jishpichimänanchitapis tantiyacunchi. ¹⁶Tayta Diosninchí quiquinmi shiminta isquirbichisha. Paypa shimin allim. Chaymi shungun yarpashallanta tantiyachicushuwan. Runa llutanta yarpaptinpis, shimin nishannuylla tantiyachicushuwan. Llutanta ruraptinpis, piñapäshuwan. Allilla cawananpaj anyapäshuwan. ¹⁷Maquinćhu cawashpan shiminta tantiyacurmi, Tayta Diosninchipa shungun munashallanta rurar cawanga.

Washäcuj Jesúsapa willapanta imaysi willacunanpaj shacyächishan

4 ¹Washäcuj Jesús cutimur, llapan runata maquinćhu purichinga. Wañushcunatapis, cawajcunatapis imata rurar cawashanpita tapunga. Chaymi cananga shimita sumaj wiyacunayqui. Tayta Diosninchipa ricay ñawinćhüpis, Washäcuj Jesúsapa ricay ñawinćhüpis willapaycäj. ²Runacuna wiyaptinpis, mana wiyacuptinpis, Tayta Diosninchipa shiminta mana yamacällar willapäcunquiman. Llutanta yarpaptin, juchaćhu aruptin, piñapanquiman. Chaynuypis alli shimillayquipa shacyächinquiman. Tantiyacurir-tantiyacurir paycunata yaćhachinquiman. ³Jipata runacuna Tayta Diosninchipa shiminta wiyayta mana munangachu. Manchäga shungunman tincushallanta rimajcunata ashinga. Paycunaga imatapis mishquichipayllapa yaćhachinga. ⁴Tayta Diosninchipa shiminta mana wiyayta

munar, upa-tucunga. Chaymi imatapis umanman éhayashallanta rimar puricunga. ⁵Jammi ichanga tantiyacushpayqui ama llutäpacun-quichu. Runacuna ñacachishuptiquisi, éhasquicunquiman. Mana yamacällar pï-maytapis Jesúspita willapanqui. Carguyquitapis sumaj éharcunqui.

⁶Wañuy janächüna caycan. Wañuchimaptin, Tayta Diosninchita jarashan-yupay yawarnipis jíchash canga. ⁷Murucucuna ñacashan-jina tucuy-jinanpa ñacashcä. Pucllajcuna callpan ushyacashancaman pucllashan-jina nuwapis llapan shungüwan cargüta éharcushcä. Tayta Jesúspa shimin nishannuylla cawar, willapäcushcä. ⁸Tayta Diosninchipa shungunman tincushäpita allita éhasquij-éhasquij-jina Tayta Jesús alliman éhuramänanta shuyaraycä. Ichanga mana nuwallatachu alliman éhuramanga. Manchäga allillata rurashpan llapan shungunwan cutimunanta shuyarajcunatapis alliman éhuranga. Cutimushan junaj llapan runapa shungunta musyapar, allimanpis, mana allimanpis éhuranga.

Timoteuta yapay piñapashan

⁹Timoteo, watucamaj juclla shamunqui, ari. ¹⁰Irmänu Demäs imancunapäpis alläpa yarpaçhacur, quiquilläta jaguiraycamar Tesalónica marcaman aywacusha. Crescentina Galacia quinranman aywacusha. Tituna Dalmacia quinranman aywacusha. ¹¹Lucasllana yanagaycäman. Chaymi Marcoswan ishcaniqui shamunqui. Payga Tayta

Diosninchipa shiminta willapäcupti, yanapämanga. ¹²Tíquicuta Éfeso marcaman caçhashcä. ¹³Shamurga, punchütapis apacamunqui. Tróade marcaçu irmänu Carpupa wasinéchu jaguimushcä. Librücinatapis apacamunqui. Pitush-caj papilcunatapis jungamurunquiman.

¹⁴Jiru tacaj Alejandrumi ichanga tucuy-jinanpa pampaman éhuramasha. Llutanta rurashanmantupu Tayta Diosninchipa unyanta cutichinga. ¹⁵Chay runaga imata willapäcushanchitapis pampaman éhuraycan. Chaymi mayaj-mayajlla canayquipaj willapaycaj.

¹⁶Puntata Roma marcaçu auturdäman éhayapti, pipis mana nanachicamashachu. Llapanmi jaguiraycamasha. Jaguiramajcunapa unyanta Tayta Diosninchipa ama yarpamanmanchu. ¹⁷Japallä caycaptisi, Tayta Jesús mana caçarimashachu. Manchäga waran-waran shacyaycächiman. Chaymi shiminta sumaj willapäcushcä jäpa runacunapis wiyacunanpaj. Maquinéchu purichimar, wañuypitapis jishpichimasha. Micucuj liyunpita washämaj-jina wañuypitapis washämasha. ¹⁸Juchallicujcunapa maquinpitapis Tayta Jesús washämanga. Janaj pachaman shuntacamanga. Ñaupallanéchu purichimanga. Chaymi paytaga imay-imaypis llapan runa alliman éhuraycullächun. Chaynuy caycullächun.

Cartapa ushyanan

¹⁹«Pablush wamayaycäshunqui» ninqui mama Priscilata, * runan

* 4.19 «Priscila» mama Priscapa cuyay cutin caran.

Aquilata, Onesíforucunata.
²⁰Irmänu Erastuta Corinto
 marcachu jaguiycamushcă.
 Trófimutapis jishya chariptin,
 Mileto marcachu jaguiycamushcă.
²¹Tamya quilla mana éhayamu-
 shancamalla juella shamunqui,

ari. Irmänunchi Eúbulo, Pudente,
 Lino, irmäna Claudia, waquin
 irmänucunapis wamayaycăshunqui.
²²Tayta Jesús llapaniquita
 yanapaycullăshunqui. Tayta Dios-
 ninchipis llaquipaycullăshunqui.
 Chayllana.

Tituman San Pablo cartacushan

Tantiyacunanchipaj:

Pablo cay cartata isquirbiran irmänu Tituman. Payga Washäcuj Jesúsman sumaj yupachicuran. Timoteo yanagashan-jina Pabluta yanagaran Tayta Diosninchipa shiminta willacäshinanpaj. Creta marcaman aywarpis, ishcanin willapäcuran. Chay marcachu waquin Creta runacuna Jesússpa shiminta chasquicärian. Chaypita juc marcamaña Pablo aywacuran. Aywacur Tituta jaguiycuran irmänucunata tanti-yachicunanpaj, ricananpaj. Titupita musyayta munar, liguinqui: 2 Corintios 2.13; 7.6–16; 8.6; 8.16–23; 12.18; Gálatas 2.1–3; 2 Timoteo 4.10.

Creta marcapita Pablo aywacur, Tituta mana jungaranchu. Chaymi shacyächiyta, anyapayta munar, cartacuran. Chaynuypis waquin pantachicuj Israel runata upällachinanpaj cartacuran.

Pablo isquirbiran:

- Jesúsman yupachicuj mayur irmänucunata cargunman éhurananpita, irmänucunata sumaj ricäshinanpita, irmänucuna pantachicuj Israel runacunapa shiminta mana chasquipänapita: **Tito 1.1–16.**
- Irmänucunata sumaj tantiyachiptin Tayta Diosninchipa shiminta wiyacunanpita: **Tito 2.1–3.2.**
- Irmänucuna allillata ruralar cawanapita: **Tito 3.3–15.**

Pablo wamayashan

1 ¹Titullau Tito, nuwa Pablo cartacamü. Nuwata Tayta Diosninchí maquinchu purichiman. Paymi caçhacamasha Washäcuj Jesússpa shiminta willacur purinäpaj. Chaymi shiminta willapäcuyä acracushan runacuna payman sumaj yupachicunanpaj, shiminta sumaj tantiyacunanpaj. Paymi acracamashcanchi shungun munashannuy cawananchipaj. ²Wiyacuptinchi, imaycamanpis alli cawayta tarichimäshunpaj. Payga shiminta llapanta éharcun. Chaymi cay pachata mana camallarsi: «Wamrachacushäcunata shuntamushaj imaycamanpis cawanapaj» nir aunishanta

yupachicunchi. ³Aunishanta canan wichan may-chaychüpis willacucänapaj nuwatapis Tayta Diosninchí éhutamasha. Payga Washämajninchim. ⁴Irmänu Tito, Jesúsman yupacushay-quipita wawä-yupay caycanqui. Tayta Diosninchipis, Washäcuj Jesúspis llaquipäshushpayqui yanapayculläshunqui. Allilla caway-cachilläshunqui, ari.

Mayur irmänucuna imanuy cawanapäpis tantiyachishan

⁵Tito, Creta marcachu jaguishcaj llapan irmänucunata ricanay-quipaj. Marcan-marcana mayur irmänucunatapis tantiyachishaj-nuylla éhuranqui irmänunchicunata ricananpaj. ⁶Mayur irmänucuna

Tayta Diosninchita manchapacur cawanman. Pitapis achäquita ama ashipanmanchu. Warmillanwan alli juyanman. Wamrancunapis Tayta Diosninchita manchapacunman. Pitapis ama jitapanmanchu: «Wamrancuna jilla allgu. Upa rinri» nir. ⁷Irmänunchicunata ricaj runaga Tayta Diosninchipa maquinchu cawan. Chaymi llapan runa alli ñawinwan ricanman. Nishan-nishan imatapis ama rurannmanchu. Pitapis ama nanaparanmanchu. Upyallachu ama arunmanchu. Piwanpis maganacuyta ama ashinmanchu. Ama suwacunmanchu. ⁸Manchäga pï-maytapis pachächinman. Alli runa canman. Imatapis sumaj tantiyacunman. Tayta Diosninchita manchapacunman. Paypa shungun munashallanta rurannman. Imata rurannanpäpis sumaj yarpaçhacunman. ⁹Jesúspita nuwacuna yaçhachishätapis llapan shungunwan çharcunman. Chayraj irmänunchicunata yaçhachinman. Tayta Diosninchita wiyacunanj shacyächinman. Chucru shungucunatapis piñapanman Washäcuj Jesúspa shiminta tantiyacunanj.

¹⁰Tito, waquin runacuna Washäcuj Jesúspa shiminta mana wiyacunchu. Manchäga shimin çhayashanta rimar, irmänucunata pantachinan-cashallan puriycan. «Jirucuy» niycan. ¹¹Jillayta ashinan-raycellar pantaycächin. Wasin-wasin purir tincupänacaycächin. Chaymi paycunapa shiminta ama çhasquipanquichu.

¹²Yaçhaj Creta marca runapis niran: «Creta marca runacuna llulla. Juyu. Jilla. Paçhallanpaj cawan.»

¹³Rasunpa Creta runacuna chay-

niraj caycan. Chaymi irmänucuna pantash captin, sumaj piñacunqui Tayta Diosninchita sumaj wiyacunanjpäpis, ¹⁴«Moiséspa shimitapis, Israel runacuna yarpashan-tapis çharcuy» nijcunapa shiminta mana çhasquipänanjpäpis. Sumaj willapaptiqui, pantachicujcunapa shiminta mana çhasquingachu. ¹⁵Manchapacuptinchi, alli ñawinwan Tayta Diosninchipa ricamanchi Moiséspa shiminta mana çharcup-tinchisi. Wasguipajcunatam ichanga juyu ñawinwan rican. Paycunaga jucha aparicuyllaçu arun. Imatapis mana manchapacunchu. ¹⁶«Tayta Diosninchita wiyacu» nirsi, juyu. Chiqui. Alli cawayta mana camäpacunchu.

Imanuy cawananchipäpis tantiyachishan

2 ¹Tito, jammi ichanga imaypis Tayta Diosninchipa shimi-llanta willapäcunqui, ari. ²Chacha irmänucuna Tayta Diosninchipa shiminta çharcunman. Tantiyacurir-tantiyacurir imatapis rimanman. Runa-masintapis alli ñawinwan ricanman. Imatapis allillata rurannman. Tayta Diosninchimanpis llapan shungunwan yupachicunman. Llaquipäcuj canman. Ima ñacaytapis ichipunman. ³Chacha irmänacunapis Tayta Diosninchita manchapacunman. Pipa washan-tapis ama rimanmanchu. Upyallaçu ama arunmanchu. Manchäga juc ricacunanj Tayta Diosninchita manchapacur cawanman. ⁴Mushuj majachacash warmicunatapis willapanman majantawan wamrancunata alli ricananj, ⁵sumaj tantiyacurir-tantiyacurir

imatapis rurananpaj, mama-warmi cananpaj, yawar-masincunata alli ricananpaj, llaquipäcuj cananpaj, majanta wiyacunanpaj. Manchapacur cawaptinga, mana pipis Tayta Diosninchipa shiminta pampaman éhurangachu.

⁶Müsucunapis sumaj tantiyacurir-tantiyacurir imatapis ruranman.*

⁷Tito, ricacushunayquipaj quiqui-quipis manchapacur cawanquiman. Pitapis willapar, alli shimillayquipa willapanquiman. Tayta Diosninchita manchapacunquiman. ⁸Paypa shimi-llanta yaçhachicuptiqui, mana pipis pampaman éhurashunquipächu. Shimita wiyacamaptiqui, mana pipis ashllimäshunchu. Imata rimananpäpis achäquita mana taringachu.

⁹Piyun purij irmänucunatapis willapanqui patrunninta wiyacunanpaj, alli ricananpaj. Shimillan atipash ama cachunchu. ¹⁰Ama suwacuchunchu. Imatapis mana yatapacuptinga, llapan runa tantiyacunga Tayta Diosninchichi Washäcujninchichi cashanta, shimin alli cashanta.

¹¹Tayta Diosninchichi llaquipäcuj cashpan llapan runata janaj pachaman jishpichinan-raycur Washäcuj Jesústa cachamusha.

¹²Llaquipaycämaptinchi, jucha aparicuyupita wanacushun. Shungunchi munashanta imatapis ama rurashunchu. Manchäga Tayta Diosninchita manchapacur, allillata rurar cawashun.

¹³Taytanchi Jesucristu warasichicasi cutimunga. Paymi Tayta Diosninchichi. Washämajninchichi. Shuntacamänanchita shuyar,

manchapacur cawashun. ¹⁴Washäcuj Jesús wañuymanpis éhayasha nuwanchi-raycur juchapita wanacunanchipaj. Wanacuptinchi, Tayta Diosninchichi llapan juchanchita junganga. Llapantapis rurasha maquinchu cawananchipäpis, shungun munashallanta rurananchipäpis.

¹⁵Tito, willapashajta llapanta tantiyachinqui. Shacyächinqui. Sumaj piñapanqui. Pipis pampaman éhurarushunquiman.

3 ¹Llapan irmänunchicunata willapanqui mayur runacunatapis, auturdäcunatapis wiyacunanpaj. «Arushun» niptin, arunman.

²Pitapis pampaman ama éhuranmanchu. Ama tincupänacunmanchu. Manchäga llaquipänacuyta, alli ñawinwan ricanacuyta yaçhanman.

³Ñaupata Tayta Diosninchita mana wiyacushanchi wichan upa rinri cashcanchi. Rumi shungu cashcanchi. Jucpa shimillanta wiyacushcanchi. Shungunchi munashallanta rurar, päçhallanchita ashishcanchi. Warmin-warmin purishcanchi. Runamasinchita juyu ñawinchipa ricashcanchi. Juyu cashcanchi. Chiquinacuyllaçu arushcanchi.

⁴Chaypis Tayta Diosninchichi jishpichimajninchichi.

Llaquipämashanchitapis musyachimashcanchi.

Chaynuypis llapan runata llaquipan.

⁵Mana Moisés pa shiminta éharcushanchipitachu llaquipämashcanchi.

Manchäga alli shungu cashpan washämashcanchi.

*2.6 Griego rimaychu müsupita rimar, yarpaycan 20-40 watayuj cashanta.

Ushyacuptinchi, juchanchita
mana yarparanchu.
Chayraj yurish-jina caycanchi.
Alli ñawinwan ricaycämanchi.
Shungun munashallanta
rurananchipaj Espíritu Santu
shacyächimanchi.

⁶ Payta Tayta Diosninchi
caçhamusha Washäcuj Jesús
camacächiptin.

Payga jishpichimajninchim.

⁷ Llaquipämashpanchi juchaynajta
ricamanchi.

Wamran cashpanchi maquinéchu
imaycamanpis cawananchita
shuyarcaycanchi.

⁸ Tito, Tayta Diosninchipa shungun
munashallanta willapaycaj.

Chaymi manchapacur cawananjaj
irmänunchicunata sumaj willa-
panqui. Paycuna yanapänacunman.

⁹ Ichanga pipis: «Tayta Diosninchi
alli ricamänanchipaj Moisés
shimintapis çarcushuwan. Unay
auquillunchi yarpashannuylla
rurashuwan» nir tincupäshuptiqui,
upällachinquiman. Paycuna ima
rimashantapis mana musyanchu.
Umallanpita imatapis jurguyan.

¹⁰ Paycunata juc-ishcay cutilla
piñacunqui. Mana wiyacuptin

irmänunchi captinsi, jargurinqui.

¹¹ Tincupänacuyllaçu arujcuna
juchata aparicullar purin. Quiquinpa
juchanpita ñacaymanpis çhayanga.

Tituta piñapashan

¹² Irmänunchi Artemasta carpis,
Tíquicuta carpis, caçhamuyta
yarpaycä. Mayganpis çhayamuptin,
Nicolópolis marcaman juella
shamunqui tincunanchipaj. Tamya
wichan captin, chay marcaçu
juyapäryta yarpaycä. ¹³ Yaçhaj
Zenastapis, Apolutapis yanapanqui,
ari. Tayta Diosninchipa shiminta
willapäcur puriptin, imasi pishi-
shancunata tarichinqui. ¹⁴ Pitapis
tarichinanpaj irmänunchicuna
sumaj arunman. Tayta Diosninchipa
maquinéchu cawar, ama jilla runa
cashunchu.

Cartapa ushyanan

¹⁵ Cayçu caycaj irmänunchicuna
llapanmi wamayäshunqui. Jampis
Jesús-janan llaquipämashanchi
irmänucunata wamayapämanqui,
ari.

Llapallayquita Tayta Diosninchi
yanapayculläshunqui allilla cawanay-
quipaj. Chayllana.

Filemónman San Pablo cartacushan

Tantiyacunanchipaj:

Pablo cay cartata isquirbiran irmänu Filemónman. Payga Colosas marcachu tiyaran. Chay marcachu Pablo willapäcuptin, Jesús pa shiminta Filemón chasquicuran. Irmänucunapis paypa wasillanchu jutucay Tayta Diosninchita alliman churananpaj. Pablupis Colosas marcaman aywar, Filemón pa wasinchu pachacuran. Paywan sumaj yačhänacuran.

Filemónman cartacur, uywaynin Onésimupaj Pablo parlapan. Onésimuga Filemón pa maquinchu cawar, chaquinta jurgush caran. Roma marcachu Pabluwan tincuran. Washäcuj Jesúspita willapaptin, chasquicuran. Sumaj ricaptinsi, patrulinman cuticunanta munaran. Chaymi Onésimupaj parlapan. Filemóntapis piñapan Onésimuga juchanta mana yarparānanpaj, mana ñacachinanpaj. Manchäga alli ñawinwan ricar, irmänu-masinpana chasquicunanta munaran.

Pablo isquirbiran:

- Filemón ta wamayashanpita, Washäcuj Jesúsman sumaj yupachicushanpita: **Filemón 1.1–7.**
- Onésimupaj parlapushanpita: **Filemón 1.8–22.**
- Filemón paj Tayta Diosninchita mañacapushanpita, waquin irmänucuna wamayashanpita: **Filemón 1.23–25.**

Pablo wamayashan

^{1–3}Filemón llau Filemón, nuwa Pablo, irmänunchi Timoteuwan ishcani cartacamü Washäcuj Jesús-janan runacuna wíchgaraycächimaptinsi. Tayta Diosninchipa shiminta willapäcur purishimashayquipita sumaj cushicü. Wasiquichu llapan juturaj irmänunchi-cunatapis, mama Apiatapis, yanapäcuj Arquiputapis wamayapāmay, ari. Llapaniquita Washäcujninchi Jesúspis, Tayta Diosninchipis alli ñawinwan ricaycullāshunqui. Llaquipāshushpayqui sumaj yanapaycullāshunqui.

Tayta Diosninchita alliman churashan

⁴Jamta yarpararmi, sumaj cushicü. Chaymi waran-waran Tayta

Diosninchita mañacü: ⁵«Taytallau Tayta, ima allish Filemón Tayta Jesúsman sumaj yupachicun. Irmänucunatapis alli ñawinwan rican. ⁶Ichanga: «Yupachicü» nirsi, alli cawanapaj sumajraj tantiyacuchun. Washäcujninchi Jesús-raycur allillata ruraycullāchun» nir. ⁷Irmänunchicunata sumaj llaquipashayquita musyā. Shacyächiptiqui, shungunpis achicyacācusha. Chayta rural, nuwatapis shacyächimanqui. Shungunpis achicyacācusha.

Onésimupaj Pablo mañacapushan

⁸Chaypis Washäcuj Jesús pa maquinchu cawar, piñacunaj camacan. ⁹Ichanga llaquipashpä alli shimilläpa mañacushayqui



Filemón 1.8–22

auquin carpis, Washäcuj Jesús-janan wičhgarächimaptinpis.

¹⁰Uywayniqui Onésimupaj mañacushayqui, ari. Wičhgararpis, Onésimuta wawäta-yupaymi ricä shimipita Jesúsman yupachicuptin. * ¹¹Ñaupata ricay ñawiquichu manacaj runash caran. Cananmi ichanga ishcaninchita sumaj yanapaycämanchi. ¹²Shungü llaquiraycaptinsi, maquiquichüna cawananjaj cutiycächimü. ¹³Jesúspa alli willapanta willapäcushäpita wičhgarapti, ricamaj pishiman. Quiquiqui yanapämaya mana camäpauptiqui, Onésimuta maquichu charayta yarpashcä. ¹⁴Ichanga mana aunimashayquicaman charänä mana camacanmanchu. Jamurpämanquimanmi. Alli shimi quipa aunimaptiquiraj, yanapämanman. ¹⁵Ñaupata Tayta Diosninchicamacächiptinchi, Onésimo chaquinta jurgusha. Cananmi ichanga maquiquipita

mana imaypis jishpipäshunquipächu. ¹⁶Ñaupata uywayniqui captin, maquiquichu charashcanqui. Jesúsman yupachicuptinmi ichanga, yačhänacushayqui irmänuta-jina ricanquiman. Llaquipäshä-jina sumaj llaquipanquiman.

¹⁷Chaymi shungunchi tincuycaptin, nuwata-jina Onésimutapis alli ñawiquiwan ricanquiman.

¹⁸Imachüsi llutanta rurash captin, imatapis jaga-tucush captin, willamay. Llapanta jugari-cushaj. ¹⁹Quiqui cartacaycämü: «Llapallanta cutichishayqui» nir. Ichanga Tayta Diosninchipilla cuyninta yačhachishajpita, jagä-yupay caycanqui. Chaypis mana rimapäshayquinachu. ²⁰Manchäga irmänu, Tayta Diosninchiraycur yanapaycallamay, ari. Washäcuj Jesús-raycur shacyaycachillamay, ari. ²¹Wiyacujmi canqui. Chaymi juc-ishcayllata cartacamuptisi, lla-llantaachi charcuj aywanqui.

²²Mañacärishayquita wiyar carsilpita llucshinapäy Tayta Diosninchicamacächiptin, yapay watucushayqui. Pachächimanqui, ari.

Cartapa ushyanan

^{23–24}Purishimaj Marcospis, Aristarcupis, Demáspis, Lucaspis wamayämushunqui. Irmänunchi Epafraispis wamayämushunqui. Paytapis Washäcuj Jesús-janan carsilaraycächin.

²⁵Chayllata cartacallämü. Taytanchi Jesucristu llaquipäshush-payqui yanapayculläshunqui, ari. Chaynuy caycullächun.

* 1.10 Rimayninchu: «Onésimo» ninanga: «Yanapäcuj» ninanmi.

Hebreoscunaman cartacushan

Tantiyacunanchipaj:

¿Piraj cay cartata isquirbiran? Mana musyanchichu. Waquin yarpan Lucas isquirbishanta, Pablo isquirbishanta, Apolos isquirbishanta, Silas isquirbishanta. Waquin yarpan pipis Israel runacunapita juc yačhaj isquirbishanta. Pí carpis Israel-masincunapaj, hebreo rimayta yačhacunapaj isquirbiran.

Cay cartata isquirbij sumaj llaquish caycaran Israel-masincunapita. Paycuna Jesúsman yupachicushan-janan runacuna ñacachiptin, Moiséspa shimintaraj čharcuyta munaran. Chaymi Washäcuj Jesúsllaman yupachicunanta munar, isquirbij runa cay cartata apachiran.

Isquirbij isquirbiran:

- Washäcuj Jesúsman anjilcuna mana tincushanpita: **Hebreos 1.1–2.18.**
- Washäcuj Jesúsman Moisés mana tincushanpita: **Hebreos 3.1–4.13.**
- Washäcuj Jesúsman cüracuna mana tincushanpita: **Hebreos 4.14–7.28.**
- Washäcuj Jesúsman juc parlanacuyta camacächishanpita: **Hebreos 8.1–10.39.**
- Tayta Diosninchipa maquinču unay cawaj runacunata ricacunapita: **Hebreos 11.1–40.**
- Ñacarpis Washäcuj Jesúsman yupachicur cawanapita: **Hebreos 12.1–29.**
- Allillata rurar Tayta Diosninchipa shungun munashannuylla cawanapita: **Hebreos 13.1–25.**

Jallarinan

1 ¹Unay wichan Tayta Diosninchi shungun munashanta sumaj musyachicuran. Unay auquillunchicunata achca cutipa, tucuy-jinanpa willacujnincunawan musyachicuran. ²⁻³Canan wichanmi ichanga Wawanwan shungun munashanta musyachimashcanchi. Paywanmi Tayta Diosninchi llap-llapanta camaran. Llapam camashancunata Wawanpa maquinman čhurascha. Quiquishllan cashpan Tayta Diosninchipa shungun yarpashantapis musyachimanchi. Payga sumaj munayniyuj. Janaj pachapis, cay pachapis maquinču caycan. Paypa shiminta llap-llapan

wiyacun. Llapam runapa juchanta Tayta Diosninchi mana imaysi yarparänapaj nuwanchi-raycur ruschu wañuran. Jinarcur janaj pachaman cuticur, Tayta Diosninchita mandäshinanpaj diricha-caj lädunman jamacuran.

Jesúsman anjilcuna mana tincushan

⁴⁻⁵Tayta Diosninchi Wawanta sumaj alli ñawinpa rican. Wawanman anjilcuna mana tincunchu. Anjilcunata maygantapis mana wamrachacuranchu. Wawanta ricsichicurmi ichanga, Tayta Diosninchi niran:

«Wawämi canqui.

Nuwapita cawanqui.»

Maygan anjiltapis mana
musyachiranchu:

«Taytayqui cashaj. Wawä
canqui» nir.*

⁶Manchäga japallan Wawanta ricsi-
chicur, Tayta Diosninchi niran:

«Llapan anjilnicuna Wawäta
manchapacur alliman
êhuranman.»*

⁷Anjilcunapaj musyachicur niran:

«Anjilcuna cachä cashpan
wayra-jina shimäta purichinga.
Nina-jina shungü munashanta
ruranga.»*

⁸Wawanpämi ichanga niran:

«Taytallau Tayta, munayniyuj
cayniquiga mana imaypis
ushyacangapächu.
Maquiquichu cawajcunatapis
allilla cawachinqui.

⁹Jucha aparicuyta

wasguipashcanqui.

Imatapis rural, Tayta Dios-
ninchipa shungun munashan-
nuylla cawashcanqui.

Chaymi runa-masiquicunapita
jamllata acracushcaj.

Cushi-cushilla cawanayquipaj
camacächishcä.

Nuwalla Tayta Diosniqui cä.»*

¹⁰Tayta Diosninchipa shiminchu
juctapis nin:

«Taytallau Tayta, manaraj
imapis captillan, cay pachata
camarayqui.

Janaj pachatapis maquiquiwan
rurarayqui.

¹¹Llapan camashayquicuna
ushyacangapaj.

Quiquiquim ichanga imaysi
mana ushyacanquipächu.

Janaj pachawan cay pacha
müdana-jina maucayangapaj.

¹²Mauca müdanata-jina

lluyllurinqipaj.

Müdanata rucaycaj-jina
rucarinqipaj.

Quiquiquim ichanga mana
rucacanquipächu.

Imaysi mana

ushyacanquipächu.»*

¹³Maygan anjiltapis Tayta
Diosninchi mana niranchu:

«Diricha-caj lädüman jamacuy
cunc'haryuyquicunata
pampaman êhurashäcaman.»*

¹⁴Payga anjilcunata

cachacaycämün mandunta
rurananpaj, shiminta êhasquicuj-
cunata ricananpaj. Êhasquicujcunata
Tayta Diosninchi jishpichinga.

Tayta Jesústa mana jungananpaj

2 ¹Chaymi Tayta Diosninchipa
shiminta sumaj wiyacushun.

Mana wiyacurga, llutanmanpis
êhayarushuwan. ²Unay wichan
anjilcuna willapämashanchita
êharcunanchi caran. Mana êharcuj-
cunata jucha aparicushanman-
tupu Tayta Diosninchi ñacachiran.

³Chaymi Tayta Jesúspa shiminta
mana êhasquicuptinchi, ¿ñacaypita
jishpichimäshunchuraj? Tayta
Diosninchipa maquinchu cawanan-
chipaj quiquin Jesúsräy shiminta
willapämashanchi. Chaypita
shiminta wiyajcunapis sumaj tantiya-
chimashanchi. ⁴Willapämashanchi
rasunpa cashanta quiquin Tayta
Diosninchipis tantiyachimashanchi.
Camacächir, mana imaysi runa

*1.4–5 Salmo 2.7; 2 Samuel 7.14. *1.6 Deuteronomio 32.43. *1.7 Salmo 104.4.

*1.8–9 Salmo 45.6–7. *1.10–12 Salmo 102.25–27. *1.13 Salmo 110.1.

rurashancunata Jesúswan, willa-
 cujcunawan tucuyta rurachiran.
 Mana imaypis ricashancunata ricar,
 runacuna manchariran. Tucuy-
 jinanpa munayniyuj cashanta
 Tayta Diosninchí musyachicuran.
 Chaynuypis acracushan runacu-
 naman Espíritu Santuta cáchamuran
 juc-niraj-juc-niraj yáchaycunata
 camapánanpaj.

⁵Chaymi Tayta Diosninchípa
 maquinchu cawajcunata mana anjil-
 cunapa maquinman churashachu;
 manchäga Jesúspa maquinman.

⁶Chaymi shimin nishanchu
 isquirbiraycan:

«Taytallau Tayta, runacuna
 ushyacajlla.

Wañucujlla.

¿Imanirraj llaquipanqui?

¿Imanirraj llapantapis
 tarichinqui?

⁷Anjilcunaman tincunanpäpis
 ichiclla pishircusha.

Chaypis alli ricash cananpaj
 churashcanqui.

Allíchu jurgushcanqui.

⁸Llapan rurashayquita runapa
 maquinman churashcanqui.»*

Chaymi: «Llapanta runapa
 maquinman churashcanqui»
 nirga, musyachimanchi llap-llapa-
 llanta maquinman churashanta.
 Maquinpita imapis mana jishpin-
 gachu. Chaypis paypa maquinchu
 llapan cashanta cananllaraj
 mana tantiyanchirächu. ⁹Ichanga
 Tayta Diosninchí llaquipämashan-
 chita sumaj tantiyacushun.
 Washämänanchi-raycur Wawan
 Jesústa wañunanpaj cáchamusha.
 Yupash watalla anjilcunaman mana

tincushantapis camacächisha.
 Chaypitam ichanga alliman
 churasha. Nuwanchi-raycur
 wañushanpita allíchu jurgusha.

¹⁰Tayta Diosninchípa llapanpis
 cawan. Llapantapis camasha
 maquinchu cawananpaj. May-
 may wawancuna achic-achic-
 yaycaj wasinman chayananta
 munan. Wawancuna ñaupanman
 chayachinan-raycur quiquin
 camacächisha Jesús sumaj-sumaj
 ñacar wañuymanpis chayanapanpaj.
 Wawan Jesús ñacaptinraj,
 Tayta Diosninchípa sumaj alli
 casha. Chaynuypa llapanchita
 jishpichimänanchipaj camacächisha.

¹¹Wiyacuptinchi, llapaninchitana
 Tayta Diosninchí wawanpa
 ricamanchi. Wawan Jesúswan juc
 taytallapita caycanchi. Chaymi
 mana pingacullar Jesús nimanchi:
 «Chay taytallapita caycanchi.»

¹²Unaypis shiminta musyachicur
 niran:

«Taytallau Tayta, pï cashay-
 quitapis llapan wawayquita
 willapashaj.

May-chaychu jutucaptinpis,
 cushicuywan alliman
 churashayqui.»*

¹³Jananmanpis niran:

«Tayta Diosninchíman
 yupachicushaj.»

Yapaypis niran:

«Tayta Diosninchí churapamash
 captin, wawäcunawan-ima
 caycä.»*

¹⁴Llapan runa wañujlla. Jesúspis
 wañucujlla caran. Wañurmi ichanga,
 wañuchicuj supaytapis ichipusha.

¹⁵Supay maquichacamaptinchi,

*2.6–8 Salmo 8.4–6. *2.12 Salmo 22.22. *2.13 Isaías 8.17–18.

wañuyta manchacullar cawash-
canchi. Jesús wañurmi ichanga,
wañuyta washämashcanchi.

¹⁶Tayta Jesús mana anjilcunatachu
yanapaj shamusha. Manchäga
Abrahampa willcan captinchi,
yanapämänanchipaj shamusha.

¹⁷Nuwanchi-jina runa cayman
chayashpan Jesús tantiyamanchi.
Chaynuypa mayur cüra cayman
chayaran. Cüra caynintapis
charcuycan. Llaquipämashapanchi
mañacapaycämanchi. Jucha apari-
cushanchita Tayta Diosninchi mana
yarparánanpaj quiquinpa bidanta
churasha wañuyman chayan-
caman. ¹⁸Supaypis cay pachachu
Jesústa ñacachiran. Juchacachiy-
tapis munaran. Chaymi ñacachimap-
tinchisi, juchacachiyta munamaptin-
chisi, Jesús washämanchi. Llaquipä-
mashpanchi yanapaycämanchi.

Moiséswan Jesústa tincuchishan

3 ¹Irmänucuna, Tayta Dios-
ninchipa acracuynin caycanchi.
Maquinchu puriyächimanchi.
Chaymi Jesús pï cashantapis sumaj
tantiyacushun. Payta Tayta Diosninchi
caçhacamusha. Shiminta çasqui-
cuptinchi, mayur cüranchi cashpan
mañacapaycämanchi. ²Cüra cayninta
charcur, Tayta Diosninchipa shungun
munashallanta Jesús ruraran.
Moiséspis Tayta Diosninchipa shungun
munashallanta ruraran. Tayta Dios-
ninchipa wasinta ricaj-jina marca-
masincunata maquinchu purichiran.
³Moisés alli ricash captinsi, Jesúsman
mana tincuranchu. Mä, tantiya-
cushun. Wasi alli ricash captinsi, wasi
rurajta alli rican. ⁴Llapan wasipis

runacuna rurashallan caycan. Chay-
jina cay pachatapis, janaj pachatapis
Tayta Diosninchi camasha. ⁵Tayta
Diosninchipa wasinchu arur, mincay-
yupay paypa shungun munashanta
Moisés ruraran. Ima-imata nishantapis
marca-masincunata tantiyachiran.

⁶Washäcuj Jesúsmi ichanga mana
mincaychu. Manchäga Tayta Dios-
ninchipa Wawan cashpan wasinchu
caycan. Nuwanchipis wasi wamrana
caycanchi mana yamacällar cushi-
cushilla Jesúsman yupachicushpanchi.

⁷Chaymi Espiritu Santuta
wiyacushun. Payga nin:

«Ima alliraj canman canan junaj
Tayta Diosninchipa shiminta
wiyacäriptiqui.

⁸Unay auquilluyquicuna chucru
shungu cashan-jina ama
canquichu.

Ama ticrapäcunquichu.
Chaqui pacha quinranchu
purishan wichan paycunapa
shungunta musyaparä.
Ticrapamar, paycuna maquicha-
camayta camaran.

⁹Çhuscu çunca (40) watantin
tucuychu yanapaycaptisi,
munayniyuj cashäta ricaycarsi,
maquichacamayta camaran.

¹⁰Chaymi yamacar nirä:

«Cay runacuna shungun
munashallanta rurur,
juchallaachu cawan.
Shungü yarpashanta mana
tantiyacunchu.»

¹¹Ullgucäcur, nirä: «Aunishä
çacraman imaypis mana
yaycunquipächu.

Imaypis jamayta mana
tarichishayquipächu.»*

* 3.7–11 Salmo 95.7–11.

¹²Irmānucuna, sumaj wiyacunquiman. Mayganiquipis ama upatucunquimanchu. Ama chucru shungu canquimanchu. Cawaj Tayta Diosninchipita ama witicunquimanchu.

¹³Manchäga waran-waran Tayta Diosninchipa shiminta wiyacurcaycar shacyächinacunquiman. Canan junajpis juchata mana aparicunayquipaj, nishayqui-nishayqui imatapis mana ruranayquipaj wiyacunquiman.

¹⁴Washäcuj Jesús pa shiminta aunishpanchi Tayta Diosninchipa maquinchu cawashunpaj. Ichanga mana yamacällar yupachicunanchi.

¹⁵Chaymi shiminta ama junga-shunchu. Paypa shiminchu nin:

«Ima alliraj canman canan junaj Tayta Diosninchipa shiminta wiyacäriptiqui.

Unay auquilluyquicuna chucru shungu cashan-jina ama canquichu.

Paycuna Tayta Diosninchita ticrapuran.»*

¹⁶Auquillunchicuna, ¿maygan-maygantaj Tayta Diosninchita ticrapuran shiminta wiyash caycarpis? Ticrapuran Moisés llapan auquillunchicunata Egipto marcapita jurgamushancuna. ¹⁷Auquillunchicuna, ¿maygan-maygantaj chuscuna chunca watantin (40) Tayta Diosninchita ullgüchiran? Llapan jucha aparicuyllaachu aruran. Chaymi chaqui pacha quinranchu wañuptin, ayanpis jitarashanchu jitarpararan.

¹⁸Auquillunchicunata, ¿maygan-maygantataj Tayta Diosninchi piñacuran? Llapan auquillunchicunata mana wiyacushanpita mayna Tayta Diosninchi piñacuran:

«Aunishä chacraman imaypis mana chayanquipachu. Jamaytasi mana tarinquipachu» nir. ¹⁹Payga shiminta charcun. Chaymi mana yupachicushanpita chucru shungucuna jamaytapis mana tariranchu.

4 ¹Tayta Diosninchim ichanga aunishanta jinalla shuyaraycächimanchi: «Alli cawaychu jamachishayqui» nir. Chaymi llapan shungunchiwan shiminta wiyacushun. Manchäga mana chayahashunpachu. ²Unay auquillunchicunapis nuwanchi-jina Tayta Diosninchipa shiminta wiyaran. Alli willapa caycaptinsi, mana wiyacuranchu. Wiyacujcunawanpis jutucayta mana munaranchu.

³Nuwanchim ichanga alli cawaychu jamachimänanchita munar, Tayta Diosninchita wiyacunanchi. Payga mayna nisha:

«Ullgucäcur, nirä:

«Aunishä chacraman imaypis mana yaycungapachu.

Imaypis jamayta mana taringapachu.»*

Jamaypita rimar, Tayta Diosninchi cay pachata camayta ushyarcu jamashanpita rimaycan. ⁴Jamay junajpita Tayta Diosninchipa shiminpis nin:

«Janchis-caj junajchu llapallanta camarcur, Tayta Diosninchi jamaycuran.»*

⁵Yapaypis Tayta Diosninchipa shimin nin:

«Jamanä pachaman mana imaypis chayahachishachu.»*

⁶Jamana pacha caycashanta tantiyashcanchi. Waquin runacuna chayan; waquinmi ichanga mana.

* 3.15 Salmo 95.7–8. * 4.3 Salmo 95.11. * 4.4 Génesis 2.2. * 4.5 Salmo 95.11.

Tayta Diosninchipa shiminta wiyay-carsi, mana wiyacushanpita mana éhayaranchu. ⁷Chaymi jamana pachaman yaycuchinanpaj juc junajpaj Tayta Diosninchi jitaparan. Jitapashan junaj canan wichan caycan. Unayga Tayta Diosninchi mandaj Davidwan shiminta musyachicur niran:

«Canan junaj Tayta Diosninchipa shiminta wiyacushun.

Shungunchita ama chucruyächishunchu.

Ama upa-tucushunchu.»*

⁸Unay auquillunchicunata Canaán marcaman Josué pushaptin, alli cawayta mana tariranchu. Jamaytapis mana tariranchu. Chaymi: «Alli cawaychu jamachishaj» nirga, Tayta Diosninchi mana rimacunmanchu caran. ⁹Sumaj tantiyacunquiman. Wawancunapaj Tayta Diosninchi alli cawayta shuyaraycächin. Alli cawaychu jamanga. ¹⁰Chay pachaman éhayar, runacuna mana arunganachu. Manchäga alli cawayllaçu jamanga. Tayta Diosninchipis cay pachata, janaj pachata camayta ushyarcur, jamaran.

¹¹Jamana pachaman éhayanan-chipaj llapan shungunchiwan callpachacushun. Upa-rinri runacunapa llupinpa ama jatishunchu. Paycuna mana wiyacushanpita ñacayman éhayaran. ¹²Tayta Diosninchipa shimin munayniyuj. Cawaj. Ishcanläpa aflash cuchillupitasi mas cuchuj. Runapa shunguncaman éhayar. Imapis mana chapanmanchu. Runa imata yarpashallantapis, imata munashallantapis

taripan. Llap-llapanta musyacächin. ¹³Llapan camashancuna Tayta Diosninchipa ricay ñawinchu caycan. Llapan pacarashantapis ricaycan. Chaymi ima-imata rurashanchitapis tapumäshunpaj.

Jesús mayur cüra cashan

¹⁴Jesús janaj pachaman ñaupashana. Payga Tayta Diosninchipa Wawan. Mayur cüranchi cashpan mañacapaycämanchi. Chaymi payllaman llapan shungunchiwan yupachicushun. Paypita ama ashucushunchu. ¹⁵Mayur cüra carsi, runa cashanchita tantiyamanchi. Paytapis cay pachaçu purishan wichan supay juchacachiya munaran. Ñacachiran. Paymi ichanga juchata mana aparicuranchu. ¹⁶Chaymi mayur cüranchi caycaptin, Tayta Diosninchiwan parlayta munar, ama manchacushunchu. Payga llaquipäcuj. Ima ñacaychu caycaptinchisi, alli shungu. Llaquipä-mashpanchi sumaj yanapämanchi.

5 ¹Mayur cüra cananpaj pitapis marca-masillanpita acran. Cüra cayman éhuran runa-masincunapaj Tayta Diosninchita mañacapunapaj. Chaymi pipis juchanpita wanacuptin, runa-masimpa cuyachicuyinta, jaracuyinta Tayta Diosninchita jaran. ²Mayur cürapis runa cayninwan pantapacun. Chaymi runacuna mana musyayninwan llutanta ruraptin, pantapacuptin, llaquipan. ³Tantiyayyuj runa cashpan quiquin jucha aparicushanpita, pampa runacuna juchata aparicushanpita mañacapur, Tayta Diosninchita jaran.

* 4.7 Salmo 95.7–8.



Hebreos 5.1–4

⁴Chaura quiquillanpita pipis mayur cūra cayman mana chayan-manchu; manchäga Tayta Diosninchi acrarcur alli cayman churaptinraj. Cüracunapa taytan Aarónpis quiquin Tayta Diosninchi acrarcur churaptinraj, mayur cūra cayman chayaran. ⁵Washäcuj Jesúspis mana quiquinchu ashisha mayur cūra cananpaj. Manchäga Tayta Diosninchi alli ricar, mayur cūra cayman churar, musyachicuran:

«Wawämi canqui.

Cananpita-pacha nuwapitana cawanqui» nir.*

⁶Juclächüpis musyachicuran:

«Cūra cayniquipita imaypis mana llucshinquipächu.

Melquisedec-jina cūra canqui» nir.*

⁷Washäcuj Jesús cay pachachu purir, wiguinpawanraj llapan shungunwan mañacuran: «Taytallau Tayta, wañuypita jishpiycachillamay, ari» nir. Manchapacuj captin, mañacushanta Tayta Diosninchi camacächiran.

⁸Chaypis Wawan carsi, sumajraj ñacasha wañuyman chayanapanpaj.

Chayraj wiyacuj cayta yaçhacusha.

⁹Wiyacuj cayta yaçhacuptinmi ichanga, Tayta Diosninchi cawarcachimuran wiyacujcunata jishpichinanpaj, imaycamanpis maquinächu cawachinanpaj. ¹⁰Jananmanpis unay Melquisedecta churashan-jina mayur cūra cananpaj churasha.

Irmänucunata piñapashan

¹¹Sumaj wiyacamay. Achcaraj caycan yaçhachinanpaj. Ichanga upa-tucur jillanashpayqui tantiyacuyta mana atipanquichu. ¹²Juccunata yaçhachinayquipaj mayna tantiyacunquiman caran. ¿Imanirtaj imatapis mana tantiyacunquirächu? ¿Tayta Diosninchipa shiminta yaparir-yaparir willapänallaj-tachu shuyarpaycanqui? ¿Pishi wamra-jina chuchutarächu shuyarpaycanqui? Chucru micuyta mana micunquirächu. ¹³Chuchuj mallwa-jina Tayta Diosninchipa shungun munashanta mana tantiyacunquirächu. Mana yaçhacunquirächu. ¹⁴Sinchi wamracunam ichanga chucru micuycunata micun. Paycuna-jina yarpay-sapacuna allitapis, mana allitapis tantiyacun. Tayta Diosninchipa shungun munashantapis tantiyacun.

6 ¹Chaymi mana tantiyashan-chicunata tantiyacushun.

Washäcuj Jesúspa willapanta ichic-ichicllata yaçhacushallanchiwan ama cacushunchu. Unay yaçhacushanchinuylla ama cawashunchu.

Mayna musyanqui juchaçu cawar wanacuypita, Tayta Diosninchiman yupachicuypita, ²ushyacuypitawan awicuypita, * pipa umanta yataycur

* 5.5 Salmo 2.7. * 5.6 Salmo 110.4. * 6.2 Israel runacuna Tayta Diosninchipa ricay ñawinächu alli cayta munar, juchanpita wanacur waquin yacuman yaycuj, waquinna janallanta awicuj.

mañacuypita, wañushcunata cawarachimunapita, Tayta Diosninchichi llapan runapa juchanta jurgapānanpita.

³Chaymi Tayta Diosninchichi camacächiptin, waran-waran paypita sumaj tantiyacucyāshun.

⁴⁻⁶Ichanga sumaj tantiyacunquiman. Tayta Diosninchipita ashucush runacuna yapay wanacuyta mana camāpacungachu. Chay runapa shungunman Tayta Diosninchipita shimin chayaran. Mancha-pacur cawaran. Espiritu Santupis yanaparan. Tayta Diosninchipita shiminta wiyacur, cushish juyaran. Paypa maquinchu juyar, alli cawaytapis tariran. Chaynuy caycaptinsi, chay runacuna Tayta Diosninchipita ashucārisha. Ashucārir, Tayta Diosninchipita Wawan Jesústapis sumaj pampaman churan. Pampaman churaptin, rusman läbaycaj-yupay ricacun. Chaynuy rurariycur, wanacuyta mana camāpacungachu.

⁷⁻⁸Chacrata-yupay Tayta Diosninchichi ricamanchi. Payga llapan chacraman tamyachimun. Waquin chacrachu sumaj micuy wayun. Waquin chacrachümi ichanga juyu casha jačhacunalla wiñan. Chacra-yupay waquin runapis Tayta Diosninchipita shiminta wiyacun. Wiyacuptin, sumaj yanapan. Waquin runam ichanga mana wiyacunchu. Paycunata Tayta Diosninchichi juyu ñawinpa rican. Ninawan ushyaringa.

**Ima captinpis, Tayta
Diosninchiman
yupachicunanpaj willapashan**

⁹Wawallau wawa, tincuchiypa piñapāshaj manash nanashcashun-

quichu. Jamcuna Tayta Diosninchichi wiyacurcaycanqui. Washāshush-payqui maquinchu cawarcaycanqui. Chaymi shungun munashanta imatapis rurarcaycanqui.

¹⁰Shiminta wiyacur quiquiquipura yanapānacārishayquita Tayta Diosninchichi musyan. Ima-imata rurashayquitapis mana junganchu. Irmānu-pura llaquinacārishayquitapis yarparācun. Chaynuy cawaytiqui, ¿Tayta Diosninchichi jungaycushunquichuraj? Mana. ¹¹Chaymi cawashayquicaman irmānu-pura sumaj yanapānacunquiman. Alli cawashayquinuylla imay-imaypis juyanquiman. Chaynuy cashayquipita Tayta Diosninchichi shuyarāchishushayquita tarichishunquipaj. ¹²Chaymi jillacuna-jina janan shungulla amacanchu. Manchāga unay auquillunchicuna yupachicushan-jina Tayta Diosninchiman yupachicushun. Paycuna mana ishcaj-quimsatachu yarparaj. Manchāga Tayta Diosninchichi aunishanman mana yamacaypa sumaj yupachicuran. Chayrämi shuyarashantapis chasquiran.

¹³Pipis Tayta Diosninchiman mana tincunchu. Chaymi auquillunchi Abrahamta aunir, pitapis mana ashiranchu shiminta charcucāchinanpaj. Manchāga quiquillan auniran: ¹⁴«Allipa ricashayqui. Sumaj yanapāshayqui. Wamrayquipis, willcayquicunapis yupaysi mana atipaypaj miranga» nir. ¹⁵Chaymi Abraham mana yamacāllar shuyaran. Tayta Diosninchichi aunishantapis chasquiran.

¹⁶Runacunam ichanga imatapis aunir chasquinanpaj

*6.14 Génesis 22.16-17.

juc mayur runataraj shiminta éharcucächinanpaj ashin. Chayraj jucninpis aunishan éharcunanta yupachicun. ¹⁷Chaynuy caycaptin, imata rurananpäpis auquillunchi-cunata aunir, Tayta Diosninchiquiquillan auniran. Chaymi auquillunchicuna yupachicuran: «Quiquin aunishanta Tayta Diosninchil lapanta éharcunga. Aunishantapis mana imaysi cutiricungapächu» nir. ¹⁸Canan sumaj tantiyacushun. Tayta Diosninchil imata rurananpäpis quiquillan aunin. Pitapis mana ashinchu shiminta éharcucächinanpaj. Payga mana llullacunchu. Chaymi jishpichimänanchipaj aunimashanchipis, maquinchu charämänanchipis jatun cushicuyman éhuramanchi.

¹⁹⁻²⁰Chaymi mana yamacällar payman yupachicushun. Unay mayur cüra Tayta Diosninchipa ñaupanman éhayashan-jina nuwanchipis éhayashunpaj. Unay cüracuna Tayta Diosninchiwantincuj aywar, wasinchu raquiraycaj bayta wajtancaman yaycuran. Jesúsmi ichanga mayur cüra cayman éhayar, Tayta Diosninchipa ñaupanman mayna éhayasha nuwanchi-raycur mañacapamänanchipaj. Melquisedec-jina mayur cüra cayninpita mana imaysi llucshingachu.

Melquisedecpa cüra cayninwan Washäcuj Jesústa tincuchishan

7 ¹Melquisedec Salem marcapa mandajnin caran. Cüra cashpan Llapanta Camaj Tayta

Diosninchita mañacapurán. Chay wichan auquillunchi Abraham mandajcunata magar ushyariycur cuticamuran. Cuticamuptin, Melquisedec tari paran. Tincur, Tayta Diosninchita mañacapurán: «Taytallau Tayta, Abrahamta imaycächüpis yanapaycullay» nir. ²Chaynuy ruraptin, cuyachicuyninta Abraham raquipuran. Marcacunata maganacuychu ichipurir, imatapis jichupacamushanta éhuncapita jucta-caman Melquisedecta jararan.

Rimayninchu: «Melquisedec» ninan: «Tayta Diosninchil munashallanta ruraj mandaj.» «Salem» ninanna: «Allilla cawachicuj mandaj» ninan. ³Melquisedecpa mamentaytan pi cashanpis, auquillun pi cashanpis mana musyacanchu. Imay yurishanpis, imay wafushanpis mana musyacanchu. Payga Tayta Diosninchipa Wawanwan tincun. Chaymi cüra cayninpis mana imaypis ushyacangachu.*

⁴Melquisedec sumaj alli ricash caran. Chaychi unay auquillunchi Abraham cuyachicuyninta éhuncapita jucta-caman jararan. ⁵Jipatapis Levipa yawar-masincuna cüra cayman éhayar, Moiséspa shimin mayna camacächish caycaptin, imatapis éhuncapita jucta-caman marca-masincunapita mañacuran. Paycuna llapanpis Abrahampa willcancuna caran. ⁶⁻⁷Melquisedecmi ichanga Levipa yawar-masin mana caycarsi, auquillunchi Abrahampita éhuncapita jucta-caman éhasquran. Jinarcu alli cawayman éhurar, Tayta Diosninchita mañacapurán: «Taytallau Tayta, sumaj yanapaycullay, ari» nir.

*7.1-3 Génesis 14.17-20.

Musyashanchinuypis mayur runa Tayta Diosninchita mañacapun pampa runata sumaj yanapānanpaj. Chaymi Abrahamta Tayta Diosninchia aunish caycaptinsi, Melquisedecman mana tincurancho. Payga Abrahampaj Tayta Diosninchita mañacapurān. ⁸Levípa yawar-masincuna éhuncapita jucta-caman mañacurpis, wañucuj runalla caran. Melquisedecshi ichanga cawaycanraj. Chayta tantiyacunchi Tayta Diosninchipa shimínchu wañucushanpita mana rimacuptin. ⁹⁻¹⁰Canancamanpis Levípa yawar-masin cūracuna éhuncapita jucta-caman mañacurcaycan. Mañacurpis, Melquisedecta quiquincunapis jarash caran. Melquisedecta Abraham jaraptin mana yurillaptin, willcan Levícunapis jarash-yupay ricacuran. Chaymi jipataraj yurish carpis, Melquisedecta jarashana caran.

¹¹Levípa yawar-masincuna cūra cayman éhayaran Israel-masincunata Tayta Diosninchivan tincuchir alli ricanacunanpaj. Mana camāpacuptinmi ichanga, juc casta cūra ricarimunānpaj alli caran. Ichanga mana Levípa willcancunapitachu, mana Aarónpa yawar-masincunapitachu ricarimusha. Manchāga cūra Melquisedecjina ricarimunan caran. Ricarimuj cūra sumaj camacächisha Tayta Diosninchivan alli ricanacunanchipaj. ¹²Chaura jucpa yawar-masin cūra cayman éhayaptin, Moiséspa shiminpis juc-nirajman tircacācunan caran. ¹³⁻¹⁴Ricarimuj cūraga caycan Tayta Jesús. Payga mana Levípa willcanchu; manchāga Judāpa

willcan. Judāpa willcancuna cūra cayman éhayananpaj Moisés imaypis mana musyachicuranchu.

¹⁵Melquisedecjina juc cūra ricarimuptin, mana sasachu Tayta Diosninchipa shiminta tantiyacunānchipaj. ¹⁶Mushuj cūrata mana éhurashachu Levípa yawar-masin cashanpita; manchāga imaycamānpis cawacuj cashanpita. ¹⁷Unaypita-pacha Jesúspaj Tayta Diosninchipa shimínchu nin: «Melquisedecjina cūra cayniquipita imaypis mana llucshinquipāchu.» ¹⁸Chaynuy nir Moiséspa shimín llapanpaj mana aypāpacushanta, chaycamalla cashanta musyachimanchi. Israel-masinchicuna Moiséspa shiminta wiyacuyta munarsi, mana Tayta Diosninchipa shungun munashannuychu cawaran. ¹⁹Moiséspa shimín mana sumajchu caran. Mana yarpa-shannuychu imatapis camacächiran. Chaymi jucpa shiminta éhasquicunānchi caran Tayta Diosninchipa ricay ñawínchu alli cawanānchipaj. Paypa shimínman yupachicunānchi camacan.

²⁰⁻²¹Cūracunalla cūra cayman éhuranacuptin, Tayta Diosninchiman rimacurancho. Jesúspāmi ichanga auniran:

«Cūra cayniquipita mana imaysi llucshinquipāchu.»

Nuwa, Tayta Diosniqui, quiquipa shimíwan aunishcaj.

Shimíta éharcūmi » nir. *

²²Chaynuyta ñaupacaj parlanacushanta jipaču jaguisha. Juc parlanacushanmi ichanga sumaj alli. Aunishanta éharcucāchinānpāpis quiquin Jesústa éhurasha.

*7.20-21 Salmo 110.4.

²³Unay cüracuna jatinaylla aruran. Juc wañucuptin, jucna yaycuran. ²⁴Jesúsmi ichanga imaypis mana wañungachu. Cüra cayninpis jucpa maquinman mana éhayangachu. ²⁵Mana ushyacaypa cawar, Tayta Diosninchitapis mañacapaycämanchi. Shiminta éhasquicur Tayta Diosninchipa maquinchu cawayta munaptinchi, quiquin imay-imaycamanpis jishpichimanchi. Mana ushyacaypa cawar, nuwanchi-raycur waran-waran Tayta Diosninchita mañacapaycämanchi. Tayta Diosninchipa maquinchu cawayta munar Jesús pa shiminta éhasquicuptinchi, quiquin Jesús jishpichimanchi.

²⁶Chay-niraj mayur cüra pishimaranchi. Jesús ga Tayta Diosninchipa shungunman tincun. Ima juchanpis mana canchu. Imaysi mana juchallicushachu. Juchayuj runacunapa échapinpa raquir, Tayta Diosninchipa janaj pachaman shuntacuran ñaupallan chu cawacunanpaj. ²⁷Waquin mayur cüracuna quiquinpa juchantawan marcasincunapa juchanta waran-waran Tayta Diosninchita mañacuran mana imaysi juchancunata yarparānanpaj. Ricay ñawin chu alli cawayta tarinanpāpis uywacunata pishtarcur jararan. Jesús mi ichanga wañuymān éhayar, quiquinpa caway-bidanta Tayta Diosninchita jararan. Juc cutilla jararan imaycamanpis aypācunanpaj. ²⁸Unay wichan Moisés pa shiminta éharcu mayur cüracunata cargunman éhuran mañacapamānanchipaj. Chaypis canancaman cargunta sumaj

éharcuyta mana camāpacunchu. Cananmi ichanga Tayta Diosninchipa éhurashan mayur cüra llapanta éharcun. Wawan cashpan imaycamanpis Tayta Diosninchipa shungun munashannuylla cawan.

**Washäcuj Jesús juc
parlanacuyta llanguichishan**

8 ¹Sumaj tantiyacushun. Mañacapamānanchipaj mayur cüranchi Jesús janaj pacha chu caycan. Munayniyuj Tayta Diosninchipa diricha-caj lādun chu jamaraycan. ²Paymi quiquin Tayta Diosninchipa ñaupallan chu, rasunpa-caj purichina jiru éhaqui capilla chu mañacapaycämanchi. Chay wasi mana runa jatarachishanchu; manchäga quiquin Tayta Diosninchipa jatarachishan.

³Cay pacha chu mayur cüracuna caycan uywacunata Tayta Diosninchita jarananpaj, cuyachicuycunatapis éhurapunanpaj. Chaymi Jesúspis Tayta Diosninchita imatapis jaranan camacaran. ⁴Cay pacha chu cüra cayman Jesús mana yaycunmanchu caran. Cay pacha chu cüracuna mana pishin chu. Achcajraj Moisés ya éhachishannuylla cuyachicuycunata jararcaycan. ⁵Cay pacha chu jarashancuna janaj pacha chu jarashallanman tincun. Purichina jiru éhaqui capilla chu imatapis rurananpaj ya éhachir, Sinaí jirca chu tincun, Tayta Diosninchipa Moisés ta niran: «Moisés, sumaj wiyacuy. Wasita jatarachir, janaj pacha chu ricachishajtanuylla llapanta tincuchiylapa rurankui.»* Chaymi cay pacha chu jarashanpis,

* 8.5 Éxodo 25.40.

zurashanpis janaj pachachu rurashallanman tincun.

⁶Mayur cūra Jesúsmi ichanga janaj pachachüna cūra cayninta sumaj charcuycan. Nuwan-chipaj Tayta Diosninchita parlapaycämanchi. Aunishan-tapis sumaj camacaycächin. Jesús rurashanmanga cay pachachu cüracuna rurashan mana tincunchu. Unay Israel runacunawan Tayta Diosninchita parlanacur auninacushanmanpis mana tincunchu.

⁷Israelcunawan unay parlanacushan alli caycaptin, Tayta Diosninchita yapay parlanacunan mana camacarannachu. ⁸Unay parlanacushanta runacuna mana charcup-tinmi ichanga, juchanta taripur Tayta Diosninchita niran:

«Tayta Diosniqui caycä.
Imayllapis Israel runacunawan,
Judá runacunawan yapay
parlanacushaj.»*

⁹Yapay parlanacur, mana unay parlanacushänuychu cangapaj. Unay Egipto marcapita jishpichicamur, llapan auquilluyquicunawan parlanacurä.

Chaypis shimita mana charcuranchu.

Mana wiyacamashanpita jaguiycurä.

¹⁰Parlanacunä junaj chayamup-tinmi ichanga, llapan Israel runacunawan yapay parlanacushaj.

Shungü munashanta tantiyacunga.

Shimä shungunman chayanga.

Tayta Diosnin capti, nuwallaman yupachicamanga.

Maquichu cawangä.

¹¹Llapallanwan alli ricanacushaj.

Pampa runacunawanpis, mayur runacunawanpis alli ricanacushaj.

Chaymi pipis yawar-masinta, marca-masinta mana ningachu: «Tayta Diosninchita ricsichishayqui.»

¹²Llaquipashpä llapan juchanta jungashaj.

Juchallicushantapis mana yarpärashänachu.»*

¹³Tayta Diosninchita yapay parlanacupita rimar, unay-caj parlanacushan sumaj mana aypäpacushanta tantiyachimanchi. Unay-caj parlanacushan yarpashannuylla mana aypäpacuptin, jungacaypana aywaycan.

Tayta Diosninchita wasinchu unay wichan jarashan


9 ¹Unay-caj parlanacushancho Tayta Diosninchita niran:

«Israel runacuna, manchapacamar purichina jiru chaqui capillachu jaramanqui. Chay wasillachu tincushunpaj.» Chay wasi runa jatarachishallan caran. ²Ishcay cuartuyuj caran. Puncu-caj cuartucho achqui ratachicunapis, jarashan tantata churaräna misapis caycaran. Chay cuartullata ricsin: «Lugar santu» nir. ³Ruri-caj cuartutana ricsin: «Lugar santísimo» nir. Ishcan cuartuta bayitawan raquiraycächiran.

⁴Rurichu caycaran juripita insinsu

* **8.8** Israel runacuna Abrahampita miraran. Ichanga chay castalla caycarsi, ishcaj marcaman raquicäcuran. Juc-cajta ricsiran: «Israel marca» nir; juc-cajtana: «Judá marca» nir.

* **8.8–12** Jeremías 31.31–34.



Hebreos 9.1–10

saumachicuna tacshalla tullpapis, Tayta Diosninchipa babulninpis. Chay babul juriwan chapash caycaran. Babul rurincháuna juri angarawan Tayta Diosninchi ricarachishan tantapis, Aarónpa chillguij garutinpis, läja rumichu isquirbiraycashan Tayta Diosninchipa shiminpis éhuraraycaran. ⁵Babul janancháuna Tayta Diosninchi caycashanta musyachicushpan cäpan mashtapacush ishca y quirubin ichiraycaran.* Cäpanwan babulta chaparaycaran. Chaychu runacunapa juchan aparicushanta Tayta Diosninchi jungaycuj. Ima captinpis, alläpa amarimashunnachu.

⁶Unay cüracuna rurashanta sumaj musyanqui. Waran-waran Tayta Diosninchita jarananpaj purichina jiru échaqui capillaman yaycuj; ichanga puncu-caj cuartullaman. ⁷«Lugar Santísimo» nishan cuartumanmi ichanga watachu juc cutilla uywapa yawarninta apacurcur, mayur cüra yaycuran. Mana musyayninwan juchallicuschanpita yawarta Tayta Diosninchita jaranan marca-masincunapa juchantapis, quiquinpa juchantapis jungacächinanpaj.

⁸⁻⁹Tincuchiypa Espíritu Santu tantiyacächimanchi. Unay purichina jiru échaqui capillaçu: «Lugar santísimo» nishan ruri-caj cuartuta juc bayita chaparaycaran pipis mana yaycunanpaj. Cananpis chaparaycaj-yupay shungunchi caycan. Jarayninchitapis, cuyachicuyninchitapis Tayta Diosninchita jaraycarsi, jucha aparicushanchita mana junganchichu. Shungunchiéchuraj pacaraycächinchi. ¹⁰Jarayninchipis, cuyachicuyninchipis ricsish-ricsishllata jarashanchi-jina ricsish micuyllata micurpis, ricsish yacullata upurpis, yaéhachimashannuylla awicurcurpis, janan-janallanman échayan. Shungunchicaman mana échayanchu. Tayta Diosninchipaj pishiranraj. Chaymi paywan alli ricanacunanchipaj juc yarpayta camacächiran.

Caway-bídanta Washäcuj Jesús jarashan

¹¹Camacächishannuylla Washäcuj Jesús mayur cüra cayman échayasha. Tayta Diosninchi aunishanta tarichimanchi. Tayta Diosninchitapis parlapaycämanchi. Ichanga mana runa rurashan wasiéchüchu; manchäga janaj pacha achic-achic-yaycaj wasiéchüna parlapaycämanchi. ¹²Janaj pachaçu mana capshipa yawarnintachu, türitupa yawarnintachu jarasha; manchäga quiquinpa yawarninta. Wañuyman échayar, quiquinpa caway-bídantaraj Tayta Diosninchita jaranan «Lugar Santísimo» nishanman yaycuycur. Yawarninta juc cutilla jaraycur,

*9.5 Quirubincuna caran juripita tacash anjilman ricchacuj. Tayta Diosninchita mana ricar quirubincunata ricar, runacuna tantiyacuran quiquin Tayta Diosninchi chaychu caycashanta.

Tayta Diosninchipa maquinman éhuramashcanchi imaycamanpis cawananchipaj. Juchata rurawañuyman éhayananchipita Jesús jishpichimashcanchi. ¹³Unayga cüracuna capshipa yawarnintapis, manta türitupa yawarnintapis juchayuj runacunaman chajchuran. Tirnira rupachishan uéhpatapis machipuran. Chaycuna alli caran runa ricanallanpaj; Tayta Diosninchipämi ichanga pishisharaj. ¹⁴Juchaynajta ricamänanchipaj Espíritu Santu yanapaptin, Washäcuj Jesús quiquinpa caway-bídanta yawarnintinta Tayta Diosninchita jararan. Juchaynaj caycar, caway-bídanta jarasha wañuypita jishpichimänanchipaj. Chayga rasunpa shungunchiman éhayasha. Ichanga mana éhayashachu yaparir yaparir imatapis jarashanchipitachu. Quiquinchita jarashanchi wañuyman éhayachimänanchi caran. Cananmi ichanga alli ñawinwan Tayta Diosninchita ricamashanchita tantiyacunchi. Cawacuj captin, paypa shungun munashallanta rurawashun.

¹⁵Chaura unay parlanacushanta mana éharcu, runacuna wañuyman éhayaran. Chaymi jishpichimänanchi-raycur Washäcuj Jesús wañuyman éhayayninpa juc parlanacuyta camacächisha. Cananga llapanchita alli ñawinwan Tayta Diosninchita ricaycämanchi. Quiquin acracamashcanchi imaycamanpis maquinchu cawananchipaj.

¹⁶Cananga tistamintuta rurashanpita tantiyacushun. Tistamintu nishannuylla éharcucänanpaj tistamintucuj wañucunanraj.

¹⁷Tistamintucuj cawaycaptillan,

tistamintu rurashan mana éharcucanrächu. Tistamintucuj wañucuptinmi ichanga, éharcucanga. ¹⁸Chay-jina unay parlancushan éharcucänanpaj uywata pishtaj. Chayta ricar, Israel runacuna niran: «Cananga shiminta éharcucächinanpaj yawarwan llanguichisha.» ¹⁹Tayta Diosninchita shiminta sumaj willapariycur, llapan Israel runatapis yawarwanraj Moisés chajchuran. Puca jiluwana jaéhcunata watarcu, türitucunapa, capshicunapa yawarninta yacuwana tallurcachir, llapan runatapis, Tayta Diosninchita isquirbisha shimintapis chajchuran. ²⁰Chajchur niran: «Tayta Diosninchita aunishanta éharcunapaj cay yawarwan llanguichisha.» ²¹Yawarwan purichina jiru échaqui capillatapis, llapan imancunatapis chajchuran. ²²Tayta Diosninchita shiminta isquirbir, Moisés niran: «Tayta Diosninchita alli ricananpaj imatapis yawarwan chajchunan. Yawarwanraj runacuna jucha aparicushantapis Tayta Diosninchita jungaycun.»

²³Janaj pachachu-niraj rurash captinsi, purichina jiru échaqui capillatapis, llapan imancunatapis uywapa yawarninwan Moisés chajchuran Tayta Diosninchita alli ricananpaj. Chay yawarllawan janaj pachachu caycaj wasitawan llapan imancunatapis chajchunan mana camacaranchu. Manchäga juc alli yawarraj pishiraycaran.

²⁴Tayta Diosninchita wasin-niraj captinsi, runa jatarachishan capillaman Washäcuj Jesús mana yaycuranchu. Manchäga janaj pachaman yaycur, Tayta Diosninchita ñaupallanchu

parlapaycämanchi. ²⁵Cay pachachu watan-watan mayur cüra uywacunapa yawarninta apacurcur, purichina jiru échaqui capillaman yaycuran. Jesúsmi ichanga quiquinpa caway-bidanta éhurar, juc cutilla yawarninta jararan. Juc cuti jarashallan imaycamanpis aypäcun. ²⁶Quiquinpa caway-bidanta juc cuti jarashan mana aypaptin, cay pachata camashanpita-pachaچی yaparir-yaparir wañunman caran. Tayta Diosninchi camacächishan wichan éhayamuptinmi ichanga, quiquinpa caway-bidanta jararan. Nuwanchi-raycur wañuptin, yawar-ninpa échaninwan Tayta Diosninchi: «Juchayquita jungashcäna» nir alli ricamanchi.

²⁷Runapis juc cutilla wañunchi. Chaypitaraj jucha aparicu-shanchipita Tayta Diosninchi jurgapämäshunpaj. ²⁸Washäcuj Jesúspis nuwanchi-raycur juc cutilla wañuyman éhayasha. Caway-bidanta jarasha llapan runacunapa juchanta Tayta Diosninchi junga-nanpaj. Cay pachaman yapay cutimur, mana runacunapa juchan-jananchu cutimunga. Manchäga shiminta échasquicujcunata llapanta jishpichingapaj.

Unay-caj parlanacuywan jipacaj parlanacuyta tincuchishan

10 ¹Unayga Tayta Diosninchiwan alli ricanacuyta munar, runacuna Moiséspa shiminta wiyacunan caran. Shiminta sumaj musyarpis, janán-janallan musyaranchi. Tayta Diosninchi camacächipämashanchimanmi

ichanga mana tincurancho.

Chaymi alli ricanacuyta munar watan-watan uywacunata jaray-captinchi, ¿juchaynajtachuraj Tayta Diosninchi ricamäshun?

²Moiséspa shiminta wiyacuptin, ¿rasunpachuraj runacunapa juchan illaringa? Rasunpa captin, yaparir-yaparir mana jaránmancho caran. Shungunpis jucha aparicushanta mana yarparanmancho caran.

³Chaymi watan-watan uywata jarashanchi Tayta Diosninchipa ricay ñawinüchu juchayuj caycashanchita musyanchi. ⁴Türitucunapa yawarninpi, capshicunapa yawar-ninpi runacunapa juchanta mana illarachincho.

⁵Chaymi Washäcuj Jesús cay pachaman shamur, niran:

«Taytallau Tayta, uywacunata, cuyachicuycunata jarashunayquita mana munashcanquichu. Manchäga runa yurinäpaj camacächishcanqui.

⁶Runacuna jucha aparicu-shanpita cuyachicuyninta jarashuptiquipis, uywacunata rupachiypa jarashuptiquipis, shunguyquiman mana tincunchu.

⁷Chaymi nishcä: «Caychu caycällä, Tayta.

Shunguyqui munashanta rurashaj.

Shimiquüchu isquirbirashan-jina llapanta éharcushaj.»*

⁸«Runacuna jucha aparicu-shanpita cuyachicuyninta jarashuptiquipis, uywacunata rupachiypa jarashuptiquipis, shunguyquiman

* 10.5–7 Salmo 40.6–8.

mana tincunchu» niptinpis,
 Moisés pa shimín chayta jarananpaj
 riman. ⁹«Caychu caycällä, Tayta.
 Shunguyqui munashanta rurashaj»
 nir juc yarpayta Jesús camacächir,
 Moisés pa shiminta jipaman
 churaran. ¹⁰Cananga nuwanchi-
 raycur Washäcuj Jesús wañuyman
 chayashanpita Tayta Diosninchipa
 shungunman tincunchi. Juc
 cuti wañushallan aypan imayca-
 manpis llapan runapa juchanta
 jungacächinanpaj.

¹¹Cüracuna waran-waran Tayta
 Diosninchita jaran. Waran-waran
 jararpis, runacunapa juchanta mana
 jungacächiranachu. ¹²Washäcuj
 Jesúsmi ichanga juchanchi-janan
 juc cutilla quiquinpa caway-bidanta
 Tayta Diosninchita jararan. Jinarcu
 Tayta Diosninchipa diricha-caj
 lädunman jamasha. ¹³Cananga
 cuncharyuncunata pampaman
 churanallanta shuyaraycan. ¹⁴Tayta
 Diosninchipa acracushan runacunatam
 ichanga Tayta Jesús caway-bidanta
 juc cutilla jarashanpita juchaynaj
 cayman churaran. ¹⁵Espíritu
 Santupis tantiyachimashpanchi nin:

¹⁶ «Tayta Diosninchipa nimanchi:

«Parlanacur jitapänacushä junaj
 chayamuptin, yapay runacu-
 nawan parlanacushaj.

Shungü munashanta
 tantiyacunga.

Shungunman chayaptin, llapanta
 charcunga.

¹⁷Llutanta rurashantapis,
 juchachu arushantapis mana
 yarpärashänachu.»*

¹⁸Runapa juchan jungacash
 captinga, pipis Tayta Diosninchita

mana jaranmannachu: «Jucha
 aparicushäpita jaraycaj» nir.

Tayta Jesúspita mana witicunanpaj piñapashan

¹⁹Irmänucuna, nuwanchi-raycur
 Jesús wañuyman chayashanpita
 Tayta Diosninchipa ñaupanman
 chayayta mana manchacunchi-
 nachu. Cananga «Lugar santísimu»
 nishanman yaycush-yupay Tayta
 Diosninchipawan tincunchi. ²⁰Caway-
 bidanta Jesús jarash car, Tayta
 Diosninchipawan tincuchimaranchi.
 Imapis mana chapämanchinachu.
²¹Mañacapamänanchipaj mayur
 cüra Jesús Tayta Diosninchipa
 wasinchu caycan. ²²Chaymi Tayta
 Diosnillanchiman llapan shungun-
 chiwan jillicushun. Payllaman sumaj
 yupachicushun. Janra jananchita
 chuya yacuwan armacushanchi-jina
 shungunchi chüpis ima juchatasi
 ama pacarächishunchu. ²³Tayta
 Diosninchipa aunishanta charcun.
 Chaymi llapan shungunchipawan
 yupachicushun. Wichaypa-
 uraypa ama yarpa chacushunchu.
²⁴Irmänunchicunawanpis
 shacyächinacushun imatapis
 allillata rurananchipaj, llaquipä-
 nacur cawananchipaj. ²⁵Waquin
 irmänucuna irmänu-masincunawan
 mana jutucanachu. Chaynuy
 cawananchi mana camacanchu.
 Manchäga imay-imaypis irmänunchi-
 cunawan jutucäshuwan. Tayta Jesús
 cutimunan junaj chayaycämuptin,
 shacyächinacur cawashuwan.

²⁶Pipis Jesúspa shiminta sumaj-
 sumaj musyaycar shuyninpa juchata
 aparicuptin, jampi mana canchu.

* 10.16–17 Jeremías 31.33–34.

Tayta Diosninchita ima-imata jarap-tinsi, juchan mana illaringachu.

²⁷Manchäga Tayta Diosninchi juchanta jurgapänanta musyar, mancharishalla shuyaranga. Chay-niraj ticrapujcunata ratataycaj ninachu Tayta Diosninchi ushyar illarachinga.

²⁸Moiséspa shiminta pampaman éhurajcunata ishca-y-quimsa tistigu captin, mana llaquipällar wañurachij. ²⁹Chaynuy cash caycaptin, ¿Jesústa ticrapur pampaman éhurajcunata imanuyraj ñacachinga? Jesúsga Tayta Diosninchipa Wawan. Nuwanchi-raycur wañuyman échayar yawarninta jíchash jipa parlanacushanta éharcucächir, runacunapa juchan-tapis jungacächir. Espíritu Santu-tapis llaquipaycämaptinchi, pampaman éhuraj runacuna ashllir ushyan. ³⁰Tayta Diosninchipa shiminta musyanchi. Shimínchu nin: «Jucha aparicujcunata juchanman-tupu ñacachishaj. Quiquincunata ticrapushaj.» Jananmanpis nin: «Maquiéchu cawajcunata sumaj ricashaj.» * ³¹Tayta Diosninchi cawacuj. Charishuptiqui, manchariypaj canga.

³²Irmánucuna, chaymi sumaj yarpaçhacushun. Jesús pï cashantapis tantiyacurir, sumaj yupachicushcanqui. Waquin runa sumaj ñacachishuptiquisi, mana ashucushcanquichu. ³³Llapampa ricay ñawínchu magar ushyashcashunqui. Ashllir ushyashcashunqui. Pampaman éhurashcashunqui. Waquinniqui juc irmánucunata magar ushyaptin, jatunpa llaqui-

pashcanqui. ³⁴Carsilaraptinpis, sumaj llaquipashcanqui. Llapan imayquicunata jíchushuptiquisi: «Janaj pachaéchu imapis mana pishimangachu. Tarichimashan imaypis mana ushyacangachu» nir caçhaparishcanqui. ³⁵Chaymi imaman échayarsi, Tayta Diosninchiman llapan shunguyquiwan yupachicunquiman. Maquinpitapis ama witicunquichu. Imayllaga alli cawayta tarichimäshunpaj. ³⁶Mana yamacällar yupachicuptinchi, shungun munashallanta ruraptinchi, llapan aunishanta tarichimäshunpaj. ³⁷Shiminéhüpis nin:

«Shamujga manasi aycállatana échayamunga.

Mana juyapacämunganachu.

³⁸ Nuwallaman yupachicamajcuna shungü munashallanta rurar, cawanga.

Nuwapita witicujcunam ichanga shungüman mana tincunchu.» *

³⁹Waqin runacunata witicushanpita Tayta Diosninchi ushyacayman échayachinga. Nuwanchim ichanga washämänanchicaman yupachicucänanchi.

Tayta Diosninchipa maquinéchu cawaj runacunata ricacushun

11 ¹Yupachicurga: «Tayta Diosninchi aunishanta éharcun» nir llapanta éhasquicunchi. Aunishanta mana ricaycarsi, camacächinanta llapan shungunchiwan yupachicunchi. ²Unay auquillunchicunatapis sumaj yupachicushanpita Tayta Diosninchi alli ñawinpa ricaran.

³Nuwanchipis Tayta Diosninchiman yupachicunchi. Unayga

mana imasi caranchu. Tayta Diosninchi rimariptinmi ichanga, janaj pachapis, cay pachapis ricacuran. Chaynuypa llapan ricashanchicunata Tayta Diosninchi camashanta tantiyacunchi.

⁴Abelpis Tayta Diosninchiman yupachicuran. Yupachicushpan allinninta jararan. Wauguin Caínmi ichanga llutallata jararan. Chaymi Abelta Tayta Diosninchi alli ñawinwan ricar, jarashan-tapis cushish éhasqiran. Abel wañucushana captinpis, Tayta Diosninchiman yupachicushanta yarparanchi.

⁵Henocpis Tayta Diosninchiman yupachicuran. Yupachicuycaptin, alli ñawinwan Tayta Diosninchi ricaran. Chaymi: «Tayta Diosninchi shuntacuptin, Henoc illaricusha» niptin, cawaycajllata janaj pachaman apacushanta musyanchi. Tayta Diosninchipa shiminpis nin: «Tayta Diosninchivan Henoc yačhänacuran.» ⁶Sumaj tantiyacushuwan. Mana yupachicujcuna Tayta Diosninchipa shungunman mana tincunchu. Tayta Diosninchi cawashantapis, shiminta charcunantapis yupachicurmi ichanga, shungunman tincunchi. Shimin nishannuylla tarichimäshun.

⁷Noépis Tayta Diosninchiman yupachicuran. Chaymi Tayta Diosninchi imata runanantapis mana musyaycar, arcata ruraran yawar-masincunatapis jishpichinanj. Yupachicur wiyacuptin, alli ñawinwan Tayta Diosninchi ricaran. Waquin runacunatam ichanga mana yupachicushanpita wañuchiran.

⁸Auquillunchi Abrahampis Tayta Diosninchiman yupachi-

curan. Chaymi: «Marcayquipita llucshiy. Juc marcachu éhacrata jushayqui» nir Tayta Diosninchi auniptin, wiyacuran. Wiyacur, échaquin éhayashanpa aywacuran. ⁹⁻¹⁰Yupachicuycur aunishan marcaman éhayar jäpa runacunapa marcan captinsi, juyaran. Jäpa runa car, purichina jiru échaqui wasillaachu juyaran. Wamran Isaacpis, willcan Jacobpis auquillun Abraham-jina jäpa runacunapa marcallanachu juyaran éhacrata junanpaj Tayta Diosninchi auniptin. Abrahamga purichina jiru échaqui wasillaachu cawaran Tayta Diosninchipa marcan-caman éhayayta yarpar. Chay marca quiquin Tayta Diosninchipa marcan. Quiquin ruraran imaypis mana ushyacänanpaj.

¹¹Mama Sarapis Tayta Diosninchiman yupachicuran. Chaymi majan Abrahamwan ishanin chachayash carsi, wawaynaj warmi carsi, wawata tariran: «Tayta Diosninchi aunishanta éharcun» nir. ¹²Chaymi Abrahampis wañush-yupay caycashanachu churiyácuran. Willcancunapis yupaysi mana atipaypaj miraran. Istrílla-jina, agujina may-may achcayaran.

¹³Unay yupachicujcuna jurpay-tucullar cay pachaachu juyaran. Éhacraynaj-jina puriran. Tayta Diosninchi aunishan éhacraman mana éhayaranchu. Chaypis paypa maquinchu cawayta munar, cushish shuyararan. Sumaj yupachicuran. Ichanga wañucuran. ¹⁴Chaymi: «Jurpay-tucullar cawä» nirga, yawar-masinpaj marcata ashishanta musyachimanchi. ¹⁵Ichanga yurishan marcatachu mana ashiran. Yurishan pachallaman yarparar,

cuticunman caran. ¹⁶Mana cuticur, juc marcata ashishanta musyachimanchi. Janaj pachachu alli marca-caman chayayta munashanta musyachimanchi. Sumaj yupachicuptin, shungunman tincuptin, Tayta Diosninchipis musyachicusha: «Paycuna maquichu cawan. Wasintapis janaj pachaChu camacächishcä» nir.

¹⁷⁻¹⁸Abraham yupachicushanta musyapayta munar, Tayta Diosninchin niran: «Rupachiypa wamrayqui Isaacta jaramay.» Abraham Tayta Diosninchin aunishanman sumaj yupachicur Isaaclla wamran captinpis, pishtaj aparan. Tayta Diosninchin aunishana caran: «Abraham, wamrayqui Isaacpa wamrancunapis, willcancunapis yupaysi mana atipaypaj miranga» nir. ¹⁹Chaymi Abraham yupachicuran: «Munarga, wañushcunatasi Tayta Diosninchin cawarachimunga» nir. Chaynuypa Abraham Isaacninta cutichicuran: «Wamrä cawarimusha» nir.

²⁰Isaacpis Tayta Diosninchiman yupachicuran. Yupachicushpan wamran Jacobtawan Esaúta alliman churaran: «Taytallau Tayta, imaChüpis wamräcunata yanapaycullay, ari» nir.

²¹Jacobpis Tayta Diosninchiman yupachicuran. Chaymi tipicäcuyta camarsi Tayta Diosninchita manchapacur, garutinman tuncacushalla Josépa wamrancunata alliman churaran: «Taytallau Tayta, imaChüpis willcäcunata yanapaycullay, ari» nir.

²²Josépis Tayta Diosninchiman yupachicuran. Chaymi tipicäcuyta camaycarsi, Israel marca-masincunata willaran: «Cay Egipto

marcapita Tayta Diosninchin jishpichishunquipaj. Jishpichishuptiqui, tullücunatasi apacapamanqui» nir.

²³Moiséspa maman-taytanpis Tayta Diosninchiman yupachicuran. Chaymi wamran yuriptin: «Cuyayllapaj wamrä» nir quimsa quillacaman pacarächicuran. Egipto marcapa mandajnin: «Llapan Israelcunapa ullgu mallwanta wañurachiy» nir niycaptinsi, mana manchacuranchu.

²⁴Moiséspis Tayta Diosninchiman yupachicuran. Chaymi sumaj runayar, Egipto marcapa mandajnin wamrachacush caycaptinsi, chinacuran. ²⁵Yawar-masincunaman witicuran: «Egipto runacuna cushish jucha aparicuyllaChu cawan. Yawar-masicuna ñacayChu cawaptinsi, paycunawan juyäshaj. Paycunataga Tayta Diosninchin acracusha» nir. ²⁶Egipto mandajcuna puchuy-puchuy cawaran. Moisésmi ichanga Washäcujninchijina pampaman churanantapis mana pingacuranchu. Tayta Diosninchipa acracuynin carmi, aunishanman sumaj yupachicuran. ²⁷Tayta Diosninchiman yupachicuycur, Egipto marcapita llucshicuran. Mandaj ullguptinsi, mana manchacuranchu quiquin Tayta Diosninchin tincush caycar. Chaypis ñawinwan mana ricaranchu. ²⁸Tayta Diosninchiman yupachicuycur, Israel-masincunata Moisés piñaparan: «Pascua fiestata rurashun. Uywata pishtashun. Yawarninwan wasi puncuyquipa ishcan marcuncunatapis, numralnintapis yawarchäshun. Chayta ricar, wañuchicuj anjilnin jichpa-caj ullguta mana wañuchingachu» nir.

²⁹Israel runacunapis Tayta Diosninchiman yupachicuran. Chaymi

chaqui pachapa-jina Puca yacu püsuta chimpaniran. Jaticächaj Egipto murucucunam ichanga yacuçu shugupacaypa wañuran. ³⁰Israel runacuna Tayta Diosninchiman yupachicuycur, Jericó marca-tapis ushyaran. Janchis junaj tumay-captillan, marca juçhucäcuran. ³¹Mana wiyacujcunata marcantinta llapallanta Tayta Diosninchiman ushyaran. Runan-runan puricuj Rahabtam ichanga jishpichiran. Payga Tayta Diosninchiman yupachicuran. Yupachicuycur, Jericó marcaman Israel runacuna ricapacuj chayaptin alli ñawinpa ricar, pachächiran.

³²Achcay runa Tayta Diosninchiman yupachicuran. Ichanga llapanpita willapänajpaj mana jäcünachu. Gedeónpis, Baracpis, Sansónpis, Jeftípis, Davidpis, Samuelpis, unay willacujcunapis Tayta Diosninchiman yupachicuran. ³³Waquinga yupachicur, jäpa marca runacunata maganacur ichipurán. Maquinchu purichijcunata piñaparan Tayta Diosninchipa shungun munashannuy cawananjapaj. Tayta Diosninchiman aunishantapis chasquiran. Waquin micucuj liyunpa shiminpitapis jishpiran. ³⁴Ratataycay ninapis mana rupanachu. Waquintana tucsiytapis mana camäpacuran. Waquin jishyaçu carpis, allchacäcuran. Maganacuychüpis ichipurán. Yaycapacuj jäpa murucucunatapis jarguran.

³⁵Waquin yupachicuj warmicunapis yawar-masin cawarimuptin, cushicuran. Waquin yawar-masincunam ichanga wañuyman chayaran. Paycuna cuncharyuncuna wañuchiptinsi, Tayta Diosninchita mana

wasguiranchu. Manchäga payllaman sumaj yupachicuran: «Imayllapis cawarimur, Tayta Diosninchiman tincushaj» nir. ³⁶Waquin yupachicujcunata ashllir, wirur ushyaran. Waquinta cadinawan mancur-naran. Waquintana carsilchu wiçgarächiran. ³⁷Waquinta sajmar ushyaran. Waquinta sirüchuwan pullanpa muturiran. Waquinta tucsiyapa wañuchiran. Waquin yupachicujcuna pishipacuymän chayar, jalapaçhalla puriran. Uyshapa, capshipa jarachallanwan pitucuran. Yargaywan wañuran. Pampaman çhurash caran. Juyupa ñacachish caran. ³⁸Chaymi chaquin chayashanpa aywacäriran. Chunyaj pacha quinranpa, chunyaj jirca quinranpa jishpicäriran. Wasita mana tarir, uçhcucunallaçu, maçhaycunallaçu pachacuran. Juyu runacuna ashllir ushyaran: «Chaycunata ama ricalläshunpishchu» nir. ³⁹Tayta Diosninchiman ichanga yupachicushanpita alli ñawinwan ricaran. Yupachicujcuna llapan shungunwan yupachicursi, Tayta Diosninchiman aunishan çharcushanta mayganpis mana ricaranchu. ⁴⁰Ima captinpi, juc yarpaylla cawaran. Chay yarpashanta Tayta Diosninchiman camacächiran unay yupachicujcunapäpis, nuwanchicunapäpis. Chaymi Tayta Diosninchiman aunishanta çharcur, llapaninchita jishpichimäshun shungun munashannuylla cawananchipaj.

Wawancunata Tayta Diosninchiman piñacushanpita tantiyachishan

12 ¹Unaypis chay-chicaj mama-warmicuna, mayur runacuna Tayta Diosninchiman

yupachicuran. Nuwanchipis paycunata ricacushun. Imamanpis ama jaticäshunchu. Juchatapis ama aparicushunchu. Ima captinsi, mana yamacällar Tayta Diosninchipa shungun munashanta rurawashun.

²Yupachicuyta sumaj yačhacunan-chipaj Jesústapis sumaj ricacushun. Payga Tayta Diosninchiman sumaj yupachicuran. Yupachicunanchipäpis camacächiran. Tayta Diosninchipa ñaupanmanpis éhayachimäshunpaj. Ñacachiptinsi, ruschu wañuchiptinsi, pingayman éhuraptinsi, cushish éhasquicuran. Alliman éhayananta musyar, mana jishpicuranchu. Chaypita mandäshinanpaj Tayta Diosninchichi diricha-caj lädunman jamachiran. ³Jesús imanuy-imanuy ñacashantapis ama jungashunchu. Allita ruraptinsi, juchaču arujcuna sumaj chiquiparan. Chay-jina chiquipämaptinchipis, ama yamacäshunchu. Jesúspita ama jishpicushunchu.

⁴Mayganinchitapis juchata ticrapushanchipita mana wañuchimashcanchichu. ⁵¿Tayta Diosninchipa shiminta jungaycärishcanquichuraj? Shiminchu anyapämanchi:

«Wawallau wawa, Tayta Diosninchichi tantiyachishuptiqui, ama wasguipanquichu. Piñapäshuptiquipis, ama jagayanquichu.

⁶Tayta Diosninchichi shungunmantincujcunallata piñacun. Wamrachacushancunallata wascan» nir. *

⁷Pi runapis wamranta piñacun. Tayta Diosninchipis wamran cashpanchi

allipaj piñapämanchi. Chaymi ñacaychu caycar: «Allipaj Tayta Diosninchichi piñapaycäman» nir éhasquicunchi. ⁸Tayta Diosninchipis llapan wawanta piñacun. Jucpa churintam ichanga mana rimapanchu.

⁹Piñapämaptinchichi, mamanchi-taytanchipa shimintapis éhasquicuran. Chaymi cawachicuj Tayta Diosninchichi piñapämaptinchichi, ¿manachu éhasquicushuwan? Au, éhasquicunanchi. Paypita cawaycanchi.

¹⁰Mamanchi-taytanchichi quiquinpa yarpashanta ruranchipaj piñacamanchi. Tayta Diosninchichi ichanga allipaj piñapämanchichi quiquin-jina juchaynaj cawananchipaj. ¹¹Piñapämaptinchichi, mana cushicunchichu. Manchäga nanämanchi. Wiyacurmi ichanga, alli cawayta yačhacunchi. Tayta Diosninchipa shungun munashannuy cawanchi. ¹²Chaymi ama jutucäcunquichu. Manchäga Tayta Diosninchiman yupachicur shungun munashannuy cawashun. Maquinchichi, jungurninchichi uticash captinsi, callpachacushun. ¹³Maypa aywananchipäpis wicsu caminucunata allchashun wijrucuna mana tuninanpaj. Chaymi shungun munashannuy cawaptinchichi, Tayta Diosninchipita witiycahajcunapis mana witicungachu wijru runa tunishan-jina. Juchamanpis mana tuningachu. Manchäga allillana cawanga.

Tayta Diosninchipa shungun munashallanta rurananpaj piñapashan

¹⁴Llapanwan allilla ricanacunqui. Tayta Diosninchipa shungun munashallanta ruranchi. Manchäga Tayta Diosninchiwani pipis mana

* 12.5–6 Proverbios 3.11–12.

tincungachu. ¹⁵Tayta Diosninchilapan runata llaquipan. Chaymi lapan runata alli ricanquiman. Pitapis ama jagayächinquinmanchu. Jagayächiptiqui, paypis waquinniquicunata jagayächinga. ¹⁶Esaúpa llupinpapis ama jatinquichu. Payga warmi-pácha caran. Tayta Diosninchitapis mana manchapacuranchu. Tayta Diosninchil jichpacunata alli rican. Niycaptinsi, páchanpaj pishiptin, juc mati micuyllapaj jichpa cayninta Esaú ranticuycuran. * ¹⁷Jinarcu, jichpa cayninta chasquinanpaj wiguinpawanraj taytanta mañacuran. Chasquinanmi ichanga mana camacaranchu.

¹⁸Unay auquillunchicuna Sináí puntallaachu Tayta Diosninchiwán tincuran. Manchariypaj warauyappa-warauyar nina ratacururan. Juyupa chacacäcuran. Shucucuy wayra íchicururan.

¹⁹⁻²⁰Curnita tututuylla suynaran. Tayta Diosninchipa shiminpis sumaj wiyacaran. Chaura auquillunchicuna niran: «Taytallau Tayta, ama rimamuynachu. Shimiquita wiyayta manchacurcaycä.» Tayta Diosninchinish caran: «Cay puntaman chanca-mujta runatapis, uywatapis sajmayllapa wañuchinqui.» * ²¹Llapanpis manchariypaj captin, Moisés nis niran: «Manchacü. Janäcunapis jutucäcuyan.»

²²Jamcunam ichanga Sión puntaman, janaj pachaachu Jerusalén marcaman éhayashcanqui. Chay marcaga cawaj Tayta Diosninchipa marcan. Wasinchu yupaysi mana atipaypaj anjilcuna cushish fiestata

rurarcaycan. Tayta Diosninchita alliman éhurarcaycan. ²³Tayta Diosninchipa jichpa wamran-yupay cushi-cushilla fiestata rurarcaycan. Jutiquicunapis janaj pachaachu apuntarayan. Tayta Diosninchipa ñaupanman éhayashcanqui. Payga lapan runapa shungunta musyapan. Maquinchu cawaj runacunapa almanwanpis tincushcanqui. ²⁴Jesús wanpis tincushcanqui. Juc parlanacuypita parlapaycämanchi. Chaypami nuwanchi-raycur wañuyman éhayasha. Yawar-ninwan juchanchita illarachisha. Tayta Diosninchil alli ñawinwan ricamänanchipäpis mañacapuyan. Abel wañushanmi ichanga Caín ñacananta mañacuyan.

²⁵Chaymi Tayta Diosninchipa shiminta wiyar, ama upa-tucushunchu. Unay auquillunchicuna cay pachaachu Tayta Diosninchipa shiminta wiyaran. Mana wiyacuptinmi ichanga, unyanta cutichinanpita pipis mana jishpiranchu. Cananga janaj pachapita Tayta Diosninchipa shiminta wiyarcaycanchi. Paypa shiminta mana wiyacur, ¿jishpishuwan-churaj? ²⁶Auquillunchicunata Sináí puntaachu willapaptin, cay pachata tapsichisharaj. Canan wichanpäpis Tayta Diosninchil nin: «Yapay cay pachata tapsichishaj. Janaj pachatapis tapsichishaj.» *

²⁷«Yapay tapsichishaj» nirga, llapan camashancunata illarachinanta musyachimanchi. Tayta Diosninchipa wasinmi ichanga mana ushyacangachu. ²⁸Tayta

* **12.16** Israel marcachu jichpa-caj ullgu wamra ishcaj janapaypa irinsanta chasquij.

Génesis 25.19-pita 34-caman tantiyachicuyan. * **12.19-20** Éxodo 19.12-13. * **12.26** Ageo 2.6.

El Nuevo Testamento en Quechua de Pnao del Perú, 1ra ed. ©2009, Liga Bíblica Internacional

Diosninchipa maquinchu cawaycar, nuwanchipis mana ushyacashunchu. Chaymi Tayta Diosninchita alliman churashun. Shungun munashallanta rurashun. Manchapacushun.²⁹ Manchäga ushyaramashuwan. Tayta Diosninchiga warauwarauyaycaj nina-yupaymi.

Irmänucunata piñapashan

13 ¹Irmänucuna, yawar-masipura-jina llaquinacunkuiman. ²Pachächinacunkuiman. Unaypis pachächicujcuna mana musyayninwan anjilcunata pachächiran. ³Carsilarajcunatapis quiquiucuna carsilchu caycayupay ama junganquichu. Nacajcunatapis quiquiucunapis ñacaychu caycay-yupay llaquipanquiman.

⁴Mayajuiwan alli ricanacunqui. Ama janapachinquichu. Jananpachicujcunata, jucwan-jucwan puricujcunata Tayta Diosninchí juchanta jurgapanga.

⁵Jillayllapaj ama wañunquichu. Manchäga tarishallayquita aypächicunkuiman. Tayta Diosninchipis nin: «Mana imaypis jungashayquichu. Mana imaypis jaguirishayquichu.» ⁶Chaymi payman yupachicur, shacyächinacushun: «Tayta Diosninchí yanapaycämanchi. Runa-masinchí imatapis mana ruramashunchu. Chaymi imatapis ama manchacushunchu» nir. *

⁷Ricashujniquicunata sumaj ricacunkuiman. Paycuna Tayta Diosninchipa shiminta willapashurayqui. Wañuy jananchu caycarpis, Tayta Diosnillanchiman yupachicuran. Chaymi paycuna-jina cawanquiman. Shimintapis ama junganquimanchu.

⁸Taytanchi Jesucristu pï cashanpis mana ushyacanchu. Unay wichanpis, canan wichanpis, imaycamanpis cashannuylla cawacun. ⁹Chaymi pantachicujcunapa shiminta ama chasquipanquichu. «Tayta Diosninchipa ricay ñawinchu alli juyänayquipaj ricsishllata micuy» nirpis, manacajcunallata yachachishunqui. Mana ricsish micuycunallata micuptiquirächu, Tayta Diosninchí alli ñawinpa ricashunqui. Manchäga llaquipäcuj car, imaähüpis yanapashunqui. ¹⁰Chaypita unay cüracuna rurashanta mana ruranchinachu. Paycuna Tayta Diosninchipa ricay ñawinchu alli ricash cayta munar, uywacunata rupachiypa jarar, ricsish micuycunallata micuj. Nuwanchi-raycur Jesús cawaybidanta jarashanta yarparmi ichanga, jutucaycur micupacunchi. Chaypita unay yarpashanta rurajcuna mana micüshimanchichu.

¹¹⁻¹²Unay cüracuna Tayta Diosninchí runacunapa juchanta mana yarparänapaj uywacunata pishtaran. Mayur cüra Tayta Diosninchipa wasin rurin-cajman yaycur uywapa yawarninta jararan. Aychanta wajtaman jurguycur, ushyajpaj rugarachiran. Maygan cürapis mana malliranchu. Nuwanchipa juchanchita jungananpämi ichanga Tayta Jesús cawaybidanta jararan. Marca wajtanchu wañuchish caran. Yawarninwan juchanchita illarachisha Tayta Diosninchíwan alli ricanacunanchipaj. ¹³Chaymi unay auquillunchicuna yarpashanta jucläman churashun.

* 13.6 Salmo 118.6.

Ñacachimänanchi, ashllimänanchi captinsi, Jesúsllata ricacushun.

¹⁴Cay pachaachu marcanchi ushyacanga. Shuyaycächimashanchi marcam ichanga mana imaypis ushyacangachu. Chay marcaga janaj pachaachu caycan.

¹⁵Chaymi Jesús allita rurashanpita mana jamallar Tayta Diosninchita alliman éhurashun. Shiminchiwan alliman éhuraptinchi, imatapis jarashanchita-yupay éhasquin.

¹⁶Allita rurashanchitapis, runamasinchiwan yanapänacushanchitapis jarashanchita-yupay éhasquin. Chaynuy cawashanchi Tayta Diosninchipa shungunman tincun.

¹⁷Irmänucuna, mayur irmänucunapa shiminta éhasquicushun. Paycuna ricarcaycämanchi. Alli cawananchita munar, jamaytapis mana tarinchu: «Tayta Diosninchichi ricaycäman» nir. Chaymi cushi-cushilla arunanpaj yanapanqui. Chapata ama ruranchiquichu. Chapata ruraptiqui, willapäshushayquipis yangallapaj canga.

¹⁸Irmänucuna, nuwacunapäpis Tayta Diosninchita mañacunqui. Shungun munashannuy cawayta munä. Shungütapis musyaraycan. ¹⁹Manasi aycällatana jamcunawan tincuyta yarpaycä. Chaymi Tayta Diosninchita sumaj mañacärinqui.

Ushyanan

²⁰⁻²¹Allilla cawanayquipaj

Tayta Diosninchichi
yanapayculläshunqui.

Paymi wañuyupita Taytanchi
Jesústa cawarachimusha.

Jesúsqa uyshata michij-jina
sumaj ricaycämanchi.

Tayta Diosninchichi parlamacushan
imaycamanpis éharcunanpäpis
nuwanchi-raycur wañuyman
éhayasha.

Cananga Tayta Diosninchipa
shungun munashanta
rurananchipäpis, shungunman
tincushanta ruranchipäpis
yanapaycämanchi.

Imay-imaypis Washäcuj Jesústa
alliman éhurayculläshun.

Chaynuy caycullächun.

²²Irmänucuna, anyapashajta wiyacunqui, ari. Cartacur chayllata willapärij. ²³Irmänunchi Timoteo carsilpita llucshishana. Éhayamuptin, watucuj shamur, pushamushaj.

²⁴Tayta Diosninchipa acracushan caycar, llapan ricashujniqui mayur irmänucunata, llapan irmänunchicunata wamayapämanqui. Italia marcachu jutucuj irmänunchicunapis wamayäshunqui. ²⁵Tayta Diosninchichi llaquipäshushpayqui llapallayquita yanapayculläshunqui, ari. Chayllana.

San Santiago cartacushan

Tantiyacunanchipaj:

¿Maygan Santiaguraj cay cartata isquirbiran? Waquin yarpan Jesús pa wauguin Santiago isquirbishanta. Paypa juc-caj jutin caran Jacobo. Payga Pedruwan ishcanin mayur irmänu cashpan Jerusalén marcachu jutucay irmänucunata maquinchu purichiran. Chaymi Jesúsman yupachicuj Israel-masincunata sumaj ricaran. Jesúspita sumaj tantiyachiran. Santiagupita musyayta munar, liguinqui: San Mateo 13.55; San Juan 7.2–5; Hechos 15.13–21; Gálatas 2.9; Colosenses 5.7.

Santiago cay cartata isquirbiran Israel marca-masincunapaj. Paycuna chay-tucuy marcacuna chu tiyaycaran. Jesúsman yupachicushanpita auturdäcuna juyupa chiquiparan. Waquinta wañuchiran. Waquinta carsilman wíchgachiran. Chaymi marcanpita jishpicur, juclä marcacunapa aywacäbiran. May-chaychu tiyaptinpis, shacyächinanpaj, sumaj tantiyachinanpaj cartacuran.

Santiago isquirbiran:

- Chay-tucuychu marca-masincunata wamayashanpita, ñacar Tayta Diosninchi yanapänanpaj mañacushanpita: **Santiago 1.1–18.**
- Tayta Diosninchiman janan shungulla yupachicujcunapita, Tayta Diosninchipa shiminta mana wiyacur llullacuycashanpita: **Santiago 1.19–27.**
- Llapan runata llaquipänanpita, ñacajcunata yanapänanpita: **Santiago 2.1–26.**
- Shiminta chapacunanpita: **Santiago 3.1–12.**
- Tayta Diosninchita manchapacur cawanapita: **Santiago 3.13–18.**
- Quiquillanpaj yarpaçhacur imatapis ashijcunapita, runa-masinta mana tincupänanpita: **Santiago 4.1–17.**
- Puchuy-puchuy jananchu cawajcunata Tayta Diosninchi ñacachinga pishipacujcunata ñacachishanpita: **Santiago 5.1–6.**
- Ñacarpis mana yamacällar Jesús cutimunanta shuyänanpita: **Santiago 5.7–12.**
- Mayur irmänucuna jishyaçhucunapaj mañacapunapita, jucha chu cawayta munaj irmänucuna wanacunanpaj yanapänanpita: **Santiago 5.13–20.**

Santiago wamayashan

1 ¹Israel-masicuna, chay-tucuy marcachu cawaptiquipis, nuwa Santiago cartacallämü. * Munashallanta runanäpaj maquinchu Tayta Diosninchipis, Tayta Jesucristupis purichiman. Llapaniqui allilla juyaycärinqui, ari.

Ñacaypita tantiyachishan

²Irmänucuna, ima ñacayman çhayarpis, ama llaquicunquichu. Manchäga sumaj-sumaj cushicunquiman. ³Ñacashpanchiraj llapan shungunchiwan Tayta Diosninchiman yupachicuyta yaçhacunchi. ⁴Mana yamacällar yupachicur, Tayta

*1.1 Israel runacunapa unay auquillun Jacobpa çhunca ishçaywan (12) ullgu wamrancuna caran. Wamrancunapita yawar-masincuna çhunca ishçaywan (12) Israel castan miraran. Chaymi lllapanpaj rimar, castillänuchu nin: «doce tribus.»

Diosninchipa shungun munashannuy cawashunpaj. Imatapis mana sasächicushunpächu.

⁵Mayganiquipis imatapis mana tantiyar, Tayta Diosninchita mañacunquiman. Mana ricapäshunquipächu. Manchäga wiyashunquipaj. Sumaj yanapäshunquipaj shungun munashannuy cawanayquipaj. ⁶⁻⁷Ichanga llapan shunguyquiwan mañacunqui. Mañacur ama yarpaçhacunquichu: «¿Mañacushäta çhasquimangachuraj, manachuraj?» nir. Ishcayta yarpaptiqui, Tayta Diosninchipa mana wiyashunquipächu. Chaqui üjata wayra apacushan-jina ishcayta yarpaj runacunapis wacpacaypa mashtacäcun. ⁸Chay-niraj runacuna imata yarparpis, imata munarpis, waran-waran jucta-jucta yarpaçhacun.

⁹Irmänucuna, lluta runa car pishipacuyçu cawaptiquisi, cushicärinquiman. Tayta Diosninchipa alli ñawinwan ricaycäshunqui. ¹⁰Puchuy-puchuy janançu cawar pishipacuyman çhayaptiquisi, cushicärinquiman. Tayta Diosninchipa alli ñawinwan ricaycäshunqui. Puchuy-puchuy janançu cawajcuna wayta-jina ushyacajlla. ¹¹Waytapis shanaywan uyucurin. Camarajlla carpis, chaquicurin. Chay-jina puchuy-puchuy janançu cawajcunapis rurayninwan tincuypa-tincushançu ushyapacayman çhayan.

¹²Ñacayman çhayarpis, cushicärinquiman. Tayta Diosninchita mana wasguiptinchi, imaycamanpis ñaupançu cawachimäshun. Aunimashanchinuyl la llapan manchapacujcunata alli cawayta tarichinga.

¹³Llutan rurayta yarpar, ama ninquichu: «Tayta Diosninchipa juchaman jitarpaycäman.» Payga jucha aparicuyta mana yarpanchu. Pitapis mana juchata aparicachinchu. ¹⁴Manchäga quiquin runa jucha rurayta munapan. Imanuy-papis aywapun. ¹⁵Munapashanta rurar, juchallicun. Juchallaçu cawar, mana imaypis Tayta Diosninchipa ñaupançu cawangachu. Manchäga wañuyllata taringa.

¹⁶Irmänucunallau irmänu, llutanta ama yarpanquichu. ¹⁷Tayta Diosninchipa alliman çhayachimanchi. Allillata ruranchipäpis yarpächimanchi. Shimintapis çharcun. Mana ishcay-quimsatachu riman. Tayta Diosninchipa camashanpita intipis, quillapis caycan. ¹⁸Shiminta çhasquicuptinchi, quiquin munayninpa wamrachacamashcanchi. Chaymi pirwata-jina allina ricamanchi.

¹⁹Irmänucunallau irmänu, imatapis wiyayquipaj rinri-quita sumaj quichanqui. Rimayta munarmi ichanga, shimiquita chapacunqui. Juclla imapitapis ama rimarinquichu. Ama warminquichu. Ama ullgunquichu.

²⁰Warmijcunapis, ullgujcunapis Tayta Diosninchipa munashanta mana ruranchu. ²¹Chaymi juchata ama aparicunquichu. Manchäga Tayta Diosninchipa shiminta sumaj wiyacunqui. Mana ticrapällar wiyacuptiqui, Tayta Diosninchipa washäshunqui.

²²Ichanga wiyashallayquiwan ama ushyaräcuchunchu. Manchäga llapanta çharcunayqui. Wiyashallayqui ushyaräcuptin, upa-yupayna caycanqui. ²³Tayta Diosninchipa

shiminta wiyaycar mana éharcuj-cunaga rama-rama ispijuchu runa jajllanta ricacur jungaycushanwan tincun. ²⁴Jajllan imanuy cashan-tapis ricacurir, ima-niraj cashan-tapis mana yarpannachu. ²⁵Tayta Diosninchipa shiminta sumaj wiyacur allita rurarmi ichanga, alli cawayta taringa. Tayta Diosninchipa yanapaptin, imačhüpis alliçu llucshinga.

²⁶Tayta Diosninchita manchapacur, pipis shiminta chapa-cunman; manchäga manacajllapämi manchapacushanpis. Shungun munashannuytis mana cawan-nachu. ²⁷Rasunpa manchapacurga, biyüdacunatapis, wacchacunatapis yanapanman. Juchačhüpis ama cawanmanchu. Chaynuy cawap-tinchi, Tayta Diosninchipa sumaj cushicun.

Llapanwan alli ricanacunanpaj willapashan

2 ¹Irmänućuna, munayniyuj Tayta Jesucristupa maquinchu cawar, llapan runata alli rican-quiman. ²⁻³Waquinniqui puchuy-puchuy jananchu cawajcunata alli ricanqui. Pishipacuychu cawaj-cunatam ichanga pampaman éhuranqui. Juturashayquiman achic-achicyaycaj müdanash runa éhayamuptin, ninqui: «Tayta, cayllaman shacallämuy. Ñaupañaupallaçu jamashun.» Janra müdanash asyaycar runa éhayamup-tinmi ichanga, ninqui: «Jawallaçu jamay. Pachallaçu jamay.»

⁴Runa-masiquita waquinta alli ricar, waquinta pampaman éhurar,

¿allitachu ruraycanqui? Mana. Manchäga shunguyqui juyu cashanta musyachicuycanqui.

⁵Irmänućuna, sumaj wiyacäriñquiman. Pishipacuychu cawajcunatapis Tayta Diosninchipa acracusha payman sumaj yupachicunapaj. Manchapacuptin, aunishannuylla maquillanču cawachinga. ⁶Jamcunam ichanga pishipacuychu cawajcunata pampaman éhuraycanqui. Paycuna shungun munallashanta mana rurachishunquichu. Puchuy-puchuy jananchu cawajcunam ichanga alliman éhuraycap-tiquisi, nishan-nishanta rurachishunqui. Auturdäcunawanpis magar ushyachishunqui.

⁷Taytachacushanchi Jesústapis ashllir ushyan.

⁸Llapan runata alli ricarmi ichanga, pipis Tayta Diosninchipa shiminta éharcun. Shiminčhüpis nin: «Quiquiqui alli ricacushayquijina runa-masiquitapis alli rican-quiman.»* ⁹Waquin-waquillanta alli ricarmi ichanga, juchata aparicunqui. Juchata aparicur, quiquiquicunalla Moiséspa shimin rimashanmantupu ñacayta tarinquipaj. ¹⁰«Tayta Diosninchipa shiminta llapanta éharcü» nirpis waquinta mana éharcurga, llapantana pampaman éhuraycanqui. ¹¹Mä, tantiyachishayqui. Tayta Diosninchipa nin: «Majayquita ama janapachinquichu.» Chaynuytis nin: «Ama wañuchicunquichu.» Chaymi majayquita mana janapachirsi runa-masiquita wañuchirga, juchata aparicuycanqui. Tayta Diosninchipa shimintapis pampaman éhuraycanqui.

*2.8 Levítico 19.18.

¹²Chaymi imata rimanayquipäpis, imata ruranayquipäpis sumaj yarpaçhacunquiman. Tayta Diosninchi jurgapämänanchi captin, shungun munashannuylla cawashun.

¹³Runa-masiquita mana llaquipap-tiqui, Tayta Diosninchipis mana llaquipäshunquipächu. Runa-masiquita llaquipaptiquim ichanga, llapan runapa juchanta jurgapashan junaj alliçu llucshinquipaj.

**Yupachicushanchi imatapis
rurashanchipitaraj
musyacashan**

¹⁴Irmänucuna: «Tayta Diosnin-chiman yupachicü» nir shiminta llapanta çharcunquiman. Mana çharcuptiqui, ¿Tayta Diosninchi jishpichishunquichuraj?

¹⁵Mä, yarpaçhacushun. Juc irmänush paçhanta ashir, jananta ashir çhayamunman.

¹⁶Çhayamuptin, jucniquish imatapis mana tariycachir ninquiman: «Tayta Diosninchi yanapayculläshunqui. Paçhayquitapis, janayquitapis mana pishichishunquipächu.» Chaynuy shimillayquiwan shacyächipar, ¿allitachuraj ruraycanqui?

¹⁷«Tayta Diosninchiman yupachicü» nirga, yanapanquiman. Manchäga yupachicushayquipis mana musyacachu.

¹⁸Pitapis mana yanaparga, ¿imanayparaj Tayta Diosninchiman yupachicushayquita musyacächin-quiman? Nuwam ichanga pitapis yanapar, Tayta Diosninchiman yupachicushäta musyachicü.

¹⁹«Tayta Diosninchi quiquillan munayniyuj» nir allita yarpay-

canqui. Supaycunapis chaynuylla yarpan. Ichanga juyupa mancharir sicsicyan.

²⁰Upa yarpayta ama yarpan-quichu. Tayta Diosninchiman yupachicur, allillata ruranquiman; manchäga yupachicushayquipis manacajllapämi.

²¹Sumaj tantiyachishayqui. Auquillunchi Abrahamtapis wiyacushanpitaraj Tayta Diosninchi alli ricaran. Abrahamga Tayta Diosninchipa shiminta wiyacur, wamran Isaacta jararan. ²²Yupachicushan musyacänanpaj Tayta Diosninchipa shiminta wiyacuran. Chayrämi Tayta Diosninchipa maquinçu sumaj tacyacaran. ²³Tayta Diosninchipa shiminpis musyachimanchi: «Yupachicushallanpita Abrahamta Tayta Diosninchi juchaynajta ricaran» nir. Runacunapis rima: «Tayta Diosninchiwan Abraham sumaj yaçhänacun» nir.*

²⁴Sumaj tantiyacunquiman. Tayta Diosninchi alli ricamanchi shiminta wiyacur allita rurashanchipita; mana yupachicushallanchipitachu.

²⁵¿«Rahab» nishan warmi imata rurashantapis manachu yarpanqui? Chay warmi runan-runan puricurpis Israel runacuna ricapacuj çhayaptin, Tayta Diosninchita manchapacur pachächiran. Marca-masincuna jaticaçhaptin, jucläpa jishpichiran. Allita rurashanpita jucha-sapa captinsi, alli ñawinpa Rahabta Tayta Diosninchi ricaran.

²⁶Ama junganquichu. Wañush runa imatapis mana rurashan-jina allita mana ruraptinchi, yupachicushanchisi manacajllapaj canga.

*2.23 Génesis 15.6.

Shiminchi imatapis rimashan

3 ¹Irmānucuna, yačhajnata llapanpitam Tayta Diosninchi tapunga. Chaymi quiquillayquipita yačhaj cayta ama ashinquinmanchu.

²Llapanchi imallačhüpis llutanta ruranchi. Shiminta chapacuj-cunam ichanga juchata mana aparicunchu. Quiquinpa shungun munashanta mana ruranchu. ³Sumaj yarpačhacushun. Cawallupa shiminta shingawarcu, munashanchipa purichinchi. Maypapis apanchi. ⁴Jatun-caray bütitapis tacsha timunllawan purichin. Wayra pücaptinsi, munashanpa chaufir purichin.

⁵Shingawa watu-jina, timun-jina shiminchipis imamansi čhayachimanchi. Ichiclla shanshapis ratarir, jircantinta ushyan. ⁶Shiminchipis shansha-yupay caycan. Juchaman čhayachimānanchipāpis munayniyuj caycan. Chaymi supay llutanta rimachiptin, llapan runa juchata aparicun.

⁷Runacuna chucaru uywacunatapis, pichuysacunatapis, curucunatapis, yacuču tiyajcunatapis yačhacāchiyta yačhan. ⁸Shiminta chapacuytam ichanga pipis mana camāpacunchu. Runapa shimin wañuymānpi jitarpun. Wañuchicuj. ⁹Shimillanchiwan Tayta Diosninchitapis alliman čuranchi. Runamasinchtapis quiquin-nirajta Tayta Diosninchi camasha caycaptinsi, ashllir ushyanchi. ¹⁰¿Juc shimillanchiwanchuraj Tayta Diosninchita alliman čuraycar, runa-masinchtapis ashllir ushyaycāshun? Irmānucuna, chayniraj ama cawashuwanchu.

¹¹Irmānucuna, imata rurānanchipāpis sumaj tantiyacushun.

¿Juc ñawillapita mishquij yacuwan puchguj yacu pashtamunmanchuraj?

¹²Rayanpis jarata mana wayunmanchu, ¿au? Durashnupis rayanta mana wayunmanchu, ¿au? Chaymi juc ñawillapita mishquijwan puchguj yacu mana pashtamunmanchu.

Tayta Diosninchi yačhayta camapāmashanchi

¹³Mayganiquipis yačhaj carga, alli shungu cashayquita musyachicunquiman. Tayta Diosninchipa shungun munashannuy cawaycar, runamasiquitapis yanapanquiman. ¹⁴Warmij carmi ichanga, ullguj carmi ichanga, nanaparānacurmi ichanga, juyu carmi ichanga, ama yupachicuychu: «Yačhaj caycā. Tayta Diosninchipa maquinču cawaycā» nir. ¹⁵Manam janaj pacha Tayta Diosninchichu chiquicuyta yarpāchishunqui. Manchāga payman mana yupachicur shunguyqui munashallanta ashinqui. Supaypa maquinču cawanqui. ¹⁶Chiquinacullar, nanaparānacullar cawar, pipis juc shungulla mana cawanchu. Manchāga juchallaču arun.

¹⁷Tayta Diosninchipita yačhaj cayta čhasquicurmi ichanga, paypa shungun munashannuylla pipis cawan. Juchata mana aparicunchu. Pi-maywanpis alli ricanacun. Piwanpis wiyānacun. Tantiyanacun. Llaquipānacun. Yanapānacun. Llapanta alli ñawinwan rican. Alli shungu. ¹⁸Alli ricajcuna quiquinpi allilla cawanga.

Runapa shungun imanuy cashanta tantiyachicushan

4 ¹Irmānucuna, ¿imapitataj chiquinacunqui? ¿Imanirtaj tincupānacunqui? Shunguyqui yarpashallanta munaparči

chiquinacuyllaču aruycanqui.

²Ashishayquita mana tarir, chiquinacunqui. Maganacunqui. Munapashayquita mičhāshuptiqui, wañuchinacunqui. Ima-imata munarpis, mana tariniquichu Tayta Diosninchita mana mañacushpayqui. ³Mañacursi, waquinniqui shunguyqui munashallanta ashiniqui. Chaymi Tayta Diosninchipita mana imatapis čhasquinquichu. ⁴Ishcay cāra runacuna, shunguyqui munapashallanta ashirmi, Tayta Diosninchipa cunčhan jatariycanqui. ¿Manachu musyashcanqui jucha aparicujcuna Tayta Diosninchipa cunčhan jatari-shanta? ⁵Shiminču nin: «Tayta Diosninchi runacunata llaquipar, sumaj michin.»

⁶Tayta Diosninchi jatunpa llaquipāmanchi. Chaymi jananmanpis nin: «Alli-tucujcunata Tayta Diosninchi wasguin. Wiyacujcunatam ichanga sumaj llaquipan.»*

⁷Chaymi supay maquichacuyta munashuptiqui, ama čhasquipanquichu. Manchäga Tayta Diosninchita wiyacunquiman. Wiyacuptiqui, supay jishpir aywacunga. ⁸Tayta Diosninchipa maquillanču caway. Chaura paypis maquinču purichishunqui. Juchata aparicush-imarga, wanacunquiman. Janan shungulla yupachicur, llapan shunguyquiwanna yupachicunquiman.

⁹Wanacushayqui musyacānanpaj llaquicuy. Atar wagay. Asicačhar ama puriychu. Manchäga wiguiquita jičhay. Ama cushicuj-tucunquichu. Manchäga llaquicuy. ¹⁰Llapan shunguyquiwan Tayta Diosninchita wiyacuy. Chayrämi Tayta Diosninchi alliču jurgushunquipaj.

¹¹Irmānucuna, ama jamurpānacunquichu. Jamurpānacur Tayta Diosninchipa shiminta jungaycur, quiquillayquipita yačhaj-tucuycanqui. ¿Tayta Diosninchipa shiminta pampaman čhuranquimanthuraj? Mana. Manchäga wiyacunayqui. Llaquinacunayqui.

¹²Tayta Diosninchi jucnaylla. Ima-imata rurashanchitapis llapllapanta jurgapāmāshunpaj. Payllam munayniyuj jishpichimānanchipāpis, ñacayman jitarpamānanchipāpis. Chaynuy caycaptin, ¿imanirtaj jamurpānacunqui?

Jatun-tucushanpita piñapashan

¹³Juctana tantiyacushun. Ama jatun-tucunquimancho: «Waracuna juc marcaman aywashun. Juc wata juyāmushun. Imatapis ranti-pacamushun. Chay-chica jillayta rurariycur, cutimushun» nir.

¹⁴Waracuna imaman čhayanayquitapis mana musyanquichu. Runa ushyacajllam. Juchgutayjina ricarircur, manasi aycällata illaricācun. ¹⁵Chaymi ninquiman: «Tayta Diosninchi cawananchita camacāchiptinraj, imatapis rurashun.» ¹⁶Chaypis waquinniqui alläpa jatun-tucunqui. Jatun-tucur, juchata aparicuycanqui. ¹⁷Pipis musyaycar allita mana rurar, juchata aparicun.

Puchuy-puchuy jananču cawajcunata piñapashan

5 ¹Puchuy-puchuy jananču cawajcuna, sumaj wiyacāriy. Tayta Diosninchi ñacachishunayqui junaj janayquičhünam.

* 4.6 Proverbios 3.34.

Ñacayman éhayanayquita musyaycar, atar cawanquiman.
²Ima-aycayquicunapis ismur ushyacaycan. Achic-achicyaj müdanayquicunatapis puyu ushyaycan. ³Wañuy janayquichu caycaptinsi, jutucushayqui juriquipis, jillayniquipis ushyacaycan. Quiquillayquipaj jutucushayqui achäqui canga Tayta Diosninchi ñacayman jitarpushunayquipaj. ⁴Mincayniquicunatapis llullaparcu-llullaparcu mana pägallar aruchishcanqui. Wiguinpawan mañacushanta Munayniyuj Tayta Diosninchi mayna wiyasha. ⁵Cay pachaçu shunguyqui munashallanta imatapis rurashcanqui. Llapanpa janançu cushicushilla cawashcanqui. Shunguyqui munashallanta rurash, quiquillayqui camaricushcanqui ñacayman éhayanayquipaj. ⁶Chapacuyta mana camäpauptin, alli runacunatapis ñacachishcanqui. Wañuchishcanqui.

Tayta Jesús cutimunanpita tantiyachishan

⁷Irmänucuna, ñacarsi, mana yamacällar Tayta Jesústa shuyanquiman. Payga cutimungapänam. Chacra runapis murupacuynin sumaj wayunanpaj tamyanantaraj shuyan. ⁸Chacra runa-jina mana yamacällar jamcunapis shuyanquiman. Llapan shunguyquiwan yupachicunquiman. Washäcuj Jesús cutimungana.

⁹Irmänucuna, quiquiqui-pura ama jagayächinacunquichu. Jagayächinacuptiqui, juchata aparicushayquipita Tayta Diosninchi jurgapäshunquipaj. Payga jurpa puncuman éhayaycämuj-yupayna éhayaycämun. ¹⁰Chaymi irmänucuna, ama jagayächina-

cunquichu. Manchäga unay willacujcuna ñacashanta ricacunquiman. Ñacachiptinsi, shiminta mana amucurcuranchu. Manchäga Tayta Diosninchipa shiminta willapäcuran. ¹¹Ñacachiptinsi, canancaman shiminta mana amucurcujcunata yarparaycanchi. Alli ñawinwan Tayta Diosninchi ricashantapis musyanchi. Jobpa unay willapan-tapis mana junganchichu. Sumaj ñacarsi, Tayta Diosninchipita mana witicuranchu. Chaypitam Tayta Diosninchi sumaj llaquiparan. Sumaj yanaparan.

¹²Irmänucuna, ima captinpis, rimashayquita quiquillayqui auninqui. Tayta Diosninchipa jutintasi, runa-masiquipa jutintasi ama jugarinquichu. «Au» nirga, ama cutiricunquinachu. «Mana» nirpis, ama auninquinachu. Shimiquita mana éharcuptiqui, Tayta Diosninchi juchayquita taripushunquipaj.

Jishyaächucunapaj mañacapushan

¹³Chaymi ñacayman éhayarpis, Tayta Diosninchita mañacunqui. Shacya-shacyalla caycar, Tayta Diosninchita alliman éhuranqui. ¹⁴Jishya charishuptiquisi, mayur irmänucunata jayachinqui. Paycuna Tayta Diosninchita mañacuriycur wirawan jagushunquipaj.

¹⁵Yupachicur mañacuptin, Tayta Diosninchi allchacächishunquim. Juchayquitapis jungar, mana yarparranganachu. ¹⁶Chaymi juchata aparicush carga, mayganiquipis ama chapacunquichu. Allchacänayquipaj jucniquipaj-jucniquipaj Tayta Diosninchita mañacapunqui. Manchapacuj runacuna

mañacushanta Tayta Diosninch
 wiyan. ¹⁷Unay willacuj Elías
 runa-masillanchi caran. Llapan
 shungunwan mañacuptin, quimsa
 wata pullan Tayta Diosninch
 mana tamyachimuranchu. ¹⁸Yapay
 tamyananpaj mañacuptinna, janaj
 pachapita tamyamuran. Chayraj cay
 pachachu micuypis wayuran.

¹⁹Irmänucuna, pipis juchata
 aparicuptin, shacyächinqui Tayta
 Diosninchita wiyacunanpaj. ²⁰Pipis
 juc irmänuta juchanpita wanacachir,
 allita ruraycan. Wañuypitapis
 jishpichinga. Wanacuptin, Tayta
 Diosninchipis tucuy-niraj juchanta
 jungaycur mana yarparanganachu.
 Chayllana.

San Pedro cartacushan 1

Tantiyacunanchipaj:

Pedro cay cartata isquirbiran. Juc-caj jutin caran Simón. Payga Jesús pa purishijnin caran. Jesúspita willapäcur chay-tucuy pa puriran. Willapäcushanpita uray-singaypash ruschu wañuchiran. Chaynuy wañuchinanpaj Roma marcapa mandajnin camacächiran. Pedrupita musyayta munar, liguinqui: San Mateo 14.22–33; San Marcos 8.27–33; 9.2–8; 14.66–72; San Lucas 5.1–11; San Juan 1.40–44; 21.15–19; Hechos 2.1–5.42; 8.14–25; 10.1–48; 11.1–18; 12.1–19; 1 Corintios 9.5; Gálatas 2.6–16.

Pedro Israel irmänucunaman cartacuran. Auturdäcuna ñacachiptin, irmänucuna marcanpita aywacäbiran. Jurpay-tucullar jäpa runacunapa marcancunachu tiyarcay-caran. Chaymi paycunata llaquipashpan Pedro cartacur shacyächiran.

Pedro isquirbiran:

- Tayta Diosninchi llaquipäcuj cashpan alli cawayta tarichinanpita, wañurpis Tayta Diosninchiwan imaycamanpis cawanapita, ñacarpis shacyäcur cushicunapita: **1 San Pedro 1.1–12.**
- Tayta Diosninchi wawancuna juchata mana aparicunapita: **1 San Pedro 1.13–2.10.**
- Alli rurashanpita runacuna ñacachiptinpis mana yamacänanpita, Washäcujta ricacur cawanapita: **1 San Pedro 2.11–4.19.**
- Mayur irmänucuna tantiyachir irmänucunata sumaj ricananpita, müsucuna mayur irmänucunata wiyacunapita, irmänucuna cuyay-munaypaj cawanapita, supay mana ichipunapita: **1 San Pedro 5.1–13.**

Pedro wamayashan

1 ¹Irmänucuna, nuwa Pedro Washäcuj Jesúspa cachan car cartacamü. Tayta Diosninchiw aacacushan carpis, jurpay-tucullar juyaycanqui Ponto quinranchu, Galacia quinranchu, Capadocia quinranchu, Asia quinranchu, Bitinia quinranchu. Lapaniquiman cartacallämü. ²Unaypita-pacha shungun munaptin, Tayta Diosninchiw aacacushcashunqui. Shungun munashannuy cawanayquipäpis Espíritu Santu yanapaycäshunqui. Chaymi Washäcuj Jesúspa shiminta chasquicushcanqui. Payga nuwanchi-raycur wañuyman

chayasha Tayta Diosninchiwan allina ricanacunanchipäpis, llapan juchanchi jungacänanpäpis. Tayta Diosninchi llaquipayculläshunqui. Allilla cawanayquipaj yanapayculläshunqui.

Tayta Diosninchita alliman churashan

³Tayta Diosninchita alliman churayculläshun. Paymi Taytanchi Jesucristupa Taytan. Llaquipä-mashpanchi Washäcuj Jesústa wañuy pita cawarachimusha. Cananga Jesucristupa maquinchu cawaycanchi. Wañushanpita cawari-muyninpa mushuj cawaytapis tarichimashcanchi. Maquinchu

imaycamanpis cawananchipaj llapan shungunchiwan yupachicucanchi.

⁴Mushuj cawayta tarichimashpanchi janaj pachachu irinsanchitapis jumashunpaj. Jumänanchi irinsa mana ushyacangachu. Mana janra-yangachu. Mana maucayangachu. ⁵Tayta Diosninchi munayniyuj cashpan shiminta chasquicushanchipita imapitapis jishpichimanchi. Canan wichan ushyacaptin, jishpichimänanchi imanuy cashantapis tantiyachimashunpaj.

⁶Maquinman chayachimänanchi caycaptin, cushi-cushilla cawanchi. Chaypis camacaptin, tucuy-jinanpa ñacapärishun. ⁷Ichanga ñacaycunata ichipuptionchiraj, llapan shungunchiwan yupachicushanchi musyacanga. Sumaj tantiyacushun. Juritapis alli cashanta musyananpaj ninawanraj chulluchin. Juriga ushyacajlla. Nuwanchi yupachicushanchim ichanga juripitapis mas alli. Chaymi llapan shungunchiwan yupachicuptinchi, ñacaytapis ichipup-tinchi, Washäcuj Jesús cutimur alli ñawinwan ricamashunpaj. Alliman churamashunpaj. Allichu jurgamashunpaj.

⁸⁻⁹Jesústa mana ricaycarsi, manchapacunchi. Mana ricaycarsi, llapan shungunchiwan yupachicunchi. Tantiyayta mana atiparsi, jatun-jatunpa cushicunchi. Yupachicushanchipita Tayta Diosninchi jishpichimashun maquinchu imaycamanpis cawananchipaj.

¹⁰Tayta Diosninchi jishpichimänanchipaj unay willacujcuna sumaj tapucacharan. Mayacacharan: «¿Pitaraj Tayta Diosninchi cáchamunga?» nir.

Jinarcu willacuran: «Sumaj llaquipämashpanchi Tayta Diosninchi juc runata cáchamunga washämänanchipaj» nir. ¹¹Espíritu Santu rimachiptin, Washäcuj ñacanantapis, wañushanpita cawarircamur alli cayman chayananapis musyachiran. Chaymi paycunapis Washäcuj pi cashantapis, imay chayamunantapis sumaj tantiyacuyta munaran. ¹²Chaypis tantiyacunan mana camacaranchu. Manchäga nuwanchita willapämaranchi. Tantiyacunanchipaj Tayta Diosninchi camacächisha. Janaj pachapita Espíritu Santuta cáchamusha. Chaymi rimachiptin, waquin willacujcuna Jesúspita willapämashcanchi. Willapämashanchita anjilcunapis tantiyacuyta munaran.

**Tayta Diosninchipa
shungun munashannuy
cawananchipaj willapashan**

¹³Chaymi sumaj tantiyacurir, imatapis rimashun. Imatapis rurashun. Mana yamacällar Tayta Diosninchiman llapan shungunchiwan yupachicushun. Washäcuj Jesús cutimuptin, Tayta Diosninchi llaquipämashpanchi sumaj-sumaj yanapämashunpaj. ¹⁴Irmäncuna, llapan shungunchiwan yupachicuyar, wiyacuj wamra-jina cawashun. Unay upa cayninchiwan juchata aparicushcanchi. Chay-jina ama cawashunnachu. ¹⁵Manchäga acracamajninchi Tayta Diosninchi allillata rurashan-jina nuwanchipis shungun munashallanta rurashun. ¹⁶Shiminchüpis nin: «Juchata mana aparicüchu.

Chaynuy jamcunapis juchata ama aparicunquimanachu.»*

¹⁷Chaymi: «Tayta Diosninchipa maquinchu cawaycä» nir cay pachachu jurpay-tucullar purirpis, manchapacunquiman. Payga imatapis rurashanman-tupu llapan runapa juchanta jurgapanga. Pipa juchantapis mana chapangachu.

¹⁸Jamcuna mamayqui-taytayquipita-pacha juchallaachu cawarcaycanqui.

Jucha aparicuyllaachu cawaycaptiquisi, Tayta Diosninchi rantiypayupay jishpichishcashunqui. Mana juripa chaninwanchu, jillaypa chaninwanchu rantishcashunqui;

¹⁹manchäga nuwanchi-raycur Washäcuj Jesús wañuyninpan. Wañuptin, allinnin uyshata jarashan-yupay Tayta Diosninchi chasquisha. ²⁰Cay pachata mana camallarraj, nuwanchi-raycur Jesús wañuyman chayanpanaj Tayta Diosninchi camacächiran. Ichanga jipataraj cay pachaman shamusha. ²¹Wañushanpitapis Tayta Diosninchi cawarachimusha. Alli ricashpan janaj pachaman jamachisha. Chaypita-pacha Tayta Diosninchiman yupachicunanchipaj, aunishanta shuyaränanchipaj yanapaycämanchi.

²²Cananga Jesúsapa shiminta chasquicur, juchapita witicushcanqui. Juchapita witicur, llapan irmänuwan alli ricanacuyta yachacushcanqui. Chaymi llapan shunguyquiwan llaquinacäriy; ama janan shungullaga. ²³Yapay yurish-yupay carcaycanchi, ichanga mana mama-taytapitachu; manchäga Tayta Diosninchipitana. Mama-

taytapita yurish car, ushyacajlla canchi. Shiminta chasquicuptinchim ichanga, Tayta Diosninchi cawachimanchi. Cawachicuj car, shimin mana imaypis jungacangachu.

²⁴Chaymi nin:

«Runa jiwa-yupay.
Callpayuj cayninpis,
camarajlla cayninpis
wayta-yupaylla.

Jiwa chaquijlla.

Waytapis ñallpujlla.

²⁵Taytanchipa shiminmi
ichanga imaypis mana
jungacangachu.»*

Paypa shimin alli willapa.

Jesúspita willapashcashunqui.

2 ¹Chaymi ima juchapitapis
wanacushun. Ama llullacushunchu. Ama alli-tucushunchu.

Ama chiquicushunchu. Ama pipa washantapis rimashunchu.

²Manchäga iti lichita chuchushanjina shunguyquimanpis Tayta Diosninchipa shimin chayanman. Shunguyquiman chayaptin, shungun munashallanta tantiyacunquepaj. Maquillanchüna cawanquipaj.

**Jesús cawaj rumi-yupay
cashanta tantiyachishan**

³Tayta Diosninchi llaquipäcuj cashanta musyanchina.

⁴Tincuchiypa tantiyacushun. Tayta Jesús cawaj rumiwan tincun. Payman sumaj jillicushun. Runacuna wasguipaptinsi, alli ñawinpa Tayta Diosninchi rican. Quiquin acracusha. ⁵Nuwanchipis cawaj rumi-yupay Tayta Diosninchipa ricay ñawinchu caycanchi. Payga rumita-yupay shuntaycämanchi

* **1.16** Levítico 11.44–45. * **1.24–25** Isaías 40.6–8.

wasinta jatarachinanpaj. Llapanchita maquinchu purichimashun. Runa-masinchipaj mañacapunanchipaj cūra caymanpis, shungun munashallanta rurananchipäpis éhuramashcanchi. Nuwanchi-raycur Washäcuj Jesús wañuyninpa Tayta Diosninchichi acracamashcanchi ricay ñawinchu alli cawananchipaj. ⁶Chaymi Jesúspita rimar, Tayta Diosninchipa shiminchu isquirbiraycan:

«Alli rumita Jerusalén marcachu éhurashaj.

Jallarachij simintu rumita quiqui acracushaj.

Allinninta éhurashaj.

Pipis chay rumiman yupachicur, allíchu llucshinga.»*

⁷Chaymi Jesústa éhasquicuj-cunata Tayta Diosninchichi allíchu jurgunga. Wasguipajcunam ichanga pingayman échayan. Tayta Diosninchipa shiminchu nin:

«Wasi rurajcuna: «Cay rumi mana allichu» nir wicapa-shanpis simintuta jallarachinanchipaj éhurasha.»*

⁸Jananmanpis nin:

«Tunichicuj rumi. Cuéhpächicuj rumi.»*

Chaynuypa shiminta wasguipajcuna ashishanta tariycan.

⁹Nuwanchitam ichanga Tayta Diosninchichi acracamashcanchi. Maquinchu puriyacchimanchi. Cūra cayman éhuramashcanchi. Acracamashcanchi shungun munashallanta rurananchipaj. Maquillanman shuntacamashcanchi sumaj munayniyuj cashanta runacunata willapácunanchipaj. Ñaupata juchallaachu arur, chacajchu-jina

cawashcanchi. Cananmi ichanga shiminta wiyacur, achquiachu-jina Tayta Diosninchipa maquinchu cawarcaycanchi.

¹⁰ «Ñaupata mana Tayta Diosninchipa maquinchüchu cawashcanqui.

Mana llaquipäshurayquipishchu. Cananmi ichanga maquinchüna cawaycanqui.

Llaquipaycäshunquina.»*

Cuyay-munaypaj cawashun

¹¹Irmänucunallau irmänu, cay pachaachu jurpay-tucullar cawanchi. Chaymi juchata ama aparicushunchu. Juchallaachu arur shungunchi munashallanta rural, Tayta Diosninchipa shungun munashannuy mana cawaycanchichu. ¹²Waquin runacuna Tayta Diosninchichi pï cashantapis mana musyanchu. Paycunawan cawarpis, Tayta Diosninchita sumaj manchapacunquiman. Chaynuy cawaptiqui, imapitapis tumpashuptiquisi, chiquir ushyashuptiquisi, alli cawashayquita ricanga. Chaymi llapan runata allita, mana allita rurashanta tapupashan junaj paycuna Tayta Diosninchita alliman éhuranga: «Manchapacushayqui runa shunguyqui munashannuylla allita rural cawaran» nir.

¹³Chaymi Tayta Diosninchita allíchu jurgunayquipaj mayur auturdäcunatapis manchapacunquiman. Paycunapa maquinchu cawanchi. ¹⁴Tacsha auturdäcunatapis manchapacunquiman. Paycunata Tayta Diosninchichi éhurasha llutan ruracujcunata

*2.6 Isaías 28.16. *2.7 Salmo 118.22. *2.8 Isaías 8.14–15. *2.10 Oseas 2.23.

ñacachinanpäpis, alli rurajcunata allichu jurgunanpäpis. ¹⁵Tayta Diosninchi alli cawananchita munan. Alli cawaptinchi, upa runacuna achäquita mana tarin-gachu washanchita rimananjapaj.

¹⁶Cananga imata rurananchipäpis quiquinchipitana. Chaypis juchachu ama arunquichu. Manchäga Tayta Diosninchipa maquinchu cawar, shungunman tincusha-llanta rurankui. ¹⁷Llapan runata alli ricanqui. Irmänunchicuna-tapis llaquinqui. Tayta Diosnin-chita manchapacunqui. Mandaj auturdätapis alli ricanqui.

¹⁸Mandu-rurajcuna, patrunniquita tantiyacuj captinsi, juyu captinsi alli ricanquiman. ¹⁹Wiyacucaptiqui, allita ruraycaptiqui ñacachishup-tiquipis, Tayta Diosninchi alli ñawinpa ricashunqui. ²⁰Jucha aparicushayquipita ñacarmi ichanga, juchallayquipita ñacanqui. Alli cawaycaptiqui runacuna ñacachi-shuptiquipis, Tayta Diosninchi alli ñawinpa ricashunqui.

²¹Chaypämi acracamashcanchi. Washäcuj Jesúspis nuwanchi-raycur ñacasha. Chaymi nuwanchipis llupinpa jatishun.

²²Payga juchata mana aparicushachu.

Pitapis mana llullapashachu.

²³Runacuna ashlliptinsi, mana ashlliranchu.

Ñacachiptinsi, mana chiquiparanchu.

Manchäga Tayta Diosninchita mañacuran: «Tayta, jammi llapanta ricanqui» nir.

²⁴Juchata mana aparicunanchipaj, Tayta Diosninchipa shungun munashannuylla cawanan-

chipaj, juchanchita aparicur ruschu wañuran.

Allchacänanchipaj, alli cawananchipaj nanayta éhasquicuran.

²⁵Unayga ujrakash uysha-yupay cawaranchi.

Cananmi ichanga ricamajnin-chiman cuticushcanchi.

Maquinchüna purichimanchi.

Uysha michij-yupay ricaycämanchi.

Majayujcunata piñapashan

3 ¹Irmänacuna, majayquita wiyacunquiman. Wiyacur alli cawaptiqui, majayquipis Jesúspa shiminta tantiyacunga. Shiminta wiyayta mana munarsi alli cawashayquita ricar, pipis mana willapaycaptin éhasquicunga. ²Alli cawashayquita ricar, Tayta Diosnin-chita manchapacushayquita ricar, quiquillan tantiyacunga.

³Alli cayniqui mana jashpachicuy-llachu, mana jurita éhuracuyllachu, mana alli müdanata ushtucuyllachu. Janallayquita ama allchacunqui-manchu. ⁴Manchäga alli cayniqui shunguyquipita-pacha llucshi-munman. Shunguntiqui alli warmi captiqui, Tayta Diosninchipis alli ñawinpa ricashunqui.

⁵Chaynuy unay mama-warmicunapis alli shungu cayninta musyachicuran. Paycuna Tayta Diosninchipa maquinchu cawar, majanpa shimintapis wiyacärij. ⁶Sarapis shiminta wiyacushpan majan Abrahamta taytachacuran. Sara imatapis mana manchacullar alli cawashan-jina jamcunapis alli cawanquiman. Chaura mama Saraman llucshinquipaj.

⁷Irmänucuna, jamcunapis warmiquita sumaj tantiyanquiman. Alli

ricanquiman. Warmicuna pishi-yatay, pishi-rimaparcuy caycan. Chaynuy captinsi, warmi ullguta Tayta Diosninchí wamrachacamashcanchi. Alli cawarga, cushicushilla Tayta Diosninchitapis mañacushun. Manchäga mana camäpacushunpächu.

Irmänucunata piñapashan

⁸Llapanchi juc shungulla cawashun. Llaquipänacushun. Chay yawarlla-jina alli ricanacushun. Tantiyanacushun. Pampaman ama éhuranacushunchu. ⁹Runa-masinchi chiquimaptinchisi, ama chiquishunchu. Ashllimaptinchisi, ama ashllishunchu. Manchäga llapan runapaj mañacapushun. Tayta Diosninchí yanapämashanchi-jina chiqui runacunatapis yanapäshun. Chaypämi Tayta Diosninchí acracamashcanchi.

¹⁰Shiminpis nin:

«Alli cawayta munajcuna,
cushish cawayta munajcuna,
ama ashllicuchunchu.
Ama llullacuchunchu.

¹¹Juchata ama aparicuchunchu. Manchäga allillata rurachun. Pï-maywanpis mana yamacällar alli ricanacuchun.

¹²Manchapacujcunata Tayta Diosninchí ricaycan. Mañacushancunatapis wiyaj-wiyajlla caycan. Juchaçu arujcunatam ichanga ricaytapis mana munallanchu.»*

¹³Chaymi llapan runapa ricay ñawinçu alli cawaptiqui, ¿piraj chiquishunquiman? ¹⁴Tayta

Diosninchipa shungun munashallanta rurawashayquipita runacuna chiquishuptiquisi, ama llaquicunquichu. Manchäga cushicärinquiman. Tayta Diosninchí shacyächishunqui. Chaymi runa ñacachishuptiqui, ama llaquicunquichu. Ama mancharinquichu. ¹⁵Manchäga llapan shunguyquiwan Taytanchi Jesucristuta alliman éhuranqui. «¿Imanirtaj Washäcuj Jesúsman yupachicunqui?» nir pipis tapupäshuptiqui, juella tantiyachinqui. ¹⁶Ichanga pampaman mana éhurallar alli shimillayquipa tantiyachinqui. Washäcuj Jesúsapa shiminta éhasquicur alli cawaptiqui, chiqui runacunapis pingacunga: «Llutanta rimashcä» nir.

Jesús-janan ñacachishan

¹⁷Tayta Diosninchí camacächiptin alli rurashanchi-janan runa ñacachimaptinchisi, éhasquicunanchi. Llutanta rurashanchipita ñacarmi ichanga, pingaypaj ñacanchi.

¹⁸Juchanchi-janan Washäcuj Jesús wañuyman éhayaran.

Juchaynaj caycar, juchasapa ricacuran Tayta Diosninchipa ñaupanman éhayachimänanchipaj.

Runa-masinchi caycar, wañuyta tariran.

Tayta Diosninchim ichanga cawarachiran.

¹⁹Jinarcunaypita-pacha wíchgaraj wañushcunaman aywaran: «Llapanta íchipushcä» nir. ²⁰Chay wañushcuna Noépa shiminta mana wiyacuranchu. Mana wiyacuptin, Noé бүтита rurashan-

* 3.10–12 Salmo 34.12–16.

caman mana yamacällar Tayta Diosninchi shuyararan. Ushyariptin, pusaj runallata bütiwan yacuchu wampuyllapa jishpichiran.

²¹Chay-jina Washäcuj Jesús cawari-muyninpa yacuchu ushyacuptinchi, nuwanchitapis Tayta Diosninchi jishpichimanchi maquinchu cawananchipaj. Ushyacushanchi mana janallanchitachu pichan. Manchäga llapan shungunchiwan wanacushanchita musyacächin. ²²Washäcuj Jesús cawarircamur, janaj pachaman aywacusha. Tayta Diosninchipa diricha-caj lädunchüna jamaraycan. Chaymi llapan anjil-cunapis, munayniyujcunapis maquinchu purin.

4 ¹Washäcuj Jesús ñacash caycaptin, ñacayta ama manchacushunchu. Pay-jina ñacar, jucha rurayta mana munapäshunnachu. ²Juchachu aruj runacuna-jina ama cawashunchu. Manchäga Tayta Diosninchipa shungun munashallanta imaypis rurashun. ³Unayga jamcunapis juchallaachu arushcanqui. Shunguyqui munashallanta rurashcanqui. Warminar, runanar puricushcanqui. Tünallaachu arushcanqui. Paçhallayquipaj ashishcanqui. Upyallaachu arur, marca-pingay cawashcanqui. Moiséspa shiminchu miçhaycäshuptiquisi, jircacunata taytachacur manchapacushcanqui. ⁴Cananga mana tallupaptiqui, tanti-yayta mana atipashpan juchaachu arujcuna washayquita riman. Ashllir ushyashunqui. ⁵Chaypis ima-imata rurashantapis llapantam Tayta Diosninchi jurgapangapaj. Mana chapangapächu. Cawajcunapis, wañushcunapis maquinchu caycan. ⁶Chaypämi wañushcunata

Jesús pa shiminta willapäcuran. Paycuna cawaycällar, jucha apari-cushanpita wañucuran. Chaypis Tayta Diosninchipa ricay ñawinchu cawarcaycanraj.

Yanapänacuypita tantiyachishan

⁷Cay pacha ushyacangapaj. Chaymi imatapis sumaj tantiyacuy. Tayta Diosninchita mañacullar caway. ⁸Jucniqui-jucniquipis llaquinacäriy. Llaquinacur tucuy-jinanpa nanächinacursi, juella ushyacächinqui. Ama yarparanquinachu. ⁹Pipis pachacuyta ashtiptin, mana jamurpällar pachächiy. ¹⁰Tayta Diosninchi yaçhayta camapushushayquiman-tupu yanapänacunqui. Tucuyta yaçhananchipaj yarpayta camapämashcanchi. Chaymi llaquipämashanchi-jina sumaj yanapänacunqui. ¹¹Pipis willapäcur, Tayta Diosninchipa shimillanta willapäcuchun. Pipis yanapäcur, Tayta Diosninchi tarichishanman-tupulla yanapäcuchun. Imatapis rurar, Tayta Diosninchita alliman çhurashun. Alliman çhurashanchita Washäcuj Jesús camacächin. Chaymi imay-imaypis munayniyuj Tayta Diosninchita alliman çhurayculläshun. Chaynuy caycullächun.

Ñacachishcunata shacyächishan

¹²Irmänucunallau irmänu, ima ñacayman çhayarpis, ama llaquicärinquichu: «¿Imanirraj ñacaycä?» nir. ¹³Manchäga Washäcuj Jesús ñacashan-jina ñacar, cushicärinquiman. Pay munayniyuj cashpan achic-achicyaycaj cutimuptin, jatunpa cushicushunpaj.

¹⁴Washäcuj Jesústa éhasquicu-shayquipita pipis ashllishuptiqui, ama llaquicunquichu. Munayniyuj Espíritu Santu yanapaycämanchi.

¹⁵Runa-masiquita wañuchishay-quipita, suwacushayquipita, juyu cashayquipita, mitichi cashay-quipita runacuna ñacachishuptiqui, pingayman échanayqui camacan.

¹⁶Washäcuj Jesústa éhasquicu-shayquipita ñacachishuptiquim ichanga, ama pingacunquichu. Manchäga cushicur Tayta Diosninchita ninquiman: «Taytallau Tayta, ima allish Jesúspa maquinchu cawaycächimanqui» nir.

¹⁷Cananga Tayta Diosninchipa maquinchu cawajcunataraj ñacachiya jallaycusha. Nuwanchipis ñacayman éhaycaptinchi, ¿Jesúspa shiminta wasguipajcuna imamanraj éhayanga?

¹⁸ «Wiyacujcuna ñacarraj Tayta Diosninchipa maquinman éhayaptin, ¿mana manchapacuj juchachu aruj runacuna imamanraj éhayanga?»*

¹⁹Ñacananchipaj Tayta Diosninchipa camacächiptin-ima paypa maquillancho cawashun. Allillata rurarcawashun. Payga shiminta éharcun. Llapanta Camaj Tayta Diosninchipa mana imaysi cácharimashunpächu.

Irmänucunata piñapashan

5 ¹Mayur irmänucuna, Washäcuj Jesús ñacashanta ñawīwanraj ricashcä. Munayniyuj cashpan achic-achicyaycay cutimuptinpis, jatunpa cushicushaj. Chaymi anyapashayqui. ²Uyshīru uyshanta ricashan-jina irmänunchicunata

sumaj ricanquiman. Paycunata Tayta Diosninchipa maquiquiman éhurasha mana jillanällar ricanayquipaj. Manchäga cushi-cushilla ricanayquita munaycan. Jillayllata ama ricaranquimanchu. ³Nishayqui-nishayqui imatapis ama rurachinquimanchu. Manchäga ricacushunayquipaj Tayta Diosninchita manchapacur cawanquiman. ⁴Jesús cutimur, mayur irmänucunata ricaj cashpan, alli cawayman éhuramashunpaj. Alli cawayman éhuramashanchi imaypis mana ushyacangachu.

⁵Müsucuna, jamcunapis mayur irmänucunata wiyacunquiman. Ama alli-tucunquimanchu. Manchäga tantiyanacur imaçhüpis yanapänacunquiman. Tayta Diosninchipa shiminpis nin:

«Tayta Diosninchipa alli-tucujcunata mana yanapanchu.

Alli shungucunatam ichanga llaquipar yanapan.»

⁶Llapanchipis mana alli-tucullar Tayta Diosninchipa maquinchu cawashun. Paymi munayniyuj. Shungun munaptinraj, allichu jurgamashunpaj. ⁷Llaquipämanchi. Chaymi imapitapis ama yarpaçhacushunchu. Manchäga paypa maquinchu cawar, llapanta willashun.

⁸Sumaj tantiyacushuwan. Ricchaycar purishun. Supay chigaypa chiquimanchi. Yargaj liyun-jina purin ricashanta ushyarinanpaj. ⁹Chaymi sumaj ichipushun. Jesúspa maquinpita ama witicushunchu. Cay pachaçu

*4.18 Proverbios 11.31.

mana nuwallanchichu ñacarcay-canchi. Waquin irmänunchicu-napis ñacarcaycan. ¹⁰Chaypis llapanchita llaquipämashpanchi quiquin Tayta Diosninchi Washäcuj Jesús pa maquinman éhuramash-canchi imaycamanpis cawanan-chipaj. Chaymi ñacapäriptinchisi, Tayta Diosninchi jatarachimäshun. Payman sumaj yupachicunanchipaj yanapämäshun. Yanapämaptinchi, maquinpita mana witicu-shunpächu. Shimintapis mana jungashunpächu. ¹¹Payga sumaj munayniyuj. Payllata imay-imaypis alliman éhurayculläshun. Chaynuy caycullächun.

Cartapa ushyanan

¹²Cay cartata irmänunchi Silvano isquirbipämasha. Payga Tayta Diosninchipa ricay ñawinöchu alli cawan. Payman sumaj yupachicü. Shacyächinajpaj cartacamü. Tayta Diosninchi sumaj llaquipämanchi. Chaymi maquinpita ama witicunquichu.

¹³Babilonia marcaöchu jutucuj irmänunchicuna wamayäshunqui. Marcosnïpis wamayäshunqui. *

¹⁴Quiquiquicunapis llapallayqui wamayänacunqui, ari.

Tayta Jesucristupa maquinöchu cawajcuna llapaniqui allilla caway-cullay, ari. Chayllana.

* 5.13 «Babilonia marca» nir Roma marcawan tincuycächij.

San Pedro cartacushan 2

Tantiyacunanchipaj:

Pedro cay cartata isquirbiran Israel irmänucunaman. Paycuna juclä marcacunachu tiyarcaycaran. Chaymi wañuy jananchu captin, irmänucunata shacyächinanpaj yapay cartacuran. Pedrupita musyayta munar, Pedro cartacushan 1 jallarinanta liguinqui.

Wañuy jananchu captin, Pedro yapay cartacuran irmänucuna Tayta Diosninchipa shiminta mana jungananpaj, Tayta Diosninchita wiyacur cawananpaj, pantachicuj-cunapa shiminta mana chasquinanpaj.

Pedro isquirbiran:

- Shiminta wiyacunanpaj Tayta Diosninchi yanapänanpita: **2 San Pedro 1.1–11.**
- Wañuy jananchu caycashanpita, Jesúswan tincushanpita, Tayta Diosninchipa shiminta wiyacur cawananpita: **2 San Pedro 1.12–21.**
- Pantachicujcunapa shiminta mana chasquicunanpita, pantachicujcunata Tayta Diosninchi ñacachinanpita: **2 San Pedro 2.1–22.**
- Pantachicujcuna llullapashanpita, mana yarpashpita Jesús cutimunapita, Tayta Diosninchipa shiminta mana jungallar cawananpita: **2 San Pedro 3.1–18.**

Pedro wamayashan

1 ¹Irmänucuna, nuwa Simón Pedro, Washäcuj Jesús pa mandu-rurajnin cashpä, cachan cashpä cartacallämi.

Ima allish jamcunapis Jesucristupa shiminta chasquicushcanqui. Payga Tayta Diosninchi, Washäcujninchi. Quiquin camacächisha jamcunatapis, cacha-masintita Tayta Diosninchi alli ñawinpa ricamänanchipaj. ²Cananga Tayta Diosninchi llaquipayculläshunqui. Alli cawayman churayculläshunqui. Waran-waran Tayta Diosninchipa maquinchu cawar, Taytanchi Jesús pa maquinchu cawar, shungun yarpashan-tapis sumaj tantiyacushuwan.

Tayta Diosninchipa shungun imanuy cashanta tantiyachicushan

³Munayniyuj cashpan Tayta Diosninchi yanapaycämanchi

shungunta tantiyacunanchipaj, shungun munashannuy cawanan-chipaj. Munayniyuj cashpan, alli shungu cashpan maquinchu puriycächimanchi. ⁴Quiquinmi tucuy-jinanpa yanapaycämanchi. Aunishanta charcur, shungunman tincunanchipaj, jucha aparicuypita witicunanchipaj yanapaycämanchi. ⁵Chaymi payman sumaj yupachicushuwan. Yupachicurna, cuyay-munaypaj cawashuwan. Cuyay-munaypaj cawarna, Tayta Diosninchi pï cashantapis sumaj tantiyacushuwan. ⁶Sumaj tantiyacurna, munashallanchita ama rurashuwanchu. Munashallanchita mana rurarna, mana yamacällar Tayta Diosninchiman yupachicushuwan. Mana yamacällar yupachicurna, Tayta Diosninchipa shungun munashallanta rurashuwan. ⁷Shungun munashallanta rurarna,

irmänunchiwanpis llaquipä-nacärishuwan. Llaquipänacuy-carna, runa-masinchicunatapis llapan shungunchiwan llaquipä-shuwan. ⁸Willapashajcuna shunguyquiman éhayash captin, Taytanchi Jesucristupa shimintapis allipämi éhasquicushcanqui. Chaura allillata rurarna cawan-quipaj. Chaymi jumpaj pipis mana ningachu: «Manacajllapaj Jesúspa shiminta éhasquicusha. Shungun munashantapis mana ruranchu.» ⁹Willapäcushäta mana éharcuj-cunam ichanga japra runa mana tantiyaj-jina caycan. Jucha aparicushanta Tayta Diosninchichi jungashantapis mana yarparannachu.

¹⁰Irmänucuna, Tayta Diosninchichi acracushushayquipis, maquinéchu cawashayquipis musyacänanpaj payta manchapacur cawanquiman. Maquinpita ama witicunquichu. Mana witicur, juchacuymánpis mana éhayanquipächu. ¹¹Taytanchi Jesucristu Washämajninchi. Paypa maquinéchu cawanayquipaj mana sasächicunquipächu. Maquinéchu imay-imaycamanpis cawanayquipaj quiquin Tayta Diosninchichi cushish éhayachishunquipaj.

Tayta Diosninchipa shiminta wiyacushun

¹²Chaymi: «Llapanta tantiyacushcä» niptiquisi, tantiyacächishayqui Tayta Diosninchipa shiminta sumaj wiyacunayquipaj. ¹³Alli cawanayquipaj cawashácaman piñacuycäshayqui. ¹⁴Wañuy janächüna. Tayta Jesús musyachimasha: «Shuntacunajpaj wallcallana pishin» nir. ¹⁵Ichanga llapanta tantiyacunay-

quipaj sumajraj piñapäshayqui. Chayrämi wañucuptipis, shimíta yarparanquipaj.

Tayta Diosninchipa maquinéchu cawananjaj willapashan

¹⁶«Washäcuj Jesús munayniyuj. Cutimunga» nir willapäcushäga mana ninshi-ninshillachu. Munayniyuj cashanta musyá. Ñawíwanraj achic-achicyaycajman ticracurishanta nuwacuna ricarä. ¹⁷Tayta Diosninchichi alliman éhuran. Alliéchu jurguran. Quiquin munayniyuj Tayta Diosninchichi nimuran: «Payga cuyay Wawämi. Shungüman tincuptin, acracushcä.» ¹⁸Rinríwan nuwacuna wiyarä. Jirca puntaéchu juturpaycapti, Tayta Diosninchichi rimamuran.

¹⁹Chaymi cananraj unay willacujcuna rimashanman sumaj yupachicunchi. Rimashanga achqui-yupay achicyapaycämanchi rimashanta tantiyacunanchipaj. Sumaj wiyacunanchi Jesús cutimunan junajcaman. Cutimur, waraj istrílla-yupay cushi-cachimäshunpaj. Shungunchipis achicyacäcunga. ²⁰Chaypis sumaj tantiyacunquiman. Unay willacujcuna rimashanta pipis shungun munashannuylla mana tantiyachicunmanchu. ²¹Willacujcuna mana quiquillanpitachu willapäcunan. Mana umallanpitachu isquirbiran. Manchäga Espíritu Santu rimachiptin, Tayta Diosninchipa shiminta willapäcunan.

Pantachicujcunapita rimashan

2 ¹Sumaj tantiyacushun. Israel marcaéhüpis: «Tayta Diosninchipa willacujnin cá» nir waquin

runacuna quiquin yarpashallanta imatapis yaáchachiran. Canan wichanpis waquin irmänunchicuna pantachicur puriycan. Pantachicur, manacajcunallata yaáchachishun-quipaj. Paycunapis rantish-yupay caycaptinsi, Taytanchi Jesústa wasguipan. Payga washänan-raycur wañuyman éhayasha. Payta wasguirmi ichanga, quiquinpita juclla ushyacayman éhayanga. ²Pantachicujcuna juchata aparicur purishanta achcaj yaáchacunga. Chayta ricar, Tayta Diosninchipa wawancunatapis waquin runa pampaman éhuranga. ³Jillayniquita ushyapäshunayqui-cashallan imatapis willapäshunquipaj. Chay-niraj cashanpita ñacaypita mana jishpingachu. Chayman éhayananpaj unaypita-pacha Tayta Diosninchicamacächiran.

⁴Mana wiyacuj anjilcunatapis Tayta Diosninchic mana llaquiparanchu. Manchäga chacaj pachaman jaycuriran. Cay pacha ushyacänan junajcaman wíchgaycuran. Chay junajraj juchanta jurgapanga. ⁵Noé cawashan wichanpis juchaçu arujcunata Tayta Diosninchic mana llaquiparanchu. Ricay ñawinçu Noélla alli cawaran. Payga marca-masincunata willaparan Tayta Diosninchita manchapacur alli cawananpaj. Marca-masincunam ichanga mana wiyacuranchu. Chaymi Tayta Diosninchic Noélla janéhis castantinta jishpichiran. Juchaçu arujcunatam ichanga yacuwan illarachiran.

⁶Sodoma marcawan Gomorra marca runacunatapis Tayta Diosninchic ushyaypa ushyaran. Uchépayashancaman rupachiran jipa

runacuna ricacunanpaj. ⁷Lottam ichanga Sodoma marcapita jishpichiran. Payga Tayta Diosninchipa shungun munashannuy cawaran. Sodoma runacuna juchata aparicullar cawaptin, marca-pingay cawaptin, Lot sumaj llaquicuran. ⁸Waran-waran jucha aparicushanta ricar, mayar, shungunpis nanasharaj. ⁹Sumaj tantiyacushun. Maquinçu cawajcunata Tayta Diosninchic ñacaypita jishpichinanta musyanchi. Juchaçu arujcunatam ichanga ñacaycächin ushyacay junaj éhayamunancaman. ¹⁰Sumaj ñacachinga warminar, runanar marca-pingayçu cawajcunata, shimillan atipashcunata. Chay pantachicujcunapa manchapacuyinllanpis mana canchu. Janaj pachaçu tiyaj anjilcunatapis ashllir ushyan. ¹¹Anjilcunam ichanga sumaj munayniyuj caycarsi, mana pitapis pampaman éhuranchu. Tayta Diosninchipa ñaupançu caycar, pantachicujcunatasí mana rimapanchu.

¹²Chaura uywacuna yarpayniynaj cawashan-jina pantachicujcunapa yarpayninpis mana canchu. Paycuna shungun munashallanta imatapis rurán. Alli-tucursi imata rimashantapis mana tantiyanchu. Uywa-yupay ñacanallanpaj yurisha. Uywata wañuchishan-jina wañuyman éhayanga. ¹³Runamasinta ushyapashanpita ñacayta taringa. Waran-waran runapa ricay ñawinçu juchata aparicullar cushish cawan. Irmänucunawan micupacunayquipaj jutucaptiquipis, paycuna pingaypaj jucha rurashancunata rimar asicačan. ¹⁴Ricashan warmita munapan. Jucha aparicuyta mana yamacanchu. Lluta runacu-

natapis yaćhachin juchata aparicunanj. Runa-masinpa imancunatapis jíchur ushyan. Pasaypa juyu runa. ¹⁵Tayta Diosninchipa shiminta musyaycarsi, mana wiyacunchu. Bosorpa wamran Balaam-jina jillayraycullar llutanta ruran. ¹⁶Balaam llullacuj aywaycaptin, échina búrun piñacuran. Upa yarpayninwan aywaycaptin, miéharan.

¹⁷Pantachicujcuna chaquish pucyu-jina, pacacuj pucutay-jina pantachicun. Yananyaycay chacajman Tayta Diosninchi wíchgangapaj. ¹⁸Alli-tucullar, yaćhaj-tucullar, paycuna imatapis riman. Warmi-paća runa-paća canallanj pitapis shacyächin: «Tayta Diosninchi camacächisha» nir. Pipis juchapita chayraj wanacush caycaptinpi, yapay juchaman cutinanj shimiyan. ¹⁹Jananmanpi nin: «Jucha mana maquichacamanchichu.» Chaypis jucha aparicuyllaćhu arun. Juchaćhu arujcuna supaypa maquinćhu cawan. ²⁰Chaymi pipis: «Taytanchi Jesucristupa maquinćhu cawä. Payga Washämajninchi» nir supaypa maquinpita jishpishana cawan. Juchaćhüpis mana arunnachu. Juchaman cutirmi ichanga, juyupana juyuyacäcun. Naupapitapis mas juchata aparicun. ²¹Tayta Diosninchipa shiminta musyaycar pampaman échuranallanj ama échasquimancho caran. Tayta Diosninchipa shungun munashanta ama musyanmancho caran. ²²Jucha rurayman cutijcunapaj rasuntaćhari rimaypis purin: «Allgu gumita-shanta cutipanshi. Cuchita armachiptinsi, yapayshi mitućhu jućhparin» nir.

Washäcuj Jesús cutimunanpita tantiyachishan

3 ¹Irmänucuna, ishca y cutipana cartacaycämü. Alli cawanay-quita munar, ishcan cartaćhu willapaycay. ²Chaymi Tayta Diosninchipa willacujnincunapa shiminta wiyacunquiman. Jesús pa caćhancunapa shimintapis ama junganquimancho. Caćhancunaga Taytanchi Jesús pa shiminta tantiyachishcashunqui: «Taytanchi Jesús Washämajninchi. Maquinćhu purichimancho» nir.

³Sumaj wiyacärinquiman. Jipata runacuna shungun yarpashallanta rimar, shungun munashallanta ruraringa. Jesús pa shiminta échasquijcunatapis pampaman échuranga. ⁴Ashllir ninga: «¿Imanirtaj Jesúsniqui: «Cutimushämi» nirsi, mana cutimunrächu? Unay irmänunchicunapis Jesús ta shuyaraycälar wañucusha. Cay pachasi ricarishanpita-pacha cashgallan cacun.»

⁵Paycuna rimashantapis mana tantiyanchu. Shungun munaptin, cay pachatapis, janaj pachatapis Tayta Diosninchi camashanta mana tantiyanchu. Pay rimariptin, yacu rurillanpita cay pachapis ricarimuran. Yacuwanraj camaran. ⁶Chay-jina llap-llapannintinta cay pachata yacullawan ushyan.

⁷Canan wichanpi Tayta Diosninchi rimariptin, cay pachatawan janaj pachata cawaycächin. Ushyacay junaj éhayamuptinmi ichanga, ninawanna llapanta ushyarachinga. Chay junaj juchanta jurgapar, juchaćhu cawajcunata ushyarachinga.

⁸Irmänucuna, sumaj tantiyacushun. Tayta Diosninchipaga

juc junaj waranga (1,000) wata-yupaylla, waranga watapis juc junaj-yupaylla. ⁹Chaymi ama yarpashunchu: «¿Imanirtaj Jesús mana cutimunrächu?» nir. Payga llapan runa jucha aparicuypita wanacunantaraj shuyaraycan. Pipis juchallanöchu wañunanta mana munanchu.

¹⁰Chaypis suwa mana yarpashpita yaycapushan-jina Tayta Jesucristupis illajpita cutimunga. Cutimuptin, janaj pacha wararaylla ushyacanga. Intipis, quillapis, istrillacunapis ninawan chulluypa ushyacanga. Cay pachapis llapannintin ushyaypa ushyacanga.

¹¹Llapanpis ushyacänan caycaptin, ¿imanuytaj cawashuwan? Juchata ama aparicushunchu. Manchäga Tayta Diosninchita manchapacushun. Shungun munashallanta rurashun. ¹²Jesústa shuyarashpanchi: «Juclla cutimuy, Tayta» nir mañacushun. Cutimushan junaj intitapis, quillatapis, istrillacunatapis nina ushyanga. Llapanpis chullucuringa. ¹³Nuwanchitam ichanga janaj pachatapis cay pachatapis mushujtana Tayta Diosninchishuyaraycächimanchi. Chaychüga llap-llapan Tayta Diosninchipa shungun munashannuy cawanga. Maysi juyäcuylla canga.

¹⁴Chaymi irmänucunallau irmänu, Tayta Diosninchicamacächinanta

shuyaycar, ricay ñawinöchu allilla cawashun. Juchata ama aparicushunchu. Llutanta ama rurashunchu.

¹⁵Cananllaga Taytanchi Jesús mana cutimungarächu. Manchäga llaquipämashpanchi llapaninchita shuyaraycämanchiraj maquinman jishpichimänanchipaj. Irmänunchi Pablupis Tayta Diosninchitantiyachiptin, cartacamuran. ¹⁶Tayta Jesús cutimunan junajpita llapan cartancunaöchu isquirbiran. Cartancunaöchu sasa tantiyaycunapis caycan. Chaymi mana tantiyajcuna, janan shungulla yupachicujcuna Pablupa cartacushanta mana sumaj tantiyar, llutanpa tantiyachicunpis. Tayta Diosninchipa shimintapis llutanpa tantiyachicun. Chayniraj cashanpita ushyacayman chayangapaj.

Cartapa ushyanan

¹⁷Irmänucuna, willapashäta musyaycar, pantachicujcunapa shiminta ama chasquipanquichu. Tayta Diosninchipa maquinpita ama witicunquichu. ¹⁸Manchäga Taytanchi Jesucristupa shiminta sumaj-sumaj tantiyacunquiman. Payga Washäcujninchilaaquipämashanchi-jina jamcunapurasi sumaj-sumaj llaquipänacäriinquiman. Taytanchi Jesúsllata imayimaycamanpis allöchu jurgushun. Chaynuy caycullächun.

San Juan cartacushan 1

Tantiyacunanchipaj:

Juan cay cartata isquirbiran. Paypita musyayta munar, San Juan librupa jallarinanta liguinqui. Juan pï-pïman cartacushantapis mana musyanchichu. Waquin yarpan chay-tucuy marcacunachu tiyaj irmänucunaman cartacushanta. Auquin caycar, Juan mayaran irmänucuna jutucashanchu llutanta tantiyachicuj runacuna caycashanta. Chaymi paycunapa shiminta mana çhasquipänapaj irmänucunaman cartacuran.

Juan isquirbiran:

- Tayta Diosninchivan Jesús imaypis cawashanpita, Jesúsman tincushanpita, irmänucuna Jesúsman llapan shungunwan yupachicunapita: **1 San Juan 1.1–4.**
- Irmänucuna cuyay-munaypaj cawanapita, juchanchita Jesús jungananpita, irmänucunata llaquipänapita, jucha rurayllata mana munapänapita: **1 San Juan 1.5–2.17.**
- Llutanta tantiyachicuj runapa shiminta mana çhasquipänapita: **1 San Juan 2.18–27.**
- Jesús cutimunapita, Tayta Diosninchipa wawancuna allillata rurar cawanapita, llaquipänacunanpita, Jesúsman yupachicunapita: **1 San Juan 2.28–3.24.**
- Pipis tantiyachicuptin sumaj wiyaparänapita, Tayta Diosninchipita tantiyachicucashanta musyapänapita: **1 San Juan 4.1–6.**
- Irmänucuna llaquipänacunanpaj Tayta Diosninchipa yanapashanpita, llaquipäcujcuna Tayta Diosninchipa shungunman tincushanpita, Tayta Diosninchipa Wawan Jesúsman yupachicujcuna paywan imaycamanpis cawanapita: **1 San Juan 4.7–5.12.**
- Mañacushanchita Tayta Diosninchipa wiyashanpita, mañacushanchita tarichimänanchipita: **1 San Juan 5.13–20.**
- Jircacunaman mana manchapacunanpita: **1 San Juan 5.21.**

Jallarinan

1 ¹Wawacuna, Jesús pita
sumaj tantiyacunayquipaj
cartacallämü.
Payga Tayta Diosninchipa
shiminta camacächicuj.
Cawachicuj.
Mana imasi captillanraj,
cawaycaran.
Nuwacuna shiminta wiyashcä.
Ñawïwan quiquinta ricashcä.
Quiquinwan tincushcä.

²Cawachicuj cashpan quiquin
ricsichicusha. Quiquinta ricashcä.
Ricashäta willapäcurcaycä: «Imayca-
manpis cawachimäshunpaj» nir.
Cawachicujga Tayta Diosninchipa
ñaupanpita shamusha. Quiquin
ricsichicusha. ³Jesústa ricashäta,
wiyashäta willapaycaj juc shungulla
cawananchipaj. Juc shungulla
cawashuwan Tayta Diosninchipa-
wanpis, Wawan Jesucristuwanpis.
⁴Llapallanchi sumaj cushishalla
cawananchipaj cartacaycamü.

Juchapita Tayta Diosninch jishpichimashanchi

⁵Cananga Jesucristupa shiminta willapäshayqui. Pay nimasha: «Tayta Diosninchichi <achqui> allillata rurashpan. Ima juchanpis mana canchu <chacaj> ninanpaj.» Nimashanta llapanta willapaycaj. ⁶Chaymi: «Tayta Diosninchipa maquinchu cawä» nirsi juchallaçu cawaycar, paypa shungun munashanta mana ruranchichu. Mana rasuntachu rimaycanchi. Manchäga llullacuycanchi. ⁷Tayta Diosninchichi-jina allillata rurarmi ichanga, juc shungulla cawanchi. Wawan Jesús nuwanchi-raycur ruschu wañuyninpa juchanchitapis mana yarparannachu.

⁸«Juchata mana aparicushcächu» nir llullacuycanchi. Tayta Diosninchipa shungun yarpashantapis mana tantiyacunchirächu. ⁹Juchanchita mana pacaptinchim ichanga, Tayta Diosninchichi alli shungu cashpan, shiminta charcushpan juchanchitapis jungaycun. Juchanchita mana yarparar, alli ñawinpa ricamanchi. ¹⁰«Juchata mana aparicushcächu» nir Tayta Diosninchitapis llullatayupay ricaycanchi. Shungunchi-manpis shimin mana chayanrächu.

Llaquipänacunanpaj piñapashan

2 ¹Wawallau wawa, jamcunaman cartacaycämü juchata mana aparicunayquipaj. Mayganinchipis juchata aparicush-imarga, Jesucristu Tayta Diosninchita parlapämashun. Payga Tayta Diosninchipa shungun munashallanta ruran. ²Wañuyman chayasha mana nuwanchipa juchan-

chita Tayta Diosninchichi jungana-llanpächu; manchäga llapan runapa juchanta mana yarparänanpaj.

³Mä, tantiyacushun. Tayta Diosninchipa shiminta wiyacur, maquinchu cawashanchitapis musyanchi. ⁴«Tayta Diosninchipa maquinchu cawä» nirpis shiminta mana wiyacurmi ichanga, llullacuycanchi. Tayta Diosninchipa shungun munashantapis mana tantiyacunchirächu. ⁵Shiminta wiyacurmi ichanga, rasunpa Tayta Diosninchita manchapacunchi. Shungun munashallanta rurar cawanchi. Chayraj paypa maquinchu cawashanchipis musyacan. ⁶«Tayta Diosninchipa maquinchu cawä» nirga, Jesucristujina alli cawashuwan.

⁷Wawacuna, isquirbimushäga mana juc yarpaychu; manchäga Jesúsapa shimillan. Shiminta chasquicushayquipita-pacha wiyacushcanqui. Unayna rinriquiman chayasha. ⁸Chaypis willapäcushäga juc yarpay. Jesús llaquipäcuj cashanta musyarraj, jamcunapis llaquipänacur cawashayquita ricarraj, juc yarpay cashanta tantiyacunchi. Chacajchu-jina mana cawanquinachu. Manchäga Tayta Diosninchipa shungun munashannuy llaquipänacur, achquiçu-jina cawarcaycanqui.

⁹«Achquiçu cawä» nirpis irmänunchita chiquipar, chacajchu-jina cawaycanchi. ¹⁰Irmänunchita llaquiparmi ichanga, achquiçu-jina cawaycanchi. Imachüpis mana juchallicunchinachu. ¹¹Irmänunchita chiquiparmi ichanga, chacajchu-jina cawaycanchi. Chacajchu cawar, japra-jina puriyacanchi. Imata rurashanchitapis mana musyanchichu.

¹² Wawacuna, nuwanchi-raycur
Jesucristu wañuyninpa Tayta
Diosninchichi juchanchita mana
yarparashanpita jamcu-
naman cartacaycämü.

¹³ Mayur runacuna, Tayta
Jesucristupa shungunta
musyapashayquipita jamcu-
naman cartacaycämü. Mana
imapis captillanraj, pay
cawaycaran.

Müsucuna, supayta ichipushay-
quipita jamcunaman
cartacaycämü.

¹⁴ Wawacuna, Tayta Diosninchipa
shungunta musyapashay-
quipita jamcunaman
cartacamushcä.

Mayur runacuna, Tayta
Jesucristupa shungunta
musyapashayquipita jamcu-
naman cartacamushcä. Mana
imapis captillanraj, pay
cawaycaran.

Müsucuna, Tayta Jesucristuman
sumaj yupachicushayquipita,
Tayta Diosninchipa shiminta
chasquicushayquipita,
supayta ichipushayquipitapis
jamcunaman cartacamushcä.

¹⁵ Wawacuna, juchachu arujcuna-
jina ama cawashuwanchu. Jucha
rurashancunatapis ama yačhacushu-
wanchu. Jucha aparicujcuna
Tayta Diosninchita mana mancha-
pacunchu. ¹⁶ Paycuna shungun
munashallanta, ñawin ricasha-
llanta, puchuy-puchuy jananchu
cawaj-tucuyllata ashin. Chaynu
cawananchita mana Tayta Diosnin-
chichu camacächin. Manchäga
shungun munapashallanta ashir
runacunalla camacächin. ¹⁷ Runapa
shungun munashan, ñawin ricashan

yupash watallapaj caycan. Tayta
Diosninchipa shungun munashanta
rurarmi ichanga, mana ushyacaypa
cawashunpaj.

Washäcuj Jesústa ticrapujpita willapashan

¹⁸ Wawacuna, Washäcuj Jesús
cutimungapäna. Cay pachapis
ushyacangapaj. Jesústa ticrapuj
runa ricarimunantapis musyanqui.
Palcuna mayna ricarimusha. Achcaj
purircaycan. Chaymi ushyacay
junaj jananchichüna. ¹⁹ Jesústa
ticrapujcuna nuwanchiwan iwal
puriycashanchu witicurisha. Janan
shungulla purishimashcanchi.
Rasunpa irmänu caycar, mana
witicunmanchu caran. Cananga
tantiyacunchi. Waquin runacuna:
«Irmänu cä» nirsi, mana Tayta Dios-
ninchipa maquinchüchu cawan.

²⁰ Washäcuj Jesús camacächiy-
ninpam ichanga Espíritu Santu
yanagaycäshunqui. Jesúsga Tayta Dios-
ninchipa acracuynin. Chaymi Espíritu
Santu yanapäshuptiqui, shimintapis
sumaj tantiyacushcanqui. ²¹ Shiminta
tantiyacush captiqui, cartacaycämü.
Mana pishi-yarpaynachu canqui.
Tayta Diosninchipa shungun yarpa-
shanta rasunpa tantiyacur, pipis mana
llullacunnachu.

²² Llullacujcuna riguichicur purin:
«Jesús mana Tayta Diosninchichi
cachamushan Washäcujchu» nir.
Palcuna Jesústa ticrapunanpaj
jatarisha. Tayta Diosninchitapis,
Wawan Jesústapis mana chasqui-
cunchu. ²³ Wawan Jesústa wasguipar,
Tayta Diosninchitapis wasguipaycan.
Nuwanchim ichanga Tayta Diosnin-
chimanpis, Wawan Jesúsmanpis
yupachicunchi.

²⁴Chaymi Jesústa éhasquicushay-quipita-pacha wiyashayquita ama junganquichu. Shimin shunguy-quiman éhayash caycaptin, Tayta Diosninchipa maquinchüpis, Wawan Jesúspa maquinchüpis imaycamapis juc shungulla cawanquipaj. ²⁵Washäcuj Jesús aunimashcanchi: «Mana ushyacaj cawayta tarichishayqui» nir.

²⁶Chaymi pipis mana pantachishunayquipaj cartacaycämü. ²⁷Jesucristu camacächiptin, Espíritu Santu yanagaycäshunqui. Maquinchu puriyächishunqui. Mana pipis pantachishunquipänachu. Chaymi juc yaéhachishunayquita ama ashin-quichu. Manchäga Espíritu Santu yaéhachishushayquita wiyacun-quiman. Payga mana pantachicunchu. Manchäga Tayta Diosninchipa shiminta yaéhachishunqui. Chaymi maquinpita ama witicunquichu.

²⁸Wawacuna, maquillanchu cawar Jesús cutimuptin, mana manchacushunchu. Ñaupanchüpis mana pingacushunchu.

²⁹Sumaj tantiyacushun. Jesús allillata rurán. Chay-jina pipis Tayta Diosninchipa shungun munashannuylla cawar allillata ruraptin, wawan cashanta tantiyacunchi.

3 ¹Sumaj tantiyacushun. Tayta Diosninchipa sumaj-sumaj llaquipämanchi. Wamrachacamashcanchi: «Wawämi canqui» nir. Waquin runam ichanga Tayta Diosninchipa maquinchu cawayta mana munashpan paypa wawan cashanchitapis mana tantiyanchu.

²Irmänucuna, Tayta Diosninchipa wawan captinchisi, Jesúswan tincunanchi pishimanchiraj. Pay cutimuptinmi ichanga, ñawinchi-

wanraj ricashunpaj. Quiquinwan tincur, quiquin-niraj ricacushunpaj.

³Jesúswan tincuyta yupachicur, pay cawashan-jina Tayta Diosninchipa shungun munashallanta rurashuwan. Jesúsga Tayta Diosninchipa shungun munashannuylla cawan.

⁴Juchallaachu arujcunam ichanga Tayta Diosninchita tincupan. Paycuna Tayta Diosninchipa shiminta wasguipar juchata aparicun. ⁵Jesús juchaynaj car, llapan runapa juchanta aparicunanpaj shamusha. ⁶Chaymi Jesúspa maquinchu cawar, juchacullar mana cawanchinachu. Juchachu arujcunam ichanga Jesús pi cashantapis mana tantiyacunchu. Maquinchüpis mana cawanchu.

⁷Wawacuna, pipis pantachirushunquiman. Tayta Diosninchipa shungun munashannuy cawajcuna Jesústa ricacun. Payga allillata rurán. ⁸Juchata aparicullar cawajcunam ichanga supaypa maquinchu cawan. Supayga cay pachata camashanpita-pacha juchallaachu arun. Chaymi Tayta Diosninchipa Wawan Jesús shamusha supay camacächishanta illarachinanpaj.

⁹Tayta Diosninchipa maquinchu cawajcuna wawan cashpan juchachu mana cawannachu. Manchäga wawan cashpan Tayta Diosninchipa shungun munashallanta rurar cawan. ¹⁰Ricsipalla Tayta Diosninchipa wawancunapis, supaypa wawancunapis. Supaypa wawancuna mana Tayta Diosninchipa shungun munashantachu rurán. Irmänucunatapis mana llaquipanchu.

Llaquipänacuy pita tantiyachishan

¹¹Unaypita-pacha jucninchijucninchipis llaquipänacäri-nanchipaj Tayta Diosninchipa

willapämashcanchi. ¹²Caínpa llupinpa ama jatishunchu. Payga supaypa maquinchu cawar, wauguin Abelta wañuycachiran. Imapita wañuchishantapis musyanqui, ¿au? Wauguin Abel Tayta Diosninchipa shungun munashanta ruraran. Caínmi ichanga juchallachu aruran. Chaypita waquinta chiquir, wañurachisha. ¹³Irmänucuna, juchaçu aruj runacuna chiquishuptiquisi, ama upatacäcunquichu. ¹⁴Irmänu-pura llaquipänacushanchi Tayta Diosninchipa maquinchu cawaycashanchita musyacächin. Irmänuta chiquipaj-cunam ichanga supaypa maquinchu cawashanpita wañuyman chayanga. ¹⁵Chiquicuptinchi, wañuchicujta-jina Tayta Diosninchipi ricaycämanchi. Ñaupanchüpis mana imaypis cawashunpächu.

¹⁶Llaquipäcuyta yaçhacunanchipaj nuwanchi-raycur wañuyman Jesús chayasha. Chaymi nuwanchipis irmänunchicuna-raycur wañuytapis ama manchacushunchu. ¹⁷Wauin irmänu pishipacuychu cawaycaptin, micuy jananchu cawaycar mana imatapis tarichir, llaquipäcuyta mana yaçhanchichu. Tayta Diosninchipi llaquipäcuj cashantapis mana tantiyacunchirächu.

¹⁸Wawacuna, janan shungulla ama llaquipänacärishunchu. Manchäga llapan shungunchiwan llaquipä-nacur yanapänacushun.

¹⁹Llaquipänacuptinchiraj, Tayta Diosninchipa wawan cashpanchi shungun munashannuypis cawaycanchi. Chayrämi shungunchipis Tayta Diosninchipa shungunman tincun. ²⁰Juchallicushanchipita shungunchi llaquish caycaptinsi,

alli ñawinwan Tayta Diosninchipi ricamanchi. Alli shungu cashpan shungunchitapis musyan.

²¹Wawacuna, Tayta Diosninchipi: «Juchaynaj caycanqui» nimaptinchi, shungunchipis mana nimäshungachu: «Juchaçu aruycanqui» nir. Manchäga: «Tayta Diosninchipa maquinchu cawä» nir mana manchacullarna payman yupachicunchi. ²²Shiminta wiyacuptinchipis, shungun munashallanta rurarcawaptinchipis, llapan mañacushanchita tarichimäshun. ²³Shiminta çharcunanchipaj Wawan Jesucristupa shimintaraj çhasquicunanchi. Irmänunchicunawanpis llaquipänacärinanchi. Chayta Tayta Diosninchipa shimin nin. ²⁴Shiminta wiyacur, Tayta Diosninchipa maquinchu juc shungulla cawaycanchi. Payga mana imaypis caçarimäshunchu. Maquinchu cawashanchita tantiyacunanchipäpis Espiritu Santuta caçhamusha yanagämänanchipaj.

Pantachicujcunapita rimashan

4 ¹Wawacuna, runacuna: «Yarpashanta tantiyacunäpaj Espiritu Santuwan Tayta Diosninchipi yanapaycäman» nir niptinsi, llapanta ama çhasquicunquichu. Manchäga sumajraj shungunta musyapanquiman. Cay pachaçu achecaj pantachicujcuna riguichicupuriycan: «Tayta Diosninchipa willacujnin cä» nir. ²Tayta Diosninchipi caçhamush captinmi ichanga Espiritu Santu rimachiptin, willacur nin: «Jesús Washäcujninchipi. Runamasinchi. Cay pachaçu yurisha.» ³Pantachicujcunam ichanga ninga: «Jesús mana runa-masinchichu.»

Chay-niraj runacunata mana Tayta Diosninchichu caçhamusha. Paycuna Washäcuj Jesústa ticrapur supaypa maquinchu cawan. Mayna jatari-musha Jesústa ticrapunanpaj.

⁴Wawallau, Tayta Diosninchilap-llapanpaj munayniyuj. Maquinchu purichishunqui. Chaymi pantachicujcunata supaypa maquinchu puriptinsi, ichipushcanqui. ⁵Pantachicujcuna supaypa maquinchu cawan. Shimin tincuptin, juchaçu aruj runacunawan sumaj yaçhänacun. ⁶Nuwanchim ichanga Tayta Diosninchipa maquinchu cawaycanchi. Pipis Tayta Diosninchipa maquinchu cawar, shiminchita wiyacun. Supaypa maquinchu cawajcunam ichanga mana wiyacunchu. Chaymi wiyacamashanchiman-tupu pipa maquinchu cawashantapis musyanchi.

Llaquipänacuypita tantiyachishan

⁷Wawallau wawa, jucninchijucninchipis llaquipänacäri-shuwan. Llaquipänacunanachita Tayta Diosninchil yaçhachimanchi. Llaquipajcuna Tayta Diosninchipa wawan. Maquinchu cawan. ⁸Tayta Diosninchil sumaj llaquipäcuj. Llapan runacunata llaquipan. Chaymi pipis irmänunta mana llaquipar, Tayta Diosninchipa maquinchüpis mana cawanchu. ⁹Tayta Diosninchil llaquipäcuj cashanta tantiyacunanchipaj japallan Wawanta cay pachaman caçhamusha. Nuwanchiraycur shamur, paymi cawachimanchi. ¹⁰Sumaj tantiyacushun. Tayta Diosninchita manchapacuyta mana yaçhashcanchichu. Manchäga

paymi llaquipämashcanchi. Chaymi Wawan Jesústa caçhamusha nuwanchi-raycur wañuyman çhayanapanaj. Jesús quiquinpa caway-bidanta çhurasha juchanchita aparicunanpaj. Chaynuypa Tayta Diosninchil juchanchita mana yarparannachu.

¹¹Wawacuna, Tayta Diosninchil sumaj llaquipaycämaptinchil, nuwanchipis llapan irmänunchicunawan llaquipänacäri-shuwan. ¹²Tayta Diosninchilwan pipis mana tincushachu. Llapan irmänunchilwan llaquipänacur cawaptinchim ichanga, Tayta Diosninchipa maquinchu cawashanchita tantiyacunchi. Paymi shungun munashannuy cawaycächimanchi.

¹³Sumaj tantiyacunanchipaj Espiritu Santu musyachimanchi. Espiritu Santu yanagämashpanchil Tayta Diosninchipa maquinchu cawashanchitapis, imaysi mana caçarimänanchitapis tantiyacunchi. ¹⁴Wawan Jesústa Tayta Diosninchil caçhamushanta nuwacuna ricashcä. Llapan runapa juchanta aparicunanpaj shamusha. Chaymi washämänanchipaj caçhamushanpita mana manchacullar willapäcuycä. ¹⁵«Jesús Tayta Diosninchipa Wawan» nir çhasquicuptin, pitapis Tayta Diosninchil maquinchu purichin. Mana caçarinnachu.

¹⁶Tayta Diosninchil llaquipämashanchita tantiyacushcanchina. Shungunchimanpis çhayashana. Payga llaquipäcuj. Chaymi llaquipaptinchil, maquinchu cawachimanchi. Mana imaypis caçarimäshunpächu.

¹⁷Jesús-jina sumaj-sumaj llaquipar, pay cutimunantapis cushishalla

shuyaycanchi. Cutimur, llapan runapa juchanta jurgapanga. Chay junaj shungun munashannuy cawashpanchi mana manchacushunnachu.

¹⁸Llaquipäcuj runa Tayta Diosninchipa shungun munashanta rurashpan cushishalla cawan. Ñacayman éhayayta mana yarpanachu. Waquin runam ichanga llaquipäcuyta mana yachar mancha-manchalla cawan. Ñacayman éhayananta yarparäcun.

¹⁹Tayta Diosninchipa llaquipä-maptinchi, nuwanchipis payta manchapacunchi. Runa-masinchitapis llaquipanchi.

²⁰Chaymi: «Tayta Diosninchita manchapacur, maquinchéuna cawä» nir runa-masinchita chiquir, llallacuycanchi. Irmänunchicunata ricaycar mana llaquiparga, ¿Tayta Diosninchitapis mana ricash caycar, manchapacuycanchichuraj? Mana. ²¹Paypa shiminta sumaj wiyacushuwan. Shimínchu nin: «Tayta Diosninchita manchapacur, runa-masiquitapis sumaj llaquipan-quiman.»

Tayta Diosninchiman yupachicur, llaquipänacunchi

5 ¹Yupachicujcuna Tayta Diosninchipa wawan cashpan maquinchéupis cawan: «Jesús Washäcuj» nir. Tayta Diosninchipita cawaycar, irmänunchicunawanpis alli ricanacunchi chay Taytallapita cashpanchi. ²Tayta Diosninchita manchapacur maquinchu cawar, shiminta wiyacur, irmänunchitapis

llaquipänanchi chay Taytallapita cashpanchi. ³Tayta Diosninchita manchapacushanchi musyacänapaj shiminta wiyacunchi. Shiminga mana sasa éharcuychu.

⁴Tayta Diosninchipa wawancuna maquinchu cawar, jucha apari-cuy-pita witicärin. Payman yupachicushpanchi supaytapis íchipunchi. ⁵Íchipunanchipaj Jesústara éhasquicunanchi. Payga Tayta Diosninchipa Wawan.

⁶Jesucristu cay pachaman shamur, yacuchu ushyacuran. Ruschu wañur, yawarnintapis jícharan. Ichanga mana yacuwan ushyacushallanchu Tayta Diosninchipa Wawan cashanta musyachimanchi. Manchäga ruschu wañur yawarninta jíchashanpis musyachimanchi. Espíritu Santupis llapanta musyachimanchi. Payga imatapis rasullanta musyachicun.

⁷Chaymi quimsa yarpay Jesús shamushanta tantiyachimanchi.*

⁸Quimsa yarpay juc yarpaylla caycan. Espíritu Santupis, yacuchu ushyacushanpis, wañur yawarninta jíchashanpis, llapan tantiyachimanchi Jesús rasunpa runa cashanta. ⁹Runa-masinchipa shiminta éhasquiycar, Tayta Diosninchipa shimintapis éhasquicushuwan. Paypa shimin sumaj Wawan Jesúspita tantiyachimanchi.

¹⁰Wawan Jesúsman yupachicur, Tayta Diosninchipa shimintapis éhasquicushcanchina. Wawanpita rimaycaptin shiminta mana éhasquicurmi ichanga, Tayta Diosninchitapis llullata-yupay ricaycanchi.

*5.7-8 Waquin Bibliachu nin: «Quimsa yarpayta tantiyachicuj janaj pachaChu caycan: Tayta Diosninchipis, Shiminta Camacächijpis, Espíritu Santupis. Quimsanpis jucnaylla. Cay pachaChupis quimsan tantiyachimanchi: Espíritu Santupis, yacupis, yawarpis. Quimsan juc yarpaylla.

¹¹Wawan Jesúspita rimar, mana ushyacaj cawayta tarichimashanchita musyachimanchi. Chayta tarinchi Wawan Jesúspa maquinéchu cawar. ¹²Tayta Diosninchipa Wawanpa maquinéchu cawar, mana ushyacaj cawayta tarinchi. Wawan Jesúspa maquinéchu mana cawaj-cunam ichanga mana cawangachu.

Ushyanan

¹³Irmänucuna, Tayta Diosninchipa Wawan Jesúspa shiminta éhasquicush caycar, mana ushyacaj cawayta tarinayquitapis musyanquiman. Chaytam cartacaycämü.

¹⁴Nuwanchi Tayta Diosninchiman yupachicunchi. Mañacushanchi shungunman tincuptin, wiyamanchi. ¹⁵Mañacushanchita wiyaptin, llapan camacächishantapis musyanchi.

¹⁶Chaura juc irmänu tacsha juchata aparicuptin, Tayta Diosninchita mañacapushun mana wañucunanpaj. Tacsha juchaga Tayta Diosninchipita mana raquicächinchu. Chaymi mañacapuptinchi, mana ushyacaj cawayta Tayta Diosninchitarichingapaj. Jatun juchata apari-

cujcunapaj mañacapunayquipämi ichanga mana rimacüchu. Jatun juchaga wañuyman runata éhayachin. * ¹⁷Tayta Diosninchipa shungunman mana tincushancuna llapanpis jucha. Chaypis mana llapan juchachu wañuyman éhayachimanchi.

¹⁸Tayta Diosninchipa maquinéchu cawajcuna juchaçu mana arunnachu. Tayta Diosninchipa Wawan Jesús washämanchi. Supay mana yatapämanchinachu.

¹⁹Tayta Diosninchipa wawan car, maquinéchu cawashanchita musyanchi. Juchaçu arujcunam ichanga supaypa maquinéhüraj puriycan. ²⁰Tayta Diosninchipa Wawan Jesús cay pachaman shamushanta musyanchi. Paymi Tayta Diosninchimanuy cashantapis tantiyachimashcanchi. Paypa maquinéchu cawaycar, Wawan Jesucristupa maquinéhüpis cawaycanchi. Payga Tayta Diosninchimanuy imaycamanpis maquinéchu cawachimanchi. ²¹Wawacuna, jircacunata ama manchapacunquimanchu. Chayllana.

* 5.16 Waquin runapaj jatun jucha chiquicuy, mana llaquipäcuy. Waquinpäna Tayta Diosninchita mana éhasquicuy, shiminta mana wiyacuy.

San Juan cartacushan 2

Tantiyacunanchipaj:

Juan cay cartata isquirbiran. Paypita musyayta munar, San Juan librupa jallarinta liguinqui. Juan pïman cartacushantapis sumaj mana musyanchichu. Waquin yarpan juc mama-warmiman cartacushanta. Waquinna yarpan jutucay irmänucunaman cartacushanta. Pïman carpis, sumaj willapänanpaj cartacuran.

Juan isquirbiran:

- Llaquipashanpita, cushicushanpita, llaquipänacunanpita: **2 San Juan 1.1–6.**
- Waquin runa llutanta tantiyachicushanpita, pantachicujcunata mana pachächinanpita, imaçhüpis mana yanapänanpita: **2 San Juan 1.7–11.**
- Watucuj aywayta munashanpita: **2 San Juan 1.12–13.**

Juan wamayashan

¹Mamallau mama, wawanti-quiman cartacallämü. * Ima allish Tayta Diosninchi acracushcashunqui maquinchu cawanayquipaj. Mayur irmänu car, waquin irmänucunawan-ima cartacamü. Paycunawan llapani Tayta Diosninchipa shiminta çhasquicush caycar, jamcunatapis llapan shungüwan llaquij. ²Tayta Diosninchipa shimin shungunchiman çhayasha. Imaypis mana jungashun-nachu. Chaymi llapaniquita llaquij. ³Tayta Diosninchipis, Wawan Washäcuj Jesüspis yanapayculläshunqui. Llaquipayculläshunqui. Allilla cawaycachilläshunqui. Chaynuy cawachimäshun shiminta wiyacunanchipäpis, llaquinacunanchipäpis.

Llaquipänacuypita tantiyachishan

⁴Waquin juturpashayqui irmänunchicuna tincupti, willa-

maran: «Irmänunchicuna Tayta Diosninchipa shungun munashannuy llaquipänacurcaycan» nir. Willa-maptin, sumaj-sumaj cushicushcä. Chaynuy cawananchipaj Tayta Diosninchi shiminta musyachicur tantiyachimanchi. ⁵Mamallau mama, cananga mañacushayqui. Jucninchi-jucninchipis sumaj llaquipänacärishun. Cartacamushächu mana juc-niraj willapatachu willapaycämuj; manchäga unaypita-pacha Tayta Diosninchipa shiminta wiyashallan-chita. ⁶Llaquipänacujcuna Tayta Diosninchipa shiminta llapanta çharcunman. Llaquipänacur cawananchipaj unaypita-pacha wiyashcanchi.

⁷Cay pachaçu achcaj runa panta-chicur purircaycan: «Jesús mana runachu caran. Mana Washäcujnin-chichu caran» nir. Pantachicujcunawan Jesústa ticrapujcuna chayta riman. ⁸Pantachishunayquipita

* 1.1 «Mama, wawa» nir juc marcaçu irmänucunapaj tincuchiypa riman. «Mama» nir mayur irmänupaj riman: «wawa» nir irmänucunallapaj.

maygantapis ama éhasquipan-
quichu. Manchäga Jesússpa shiminta
willapäcushanchisi yangallapaj
canga. Éhasquipar-imarga, Tayta
Diosninchi tarichimänanchi cashan-
tapis mana éhasquishunpächu.

⁹Pipis Washäcuj Jesússpa shiminta
mana wiyacur jucta éhasquipar, mana
Tayta Diosninchipa maquinéchu
cawan. Wiyacujcunam ichanga Tayta
Diosninchipa maquinéchu, Wawan
Jesúsipa maquinéchu cawan.

¹⁰Pipis juc willapata willapäcuycar
éhayapushuptiqui, ama jamachin-
quichu. Ama: «Wasi caycällan»

ninquipishchu. ¹¹«Wasi caycällan»
nir éhasquiparga, juyu rurashancu-
nmanpis jaticaycanqui.

Cartapa ushyanan

¹²Willapänajpaj achcaraj caycan.
Ichanga isquirbiyllapa llapanta
mana isquirbimümanchu. Manchäga
watucuj shamurna, llapanta
willapäshayqui. Tincur, cushish
juturpäshunpaj. Pishiycashantapis
llapanta willapäshayqui.

¹³Ñañayquipis Tayta Diosninchi
acracushpan llapan wawantin
wamayäshunqui. * Chayllana.

* **1.13** Unay runacuna marcacunatapis, juturaj irmänucunatapis mama-warmiwan-yupay
tincuchij. Canancammanpis waquin ricsin: «Iglesia madre» nir.

San Juan cartacushan 3

Tantiyacunanchipaj:

Juan cay cartata isquirbiran yachänacushan irmänu Gayuman. Payga Washäcuj Jesúsman sumaj yupachicuj. Mayur irmänu cashpan wasinchu jutucay irmänucunata sumaj ricaj. Yanapaj. Pachächij. Micuyta tarichij. Chaynuy cawashanpita Gayuta allichu jurguran. Chaymi sumaj shacyächinanpaj, anyapānanpaj cartacuran.

Juan isquirbiran:

- Gayuta allichu jurgushanpita, Tayta Diosninchipa shungun munashannuy cawashanpita, irmänucunata yanapashanpita: **3 San Juan 1.1–8.**
- Deótrefes jutiyuj runa irmänucunata mana yanapashanpita, Juanpa washanta rimashanpita, Deótreresta mana ricacunanpita, Demetrio jutiyuj runa alli shungu cashanpita: **3 San Juan 1.9–12.**
- Watucuj aywayta munashanpita: **3 San Juan 1.13–14.**

Juan wamayashan

¹Tayta Gayo, nuwa mayur irmänu cashpä cartacallämü. Jamta llapan shungüwan llaquij.

²Yachänacushanchi-janan maquinchu alli cawashayquipita Tayta Diosninchita mañacapuycă ima rurashayquipis alli llucshinānpaj, jishyapis mana charishunayquipaj. ³Irmänunchicuna watucamar, jampita willamasha: «Tayta Diosninchipa shungun munashanta rural cawaycan» nir. Chaymi sumaj cushicushcă.

⁴Irmänucuna wawä-yupay cashpan Tayta Diosninchipa maquillanchu cawaptin, jatunpa cushicü.

⁵Taytallau Gayo, irmänunchicunata yanapar, allita ruraycanqui. Jucläpita captinsi yanapar, sumaj allita ruraycanqui. ⁶Paycuna cayman chayamur irmänunchicunawan jutucar, llaquipäcuj cashayquita willapasha. Sumajshi yanapashcanqui paycuna purir mana pishipa-

cunanpaj. Chaynuy yanapaycaptiqui, Tayta Diosninchipis sumaj cushicun. ⁷Chay irmänucuna Washäcuj Jesúspa shiminta willapäcur purircaycan. Tayta Diosninchipa shiminta mana chasquicuj runacunapitam ichanga mana imatapis chasquiparanchu. ⁸Chaymi yanapāshuwan Jesúspa shiminta chay-tucuychu willapäcur purinanpaj. Tarichirga, willapāshiycanchi.

Diotrefeswan Demetriupita rimashan

⁹Juturaj irmänunchicunaman cartacamurä. Diotrefesmi ichanga nishan-nishanta rural mana chasquicamashachu. Manchäga quiquin allichu llucshiyta munar, pampamanpis churamasha. ¹⁰Shamur, rurashanman-tupu piñacushaj. Payga nuwacunapa washäta rimallar purin. Irmänunchicuna chayaptinpis, mana pachächinchu. Pachächiyta munajcunatapis mičan. Waquin irmänunchita jutucay irmänunchicunapita jargun.

¹¹Taytallau Gayo, paypa llupinpa ama jatinquichu. Manchäga allillata ruranqui. Allita rurajcuna Tayta Diosninchipa wawan. Juyucunata rurajmi ichanga Tayta Diosninchipi cashantapis mana musyanchu.
¹²Demetriupämi ichanga alli cawashanpita, Tayta Diosninchipa shungun munashannuy cawashanpita llapanpis alli riman. Chaymi nuwacunapis payta alliman jurgü. Pitapis Tayta Diosninchipa shungun munashannuy cawaptin, alliman jurgü.

Cartapa ushyanan

¹³Willapänajpaj achcaraj caycan. Ichanga isquirbiyllapam llapanta mana isquirbimümanchu.

¹⁴Manchäga manasi aycällata watucushayquipaj. Tincur, sumaj parlanacushunpaj.

¹⁵Allilla juyaycullay, ari. Ricsinacushanchicuna wamayäshunqui. Irmänunchicunatapis ninqui: «Wamayaycäshunquish.» Chayllana.

San Judas cartacushan

Tantiyacunanchipaj:

Judas cay cartata isquirbiran. Payga Jesúspawan Santiagupa shullcanshi caran (San Mateo 13.55). Irmänucunata anyapänanpaj cartacuran.

Judas isquirbiran:

- Tayta Diosninchiman yupachicuj runacunaman irquirbishanpita: **San Judas 1.1–2.**
- Janan shungu irmänucuna llutanta tantiyachicushanpita, Jesús cutimur pantachicujcunata ñacachinanpita: **San Judas 1.3–16.**
- Tayta Diosninchipa maquinpita mana witicunanpita, Jesúsman yupachicuyta yamacajcunata shacyächinanpita: **San Judas 1.17–23.**
- Munayniyuj Tayta Diosninchita alliman éhurananpita: **San Judas 1.24–25.**

Judas wamayashan

¹Irmänucuna, nuwa Judas cartacallämü. Santiagupa wauguin caycä. Jesucristupa maquinchu cawar, mandu-rurajnin caycä. Nuwanchita Tayta Diosninchisumaj llaquipämanchi. Wawan canan-chipaj acracamashcanchi. Washäcuj Jesúspis sumaj ricamanchi. ²Llapaniquita llaquipäcuj Tayta Diosninchisuman yanapaycullashunqui. Allilla cawaycachillashunqui. Sumaj llaquipaycullashunqui.

Pantachicujcunapita rimashan

³Wawacuna, unaypita-pacha cartacamuyta yarparsi, cananraj camäpacushcä. Washäcuj Jesúspita llapanchi Tayta Diosninchipa maquinchu cawanchi. Chaypis sumaj tantiyacushun. Tayta Diosninchiga rimashanta éharcunmi. Wawan caycar, shimintapis ama jungashunchu. Washäcuj Jesústapis ama cacharishunchu. Payman yupachicushanchi musyacänapaj llapan-tapis allillata rurashun. ⁴Waquin

runa irmänu-tucullar, pantachicur puriycan. Paycuna Taytanchi Jesucristutapis pampaman éhuran. Maquinchu cawayta mana munar, shimintapis mana wiyacunchu. Manchäga marca-pingay cawan. «Juchata aparicullar puriptinchisi, Tayta Diosninchisuman ñacachimäshunpächu. Payga llaquipäcuj» nir quiquinpa shungun munashallanta rurashun. Unaypita-pacham ichanga Tayta Diosninchisuminta musyachicuran: «Pantachicujcuna ñacayman éhayanga» nir. ⁵Unay Israel runacunapa willapanta musyaptiquisi, mä, yarpärishun. Israel runacunata llaquipar, Egipto marcapita Tayta Diosninchisuman jishpichicamuran. Mana wiyacuptinmi ichanga, chaqui pacha quinranchu ushyaypa ushyaran. ⁶Mana wiyacuj anjilcunatapis chacaj pachaman Tayta Diosninchisuman wichgaycuran cay pacha ushyacänapaj junajcaman. Paycuna quiquinpa cargun captinsi, alliman éhurash captinsi, Tayta Diosninchita apäriyta munaran. Chaypita

cadinawan wancuraycur chacaj pachaman wichgaycuran. Cay pacha ushyacñan junaj ima juchan cashan-tapis jurgapanga. ⁷Sodoma marca runacunatapis, Gomorra marca runacunatapis, chay quinran marca runacunatapis Tayta Diosninchi mana upij ninachu ñacaycächin llapanchi ricacunanchipaj. Paycuna mana wiyacur, jucwan-jucwan cacuran. Marca-pingay cawaran.

⁸Paycuna imaman chayash captinsi, chay pantachicujcunapis: «Tayta Diosninchi ricaripamasha» nir marca-pingay cawarcaycan. Washäcuj Jesústapis pampaman churarcaycan. Tayta Diosninchipa anjilnincunatapis ashllir ushyarcaycan. ⁹Mayur anjil Miguelmi ichanga Moisésa ayanta supaywan jichunacurpis, mana ullgüparanchu. Manchäga niran: «Supay, quiquin Tayta Diosninchi piñacushunqui.»

¹⁰Pantachicujcunam ichanga imata rimashantapis mana tantiyar, pitapis pampaman churan. Ricaycarsi, uywacuna-jina imatapis mana tantiyanchu. Chaypis tucuyta rurán ushyacayman chayanallanpaj.

¹¹Paycuna llaquipaypaj ñacanga. Caínpa llupinpa jatín. Balaampa llupinpa jatir, jillay-raycullar imatapis rurán. Coré-jina Tayta Diosninchita ticrapacushanpita wañuytapis taringa.

¹²Alli ricanacur micupacäriptiquipis, pantachicujcuna pingaypaj imatapis manacajcunallata rurán. Manchapacuytapis mana yaçhanchu. Shungun yarpashallanta imatapis ashin. Yangalla alli-tucunpis. Pantachicujcuna alli-tucur purishanpita tincuchiypa tantiyacushun. Tamyajallarinan wichan pucutayta ricar:

«Allipaj tamyamunga» nir cushicunchi. Pucutayta wayra jucläpa apacuptinmi ichanga: «Pucutay yangalla ricarimusha» ninchi. Rüta yüra wayunan wichanpis: «Mishquita micushun» nir cushicunchi. Chaquishta tarirmi ichanga, llaquicunchi: «Chaquish captin, sapirichun» nir. ¹³Mayu chayar pushgaynin ricarishan-jina pantachicujcunapis manacajcunallata rurar, pingayman chayan. Shicwaj istrilla illaricäcushan-jina pantachicujcunapis chacaj pachaman illarijpaj chayangar.

¹⁴Pantachicujcuna ñacananta musyachicur, Adánpa willcan Henocpis niran:

«May-may anjilnincunawan Tayta Diosninchi shaycamunga.

¹⁵Llapan runapa juchanta jurgapānanpaj shamunga. Jucha aparicujcunata, pampaman churajcunata, llapantam ñacayman chayangapaj.

Juchachu arushanman-tupu, ashllicushanman-tupu ñacachingapaj.»

¹⁶Pantachicujcuna imallapitapis ullguyan. Imapitapis jagayaycan. Shungun munashallanta ashiycan. Imatapis munarmi ichanga, pitapis alli-tupan. Cushichipan.

Irmānucunata piñapashan

¹⁷Wawacuna, nuwanchim ichanga Taytanchi Jesucristupa shiminta ama jungashunchu. Caçhancunawan shiminta tantiyachimashcanchi.

¹⁸Paycuna niran: «Jesucristu cutimunapaj wallcana pishiptin, runacuna mana manchapacunga-

nachu. Manchäga Tayta Diosnin-chita ashllinga. Shungun munashallanta imatapis ruranga.» ¹⁹Paycuna chiquinacuyllaachu, irmänucunata raquicächiyllaachu arun. Mana Espíritu Santupa maquinchu cawar, quiquinpa shungun munashallanta imatapis ruran.

²⁰Irmänucunallau irmänu, nuwanchim ichanga Tayta Diosnin-chiman sumaj yupachicushun. Shungun munashallanta rurar, juc shungulla cawashun. Espíritu Santu shacyächimashanchiman-tupu Tayta Diosninchita mañacushun. ²¹Tayta Diosninchi llaquiyçämaptinchi, maquillançu cawashun. Taytanchi Jesucristupis llaquipayçämanchi. Cutimur, shuntacamäshunpaj maquinchu imaycamanpis cawanan-chipaj. Chaymi mana yamacällar shuyäcushun.

²²Llutäpacujcunata llaquipar, tantiyachicushun Tayta Diosnin-chiman sumaj yupachicunanjaj. ²³Supaypa maquinchu purijcunatapis jishpichishun Tayta Dios-

ninchipa maquillançu cawananpaj. Manchäga ninaachu ñacangapaj. Juchaachu arujcunata llaquiparsi, llupinpa ama jatishunchu. Runapa rurin müdanan janra cashan-jina paycunapa shungunpis janra. Juchallaachu arun. Chaymi llaquipar, juchan mana aypäshunayquipaj Tayta Diosninchita manchapacunquiman.

Cartapa ushyanan

²⁴⁻²⁵Wawacuna, Tayta Diosnillanchita imay-imaypis alliman çhurayculläshun. Payga shungun munashanta imatapis camacächin. Payman pipis mana tincunchu. Payga sumaj munayniyuj. Munayniyuj jucha aparicuyypita jishpichimänanchipäpis, juchaynajta ricay ñawinman çhayachimänanchipäpis. Quiquinmi Taytanchi Jesucristuta caçhamusha washämänanchipaj. Paypa ñaupanman çhayar, jatunpa cushicushunpaj. Chaynucayculläshun.

San Juan ricapacushan

Tantiyacunanchipaj:

Juan cay libruta isquirbiran. Paypita musyayta munar, San Juan librupa jallarinanta liguinqui. Payga isquirbiran Asia quinranchu janchis marcachu jutucay irmänucunaman. Chay wichan irmänucuna juyupa ñacarcaycaran. Jesúsman yupachicushanpita Roma marcapa mandajnin jaticachar ushyaran. Chaymi Jesúsman yupachicuyta mana munaranchu. Juantapis ñacachishpan lamar échapin Patmos marcaman jarguran. Chaychu caycar, irmänucunata shacyächinanpaj, Jesúsman sumaj yupachicunanpaj llapan ricapacushanta isquirbiran.

Juan isquirbiran:

- Tayta Diosninchí ricapacachishanpita, quiquin Tayta Jesústa ricashanpita, janchis marcachu irmänucunaman cartacunanpita: **Apocalipsis 1.1–20.**
- Janchis marcachu jutucay irmänucunaman cartacur waquinta allíchu jurgushanpita, waquinta piñapashanpita: **Apocalipsis 2.1–3.22.**
- Janaj pachaChu Tayta Diosninchita manchapacujcunata ricashanpita: **Apocalipsis 4.1–11.**
- Tayta Diosninchipa Uyshan pitush papilta quipsariptin ñacaycuna ricarimunanpita: **Apocalipsis 5.1–6.17.**
- Washänapaj wawancunata Tayta Diosninchí chäpachishanpita: **Apocalipsis 7.1–17.**
- Janchis curnitata anjilcuna tucamuptin janchis castaraj ñacay ricarimunanpita: **Apocalipsis 8.1–11.19.**
- Washäcuj Jesústa mayur Supay íchipuyta munashanpita: **Apocalipsis 12.1–18.**
- Runacunata waräcuy chäpachishanpita: **Apocalipsis 13.1–18.**
- Tayta Diosninchí ullgushpan janchis anjilninwan runacunata ñacachinanpita: **Apocalipsis 14.1–16.21.**
- Tayta Diosninchí llapan runapa juchanta jurgapänapita, ñacayman chayachinanpita, Supayta shapshicu-masintinta ñacachinanpita: **Apocalipsis 17.1–20.15.**
- Cay pachatapis janaj pachatapis mushujta Tayta Diosninchí camacächishanpita, mushuj pachaChu Tayta Diosninchíwan wawancuna cushish cawananpita, Jesús cutimunanpita, wawancuna shiminta wiyacullar cawananpita: **Apocalipsis 21.1–22.21.**

Jallarinan

1 ¹Tayta Diosninchí Jesucristuta musyachiran: «Ima-imatapis camacächinäta llapan wawäcunata musyachinqui» nir. Jesucristuna anjilninwan mincaynin Juanta musyachiran. ²Juanna llapan shungunwan willapäcusha: «Wiyashäpis, ricashäpis Tayta Diosninchipa shiminmi. Jesucristu llapantapis sumaj tantiyachimasha» nir.

³Chaymi pipis Jesucristu musyachicushan libruta liguipar, cushicärinman. Liguishanta wiyacunapis wiyacur, cushicärinman. Paycunata Tayta Diosninchí sumaj yanapan. Camacächinan jananchíchüna caycan.

⁴⁻⁵Irmänucuna, nuwa Juan carta-caycallämü. Asia quinranchu janchis marcachu jutucay irmänucunata wamayä. Juncunapaj mañacü:

«Tayta Diosninchí cawajmi.
Imaypis mana ushyacajmi.
Cananga cutimungapaj.
Paypa ñaupanchu Espíritu
Santupis, Washäcuj Jesúsps
llaquipayculläshunqui. *
Alli-allilla cawaycachilläshunqui.

Tayta Diosninchí
camacächishanta musyar,
Jesucristu musyachimanchi.
Paymi puntata cawarisha
imaypis mana wañunanpaj.
Llapan runacunata auturdänintinta
maquinchu purichin.
Payga llaquipämanchi.

Nuwanchi-raycur ruschu
wañur, juchanchicunapitapis
jishpichimashcanchi.

⁶Maquinchüna charämanchi.
Tayta Diosninchipa mandunta
rurar, cüra cayman éhuramash-
canchi llapan runapaj
mañacapunanchipaj.

Chaymi Jesucristuta imay-imaypis
alliman éhurayculläshun.

Munayniyuj cayninga imay-
imaypis ama ushyacächunchu.
Chaynuy caycullächun.

⁷Wiyacäriy. Jesús pucutay
jananpa shaycämün.

Llapan runa ricanga.
Tucsiypa wañuchijcunapis ricanga.
Ricar, chay-tucuychu llaqui-
cuywan runacuna waganga.


Chaynuy caycullächun» nir.

⁸Llapanpaj Munayniyuj Tayta
Diosninchí nin: «Imay-imaypis
cawajmi cá. Imaypis mana
ushyacashächu. Cutiycamüna. * Llap-
llapanpaj munayniyuj caycä.»

Tayta Jesús Juanta ricaripushan

⁹Irmänucuna, nuwa Juanmi
caycä. Llapanchi Tayta Diosninchipa
maquinchu cawaycanchi. Jesús-janan
ñacaycanchi. Cutimunantapis mana
yamacällar shuyarpaycanchi. Nuwata
lamar chaupin Patmos marcaman
jargumaran Tayta Diosninchipa
shiminta willapäcushäpita, Jesús-
janan willapäcushäpita. * ¹⁰Chaychu
caycar Jesús cawarishan dumingu
junaj Espíritu Santu charicarcamaptin,
jipächu rimamujta curnita suynamujta-
niraj wiyarä. ¹¹Wiyacächiypa nimiran:
«Ricashayquicunata llapanta libruman
isquirbinqui. Jinarcuj jančhis
marcachu jutucuj irmänucunaman
apachinqui. Apachinqui Asia
quinranchu Éfeso marcaman, Esmirna
marcaman, Pérgamo marcaman,
Tiatira marcaman, Sardes marcaman,
Filadelfia marcaman, Laodicea
marcaman.»

¹²Chaura pï rimashantapis
ricanäpaj juella tigrärirä.
Ticrar, juripita jančhis lampa-
rinta ricarä. ¹³Lamparincunapa
chaupinchu chaqui puntancaman



Apocalipsis 1.12–20

* **1.4** «Espíritu Santu» ninanta griego rimaychu: «jančhis espíritu» nin. «Jančhis» nir sumaj-sumaj alli cashanta tantiyachicun. * **1.8** Griego rimaychu: «Alfa, Omega» nin. Chaynuy nishan imay-imaypis cawashanwan, imaypis mana ushyacashanwan tincun. * **1.9** Patmos marca carsil-yupay caran.

yuraj müdanash runaman ricchacuj ichiraycaran. * Jasgu watun juripita caran. ¹⁴Ajchan achic-achicyaycaj raju-jina yuraj caran. Ñawin nina-jina ratataycaran. ¹⁵Chaquincunapis wayllash brunsi-jina achic-achicyaycaran. Rimashanpis chayash mayu-jinaraj caruman wiyacaran. ¹⁶Diricha-caj maquinwan jan'chis istrillacunata charaycaran. Shiminpita ishcanläpa aflash cuchillu llucshiraycaran. Jajllan inti-jina achic-achicyaycaran.

¹⁷Runaman ricchacujta ricar, wañucäcurä. Ichanga diricha-caj maquinwan yataycamar, nimiran:

«Ama manchacuychu. Cawajmi caycä. Imaypis mana ushyacashächu.

¹⁸Imay-imaypis cawacü.

Wañuymanpis chayashcä. Cananmi ichanga imay-imaypis cawacushaj. Wañuypis, chacaj pachapis maqui'chu caycan. Pitapis cawachiman.

¹⁹Cartacur, llapan ricashayquita isquirbinqui. Canan wichan ima cashantapis, shamuj watacuna ima canantapis musyachinqui.

²⁰«Canan tantiyachishayqui. Maqui'chu charashä jan'chis istrilla jan'chis täpaj anjilcunawan tincun. Paycuna jan'chis marca'chu jutucay irmänucunata täpaycan. Maqui'chu charashä jan'chis juri lamparinna jan'chis marca'chu jutucay irmänucunawan tincun.»

Éfeso marca'chu jutucay irmänucunata cartacushan

2 ¹Éfeso marca'chu jutucay irmänucunata täpaj anjilta cartacur, ninqui:

«Jesúsqa jan'chis istrillata diricha-caj maquin'chu charaycan.

Jan'chis juri lamparin chaupin'chu puriycan. Paymi nishunqui: ²«Ima-imata rurar cawashayquitapis ricashcä. Nuwa-janan ñacashay-quita musyä. Wañuy-caway wiyacamashayquitapis musyä. Jucha'chu arujcunatapis mana chasquipash-canquichu. Ca'chä-tucujcunata llullacushantapis taripushcanqui. ³Chasquicamashayqui-janan ñacachishuptiquipis, mana ca'charimashcanquichu. Mana yamacällar shimitapis wiyacush-canqui. ⁴Chaypis llaquicü. Janan shungullana manchapa-carcaycämanqui. Quiquiqui-purapis mana llaquipänacäri-nachu. Shimita chasquicushayqui wichan llapan shunguyquiwan manchapacamarayqui. Quiquiqui-purapis sumaj llaquipänacäri-rayqui. ⁵Cananga jasacar, carupay-llapa ama purinquimanchu. Manchäga wanacäriquinman. Ñaupata llaquipayta ya'chashay-quinuy cawanquiman. Llapan shunguyquiwan shimita wiyacun-quiman. Mana wanacuptiqui, lamparinta upirachir illarachishä-jina jamcunatapis illarachishayqui. ⁶Chaypis Nicolauspa jatirajncunata ima-imata rurashantapis mana aunipar, allita rurash-canqui. Nicolauscuna imata rurar cawashanga shunguyquimanpis, shungümanpis mana tincunchu.

⁷«Rinriyuj irmänucuna may'chu juturarpis, Espíritu Santupa shiminta wiyacunman. Juchacuyta munapächishanta ichipujcunata quiquinpa ñaupanman mana ushyacaj cawayman

* **1.13** «Runaman ricchacuj» nir Washäcuj Jesúspaj yarpaycaran.

Tayta Diosninchí éhuranga.
Cawachicuj yúrapa wayuynintapis
micuchinga.»»

**Esmirna marcachu jutucay
irmánucunata cartacushan**

⁸Esmirna marcachu jutucay
irmánucunata täpaj anjilta cartacur,
ninqui:

«Jesúsqa cawacujmi. Mana
ushyacajmi. Wañuyman éhayasha.
Cawarimusha. Paymi nishunqui:
⁹Ñacashayquitapis, pishipacuychu
cawashayquitapis ricaycä.
Chaypis puchuy-puchuy jananchu
cawaj-yupay carcaycanqui.
Éhasquicäramashayquipita Tayta
Diosninchí tariycächishunqui.
Runacuna washayquita rimashanmi
ichanga rinriman éhayamusha.
Washa rimaj Israel runacuna
yarpan: «Tayta Diosninchipa
maquinchu cawä. Wasinchu
jutorä» nir. Chaynuy yarparsi,
Supaypa maquinchu cawarcaycan.
¹⁰Jamcunam ichanga ñacayta
ama manchacärinquichu. Washa
rimajcuna supaypa munayninta
rurar, waquinniquita carsilman
wichgachishunquipaj shimita
wiycushayquita musyapäshunay-
quipaj. Camacaptin, éhunca
junajlla ñacachipärishunquipaj.
Chaypis wañuy éhayapushuptiquisi
Tayta Diosninchita mana wasgui-
paptiqui, mana ushyacaj cawayta
tarichishayqui.*

¹¹««Rinriyuj irmánucuna
maychu juturarpis, Espíritu

Santupa shiminta wiyacunman.
Juchacuyta munapächishanta
íchipujcuna wañurpis, cawari-
munga. Cawarimur, yapay mana
wañunganachu. Manchäga imay-
imaypis Tayta Diosninchipa
maquillanachu cawanga.»»

**Pérgamo marcachu jutucay
irmánucunata cartacushan**

¹²Pérgamo marcachu jutucay
irmánucunata täpaj anjilta cartacur,
ninqui:

«Jesúsqa ishcanläpa aflash cuchi-
lluta charaycan. Paymi nishunqui:
¹³«Juyashayqui marcachu llapan
runata Supay maquichacusha.
Chaypis jamcuna llapan shunguy-
quiwan shimita wiyacushcanqui.
Willacujni Antipasta wañuchiptinsi,
mana wasguimashcanquichu.
¹⁴Ichanga waquin rurashayquicuna
shungüman mana tincunchu. Musya-
pacuj Balaampa yačhachishanta mana
michashcanquichu. Balaamga mandaj
Balacta shimiyan: «Israelcunata
juchaman jančhay. Uywata pishtar
jircacunata jaraycur, mallichina-
cuchun.* Jucwan-jucwan cacuptinpis,
mana imananchu» nir. ¹⁵Chaynuypis
waquinniqui pantachicuj Nicolauspa
jatirajninacunapa shiminta
éhasquicärishcanqui. ¹⁶Cananga
wanacäriy-llapa. Manchäga juclla
shamur, shimipita llucshij ishcanläpa
aflash cuchilluwan mana wanacuj-
cunata ñacachishaj.

¹⁷««Rinriyuj irmánucuna maychu
juturarpis, Espíritu Santupa

***2.10** Castillänuchu waquin riman: «corona» nir waquinna: «premio» nir. Unay wichan
curünata jächallapita pilltaj. Jinarcu juc runapa umanman jatipaj: «Llapanta ichipushcanqui.
Llapanta llallishcanqui» nir. ***2.14** Griego rimaychu «ídolo» nir tantiyaj Tayta Diosninchita
jungaycur imamanpis yupachicushanta, manchapacushanta. Imamanpis yupachicushanta
ricananpaj imaman ricchacujcunata ruraj.

shiminta wiyacunman. Juchacuyta munapächishanta ichipujcunata pacaraj manäwan cawachishaj. Yuraj rumitapis jushäpaj. Chaychu pipis mana ricsishan mushuj juti isquirbiraycan. Chay jutita rumita chasquijcunalla ricsingapaj.»

**Tiatira marcachu jutucay
irmänucunata cartacushan**

¹⁸Tiatira marcachu jutucay irmänucunata täpaj anjilta cartacur, ninqi:

«Jesúsga Tayta Diosninchipa Wawanmi. Ñawinpis nina-jina ratataycan. Chaquinpis brunsijina achic-achicyaycan. Paymi nishunqui: ¹⁹«Ima-imata rurarcawashayquita ricaycä. Yarpamashayquita, yupachicamashayquita, llaquipä-nacushayquita, quiquipä-pura yanapänacushayquita musyá. Maquichu cawar ima ñacayman chayarsi, mana yamacamanquichu. Manchäga shungü munashanta waran-waran rurarcaycanqui. ²⁰Chaypis waquin rurashayquicuna shungüman mana tincunchu. ¿Imanirraj jucha chu aruj warmi Jezabelta mana micanchu? Payga wawacunata pantachir niycan: «Tayta Diosninchipa shiminta willacü. Jucwan-jucwan cacushansi mana imananchu. Jircatapis manchapacushuwan. Uywata pishtar, jircata jarashan-tapis mallichinacushuwan» nir.* ²¹Chay warmi wanacunanta munar, mayna willapashcä.

Chaypis runacunawan cacur puricuycan. ²²Chaymi juyu jishyaman chayachishaj. Sumaj ñacachishaj. Runan-runan puricuj warmiwan cacujcunata-man mana wanacushanpita ñacachishaj. ²³Wañurachinapaj Jezabelpa llupinpa jatijcunaman jishyata chayachishaj. Chayraj chay-tucuy marcachüpis jutucay irmänucuna llapan runapa shungunta musyapashäta tantiya-cunga. Lapaniquita ima-imatapis rurashayquiman-tupu allimanpis, mana allimanpis chayachishayqui. ²⁴Waquinniquim ichanga Jezabelpa shiminta mana chasquipashcanquichu. «Jezabelshi Supaypa shungun yarpashanta yachachin» niptinpis, mana chasquipashcanquichu. Chaymi piñapänaj mana camacanchu. ²⁵Ichanga cutimunäcaman shimita ama junganquichu. ²⁶Juchacuyta munapächishanta ichipujcunata cutimunäcaman shimita wiyacamaptin, marca-cunata mandananpaj churashaj. Mandäshinapaj Papäni churamashan-jina paycunatapis mandaj cayman churashaj. ²⁷Wiyacamajcunapa maquinman churapti, jiru garutiwan mana wiyacujcunata ñacachingapaj. Allpa mancata japllurij-jina ushyarachingapaj. ²⁸Llapanta ichipushanpita waraj istrillatapis jushäpaj. ²⁹«Rinriyuj irmänucuna maychu juturarpis, Espíritu Santupa shiminta wiyacunman.»

*2.20 Tayta Diosninchipita witicurir jucman yupachicujcunata tincuchij jucwan-jucwan puricujcunawan. Chaynuy ricsij Tayta Diosninchita jananpachiptin.

**Sardes marcachu jutucaj
irmānucunaman cartacushan**

3 ¹Sardes marcachu jutucaj
irmānucunata täpaj anjilta
cartacur, ninqui:

«Jesúsga maquinchu Espíritu
Santuta purichin. Janchis
istrillatapis maquinchu
charaycan. * Paymi nishunqui:
«Ima-imata rurar cawashay-
quita musyá. Runacuna: «Tayta
Diosninchipa ricay ñawinchu
alli cawarcaycan» nishupti-
quisi, jungaycāramashcanqui.
Wañush-jina carcaycanqui.
²Sumaj yarpačhacunquiman.
Mana wañunayquipaj shimita
wiycunquiman. Janan shungulla
wiycuptiqui, Tayta Dios-
ninchipa ricay ñawinchu mana
allitachu ruraycanqui. ³Ñaupata
Tayta Diosninchipa shiminta
časquicārirayqui. Shunguy-
quicaman chayaran. Cananpis
wiycunquiman. Jucha aparicu-
shayquipita wanacunquiman.
Manchäga suwa-jina mana
yarpashpita chayapushayquipaj.
⁴Waquinniquim ichanga Tayta Dios-
ninchipa shungun munashannuy
cawarcaycanqui. Chaymi yuraj
müdanash purishimānayqui
camacan. * ⁵Juchacuyta
munapächishanta ichipujcunata
yuraj müdanata ushtupanga.
Cawajcunapa jutincuna isquir-
birashan acta librüpita mana
imaysi illarachishächu. Manchäga
Papānipa ñaupanchu, anjilcunapa

ñaupanchu nishaj: «Nuwaman
yupachicaman. Maquichümi
cawan.»

⁶«Rinriyuj irmānucuna maychu
juturarpis, Espíritu Santupa
shiminta wiycunman.»»

**Filadelfia marcachu jutucaj
irmānucunaman cartacushan**

⁷Filadelfia marcachu jutucaj
irmānucunata täpaj anjilta cartacur,
ninqui:

«Jesúsga Tayta Diosninchipa
juchaynaj Wawanmi. Shimin
nishanta čarcuj. Mandaj
Davidpa willcan car, marcantapis
maquinchu purichin. Wasiyuj
lläbita charashan-jina marcapa
lläbinta maquinchu charaycan.
Puncunta quichaptin, pipis mana
wíchganmanchu. Wíchgaptinpis,
mana quichanmanchu. Paymi
nishunqui: ⁸«Ima-imata rurar
cawashayquita musyá. Ima
allich shimita wiycushcanqui.
Runa-masiqui juyu ñawinpa
ricashuptiquisi, mana wasgui-
mashcanquichu. Cananga shungü
munashanta rurayquipaj puncuta
quichashä-jina pipis mana chapata
rurashunquipānachu. ⁹Chiquicuj
Israelcunatam ichanga ñacachishaj.
Paycuna: «Israel runa cashpä Tayta
Diosninchipa ricay ñawinchu alli
cawä» nirpis, Supaypa wawan
carcaycan. Chaymi paycunata
pingayman chayachishaj. Chayraj
jamcunata alli ñawipa ricashajta
tantiyacur, ñaupayquichüpis jungur-
pacuycungapaj. ¹⁰Tayta Diosninchipa

* **3.1** Espíritu Santupita rimar, griego rimaychu: «Tayta Diosninchipa janchis espíritu» nin.
Janchis istrilla rimashanpita Apocalipsis 1.20-ta ricanquiman. * **3.4** Yurajpaj rimar, chay
wichean tantiyaj Tayta Diosninchipa ñaupanchu cawashanpaj, cushicushanpaj, imatapis
ichipushanpaj.

runapa shungunta musyapashan
wichan llapan runa ñacananpaj
camacächinga. Ñacay captinsi,
mana yamacaypa shimita wiyaca-
mashayquipita washäshayqui.

¹¹Cutiycamüna. Shimita wiyacup-
tiqui, mana ushyacaj cawayta tarin-
quipaj. Ñaupäman échanayquipaj
pipis mana chapäshunquipächu. *

¹²Juchacuyta munapächishanta
íchipujcunata wasinchu Tayta
Diosninchi cawachinga. Chaypita
pipis mana cuyuchinganachu.
Manchäga jananchu isquirbishaj:
«Caycuna Tayta Diosninchipa
wawan. Mushuj Jerusalén
marcachu tiyan. Chay marca Tayta
Diosninchipa marcanmi. Janaj
pachapita yarpamunga. Quiquipa
mushuj jutitapis éhurapushaj» nir.

¹³«Rinriyuj irmänucuna maychu
juturarpis, Espiritu Santupa
shiminta wiyacunman.»»

**Laodicea marcachu jutucaj
irmänucunaman cartacushan**

¹⁴Laodicea marcachu jutucaj
irmänucunata täpaj anjilta cartacur,
ninqui:

«Jesúsga ima-imatapis
camacächij captin, jutichaparan:
«Chaynuy caycullächun» nir.
Tayta Diosninchipa shimintapis
llap-llapanta willacun. Tayta
Diosninchi Jesúswan-ima llap-
llapanta camaran. Jesúsmi
nishunqui: ¹⁵«Ima-imata rurar
cawashayquitapis musyá. Jamcuna
janan shungulla éhasquicäramash-
canqui. Wasguimar, juclla wasgui-
ramanquiman. Éhasquicamar,
llapan shunguyquiwan éhasquica-

manquiman. ¹⁶Janan shungulla
éhasquicamajcunata ricaytapis
mana munallächu. Chaypitam
jamcunata millanäcü. ¹⁷Puchuy-
puchuy jananchu cawashallay-
quiman yupachicunqui. Rasunpa
cuyapaypaj carcaycanqui.
Waccha canqui. Pishipacuj. Japra.
Jalapaécha. ¹⁸Rasunpa puchuy-
puchuy jananchu cawayta munar,
shimita llapan shunguyquiwan
éhasquicunquiman. Shimiga
juriwan tincun. Nuwapita ranti-
shayqui juriga ninaéchu chulluchish
caycan. Jalapaécha puriyta mana
munarpis, shungü munashannuylla
cawanquiman. Shungü munashanta
rurayga yuraj müdanawan tincun.
Chaymi yuraj müdanash purir,
mana pingacullar cawanquipaj.
Japra cayta mana munarpis,
shungü yarpashanta tantiyacun-
quiman. Shungü yarpashanga ñawi
jampiwan tincun. Ñawiqui jampish
captin, shungü yarpashantapis tanti-
yacunquipaj. ¹⁹Shungüman tincuj-
cunatam alli cawananta munar,
piñacü. Llaquipashpä willapä.
Chaymi llapan shunguyquiwan
Tayta Diosninchita wiyacäriy. Jucha
aparicushayquipita wanacäriy.
²⁰Sumaj tantiyacunquiman.
Puncupita jayacuj-jina jamcunata
jayaycaj. Jayashäta wiyar éhasquica-
maptiqui, yaycurir yanagäshayqui.
Micur upur juyäshun. ²¹Juchacuyta
munapächishanta íchipujcunata
mandäshimänapaj lädüman
jamachishaj. Nuwatapis shiminta
wiyacur juchacuyta íchipushäpita
Papäni mandäshinapaj lädunman
jamachimasha.

*3.11 Apocalipsis 2.10-ta ricanquiman.

²²«Rinriyuj irmānucuna maychu juturarpis, Espiritu Santupa shiminta wiyacunman.»»

Janaj pachachu Tayta Diosninchita manchapacushan

4 ¹Chaypita ricapacuyñllächu ricäripti, janaj pachaču puntu quiéharaycamuran. Yapay curnita suynamuj-niraj rimaramujta wiyarä. Nimaran: «Cayman jigamuy. Canan ima-ima canancunatapis ricachishayqui.» ²Niycaptillan, Espiritu Santu aptarcamaran. Janaj pachačhüna mayur mandajpa jamananta ricachimaran. Juc jamaraycaran. ³Jamarajga chillap-chillapyaycaran. Achic-achic-yaycaj turmanya tumaparaycaran. * ⁴Ishcay čhunca čhucuwan (24) jamanacunapis mandajpa jamananta tumaparaycaran. Jamanancunaču ishcaý čhunca čhucuwan (24) mayurcuna yuraj müdanash, juri curünash jamarpaycaran. ⁵Mayur mandajpa jamananpita illagu achic-yaypa-achicyämuran. Rimamujcunapis wiyacächimuran. Râyupis bunrurupa-bunrurur pashtamuran. Ñaupanču jančhis lamparincuna rataycaran. Achquicunaga Espiritu Santuwan tincun. * ⁶Mandajpa ñaupanču jatun yacu püsu-niraj caycaran. Ichanga chip-chipaycaj chuya yacu ricacaran.

Čhucu cawajcunapis intiru jananču ñawiyuj-camalla mandajta tumaparaycaran. ⁷Cawajcuna juc-niraj-juc-niraj caran. Juc caran liyun-niraj, jucna türu-niraj, jucna runa-niraj, jucna päriycay anca-niraj. ⁸Čhucun cawajcuna sujta

cäpayuj-caman, ñawincunapis intiru jananču caran. Pagas-junajpis mana jamallar Tayta Diosninchita manchapacushpan cantarçaycaran:

«Tayta Diosnillanchi juchayñaj cayan.

Alli cawayninman pipis mana tincunchu.

Paynuyga mana canchu, mana canchu, mana canchu.

Paylla llapanpaj munayniyuj.

Imaypis cawacuj.

Mana ushyacaj.

Cutiycämuj.»

⁹Jamananču jamaraycaj mandajta: «Imaypis mana ushyacunquepächu» nir cawajcuna cantaycaptin, alliman čhuraptin, cushicuptin, ¹⁰ishcaý čhunca čhucuwan (24) mayurcunapis jungurpaycur alliman čhurarcaycaran. Maquinču cawashanta musyachir curünanta pampaman čhuraycur, cantarçaycaran:

¹¹«Taytallau Tayta,

Llapan runa

manchapacuyülläshunqui.

Llapan runa allillaman

čhuraycülläshunqui.

Munayniyuj cashayquipita alli ñawinwan ricaycülläshunqui.

Llap-llapanta camashcanqui.

Ima-aycacunapis munaptiquiraj, ricarisha.

Jamllapita imapis cawan» nir.

Pitush papilta Washäcuj Jesús quichashan

5 ¹Chaypita jamananču jamarajpa diricha-caj maquinču pitush papilta aptaraycajta ricarä. Papilču janampa

*4.3 Waquin runacuna rumi ima-niraj-ima-niraj cashantapis sumaj ricsin. Chaymi rumipa curninpitata jutinta čhurapan. *4.5 Apocalipsis 1.4-ta ricanquiman.

rurinpa isquirbiraycaran. Ichanga pipis mana quićhananpaj janćhis pachapa sirawan lagaraycaran. ²Mayur anjiltapis ricarä. Payga wiyacächiypa tapucuran: «¿Cay papilta paćhgananpaj mayganiquitaj munayniyuj? ¿Quićhananpaj mayganiquitaj camacan?» nir. ³Papilta quićharcu liguinanpämi ichanga janaj pachaćhüpis, cay pachaćhüpis, pacha rurinćhüpis pipis mana caranchu. ⁴Papilta quićhananpaj pipis mana captin, juyupa llaquicur wagarä. ⁵Chaura juc mayur runa nimaran: «Ama wagaynachu. <Judäpa willcanpita yurij liyun> mandaj Davidpa allicaj willcan llapanta ićhipusha. Paymi munayniyuj janćhis sirata quipsarcu papilta quićhananpaj.»

⁶Ricaycashächu manta Uyshata pishtar ushyash caycajtä ricarä. * Chaypis mandajpa jamananpa ñaupallanćhu, ćhucu cawajcunapa ćhaupinćhu, ishcaj ćhunca ćhucuwan (24) mayurcunapa ćhaupinćhu cawaycar ićhiraycaran. Uyshapa wajrancunapis, ñawinpis janćhis caran. Janćhis ñawi Espíritu Santuwan tincun. Tayta Diosninchi Espíritu Santuta cay pachaman caćhamuran llapan runata ricananpaj. ⁷Uyshana mandajpa jamananman aywarcur, jamaraycajpa maquinpita pitush papilta ćhasquiran. ⁸Papilta ćhasquiruptin, Uyshapa ñaupanman ćhucu cawajcunapis, ishcaj ćhunca ćhucuwan mayurcunapis jungurpacuycuran. Llapanmi arpanwan-caman caran.

Juri ćupacunawan insinsutapis aparän. Insinsuga Tayta Diosninćhita wiyacujcuna mañacushanwan tincun. ⁹Pitush papilta ćhasquiptin, mayurcunapis, cawajcunapis Uyshata alliman ćhuraycur mushuj alabansata cantaycaran:

«Taytallau Tayta, munayniyujmi canqui pitush papilta ćhasquinayquipaj,

sirata quipsarinayquipaj.

Uyshata pishtashan-jina pishtashcashunqui llapan runata rantiypa-yupay jishpichinayquipaj.

Tayta Diosninćhita maquinćhu cawananpaj yawarniquiwan runacunata jishpichishcanqui.

Paycuna ima casta captinpis, ima rimayta rimaptinpis, may marcapita captinpis, may runa captinpis, llapanam llaquipanqui.

¹⁰ Tayta Diosninćhita mandunta rurananpaj camacächishcanqui.

Llapan runata marcantinta maquinćhu purichinanpaj mandaj cayman ćhurashcanqui.

Runa-masinta mañacapunanpaj cūra cayman ćhurashcanqui.»

¹¹⁻¹² Chaypita ricäripti, may-may anjilcunatapis wiyarä. Yupaysi mana atipaypaj caran. Paycuna intíru jananćhu ñawiyuj cawajcunawanpis, ishcaj ćhunca ćhucuwan mayurcunawanpis, jamananćhu jamaraycaj mandajta tumaparaycashä. Llap-llapanmi juc shimilla mañacuraycaran. Alliman ćhurarcaycaran:

* 5.6 Apocalipsis librućhu: «Uysha» nir runacuna yarpaj Jesucristupaj. Payga runacunata washänan-raycur wañuyman ćhayasha. Uyshata pishtashan-jina caway-bidanta Tayta Diosninćhita jarasha.

«Uyshata alli ñawinwan llap-
llapan ricanman.

Runacunata washänan-raycur
pishtaypa wañuyman
éhayashanpita alli ñawinwan
ricanman.

Paymi munayniyuj.

Llapan ima-aycapis maquinchu
caycan.

Yarpayniyuj.

Camacächij.

Llapan alli ricanman.

Llapan alliman éhuranman.

Llapan alliuchu jurgunman» nir.

¹³Chaypita juc alabansata wiyarä.

Janaj pachaçu cawajcunapis, cay
pachaçu cawajcunapis, pacha
rurinçu cawajcunapis, yacucunaçu
cawajcunapis cantarcaycaran. Llap-
llapanmi jamanançu jamarajtapis,
Uyshatapis juc shimilla niycaran:

«Taytallau Tayta, Uyshallau
Uysha,

Imay-imaypis alliçu jurgush
caycullächun.

Alliman éhuraycullächun.

Alli ricash caycullächun.

Munayniyuj caycullächun.»

¹⁴Chaura: «Chaynuy caycullächun»

nir éhuscu cawajcuna auniptin,
ishcay éhunca éhuscuwan mayur-
cunapis manchapacushpan
jurgurpacaycäiran.

Pitush papilpa jarachanta quipsashan

6 ¹Chaypita ricäripti, Uysha juc
sirata quipsariran papilta ligui-
nanpaj. Quipsariptin, éhuscu cawaj-
cunapita räyu pashtamuj-jinaraj
jucnillan wiyacächiypa jayacuran:
«Llucshimuyna» nir. ²Chaura juc
murucu yuraj cawallun muntash,
tucsicunan aptash llucshiramuran.

Curünata éhasquicurcur, yapay
aywaran llapanta magaj maquinchu
purichinanpaj.

³Papilpa ishcay-caj lagarashan
sirata Uysha quipsariptin, juc
cawajna jayacuran: «Llucshimuyna»
nir. ⁴Chaura juc murucu yawar-puca
cawallun muntash llucshiramuran.
Chay murucuta jatun machitinta
aptaparcu, cay pachaman
caéhamuran: «Runacunata chiquina-
cachiy. Wañuchinacachiy» nir.

⁵Papilpa quimsa-caj lagarashan
sirata Uysha quipsariptin, juc
cawajna jayacuran: «Llucshimuyna»
nir. Chaura ricäripti, juc murucu
yana cawallun muntash, balansan
aptash llucshiramuran. ⁶Éhuscu
cawajcunapa échaupinpita jucna
rimaramuran: «Muéhuy cachun.
Runa cawanpanaj quilu rigullapaj
juc junaj aruchun. Quimsa quilu
sibädallapaj juc jurnal aruchun.
Ichanga wiratapis, binutapis ama
ushyacächichunchu» nir.

⁷Papilpa éhuscu-caj lagarashan
sirata Uysha quipsariptin, juc
cawajna jayacuran: «Llucshimuyna»
nir. ⁸Chaura ricäripti, ugui cawallu
llucshiramuran. Muntarajpa jutin
caran: «Wañuy.» Runacunata
wañuchir, chacaj pachaman
éhayachiran. Muntarajga llucshiran
pullanta-yupay runacunata
wañuchinanpaj. Marca-pura
wañuchinacuywan, muéhuywan,
timpurij jishyawan, micucuj uywacu-
nawan wañuchiran.

⁹Papilpa pichga-caj lagarashan
sirata Uysha quipsariptin, Tayta
Diosninchipa wasinçu alli shungu
runacunapa almancunata ricarä.
Paycunata Tayta Diosninchipa
shiminta willapäcushanpitash,

wiyacushanpitash runacuna
 wañuchish caran. Almacunaga
 Tayta Diosninchipa jaracunan
 tullpa puncunchu caycaran.
¹⁰Paycuna wiyacächiypa Tayta
 Diosninchita jayacuran: «Taytallau
 Tayta, munayniyujmi canqui.
 Juchaynaj cashpayqui allillata
 rurankui. Shimiquita llapanta
 éharcunqui. Juchallachu arujcunata,
 ¿imayraj juchanta jurgapunquipaj?
 Wañuchimashanpita, ¿imayraj
 ñacachinquipaj?» nir. ¹¹Tayta
 Diosninchina niran: «Shuyaycuyraj.
 Wañuchishushayqui-jina waquin
 irmänucunatapis wañurachinga.
 Paycunata shungü munashanta
 ruraptin: «Chaycamalla» nishäcaman
 wañurachinga.» Chaynuy nir yuraj
 müdanata ushtuparan: «Ima juchay-
 quipis mana canchu» nir.

¹²Jinalla ricapacuyñillächu ricapa-
 cuycarä. Papilpa sujta-caj lagarashan
 sirata Uysha quipsariptinna, pacha
 juyupa sicsicyacurcuran. Inti yana
 chicuman, yana jacu-nirajman
 ticracuriran. Quillapis yawar
 pucaman ticracuriran. ¹³Shucucuy
 wayra rütata shicwachishan-jina
 istrillacunatapis shucucuy wayra cay
 pachaman shicwachimuran. ¹⁴Janaj
 pachapis lluylluy-pa-lluyllucäcuran.
 Puntacunapis, yacu échapinchu
 islacunapis wacpa-cayman witicu-
 riran. ¹⁵Chaura machaycunamanpis,
 chaga éhaquincunamanpis llapan
 runa pacacuran. Mandajcunapis,
 auturdäcunapis, capitancunapis,
 puchuy-puchuy jananchu cawajcu-
 napis, munayniyujcunapis, piyuncu-
 napis, pampa runacunapis llapanmi
 pacacuran. ¹⁶Puntacunatawan chaga-
 cunata jayacuran: «Pacaycallamay,
 ari. Tayta Diosninchitapis, Washäcuj

Uyshatapis manchacü. Juyupa
 ullgucarcärisha. ¹⁷Ullgucäcushan
 junaj éhayamushana. Ñacachimap-
 tinchi, ¿piraj ichipunga?» nir.

Wawancunata Tayta Diosninchichi chäpachishan

7 ¹⁻²Chaypita éhucu anjilta
 ricarä. Anjilcuna cay pachapa
 éhucun cantunchu juc-caman
 échirpaycaran. Maquinchu cay
 pachapis, yacucunapis caycaran.
 Ñacachinanpäpis munayniyuj
 caran. Wayratapis chaparaycaran.
 Chaymi pachatapis, yacucuna-
 tapis, yüracunatapis wayra mana
 pücaranchu. Chaura juc anjilna
 inti jigamunanpita llucshira-
 muran. Maquinchu cawaj Tayta
 Diosninchipa chäpacunanta
 aptaraycaran. Ñacachicuj anjilcu-
 natana wiyacächiypa jayacuran:
³«Shuyaycuyraj. Tayta Diosninchipa
 wawancunataraj urcunchu-caman
 chäpashaj. Chaypitaraj cay pacha-
 tapis, yacucunatapis, yüracunatapis
 ñacachinqui.» ⁴Chaypita wiyarä:
 «Pächac éhucu éhunca éhucuwan
 waranga (144,000) Israel runacuna-
 llata chäpanqui» nimujta.

⁵Judä castacuna éhunca
 ishchaywan waranga (12,000)
 chäpacuran.

Rubén castacuna éhunca
 ishchaywan waranga (12,000)
 chäpacuran.

Gad castacuna éhunca ishchaywan
 waranga (12,000) chäpacuran.

⁶Aser castacuna éhunca
 ishchaywan waranga (12,000)
 chäpacuran.

Neftalí castacuna éhunca
 ishchaywan waranga (12,000)
 chäpacuran.

Manasés castacuna éhunca
ishcaywan waranga (12,000)
chäpacuran.

⁷ Simeón castacuna éhunca
ishcaywan waranga (12,000)
chäpacuran.

Leví castacuna éhunca
ishcaywan waranga (12,000)
chäpacuran.

Isacar castacuna éhunca
ishcaywan waranga (12,000)
chäpacuran.

⁸ Zabulón castacuna éhunca
ishcaywan waranga (12,000)
chäpacuran.

José castacuna éhunca
ishcaywan waranga (12,000)
chäpacuran.

Benjamín castacuna éhunca
ishcaywan waranga (12,000)
chäpacuran.

⁹ Chaypita yupaysi mana atipaypaj
runacunata ricarä. Chay-tucuy
marcacunapita, tucuy casta
runacuna, tucuy-niraj rimajcuna
juturpaycaran. Tayta Diosninchipa
ñaupanchu, Uyshapa ñaupanchu
yuraj müdanash, palman aptash
ichirpaycaran. ¹⁰ Juc shimilla
wiyacächiypa jayacuycaran:

«Tayta Diosninchí munayniyuj.
Mandajpa jamananchu
jamaraycan.

Paymi jishpichimajninchi.
Uyshapis washämajninchi.»

¹¹ Mandaj Tayta Diosninchipa
jamananta llapan anjilcunapis,
ishcay éhunca éhuscawan (24)
mayur runacunapis, intiru jananchu
ñawiyuj éhucu cawajcunapis
tumaparaycaran. Llapanmi Tayta
Diosninchita manchapacur, jungur-
pacuycur niran:

¹² «Chaynuy caycüllächun.

Tayta Diosninchita imay-imaypis
llapan manchapacunman.

Llapan alliman éhuranman.

Payga yarpayniyuj.

Llaquipäcuj cashanpita llapan
cushicunman.

Llapan alli ricanman.

Payga munayniyuj.

Camacächij.

Chaynuy caycüllächun.»

¹³ Chaypita juc mayur runa
tapumaran: «Yuraj müdanashcuna,
¿picunataj? ¿Maypitataj shamusha?»
nir.

¹⁴ Tapumaptin, nirä: «Quiquiqui
musyanqui, tayta.»

Payna nimiran:

«Paycuna juyupa ñacayta
ichipur, chayamusha.

Washäcuj Uysha wañuyninpa,
yawarninta jarayninpa Tayta
Diosninchí llapan juchantapis
jungaycusha.

Cananga ima juchanpis mana
canchu.

Chaypita yuraj müdananta
ushtucusha.

¹⁵ Paycuna Tayta Diosninchipa
ñaupanchu juturpaycan.

Pagas-junajpis wasinchu
manchapacurcaycan.

Tayta Diosninchípis chaupinchu
juyar, maquillanchu
cawachinga.

Imaypis mana caçharingachu.

¹⁶ Paycuna mana imaypis
yarganganachu.

Imaypis mana yacunanganachu.

Intipis mana rupanganachu.

Acaypis mana wapunganachu.

¹⁷ Tayta Diosninchipa maquinchu
cawar, mana llaquicunganachu.

Washäcuj Uyshapis Tayta Dios-
ninchipa ñaupallanchu caycar,

waran-waran paycunata
ricanga.

Uyshiru-jina sumaj ricanga.

Pashtaj yacuman pushanga.

Cawachicuj yacuta upuchinga.

Llaquishpan Tayta Diosninchi
wiguincunatapis pichanga.»

8 ¹Papilpa jan'chis-caj lagarashan
sirata Uysha quipsariptinna,
janaj pacha'chu juc éhaj'chanuy
imapis mana wagacuranchu.

Llap-llapallan upállacäcuran.

²Chaypita Tayta Diosninchipa
ñaupan'chu jan'chis anjil íchirpay-
cajta ricarä. Llapan anjil curnitata
éhasquiran. ³Juc anjilna juripita

tacsha mancata apamuran Tayta
Diosninchipa ñaupan'chu juri

tullpa'chu insinsuwan saumachi-
nanpaj. Juri mancanman achca

insinsuta wiñaran Tayta Diosnin-
chita jarananpäpis, irmänucuna

mañacushanta éhayachinanpäpis.

⁴Anjil jaraptin, insinsupa jushtay-
ninpis, irmänucuna mañacushanpis

Tayta Diosninchimán éhayaran.

⁵Chaypita tullpapita tacsha
mancaman anjil shanshata wiñaran.

Jinarcu pachaman jitarpayca-
muran. Mancata shanshantinta cay

pachaman jitarpaycamuptin, räyupis
bunruruylla pashtamuran. Rimamuj-

cunapis wiyacächimuran. Illagupis
achicyaypa achicyaran. Pachapis

juyupa sicsicyaran.

Anjilcuna curnitata tucamushan

⁶Jinarcu jan'chis anjilcuna camari-
curan curnitanta tucamunanpaj.

⁷Juc anjil curnitata tucaramuptin,
yawarwan tallush tamyamuran

ninapis, runtu tamyapis. Cay
pacha'chu yüratapis, jiwatapis jircan-

tinta pullanta-yupay rupariran.

⁸Juc anjilna curnitata tucara-
muptin, jatun-caray puntata
ratataycajta jatun lamar yacuman
tunirachimuran. Chaymi yacu
pullan-yupay yawarman ticracu-
riran. ⁹Yacucuna'chu tiyajcunapis
pullan-yupay wañuran. Büticunapis
pullan-yupay ushyacaran.

¹⁰Juc anjilna curnitata tucara-
muptin, janaj pachapita jatun-caray
ratataycaj istrilla shicwamuran
pullan-yupay mayucunaman,
pullan-yupay yacupa ñawincu-
naman. ¹¹Istrillapa jutin caran
Asgaj. Chaymi yacu pullan-yupay
asgacäcuran. Asgaj yacuta upur,
achcaj runa wañuran.

¹²Juc anjilna curnitata tucara-
muptin, intitapis, quillatapis,
istrillacunatapis jishya chariran.
Jishya chariptin, pullan-yupay
chacacäcuran. Pagas-junajpis inti,
quilla, istrillacuna yangallana
achicyaran.

¹³Jinalla ricapacuyñ'chu ricapa-
cuyarä. Chaypita anca päriycajta
ricarä. Janajpita japariypa nimuran:
«Wawallau wawita. Waquin anjil-
cunapis curnitata tucaramuptin,
runacuna llaquipaypaj ñacanga.
Quimsa anjilraj pishiycan curnitata
tucaramunanpaj.»

9 ¹Juc anjilna curnitata tucara-
muptin, juc istrilla cay
pachaman shicwamujta ricarä. Chay
istrilla shapshicucuna wíchgarashan
chacaj pachapa lläbinta éhasquiran.

²Chaura chacaj pachapa puncunta
quichariptin, jatun jurnupita jushtay
llucshimuj-jinaraj yana jushtay
íchicarcamuran. Jushtay íchicur-
cuptin, intipis mana achicyaran-
nachu. Chacaräcuran. Wayrapis
mana wayraranchu. ³Jushtaypitana

chucluscuna llucshimuran. Chay-tucuyman shillaran. Alacran canicushan-jina runacunata canicur, juyupa ñacachiran. ⁴Chaypis chucluscunata Tayta Diosninchir niran: «Wawäcunata ama ñacachiniquichu. Paycunapa urcun chäpacush caycan. Jiwacunatapis, jaçhacunatapis, yüracunatapis ama ushyanquichu. ⁵Mana chäpacush runacunatam ichanga ñacaylla ñacachinqui. Pichga quillantín ñacachir, pitapis ama wañuchiniquichu.» Alacran canicushan-jina chucluscuna canicushan juyupa nanaran.

⁶Chay wichan juyupa ñacar wañuyta ashirsi, runacuna mana wañungachu. Wañucuriyta munarpis, wañuyta mana taringachu. ⁷Cawallu maganacuymán aywaj-niraj chucluscuna caycaran. Umanchu juri curüna-niraj jatiraycaran. Jajllan runapa jajllan-niraj caran. ⁸Ajchanna warmipa ajchan-niraj caran. Quirunpis liyunpa quirun-niraj caran. ⁹Intiru jasguntá chaparashan látalla caran. Päriptin, may-may cawallu pututuylla aywaycaj-jina cäpuncuna sir-siryan. * ¹⁰Chupanna alacranpajina casha punta caran. Canicur, pichga quillantín runacunata ñacachiran. ¹¹Chucluscuna chacaj pachachu mandaj juyu anjilpa maquinchu puriran. Chacaj pachachu juyaj mandaj anjilta hebreo rimaychu: «Abadón» nin. Griego rimaychüna wañuchicuj captin: «Apolión» nin.

¹²Caycaman punta-caj ñacay chayamun. Punta-caj ñacay chawap-tinsi, ishca yraj chayamunga.

¹³Juc anjilna curnitáta tucaramuptin, Tayta Diosninchipa ñaupanchu juri tullpapa chuscun isquinanpita rimaramuran. Curnita tucay anjilta nimuran: ¹⁴«Jatun mayu Éufrates cantunchu wataraj chuscun juyu anjilta pascamuy» nir. ¹⁵Pascaramuptin, chuscun juyu anjil llucshimuran murucucunawan pullanta-yupay runacunata wañuchinanpaj. Unaypita-pacha chay watapaj, chay quillapaj, chay junapaj, chay ürapaj Tayta Diosninchir camacächish caran. ¹⁶Cawallun muntash murucucuna yupaysi mana atipaypaj caran. Chay-chicaj cashanta wiyará.*

¹⁷Ricapti, murucucunapa jasguntá chaparaj láta yawar puca, chacaj asul, asujri-niraj jarwash caran. Cawallupa uman liyunpa uman-niraj caran. Shiminpita llucshimuran jushatay, asujri, nina. ¹⁸Cawallupa shiminpita llucshimuj jushataypis, asujripis, ninapis pullanta-yupay runacunata wañurachiran. ¹⁹Cawalluga shiminwanpis, chupanwanpis runacunata wañuchiran. Chupancuna canicuj curu-niraj caran. Canicur, runacunata juyupa ñacachiran. ²⁰Chaypis wañuy pita jishpij runacuna jinallaraj juchata aparicurán. Juchanpita mana wanacurancho. Supaycunatapis, jircacunatapis taytachacuran. Manchapacunapaj jircaman ricchacujcunata maquinwan rurash caran juripita, jillaypita, brunsipita, rumipita, jirupita. Rurashanga mana ricanpishchu. Mana wiyanpishchu. Mana purinpishchu. ²¹Chay

* **9.9** Griego rimaychu: «cäru de guirapita» riman. Chay wichan cawallu ishca y llantayuj cäru ta jançhaj. Wañuchinacuychu murucucuna cäruchu aywaj. * **9.16** May-may murucucuna 200,000,000 caran.

runacuna jinalla wañuchicuycaran. Runa-masinta chiquishpan chapa ruraycunachu aruycaran. Runapis, warmipis jucwan-jucwan cacuy-caran. Suwacuycaran. Imapitapis mana wanacuranchu.

Unay willacujcuna rimashan charcucashan

10 ¹Chaypita janaj pachapita munayniyuj anjil pucutay rurinchu yarpucämujta ricarä. Umanta turmanya wächcaray-caran. Jajllan inti-jina achic-achicyaycaran. Chancan nina-jina warau-warauyaycaran. ²Tacshalla pitush papilta aptaraycaran. Ichanga quicharaycaran. Diricha-caj chaquin jatun lamar yacuman lluchcaray-caran. Isquirda-caj chaquinna allpaman lluchcaraycaran. ³Nircur liyun japarashan-jina jayacuran. Jayacuriptin, janaj pachapita janchis räyu pashtaramuran.

⁴Janchis räyu pashtamushanta apuntanapaj caycapti, janaj pachapita wiyacächiypa nimuran: «Räyu pashtamushanta pitapis ama willapanquichu. Rimamushantaga ama apuntanquichu.» ⁵⁻⁶Chaura aunishpan lamar yacuman, allpaman lluchcaraj anjil maquina janaj pachaman jugarcu niran: «Yarpashancunata Tayta Diosninchi camacächinga. Payga imaycamanpis cawacuj. Llap-llapanta camasha. Janaj pachata llapantinta camaran. Cay pachatapis llapantinta camaran. Yacuncunatapis llapantinta camaran. Shiminta charcungana. Juc junajpaj mana jitapunganachu. ⁷Chaymi juc anjil curnitata tucaramuptin, shungun yarpashan charcucash canga. Unaypita-pacha shungunchu

pacarächishan yarpashanta willacuj-nincunawan musyachicuran.»

⁸Janaj pachapita rimamujga yapay nimiran: «Lamar yacuman, allpaman lluchcaraj anjilman ayway. Aptarashan quichash papilta mañacamuy.» ⁹Nimaptin, anjilman aywarä: «Tacsha papilta juycallamay, ari» nir. Anjilna nimiran: «Catay. Micuy. Micuptiqui, sumaj mishquina. Pachayquitam ichanga juyupa asgächinga.» ¹⁰Chaura tacshalla papilta chasquircu, anir micucurcä. Micupti, anir sumaj mishquiran. Pachätam ichanga juyupa asgächiran. ¹¹Jinarcu nimiran: «Tayta Diosninchi camacächiptin, imapis cananta yapay musyachicuy. Runacuna may marcachu tiyaptinpis, ima casta captinpis, ima rimayta rimaptinpis, jatun mandaj captinpis llapantam musyachinquiman.»

Ishcay willacujcuna

11 ¹Jinarcu bärata jucamar, Tayta Diosninchi nimiran: «Jerusalén marcachu wasita tullpantinta tupunqui. Manchapacamaj-cunatapis yupanqui. ²Sawantam ichanga ama tupunquichu. Sawantaga mana manchapacamaj runacunapa maquinman churashcä. Marcä caycaptinsi, paycuna quimsa wata pullan Jerusalén marcata pampaman churanga. ³Chay wichan ishcaj willacujnita cachamushaj quimsa wata pullan shimita willapacunapaj. Wañupacush-yupay jachga müdanash puringa.»

⁴Cay pacha Tayta Diosninchipa maquinchu caycan. Paypa ñaupallanchu caycar, ishcaj willacujcuna tincun ishcaj ulibus

yürawan, ishçay lamparinwan.

⁵Pipis ñacachiyta munaptin, willacujcunapa shiminpita llucshimuj nina ushyacächinga. Ñacachicujcunata rupaypa illarachingapaj.

⁶Tayta Diosninchichi camacächiptin, willacujcuna munayniyuj cashpan tamyatapis mana tamyachimungachu. Yacutapis yawarman ticraringa. Munar, tucuy-niraj timpurij jishyawan runacunata ñacachinga.

⁷Tayta Diosninchipa shiminta willapäcuyta ushyarcuptinmi ichanga, chacaj pachapita llucshimuj waräcuy maganga. Ichipunga.

Wañurachinga. ⁸Willacujcunapa ayanpis llapan ricay Jerusalén marca cällichu jitaranga. Chay marcallaçu Taytanchi Jesústapis ruschu

wañuchiran. Jerusalén runacuna juyu. Sodoma marca runacunawan, Egipto marca runacunawan tincun.

⁹Quimsa junaj pullannin ayan jitaraycaptin, chay-tucuy marcapita, tucuy casta runacuna, tucuy-niraj rimajcuna ricäcunga. Pampanantapis miçhanga. ¹⁰Tayta Diosninchipa shiminta willacushpan willacujcuna llapan runata juyupa ñacachish caran. Chaymi wañuchish captin, llapan runa cushicunga. «Ima allish wañuyta tarisha» nir, cuyachicuynincunatapis jaranacunga.

¹¹Quimsa junaj pullannintam ichanga Tayta Diosninchichi cawarachimuptin, willacujnincuna jatari-curcuran. Chayraj ricäcujcuna juyupa manchariran. ¹²Janaj pachapitana juc jayacamuran: «Shamuy» nir. Jayacamuptin llapan chiqui runacuna ricapaycaptin, ishçaj willacujnincuna pucutay

jananpa jigacuran. ¹³Jigacuptin, cay pacha juyupa sicsicyaran.

Jerusalén marcaçu chay-chica wasipis juçhuran. * Runacunapis jançhis waranga (7,000) wañuran. Wañuyupita jishpijcunam ichanga juyupa manchariran. Janaj pachaman jayacuran: «Taytallau Tayta, alli ricash caycullay» nir.

¹⁴Caycaj ñacay çhawarcuptinsi, quimsa-caj çhayamunan pishinraj.

¹⁵Juc anjilna curnitata tucaramuptin, janaj pachaçu wiyacächiyta nimuran:

«Cushiculläshun.

Cay pacha Tayta Diosninchipa maquinçhünam.

Çaçhamushan Washäcuj Jesúsapa maquinçhünam.

Imaycamanpis maquinçhümi Tayta Diosninchichi purichimäshun» nir.

¹⁶Ishçay çhunca çhuscuwana (24) mayurcunapis Tayta Diosninchipa ñaupanchu jamarashanpita sumaj manchapacushpan jungur-pacaycärian. Cushicuywan niran:

¹⁷«Taytallau Tayta, llapanpaj munayniyujmi canqui.

Imay-imaypis cawajmi canqui.

Imaypis mana ushyacancuichu.

Ima allish llap-llapanta maqui-quiman shuntashcanqui.

Sumaj munayniyuj cashpayqui maquiquichünam llapallanta purichinqui.

Chaypitam jatunpa cushicärillä.

¹⁸May-chayçhüpis mana wiyacuj runacuna ullgucäcusha.

Cananmi ichanga quiquiqui ullgucucushcanqui.

Llapan wañushcunatapis juchanta jurgapanquipaj.

* 11.13 Griego rimayçu: «Çhunçapita jucta-caman wasicuna juçhucäcuran» nin.

Shimiquita willacujcunatam
ichanga alli cawayta
tarichinquipaj.

Shunguyqui munashanta
rurashanpita, shimiquita
wiyacushanpita

manchapacujcunatapis alli
cawayta tarichinquipaj.

Paycunata alli ricash captinsi,
mana alli ricash captinsi,
llapantam alli cawayta
tarichinquipaj.

Ñacachicujcunatam ichanga,
wañuchicujcunatam ichanga,
wañuchir illarachinquipaj.»

¹⁹Chaura janaj pachachu Tayta
Diosninchipa wasi puncun
quíchacäcuran. Babulta ricar, runacu-
nawan Tayta Diosninchi parlanacu-
shanta yarparä. Ricaycapti, illagu
achicyaypa-achicyämuran. Rimamuj-
cunapis wiyacächimuran. Râyupis
bunruruylla pashtamuran. Cay
pachapis sicsicyacurcuran. Runtu
tamyapis juyupa tamyamuran.

Warmipita, pugush curupita rimashan

12 ¹Chaypita janaj pachachu
juc warmi ricacamuran.
Tantiyayta mana atipaypaj caran.
Warmita inti tumaparaycaran.
Čhaquinpis quillaman lluchcaray-
caran. Umanchu čhunca ishcaýwan
(12) istrillayuj curünata ushturay-
caran. ²Warmi jishyanaycaran.
Nanaywan jishyacuyta manchacur
japaraycaran. ³Janaj pachaču
jucpis ricacamusha. Jatun-caray
pugush puca curu caran. Uman
jančhis caran; wajranna čhunca.
Llapan umanču-caman curünata
ushturaycaran. ⁴Čhupanwan
shuntarcur, janaj pachapita pullanta-

yupay istrillacunata wicaparamuran.
Pugush curu jishyanaycaj warmipa
ñaupanču juturaycaran yuririp-
tillan, wamranta micucurcunanpaj.

⁵Warmina ullguta jishyacuran.

Payga llapan marcata maquillanču
purichinanpaj sumaj munayniyuj
cashpan yuriran. Jiru garutinwan
mana wiyacujcunata ñacachinga.

Pugush curupita anjil jishpichirmi
ichanga, mallwata apacuran Tayta
Diosninchipa ñaupanman payta
mandäshinanpaj. ⁶Mamanpis
Tayta Diosninchi camacächishan
chunyajman jishpicuran. Chaychu
quimsa wata pullan tarichish caran.

⁷Chaypita janaj pachaču
maganacuy jallaycuran. Anjil-
masincunata shuntacuycur,
mandaj anjil Miguel pugush curuta
magaran. Pugush curupis shapshicu-
masincunawan ichipuyta munaran.

⁸Chaypis pugush curuga Miguela
mana ichipuranchu. Chaymi
janaj pachaču mana ricayta
munar, ⁹pugush curuta shapshicu-
masintinta jargaramuran. Pugush
curu llapan runata juchaman
jančan. Chay curuta Supay captin,
ricsin: «Satanás» nir. Pantachicuj
Supayta shapshicu-masintinta cay
pachaman jargaramuran.

¹⁰Chaura janaj pachapita
wiyacächiypa nimuran:

«Cushiculläshun.

Wawancunata Tayta Diosninchi
washashana.

Munayniyuj cashanta
musyachicushana.

Maquinčhüna llap-llapanta
charaycan.

Cay pachatapis marcantinta
maquinču Washäcuj Jesús
puriycächin.

Irmänunchicunata Supay mana
tumpanganachu.

Pagas-junajpis Tayta
Diosninchiman mana
éhayapunganachu.

Janaj pachapita Supayta
jargaramushana.

¹¹ Tayta Diosninchipa wawancuna
Supayta íchipusha.

Wawancuna washänan-raycur
Uysha yawarninta jíchar,
caway-bídanta Tayta Diosnin-
chita jarayninpa íchipusha.

Tayta Diosninchipa shiminta
wiyacushpan willapäcurpis,
íchipusha.

Wawancuna wañuytapis mana
manchacuranchu.

Wañuy jananchu caycap-
tinsi, Tayta Diosninchiman
yupachicuran.

¹² Chaymi janaj pachačhüpis llap-
llapan cushicärinman.

Llapan anjilcuna jatunpa
cushicärinman.

Cay pachačhümi ichanga llap-
llapan llaquicärinman.

Yacucunaču tiyajcunapis juyupa
llaquicärinman.

Supay éhayapushcashunqui.
Ullgucurcusha.

Yupash junajlla cáchaylla
purinanta musyan.»

¹³ Chaura cay pachaman jarga-
ramuptin, pugush curu ullgu
wamrapa mamanta jatacačharan.

¹⁴ Warmitam ichanga Tayta
Diosninchipa jatun ancapa căpanta
camaripuran chunyaj pachaman
jishpicunanpaj. Chayčhüna warmita
quimsa wata pullan sumaj ricaran.
Micunanpäpis llapanta camaripuran.
Curupitapis washaran. ¹⁵ Pugush
curuna chay-chica yacuta mujchi-

pamuran éhayash mayuwan-jina
warmita apachinanpaj. ¹⁶ Allpam
ichanga warmita cuyapar, pugush
curu mujchishan yacuta shugucur-
curan. Chaynuypa warmita yacu
mana aparanchu. ¹⁷ Pugush curuna
chigaypa ullgucurcuran. Warmipa
waquin wawancunatana wañuchij
aywaran. Warmipa wawancuna
Tayta Diosninchipa shiminta wiyacu-
cunawanpis, Tayta Jesústa éhasqui-
cujcunawanpis tincun. ¹⁸ Pugush
curu jatun lamar yacu cantunchüna
íchicuycuran.

Waräcuycunapita rimashan

13 ¹ Chaypita jatun lamar
yacupita waräcuy
llucshiycămujta ricarä. Waräcuy
jančhis umayuj, éhunca wajrayuj
caran. Llapan wajranču curünata
ushturaycaran. Umancunačhüna
Tayta Diosninchita ashllir
pampaman échurar, ima rimaycu-
napis isquirbiraycaran.

² Waräcuy tigri-niraj caran.
Ichanga échaquincuna ucumäripa-
niraj caran; shiminna liyunpa-niraj.
Waräcuy imatapis rurananpaj
pugush curu quiquin jamashanman
jamachiran llapanta mandananpaj,
munayniyuj cananpaj. ³ Waräcuypa
juc umanču wañuchicuj jiri
caran. Allchacäcuptinmi ichanga,
llapan runa manchapacur
waräcuyta taytachacuran. ⁴ Pugush
curutapis, waräcuytapis alliman
échuran: «Curullau curu, ima
allish waräcuyta yanapaycanqui.
Waräcuyman pipis mana tincunchu.
Pipis mana íchipunmanchu» nir.

⁵ Waräcuy ima-imata rurananpäpis
llapanta Tayta Diosninchipa
camacächiran. Quimsa wata

pullan waräcuy ashlliptinsi, apäriptinsi, Tayta Diosninchí mana micharanchu. Chay junajcuna shungun munashallanta waräcuy imatapis ruraran. ⁶Tucuy-jinanpa Tayta Diosninchitapis ashlliran. Jutintapis wiyar, ashllir ushyaran. Janaj pacha wasinchu tiyajcunatapis chiquiran. ⁷Jesusta chasquicujcunata wañuchir ushyananpäpis Tayta Diosninchí camacächiran. Chay-tucuychu tiyaj runacunatapis maquinman churaran may marcapita captinpis, ima casta captinpis, ima rimayta rimaptinpis. ⁸Washäcuj Uyshapa acta librunchu jutín mana isquirbirajcuna waräcuyta taytachacur manchapacunga. Paycunapa jutín unay-unaypita-pacha mana isquirbiranchu.

⁹ Cananga rinriyujcuna sumaj wiyacunman:

¹⁰ «Pipis carsilman chayanan captin, carsilman aywanga. Tucsiyapa wañunan captin, tucsiyapa wañuyta taringa.»

Chaymi pipis Tayta Diosninchí maquinchu cawar ima ñacayman chayarsi, mana yamacanmanchu. Manchäga Tayta Diosnillanchiman sumaj yupachicunman.

¹¹ Chaypita juc waräcuy allpapita llucshiyämuja ricarä. Uyshapajina ishcaj wajran caran. Ichanga pugush curu-jina rimaran.

¹² Waräcuycunaga ishcajmi llapan runacunata maquinchu purichiran. Allpapita llucshimuj-cajga yacupita llucshimujta yanaparan. Allpapita llucshimuj waräcuyga cay pachachu tiyaj runacunata niran: «Wañuyta mana munar, yacupita llucshimuj waräcuyta manchapacuy.» Yacupita

llucshimuj waräcuypaga uma jirin allchacash caran. ¹³ Allpapita llucshimuj waräcuy sumaj munayniyuj caran. Riguichir, imatapis ruraran. Janaj pachapitapis llapan runa ricay ninata tamya-chimuran. ¹⁴ Yacupita llucshimuj waräcuy yanapaptin, tucuy-jinanpa runacunata riguichiran. Yacupita llucshimuj waräcuyta machitunwan wañuchish caran. Chaypis cawarimush caran. Chaymi quiquin yacupita llucshimuj waräcuyman ricchacujta rurachiran llapan runa manchapacunanpaj. ¹⁵ Waräcuyman ricchacujtaga cawarachiran. Munayniyuj ricacunapäpis, rimanapäpis camacächiran. Pipis mana manchapacuptin, wañurachiran. ¹⁶ Runacunatapis llapanta chäpacachiran. Waquinta urcunchu, waquintana diricha-caj maquinchu chäpacachiran. Yachaj runatapis, upa runatapis, puchuy-puchuy jananchu cawaj runatapis, pishipacuj runatapis, uywaycunatapis, patruncunatapis llap-llapanta chäpacachiran. ¹⁷ Chäpacünicuna ranticuytapis, rantipacuytapis mana camäpacuranchu. Chäpaga waräcuypa jutinwan tincun. Ichanga nümíruilla chu isquirbirasha.

¹⁸ Sumaj tantiyacushuwan. Chäpashan litracuna nümíruman ticran. Nümíruja suja pachac suja chunca sujtawan (666) caycan. Chay nümíru runapa jutín. Maygan runapa jutín cashantapis yachajcuna tantiyanga.

**Uyshapita, chay-chicaj
runapita rimashan**

14 ¹ Ricapacuynillächu juctana ricapacurä. Sión puntachu Uysha ichiraycanta ricarä. Tayta

Diosninchipa jutinwan, Uyshapa jutinwan urcunchu chäpash runacunapis juturpaycaran. Paycuna pachac chuscu chunca chuscuwan waranga (144,000) caran. ²Janaj pachapitana achca arpa chillinyajta-jina, chayash mayu japarajta-jina, räyu pashtamujta-jina wiyarä. ³Juturpaycaycuna Tayta Diosninchipa ñaupanchu, ishca chunca chuscuwan (24) mayurcunapa ñaupanchu cantarcaycaran. Cantashanga mushuj. Jesúsapa shiminta chasquicush cashpan paycunalla yachacuran. Chasquicujcunallata cay pachapita jishpichish caran. ⁴⁻⁵Paycunaga warmin-warmin mana puricuranchu. Warmitapis mana yataparanchu. * Llullacuytapis mana yacharanchu. Ima juchanpis mana caranchu. Manchäga Uyshapa maquillanchu cawaran. Pirwayupay, ñaupashuntay-yupay caran. Tayta Diosninchipa shuntasha maquinchu cawanapaj, Uyshapa maquinchu cawanapaj.

⁶Chaypita janaj pachachu juc anjil päriycajta ricarä. Jesúsapa shiminta pi-maytapis wiyacächipya willaparan: «Shiminga mana imaypis jungacangachu» nir. May marcapita captinpis, ima casta captinpis, juc-niraj rimayta rimaptinpis, willaparan. ⁷Runacunata wiyacächipya niran: «Tayta Diosninchita manchapacuy. Alliman churay. Payga llapan runapa shungunta musyapan. Shiminta wiyacujcunata janaj pachaman shuntacunga. Mana chasquicujcunatam ichanga

ñacayman jitarpunga. Tayta Diosninchipa janaj pachatapis, cay pachatapis, yacupa ñawincunatapis camarän. Camacujta manchapacuy.»

⁸Jipanta shamuj anjilna cushish niran: «Babilonia marca ushyacäcushana. Chay runacuna jatun-tucursi, illaricäcushana. Marca-pingay cawar, Tayta Diosninchita ullgüchiran. Majanta janapachij-jina chay-tucuychu runacunata shacyächiran Tayta Diosninchita apärinanpaj, jucha aparicuyllaachu arur, upyallar cawanapaj.»

⁹Jipantapis juc anjilna wiyacächipya niran: «Quiquin waräcuytapis, waräcuyman ricchacujtapis manchapacujcunata urcunmansi, maquinmansi chäpacujcunataga ¹⁰mana cuyapällar Tayta Diosninchipa ullgüpanga. * Pitapis macharcachir magaj-jina Tayta Diosninchipis ñacachinga. Anjilnincunapa ricay ñawinchu, Uyshapa ricay ñawinchu asujriyuj ninachu ñacanga. ¹¹Pagas-junajpis mana ushyacällar rupartin, waran-waran jushtay jataranga. Quiquin waräcuytapis, waräcuyman ricchacujtapis manchapacur chäpacujcuna pagas-junajpis jamaytasi mana taringachu. Ratataycaj ninachu rupa, mana imaysi ushyacangachu.» ¹²Chaynuy caycaptin, Tayta Diosninchipa wawancuna llapan shungunwan ima ñacaytapis ichipunman. Tayta Diosninchipa shiminta wiyacunman. Jesúsapa maquinchu cawanman.

* **14.4–5** Chay wichan: «Warmin-warmin puricuj» ninanta Tayta Diosninchipita witicush runacunata ricsij. * **14.10** Griego rimaychu Tayta Diosninchipa ullguyninta juc cüpa binuwan tincuchij.

¹³Chaypita janaj pachapita nimuran: «Wiyashayquita isquirbiy. Cananpita Tayta Jesúspa maquinchu cawashanpita wañushcuna cushicärinman.» Espiritu Santupis aunimuran: «Paycuna mana ñacanganachu. Wiyacushpan ima-imata rurur cawashanta Tayta Diosninchipis musyaraycan.»

¹⁴Ricapacuynillächu jinalla ricapacuycarä. Runaman ricchacujtana ricarä. Yuraj pucutay jananchu juri curünash, aflash üsin aptash jamaraycämuran. ¹⁵Mayllatana Tayta Diosninchipa wasinpita llucshiramur, juc anjil pucutay jananchu jamaraycajta jayarcu niran: «Rigu pugushana. Llapantana rutuy.» ¹⁶Niptin, pucutay jananchu jamaraj runaman ricchacujga llapanta rutur, shuntaran.

¹⁷Jinarcur janaj pachachu Tayta Diosninchipa wasinpita juc anjilna aflash üsin aptash llucshiramuran. ¹⁸Llucshimuptin, juc anjilna llucshimuran. Payga insinsuwan saumachinanjaj tullpa ninata waycupacuj anjilcaran. Üsiyuj anjiltana jayacuran: «Übas pugushana. Aflash üsiquiwan llapanta pallay» nir. ¹⁹Chaynuy niptin, anjil llapanta pallaran. Jinarcur japchinanjaj jatun uchcuman wiñarcu, lluchcaran. Tayta Diosninchita ullgüchishanpita lluchcaran. ²⁰Marca wajtapi lluchcariptin, uchcupita yawar mayu chayash-jinaraj sujta chunca (60) liwacaman aywaran. * Cawallupa shingawatuncamanraj chayaran.

**Timpurij jishyata tacshimuj
janéhis anjilcunapita rimashan**

15 ¹Chaypita janaj pachaman ricar, mancharishcä. Tantiyayta mana atipashcächu.

Janéhis anjilta ricarä. Anjilcunapa maquinchu janéhis casta timpurij jishyacuna caycaran. Janéhis jishya runacunata ñacachiptinraj, Tayta Diosninchipa ullguynin jasangapaj. ²Yacu püsuta-nirajtapis ricarä. Ichanga chip-chippyaycaj chuya yacu-jina ricacuran. Ninawan tallush caycaptin, achic-achicyaycaran. Yacu jananchu waräcuya ichipujcuna ichirpaycaran. Paycunaga waräcuytapis, waräcuymän ricchacujtapis mana manchapacuranchu. Waräcuypa jutinwanpis mana chäpacuranchu. Chaypita Tayta Diosninchipa jucta-caman arpata juran. ³Paycuna Tayta Diosninchipa mandu-rurajnin Moisés unay cantashantapis, Uysha cantashantapis cantaycaran. Arpata tucapayllapa cantar niycaran:

«Taytallau Tayta, llapanpaj munayniyuj canqui.

Rurashayquiga llapanpis sumaj alli caycan.

Rurashayquita pipis mana rurmanchu.

Maquiquichu llapan runata purichinqui.

Pitapis allilla ricanqui.

Pitapis sumaj yanapanqui.

⁴ Tayta, llapan runa alliman churashunquiman.

Llapan allichu jurgushunquiman.

Juchaynaj cashpayqui alli cawayniquiman runa mana tincunchu.

Chaymi chay-tucuy marca-cunapita sharcamur, manchapacushunquipaj.

Allillata rurur cawashayquita llapan runa ricasha.»

* 14.20 Pichga junaj, sujta junaj chaquillapa puriynuy yawar aywaran.

⁵Jinarcu janaj pachaman ricäripti, Tayta Diosninchipa wasi rurin-caj puntu quiçhacäcamuran. Wasiga purichina jiru çhaqui wasin caran. ⁶Ruri-caj cuartupitana jançhis anjilcuna llucshiramuran. Maquinçu jançhis casta timpurij jishyacuna caycaran. Anjilcunapa müdanan achic-achicyaycaran. Jasgu waçhcunpis juripita caran. ⁷Intiru janançu ñawiyuj cawaj-cunana jançhis anjilcunata jucta-caman juripita tasunta juran. Tasunga Tayta Diosninchipa ullguy-ninman tincun. Payga imay-imaypis cawan. ⁸Munayniyuj captin, manchapacuyta captin, wasintapis jushtay niticurcuranraj. Chaymi pipis mana yaycuranchu. Jançhis anjilcuna purichishan jançhis timpurij jishya runacunata ñacachiptinraj, yaycuran.

16 ¹Chaypita wiyapti, Tayta Diosninchipa wasinpitana jançhis anjilcunata wiyacächipya nimuran: «Ayway. Llapaniqui runacunata ñacachimuy. Tasunniqicunapita ullguynita runacunaman tacshimuy.»

²Chaymi juc anjil aywar pachaman tasunninta tacshiriptin, waräcuypa jutinwan chäpacush runacunata, waräcuymán ricchacujta manchapacujcunata juyu jiri charicurcuran. Jiriwan runacuna chigaypa ñacaran. Llapan runata ushyaran.

³Juc anjilna tasunninta lamar yacucunaman tacshiriptin, wañush runapa tintish yawarninman ticracuriran. Yacuçu cawajcunapis llapallan wañuran.

⁴Juc anjilna tasunninta tacshiran mayucunaman, yacupa ñawincunaman. Chay yacucunapis

yawarman ticracuriran. ⁵Jinarcu llapan yacucunata maquinçu purichij anjil nimuran:

«Taytallau Tayta,
Cawajmi canqui.
Imaypis mana ushyacajmi
canqui.

Juchaynaj cashpayqui alli
cawayniquiman runa mana
tincunchu.

Llapan runapa shungunta
musyapanqui.

Juchata aparicushanpita
ñacachir, allita ruranki.

⁶Chiqui runacuna wawayquicunata-
tapis, willacujniquicunata-
tapis, wañuchisha.

Yawarnintapis mashtasha.

Quiquincunatana yawarta
upuchishcanqui.

Aynin cutichinayqui camacasha.»

⁷Tullpa wajtanpitana wiyacächipya
nimuran:

«Taytallau Tayta, allita
ruraycanqui.

Llapanpaj munayniyuj canqui.
Rurashayquiga llapanpis sumaj
alli.

Rurashayquita pipis mana
ruranmanchu.

Runacunata juchanman-tupa
ñacaycächinqui.»

⁸Juc anjilna intiman tasunninta
tacshiriptin, inti juyupa shanar
runacunata rupan. ⁹Inti rupap-
tinsi, runacuna juchanpita mana
wanacuranchu. Munayniyuj Tayta
Diosninchitasi mana manchapacu-
ranchu. Manchäga timpurij jishyata
cachamushanpita ashllir ushyaran.

¹⁰Juc anjilna waräcuypa
marcanman, wasinman tasunninta
tacshiriptin, waräcuypa wasinpis,
marcanpis chacacäcuran. Runacuna

alläpa ñacar, jalluntapis canicurcu-sharaj. ¹¹Chaypis jucha aparicuyta mana cachariranchu. Mana wanacu-ranchu. Manchä jiri ushyaptin nanaywan ñacar, Llapanta Camaj Tayta Diosninchita ashllir ushyaran.

¹²Juc anjilna Éufrates jatun mayuman tasunninta tacshiriptin, mayu chaquicäcuran. Chaymi inti llucshimunan marcacunanpita murucucunapis mandajnintin chayapunanpaj chapa mana caranchu. ¹³Chaypita säpu-niraj quimsa supaycuna pugush curupa shiminpita, waräcuypa shiminpita, pantachicujpa shiminpita llucshiyäcämuran. ¹⁴Shapshicucuna munayniyuj car, imatapis ruraran runacunata riguichinanpaj. Llapan marcapa mandajninuncunata shuntaran llapanpaj Munayniyuj Tayta Diosninchitan maganacunapaj. Llapan runapa juchanta jurgapunan junaj chayamuptin, Tayta Diosninchita ichipuyta munanga.

¹⁵Washäcuj Jesús nimashanchita jungarunquiman. Pay nirunaj: «Sumaj tantiyacunquiman. Mana yarpashpita cutimushaj. Chaymi cushicärinquiman. Wiycamajcuna allillata rurari, camaricushalla cawanman. Paycunata alli ñawinpa Tayta Diosninchita ricanga. Mana wiycamajcunatam ichanga pingayman churanga. Paycunata ricaytapis mana munangapishchu.»*

¹⁶Chaura supaycuna marcapa mandajninuncunata shuntaran «Harmaguedón» nishan pachachu. Hebreo rimaychu: «Harmaguedón» ninanga: «Meguido puntacuna» ninanmi.

¹⁷Juc anjilna wayraman tasunninta tacshiriptin, Tayta Diosninchita

wasi rurinpita, jamarashanpita wiycächiyta nimuran: «Llapantapis charcushcäna.» ¹⁸Niptin, räyu bunruruypa-bunrurur pashtamuran. Illagupis achicyappa achicyaran. Pachapis juyupa sicsicyacurcun. Cay pacha camashanpita-pacha imaypis mana tapsishan-jina tapsiran. ¹⁹Babilonia runacuna juchachu arushanpita Tayta Diosninchita ullgucäcuran. Juyupa ñacachiran. Marcanpis quimsaman raçhicäcuran. Marcacuna chay-tucuychu juçhur ushyacaran. ²⁰Islacunapis, puntacunapis illaricäcuran. ²¹Runtu tamyapis juyupa tamyamuran. Runtuga chuscun arüba-yupay lasaran. Runtu tamy runaman shicwamuptin, chigaypa ñacachiptin, runacuna Tayta Diosninchita ashllir ushyaran.

Babilonia runacunapa juchanta jurgapashan

17 ¹Chaypita jucninna tasun aptaraj anjil ñaupäman sharcamur, nimiran: «Runan-runan puricuj warmita, mayu tincujchu tiyajtaga, Tayta Diosninchita ñacachinga. Mä, ricäcamushun. ²Chay warmi llapan auturdäcunata chasquiräcusha. Runan-runan cacushan jillaywan auturdäcunata shincachisha. Chay-jina llapan runacunatapis maquichacusha.»

³Jinalla ricapacuyñillächu Espíritu Santu ricapacachimaptin, chunyaj pacha quinranman anjil pushamaran. Chaychu warmita ricarä. Warmiga jançhis umayuj, chunca wajrayuj puca waräcuypa wicharaycaran. Waräcuypa jananchu Tayta

* 16.15 Tincuchiyta rimar, griego rimaychu müdanayyujpäpis, jalapaçhalla purijpäpis riman.

Diosninchita ashllir pampaman
 éhurar, ima rimaycunapis isquir-
 biraycaran. ⁴Warmipa müdanan
 ratariycaj pucawan yawar puca
 caran. Piñincuna juripita, achic-
 achicyaycaj rumicunapita caran.
 Juri cüpatapis aptaraycaran.
 Cüpaçu asyajcunawan runan-runan
 purishan janracuna wiñaraycaran.
⁵Urcunéhuina quiquinpa jutín tincu-
 chiyllapa isquirbiraycaran:

«Jatun marca Babilonia caycä.

Runan-runan puricujcunapa
 maman caycä.

Juchallaçu arujcunapa, asyaj-
 cunapa maman caycä.

Cay pachaçu pipis mana
 aypämanchu» nir.

⁶Ricapaycashäçu warmi mačhash
 caycashanta tantiyacurishcä. Jesús pa
 shiminta wiyacujcunapa yawar-
 ninwan mačhash caycaran. Wiyacuj-
 cunataga Jesús pa maquillanču
 cawashanpita wañuchish caran.
 Chaycunata ricar, juyupa
 mancharicäcurä. ⁷Chaura tanti-
 yayta mana atipapti, anjil nimaran:
 «¿Imanirtaj mancharinqui? Cananga
 waräcuyta wícharaycaj warmi
 imaman tincushantapis, jančhis
 umayuj, čunca wajrayuj waräcuy
 imaman tincushantapis tantiyachi-
 shayqui. ⁸Ricashayqui waräcuy caway-
 caran. Ichanga mana cawannachu.
 Chaypis chacaj pachapita llucshimur,
 ushyacayman čayangapaj. Ricari-
 mushanta ricar, llapan runa mancha-
 ringa; ichanga mana llapanchu.
 Manchäga unay-unaypita-pacha
 Tayta Diosninchipa acta librunču
 jutincuna mana apuntaraj runacu-
 nalla mancharinga. Waräcuy unayna
 cawaycarsi, mana cawannachu.
 Chaypis yapay ricarimungapaj.

⁹«Mayganiquipis yarpayniyuj
 car, pipaj rimashätapis tantiya-
 cunquipaj. Waräcuy wícharaycaj
 warmi juc marcawan tincun. Chay
 marca jančhis puntayuj car, jančhis
 umamanpis tincun. Jančhis mandaj-
 cunamanpis tincun. ¹⁰Pichgaj
 mandajcuna mayna wañucusha.
 Jucna mandaycanna. Juc-caj
 mandajmi ichanga cargunman
 mana čayanrächu. Čhayarpis,
 yupash watalla mandangapaj.

¹¹Puca waräcuyga mayna mandaran.
 Chaypis mandaj-masincuna
 wañuptin, yapay ricarimunga.
 Mandaj caymanpis čayangapaj.
 Chaypis ushyaypa illaringapaj.

¹²«Čunca wajracuna čunca
 mandajcunawan tincun.

Paycunam ichanga cargunta
 mana časquinrächu. Cargunta
 časquirpis, yupash junajlla
 waräcuyta mandäshingapaj.

¹³Llapanpis juc yarpaylla waräcuypa
 shungun munashanta ruranga.
 Llapan shungunwan, llapan
 callpanwan yanapänacunga.

¹⁴Mandajcuna waräcuy-ima Uyshata
 ticrapunga. Uysham ichanga
 llapanta ičhipunga. Paymi mandaj-
 cunapa mandajnín, auturdäcunapa
 mandajnín. Maquinču cawan jatun
 mandajcunapis, tacsha mandajcu-
 napis. Uysha ičhipuptin, Jesús pa
 shiminta časquicuj runacunapis
 alliču llucshinga. Paycuna Tayta
 Diosninchipa shungun munashan-
 nuylla cawan. Jayachish captin,
 maquinču cawan. Quiquin
 acracusha.»

¹⁵Jananmanpis anjil nimaran:
 «Runan-runan cacuj warmi
 jamarashanču tincuj mayucunaga
 chay-tucuy marcacunawan, achcaj

runawan tincun. Chay runacuna chay-tucuy marcacunachu tiyan. Juc-niraj-juc-niraj rimaycunatapis riman. ¹⁶Runan-runan cacuj warmita chiquir chunca mandajcunapis, waräcuypis ticrapunga. Warmiman tincuj marcata chayapur, imancunatapis jichunga. Jalapaçhallata jaguiycunga. Aychantapis waquinta micunga. Waquintana ushyaypa ruparachinga. ¹⁷Chaynuy cananta Tayta Diosninchichi camacächisha. Chunca mandajcuna waräcuypa yanapananpäpis shacyächisha. Tayta Diosninchichi shiminta willapäcushan-jina charcuptinraj, llapan shungunwan mandajcuna waräcuypa wiyacunga. ¹⁸Puca waräcuypa wicharaycaj warmiga jatun-caray marcawan tincun. May-chaychu tiyarpis, llapan mandajcuna paypa maquinchu purin.»

Babilonia marca ushyacashan

18 ¹Ricapacuynillächu ricapacuycaptillä, janaj pachapita achic-achicyaycar munayniyuj anjil yarpaycämuran. Sumaj achicyaptin, cay pachapis intiru achicyacurcuran.

²Cushicur, japariypa anjil niran:

«Babilonia marca ushyacärurna. Jatun marca carpis, chunyajna. Supaycunalla tiyaycan. Shapshicucunapa machayninman chayasha.

Janra siucacunapis, tucucunapis chaychu purin.

Asyaj uywacunapis wasichacusha.

³Babilonia marcapa mandajnin warmi llapan runata maquinchu charar, juchallaachu purichiran.

Maçhashta-jina cawachiran.

Majanta jananjachij-jina marcapa mandajnin warmi-llata mamachacuran. *

Chay-tucuy marca mandajcunapis paywan cacuran.

Marcapa mandajnin puchuy-puchuy jananchu cawaptin, rantipacujcunapis ricuyaran.»

⁴Chaypita jucna janaj pachapita wiyacächippa nimuran:

«Wawacuna, chay marcapita witicäriy.

Juchachu arujcunawan ama talluranquimanchu.

Timpurij jishya jamcunaman ama chayamunmanchu.

⁵Mana wiyacujcuna juchallan atipay caycan.

Tayta Diosninchichi ricashana.

Chay-chica juchata aparicushanta Tayta Diosninchichi musyaraycan.

⁶Jucha aparicushanman-tupu ñacayman chayachun.

Runacunata ñacachishan-jina juyupana ñacachun.

Jucta ñacachishanpita chigaypa ñacachun.

⁷Alli-tucushanpita chigaypa ñacachun.

Llapanpa jananchu cawashanpita pasaypa ushyapacächun.

Mandaj warmi yarpaj: «Llapan runata maquinchu puriyacächi.

Jucpa maquinchu mana imaypis purishächu.

Biyüda cayman mana imaypis chayashächu.

Llaquicuymannapis mana chayashächu» nir.

⁸Chay-niraj cashanpita timpurij jishyacuna chayapunga.

* **18.3** Tayta Diosninchichi witicujcunata majanta jananjachijwan tincuchin.

Illajpita yargaypis, ñacaypis,
wañuypis éhayapunga.
Nina llapanta ushyanga.
Tayta Diosnillanchi munayniyuj.
Paymi juchanta jurgapar,
ñacachinga.»

⁹Babilonia marcachu nina íchicur-
cuptinmi ichanga, llapan marcapa
mandajnincuna llaquicuywan
atar ninga: «¿Piwanraj cacushaj?
Silluta mana éhi micushänachu.»
Paycuna Tayta Diosninchita mana
manchapacuranchu. Manchäga
shungun munashallanta imatapis
ruraran. ¹⁰Chaura Babilonia
marcata ñacachiptin, mancharinga.
Carullapita ricar, wiguinpawanraj
atanga:

«Babiloniallau Babilonia,
Jatun marca carsi, ushyacayman
éhayashcanqui.
Mana yarpashpita ñacayman
éhayashcanqui» nir.

¹¹Babilonia marca mana captin,
llapan rantipacujcunapis: «¿Piraj
rantimäshun?» nir wiguinpawan
atangapaj. ¹²Purichishan juricunata,
jillaycunata, achic-achicyaj
rumicunata pipis mana rantinga-
nachu. Chaynuypis bayitacuna-
tapis, müdanacunatapis finu
captinsi, achic-achicyaycaptinsi
mana rantinganachu. Pirjümi
jirucunata, tullupita piñicunata, alli
jirucunata, brunsicunata, jirucunata,
¹³canilacunata, pirjümicunata,
binucunata, wiracunata, ñuchgu
machcacunata, rigucunata,
uywacunata, uyshacunata, cawallu-
cunata, cärucunata, shutirächishan
runacunata pipis mana rantinga-
nachu. Uywata-jina runata mana
rantinganachu. ¹⁴Chaymi marca
runacunata rantipacujcuna ninga:

«Cananga silluta mana
micunquipänachu.
Shunguyqui munashanta mana
tarinquipänachu.
Alli cawayniquipis
ushyacashana.
Llapan jillayniquipis
ushyacashana.»

¹⁵Rantipacujcuna imancuna-
tapis Babilonia marcachu ranticur,
ricuyaran. Marca ushyapacaptinmi
ichanga, mancharinga. Atar, aullar,
carullapita jayacunga:

¹⁶«Babiloniallau Babilonia, jatun
marca caran.

Jatun marca carsi, pishipa-
cuyman éhayasha.

Ñaupata mandaj car, achic-achic-
yaycaj puca müdanashalla
purisha.

Jillay piñicunawan achic-achic-
yaycaj rumicuna piñishalla
cuyayllapaj purisha. ¹⁷Chaypis
mana yarpashpita ushyapa-
cayman éhayasha.»

Babilonia marca ratariptin, büti
mayur purichijcunapis, büti purichij-
cunapis, bütiwan purijcunapis, ranti-
pacujcunapis carullapita ricapanga.

¹⁸Jushtay íchicurcuptin, juyupa
mancharinga. Jayacuringa:

«Babilonia marca runacuna
puchuy-puchuy jananchu
cawasha.

Chay marcaman maygan
marcapis mana tincushachu»
nir.

¹⁹Llaquicushpan umancunamanpis
úchpata wiñacunga. Atar
wagangapaj:

«Marcallau marca, jatun marca
caran.

Jatun marca carsi, ushyacayman
éhayasha.

Bütiyujcunapis, rantipacuj-
cunapis jillayllayquiwan
ricuyasha.

Chaypis mana yarpashpita ushya-
pacayman éhayasha.»

²⁰ «Janaj pachachu llapaniqui
jatunpa cushicärinquiman.

Tayta Diosninchipa wawan-
cunapis, cañhancunapis,
shiminta willacujcunapis
cushicärinquiman.

Ñacachishushayquiman-tupu
Tayta Diosninchipis ñacachi-
shana» nir.

²¹ Chaura munayniyuj anjil jatun
rumita lamar yacuman wicaparamur
niran:

«Rumita wicaparishä-jina
Babilonia marcatapis
wicaparish cangapaj.

Tayta Diosninchipa wicapaptin,
illaringapaj.

Pisi mana imaypis
ricangapänachu.

²² Chay marcachu mana pipis
tünapacunganachu.

Arpapis, pincullupis, curnitapis
mana suynamunganachu.

Arucunapis mana canganachu.
Mañcatapis mana pipis
aganganachu.

²³ Achquitasi pipis mana
ratachinganachu.

Warmi ashiypis mana
canganachu.

Babilonia marca rantipacujcuna
sumaj ricuyaran.

May-chaychüpis chapata rural,
runacunata riguichiran.

²⁴ Babilonia marcachu Tayta Dios-
ninchipa shiminta willacuj-
cunatapis, wawancunatapis
wañuchir, yawarnintapis
mashtaran. May-chaychüpis

runacunata wañuchiran.
Chaynuy cashanpita ushya-
cayman éhayangapaj.»

Janaj pachachu cushicushan

19 ¹Chaypita achcaina
janaj pachaachu llapan
shungunwan cantar, nimuran:

«Cushiculläshun.

Tayta Diosninchita alliman
éhurayculläshun.

Payga washämäjninchi.

Paylla munayniyuj.

Chaymi Tayta Diosninchita
alliman éhurayculläshun.

² Payga llapan runapa shungunta
musyapan.

Juchaynajcunata washan.

Juchayujcunatam ichanga
ñacachin.

Runan-runan cacuj warmitapis

Babilonia marcantinta ushyasha.

Chay-tucuychu runacunata pinga-
cuyninwan juchacachishanpita
illarachisha.

Tayta Diosninchipa wawan-
cunata wañuchishanpitapis
ñacayman jitarpusha.»

³Yapayna janaj pachapita
callpaycur nimuran:

«Cushiculläshun.

Tayta Diosninchita alliman
éhurayculläshun.

Juyu marcata illarachisha.

Rupaptin, mana éhawaypa
jushtaypis íchiringa.»

⁴Ishcay éhunca éhuscuwan (24)
mayur runacunapis, éhuscu cawajcu-
napi jungurpacuycur, Tayta Diosnin-
chita alliman éhuran:

«Chaynuy cayculläshun.

Cushiculläshun.

Tayta Diosninchita alliman
éhurayculläshun» nir.

⁵Tayta Diosninchipa ñaupanpitana nimuran:

«Shiminta éhasquicujcuna llap-
llapanmi Tayta Diosninchita
alliman éhuraycullächun.
Manchapacujcuna pï carpis,
llap-llapanmi alliman
éhuraycullächun.»

⁶Chaypita räyu-jinaraj, éhayash
mayu-jinaraj, achcaj runa rimashan-
jinaraj wiyacaran. Wiyapti, nimuran:

«Cushiculläshun.
Tayta Diosninchita alliman
éhurayculläshun.

Payga llapan runata
maquinéchu purichin.

Llapanpaj munayniyuj.

⁷Llapanchi cushicärishun.

Llapan shungunchiwan
cushicärishun.

Payta alliman éhurayculläshun.
Majachacay junaj éhayamushana.
Uyshaga majachacaj müsuwan
tincun.

Shiminta éhasquicujcunana
majachacaj jipashwan tincun.

Paycunaga ricaj-ricajlla
shuyarpaycan.

Parlay-masinta müsu apacushan-
jina Uyshapis maquinéchu
cawananpaj shuntacunga.

⁸Shiminta éhasquicujcunata yuraj
müdanash achic-achicyaycar
shuyaränapaj Tayta
Diosninchita yanapaycan.

Manchapacur shungun munasha-
llanta rurashanpita yuraj
müdanashta alli ricashan-
jina Tayta Diosninchipis alli
ñawinpa ricaycan.»

⁹Chaypita anjil nimiran: «Llapan
wiyashayquita apuntay. Maquinéchu
cawananpaj Washäcuj Uysha
shuntaptin, jatunpa runacuna

cushicäringa. Parlay-masinta müsu
cushish shuntashan-jina wawan-
cunata Uysha shuntanga.»

Jananmanpis anjil nimiran:

«Willashajta quiquin Tayta
Diosninchita willamasha.»

¹⁰Nimaptin, jungurpacuycur
manchapacurä. Anjilmi ichanga
nimiran: «Ama manchapaca-
maychu. Ama jungurpacuychu.
Tayta Diosnillanchita alliman
éhurashun. Jesús pa shiminta
éhasquicuj-masiquicuna-jina,
jam-jina, nuwapis Tayta Dios-
ninchita maquinéchu cawä. Jesús
shacyächiptinraj, willacujcuna
shimintapis musyachin. Shiminta
éhasquicur, musyachicuycanqui.»

Llapanta íchipujpita rimashan

¹¹Chaypita janaj pachapa puncun
quicharaycamujta ricarä. Yuraj
cawallu muntarajtapis ricarä.

Muntarajpa jutin caran: «Tayta
Diosninchita shiminta willacuj.

Llapanta éharacuj.» Payga mandaj
carpis, magacuyman aywarpis,

allillata rurän. ¹²Payga ñawin
nina-jinaraj ratataypa rataycaran.

Umanéchu chay-chica curünata
ushturaycaran. Jutinpis jananéchu

isquirbiraycaran. Ichanga isquir-
bishanta quiquillan pashtachij.

¹³Müdanan yawarlla shututaycaran.

Payta ricsiran: «Tayta Diosninchita
shimin» nir. ¹⁴Chay-chicaj murucucu-
napis yuraj cawallunta muntacurcur
jatipämuran. Yuraj müdanancunapis

achic-achicyaycaran. ¹⁵Yuraj cawallu
muntarajpa shiminpita ishcanläpa

afilash cuchillu llucshiraycämuran.
Llapan marcata íchipur maquinéchu

purichir, jiru garutinwan

ñacachinga. Llapanpaj Munayniyuj

Tayta Diosninchita ullgüchishanpita übasta japchishan-jina runacunata ñacachinga. ¹⁶Racu échanca müdanan jananéchu isquirbiraycaran:

«Mandajcunapa mandajnin caycä.

Auturdäcunapa mandajnin caycä» nir.

¹⁷Chaypita inti jananéchu juc anjil ichiraycajta ricarä. Paymi aycha micuj cundurcunata, ancacunata, siucacunata jayacuran: «Llapallayqui shacallämuy. Tayta Diosninchí sumaj camarishan micuyta micunayquipaj jutucäriy. ¹⁸Tucuy-niraj runapa aychanta micunquipaj. Jatun auturdäcunapa aychanta, capitancunapa aychanta, murucucunapa aychanta, cawallucunapa aychanta, cawallun muntaraj murucucunapa aychanta micunquipaj. Runata uyway captinpis, pugush captinpis, mana alli ricash captinpis, alli ricash captinpis, llapanpa aychanta micunquipaj» nir.

¹⁹Chaura ricaycapti, waräcuypis, jatun mandajcunapis murucuncunawan-caman shuntacaran yuraj cawallu muntarajawan yuraj müdanash murucuncunata magananpaj. ²⁰Yuraj cawallu muntarajmi ichanga risu charircur cawaycajta asujriyuj ninaman waräcuytapis, pantachicuj willacujtapis jitarpuycuran. Pantachicujga imatapis rural, tucuy-jinanpa runacunata riguichiran. Waräcuyta manchapacunantapis, waräcuymán ricchacujta manchapacunantapis munaran. Pipis auniptin, waräcuypa jutinwan chäpash caran. ²¹Chaura yuraj cawallu muntarajga jatun mandajcunatapis murucuntinta wañuchir ushyaran. Shiminpita

llucshimuj cuchilluwan cuhuypa ushyaran. Jinarcu llapanpa aychanta aycha micuj cundurcunata, ancacunata, siucacunata jararan. Paycunana sacsashancaman micupäcuran.

Waranga watapita rimashan

20 ¹Chaypita ricäripti, janaj pachapita juc anjil racu cadinan aptash, chacaj pachapa lläbin aptash yarpuycämuran. ²Pugush curuta charircur, cadinawan wataran. Pugush curu «Satanás» nishan Supaymi. Paytaga waranga (1,000) watacaman wataycuran. ³Pitapis mana pantachinanpaj chacaj pachaman wíchgaycuran. Puncuta wíchgarcu, lläbircuran. Waranga wata éharcuptinraj, ichicllata puripacunanpaj cácharinga.

⁴Mandajcunapa jamanancunatapis ricarä. Jamanancunaman Washäcuj Jesústa mandäshijcuna jamacaycärriran. Chaynuypis waquin wañuyta tarijcunata ricarä. Paycunapa umanta rugush caran Jesúspa shiminta éhasquicushanpita, Tayta Diosninchipa shiminta wiyacushanpita. Paycunaga waräcuytapis, waräcuymán ricchacujtapis mana manchapacuranchu. Maquinman, urcunman mana chäpacuranchu. Paycunata Tayta Diosninchí cawarachimuptin, waranga (1,000) wata Washäcuj Jesústa mandäshiran. ⁵Waqin wañushcunam ichanga mana cawarimungachu waranga wata éharcushancaman. Chaypitaraj cawarimunga.

⁶Puntata cawarijcuna sumaj cushicärinman. Paycunaga Tayta Diosninchipa acracuyninmi. Maquillanéchu cawanga. Wañuymán

yapay mana cutinganachu.
 Manchäga cüra cayman éhuraptin,
 Tayta Diosninchipa shungun
 munashallanta, Washäcuj Jesúspa
 shungun munashallanta ruranga.
 Cay pachachu waranga (1,000) wata
 Jesústa mandäshinga.

⁷Waranga wata éharcuptinna,
 wíchgaraycächishanpita Supayta
 cačharinga. ⁸Supayna chay-tucuy
 purir, alli rimaj tumpaylla llapan
 runacunata pantachinga. «Gog»
 nishan quinranpitapis, «Magog»
 nishan quinranpitapis may-may
 murucucunata shuntanga Tayta
 Diosninchita magananpaj. * Juyu
 murucucunata agu-jina chay-chicaj
 captin, yupaytasi mana atipangachu.
⁹Murucucunaga chay-tucuy
 pitapis sharcamur, Tayta Diosninchipa
 wawancunata, cuyashan marcata
 yaycapuran. Chaypis janaj pachapita
 nina tamyä tamyamur, juyu
 murucucunata rupaypa ushyaran.
¹⁰Chaypita asujriyuj ratataycaj
 ninaman pantachicuj supayta jitar-
 puycuran. Chayllaču waräcuy-
 pis, pantachicuj willacujpis caycaran.
 Paycuna pagas-junajta ñacanga.
 Mana imaysi llucshinganachu.

¹¹Chaypita jatun-caray yuraj
 jamananču jamaraycajta ricarä. *
 Jamaraycajta manchacur, janaj
 pachapis, cay pachapis jishpi-
 curan. Illaricäcuran. ¹²Jinarcu
 wañushcunata ricarä. Mayur runa
 carsi, lluta runa carsi, llap-llapanmi
 mandajpa jamanan ñaupanču
 íchirpaycaran. Jamanan ñaupanču
 acta librucunapis quícharaycaran.
 Juc acta librupis quícharaycaran.

Chay libruču Tayta Diosninchipa
 maquinču cawajcunapa jutincuna
 isquirbiraran. Waquin librucunaču
 wañushcuna allita, mana allita rurar
 cawashanpis isquirbiraran. Tayta
 Diosninchina llapan wañushcunata
 tapuparan ima-imata rurar
 cawashantapis. ¹³Yacuču wañushcu-
 natapis, pamparashcunatapis, chacaj
 pachapita llucshimujcunatapis Tayta
 Diosninchipa llap-llapanata tapuparan
 ima-imata rurar cawashantapis.
¹⁴⁻¹⁵Wañuytawan chacaj pachatapis
 Tayta Diosninchipa shiminta mana
 chasquicujnintinta ninaman jaycu-
 riran. Ishcay cutipana wañuyman
 échayaran. Jipataraj wañuyman
 échayajcunaga ninaču ushya-
 caran. Paycunapa jutinta Tayta
 Diosninchipa acta librunču mana
 tariranchu. Chay actaču imay-
 imaycamanpis cawajcunapa jutincu-
 nalla isquirbiraycaran.

Mushuj cawaypita rimashan

21 ¹Chaypita cay pachatapis,
 janaj pachatapis mushujta
 ricarä. Ricashanchi pachapis,
 ricashanchi janaj pachapis mayna
 illaricäcuran. Lamar yacupis mana
 carannachu. ²Tayta Diosninchipa
 achic-achicyaycaj marcantana
 ricarä. Marcanga mushuj Jerusalén
 marca caran. Janaj pachapita
 majachacänanpaj rucapäcush jipash-
 jina yarpucämuran. ³Mandajpa
 jamanan ñaupanpita sumaj
 wiyacächiypanimuran:

«Tayta Diosninchipa wasin
 caychüna canga.

Wawancunawan cawanga.

* **20.8** Ezequiel 38–39 * **20.11** «Jatun-caray yuraj jamananču jamaraycaj» ninanta tantiyan
 quiquin Tayta Diosninchipaj.

Maquinéchu paycuna puringa.
Tayta Diosnin cashpan mana
caçharingachu.

⁴ Shacyächiptin, wawancuna
imaypis mana llaquicunganachu.
Mana wañunganachu.
Mana wañupacunganachu.
Mana waganganachu.
Mana ñacanganachu.

Chaynuy caway ushyacäcushana.»

⁵ Mandajpa jamananéchu jamarajna
nimuran: «Llapantapis mushujman
ticrachí. Rimashácuna rasun-caj.
Llapanpis çharcucanga. Chaymi
rimashácunata isquirbiy.»

⁶ Jinarcu nimaran: «Yarpashäta
llapanta çharcushcä. Nuwaga imay-
imaypis cawaj cä. Imaypis mana
ushyacashächu. Llap-llapantapis
camacächij cä. Chaymi pisi imay-
imaycamanpis cawayta munar,
nuwaman shamuchun. Cawachicuj
yacuta cushishalla tarichishaj. ⁷Jucha
aparicuyta ichipujcunata irinsanta
raquipushaj. Paycuna Taytachaca-
manga. Nuwapis wamrachacushaj
maquiéchu cawanapaj. ⁸Jucha apari-
cuyta mana ichipujcunatam ichanga
ratataycaj ninaman jaycurishaj. Llapan
shimäta mana wiyacujcuna, marca-
pingay cawajcuna, wañuchicujcuna,
pi-maywanpis cacujcuna, musyapa-
cujcuna, jirca jarajcuna, llullacujcuna
ninaéchu ushyacanga. Chay-nirajcunata
asujriyuj ratataycaj ninaman jitar-
pushaj. Ishcay cutipana wañuyman
çhayanga.»

Mushuj Jerusalén marcapita rimashan

⁹ Chaypita timpurij jishyawan
tasunta charaj janéhis anjilcunapita

jucnin nimuran: «Mä, shamuy.
Uyshapa shiminta çhasquicuj
runacunata ricachishayqui. Parlay-
masinta müsü llaquipashan-jina
Uyshapis shiminta çhasquicuj-
cunata llaquipan.» ¹⁰ Espiritu
Santupa maquinéchu cashpä ricapa-
cuyñlläéchu jatun puntamanna anjil
pushamaran. Tayta Diosninchipa
Jerusalén marcanta ricachimaran.
Janaj pachapita, Tayta Diosninchipa
ñaupanpita yarpucämuran. ¹¹ Tayta
Diosninchipa achicyächiptin, marca
chillap-chillapyaycaran. Juri-jina,
ispiju-jina achic-achicyaycan.
¹² Marcataga jatun sawan tumapa-
raycaran. Sawanpa puncuncunapis
éhunca ishçaywan caran. Juc
puncupi-caman juc anjil täpaycaran.
Puncuncunaga jutiyuj-camalla caran.
Israelpa éhunca ishçaywan wamran-
cunapa jutinta aparan. ¹³ Quimsa
puncu caran jana-caj lädupa,
quimsana ura-caj lädupa, quimsana
diricha-caj lädupa, quimsana
isquirda-caj lädupa. ¹⁴ Sawantaga
éhunca ishçaywan rumicuna
tuncaraycaran. Rumicunaéhöna
juc-caman Uyshapa éhunca
ishçaywan caçhancunapa jutin
isquirbiraycaran.

¹⁵ Parlapämäj anjilna juri bärawan
marcata, sawanta, puncuncunata
tupuran. ¹⁶ Tupuptin, marcapa altunpis,
anchunpis, largunpis éhucu pachac
éhucu éhunca éhucuwan (444) liwa
caran. * Juc tupuylla caran. ¹⁷ Sawanpa
altunta tupuptin, sujta éhunca
pichgawan (65) mitru caran. Runa tanti-
yashan bärawan anjil llapanta tupuran.

¹⁸ Sawanga achicyaj rumiwan
pirgash caran. Marcana jurillapita

* 21.16 444 liwa 2,200 kilümitruwan tincun.

caran. Lūna-jina ricacaptin, llap-llapan ricacaran. ¹⁹Ĉhunca ishchaywan achic-achicyaj rumicuna sawanta tuncaraycaran. Juc rumi caran jasaj birdi, jucna asul, jucna bāyu, jucna ratariycaj birdi, ²⁰jucna puca shuyu, jucna yawar puca, jucna jarwash, jucna asul birdi, jucna ratariycaj jarwash, jucna chacaj birdi, jucna murādu, jucna rusilla. *

²¹Sawanpa puncuncunapis juc achic-achicyaycaj rumipita-camalla caran. Jatun cāllipis jurillapita caran. Lūna-jina ricacaptin, llap-llapan ricacaran.

²²Marcata ricapti, Tayta Diosninchipa wasin mana carannachu. Manchāga llapanpaj Munayniyuj Tayta Diosninchivan Uysha llapanpa ricay ñawinču caycaran. Quiquin-cunawan tincuj pipis aywanga. ²³Mushuj marca achicyānanpāpis intiwan quilla mana caranchu. Manchāga munayniyuj cashpan Tayta Diosninchichi achicyan. Uyshapis achicyan. ²⁴Tayta Diosninchipa marcan achicyashallanwan llapan runacuna cawanga. Llapan marcapa mandajñincunana allin-ninta apamunga Tayta Diosninchita jarananpaj. ²⁵Mana imaypis chacaptin, marcapa puncuncunapis imaysi mana wiĉgarangachu. ²⁶Runacunapis chay-tucuyypita llapan ima-aycancunata allinninta Tayta Diosninchipa ñaupanman jutunga. ²⁷Manacajcunatam ichanga mana yaucuchingachu. Marca-pingay cawaj-cunawan pantachicujcuna mana yaucungapishchu. Manchāga Uyshapa acta librunču jutincuna apuntarajcunalla yaucunga. Paycunaga imaycamanpis cawangapaj.

22 ¹Chaypita cawachicuj chuya mayuta anjil ricachimaran. Tayta Diosninchichi jamashanpita, Uysha jamarashanpita pashtaycāmuran. ²Marcapa jatun cālli ĉhaupinpa aywaycaran. Mayu cantuncunaču cawachicuj yūracuna iĉhirpaycaran. Quillaman-quillaman wayur, wataču ĉhunca ishchaywan cuti wayuran. Üjancunapis jampi caran llapan runapaj. ³Mana juyu ñawinpanachu wawancunatapis, imacunatapis Tayta Diosninchichi ricanga. Manchāga Tayta Diosninchipis, Uyshapis jamanallanču jamanga. Llapan wawancuna manchapacunga. ⁴Tayta Diosninchipa ñaupanču cawar, quiquinwan tincunga. Urcunuchucaman Tayta Diosninchipa jutinpis chāparanga. ⁵Pachapis mana chacanganachu. Tayta Diosninchichi achicyapaptin, intipis, ima achquipis mana pishinganachu. Wawancunana Tayta Diosninchivan, Uyshawan imaycamanpis mandanga.

Washäcuj Jesús cutimunapita willapashan

⁶Chaypita anjil nimiran:
«Rasullanta willashcaj. Llapanta ĉharcunga. Shiminta willacujcunata shungun yarpashanta Tayta Diosninchichi musyachin. Cananga jamcunata willaj caĉhamasha. Llapan camacächishanta ĉharcungapaj. Mana aycāllatana ricashunpaj. ⁷Jesúsna nin: «Sumaj wiyacuy. Shaycamūna. Cay libru rimashanta ĉhasquicujcunata Tayta Diosninchichi yanapanga. Chaymi cushicārinquiman.»»

* **21.20** Griego rimayču rumipa culur jutincuna isquirbiraycan.

⁸Nuwa Juan, llapanta wiyashcă. Ricashcă. Llapanta wiyarpis, ricarpis, ricapacachimaj anjilta manchapacunăpaj jungurpacuycură. ⁹Anjilna nimiran: «Ama manchapacamaychu. Ama jungurparaychu. Quiquin Tayta Diosninchita manchapacuy. Paypa maquinchu willacuj-masiqicunapis, cay libru rimashanta wiyacujcunapis, nuwanchipis cawanchi.»

¹⁰Jananmanpis nimiran: «Willapashajcunata ama pacarăchinquichu. Manchăga libru rimashanta llapan runata tantiyachinqui. Llapanpis manasi aycăllatana čharucan-gapaj. ¹¹Chaymi juchallaču aruyta munar, pipis juchallaču arucuchun. Pingayču cawayta munar, pipis pingayllaču cawacuchun. Tayta Diosninchipa shungun munashanta rurajcunam ichanga allillata ruranman. Tayta Diosninchipa maquinchu cawajcuna sumaj wiyacur cawanman.»

¹²Jesúsna nin: «Sumaj wiyacuy. Shaycamüna. Llapan runapa shungunta musyapă. Imanuy-imanuy cawashanpita llapanpis čhasquinga. ¹³Nuwallam imay-imaypis cawacuj că. Imaypis mana ushyacashăchu. Llap-llapanapis camacăchij că. Nuwallapita llapanpis jallarisha. Nuwallapita llapanpis ushyacanga.

¹⁴«Müdanata tacshaj-yupay runapis juchanpita mayllash captin, Tayta Diosninchita camacăchinga mushuj marcaman yacunanpaj, imaycamanpis cawachicuj yürapa wayuyninta micunanpaj. Chaypitam paycuna cushish cawanga. ¹⁵Allgu-jina juchaču aruj runacunatam ichanga marcaman mana yaycuchingachu. Chaynuypis musyapacuj-

cunata, jirca jarajcunata, jucwan-jucwan puricujcunata, wañuchij-cunata, jircacunata manchapacuj-cunata, alli shimillanpa pantachicuj-cunata mana yaycuchingachu.

¹⁶«Nuwaga Jesúsmi caycă. Anjilnita căchamushcă jutucaj irmănucunata shimita musyachinanj. Unay mandaj Davidpa castallanpita yurishcă. Paypa willcan caycă. Waraj istrilla-jina alli willapata apamushcă.»

¹⁷Espíritu Santupis, llapan irmănucunapis nin: «Tayta Jesús, shamuyňa.» Wiyajcunapis llapaniqui ninquiman: «Shamuyňa, Tayta.»

Yacunaywan wañur, Tayta Diosninchita mañacunquiman. Payga cawachicuj yacuta cushishalla tarichishunqui.

¹⁸Tayta Diosninchita camacăchinanta sumaj tantiyacărinquiman. Cay libru rimashanman pipis shungun yarpashanta yapaptin, jančhis casta timpurij jishyawan Tayta Diosninchita ñacachinga. Timpurij jishyapita cay libruču isquirbiraycan. ¹⁹Cay libru rimashanpita imatapis pacaptin, ñaupanman pitapis Tayta Diosninchita mana čhayachingachu. Cay libru rimashannuylla marcanman mana yaycuchingachu. Cawachicuj yürapa wayuynintapis mana micuchingachu.

²⁰Caycunata musyachicurna, Jesús nin: «Manasi aycăllatana shaycamü.»

Chaura nuwapis ni: «Chaynuy caycullăchun. Tayta Jesús, shamuyňa, ari.»

²¹Chayllata willapărij. Llaquipăcuj Tayta Jesús llapaniquita yanapaycullăshunqui, ari.

Tantiyacunanchipaj

Abraham

Abraham unay runa caran. Tayta Diosninchiman sumaj yupachicuran. Warmin Sara wawata mana tarij warmi caran. Ishcanpis chachana caran. Chaypis Abrahamta aunir, Tayta Diosninchin niran: «Wamrayquipita yurijcuna yupaysi mana atipaypaj miranga.» Chaynuy niptin Abraham auquin caycarsi, Tayta Diosninchin aunishan éharcucänanta yupachicuran. Chaymi aunishannuylla warmin Saraçu Abrahampa wamran yuriran. Wamranta jutichaparan: «Isaac» nir.

Isaacpa wamrancuna caran Esaúwan Jacob. Jacobpa wamrancunana éhunca ishcaýwan (12) caran. Paycunapa wamrancunapis chay-chicaj caran. Chaynuyapa Abrahampita mirajcuna achcayar marcayaran. Paycunata ricsiran: «Israel runacuna» nir. Abrahampita musyayta munar, liguinqui: Génesis 12.1–25.11.

Agripa

Ishcaj mandaj «Agripa» jutiýuj runa caran. Paycunapa auquillun caran jatun mandaj Herodes. Chaymi willcan mandaj cayman éhayaptin, ricsiran: «Herodes Agripa 1» nir. Paypa wamrantana ricsiran: «Herodes Agripa 2» nir.

Mandaj Herodes Agripa 1 Samaria marca runacunatapis, Judea marca runacunatapis maquinchu purichiran. Payga alli ñawinwan Israel runacunata ricaran. Moisés

shimin nishantapis éharcur cawaran. Wañucushanpita rimant: Hechos 12.19–23.

Mandaj Agripa 1 wañucuptin, wamrantana alli ñawinwan Roma marca mandaj Claudio ricaran. Chaymi «Calcis» nishan tacsha marcata Agripapa maquinman éhurarán. Jipataraj waquin Galilea marcacunatapis mandaran. Chaypita Judea marcachu mandaj cayman Poncio Festo yaycuptin, mandaj Agripa 2 wamayaj aywaran. Chaychu Agripatawan waquin auturdäcunata imanuyapa Jesucristuta éhasquicushantapis Pablo willaparan. Mandaj Agripawan mandaj-masin Festo tincushanpita musyayta munar, liguinqui: Hechos 25.13–26.32. Masta musyayta munar, «**Herodes**» nir isquirbirashantapis liguinqui.

Anjil

Griego rimaychu: «anjil» ninanta: «cacha» nin. Anjilcuna janaj pachaçu, Tayta Diosninchipa ñaupanchu cawan. Paypa cachan car, runacunaman caçhacun shungun yarpashanta musyachinanpaj, munashantapis camacächinanpaj. Chaymi Maríaman juc anjilta caçharan: «Jampita Jesús yuringa» nir musyachinanpaj.

Jesús cay pachaçu cawaptin, anjilcuna sumaj ricaran. Jesúsman yupachicujcunatapis anjilnincunawan Tayta Diosninchin sumaj

rican. Anjilpita musyayta munar, liguinqui: San Mateo 1.20–25; San Lucas 1.8–38; Hechos 12.6–11.

Artemisa

Éfeso marcachu runacuna «Artemisa» jutiuyuj jircata manchapacärij. «Mamanchi Artemisa munayniyuj» nir, alliman churaj. Wamrata tarinanpäpis, uywan mirananpäpis, murupacushan sumaj wayunanpäpis Artemisa jircata mañacuj. Paypa wasin sumaj alli caran. Alli cayninman waquin jircacunapa wasin mana tincurancho. Artemisapita musyayta munar, liguinqui: Hechos 19.21–41.

Balaam

«Balaam» jutiuyuj runa Tayta Diosninchipa willacujnin caran. Chaypis Moab marcapa mandajnin Balac Israel runacunata ichipuyta munar, Balaamta jillayta jutupuran chapata rurananpaj. Achcanpa jutupayta munaptinsi, Balaam chapata mana rurarancho. Tayta Diosninchi: «Yapay jayashuptiqui, ayway» niptinraj, Moab mandajcunata aywäshiran. China bürunta muntacurcur aywaycaptin, anjilninwan Tayta Diosninchi chaparan. Bütutapis rimachiran. Chaymi Balaam quimsa cuti Israel runacunapaj Tayta Diosninchita mañacupuran. Mandaj Balac munashan mana camacaranchu. Balaampita musyayta munar, liguinqui: Números 22.1–24.25; 2 San Pedro 2.15; San Judas 1.11; Apocalipsis 2.14.

Büti

Yacu janampa aywanpaj runacuna bütita rurán. Jesús cawashan wichan

jirupita bütita ruraj. Artisa-niraj caran. Jiruta chacrarcur bayita-niraj tulduwan chapaj. Wayraptin, chayllawanna yacu janampa aywaj. Chaymi runacuna bütowan purij piscäduta charinanpaj, juclä marcapa aywananpaj, lamarta chimpanpaj. Bütipita musyayta munar, liguinqui: San Mateo 4.18–22; 8.23–27; San Marcos 1.16–20; San Lucas 5.1–11; San Juan 6.16–21; Hechos 27.1–28.16.

Camillu

Israel quinranchu jatun-caray «camillu» nishan uywata runacuna uywan. Camillucuna chaqui pacha quinranchu cawan. Llamapis, alpäcapis chay castapitash, ichanga camillupita mas tacshallash. Camillu lasaj jipicunata cargapaptinsi, runacuna muntacuptinsi, mana uticanchu. Yacunaytapis sumaj ichipun. Camillupa ajchan puchcana. Awaptin, jachga. Chayllapitash Ushyachicuj Juanpa müdanán jirash caran.

Canaán marca

Canaán marca inti jigaramunan Mediterraneo lamar cantuncho caycan. Chay marcapa juc-caj jutin caran: «Palestina.» Chay quinrancho ima murupis sumaj wayun. Uywacunapis sumaj miran. Chay marcachu Tayta Diosninchi Abrahamta tiyachiran. Caldea quinran Ur marcachu juyaptin, Tayta Diosninchi niran: «Abram, juc chacrachu tiyachishayqui. Chay marcaman llapan castantiqui aywacuy. Chay chacra wamrayquicunapaj imaycammansi canga» nir. Jipataraj aunishan-nuylla Abrahampa willcancuna chay

éhcacáchu, chay marcacunaáchu tiyaran.

Abrahampa willcan Jacobta Tayta Diosninchí jutichaparan: «Israel» nir. Jacobpa wamrancunatana ricsiran: «Israel runacuna» nir. Chaypita canancamanpis chay marcata ricsin: «Israel marca» nir.

Cüra

Bibliaáchu ishca casta «cüra» nishan runacunapita riman. Waquin runacuna jircacunata manchapacuj. Chaymi paycunapa cüran jircata jaran. Israel runacunam ichanga Tayta Diosninchita manchapacuj. Paypa maquináchu cawaj. Paywan alli ricanacuyta munaj. Chaymi cüracuna marca-masincunapaj Tayta Diosninchita mañacupuj. Cuyachi-cuynincunatapis, jaraynincunatapis Tayta Diosninchita jaraj runacunapa juchanta jungacächinanpaj.

Israel marcaáchu cüracuna «Leví» nishan castallapita caran. Chaypis quimsa casta cüra caran. Mayur cüra llapan cüra-masincunatapis, Israel marca-masincunatapis maquináchu purichij. Cüracuna Tayta Diosninchipa wasináchu aruj. Payta jaraj. Marca-masincunatapis sumaj ricaj. Yanapäcuj cüracunapis caran. Paycunata ricsiran: «Leví» nir. Llapan cüracuna Israel marca-masincunata tantiya-chiran Tayta Diosninchipa shungun munashannuy cawananpaj. Chay-jina Jesúspis mayur cüra cayman échayar, Tayta Diosninchipa ñaupánchu mañacapaycämanchi. Cüracunapita musyayta munar, liguinqui: Éxodo 28.1–31.18; Levítico 8.1–36; 21.1–22.33; Números 18.1–32; San Mateo 12.1–8; San Lucas 1.5–25; 3.1–2; Hebreos 7.1–28.

David

David Israel runacunapa mandajnín caran. Belén marcaáchu yuriran. Müsu car, taytanpa uyshancunata michij. Chaypis Tayta Diosninchí acracuran mandaj cayman échayanapaj. Cargunman yaycuptin, Tayta Diosninchí sumaj yanaparan. Chaypita Israel runacuna mandaj Davidta sumaj alli ricaran. Jipataraj Davidpa willcanpita Jesús yuriran. Mandaj Davidpita musyayta munar, liguinqui: Rut 4.13–22; 1 Samuel; 2 Samuel.

Diyawarda

Diyawardata runacuna sumaj rican. Chay junaj jaman. Israel runacuna säbadu junaj jaman: «Tayta Diosninchí cay pachatapis, janaj pachatapis camayta ushayaycur, jamaran. Jamashanjina nuwanchipis jamananchi» nir. Jipataraj waquin runacuna dúngu junaj jaman: «Taytanchi Jesús dúngu junaj cawarimusha. Chay junaj jamananchi camacan» nir. Diyawardapita musyayta munar, liguinqui: Génesis 2.1–3; Éxodo 16.27–30; 20.8–11; 31.12–17; San Lucas 6.1–11; San Juan 5.1–18; Colosenses 2.16–17.

Espíritu Santu

Espíritu Santu quiquin Tayta Diosninchí. Unayga shungun munashanta camacächinanpaj acracushan runacunata charicurcuran. Charicurcuptin, Israel marca-masincunata washaran. Yanaparan. Maquináchu purichiran. Tayta Diosninchipa shiminta willapar, shungun munashannuy cawananpaj shacyächiran.

Jipataraj Jesús janaj pachaman cutir, Espíritu Santuta caçhamuran irmänucunata yanagänanpaj, maquinchu purichinanpaj. Payga Tayta Diosninchipa yarpashan-tapis shungunchiman çhayachin. Espíritu Santupita musyayta munar, liguinqui: San Mateo 28.19–20; San Juan 16.12–15; Hechos 2.1–13; Romanos 8.26–27.

Faraón

Unay Egipto marcapa mandajnin-cunata: «Faraón» nir ricsij. Jacobpa wamran Joséta wauguincuna ranti-cuptin, juc faraónpa maquinchu cawaran. Jipataraj juc faraón sumaj ñacachiptin, Israel runacunata Tayta Diosninchipa washaran. Egipto marcapita, faraónpa maquinpita Moiséswan jishpichiran. Faraónpita musyayta munar, liguinqui: Génesis 12.10–20; 39.1–50.26; Éxodo 1.1–15.19; Hechos 7.9–36; Hebreos 11.23–27.

Fariseu runacuna

Israel marcachu waquin runacuna Moiséspa shiminta sumaj-sumaj çharcuyta munaran. Chay-niraj runacunata ricsiran: «Fariseu runacuna» nir. Jipata fariseu runacunawan Jesús tincupänacuj. Chaymi Jesús niran: «Jamcuna Moiséspa shiminta sumaj çharcuyta munanqui. Moiséspa shimin Tayta Diosninchipa shimin caycap-tinsi, shungun munashannuy mana cawanquichu. Mana llapan shunguyquiwanachu manchapa-cunqui. Runa-masiquicunatapís mana llaquipanquichu» nir. Fariseucunapita musyayta munar, liguinqui: San Mateo 3.1–12;

9.10–17; San Marcos 7.1–13; San Lucas 7.36–50; 11.37–54; Hechos 23.1–11.

Félix

Pablo cawashan wichan Israel-masintin mandaj Félixpa maquinchu cawaran. Félixga Roma runa cashpan llapan Judea quinranchu tiyaj runacunata maquinchu purichiran. Mandaj Félixpita musyayta munar, liguinqui: Hechos 23.23–24.27.

Griego rimay

Canancaman «Grecia» nishan marca caycan. Chay marcachu tiyaj runacuna «griego» nishan rimayta riman. Jesús yurinanpaj quimsa paçhac quimsa çhuncawan wata-ima (330) pishiycaptin, Grecia marca murucuncunawan «Alejandro Magno» nishan mandaj runa Israel marcacunaman yaycapuran. Israel runacunata içhipur, maquinchu purichiran. Chaypita waquin Israel runacuna griego rimayta yaçhacuran. Waquinna arameo rimayllata rimaran. Chay wichan griego rimayman ticrachir, Antiguo Testamintuta isquirbiran. Jipataraj Mushuj Testamintuta griego rimaychu isquirbiran. Griego rimaypita musyayta munar, liguinqui: Hechos 6.1; 9.28–29; 21.37–39.

Hebreo rimay

Israel runacunapa rimayninta Canaán marcachu tiyashanpita ricsiran: «Canaán rimay» nir. Ichanga quiquinpa rimayninchu pashtachir: «Hebreo rimay» nij. Juc rimaypís chay-niraj captin,

ricsij: «Arameo rimay» nir. Jesús cawashan wichan griego rimay-tapis, arameo rimaytapis runacuna rimaran.

Herodes

Mushuj Testamintuta liguir, chuscu casta «Herodes» jutyuj runata tarinchi. Paycuna taytanpita Herodes castalla caran. Jesús yurishan wichan mandaj Herodesta ricsiran: «Herodes Magno» nir. Payga istrilla tantiyajcuna: «Juc Israel mandaj yurisha» niptin Jesústa wañuchiya munar, Belén marcachu llapan ullgu iticunata wañurachiran. Paypita musyayta munar, liguinqui San Mateo 2.1–20.

Herodes Magno wañuuptin, Herodes Antipasna mandaj cayman yaycuran. Paymi Galilea marcacunatawan Perea marcacunata maquinchu purichiran. Ushyachicuj Juanpa umantapis ruguchiran. Jesústa wañuchiya munar, Herodes Antipasmanraj Israel mayur cūrapis, cūracunapis, mayur runacunapis Jesústa aparan. Paypita musyayta munar, liguinqui: San Mateo 14.1–12; San Marcos 6.14–29; San Lucas 23.6–12.

Chaypita punta-caj Herodes Agripa mandaj cayman chayaran. Paymi Jesúspa cachan Santiaguta wañuchiran. Pedrutapis wañuchiya munar, carsilman wíchgachiran. Mandaj Herodes Agripa aycha curu ushyaypa wañuran. Paypita musyayta munar, liguinqui: Hechos 12.1–23.

Chaypita juc-caj Herodes Agripa mandaj cayman yaycuran. Paymi Roma marcaman Pabluta apachiran. Mana apachiptillan,

Jesúspita Pablo sumaj tantiyachiran. Chaypis Jesúspa shiminta chasquicuyta mana munaranchu. Herodes Agripapita musyayta munar, liguinqui: Hechos 25.13–26.32. Chaynuypis: «**Agripa**» nir isquirbira-shanta liguinqui.

Imamanpis ricchacuj

Waquin runa manchapacujcunata sumaj ricayta munar, imamanpis ricchacujta ruran. «Tayta jirca» nir, juripita, jillaypita, rumipita, jirupita rurariycur, imamanpis ricchacujta manchapacarin. Waquin marcacuna chu ruran runaman ricchacujta, uywaman ricchacujta, intiman ricchacujta, istrillaman ricchacujta. Yupachicushan jirca yanapánanta munar, cuyachicuy-nintapis, jaraynintapis jaran. Taytachacun. Alliman churashpan fiestata rurapun. Chay-niraj runacuna Tayta Diosninchita mana manchapacunchu. Mana yupachicunchu. Castillänu chu imamanpis ricchacuj jircata ricsin: «ídolo» nir. Musyayta munar, liguinqui: Hechos 7.41; 19.23–41; 1 Corintios 8.1–13; 2 Corintios 6.14–16.

Impuistu

Runacuna may-chaychu juyarpis, jucpa maquinchu cawan. Chaymi auturdänin mañuuptin, jillayta churanan camacan. Chayta castillänu chu ricsin: «impuistu» nir.

Unay Israel runacuna Tayta Diosninchipa maquillan chu cawayta munar, payllapaj churayta munaran. Roma marca auturdäpaj churayta mana munajchu: «Marcanchiman yaycapusha. Mana paypa mandaj-ninpitachu cawanchi» nir. Chaymi

Roma marcapaj impuistuta shuntaj runacunata chiquij. Mateupis Jesústa mana purishinancaman Israel-masincunapita Romapa marca mandajninpaj jillayta shuntaran. Impuistupita musyayta munar, liguinqui: San Mateo 9.9–13; 22.15–22; San Lucas 15.1. Tayta Diosninchipaj éhurashanpita musyayta munar, «**Tayta Diosninchipaj raquishan**» nir isquirbira-shantapis liguinqui.

Insinsu

Israel runacuna Tayta Diosninchitantiyachishannuylla insinsuta ruraran. Ricsish jáchacunapa wiguinpita, ricsish churupa jarachanpita cachiwan tallurcachir ruran. Insinsuta rupachiptin, asyaynin bunítulla asyan. Tayta Diosninchipa shungunmanpis tincun. Chaymi unaypita-pacha Israel cüracuna Tayta Diosninchita jarar, insinsutapis saumachij. Insinsuwan saumachiptin, jushtaynin altupa jatarishan-jina runacuna mañacushanpis Tayta Diosninchiman échayan. Canancamanpis waquin inlisyachu insinsuta saumachin. Insinsupita musyayta munar, liguinqui: Éxodo 30.34–38; Levítico 16.11–14; San Lucas 1.8–12; Hebreos 9.1–5; Apocalipsis 5.6–8; 8.3–4.

Israel runacuna

Israel runacuna Abrahampa willcan Jacobpita yurijcuna caycan. Jacobta Tayta Diosninchitajutichaparan: «Israel» nir. Jacobpa ullgu wamrancuna éhunca ishchaywan caran. Wamrancunapita yurijcuna llapan Israel runacuna caycan.

Éhunca ishchaywan castaman raquiraycan. Paycunapa jutincuna apuntaraycan Apocalipsis 7.5–8. Canancamanpis Israel runacunain: «Abrahampa willcan canchi.» Jesúspis Israel runa caran. Israel runacunapita musyayta munar, liguinqui: Génesis 32.2–32; 35.22–26; San Mateo 1.1–17; 3.7–10; San Lucas 3.7–9; San Juan 8.31–47; Hechos 7.1–53.

Jäpa runacuna

Israel runacuna castallanpaj yarpar, nin: «Nuwacunalla Tayta Diosninchipa wawan caycä.» Waquin runacunata juyu ñawinwan ricar, nin: «Jäpa runacuna. Tayta Diosninchitapis mana manchapacunchu.» Castillänuchu jäpa runacunata ricsin: «gentiles, paganos» nir.

Jaraéhu jishya

Unay Israel runacuna Tayta Diosninchipa ricay ñawinchüpis, runa-masimpa ricay ñawinchüpis alli cawayta munaran. Chaymi juchata aparicur: «Juyu ñawinwan ricamanga» nir wanacuj. Tayta Diosninchitapis jaraj juchanta mana yarparänapaj. Runa-masinwanpis alli ñawinwan ricanacunapaj ushyacächij. Jaraéhu jishya chariptinpis: «Tayta Diosninchiwantincunayqui mana camacannachu» nir, marcanpita Israel-masinta cüracuna jargurij yatalla juyänapaj. Jaraéhu jishya bayítatapis, jarachatapis, wasipa tapyantapis charij. Castillänuchu chay jishyata ricsin: «lepra» nir, «aypäcuj jishya» nir. Jaraéhu jishyapita musyayta munar, liguinqui: Levítico 13.1–59; 2 Reyes 5.1–14;

San Mateo 8.1–4; San Marcos 1.40–45; San Lucas 5.12–16.

Jesucristu

«Jesucristu» ninan ishca y rimaypita juc rimayllaman juclla-chash caycan. Mariapa wamran mana yuriptillan, anjilninwan Tayta Diosninchi jutinta musyachicuran: «Jutinta churapunqui: «Jesús» nir. Payga marca-masincunata jucha aparicuypita washanga.» «Washäcuj» ninanta griego rimaychu: «Cristu» nin. Hebreo rimaychüna: «Mesías» nin. Israel marcachu «Jesús» juti yuj runa achcaj caran. Musyayta munar, liguinqui: San Mateo 1.18–25; San Lucas 1.26–38.

Jirucuy

Chacrachu uywancuna ricsicänanta munar, rinrinta, chupanta catpin, ¿au? Chay-jina Abrahamta Tayta Diosninchi niran: «Munayniyuj Tayta Diosniqui caycä. Wiyacamanquiman. Shungü munashannuylla cawanquiman. Nuwaga aunishänuyllam sumaj yanapashayqui. Wamrayquipis, willcayquipis manasi atipaypaj miranga.» Jinarcu lapan ullgu wamrapa ishpacunanpa jarachallanta cuchuparinanpaj tanti-yachiran: «Nuwapam canqui. Chaymi wamrayquitapis, willcayquitapis jirucachinman maqui chu cawananjapaj» nir. Jirucuy pita musyayta munar, liguinqui: Génesis 17.1–14; Josué 5.2–9; San Lucas 1.59; 2.21.

Manä

Unay Israel runacuna Egipto marcapita jishpichish car, chaqui

pacha quinrallanchu juyaran. Micunanpaj mana captin, Tayta Diosninchi «manä» nishan micuyta camaripuran. Waran-waran tarichtin: «Janaj pachapita tantata shicwachimun» nir runacuna shuntaj. Jamay junajmi ichanga mana shicwachimurancho. Chay micuywan chuscu chunca watantin Israel runacuna cawaran. Manäpita musyayta munar, liguinqui: Éxodo 16.1–36; Números 11.4–9; San Juan 6.31; Hebreos 9.4.

Mandaj César

César Roma marcapa mandajnin caran. Munayniyuj car, Roma marcapita-pacha chay-chica marcapita maquinchu purichiran. Jesús yurishan wichan Augusto César mandaycaran. Chaypita Tiberio Césarna mandaj cayman yaycuran. Payga Ushyachicuj Juan willapacushan wichan mandaran. Tiberio Césarta Calígula César rucaran. Calígula Césarpa rucanna Claudio César yaycuran. Payga Pablo willapacur purishan wichan mandaran. Chaypita mandaj Claudio Césarpa rucan Nerón Césarna yaycuran. Pay mandaycaptin, Roma marcachu Pablo wañuyta tariran. Musyayta munar, liguinqui: San Lucas 2.1; San Juan 19.12; Hechos 11.28; 18.1–2.

Marcampa nanachicuj

Marcampa nanachicuj runata waquin Bibliachu: «Celote» nin. Waquinchüna: «Cananeo» nin. Chay-niraj runacuna Israel runa cashpan jäpa runacunata sumaj chiquij. Griego runatawan Roma runata ricaytapis mana munaranchu.

Chaymi jäpa auturdäcunata ticrapuj. Wañurachij. Simónpis Jesústa mana purishishancaman marcanpa nanachicuj caran. Musyayta munar, liguinqui: San Mateo 10.4; San Marcos 3.18; San Lucas 6.15; Hechos 1.13.

Moiséspa shimín

Unay Israel runacuna Egipto runacunapa maquinchu cawar, sumaj ñacaran. Chaymi Israel runacunata Moiséswan Tayta Diosninchi jishpichiran. Egipto marcapita jishpichir, «Sinaí» nishan chunyaj pachaman Moisés pushacuran. Chaychu juyaptin, shiminta Tayta Diosninchi musyachicuran. Alli ricanacunapaj sumaj tantiyachiran. Alli cawananta munar, niran: «Moisés, marca-masintiqui shimita wiyacärinquiman. Tantiyachishänuylla cawapäcunquiman. Wiyacuptiqui, jamcunallata alli ñawiwan ricashayqui.» Chaynuy willaptin, llapan Israel-masincunata Moisés tantiyachiran. Shiminta wiyar, juc shimilla runacuna niran: «Tayta Diosninchipa shiminta llap-llapanta çharcushaj.» Moisés yaçhachishanpita Tayta Diosninchipa shiminta runacuna ricsiran: «Moiséspa shimín» nir. Bibliachu pichga libruta ricsin: «Moiséspa shimín» nir, castillänuçhüna: «ley de Moisés» nir. Chay librucuna caycan: Génesis, Éxodo, Levítico, Números, Deuteronomio.

Pascua fiesta

Pascua fiesta Israel runacunapa jatun fiestan. Unayga Egipto marcachu juyar, paycuna sumaj ñacaran. Egipto marca mandajnin

mana llaquipaypa aruchiran. Maquillanchu purichir, caçhariyta mana munaranchu. Chaymi Israel runacuna sumaj mañacuptin, mañacushanta Tayta Diosninchi wiyaran. Moiséswan jishpichimuran. Jishpichimunanpaj llapan Egipto marca jichpa ullgucunatapis, uywancunapa jichpa urguntapis wañuchicuj anjilninwan Tayta Diosninchi ushyaran. Israel jichpa-cajcunatam ichanga washaran. Chaymi canancaman Tayta Diosninchi jishpichimushanta yarpar, watan-watan Israel runacuna Pascua fiestata rurapäcun. Pascua fiestapita musyayta munar, liguinqui: Éxodo 12.1–51; Levítico 23.4–8; Números 9.1–14; Deuteronomio 16.1–8; San Marcos 14.12–25; 1 Corintios 5.6–8.

Pentecostés fiesta

Israel runacuna Pentecostés fiestata ricsin: «Micuy shuntay fiesta» nir. Pascua fiesta ushyar-cuptin, pichga çhunca (50) junajpitara Pentecostés fiestata rurapäcun. Murupacushan sibäda alli wayushanpita Tayta Diosninchita jarar, fiestatapis rurapäcun. Paycuna llapan shungunwan cushicun Egipto marcapita jishpichimushanpita, micuyta tarichishanpita, juchanta Tayta Diosninchi jungashanpita.

Chay fiestaçu Jesúsman yupachicushanpita irmänucunata Espíritu Santupis chari-curcusha. Chay fiestapita musyayta munar, liguinqui: Éxodo 34.21–24; Levítico 23.15–22; Números 28.26–31; Deuteronomio 16.9–12; Hechos 2.1–4.

Poncio Pilato

Jesús cawashan wichan Judea quinran marcacunata Poncio Pilato mandaycaran. Chaychu Israel runacunatapis, Roma marca murucunatapis maquinchu purichiran. Jesústapis wañuchiya munaptin, mandaj Pilato auniran. Murucunawan ruschu wañuycachiran. Mandaj Pilatupita musyayta munar, liguinqui: San Mateo 27.1–66; San Marcos 15.1–15; San Lucas 3.1; 23.1–24; San Juan 18.28–19.42.

Purichina jiru chaqui capilla

Unay Israel runacuna uywapa-cullar cawaj. Chaymi jiwata ashir, yacuta ashir, uywanta jatipashpan chacran-chacran, marcan-marcan aywaj. Chaypitam paycuna wasinta mana tapyajchu. Mana pirgajchu. Manchäga purichina jiru chaqui wasillachu tiyaj. Jucläpa aywar, pascariycur chayllata apacärij. Maymanpis chayar, yapay jatarachij. Chaymi paycunata Tayta Diosninchi niran: «Yanagäshayqui. Wasita rurapamay.» Niptin, purichina jiru chaqui wasillata rurapuran. Chay wasillachu Tayta Diosninchita jaraj. Castellänuchu purichina jiru chaqui capillata ricsin: «Tabernáculo» nir, «Santuario» nir. Jipataraj Canaán marcachu tiyaycaptin, Jerusalén marcachu Tayta Diosninchipa wasinta pirgaypa jatarachiran. Purichina jiru chaqui capillapita musyayta munar, liguinqui: Éxodo 21.1–40.38; Hebreos 8.1–5; 9.1–10.

Purishjicuna

Unay Israel runacuna Moisés-pa shiminta sumaj yaçhacuyta munar,

yaçhaj runata purishiran. Purir, yaçhaj rurashanpita, rimashanpita yaçhacuran. Yaçhacuyta munaj-cunata ricsin: «purishjicuna» nir. Jesúspis Tayta Diosninchipa shiminta tantiyachicur, waquin runata jayaran: «Purishimay» nir. Castellänuchu purishjicunata ricsin: «discípulos» nir. Purishjicunapita musyayta munar, liguinqui: San Mateo 4.18–22; 10.1–4; San Marcos 1.16–20; San Lucas 5.1–11, 27–31; 6.12–16; 14.25–33; San Juan 1.35–51.

Roma runacuna

«Italia» nishan marcapa jatun marcan caycan Roma. Chay runacunata ricsiran: «Roma runacuna» nir. Roma marca jatun captin, murucuncunawan achca jäpa marcacunaman yaycapuran. Ichipushan runacunata maquinchu purichiran. Israel runacunatapis maquinchu purichiran. Jesús cawashan wichanpis Galilea quinran marcacunata, Judea quinran marcacunata, Jerusalén marcata maquinchu purichiran. Israel runacuna Roma runacunata chiquij ichipushanpita, jillay-ninta shuntachishanpita. Waquin Israel mayur runacunalla Roma mandaj runawan alli ricanacuj. Roma runacunapita musyayta munar, liguinqui: San Mateo 2.16; 27.1–66; San Marcos 6.14–29; 12.13–17; San Lucas 2.1–5; 23.1–12; San Juan 11.45–53; Hechos 22.22–29; 25.1–12.

Rus

Unay runacuna pasaypa juyu runacunallata tushman läbaycur

wañuchij. Jesús cawashan wichan Roma marca mandajcuna juyu runata sumaj ñacachir ruschu wañuchij. Waquin runa sumaj ñacar, ishca-y-quimsa junajtaraj wañuj. Taytanchi Jesústapis ruschu wañuchiran. Ichanga mana juyu runa cashanpitachu. Payga juchaynaj caran. Musyayta munar, liguinqui: San Mateo 20.17–19; 27.15–56; San Marcos 15.6–41; San Lucas 23.11–49; San Juan 19.1–42.

Saduceu runacuna

Israel marcachu waquin runacuna Moiséspa shimillanta éharcuyta munaj. Llapan-yupay cūra caran. Chaypis munay-niyuj car, alli-tucushpan marca-masincunata pampaman éhuraj. Chay-niraj runacunata ricsiran: «Saduceu runacuna» nir. Saduceu runacuna mayur runa caynin-janan Roma mandajcunawan alli ricanacuran. Saduceu cūracunalla watan-watan juc mandaj cūrata acracuran sisynninchu mandanapaj, Tayta Diosninchita jarar marca-masincunapaj mañacupunanapaj. Saduceucunapita musyayta munar, liguinqui: San Mateo 3.7–12; 22.23–33; 26.3–5, 57–67; San Marcos 14.53–65; San Juan 18.12–24; Hechos 5.17–42.

Samaria runacuna

Moisés wañucuptin, Canaán marcaman Israel-masincunata pushacurcur, Josué yaycapuran. Chay marca jatun marca caran. Chay marcachu juyarna, Jacobpa willcancuna cashpan chunca ishca-ywan marcaman raquicaran. Jipata mayur cūra Samuel juclla-

charan. Shacyächiran Tayta Diosninchita manchapacunanapaj, juc shungulla cawanapaj. Chaypita mandaj Saulpis, mandaj Davidpis, mandaj Salomónpis Israel marca-masincunata sumaj ricaran. Maquinchu purichiran. Marca-masincunata mandaj Salomón alläpa ñacachirmi ichanga, wañucuptin, Israel runacuna ishca-y marcaman raquicaran. Janachu Israel marca ricacuran; urachüna, Judá marca. Jipataraj jäpa murucucuna Israel marcaman yaycapur, Israel runacunata marcanpa apacuran. Jipataraj jinanachu tiyaj runacunata ricsiran: «Samaria runacuna» nir. Paycuna mana Israel runacuna yaçhacashannuyllachu cawaran. Chaypis Tayta Diosninchita manchapacuran. Ichanga mana Jerusalén marcachüchu; manchäga juc pachaachu. Judá marcachu tiyaj Israel runacuna Samaria runacunata ricayta mana munaranchu. Samaria runacunapita musyayta munar, liguinqui: San Lucas 9.51–56; 10.25–37; San Juan 4.1–42; 8.48.

Shuntacäna wasi

Israel marcacunaachu shuntacäna wasicuna mana pishijchu. Jerusalén marcachu Tayta Diosninchipa wasin captinsi, achca shuntacäna wasi caran. Chay wasicunaachu Israel runacuna Tayta Diosninchita manchapacuj. Mañacuj. Shiminta liguir, tantiyachinacuj. Pishipacujcunata yanapānanpaj jillayta éhuraj. Shuntacäna wasichu wamracunapis Tayta Diosninchipa shiminta liguiyta yaçhacuj. Mayur runacunapis marca-masincunata sumaj ricananpaj jutucuj.

Castilllänuchu shuntacäna wasita ricsin: «sinagoga» nir. Shuntacäna wasipita musyayta munar, liguinqui: San Mateo 9.18–26; 12.9–14; San Marcos 1.21–28; San Lucas 4.16–30; Hechos 13.13–16.

Supay

Supaycuna, shapshicucuna mana pishinchu. Bibliachüpis paycunapita riman. Castilllänuchu mayur supayta ricsin: «Diablu» nir. Griego rimaychu: «Diablu» ninanta: «tumpacuj, ticrapuj» nin. Hebreo rimaychüna ricsin: «Satanás» nir. Chaynuypis ricsin: «Beelzebul» nir. Supaycuna Tayta Diosninchita chiquin. Runacunatana pucllacun. Ñacachin. Jishyächin. Juchaman janchan. Tayta Diosninchipa ñaupanchüpis irmänucunata tumpan. Supaypita musyayta munar, liguinqui: San Mateo 4.1–11; 9.32–34; 12.22–32; San Marcos 1.12–13; 3.20–30; 7.24–30; San Lucas 10.17–20; 22.1–6; Hechos 5.1–11; 13.10; 1 Corintios 10.14–22; Apocalipsis 18.2.

Tayta Diosninchipa wasin

Unay wichan chaqui pacha quinranchu Israel runacuna juyar, Tayta Diosninchipa wasinta ruraran. Chay wasi purichina jiru chaqui capilla caran. Jipataraj marcacunachu juyar, Jerusalén marcachu Tayta Diosninchipa wasinta pirgaypa jatarachiran. Sumaj cuyayllapaj jatun wasita rurapuraran. Chay wasichu runacuna apamushan cuyachicuyntapis, jaracuyntapis Tayta Diosninchita cüracuna jaraj. Chaynuypis

runa-masincunapaj mañacapuj. Castilllänuchu Tayta Diosninchipa wasinta ricsin: «templo» nir. Purichina capilla captinsi, jatun wasi captinsi, Israel runacuna sumaj cushicuraran: «Wasin captin, Tayta Diosninchipa yanagaycämanchi» nir. Tayta Diosninchipa wasinpita musyayta munar, liguinqui: 1 Reyes 5.1–6.38; 1 Crónicas 28.1–29.22; 2 Crónicas 2.1–7.11; Esdras 3.1–6.22; San Mateo 21.12–17; San Lucas 2.22–52; Hechos 3.1–10.

Tayta Diosninchipaj raquishan

Israel runacuna Tayta Diosninchipa maquinchu cawar, murupacushanpa wawanta, uywancunapa mirashanta chuncapita juctacaman Tayta Diosninchipaj raquij. Castilllänuchu raquishanta ricsin: «diezmo» nir. Runacuna cuyachicuyntapis, jarayntapis Tayta Diosninchipaj churaj. Chuncapita juctacaman raquishanta musyayta munar, liguinqui: Génesis 14.20; 28.20–22; Números 18.25–32; Deuteronomio 12.5–19; 2 Crónicas 31.2–8; Nehemías 13.4–14; San Mateo 23.23; San Lucas 18.9–14; Hebreos 7.1–10. Chaynuypis «**impuistu**» nir isquirbirashanta liguinqui.

Tayta Diosninchita jaranan tullpa

Unay runacuna tucuy-niraj tullpata rurariycur uywata pishtaran. Nircur rupachiypa Tayta Diosninchita jaranan. Insinsutapis tullpachu saumachij. Waquin tullpa caycaran rumi janallanachu, waquinna rumi pirgashallanachu. Tacsha tullpatapis, jatun tullpatapis ruraran. Waquinta mitupita, brunsipita,

juripita ruraran. Castillänuchu tullpapita rimar: «altar» nin. Tullpacunapita musyayta munar, liguinqui: Génesis 8.20–22; 12.4–9; 13.2–18; 22.1–19; 35.1–15; Éxodo 17.14–16; 20.22–26; 27.1–8; 30.1–10; 37.26–38.7.


Willacujcuna

Tayta Diosninchi shungun yarpashanta musyachir, shiminta tantiyachir, willacujnincunawan musyachin. Willacujga warmi carsi, ullgu carsi, Tayta Diosninchipa shimillanta willacun. Chaypis waquin willacujcuna llullacun. Pantachicun. Castillänuchu


willacuj runata ricsin: «profeta» nir, willacuj warmita: «profetisa» nir. Paycunapita liguinqui: Jeremías 14.14–16; 23.16–32; Ezequiel 13.1–23; San Mateo 7.15–20; San Marcos 13.21–23; 2 San Pedro 2.1–22; 1 San Juan 4.1–6.

Bibliachu achca willacujcuna Tayta Diosninchipa shiminta isquirbiran. Chay librucuna willacujpa jutinta apan. Willacujcunapita musyayta munar, liguinqui: Génesis 20.1–18; Éxodo 7.1–7; 15.19–21; Deuteronomio 18.14–22; 34.10–12; Jueces 4.4–24; 2 Samuel 7.1–17; 1 Reyes 17.1–7.

Jesús cawashan wichan
Tayta Diosninchipa wasin



Tayta Diosninchipa wasin rurinchu



1. Tantata churananpaj acrash mīsa
2. Lamparin
3. Insinsuta saumachicuna tullpa
4. Chaparaj bayita
5. Unay parlanacunanpaj babul
6. Täparaj quirubincuna

